

# CHRONIQUES

## D'ENGVERRAN DE MONSTRELET

GENTIL-HOMME IADIS

DEMEVRANT A CAMBRAY EN

CAMBRESIS.

SECOND VOLUME.



A PARIS,

Chez MARC ORRY, rue saint Jacques au  
Lion rampant.

---

M. DCIII.

# CHRONIC

OF THE

OF THE

OF THE

OF THE

OF THE

OF THE



OF THE

OF THE

OF THE

OF THE

OF THE





N tresrenommé Philosophe nommé Vegece recite en vn sien liure qu'il feist de la vaillâce & prudence de cheualerie, que l'exercite des armes & de la continuation de batailler que eurent iadis les Romains, furent cause qu'ils subiuguèrent & dominerent la plus grād partie du monde. Laquelle recitation & qu'il ait ainsi est il semble estre veritable, par ce que engin subtil industrié & exercité d'armes fait plus souuent obtenir victoire que grande assemblée ne multitude de combatās. Et à dire la verité, peu de chose eust esté le petit nombre d'iceux Romains en leur temps au regard de toutes nations, s'ils n'eussent eu en autre maniere subtilité & instructio de combatre que n'auoient leurs aduersaires: mais ils estoient à ce du tout ordōnez, & de iour en iour continuoient en icelle exercite, par laquelle ils acquirent durant leur regnē grand renomēe & inestimable louange, qui aujourd' huy demoure par escrit en plusieurs liures: lesquels cleres, sages & eloquens philosophes & poētes ont fait & composé tant en metres comme en prose, & qui souuent deuant les Princes & grans seigneurs sont alleguez & volōtiers veuz & ouys pour les vertueuses entreprinſes & hardiesſes d'armes qui y sont escrites & trouuees. Si peut on considerer en ceste partie que le trespuissant Dieu, createur du ciel & de la terre, de sa grace dōne à vn chacun entendement par soy separer de tous autres, par lequel aucunes fois se fermēt en aucunes personnes diuerses imaginatiōs d'vne mesme chose, car nous voyons que les liures de plusieurs sciences cōposées par les sages anciens ont esté & sont adioultes aucunes choses, qui est à supposer icelles auoir esté précédētes à l'entendement d'iceux: lesquels n'en voulurent pour lors mettre n'escire, sinō ce qu'il leur sembloit que la matiere requeroit. Et ceux qui ce ont quis & trouué soit par entendement naturel, escriture ou experience entant que l'intention soit vtile & raisonnable, le doiuent benigne-  
mēt & agreablemēt retenir sans pour ce reprouer l'auteur. Et aussi nul ne se doit pas trop esmeruëiller si les hōmes ayans leurs engins appliquez à la guerre trouuent ou imaginent selon la qualité du temps aucunes nouuelles matieres, qui leur semble estre necessaires & conuenables à la conduicte d'icelle. Et qu'onques mais ils ne veirent ne sçeuirent les paroles qui leur viennent de leur propre entendemēt & imaginatiō, par l'ardant desir qu'ils ont aux besongnes, comprenās & considerans en eux mesmes les manieres qu'ils parçoient estre pour eux aduātager d'enuahir leurs ennemis, & eux deffendre d'eux, fāt par art & maniere louable, comme par proëſſe & vaillance de corps: dont tous hommes de noble courage qui se mettent à hanter & pourſuiuir icelle guerre par ordonnance, contraincte ou necessité conuenable, se doiuent de leur pouoir instruire & employer vaillamment & honorablemēt au bien de la chose publique, & aussi en particulier pour leur honneur & corps garder & deffendre, & en ce faisant peuuent acquerir grande recommandation. Et sans aucunement vouloir desroguer à la vaillâce & proëſſe des anciens preux en armes, ne diminuer leurs excellēs & nobles faits: Selon mon opinion on trouue aussi hautes & excellentes vaillāces de plusieurs manieres auoir esté faictes au temps dont

P R O L O G U E.

ceste presente hystoire ou chronique fera mention qu'en icelles, que par aua  
on peut auoir veu & ouy recorder: car par vſage & continuation ont eſté mis  
en cours moult de cruels & diuers habillemens de guerre, deſquels par aua  
n'eſtoir aucune memoire: pourquoy à l'occafion & ayde d'iceux avec autres  
ſubtilitez ont eſté commiſes & ſont aduenues diuerſes manieres de foy con  
duire entre la deſſuſdite guerre. Pour leſquelles l'amerier à memoire, recorda  
tion veritable, ie Enguerrand de Monſtrelet faiſant ma reſidence en la cité de  
Cambrai, qui autresfois ay prins laborieux plaifir à faire mettre par eſcrit par  
maniere de chronique les merueilleuſes aduentures & vaillances d'armes digne  
s de louange & recordation aduenues au treſchreſtien Royaume de France,  
eſ pays voiſins & eſ marches loingtaines, tant de la Chreſtienté, cōmo d'autre  
loy, au mien petit entendement ſans pollir les choſes, ne ſtir hors de là ma  
tiere, mais mettant le fait directement en enſuiuant les recitations qui faiçtes  
ont eſté à moy par pluſieurs hommes nobles & autres notables perſonnes, &  
auſſi par Rois d'Armes, Heraux & pourſuyuans dignes de foy & de credence,  
qui ont eſté preſens aux beſongnes: me ſuis remis à continuer & pourſuiuir ce  
que de long temps auoye & ay encommencée & à entendre les beſongnes,  
pour compiller ces preſentes hystoires, qui ſe comprennent comme on pour  
ra veoir à elles lire & ouyr en batailles mortelles, deſolations de pluſieurs Egli  
ſes, citez, villes, & fortereſſes, de population de moult de pays & autres mer  
cueilles pitueuſes à recorder, dont les vaillans & prudens hommes tant nobles  
comme autres qui longuement y ont expoſé corps & biens & ſouffert & en  
duré peine & trauail en perils de leurs corps, & que grand partie d'iceux y ont  
par vaillance ou par piroyable aduenture miſerablement finé leurs iours, doi  
uent eſtre bienheurez & guerdōnnez, en racomptant leurs vaillances, bonnes  
renommées & nobles faits, tant pour eux que leurs ſucceſſeurs, & doit eſtre de  
noncé par les viuans à durable memoire. A laquelle ouyr reciter toutes nobles  
perſonnes de vaillance & hardy courage ſe peuuent & doyuent reueiller  
à vouloir loyaument ſeruir leur Prince & ſeigneur droicturier, en gardant ſa  
querelle & bon droit. Et pour ces raiſons ay voulu mettre & par expoſer mon  
temps, comme dit eſt, en perſeuerant en icelle occupation: car avec ce ay aſſez  
apperceue & veu par experience ce qu'aucuns Princes & ſeigneurs de grandes  
auctoritez & de diuers eſtats ont priis plaifir à en veoir & ouyr aucune choſe,  
jaçoit ce que ce ne ſoit pas ſans peine d'enquerir, veiller & trauailler que tels  
faits ſe puiſſent auſſi par ordre aſſembler. Toutesſois de tant peu grieſue le tra  
uail comme l'acteur y prend plaifir quand il le fait liberallement. Si commen  
cera iceluy mō ſecōd liure au mois d'Octobre mille cccc.xxij. qui eſt la fin du  
premier volume par moy autresfois compoſé des hystoires precedentes. Et  
auſſi le commencement du regne de tre noble memoire Charles le bien in  
ſtruit par la grace de Dieu Roy de France ſeptieſme de ce nō, & finira ou mois  
de May, l'an mille cccc.xliij. Auquel mois & an ſe prendrent & fermerent les  
treſues d'entre les Royaumes de France & d'Angleterre en la ville de Tours  
en Touraine.

*S'en ſuit la table de ce preſent deuxieſme volume d'Enguerran de Monſtrelet.  
Et premierement.*



OMMENT les nouvelles de la mort du Roy Charles le bien aymé furent apportées au Duc de Touraine Dauphin son seul fils, & plusieurs autres matieres. 1.  
 Comment Charles Duc de Touraine Dauphin fut couronné apres la mort du Roy Charles son pere. 1.  
 Comment les Parisiens enuoyèrent leur ambassade en Angleterre deuers le Roy Henry & son conseil, & autres matieres. 2.  
 Comment les capitaines du Roy Charles s'assemblerent en grand nombre pour leuer le siege de Meulan. Et comment le Duc de Bethfort traicta à ceux dudit pont. 3.  
 Comment les François eschellerent & prindrent la forteresse de Dommar en Pontibieu, & plusieurs autres matieres. 3.  
 Comment les Ducs de Bethfort, de Bourgogne & de Bretagne vindrent à Amiens & firent alliance entre eux. 4.  
 Comment Pothon de Joinville Treille & Lyonnel de Vandonne firent armes en la presence du Duc de Bourgogne. 5.  
 Comment le Comte de Salzebery assiegea la forteresse de Montaguillon, laquelle se rendit à luy, & autres matieres. 6.  
 Comment le Roy Charles de France feit assieger la ville de Crenant par le Connestable d'Escoce & le Comte de Ventadour Auvernois. 7.  
 Comment messire Jacques de Harcourt tint parlemens avec messire Raoul le Bouteiller pour la reddition du Crotoy. 9.  
 Comment la ville de Compiègne fut remise en la main des Anglois. Et comment la ville & chasteil du Crotoy furent rendus au Duc de Bethfort. 11.  
 Comment deux maistres en ars furent enuoyez en la cité de Tournay pour admonester & entretenir le peuple en l'amour du Roy Charles, & autres matieres. 11.  
 Comment messire Jean de Luxembourg assiegea le chasteil de Vviège. Et comment

il feit une embusche où Pothon de Joinville Treille & ses compagnons furent desconfits. 12.  
 Comment en cest an grande quantité d'Anglois arriuerent à Calais, & autres matieres en brief. Et comment messire Jean de Luxembourg assiegea la ville de Guise, & plusieurs autres matieres. 12.  
 Comment le seigneur de Longueval & plusieurs autres seigneurs se tournèrent de la partie du Roy Charles. 13.  
 Comment le Duc de Bethfort alla à grand puissance tenir la iournée deuant Tury: laquelle ville & forteresse luy furent rendues. 14.  
 Comment le Duc de Bethfort poursuiuit les François & les combatit deuant l'erneuil. 14.  
 Comment ceux de la ville de Tournay s'esmeurent l'un contre l'autre. 16.  
 Comment ceux de Guise traictèrent avec messire Jean de Luxembourg & messire Thomas de Rampston. 16.  
 Comment les Ducs de Bethfort & de Bourgogne prindrent peine à appaiser les Ducs de Clocestre & de Brabant. 18.  
 Comment les Ducs de Clocestre & la Duchesse sa femme allerent de Calais en Hainault prendre l'obeissance des bonnes villes. Et comment le Duc de Bourgogne se prepara pour aller en l'ayde du Duc de Brabant son cousin. 18.  
 Comment le Duc de Clocestre enuoya vnes lettres au Duc de Bourgogne. Et la copie d'icelles. 19.  
 Copie des premieres lettres du Duc de Bourgogne enuoyees au Duc de Clocestre. 20.  
 Copie des secondes lettres enuoyees par le Duc de Clocestre au Duc de Bourgogne. 20.  
 Comment le Duc de Bourgogne retourna en Flandres. Et comment il reuoya vnes secondes lettres au Duc de Clocestre & la copie d'icelles. 21.  
 Comment la ville de Braine en Hainault fut destruite & desolée par les commis de

# TABLE DES CHAPITRES

Brabant & autres matieres.	22.	Cōment la forteresse de la Malle-maison qui estoit à l'Euesque de Cambray fut prinse par messire Iean Blondel, & autres matieres.	33.
Comment le Pape Martin enuoya vnes bulles au Duc Iean de Brabant & la teneur d'icelles.	23.	Comment messire Iean Blondel rendit la forteresse de la Malle-maison qu'il auoit prinse à l'Euesque de Cambray.	34.
Comment apres le departement du Duc de Clocestre la guerre s'esment en Hamault, & comment la Duchesse Iaqueline de Bauiere escriuit au Duc de Clocestre pour auoir secours & le contenu d'icelles lettres.	23.	Comment le Duc de Bourgongne retourna au pais de Hollande où il feist assaillir la ville de Hermonfort, & autres matieres.	34.
Comment le Duc de Bethfort & le Duc de Bourgongne se trouuerent ensemble en la ville de Dourlens & autres matieres ensuyuans.	25.	Comment en ce temps le Souldam de Babiloine escriuit lettres aux Princes Chrestiens, & la teneur d'icelles.	35.
Comment le Souldam & les Sarrazins delibererent d'aller conquerre tout le royaume de Chippre.	25.	Comment les Anglois vindrent en la Duchie de Bretagne où ils firent moult de maux & de grands dommages, & autres matieres.	35.
Comment le Duc de Bourgongne feist grandes preparacions pour combattre le Duc de Clocestre & autres matieres.	26.	Comment messire Iean de Luxembourg assiegea Beaumont en Argonne.	36.
Comment la Duchesse Iaqueline de Bauiere se partit & embla de la ville de Gand & s'en alla au pais de Hollande.	27.	Comment le traité se feist entre le Duc de Bourgongne & la Duchesse Iaqueline de Bauiere pour la guerre de Hollande, & le contenu d'iceluy.	37.
Comment le Duc de Bethfort meit ius le champ des Ducs de Bourgongne & de Clocestre & autres matieres.	27.	Comment le Comte de Salsbery vint en France à tout grās gens en l'ayde du Duc de Bethfort. Et comment le Duc de Bourgongne ramena la Duchesse Iaqueline de Bauiere en Hainault.	37.
Comment le seigneur de Siluatiier vint au pais de Hollande en l'ayde de la Duchesse Iaqueline de Bauiere.	28.	Comment ceux de Tournay s'esmeurent de rechief l'un contre l'autre.	38.
Comment le Duc de Bourgongne retourna en Hollande & assiegea la ville de Zenneuberche, laquelle se rendit à luy, & autres matieres.	29.	Comment le Côte de Salsbery conquist Iargueaux & plusieurs villes deuers Orleāns. Et comment le Duc de Bethfort voulut auoir les rentes des Eglises.	38.
Comment les Sarrazins retournerent en Chippre & eurent bataille aux Chippriens. En laquelle bataille le Roy fut prins & mené au Souldam.	29.	Comment le Comte de Salsbery assiegea la cite d'Orleans où il fut occis.	38.
Comment la forteresse de Moynes en Champagne fut reprinse des François, & comment sentence fut rendue pour le Duc Iean de Brabant & la forteresse d'Oripette en Prouence.	32.	Comment un prescheur nommé frere Thomas conuertit plusieurs personnes & abatit les boubans & atours des femmes en plusieurs parties.	39.
Comment le Duc de Bethfort feist assieger Montargis: Et comment le siege fut leué par les François & autres matieres.	32.	Comment grans tournoyemens se firent en la ville de Bruxelles.	40.
		Comment le Comte de Namur trespassa & fut le Duc de Bourgongne son heritier.	41.

Comment



- Comment les Anglois allans au secours du  
siege d'Orleans rencontrerent les Fran-  
çois qui les assaillirent. 41.
- Comment une pucelle nommee Ieanne vint  
deuers le Roy Charles à Chinon où il se  
tenoit. Et comment ledit Roy Charles la  
retint avec luy. 42.
- Comment de par le Roy Charles & ceux de  
la ville d'Orleans vindrent ambassa-  
deurs en la ville de Paris pour faire trai-  
cté au Duc de Bethfort, afin que laditte  
ville d'Orleans demourast paisible. 43.
- Comment la pucelle Ieanne & plusieurs no-  
bles capitaines François & de grand re-  
nom raffreschirent la noble ville & cité  
d'Orleans de viures & de gens d'armes:  
& depuis leuerent le siege. 43.
- Comment le Roy de France à la requeste de  
la Pucelle Ieanne & d'autres nobles ca-  
pitaines estans en la ville d'Orleans leur  
enuoya grans gens d'armes pour aller sur  
seraduers fairez. 44.
- Comment la Pucelle Ieanne, le Conneftable  
de France & le Duc d'Alençon & leurs  
routtes conquerirent la ville de Lagny.  
Et la bataille de Patay où les nobles François  
desconfirent les Anglois. 45.
- Comment le Duc de Bourgogne à la requé-  
ste du Duc de Bethfort s'en vint à Paris,  
où de nouuel ils reconfermerent leurs al-  
liances. 46.
- Comment le Roy Charles de France semoit  
sur les champs à tout grand foison de  
gens d'armes & de cheualiers, auquel  
voyage meit en son obeissance plusieurs  
villes & chasteaux. 47.
- Comment le Roy Charles de France à tout  
grande & noble cheualerie, & à tout  
grand nombre de gens d'armes s'en vint  
en la cité de Reims où il fut sacré par  
l'Archeuesque de Reims. 48.
- Comment le Duc de Bethfort feit moult grand  
assemblée de gens d'armes pour aller com-  
battre le Roy Charles. Et comment il luy  
enuoya vnes lettres. 48.
- Comment le Roy Charles de France & le  
Duc de Bethfort & leurs puissance ren-  
contrerent l'un l'autre vers le Mont Es-  
piloy. 49.
- Comment le Roy Charles de France enuoya  
ses ambassadeurs à Arras vers le Duc de  
Bourgogne. 50.
- Comment le seigneur de Longueval print le  
chasteau d'Ammarle sur les Anglois. 51.
- Comment la ville de Compiengne sercendit  
au Roy Charles. Et du retour des ambaf-  
sadeurs de France qui estoient allez vers  
le Duc de Bourgogne. 51.
- Comment le Roy de France feit assaillir la  
cité de Paris. 51.
- Comment le Duc de Bourgogne enuoya ses  
ambassadeurs à Amiens pour entretenir  
les habitans d'icelle ville de sa partie. 52.
- Comment le Roy Charles de France s'en re-  
tourna en Touraine & en Berry. 52.
- Comment le Duc Philippe de Bourgogne  
en grand appareil ramena sa seur en la  
cité de Paris au Duc de Bethfort son  
mary. 52.
- Comment les François & les Bourgongnons  
courroient l'un sur l'autre, nonobstant les  
tresues qui y estoient. 52.
- Comment le seigneur de Sauens & le ba-  
stard de saint Pol furent prins deuant  
Paris par les François. Et comment par  
d'autres François la ville de saint Denis  
fut prinse & eschelle. 54.
- De plusieurs conquestes que firent les An-  
glois. 51.
- Comment le Duc de Bourgogne se maria  
la tierce fois à ma damoyelle Iabel fille  
au Roy de Portugal. 55.
- Comment Estienne de Vignolles dit la Hire  
eschella & print la ville de Louiers en  
Normandie. 56.
- Comment en cest an le Duc de Bourgogne  
mist sus vne ordre qui fut nommee l'ordre  
de la Thoison. 56.
- Comment le seigneur de Creueueur & Ro-  
bert de Sauens furent rencontréz à  
† iiii

# TABLE DES CHAPITRES

<u>François en allant à Clermont en Beauuoisis.</u>	56.	<u>ville de Compiengne où ils leuerent le siege des Bourgongnons.</u>	64.
<u>Comment cinq François seirent armes à Arras contre cinq Bourgongnons, &amp; autres menues matieres.</u>	57.	<u>Comment le Marechal de Bouffac alla assieger le chasteil de Cleremont en Beauuoisis.</u>	67.
<u>Comment le Duc de Bourgongne à tout sa puissance alla loger deuant Gournay sur Aronde.</u>	57.	<u>Comment plusieurs Anglois &amp; Bourgongnois vucillans au commandement du Duc de Bourgongne aller assieger Garmigny furent reucontrez &amp; vaincus des François.</u>	67.
<u>Comment le Duc de Bourgongne alla mettre le siege deuant le chasteil &amp; forteresse de Chosly, lequel il cōquist en briefs iours.</u>	58.	<u>Comment les François demanderent à auoir bataille contre le Duc de Bourgongne &amp; à sa puissance, laquelle ledit Duc par son conseil ne voulut accorder &amp; autres matieres.</u>	68.
<u>Comment le Renc Duc de Bar mist le siege deuant Chappes empires Troyes en Champagne.</u>	59.	<u>Comment les gēs de messire Iean de Luxembourg prindrent le fort de S. Martin auquel ils furent tous morts &amp; prins.</u>	69.
<u>Comment Ieanne la Pucelle fut prinse des Bourgongnons deuant Compiengne.</u>	59.	<u>Comment Poibon de sainte Treille &amp; messire Loys de Vaucourt furent prins des Anglois.</u>	70.
<u>Comment le ieune Roy Henry d'Angleterre vint en France &amp; descendit à Calais.</u>	60.	<u>Comment Maillotin de Bours &amp; messire Hector de Flauise combattirēt l'un contre l'autre en la ville d'Arras.</u>	70.
<u>Comment apres la prinse de la Pucelle le Duc de Bourgongne &amp; ses gens se logerent deuant la ville de Compiengne.</u>	60.	<u>Comment les gens du Roy Charles voulurent prendre la ville de Corbie.</u>	71.
<u>Comment les Ligeois se meirent sus à puissance de communes &amp; vindrent en la Comté de Namur.</u>	60.	<u>Comment le seigneur de Barbazan mist siege deuant le chasteil d'Anglure que tenoient les gens du Duc de Bourgongne.</u>	71.
<u>Comment le Duc de Bourgongne enuoya le seigneur de Croy en la Comté de Namur contre les Ligeois.</u>	61.	<u>Comment Ieanne la Pucelle fut condamnée à estre arse &amp; mise à mort dedans la ville de Rouen.</u>	72.
<u>Comment le Comte de Hontidon vint deuant Compiengne en l'ayde du Duc de Bourgongne.</u>	61.	<u>Comment le Concile fut remis &amp; ordonné à Basle par la menace &amp; induction de l'Empereur.</u>	73.
<u>Comment un homme nommé Thomelaire &amp; ceux de Reims meirent le siege deuant Champigneux.</u>	62.	<u>Comment le Duc de Bar vint en la Comté de Vaudemont pour la conquerre à force.</u>	74.
<u>Comment le Duc Philippe de Brabant trespassa. Et comment le Duc de Bourgongne prind la possession de ladite Duché.</u>	62.	<u>Comment le Duc de Bar qui auoit assiege la ville de Vaudemont fut combattu du Comte de Vaudemont &amp; desconfit par luy &amp; ses aydants.</u>	75.
<u>Comment messire Iean de Luxembourg entreprint le gouuernement du siege de Compiengne, &amp; des ordonnances qu'il y feit, &amp; des autres matieres.</u>	63.	<u>Comment le ieune Roy Henry d'Angleterre vint à Paris à grand compaignie pour estre consacré à Roy de France.</u>	77.
<u>Comment le Prince d'Orange fut rüé ius par les François.</u>	63.	<u>Comment ceux que le Duc de Bar auoit laissés</u>	77.



DU SECOND VOLUME.

- sez deuant Vaudemont se departirent a-  
pres la bataille deffusdicte. 78.
- Comment messire Jean de Luxembourg as-  
sembla gens & sen alla en Champaigne  
cōtre les François ou il conquist plusieurs  
forteresses & autres matieres. 78.
- Comment le Duc d'Alençon print prisonnier  
le Chancelier de Bretagne. 79.
- Comment les François cūderent prendre le  
chastel de Rouen. 79.
- Comment les François prindrent le chastel  
de Dommar en Ponthieu, & emme-  
rent le seigneur prisonnier. 80.
- Comment messire Thomas Kiriel Anglois  
fut commis capitaine du chastel de Cler-  
mont en Beauuoisis. 81.
- Comment les habitans de Chauny sur Oise  
destruisent & desolerēt le chastel de leur  
ville. 81.
- Comment la ville de Chartres fut prinse par  
les gens du Roy Charles. 81.
- Comment le Cardinal de sainte Croix vint  
en France de par le S. Pere pour appaiser  
la guerre des parties deffusdictes. 81.
- Comment le Boulevert de Laigny sur Mar-  
ne fut prins des Anglois. 83.
- Comment Philebert de Vaudray gouverneur  
de Tonnoirre & le seigneur Damone al-  
lerent seruir le Duc de Bethfort. 84.
- Comment le Duc de Bethfort vint à grand  
puissance deuant la ville de Laigny sur  
Marne pour ayder & conforter les An-  
glois & Bourgongnons qui l'auoient as-  
siegee, lesquels en fin s'en partirent sans  
nul conquest. 84.
- Comment les Gamons seismeurent contre au-  
cuns des gouuerneurs de leur ville. 85.
- Comment messire Jean bastard de saint Pol  
& le seigneur du Humieres furent prins  
des François. 85.
- Comment plusieurs malesces furent fais &  
perpetrez es pays d'Amicnois, Santhois  
& Vimeu. 85.
- Comment le Damoisel de Commeres print  
la ville de Ligney en Barrois appartenāte  
à messire Jean de Luxembourg. 86.
- Comment la forteresse de la Boce vers Laon  
fut prinse des Bourgongnons lesquels se  
contrefirent Anglois & autres matie-  
res. 86.
- Comment frere Thomas alla à Romme où il  
fut ars. 87.
- Comment la Duchesse de Bethfort mou-  
rut. 87.
- Comment aucuns capitaines François passe-  
rent la riuiere de Somme pour courir en  
Artois. 87.
- Comment un Moine de l'ordre S. Benoist  
voulut prendre le chastel S. Ange à  
Romme. 87.
- Comment la paix fut traictee entre le Duc  
de Bar d'une part & le Comte de Vau-  
demont. 88.
- Comment la Duchesse de Bourgongne ac-  
coucha d'un fils en la ville de Gand. 88.
- Comment la paix fut traictee entre le Duc  
de Bar d'une part & les Comtes de saint  
Pol & de Ligney d'autre part. 88.
- Comment la guerre sefment entre messire  
Jean & messire Aniboine de Verrey d'u-  
ne part & le seigneur de Chasteau Vil-  
lain d'autre part. 88.
- Comment la paix fut traictee entre le Duc de  
Bourgongne & les Liegeois. 89.
- Comment le Duc de Bethfort qui se disoit  
Regent de France espousa la fille du Com-  
te de saint Pol. 89.
- Comment la ville de S. Valery en Ponthieu  
fut prinse des François. 89.
- Comment les Ducs de Bethfort & de Bour-  
gongne vindrent à S. Omer. 90.
- Comment en la cite de Tournay eut grand  
trouble & disention pour l'Euesque d'i-  
celle, à cause de la mort de l'Euesque d'a-  
udir lieu messire Jean de Torfy. 90.
- Comment les François feirent plusieurs con-  
questes sur les marches de Bourgongne.  
91.
- Comment le Duc de Bourgongne reconquist  
plusieurs forteresses que les François  
† 2

# TABLE DES CHAPITRES

auoient conquises en son pays de Bourgogne.	92.	à mettre le siege deuant Moreul & luy fut donnee la Comté d'Estampes.	97.
Comment Gilles de Postelles fut accusé de trahison dont il fut decapité.	92.	Comment le Pape Eugene fut en discord contre les Romains qui le voulurent tenir à Rome ouïre son gré.	97.
Comment les François eschellerent la ville de Cressy en Vallou, & plusieurs autres matieres.	92.	Comment le fort de saint Vincent empié Laon fut demoly. Et comment plusieurs forteresse furent conquises par les Bourgongnons.	97.
Comment le Duc de Bourgogne tint la iournee de Passy. Et comment il fist assieger la ville & forteresse d'Aualon.	92.	Comment le seigneur de Thalebot vint en France où il conquist plusieurs villes & forteresses.	97.
Comment Pierre de Luxembourg Comte de S. Pol assiegea la ville de saint Valery, auquel voyage il mourut.	93.	Comment le Comte d'Estampes reconquist la ville de saint Valery.	98.
Comment le seigneur de la Trimouille fut prins en l'hostel du Roy Charles & rendit la Vicomté de Thouars.	93.	Comment les François prindrent la ville de Han sur Somme en Vermandois.	98.
Comment Guillaume de Coroam rua ius lean de Beauvain. Et comment la forteresse de Haplaincourt fut reconquise par messire lean de Luxembourg.	94.	Comment la ville & forteresse de Chastellain furent mis en l'obeissance du Duc de Bourgogne.	99.
Comment les Comtes de saint Pol & de Lingny vindrent la iournee de Villiers le Carbonnel. Et depuis ruerent ius les François de la garnison de Laon.	94.	Comment à l'occasio de la guerre grans tailles furent faictes & cueillies sur le pays d'Arthois & autres à l'environ.	99.
Comment la Hire & plusieurs autres François coururent en Arthois & en Cambresis, mais ce fut deuant l'aduanture dessusdicté.	95.	Comment les capitaines du Duc de Bourgogne vindrent deuant Ville-Franche où estoit le Duc de Bourbon. Et comment apres ils assiegerent Belle-Ville, laquelle se rendit.	99.
Comment le Duc de Bourgogne tint la feste de la Thoyson d'Or en la ville de Dijon. Et comment il alla aux nocces du fils du Duc de Sauoye.	95.	Comment le seigneur de Villeby & Mathaigo Anglois, meirent le siege deuant saint Selerin. Et comment ils conquerirent premiers les François, & depuis iceux Anglois furent ruez ius & desconfits.	100.
Comment le Concile de Basle fut en cest an en grand estat tenu.	96.	Comment la Hire print malicieusement le seigneur d'Offemont.	100.
Comment la ville & le chasteil de Prouins en Brie que tenoient les François furent prins des Anglois & Bourgongnons. Et aussi comment la ville & forteresse de saint Valery fut reprise des François.	96.	Comment les communes de Normandie se leuerent contre les Anglois & leurs garnisons.	101.
Comment le Duc de Bourgogne retourna en ses pays de Bourgogne en Flandres & en Arthois, & emmena avec luy lean fils du Comte de Neuers, & autres matieres.	96.	Comment la Hire print le fort de Bretueil en Beauuoisis par force d'assault.	101.
Comment ledit lean de Neuers fut ordonné		Comment les Ducs de Bourgogne & de Bourbon conuindrent ensemble en la cité de Neuers sur traité & conuention de paix.	101.
		Comment aymé Duc de Sauoye se rendit hermité en un manoir nommé Ripaille.	101.
		Comment	

Comment les communes de Normandie se rassemblèrent en grand nombre & allèrent deuant la ville de Caen. 102.

Comment le Duc Philippe de Bourgogne avec la Duchesse sa femme retourna du pais de Bourgogne en Flandres & en Artois. 103.

Comment les François prindrent la ville de Rue sur les Anglois. 103.

Comment la Hire, Pothon, Philippe de la Tour & le seigneur de Fontaines desconfirent le Comte d'Arondel Anglois deuant le chasteil de Gerbroy. 104.

Comment le Duc de Bourgogne fut mal content & indigné sur ceux de la ville d'Anvers. 105.

Comment les François prindrent sur les Anglois la ville de saint Denis en France. 105.

Comment les François apres qu'ils eurent fait vnes lettres de tresues aux Bourgongnois sur les marches de Beauuoisis allèrent contre le pais de Boulenois & autres. 106.

Comment les Cardinaux de S. Croix & de Chippe vindrent à Arras pour estre au grand Parlement. 107.

Comment Loys de Luxembourg Comte de S. Pol, espousa Jeanne de Bar Comtesse de Marle & de Soissons. 107.

Comment les François furent ruez ius vers Reibels du bastard de Humieres. 107.

Comment les ambassadeurs du Roy Henry d'Angleterre vindrent à Arras pour estre au grand Parlement avec le Duc de Bourgogne. 107.

Comment les Ambassadeurs de France vindrent en grand nombre en la ville d'Arras pour estre au Parlement dessusdict. 107.

Comment messire Jean de Marle chevalier d'Espagne & le seigneur de Chagny furent armez l'un contre l'autre. 109.

Comment les François & Bourgongnois estians en la ville d'Arras estoient cordial-

lement ensemble l'un avec l'autre. 110.

Comment le Cardinal de Vincestre vint à Arras pour estre en la conuention qui là estoit assemblee. 110.

Comment durant le temps du Parlement d'Arras la Hire & Pothon vindrent courrir & soursager le pays du Duc de Bourgogne. 111.

Comment les Roys d'Aragon & de Navarre furent prins & desconfits deuant Gayette par l'armee du Duc de Milan. 111.

Comment le Cardinal de Vincestre à toute l'Ambassade des Anglois se partit de la ville d'Arras. Et comment autres ambassadeurs de plusieurs lieux vindrent en ladite ville. 112.

Comment la paix fut faicte & conseruee entre le Roy Charles de France & le Duc de Bourgogne en la ville d'Arras. 112.

Comment les Anglois assiegerent la ville de S. Denis en France, laquelle en fin leur fut rendue par traité. 119.

Comment Ysabel Roynie de France trespassa en la ville de Paris. 120.

Comment les Cardinaux & plusieurs autres ambassadeurs se departirent de la ville d'Arras. Et comment le Duc de Bourgogne constitua ses officiers es bonnes villes & fortresses à luy donnees & accordees par le traité dessusdit. 120.

Comment apres la paix d'Arras le Duc de Bourgogne enuoya aucuns de ses officiers d'armes deuers le Roy d'Angleterre & son conseil pour monstrer les causes de la paix qu'il auoit faicte au Roy de France. 120.

Comment le commun peuple de la cité d'Amiens s'esmeut pour les impositions qu'on vouloit mettre sus. 121.

Comment les François coururent & pillèrent le pays du Duc de Bourgogne apres la paix d'Arras. Et aussi comment le Marechal de Rieux print villes & fortresses en Normandie sur les Anglois. 122.

# TABLE DES CHAPITRES

- Comment les Anglois se commencerent à doubter des Bourgongnons qui menioient guerre avec eux contre le Roy de France, & ne voulerent plus conuerſer en leur cōpagnie & plusieurs autres matieres en brief. 123.
- Comment le Roy Henry d'Angleterre enuoya ſes lettres à ceux du pays de Hollande pour les attraire de ſa partie & la copie deſdites lettres. 124.
- Comment apres la paix d'Arras le Duc de Bourgogne conclut de faire & mener guerre aux Anglois. 125.
- Comment le Duc de Bourgogne avec aucuns de ſes priuex conſeillers ſe conclut d'aller aſſieger & conquerre la ville de Calais. 126.
- Comment la ville de Paris fut reduire en dōbeſſance au Roy Charles de France. 127.
- Comment Artus Comte de Richemont Cōneſtable de France ſeign guerre au Damoiſeau de Commerci. 128.
- Comment l'Eueſque du Liege & ſes Liegeois deſtrouſſerent Bouſeure & plusieurs autres fortereffes qui les guerroyent. 128.
- Comment les villes & fortereffes d'Ochimont furent deſtruites & denolies par le Damoiſeau Euerard de la Marche. 129.
- Comment les Anglois de Calais coururent vers Boulongne & Gravelines & deſconfirent les Flamens, & de la Hire qui gaigna Gisors & tantost le perdit. 130.
- Comment les Gantois & ceux du pais de Flandres ſeirent grand appareil de guerre pour aller deuant la ville de Calais. 130.
- Comment meſſire Iean de Croy Bailly de Hainault à tout plusieurs autres capitaines aſſaillit les Anglois dont il fut vaincu. 131.
- Comment les Flamens allerent aſſieger la ville de Calais, & comment ils ſ'en par tirent. 132.
- Comment meſſire Florimont de Brimen Se neſchal de Ponthieu conquiſt la ville du Crotoy. 137.
- Comment Humfroy Duc de Cloceſtre arriva à Calais à tout grand nombre de gens d'armes & entra en Flandres & en Arthois & es autres pays du Duc de Bourgogne où il ſeit moult de dōmages. 138.
- Comment les Flamens ſe remeirent en armes depuis qu'ils furent retournez de Calais en leurs villes. 138.
- Comment la Hire print la ville & fortereffe de Soiſſons, & autres matieres. 139.
- Comment la Ducheffe de Bethfort ſœur au Comte de ſainct Pol ſe remaria de ſa franche voulentié. Et comment Charles de Seuille traicta avec le Duc de Bourgogne à cauſe de ſa deliurance. Et comment les Anglois reprindrent la ville de Ponthoiſe. 140.
- Comment le Roy d'Eſcoce fut meurdry par nuit en ſa chābre par le Comte d'Atbelles ſon oncle & autres matieres. 140.
- Comment la Hire, Porbon & plusieurs autres capitaines du Roy de France euidement auoir la ville de Rouen. Et comment ils furent aſſaillis & deſconfits des Anglois qui les ſurprindrent en leurs logis. 142.
- Comment ceux de Bruges ſeſmeurent contre leur Prince & ſes officiers, & y eut grand debat & grand occiſion. 142.
- Comment le Bourg de la Hire courtut & ſeit moult de manlx es marches de Peronne, Roye & Montdidier. 144.
- Comment plusieurs capitaines François au commandement du Roy Charles de France allerent reconquerir plusieurs villes & fortereffes que tenoient les Anglois. Et comment ledit Roy en ſa propre perſonne alla deuant la ville de Meſtreau-ou-faut-Yonne, laquelle il reconquiſt. 144.
- Comment ceux de Bruges iſirent par plusieurs fois, hors de la ville, & allerent fourrager le plat paſſ. 145.

Comment



Comment les Anglois reconquirent la ville  
de Fescamp en Normandie. 145.

Comment le seigneur d'Offemont print la  
Hire prisonnier où il iouoit à la paulme  
en la cité de Beannais. 146.

Comment le Roy Charles de France feit  
sa premiere entrée en la ville de Paris de  
puis qu'elle fut reduite en son obeissance,  
& les preparacions qu'on y feit. 147.

Comment les Bugelins se commencerent à  
amoderer & enuoyerent leurs ambassa-  
deurs deuers le Duc de Bourgogne pour  
auoir paix. 148.

Comment le seigneur d'Auxi, messire Flor-  
mont de Brimeu Seneschal de Pontieu  
& d'Abbeuille allerent assieger le Cro-  
toy. 148.

Comment plusieurs capitaines François à  
tout grand nombre de gens de guerre qu'il  
appella escorceurs vindrent au pays de  
Hainault. 150.

Comment grans pestilences & famines su-  
rent en cest an. 151.

Comment les Gantois firent nouuelle mu-  
tation & se meirent en armes, dont les  
Feux furent les principaux. 151.

Comment le traité se feit entre le Duc de  
Bourgogne & ceux de la ville de Bru-  
ges. 154.

Comment la guerre se resmeut entre la Duché  
de Bar & la Comté de Vaudemont. 151.

Comment la famine, la guerre & la pesti-  
lence fut grande & merueilleuse en plu-  
sieurs pays. 155.

Comment le seigneur Thalebot, messire Tho-  
mas Kiriel & aucuns autres capitaines  
Anglois conquerirent Longueville & plu-  
sieurs autres fortresses sur les Fran-  
çois. 156.

Comment le traité du mariage fut fait en-  
tre le fils du Roy de Nauarre & la  
damoiselle de Cleues niece au Duc de  
Bourgogne. 156.

Comment les villes & chasteaux de Mon-  
targis & Cheureufes furent mis en l'o-  
beissance du Roy Charles de France. 156.

Comment il y auoit grand discord entre le  
Pape Eugene, entre le conseil de Basse, &  
autres matieres. 156.

Comment le Comte d'Eu qui estoit prison-  
nier en Angleterre retourna en France,  
& des armes qu'il feit. 157.

Comment la Hire, Blanchefort & plusieurs  
autres capitaines du Roy Charles cour-  
rurent es Allemagnes. 157.

Comment le Comte d'Estampes repriut la  
forteresse de Raoullet sur les gens du se-  
igneur de Moy, & autres matieres. 158.

Comment une assemblee se feit entre Calais  
& Graucines du Cardinal d'Angle-  
terre & de la Duchesse de Bourgogne,  
pour trouuer maniere d'auoir paix final-  
le entre les parties de France & d'An-  
gleterre. 158.

Comment le Roy de France contrainct Rod-  
rique de Villandra lequel gassoit & tra-  
uailloit son pays, d'aller guerroyer sur les  
Anglois. 159.

Comment le Pape Eugene enuoya ses lettres  
en plusieurs lieux de la Chrestienté & la  
teneur d'icelles. 159.

Comment messire Jean de Luxembourg en-  
uoya ses lettres aux cheualiers de la toï-  
son de ce qu'il se sentoit en l'indignation  
du Duc de Bourgogne. 163.

Comment le Comte de Richemont Connestable  
de France print la ville de Meaux  
en Brie sur les Anglois. 164.

Comment messire Jean de Luxembourg en-  
uoya lettres deuers le grand conseil du  
Duc de Bourgogne, & la teneur d'icel-  
les. 166.

Comment le Roy Charles de France enuoya  
Dame Katherine sa fille deuers le Duc de  
Bourgogne pour l'accomplissement de la  
promesse du mariage d'icelle dame & du  
Comte de Charralois fils audit Duc. 167.

Comment le bastard de Bourbon print la vil-  
le de la Motte en Lorraine. 168.

Comment plusieurs notables ambassadeurs

# TABLE DES CHAPITRES

- fasssemblerent entre Grauelines & Calais sur le fait du parlement qui se devoit tenir & faire entre les Roys de France & d'Angleterre. 169.
- Comment les Anglois vindrent au pays de Santhois où ils prindrent le chastel de Folleuille, & y firent moult d'autres maux & cruautéz. 170.
- Comment le Daulphin, & le Duc de Bourbon & plusieurs autres seigneurs se departirent du Roy Charles de France. 171.
- Comment les François coururent en la terre de Nielle, appartenant à messire Jean de Luxembourg. 172.
- Comment le Comte de Sombresset à tout grand puissance d'Anglois assiegea la ville de Harfleur. 173.
- Comment un grand seigneur du pays de Bretagne nommé le seigneur de Raix fut accusé d'herésie. 174.
- Comment Pierre Regnault frere bastard de la Hire alla fourrager les pays d'entour Abbeville. 175.
- Comment les ambassadeurs de France, d'Angleterre & de Bourgogne vindrent à Calais pour traicter la paix finale. 176.
- Comment les Barrois & Lorrains coururent en la Comté de Vaudemont où ils firent moult de maux & de grans desrois. 176.
- Comment le Duc d'Orleans fut delivré de la prison d'Angleterre par le moyen du Duc de Bourgogne & espousa la damoiselle de Cleues neepee au Duc de Bourgogne. 176.
- Comment le Roy de France alla à Troyes en Champagne, & comment plusieurs villes & forteresses se meirent en son obeissance, & autres matieres. 182.
- Comment les Anglois qui se tenoient au chastel de Folleuille faisoient moult de maux en Amiennois & es pays d'environ, & desconfirent aucuns seigneurs Picards & leurs gens, qui les assaillirent. 183.
- Comment les gens du Comte de S. Pol desroutèrent aucuns des seruiteurs du Roy de France qui ramenoient des habillemens de guerre tant de la cité de Tournay comme d'ailleurs, & l'amende que ledit Comte de S. Pol en feit. 183.
- Comment la Duchesse de Bourgogne vint à Laon deuers le Roy pour faire aucunes requestes, & autres matieres. 184.
- Comment la Duchesse de Bourgogne se partit du Roy Charles estant à Laon, & retourna au Quenoy où alors estoit le Duc de Bourgogne son mary. 186.
- Comment la forteresse de Montagu appartenant au Damosseau de Commeris fut abbatue & desolée par le commandement du Duc de Bourgogne. 186.
- Comment le Roy de France alla mettre le siege deuant la ville de Creil, laquelle il conquist. 186.
- Comment le Roy de France alla assieger la ville & forteresse de Ponthoise, laquelle en fin il conquist d'assault. 187.
- Comment le Duc d'Orléans souverain gouverneur de Normandie pour le Roy d'Angleterre, vint vers la ville de Ponthoise pour cuidier leuer le siege du Roy de France. 188.
- Comment le Duc d'Orléans retourna de France deuers le Duc de Bourgogne. 191.
- S'ensuit la copie des instructions enuoyées au Roy Charles de France par les seigneurs qui estoient assemblez à Nevers. Et les responses faictes par ceux de son grand conseil, & les requestes faictes par les desussdits. 191.
- Responses faicte par le Roy ausdictes articles. 191.
- Comment le Roy Charles de France feit grand assemblee de gens d'armes avec lesquels alla tenir la iournée de TARTAS, à laquelle iournée les Anglois ne comparurent point. 195.
- Comment le Roy de France apres la iournée de TARTAS s'en alla loger deuant saint Sener



DU SECOND VOLUME.

Seuer chef du pays de Gascongne, & con- quist ladite ville & chasteil, & autres plusieurs places audic pays.	196	S'ensuit les articles sur le fait des armes de pied.	199
Comment Pierre Regnauld fut par force de- boute de la forteresse de Milly.	197	Comment le Duc de Bourgogne enuoya le Comte d'Estampes à tout grand puissance de gens d'armes en la Duché de Luxem- bourg.	199
Comment le Roy de France fit grand assem- blee de gens d'armes pour aller en Nor- mandie. Et d'aucunes courses & conque- stes que le Comte de Sombreffet fit au pays d'Aniou & ailleurs sur les Fran- çois.	198	Comment le Duc de Bourgogne meit la Du- ché de Luxembourg en son obeysance.	200
Comment aucuns cheualiers & gentils-ho- mes de la cour du Duc de Bourgogne en- treprendrent un fait d'armes par la ma- niere cy apres declaree.	198	Comment aucuns des gens du Dauphin se i- rerent vers le pays de Bourgogne, lesquels furent ruez ius par le Marechal de Bour- gogne & les siens.	203
Comment du mandement dessusdit les ar- mes furent faites & les noms de ceux qui deuoient faire lesdites armes.	198	Comment unes trefues furent faictes & donnees entre les Roys de France & d'Angleterre & tous leurs parens & amis, alliez & subiects.	203

Cy finist la table des Chapitres du second volume  
d'Enguerran de Monstrelet.





## LE SECOND

VOLVME DES CHRONIQUES

D'ENGVERRAN DE

MONSTRELET.

*Comment les nouuelles de la mort du Roy Charles le bien-aymé furent  
apportées au Duc de Touraine Daulphin son seul fils, & autres  
plusieurs matieres.*



N l'an mille quatre cens xxij. au mois d'Octobre  
dessusdit, furēt portées les nouuelles du trespas du  
Roy Charles le bien-aymé au Duc de Touraine  
Daulphin son seul fils, lequel estoit empres le Puy  
en Auvergne en vn petit chastel nommé Espally,  
qui estoit à l'Euesque du Puy. Lequel Daulphin  
oyant les nouuelles dessusdictes, en eut au cuer  
grand tristesse, & plora tres-abôdamment: & pre-  
stement par l'ordonnance de son Conseil fut vestu  
de noir pour la premiere iournée: & le lendemain  
à sa messe fut vestu d'une robe de vermeil, & y auoit plusieurs officiers  
d'armes vestus de leurs blasons: si fut lors leuée vne banniere de France de  
la chappelle: & adonc lesdits officiers commencerent à crier haut & cler,  
*viue le Roy.* Apres lequel cry fut faicte l'office de l'Eglise, & n'y fut fait pour  
lors autre solennité, & de ce iour en auant tous ceux tenans son party le  
nommerent Roy de France.

ITEM apres ce que le Duc Philippe de Bourgogne fut retourné en  
Arthois depuis la mort du Roy d'Angleterre, il assembla plusieurs de ses  
Capitaines dedans Arras: & fut conclud que messire Jean de Luxembourg  
assembleroit gens pour subiuguer les Daulphinois de la Comté de Guise,  
& du pays enuiron: lesquels trauailloient grandement les marches de Câ-  
brefis & de Vermandois, & sur ce les assembla autour de Peronne, & en  
ces iours fut le seigneur de l'Isle Adam mis à plaine deliurance, à la requê-  
ste du Duc Philippe de Bourgogne, lequel par long temps auoit esté de-  
tenu prisonnier dedans la Bastille S. Anthoine par l'ordonnance du Roy  
Henry d'Angleterre defunct, & fut remis & restitué en ses biens, & avec  
ce en partie de ses offices. Itē en ce mesme temps furent enuoyez plusieurs

A

*l'Isle Adam  
deliuré de  
prison.*

*Saint Valery  
rendu.*

Cheualiers, & Escuyers de Pycardie à la journée de S. Vvalery, pour sommer messire Jaques de Harcourt de le rendre comme promis l'auoit: lequel apres ladicte sommation leur feit faire ouuerture de ladicte ville de Saint Vvalery, & en demoura Capitaine messire Jean Blondel. La nuit de S. Martin d'huiuer de cest an par certain moyen fait par auant, la ville de Rue fut rendue en la main de messire Jaques de Harcourt: auquel ceux de la ville se firent serment & feauté pour & au nom du Daulphin, en violant la paix finale, qu'autresfois auoient iurée, & y commit ledit messire Jaques pour Capitaine le Seigneur de Verduisant. Et pource qu'il auoit pou de gens pour fournir ses forteresses, manda aucuns de ceux de la Comté de Guise: lesquels gens venus par deuers luy trauaillerent moult le pais par leurs courtes. Item en ce mesme temps fut prins dedés le chastel de Thoyfi sur Oyse le Seigneur Bosqueaux, lequel par grand temps auoit eu tref-grád regne en tenant le party du Daulphin & d'Orleans: si fut mené à Paris, où il fut decapité & escartellé: pource que long temps par auant il auoit occis, & mis à mort par haine qu'il auoit à luy, Messire Guy de Harcourt Bailif de Vermandois.

*Le Seigneur  
de Bosqueaux  
prins & de-  
capité.*

*Comment Charles Duc de Touraine Daulphin fut couronné apres  
la mort du Roy Charles son pere.*



PRES la mort du Roy Charles de France dessusdit, son seul fils Charles Duc de Touraine Daulphin, par le cōseil de ses Princes se feit couronner, & esleuer à Roy de France, en la ville de Poitiers: & de ceiour en auant par tous ceux tenās son party fut nommé Roy de France, comme estoit son pere en son viuant. Et vn pou parauant auoit il esté en grand peril de sa vie en la ville de la Rochelle: car en tenant son Conseil avec ses Barons, cheut vne partie de la chambre où il estoit, & y fut mort Iean de Bourbon Seigneur de Preaux & aucuns autres. Et mesmement ledit Daulphin y fut vn pou blessé: mais ses gens le tirerent hastiuement hors du peril, & le menerent en autre lieu plus seur, où en brief temps il fut réparé, & mis en bonne santé. En cest an fut prins Messire Manshart d'Esue dedans le chastel de Vitry, dont il fut Capitaine & Gouverneur, & fut prins par la Hyre tenāt le party du Daulphin, comme faisoit ledit Mans-hart: & nonobstant que par long temps ils eussent esté bien amis ensemble par semblant, si fust ledit Messire Mans-hart desseuré de tous ses biens, de sa forteresse: & avec ce fut mis à rançon à tref-grand somme de deniers, & si fut par long tēps detenu prisonnier bien destroitement. Et comme il fut commune renommée, Iean Raoulet avec la Hyre fut consentant de luy bailler ceste gabe de Puille. Item Messire Iean de Luxembourg, & tous ses Gens-d'armes, qu'il auoit assemblez autour de Peronne (comme dit est) alla en la Comté de Guise, & es marches d'entour, où il conquist en assez brief temps les forteresses de Buiffy sur fontaines, Proisy, & aucunes autres, & apres s'en retourna à tout ses capitaines, auxquels il donna congé, & s'en retournerent chacun en leurs propres lieux.

*Comment*



*Comment les Parisiens enuoyerent leur Ambassade en Angleterre deuers le ieune Roy Henry, & son Conseil, & autres matieres.*

**E**N cest an, & en ce temps enuoyerent les Parisiens, & ceux du grand Conseil du ieune Roy Henry d'Angleterre au Conseil dudit Roy, & de la Roynie, vne Ambassade solennel pour faire requeste, que brief enliuiuant fut enuoyé en France vn certain nombre de combattans, pour resister aux entreprises, que chacun iour faisoient les gens du nouuel Roy Charles n'agueres Dauphin de Viennois. En laquelle Ambassade allerent l'Euefque de Terrovvane, Maistre Iean de Mailly, Messire Bourdin de Salignies, Michault Lailler, & aucunes autres notables personnes: & allerent par l'Isle, où ils parlerent au Duc de Bourgogne, & de là par Calais nagerent en Angleterre, où ils furent ioyeusement receuz: & leur fut du Conseil du Roy, & de ladicte Roynie promys bon, & brief secours: & apres qu'ils eurent accomplie leurdicte Ambassade ils retournerent en France. Le quatorziesme iour de Ianuier audict an, fut prinse par subtilité la forteresse du pont de Meulan par les François: desquels estoit chef Messire Iean de Grauille: & avec luy auoit plusieurs notables hommes de guerre, iusques au nombre de cinq cens combattans, lesquels meirent à mort ce qu'ils y trouuerent d'Anglois: & apres se preparer en toute diligence pour tenir ladicte ville, & forteresse du pont, en les pouruoiant de viures, & habillemens de guerre, & en reparant la fortification d'icelle. En ce temps la Comtesse de Hainault douagere fut deffée d'vn pauvre faquemain, lequel estoit nommé l'Escremot Castel, natif de Ligny en Cambresis pour lors capitaine de la tour de Beaumont, sous messire Iean de Luxembourg. Apres lesquelles deffiances luy courut aucunes de ses villes, & feit guerre à les hommes, & subiects par longue espace de temps. En ce temps, ou enuiron le Noël y eut plusieurs bourgeois de Paris, qui feirent conspiration ensemble cōtre le Roy Henry, en intention de hurer ladicte ville en la main de Charles Roy de France: desquels bourgeois y eut vne partie pris dont les aucuns furent decapitez, & vne femme a ce consentant fut arse: & les autres se rendirent fugitifs, entre lesquels se partit Michault Lailler, & tous leurs biens furent prins de par le Roy Henry & confisqueuz. Item en ces iours mesmes fut prinse la ville de la Ferté Milon des François par le consentement des habitans d'icelle: mais le chasteil fut deffendu par ceux qui le gardoient, lesquels manderent hastif secours au seigneur de l'Isle Adam, au seigneur de Castillon, & au Bastard de Tyan: lequel de l'Isle Adam assembla de cinq à six cens combattans, & les mena par derriere audit chasteil: & tantost à certaine heure, qu'ils auoient conclud ensemble, assaillirent vigoureusement ceux de la ville, qui en brief temps sans grand deffence furent desconfits, & plusieurs prins, & occis cruellement, & tous leurs biens ravis, & emportez sans auoir nulle pitié. Item assez brief ensuiuant la prinse de Meulan dessusdicte, le Duc de Bethfort, qui se disoit Regent en France, assembla grand nombre de combattans tant Anglois, Normans, comme Picards, à tout lesquels il alla mettre

le siege deuant ledit pont de Meulan à vn lez à l'autre costé de la riuere, & là feir dresser contre les portes, & murailles grans engins pour icelle confondre & abbatre. Et en ce continua par grand diligence, & fut là assiegeé depuis l'entrée de lanuiuer iusques au mois de Mars ensuiuant, que lesdies assiegez commencerent à traicter. Ce siege durant au mois de Feurier, furent conquis par Messire Jean de Luxembourg les forts de Franquenez, Neufuille, Endorans, Viroufonce, & Canaple. Auec lequel de Luxembourg estoient le Seigneur de Saucuse, messire Dauiod de Poix, & plusieurs hommes d'armes experts & esprouuez en armes: apres laquelle conqueste retournerent deuant la ville de Guise, & la liurerent à ceux de dedans vne tresgrande escarmouche. Et ce fait par deuant Oysin Terrace retourna ledit de Luxembourg en son chastel de Beauteuoir, & donna congé à tous ses Capitaines, & autres Gens-d'armes.

*Comment les Capitaines du Roy Charles s'assemblerent en grand nombre pour leuer le siege de Meulan, & comment le Duc de Bethfort traicta à ceux dudit lieu.*

**E**N la fin du mois de Feurier s'assemblerent en tresgrand nombre les gens du Roy Charles vers le pays de Berry, sous la conduicte du Comte de d'Aumale, du Comte de Bouquen Escoçois, du Vicomte de Narbonne, de d'Anechy le Chastel Breton, & plusieurs autres Capitaines à tout six mille combatans, ou enuiron: lesquels ils menerent, & conduirent iusques à six lieues pres dudit Meulan, & eux venus audict lieu ils ordonnerent leurs batailles: mais il se meut dissention entre eux, parquoy ils retournerent en trespetite ordonnance & sans rien faire, & à leur retour perdirent de leurs gens treslargement des garnisons, qui estoient à Chartres, & es pays d'enuiron de par les Anglois, qui se ferirēt entre eux, quand ils apperceurent qu'ils s'en alloient ainsi à desroy: laquelle chose venue à la cognoissance des assiegez de Meulan leur fut moult desplaisante, quand ils veirēt qu'on leur faillloit d'enuoyer secours au iour qu'on leur auoit promis, dont par corroux & desespoir iecterent la banniere du Roy Charles, qu'ils auoient mise sur leur porte du haut en bas. Et puis monterent plusieurs Gentils-hommes à la veüe des assiegeans & là despecerent, deschirerent leurs croix & enseignes, qu'ils portoient du Roy Charles dessusdit, en despitant à haute voix ceux de delà, qui leur auoient enuoyées comme faulx pariures. Et brief apres commencerent à parlementer auec les gens dudit Comte de Bethfort, & sur ce furēt gens eileus des deux parties pour traicter: c'est à sçauoir du costé de Bethfort, qui se disoit Regent, le Comte de Salfebery, Messire Jean Falcot, Messire Pierre de Fontenay, Messire Jean de Poulligny Seigneur de la Motte, Richard de Vvyeuille, Nicolas Bourdec grand bouteiller de Normandie, & Pierre le Verrad. Et de la partie des assiegez furent commis Messire Jean de Grasuille, sire Loys Martel, Messire Adam de Croisines Cheualiers, Jean d'Estainbourg, Jean de Miror, Roger de Boissie, Oudin de Boissie, & Jean Marle Escuyers: lesquels commis & traicteurs des deux parties dessusdites conuindrent ensemble par plusieurs fois, & en fin furent d'accord par la forme, & maniere cy apres declairé.

*S'en suit*



S'ensuit la coppie du dessuſdit traité de Meulan.

**P**REMIEREMENT tous les assiegez deuant diis rendront & deliureront ledit pont & la forteresse en la main de monseigneur le Regent, ou de ses commis, & deputer ainsi reparée, fortifiée, & garnie de canons, pouldres, & arbalestres, & autres habillemens de guerre, comme elle est en present, sans à icelle faire fraude, mal engin, ne deception, & sans faire ausdits habillemens de guerre, & autres choses deffensables pour ladicte forteresse aucun gast, fraction, ou aucune empirance de viures, ou autres choses pour corps humain: laquelle forteresse, & pont ils rendront dedans demain tierce, qui sera le second iour de ce present mois de Mars. Item est traité, & appointé, que tous ceux qui à present sont audit pont de Meulan, & forteresse de quelque estat qu'ils soient, se rendront & mettront du tout à la voulenté de monseigneur le Regent en la plus grand humilité, & obeysſſance qu'ils pourront: pour cause de laquelle humilité & obeysſſance lesdits commis, & deputer dudit monseigneur le Regent de sa haute grace, en y ſant de misericorde, & en l'honneur, & reuerence de Dieu, & du saint temps de Karisme, qui est de present, les recueura, & leur laissera les vies sauues, excepté ceux qui autresfois ont esté en l'obeysſſance de feu le Roy d'Angleterre heritier, & Regent de France, auquel Dieu pardoint, & ceux qui ont fait serment de la paix finable des Royaumes de France, & d'Angleterre, & ceux qui ont esté consentans & coupables de la mort de ſen Iean le Duc de Bourgogne d'arrière-mettres: passe, & Gallois, trois, & Eſcoſois s'aucuns en y a, & excepté avec ce Jean Dourdaſ, un nomme Samary ſeruant & Bernabani, Oluier de Lannoy, & les canonniers, & ceux qui furent en la premiere embuſche, qui entrerent premierement audit pont, & ſquels demourront à la voulenté de monseigneur le Regent. Item est appointé, que s'aucuns Gentilshommes, & autres deſſuſdits non exceptez, comme dit est, se veulent rendre, & mettre en l'obeysſſance du Roy noſtre ſouuerain ſeigneur Roy de France, & d'Angleterre, & de monseigneur le Regent comme ſes vriers hommes liges, & ſaire guerre à l'encontre de ſes aduerſaires, comme n'aguères ils faiſoient contre le Roy noſtre dit ſeigneur, & mondit ſeigneur le Regent; iceluy monseigneur le Regent de ſa grace les recueura ſans ce qu'ils payent ſinance ne rançon, pour uen toutesſois, que de ce ſaire & accomplir ils bailleront plache & caution. Item que tous ceux, qui à present ſont en ladicte forteresse & pont de Meulan, qui ont, ou tiennent ou autres pour eux aucunes villes, places ou forteresses au Roy noſtre dit ſeigneur, & à mon ſeigneur le Regent, les rendront & deliureront à mondit ſeigneur le Regent, ou à ſesdits commis & deputer: & avec ce ſeront toute leur puisſance, & deuoir par deuers leurs parens, & amis qui aucunement en tiennent, qu'ils les rendront à monseigneur le Regent, ou à ſes commis. Et inſques à ce qu'ils auront fait, & accompli les choses deſſuſdites, ils demourront en la voulenté de mondit ſeigneur le Regent, le quel les choses deſſuſdites accomplies deuement, les recueura comme deſſus est dit. Item que s'aucuns eſlans audit pont, & forteresse de Meulan, ont ou tiennent en quelque lieu que ce ſoit aucuns priſonniers Anglois, François, Bourguignons, ou autres marchans de l'obeysſſance, & ſerment de mondit ſeigneur le Regent, ils les rendront, & deliureront franchement, & quietement ſans prendre deſdits priſonniers, ou de leurs plaiges rançons. Item est appointé, que ceux qui ſont en la forteresse du pont de Meulan dedans le iour de l'endemain, mettront ou ſeront mettre en un ou deux lieux certains de ladicte forteresse tous leurs harnois de guerre ſans aucune chose rompre, froiſſer, ne deſpecer: & auſſi ſe-

ront mettre en vn autre lieu certain tout l'or, & l'argent, vaisselle, ioyaux, & autres biens de value estans en ladicte forteresse sans en retenir, receler, ne destourner aucune chose en quelque lieu, ne par quelque maniere que ce soit, & les deliureront, & denonceront aux commis de monseigneur le Regent sur peine de perdre le benefice de ce present traicté, & la grace de mondit Seigneur le Regent. Item mettront en vn, ou deux lieux de ladicte forteresse les cheuaux estans en icelle, & leurs harnois, pour icelle estre deliurez en l'estat, qu'ils soni de present, avec les autres choses aux commis de mondit Seigneur le Regent sur la peine dessusdicte. Item sur ladicte peine est traicté, & accordé, que ledit temps durant ils ne laisseront, ne souffriront partir de ladicte forteresse & pont de Meulan, n'entrer en iceux quelque personne que ce soit, sans le congé & licence de mondit Seigneur le Regent : & sur icelle mesme peine denonceront, bailleront & deliureront à luy, ou à sesdits commis tous les deuant-dits, excepté ceux dont ils n'auront cognoissance. Et afin que toutes les choses dessusdites, & chacune d'icelles soient interinées, & accomplies fermement & vaillablement, les dessusdits commis, & deputez d'une partie & d'autre, ont mis leurs seaux à ce present appointement le premier iour de Mars, l'an mil quatre cens & vingt-deux.

APRES que tout le contenu de ce present traicté fut accompli en la maniere dessusdicte, à cause de ce furent rendus en la main dudit Regent les forteresses de Marcouffy, de Montlehery, & plusieurs autres, estans lors en l'obeyssance des desdits assiegez : lesquels furent trouuez au iour de ladicte reddition en nombre de cent Gentils-hommes, & deux cens autres combattans, dont les plusieurs feirent le serment cy dessus deuisé, & iurerent d'estre bons, & loyaux enuers ledit Regent, & mesmement leur promet, & iura ledit Seigneur de Grauille : & furent menez à Roüen prisonniers iusques au plain accomplissement de tout le traicté. Et fut certifiée par ledit de Grauille aux commis du Regent, que le Roy Charles estoit en vie quand il se partit de luy dernièrement pour venir à Meulan : mais il auoit esté blessé en la ville de la Rochelle d'une maison, qui estoit cheuiste, où il tenoit son conseil, dont cy dessus est fait mention.

*Comment les François eschellerent, & prindrent la forteresse de Dommart en Ponthieu, & plusieurs autres matieres.*

**L**E vingtiesme iour de Mars de ce present an, les François eschellerent, & prindrent la forteresse de Dommart en Ponthieu : dedās laquelle estoit le Borgne de Fosseux Cheualier, & Iacques de Craon son beau fils : lesquels se sauuerent à petite compaignie secretement par vne poterne, quand ils ouyrent l'effroy : & Messire Symon de Boulenuiller, Jean de Douceure, & plusieurs autres estans audit chastel, furent detenus prisonniers avec la femme dudit de Fosseux : & generally tous les biens d'iceluy furent prins, ravis & butinez : desquels biens y auoit grand abondance tant de ladicte ville de Dommart comme du pays. Et brief en suyuant le Seigneur de Crottoy à tout trois ou quatre cens combattans, s'en alla loger en vne forteresse appartenant à l'Eueque d'Amiens nommée Pernois seant à vne lieuë aupres dudit Dommart, pour là tenir frontiere, & garder ledit pays contre lesdits François. Et apres aucuns iours en suy-  
uans

uans fut vn traicté fait avec iceux François, par condition, qu'ils rendroient ladicte forteresse, & s'en retourneroient au Crotoy à tout leur gaignage, & estoit le chef d'iceux vn nommé Dandonnet. En ceste saison le Duc de Clocestre eut en mariage la Duchesse Jacqueline de Bauiere, Comtesse de Hainault & de Hollande: laquelle long temps par auant (comme dict est dessus) estoit allé en Angleterre: nonobstant que ladicte Jacqueline auoit espousé le Duc Jean de Brabant, qui pour lors estoit encores viuant: pour lequel mariage moult de gens furent grandement esmerueillez. En l'an dessusdit alla le Roy d'Arragon en Italie à la requeste de la Roynie Ieanne femme à laques de Bourbon: laquelle auoit esleu pour son hoir, & heritier ledit Roy d'Arragon, & luy venu audit pays dechassa le Duc d'Anjou, qui se nommoit Roy de Cecille, & tous les gens: & apres <sup>†</sup> atrahit vers luy, & <sup>†</sup> attira. à son accord tous les Capitaines de ladicte Roynie: c'est à sçauoir Fortebrace, Tartaille, \* & aucuns autres anciens, & des plus principaux de toute Italie: lesquels brief en suyuant tous d'un commun accord, iceux & ledict Roy d'Arragon feirent tenir prisonniere ladicte Roynie Ieanne, & par ainsi fut punie de telle punition, qu'elle auoit puny son Seigneur, & mary laques de Bourbon. Et demoura ledit Roy d'Arragon seigneur, & maistre de la plus grand partie d'Italie, certaine espace de temps. Et le Pape mesmes l'accorda à luy, & y enuoya le Cardinal de Saint Ange pour faire ledit accord: lequel Cardinal en faisant son voyage, si comme il entroit par vne planchette en vne forteresse, cheut du haut en bas es fosses, & se bleffa tellement que brief en suyuant il en mourut.

*Roy d'Arragon chassa le Duc d'Anjou d'Italie.*

*Roynie Ieanne prisonniere.*

\* Fortebrace, & Tartaille. Il y auoit trois excellents, & renommés Capitaines en Italie de ce temps là, Fortebrace, Montoy, & Tartaille. On voit ceste histoire auement escripte par les Italiens, mesmes par Olivier de la Marche. En ceste le contrarie, & diuersité, ce seroit auant de peu d'estime.

A v temps dessusdit vindrent les nouvelles es marches de France des <sup>†</sup> heretiques, & rebelles contre la foy Chrestienne, estant à Pragues & es marches de là enuiron, lesquels se mettoient en peine de acquerir, & mettre en subiection chasteaux & forteresses sur les Chrestiens: & estoient iceux heretiques en plus grand erreur, & plus puissans que parauant n'auoient esté: & tant que l'Empereur ne pouoit resister contre eux, & s'en retourna en son pays de Hongrie sans eux riens mesfaire. En l'an dessusdit les gens de meslire laques de Harcourt feirent secrettement plusieurs courses es pays de Vimeu, de Ponthieu, d'Arthois, & des marches à l'enuiron: & mesme ment prindrent, & emmenerent plusieurs charries aux censiers du Mont saint Eloy empres Arras. Si les menerent vendre, & butiner dedans la ville du Crotoy, pour lesquelles courses les riches laboureurs du pays n'osoient coucher en leurs lieux, & hostels ne faire labours. Et d'autre part les François qui se tenoient en la Comté de Guise alloient, & venoient souuent audit Crotoy & à Rue, parquoy le pais estoit alors moult trauaillé tant d'une partie comme d'autre, & n'estoit iustice en riens obeïre. En cest an furent les bourgeois, & communauté de Tournay en grand dissension l'un contre l'autre, & s'assemblerent en armes à tout les bannieres de leurs mestiers par maniere de commotion: c'est à sçauoir les grans contre les petis,

*† heretiques.*

*† mené à Tournay.*



& receurent le Seigneur de Moï, qui tenoit le party du Roy Charles, & leur bourgeoisie, & plusieurs hommes de petit estat firent leurs Capitaines en doubtant les Preuosts, Iurez, & autres Gouverneurs: & tousiours la plus grand partie d'iceux soustenoient la partie dudit Roy Charles: toutesfois ils se appaisèrent pour icelle fois sans coups ferir, & depuis par plusieurs fois se meirent en armes en faisant pareilles mutations à celle dessusdicté. Auquel an aussi s'assemblerent en Normandie deux mille, & cinq cés Anglois sous la cōduicte du Seigneur de la Poule, de Thomas Bourry, & aucuns autres chefs de guerre: lesquels se meirent à chemin, & passerent le païs du Maine. Et de là en degastant païs allerent iusques deuant Angiers, où ils firent de grans dommages, & prindrent audit païs grand nombre de prisonniers, bestail & autres biens, à tout lesquels ils s'en retournerent loger par plusieurs journées à vne grosse ville nommée Busignes de la Grauelle. Durant lequel tēps, Jean Comte d'Aumarle, qui par ceux du païs scauoit ceste cheuauchée, & avec luy le Baron de Colilouure, le Seigneur de Fontaines du païs d'Anjou, & Messire Pierre le Porc, firent grand amast de Gens-d'armes & de communes, & les attendirent assez pres d'illec audit lieu de Grauelle en tres-bonne ordonnance. Et lors que les Anglois les apperceurent descendirent tous à pied, & mirent tout leur bagage arriere d'eux. Si les assaillirent les François tres-vigoureuement & de grand courage, & en estoit la plus grand partie à cheual, & les Anglois se deffendirent assez vaillamment, & y eut vn tref-dur estour: mais finalement iceux Anglois furent tous desconfits, & en demoura lors sur la place douze cens largement. Et y fut prins le Seigneur de la Poule, & avec luy bien trente Gentils-hommes, & des communes de la partie Françoisise moururent six vingts personnes sur tout.

Deffaite  
d'anciens Anglois.

*De l'an mille cccc. & xxiiij.*

*Comment les Ducs de Bethfort, de Bourgongne, & de Bretagne vindrent à Amiens, & firent alliance entre eux.*



V commencement de cest an mille quatre cés vingt & trois, s'assemblerent à Amiens les Ducs de Bethfort, de Bourgongne, & Bretagne avec eux de chacune partie grand nombre de Cheualiers & Escuyers. Et avec ledit Bethfort, qui se nommoit Regent de France, estoit le grand Conseil du ieune Roy Henry d'Angleterre. Et avec le Duc de Bretagne estoit Artus Comte de Richemont son frere: lesquels Princes venus audit lieu d'Amiens firent l'un à l'autre grande reuerence, & semblant de toute amour. Et donna le Duc de Bethfort royallement à disner aux autres Princes en l'hostel Episcopal de l'Euesque d'Amiens, où il estoit logé. Et apres ces choses traicterent l'un avec l'autre, & firent alliances par la forme, & maniere contenue en vnes lettres, sceillées de leurs seaux & signées de leurs signes manuels, desquels la copie mot apres autre s'ensuit.

*JEAN Gouverneur, & Regent du Royaume de France Duc de Bethfort, Philippe Duc de Bourgongne, & Jean Duc de Bretagne. A tous ceux qui ces presentes lettres*

*ver-*

verront, & orront salut. Sçauoir faisons, que pour la consideration des amitez, & prochaineté de lignage, qui sa sont entre nous moyennant les mariages concluds, accordez, & confermez entre nous lean Duc de Bethfort Regent de France, & nostre treschere & tres-aimée compaignie, & cousine Anne de Bourgongne d'une part, & nostre tres-chieier & tres-aimé frere Artus Duc de Touraine Comte de Mont-fort, & d'Anjou, & de nostre tres-chieier & tres-aimé seür, & cousine Marguerite de Bourgongne d'autre part, & pour le bien du Roy nostre Sire & de ses Royaumes de Frâce, & d'Angleterre, de nous, & de nos dominations, & seigneuries: de nos terres, pays, & subiects nous & chacun de nous, iurons & promettons estre & demonrer tant que nous viurons en vraye fraternité, bonne amour & union: & nous entre-aimerös, & entretiendrons comme freres, parents & bons amis: garderons & defendrons l'honneur l'un de l'autre tant en couuert comme en publiques, sans fraction ne quelconque dissimulation: aduertirons l'un l'autre de tout ce que nous sçaurons, & entendrons estre au profit, dommage, bonneur, ou blasme l'un de l'autre, & de nos seigneuries, terres, pays, & subiects. Et se aucun, ou aucuns nous faisoient mauvais rapport l'un de l'autre, nous n'y adiousterons point de foy: mais retiendrons seulement chacun deuers nous ceux, qui seröt lesdits rapports: & par vraye amour, & charité serons sçauoir incontinent à celuy, de qui telle relation aura esté faicte, pour en faire ainsi comme raison sera. Et se nous ou l'un de nous auons affaire pour nostre bonneur, ou nos pays, terres & seigneuries garder, & defendre contre aucuns nuytres, qui nous voudroient greuer, ou endommager: nous & chacun de nous serons tenus d'aider, & seruir celuy de nous, qui aura à besoigner, si de ce sommes requis, & si cinq cens hommes d'armes ou de trait: & valant ledit nombre, en la maniere que cil, qui aura à besoigner, voudra. Et sera tenu celuy qui sera requis payer ses gens à ses despens pour le premier mois: & celuy qui les requerra, sera tenu de les payer du sien au temps, qu'ils seruiront outre. Et se aucun de nous veult auoir plus grand puissance pour ayde, celuy qui sur ce, & de ce sera requis, sera tenu d'ayder le requerrant le plus abondamment qu'il pourra ses pays demourer garnis. Item que de toute nostre puissance, & par les meilleures voyes, & manieres, que nous sçaurons aduiser, nous nous employerons pour le relief, & du poure peuple de ce Royaume, qui tant à souffrir, & tant sceuffre de pourre: & debouter les guerres hors de ce Royaume, & le mettre en paix, & tranquillité: afin qu'en iceluy Royaume Dieu soit seruy, & honoré, & que marchandise, & labour y puissent auoir cours. Nous & chacun de nous promettons loyaument & en parole de Prince, faire, tenir, & accomplir toutes les choses dessusdictes par la maniere dessusdictelle, autant que nous viurons, sans dorefnauant faire ne aller à l'encontre par quelque maniere que ce soit, sous l'obligation de nos biens tant meubles, que immeubles presens & aduenir. En tesmoin de ce, nous auons fait mettre nos sceaux & sealdites presens: lesquelles nous auons sceellées & signées de nos propres mains: & auons escripte au dessous nos propres noms, en la ville d'Amiens le xvij. iour d'Auril. L'an mille quatre cens vingt & trois.

Avec iceluy traité & accord dessusdict, furent pareöfermez les deux mariages dessus declarez: c'est à sçauoir du Duc de Bethfort Regent & de Anne seur au Duc de Bourgongne. Et avec ce de Artus de † Bourgogne, & de Marguerite seur au Duc dessusdit: laquelle par-auant auoit eu elpoussé le fils aîné du Roy Charles Daulphin de Vienne, & Duc d'Acquitaine. Et fut verité, que le Duc de Bourgongne donna à sa seur Anne avec le Duc

Mariages accordez entre les princes allez, & Bretagne

de Bethfort sa Comté d'Artois, avec toutes les appendances heritablemēt, en cas toutesfois qu'il n'y eust nul hoir de sa chair nez en loyal mariage. ¶ eut hoir. Apres tous lesquels traictez se departirent de la ville d'Amiēs les Ducs de Bethfort, & de Bourgongne: lesquels retournerent ensemble à Paris, & le Comte de Richemont s'en alla à Arras. Et le Duc de Bretaigne receut premier six mille escus pour les despēs de son voyage, que luy feit deliurer ledit Regent, & puis retourna en son pays avec ses Bretons. Durant le temps que les Ducs de Bethfort, de Bourgogne, & de Bretaigne furent ensemble à Amiens, requist iceluy Duc de Bourgogne audit Bethfort, qu'au cas que les Chastellenies de Peronne, de Roye, & de Mondidier seroient remises au dōmage du Roy, qu'en ce lieu luy fussent deliurées les villes d'Amiens, & d'Abbeuille, Monstreil, Dourlens, Beauquesne, & toutes les appartenāces. Surquoy luy fut respondu qu'on en parleroit au grād Conseil du Roy. En apres le Duc de Bethfort Regēt à tout grāde puissāce de ses Anglois, s'en alla à Troyes en Champagne: auquel lieu luy fut amenée honnorablement du païs de Bourgongne Anne seur au Duc Philippe, & luy amena en gracieux appareil la Dame de Rochefort, & la Dame de Salins, accōpagnées du Seigneur de Saint George, & aucuns autres Barons, & Seigneurs de Bourgongne. Avec lesquels estoit vn nommé Jean de Quielōg, qui de par le Duc de Bourgongne auoit esté enuoyé deuers la Duchesse Douagiere pour faire apprester les besongnes. Lesquels venus audit lieu de Troyes, le Duc de Bethfort espousa ladicte Damoiselle de Bourgogne. Et furent les nopces faictes tant solennellement comme royallyement. Apres lesquelles aucuns iours ensuiuās passez, se departirent lesdictes Dames l'une d'avec l'autre non mie sans pleurs retournans en Bourgongne. Et le Duc de Bethfort à tout sa femme la Duchesse, print son chemin vers Paris: auquel chemin il assiegea puissamment la ville de Pons sur Seine, laquelle en brief fut par force d'assaux prinse des Anglois, & la plus grande partie des François, qui dedans estoient furent mis à mort cruelle. Et de là passa oultre, & alla scieurner vne espace de temps à Paris en l'hostel des Tournelles, lequel pour sa demeure il feit grandement reparer.

*Pōs prinse par  
les Anglois.*

*Comment Pothon de Sainte Treille, & Lyonnel de Vvandonne firent armes  
à Arras en la presence du Duc de Bourgongne.*



En ces propres iours furent faictes armes à Arras en la presence du Duc de Bourgogne, iuge en ceste partie de Pothō de Sainte Treille d'une part, & de Lyonnel de Vvandonne d'autre part. C'est à sçauoir, que ledit Pothon auoit requis Lyonnel, qu'ils peussent courir l'un contre l'autre tant qu'ils eussent aliss l'un sur l'autre six coups de lāce, ou icelles rōpues. Et à l'opposite ledit Lyonnel auoit requis à Pothon de combattre apres de haches, tant qu'elles pourroient durer. En apres quand le iour fut venu, & qu'ils se furent preparez, Pothō entra premier au chāp cōme appellant, accōpagné de ses gens bien gentemēt, & alla faire la reuerēce au Duc de Bourgongne, qui estoit en son eschaffaut, & puis se retrahit. Et assez tost apres entra ledit Lyonnel de Vvandonne accō-

pagné



pagné de Messire Iean de Luxembourg, qui le seruit tout le iour de lances, & aucuns autres de ses Seigneurs, & amis : & comme auoit fait ledit Pothon alla faire la reuerence au Duc, & puis se meit à son lez au bout des lices : & assez tost apres ils se preparerent à courre l'un contre l'autre. Si coururent plusieurs coups moult roidement, entre lesquels y eut de chacune partie aucunes lances rompues, & froissées l'un sur l'autre. Toutesuoyes sur la fin le heaulme Lyonnal fut vn petit cassé du fer de son aduersaire, & de ce eut la teste blecée non mie grandement : & pourtant le Duc de Bourgongne de ce aduert, les feit cesser de plus courre l'un contre l'autre ce iour, touchât les armes à cheual. Le lendemain le Duc de Bourgongne reuint en son eschauffault enuiron dix heures, accompagné du Comte de Richemont, & des seigneurs de son conseil pour attendre les champions, qui deuoient faire leurs armes à pied. Et assez tost apres entra Lyonnal de Vvandonne tousiours accompagné de messire Iean de Luxembourg, & alla comme il auoit fait le iour de deuant faire la reuerence au Duc Philippe : & puis retourna dedans son pavillon, & là attendit son aduersaire, lequel vint tantost apres. Et apres qu'il eut faicte la reuerence audit Duc, se retrahit dedas son pavillon : & tantost, comme il est de coustume en tel cas, fut crié par vn herault, que tout homme vuidast les lices, & que nul ne donnast empeschement aux champions sur peine capital. Et adonc Lyonnal de Vvandonne, qui estoit appellant, illit de son pavillon sa hache en son poing, & marcha le grand pas sur son ennemy : lequel quand il le veit approcher il s'ichors de son pavillon, & alla à l'encontre dudit Lyonnal : lequel Lyonnal le assaillit vigoureusement, en jettant plusieurs coups de sa hache à bras tourné contre iceluy Pothon, & aucunes fois frapport d'estoc sans cesser, ne refrener son alaine, & en ce faisant Pothon receuoit froidement ses coups sur sa hache, en les destournant à son pouoir arriere de luy. Et quand il veit son point il approcha ledit Lyonnal, & le ferit plusieurs coups de la poindée de sa hache par deslous la visiere de son bacinet ; & tant fait qu'il luy leua ladicte visiere, tant qu'on veoit plainement le visage dudit Lyonnal : lequel se voyant en ce danger, feit tant qu'il print la hache de Pothon d'une main deslous son bras. Et Pothon print Lyonnal d'une main par le bort de son bacinet, & le esgratigna de son gantelet au visage. Et en ce faisant & hardiant l'un l'autre, Lyonnal referma sa visiere à pou pres : & tantost le Duc de Bourgongne les feit prédre en ce point par ceux qu'il auoit commis à garder le champ, desquels ils furent menez deuant le Duc : lequel presentement leur ordonna à demourer bons amis ensemble, tant comme il touchoit leurs armes cy dessus declairées, & sur ce retournerent chacun en leurs hostels, & feit là ledit Pothon de grans boubans avecques ses gens, & le lendemain coururent de fer de lance l'un contre l'autre Riffard de Champremy, tenant le party du Roy Charles contre le Bastard de Rosbecque, & rompirent l'un sur l'autre aucunes lances : mais en conclusion ledit Riffard fut enfermé tout parmy son harnois, qu'on vit vers le costé, & neantmoins ne fut point percé au vif. Pour lequel coup le Duc de Bourgongne les feit cesser & retournerent en leur hostels chacun accom-

† ischenfau

pagné de ses gens : & dedans briefs iours s'en retourna ledit Pothon avec les siens en la Comté de Guise.

*Comment le Comte de Salsebery assiegea la forteresse de Mont-Aguillon:  
laquelle se rendit à luy, & autres.*

**E**N ce temps alla le Comte de Salsebery à tout grād puissance assieger la forteresse de Mont-Aguillon en Champaigne par l'ordonnance, & commandement du Duc de Bethfort, qui se disoit Regēt de France: lequel Salsebery estoit pour lors Gouverneur du pays de Champaigne, & de Brie: lequel siege il continua par moult lōgue espace de temps en faisant plusieurs assaux par diuers engins, & autres instrumens de guerre, & y fut bien six mois ou enuiron. Toutesfois ce tēps durāt, furent liurez plusieurs assaux à la forteresse, & par diuerses manieres de les assieger furent moult oppressez: & pouuoient estre dedans iusques à fix vingts combattans, desquels estoient capitaines le Seigneur de la Bourbe, le Seigneur de Cotigny, & vn homme d'armes nommé Bourghenon: desquels fix vingts combattans se departirent grand partie, & en la fin n'y demourerent que trente ou enuiron, lesquels en conclusion furent contrains de manger leurs cheuaux: & en la fin se rendirent audit Comte de Salsebery par condition, qu'ils payeroient pour sauuer leurs vies vingt & deux mille saluts d'or, dont pour ladicte somme fournir demourerent en hostage quatre des principaux iusques à l'accomplissement d'icelle. Et se partirent les compagnons en pur leurs pourpointeaux sous son sauconduit, reserué ceux qui autresfois auoient fait serment de la paix finable, qui auoit esté iurée entre les Roys de France, & d'Angleterre. Et quand tous s'en furēt partis (comme dit est) la forteresse fut abbatue, & du tout demolie. En ces mesmes iours fut prins dedans Arras par le commandement du Duc de Bourgongne Messire Mauroid de Saint Leger, pour plusieurs plaintes, qui de luy estoient venues audit Duc, tant pour auoir pillé la ville d'Auchin, comme pour plusieurs autres faits. Si fut mené prisonnier au chastel de Chauetignes, où il fut par l'espace d'un an entier, & puis fut deliuré par le pourchats de ses amis. En ce mesme temps le Duc de Bethfort fit par ses Anglois assieger puissamment, & de force la forteresse d'Orsay, entre Paris, & Montlehery, laquelle tenoient les François: lequel siege lesdits assiegeans continuerent enuiron six semaines. Et en la fin se rendirēt les assiegez à la volenté du Duc: desquels les vns furent amenez à Paris les testes nues, en purs leurs pourpointeaux, vne corde liée entour leur col, & les aucuns tenans leurs espées nues les pointes appuyées à leurs poiētrines. Et en tel point furent menez à l'hostel des Tournelles en la presence dudit Duc de Bethfort, & de sa femme: lequel Duc commanda tātost, qu'on les menast au Chastellet: mais la Duchesse meüē de pitié pria tāt pour eux à son Seigneur & mary, qu'ils furent deliurez sans auoir autre peine, & s'en allerent où bon leur sembla, les vns au party, dont ils estoient venus, & les autres demourerent du party des Anglois. Item au mois de May furent enuoyez de Rouën, & du territoire de Caux de fix à sept cēs Anglois: lesquels menoit

menoit le Baillif de Caux, & passerent parmy Abbeuille, & assiegerent le chasteil de Noëlle sur la mer appartenant à Messire Jaques de Harcourt. Et dedans briefs iours apres ceux qui estoient dedans doubtons non auoir secours, rendirent ausdits Anglois leur forteresse en eux departant sans leurs vies, & leurs biens. Et adonc ledit Messire Jaques de Harcourt remâda hastiement ses gens qui estoient à Rue, & laissa la ville abandonnée à ses ennemis sans y mettre quelque prouision. En laquelle sans faillir les Anglois enterrent tantost apres, ou par moult de manieres traouillerent les simples gens, qui y estoient demourrez. Et lors fut mise frontiere à l'encontre du Crotroy de la gent Anglesche, ainsi que vous pourrez ouïr. Audit mois de May fut fait & vne grosse bataille empres Naples, entre Alphôs Roy d'Arragon d'une part, & le pere au Côté François, & autres Capitaines du païs d'Italie d'autre part: lesquels de rechef estoient trouuez contre le Roy d'Arragon, & pour verité la desconfiture fut lors faite si grande sur les Arragonnois, qu'il faillit par force, que le Roy Alphôs d'Arragon se sauuaist à bien petite compagnie en luy departant de la bataille, autrement eust il esté mort, ou prins de ses aduersaires. Enuiron la sainct Jean Baptiste ensuiuant, fut assiegée par mer, & par terre la ville & forteresse du Crotroy par les Anglois, desquels estoit principal Capitaine Messire Raoul Bouteillier, qui trespuissamment, & en grand diligence feit son ost fermer, & longer les gens tres-avantageusement. Et Messire Jaques de Harcourt se prepara tres-vigoureusement pour luy defendre, & feit asseoir plusieurs canons, & autres engins pour icetter contre ses ennemis, afin de les gardes qu'ils ne peussent approcher de ladicte ville. Pour lequel siege les habitâs du pays furent moult ioyeux.

Bataille en  
royaume de  
Naples.

Pays de Cro-  
toy assiegé.

*Comment le Roy Charles de France feit assieger la ville de Creuant par le Connestable d'Escoffe, & le Comte de Ventadour Auernois.*



L'ENTREE du mois de Iuillet le Roy Charles feit passer ses gens la riuier de Loire, & assieger à grand puissance la ville de Creuant, laquelle tenoit le party du Duc de Bourgongne. Et estoit chef dudit siege le Connestable d'Escoffe, lequel auoit avec luy plusieurs grans Seigneurs, qui vaillamment se combattirent contre lesdits assiegez par diuers engins, & habillemens de guerre qu'ils auoient: pour lequel siege ne furent mie tant seulement troublez les Bourgongnons, mais avec ce les Anglois: & pourtant la Duchesse Douagiere de Bourgongne manda hastiement les plus grans Seigneurs de Bourgongne, & leur requist instamment pour, & au nom de son fils le Duc, qu'ils assemblasent diligemment leurs gens pour donner secours aux dessusdits assiegez de Creuant: lesquels Seigneurs avec le Seigneur de Toulôgon Marechal de Bourgongne, se meirent ensemble à toute puissance, & cheuaucherēt iusques à Auxerre: auquel lieu vint de par le Duc de Berthfort Regent le Côte de Salsebery, le Comte le Suffort, le Seigneur de Villeby, & aucuns autres Seigneurs Anglois, tant qu'ils furent iusques au nombre de quatre mille combattans, ou enuiron gens d'élite, & esprouuez en armes, à l'encontre



desquels Anglois allerent pour les honorer le Côte de Joigny Bourgon-  
gnon, le Borgne de Toulôgon, le Seigneur de Vergy, Messire Ieâ & Mes-  
sire Guillaume de Viëne, Messire Regnier Pot, le Seigneur de Rochefort,  
& plusieurs autres notables Seigneurs. Et eux venus & assemblez ensem-  
ble, firent grand reuerence l'un à l'autre, & puis cheuaucherent l'un avec  
l'autre en belle ordonnance iusques en la ville: & fut logé ledit Comte de  
Salisbury en l'hostel de l'Euesque. Et quand ils furent un peu refectionnez  
de boire, & de manger, se assemblerent lesdits Seigneurs tant Anglois que  
Bourgonngons en l'Eglise cathedrale de la ville: & là prindrēt leurs cōclu-  
sions telles que cy apres seront declairées. Apres les Anglois, & Bourgon-  
ngons se meirent à chemin pour aller vers Creuant combattre leurs aduer-  
saires, & descendirent à pied à enuiron un grand quart de lieuë d'iceux.  
Alors il faisoit grād moult chault: & pource furent grandement trauaille-  
z tant d'aller à pied pour la pesanteur de leurs armes, comme de l'ardeur du  
soleil. Et ce propre iour furent faicts Cheualiers de ceste partie Guillaume  
de Vienne, fils au Seigneur de sainct George, Iean Seigneur d'Auxi, Phi-  
lippe Seigneur de Trenont, & Copin de la Vieuille.

*Ordonnances  
des Anglois  
& Bourgon-  
ngons allans  
à Creuant.*

P R E M I E R E M E N T fut ordōné par lesdits seigneurs, que lēdemain qu'il  
estoit vēdredy se partiroiēt avec tous leurs gens à dix heures du matin pour  
aller loger vers Creuant. Item ordonnerēt deux Marechaux pour auoir re-  
gard sur leurs gens: c'est à sçauoir pour les Bourgonngons le Seigneur de  
Vergy, & pour les Anglois Messire Gillebert de Hallefal. Item fut crié, que  
les Anglois, & Bourgonngons fussent d'accord & amis ensemble en bōne  
vniō, sans faire debat ne remors, sur peine d'estre punis à la voulētē des Ca-  
pitaines. Item fut ordonnē, qu'ils cheuaucheroiēt tous ensemble en un ost,  
& y auroit six vingts hommes d'armes: c'est à sçauoir, soixante Anglois, &  
soixante Bourgonngons, avec autāt d'archiers, qu'il y appartenoit pour des-  
courir deuant. Item fut ordonnē, que quand on viendroit au lieu, où on se  
deuroit combattre, qu'incontinent qu'il sera dit & publié, que chacun des-  
cende à pied, & ceux qui en feront refus, soient mis à mort, & tantost les  
cheuaux soiēt menez arriere l'espace de demie lieue, & ceux qui serōt trou-  
uez plus pres, soient prins comme confisque. Item fut ordonnē, que chacū  
archier fait un penchon aguisé à deux bouts, pour s'icher deuant luy quand  
besoing en seroit. Itē fut ordonnē, que nul de quelque estat qu'il fut, ne fut  
si hardy que de prēdre prisonniers au iour de la bataille, iusques à ce qu'on  
voye plainemēt que le chāp soit gaignē: & que si on en prend aucun, tātost  
soit occis, & avecques luy celuy qui l'aura prins, s'il en fait aucuns refus. Itē  
fut ordonnē, que chacun se pourueust de viande pour deux iours: & avec-  
ques ce, que ceux de la ville d'Auxerre enuoyassent viures apres l'ost, entāt  
qu'ils en pourroient finer, & ils seroient bien payez. Item fut ordonnē, que  
nuls ne cheuauchassent deuant ne derriere, sans l'ordonnance des Capitaines  
sur peine capital, mais se tienne chacun en l'ordonnance, où il sera mis: les-  
quelles choses dessusdictes furent en ce iour proclamées, & publiées au son  
de trompe en la ville d'Auxerre. Et le lendemain (comme dit est) quand ils  
eurent ouy la Messe en grande deuotion, & beu un coup, ils se departirent  
de la



de la ville en grand fraternité, & allerent loger tous ensemble en la Vin-  
chelles à vne petite lieuë de leurs ennemis. Et le samedy ensuiuant enuiron  
dix heures du matin, se deslogerent, & allerent à belle ordonnance deuant  
leurs ennemis: lesquels sans faillir ils trouuerēt ordonnez en grande & no-  
ble compagnie: & auoient prins place sur vne montaigne deuât ladicte ville  
de Creuât, laquelle ils auoient tenue nuit, & iour en attendant leurs gens.  
Mais lesdits Anglois, & Bourgongnons allerent passer par l'autre lez de la  
ruiere d'Yonne, du costé vers Coulongne lez Vimeus, ou Vigneufes: Et  
adonques descendirent les François de leur montaigne, & vindrent contre  
leurs ennemis en monstrât grand semblance de hardiesse, & se meirent en  
bataille l'un cōtre l'autre, où ils furent bien trois heures sans autre chose faire:  
& estoit la ruiere d'Yonne entre deux. Et apres se aduancerent les An-  
glois, & Bourgongnons, & gaignerēt vn pont sur leurs ennemis, par lequel  
ils les cōmencerēt fort à greuer, & enuahir. Et d'autre part ceux qui estoient  
en la ville, les assailirēt par derriere moult roidemēt: & adonc cōmencerēt  
de toutes parts à combattre les vns contre les autres tresasprement. Mais en  
conclusion les dessusdits Anglois & Bourgongnons obrindrent la victoire  
contre leurs ennemis & gaignerent le chāp, auquel furent morts & prins la  
plus grād partie des Escoçois, qui estoient au front deuât la bataille, desquels  
y auoit enuiron trois mille. Toutesfois le Cōestable d'Escoçe se rēdit prison-  
nier au seigneur de Chastelluz: mais il eut vn œil creué: & parcelllement fut  
prisonnier le Côte de Ventadour au Seigneur de Gamaches, & eut aussi vn  
œil creué, & Estienne, & Iean de Farimeres Cheualiers Escoçois, avecques  
plusieurs autres notables hōmes iusques au nōbre de quatre cens, & furent  
morts sur la place tādīs le nepueu du Côte de † Bouquinō, Messire Thomas  
Secrō, Messire Guillaume Habon, & son fils tous Cheualiers d'Escoffe, Ieā  
Pillot Capitaine Escoçois, & le Bastard du Roy, avecques plusieurs autres  
iusques au nōbre de douze cēs ou enuiron. Apres laquelle victoire r'assem-  
blerēt les Capitaines Anglois, & Bourgongnons en grāde vnion, & entrerēt  
dedās la ville de Creuât, en remerciant & regraciant le Createur de leur vi-  
ctoire, où ils furēt moult ioyeusement, & honnorablement receuz, & leurs gēs  
se logerēt au plus pres. Toutesfois Petrinet, & aucuns autres chasserent les  
suijs assez longuement, si en prindrent & occirent plusieurs en faisant celle  
poursuite. Et le Lūdy ensuiuant que lesdits Capitaines eurent assemblez leurs  
gens, ils se partirēt l'un d'avecques l'autre, & puis s'en allerent les Bourgon-  
gnons en leurs propres lieux, & les Côtes de Salfebery, & Suffort retournerēt  
au siege de deuât Mont-Aguillon du lieu mesmes dont ils s'estoient partis,  
& y auoient laissé aucune partie de leurs gens pour garder ledit siege. Et fut  
verité, qu'au iour de la bataille dessusdicte, ledit Côte de Salfebery feit bien  
quatre vingts Cheualiers, ou plus. Et puis apres la dessusdicte bataille de  
Creuant, ledit Côte de Suffort alla assieger la ville de Couffy: laquelle se rē-  
dit à luy dedās certains briebs iours ensuiuans. Et de là alla au pays de Mas-  
connois, où se meirent en obeyssance plusieurs fortresses que les François  
tenoient. Si feit par vn de ses Capitaines nommé Claidas, assieger le fort  
chastel de la Roche, qui en fin se meit en son obeyssance.

*Victoire des  
Anglois.*

† Le Comte  
de Bouqui-  
gnō, la plus  
part desti-  
toires de  
celuy tēps  
l'appellent  
Bouquing-  
hen, autres  
lisent Butg-  
uen, ou  
Burhazā,  
Froissart  
nōme entre  
les Princes  
Anglois, vn  
Comte de  
Bouquignā.

*Couffy rendit  
aux Anglois.*

*Cy parle de plusieurs matieres en brief.*



Nuiron le tēps dessusdit, le Duc de Bourgongne se partit de son pays d'Arthois, & s'en alla à Paris, & de là en son pays de Bourgongne, où il seiourna iusques au mois de Feurier ensuiuant: & mena avecques luy le Comte de Richemont, qui espousa lors sa seur, dont le mariage estoit fort long temps deuant, comme dessus est dit. A l'issue du mois de Iuillet s'assemblerēt plusieurs François des marches de Maussion, de la Comté de Guise, & d'ailleurs: lesquels encloyrent soubdainement dedans Bethleem le Bailly de Vermandois, & le Bastard de S. Pol: mais Messire Jean de Luxembourg & le Comte Marechal Anglois, se meirent tantost ensemble avec grand nombre de leurs gens, & cheuaucherent hastiuement pour leuer le siege, que tenoient lesdits François: lesquels François quand ils en furent informez, se partirent & tirerēt en grand haste vers leurs marches: & les dessusdits Comte Marechal, & Messire Jean de Luxembourg, les poursuiuirent roidement bien xx. lieues, pour les combattre. En cest an arriuerent les Arragonnois, & les Castellans en grand puissance au pont de Naples: & illec prindrēt de force icelle ville de Naples, laquelle fut pillée & courue: & prindrent la plus grand partie des puissans homes, iusques au nombre de huiet cens, lesquels ils enuoyerent prisonniers en Arragon, & en y eut grand partie de morts, & fut bien le tiers de la ville arse, & destruite, dont le Roy Loys fut moult troublé. Mais brief ensuiuant par l'ayde que luy enuoya le Duc de Milan, il reconquist icelle ville de Naples & plusieurs. Au mois d'Aoust ensuiuant, Messire Jean de Luxembourg conquist par force d'assaulx la forteresse d'Arse: dedās laquelle estoient environ trente Sacquemains tenans le party du Roy Charles, dont les aucuns furent mis à mort & penduz, & ladicte forteresse fut arse & du tout demolie. Et de là ledit de Luxembourg alla assieger Landoussies, où il fut iusques au mois d'Octobre, en combattāt iceux de ses engins tresfort: mais en conclusion ceux de dedans rendirent la forteresse par tel si, qu'ils s'en allerent sans leurs corps, & grand partie de leurs biens: laquelle forteresse comme celle de dessus, fut demolie & abbatue. En ce tēps mesmes le Comte Marechal Anglois estoit à tout six cens cōbattans, ou environ sur les marches de Laonnois: pour lequel ruer ius, & destrousser s'assemblerent les gens du Roy Charles, mais ledit Côte de ce aduerty alla contre eux, & les feit fuyr, & departir l'un de l'autre: & en les poursuiuant tout chaudement, se boutherent vne partie dedans la forteresse. Auquel lieu ils furent dudit Comte assiegez sans arrest, & tant approchez qu'en la fin ils se rendirent à sa voulenté. Si en y eut grand partie de pendus, & fut ladicte forteresse desolée. Au mois d'Aoust dessusdit le Capitaine de Lebuissierie entre Tornus, & Mascon tenant le party du Roy Charles, meit iournée pour deliurer la forteresse au Seigneur de Thoulougon Marechal de Bourgongne pour vne somme d'argent, dont ils estoient ensemble d'accord: mais à icelle iournée leur Capitaine auoit fait deux embusches pres de la forteresse: lesquelles apres ce que ledit Marechal fut entré en icelles luy douziesme, ses gens faillirent auant sur ledit Marechal & ses gens: si les deconfirent

si

*Prinse de Naples par les Arragonnois.*

*Naples reconquise.*

si que pou en eschappa, & par ainsi ledit de Thoulôgon fut detenu prisonnier luy, & ses gés dedans le chastel, & depuis certaine espace de temps fut deliuré pour le Comte de Vantadour, qui auoit esté prins en la bataille à Creuât, dont dessus est faicte mention. En cest an Messire Iean de Luxembourg meit en son obcyflance les forteresses de Cäbresis en Terace, Proisy & autres, lesquelles les gens du Roy Charles tenoient. En l'an dessusdit furent mises en la main du Comte de Hainault toutes les terres du Comte de Pontieuue, qu'il auoit en la dessusdicte Côté par le seigneur de Harech gouverneur de celuy pays, pource qu'on auoit souspeçon, qu'iceluy Comte de Pontieuue ne voulsist mettre garnison en les forteresses qu'il auoit audit pays: telles comme Landrecy, Auesnes, & autres.

*Comment Messire Laques de Harcourt tint parlement avec Messire Raoul le Bouteiller pour la reddition du Crotoy.*

**L** E M apres ce que Messire Raoul le Bouteiller eut tenu sô siege par mer, & par terre, iusques au my mois d'Octobre; il eut parlement avecques Messire Laques de Harcourt: & ordonnerent de chacune partie leurs cômises, pour traicter, & donnerent tresues les vns aux autres: & en fin furent d'accord par la maniere declairée cy apres. Duquel traicté la copie ensuit.

C'EST le traicté fait entre Raoul le Bouteiller Cheualier, & Guillaume Miners Esuyers, commis & deputez de par le tres-excellent Prince le Duc de Bethfort Regent de France d'une part, & Messire Laques de Harcourt Cheualier, Lieutenant general en Picardie pour le Roy Charles: ledit de Harcourt soy faisant fort du Clergie, des Nobles & des manans, & habitans en la ville & chastel du Crotoy d'autre part. Premierement le premier iour de Mars prochain venant: Le second & le tiers sole. l. leué depuis l'heure de prime, monseigneur le Regent ou ses commis, seront iusques à trois heures apres midy chacun desdits trois iours armez dessus les champs: entre la ville de Rue, & le Crotoy: & s'ils ne sont combattus par ledit Messire Laques, ou par autres tenans son party durât les trois iours dessusdits si puissamment, que le champ luy demeure: ledit Messire Laques, ou ses commis bailleront, & deliureront réaument & de fait à mondit Seigneur le Regent, ou à celui qui'il y commettra, ladite ville & forteresse du Crotoy: & s'accompliront presentement à trois heures apres midy au tiers iour dudit mois de Mars. Item ledit Messire Laques, & generalement tous ceux de sa compagnie, de quelque estat ou condition qu'ils soient, se pourront partir avecques tous leurs biens dudit Crotoy au iour de la reddition: excepté les consentans de la mort de feu Iean Duc de Bourgogne, qui demourront en la volenté de mondit Seigneur le Regent: & aucuns en y a. Item ledit Messire Laques sera tenu de laisser audit chastel toutes les pouldres, arballestres, & traict sans rien gaster ne despeser, reserue nuf veuglaires, deux cagques de pouldres, vingt & trois arballestres, & neuf coffres de traict: & toutes ses gens emporteront harnois, habillemens, & autres biens. Item au cas qu'aucuns de ladite ville, & chastel de quelque estat qu'ils soient, voudroient demourer en faisant le serment à mondit Seigneur le Gouverneur & Regent, ou à ses commis leurs biens, meubles, & heritages leur demourront, & de ce on leur baillera lettres suffisantes. Item ledit Messire Laques aura du nauire pour le port estant au Crotoy: c'est à sçauoir la grande Hulque, & la Barge, Colin l'Anglois, Plumeterre, Ba-



lenier, Jaques, & Martinet, & il sera tenu de laisser l'autre nauires, & les vaisseaux des pescheurs demourront à ceux à qui ils sont, moyennant qu'ils seront le sermēt comme dit est. Item Messire Jaques sera tenu de rendre tous les prisonniers, qu'il a de present en ladicte ville, & chastel de Crotoy, & on luy rendra pareillement un de ses gens, que tient Messire Raoul de Bouteiller. Item durant le temps dessusdit tous ceux de ladicte ville & chastel, cesseront de faire guerre en appert & en couuert, par quelque maniere que ce soit, sauf que ledit Messire Jaques durant ledit iour pourra faire guerre, se bon luy semble, outre l'aire de Seine. Item ne pourront lesdits Monseigneur le Regēt, ne nuls de ses gens ce temps pendant, faire enuahie n'entreprise sur ladicte ville, & chastel du Crotoy par quelque maniere que ce soit, ne pareillement ses allies. Item durant ledit tēps iusques au premier iour de Mars, pourront ceux du Crotoy aller en marchandise es villes de Rue, & d'Abbeville, & de S. Vallery moyēnant qu'ils en ayent congé des Capitaines d'icelles villes, & non autrement. Et aussi pourront aller par mer en marchandise: & aussi pourront amener vins, & toutes autres denrées pour vendre, sauf qu'ils n'en mettront riens dedans ladicte ville, & chastel pour le ravailler, sinon pour la quotidienne du temps qu'ils y doiuent estre. Item toutes les gēs de mondit Seigneur le Regent, & aussi ceux tenans son party pourront aller en la ville du Crotoy pour besongner, ce qu'ils aurōt à faire par le cōgē du Capitaine. Item s'il aduenoit durant ledit temps dessusdit, qu'aucuns vaisseaux ou gens d'armes arriuaissent au Crotoy ils n'y seront receuz: & n'aurōt aucune ayde, ou secours par les vaisseaux d'icelle ville, & ne pourra ledit Messire Jaques durant ledit temps, fortifier, ne demolir ladicte ville, & chastel. Item mondit Seigneur le Regent, ou ses commis bailleront saufconduit à ceux, qui seront dedans la ville & chastel au temps de la reddition, où bon leur semblera pour aller tenir leur party, & à tous leurs biens, & auront quinze iours de vuidenge: & apres auront sauf conduit autres quinze iours. Item anra ledit Messire Jaques sauf conduit pour luy, ses enfans, & toutes ses gens durant ledit temps, soit par mer ou par terre pour aller, où bon luy semblera. Item pour accomplir toutes les choses dessusdictes & entretenir, ledit Messire Jaques baillera en pleges Messire Pierre de Hergicourt Cheualier, Boort de Fiefiez, Jean Sarpe, & Perceual Cambiet Escuyers, Jean d'Estampes, Gilles le Roy, & Jean de Gonnebourgeois de ladicte ville du Crotoy. Lesquels pleges seront quittez apres la reddition de ladicte ville & chastel du Crotoy; en cas que celui, qui se dit leur Roy les secourroit ou ses commis en demourant victorieux sur la place, seroient aussi quittes les pleges dessusdicts. Lequel traité fait & lesdits pleges baillez se departit le siege. Et ledit Messire Jaques feit vendre toutes ses prouisions en Abbeville & ailleurs, & remanda ses enfans, qui estoient en Hainault au chastel de Hamefche: Et quand ils furent à luy venus il les enuoya à Mostreul Bellay. En apres Messire Jaques de Harcourt, comme dit est, vendit toutes ses prouisions, & à tout infiniz biens se mit en mer avec partie de ses gens, en laissant au Crotoy son Lieutenant general Messire Choquant de Combionne, & puis s'en alla nageant au mont S. Michel, où il fut receu moult honnorablement: & de là alla à Mostreul Bellay veoir ses enfans, & là mit la plus grand partie de ses biens. Et aucuns iours apres ensuiuans alla deuers le Roy Charles, qui le receut tresbenignement, & luy donna aucuns dons comme Roy: & puis se departit pour aller deuers le Seigneur de Partenay, qui estoit oncle à la femme, que ledit Messire Jaques auoit espousée: lequel de Partenay renoit



noit & auoit tousiours tenu le party du Duc de Bourgogne. Et apres qu'iceluy Messire Jaques eut esté receu dudit Seigneur de Partenay liberallement, & à grand honneur, iceluy Messire Jaques luy requist d'auoir sa forteresse en garde, & aussi qu'il voulsist laisser la querelle du Duc de Bourgogne, qu'il auoit tousiours maintenüe, & il se faisoit fort de faire sa paix au Roy Charles, & si auroit son estat ainsi qu'il auoit accoustumé. Dequoy ledit Seigneur de Partenay luy respondit, que son intention estoit de demourer Seigneur de sa forteresse, & de ses Seigneuries : & que ceux à qui elles appartienoient apres sa mort les prinsissent, s'il leur plaisoit. A doncques ledit Messire Jaques allez pourueu de son fait, cōme il cuidoit, meit la main audit Seigneur de Partenay, & le feit prisonnier du Roy Charles : & ses gēs leuerent le pont du chastel : & en ce faisant fut la noise ouïe de la ville, dont les gens tous effreus en grand nombre vindrent au chastel, & tirerent le pont qui n'estoit cliqué ne verrouïllé : & lors tout soudainement monterent amont, & occirent cruellement ledit Messire Jaques, Jean de Herfclames, Jean de Fronsieres, Philippe de Neufuille, & plusieurs autres de ses gens. Ainsi trouua ledit Messire Jaques sa mort alpre, cruelle & hastiue par vn petit de cōuoitise : iaçoit-ce qu'on le cōpte en plusieurs autres manieres.

*Cy parle de plusieurs autres matieres en brief.*

**E**N ce temps ceux de la Comté de Hainault furent en moult grād effroy & tribulation, pour doubte de la guerre des Ducs de Clocestre, & de Brabant, dont ils voyent l'apparence, parce que tous deux auoient espousé leur Dame & heritiere, & se disoit chacun d'eux estre Seigneur du pays ayant la meilleure querelle : & aussi que les Seigneurs du pays estoient diuisez, & tenoient les vns le party du Duc de Brabant, & les autres le party de la Dame, & du Duc de Clocestre : nonobstant que par auant tous eussent fait serment de loyauté à iceluy Duc de Brabant, & l'auoient tenu long tēps pour Seigneur. En ce temps s'assemblerent à Amiens les Ducs de Bethfort, & de Bourgogne avecques leur grand Conseil de chacune partie, pour traicter de la paix entre les deux Ducs dessusdits de Clocestre, & de Brabant : mais en conclusion au dernier ils se departirent l'vn de l'autre sans riens pouoir concorder : & prindrent iour pour estre à Paris sur la besongne dessusdicte. En ce temps le Duc de Bethfort feit assieger trespuissamment par les Anglois, & avecques eux le Seigneur de l'Isle Adam, & le Bastard de Thyan le chastel d'Iury. Pour lequel siege leuer s'assemblerent en grand nombre, le Comte d'Aumale, le Bastard d'Alençon, & plusieurs autres Capitaines. Lesquels cheuauchant par deuers ledit siege, trouuerent le Capitaine d'Auranches frere au Comte de Suffort, qui venoit de courre, & auoit donné congé à vne partie de ses gens : lequel fut assailly desdits François & desconfit, & fut de sa personne prisonnier. Pourquoy iceux François esperans trouuer ladicte ville desgarnie, se meirent à chemin pour la conquerre. Et ce fait eux venus deuant, y liuerent vn grād assault : mais les habitans se deffendirent vigoureusement, tellement qu'ils occirent, & naurerent plusieurs de leurs ennemis, lesquels demourerent en

*Crante de  
guerre en  
Hainault.*

*Et an sur somme  
me prins, &  
reprins.*

leurs fossez. Et apres iceux François saichās que le Duc de Bethfort venoit pour les combattre, se departirent de là en cheuauchant hastiuement vers la Duché de Touraine, toutesfois furent ils poursuuyis de leurs gens. Item le troisieme iour d'Octobre audit an, fut prinse la ville de Han sur Somme par les gens du Roy Charles, que menoit Pothon de S. Treille par eschelles par faute de guet. Pour laquelle prinse Messire Ieā de Luxembourg fut fort troublé, par ce que c'estoit à luy. Et pourtant en grand diligēce assembla ce qu'il peust assembler de gens d'armes: à tous lesquels au tiers iour de la prinse il cheuaucha iusques à ladite ville: & en grād hardiesse tout soubdainement feit icelle assaillir, & passer ses Gens-d'armes parmy la riuere avec son estādart, lequel porta ce iour tref-vaillamment vn hōme d'armes nommé Iacotin de Cambray. Finablement le dessusdit Iean de Luxembourg recōquist en brief la ville sur ses ennemis, & en print & meit à mort cruelle grand partie: & ledit Pothon au plustost qu'il peut, avecques aucuns de ses gens s'en refuit en Terace: toutesfois ils furent poursuuius par ledit de Luxembourg, & ses gens, & y en eut en icelle poursuite de prins grād foison. Auquel iour fut prins dedans ladite ville, & nauré terriblement, comme en peril de mort vn homme d'armes nommé Messire Iean de Fontenelle, & Valerien de S. Germain: auquel ledit Messire Iean de Luxembourg brief ensuyuant feit trancher la teste, c'est à sçauoir audit Valerien.

*Valerien de  
Saint Ger-  
main decapité  
Naiſſance de  
Loys Dauphin*

Item en ce temps la Roynne femme du Roy Charles accoucha d'un fils, lequel fut nommé sur les fons Loys premier Daulphin de Viennois. Pour la natiuité duquel fut fait grand liesse, & grād ioye par toute son obeyſſance, & par especial en sa bonne cité de Tournay: & furent faits grands feux par toute la ville, & crioit le commun Noël à haute voix en menant grand ioye & liesse. Item en l'an dessusdit les François prindrēt le chastel de Beaumont sus Oyse, lequel brief ensuyuant fut assiégé par le commandement du Duc de Bethfort, & en fin reconquis, & tout demoly & abbatu. Item en ce temps se resmeurent ceux de la ville de Tournay, & se meirēt en armes l'un contre l'autre à banniere desployée: & fut la cause de ceste esmeute, pource que la cōmunauté doubtoit que les Seigneurs de Moï, & de Conflās, qui estoient en leur ville, & auoient grād audieće, ne leur baillassent garnison plus puissant d'eux: neātmoins soubdainement ils se rappaiserēt sans coup ferir: & assez tost apres se departirent les Seigneurs dessusdits de ladicte ville de Tournay doubtans la fureur d'iceluy cōmun, & alla ledit Seigneur de Moï demourer en Liege. Itē en ce temps la ville de † Chāpagne fut eschellée par faute de guet des gēs du Roy Charles, lesquels estoient enuiron ccc. cōbattans desquels estoient cōducteurs Yuon du Puis, Angerot de Laux & Brouſſart: lesquels sans delay prindrēt & emprisonnerēt tous ceux de la ville, quitenoiēt le party des Anglois, & des Bourgōgnons, avecqs tous leurs biens. Et brief ensuyuant vindrēt deuant ladite ville de † Chāpagne pour icelle reconquerre le Seigneur de l'Isle Adā, Lyōnel de Bernouille, le Seigneur de Thyā, & aucuns autres, qui pou ou neāt y feirēt: & pourtāt tout le païs d'enuiron fut de rechief pour icelle prinse en grād soucy & tribulatiō. Itē en ces mēmes iours fut reprinse sur les gēs du Roy Charles la ville de la Charité sur Loire,

† il fault  
Cōpiegne.

† Compiegne.

par

par vn aduaturier tenant le party du Duc de Bourgongne nommé Perrinet Craslet: lequel par auât & long tēps apres feit forte guerre au Roy Charles sur les marches de Berry, & au pays d'enuirō. Pour laquelle prinſe les François furent moult fort dolens & courroucez, pourtant qu'ils perdirent le paſſage de l'eauē, qui leur eſtoit fort diſſable. *Comte de Richemont ſuit le party de Charles & eſt ſes Conneſtable.* Item en ceſt an Arthus Comte de Richemont, apres ce qu'il eut eſpouſé Marguerite ſœur au Duc de Bourgongne: nonobſtant le ſerment & les alliances, qu'il auoit ſaiſtes par auât avec le Roy Héry deſſū & ſes ſuccelleurs, ſ'en alla par deuers le Roy Charles pour aucun diſcord, qui fut entre le Duc de Bethfort, & luy: duquel Roy Charles il fut moult fort ioyeuſemēt receu, & brief enſuiuāt il fut fait Conneſtable de France par ledit Roy Charles. Pour le departemēt duquel Comte moult de gens furent eſmerueillez attendu l'alliance ſi nouuelle, qu'il auoit eue avec ledit Duc de Bourgongne. À mois de Ianuier en ceſt an ſ'aſſemblerent en la ville d'Amiens les Ducs de Bethfort, & de Bourgongne, le Comte de Conuerſan, l'Eueſque de Tournay ſon frere Meſſire Iean de Luxembourg, avecques grand nombre de notables perſonnes, & Conſeillers de chacune partie, & les Ambaſſadeurs des Ducs de Cloceſtre & de Brabāt, & toutesſois iāoit ce que pluſieurs fois ſur ce propos furent en conſeil, ils ne peurent riens concorder, & pourtant assignerent à iceux Ambaſſadeurs vn iour à eſtre enuiron la Trinité enſuyuant: & apres ſe departirent les notables Princes deſſūdits.

*Comment la ville de Compiengne fut remiſe en la main des Anglois: & comment la ville, & le chaſtel du Crotoy furent rendus au Duc de Bethfort.*

**T** E M en ce temps alla le Duc de Bethfort en la ville de Montdidier, où il fut cinq ou ſix iours: & là ordōna Capitaines tāt Bourgongnōs, comme Anglois pour aſſieger la ville de Compiengne, deſquels fut le chief le Seigneur de Saueuſe. Et ſi y furent commis le Baillif de Roūen, le Capitaine de Giſors nommé Malbery, le Seigneur de l'Isle Adam, meſſire Lyonnel de Bournōuille, le Baſtard Thyan, le Seigneur de Creuecueur, Robert de Saueuſe, & pluſieurs autres. Leſquels apres icelle ordonnance manderent tout ſoubdain leuts gens en grand diligence, & ſ'aſſemblerent au pont S. Maxence, & de là cheuaucherent en ordonnance iuſques à Compiengne: c'eſt à ſçauoir le Seigneur de Saueuſe, & les Anglois du coſté vers Montdidier: & ſe logerent tous enſemble au bout de la prée en vne ville nommée Venuette, & de l'autre coſté de l'eauē à l'Abbaye de Royal-lieu, le Seigneur de l'Isle Adam, Lyonnel de Bernonuille, & aucuns autres Capitaines: leſquels tant d'un coſté, que d'autre continuerent leur ſiege enuiron trois ſepmaines: lequel temps durant y eut de grandes eſcarmouches entre les parties: mais neantmoins en conſclusion les François non ayans eſperance de ſecours, feirent traité aux Anglois par conditiō, qu'ils ſ'en iroiēt ſauf leurs corps & leurs biens: & auroiēt trois ſepmaines de iour d'eux partir, en cas qu'audit iour le Roy ne leur liuraſt bataille, & ſur ce baillerent leurs hoſtages. Et auſſi rendroient le Seigneur de Soral, qui auoit eſté prins par iceux aſſiegez deuant ladiſte ville. Apres



lesquels traictéz, se departirent & retournerent chacun en leurs propres lieux: & le iour venu auquel ils auoiēt promis de rendre ladicte ville, se departirēt tous ensemble, pource qu'ils n'eurent point de secours: & meirent icelle ville de Compiègne en la main des Anglois par le Duc de Bethfort, qui se disoit Regent, c'est à sçauoir en la main de monseigneur de Môtferant, lequel y commist Capitaine le Seigneur de l'Isle-Adam.

ITEM enuiron l'issue du mois de Feurier alla ledit Duc de Bethfort à tout moult grand nombre de Gens-d'armes en la ville d'Abbeuille, en intention de tenir la journée, qui pieça auoit esté prinse pour la reddition du Crotoy. Mais pource que ledit Bethfort fut aduertý seuremēt, que les François ne se comparoistroiēt point à puissance, il enuoya querir ladicte journée à Messire Raoul le Bouteiller, & demoura à Abbeuille: lequel Messire Raoul se tint entour le Crotoy, le premier, second & tiers iour de Mars. Quand ce vint audit iour, à heure de midy ou enuiron, fut rendue ladicte ville, & fortresse du Crotoy par Messire Cloquart de Cambronne en la main dudit Messire Raoul: lequel luy rendit ses hostages, & luy bailla faufcōduit pour luy, & pour ses gēs aller deuers le Roy Charles, & outre l'eauē de Seinc par tout, où bon luy sembleroit. Et apres iceluy Messire Raoul le Bouteiller, quand il fut entré dedans le Crotoy, print les sermēs des bourgeois & habitās, qui estoient demourez en ladicte ville & chastel: & avecques ce fut constitué ledit Messire Raoul Bouteiller de par le Regent, general Capitaine de ladicte ville: pour la reddition de laquelle plusieurs Seigneurs du pays d'environ, & aussi le pauvre cōmun furent petitement refiouys, doubans qu'au temps aduenir, les alliances, qui estoient entre les Anglois, & le Duc de Bourgogne se rompiessent, & que par le moyen d'icelle fortresse, fussent en voye de totale destruction: iacoit ce que ceux, qui y estoient de present, leur eussent fait de grans martyres. En cest an mourut le Pape Pierre de la Lune, qui se nommoit Benedic: lequel tout son temps auoit desobey à l'Eglise Romaine, depuis le concille tenu à Constance, & voulut mourir Pape. Et encores en sa mort aux Cardinaux qui estoient avecques luy, fait faire electiō entre eux, mais assez tost apres sa mort se meirent à l'obeissance de nostre saint Pere le Pape Martin, & par ainsi fut l'Eglise en bonne vnion par toute Chrestienté.

Mort de Pierre de la Lune.

*Comment deux Maistres en Ars furent enuoyez en la cité de Tournay, pour admonester, & entretenir le peuple en l'amour du Roy Charles, & autres matieres.*

**E**N l'an dessusdit vindrent en la ville de Tournay deux Maistres en ars illecques enuoyez par le Roy Charles, pour admonester les bourgeois & le commun, qu'ils se voulussent entretenir toujours en leur bon propos vers ledit Roy, si comme ils auoient fait long temps par auant: promettant par la bouche des dessusdits, qu'ils enseroient moult bien guerdonnez au plaisir de Dieu, si le Roy retournoit en sa Seigneurie. Lesquels Ambassadeurs furent treshonorablement receuz des Nobles, & du commun: & leur furent faits beaux dons, & leurs despēs administrez, & payez aux despens de la ville tresslargemēt. Et apres qu'ils



qu'ils eurent esté en icelle ville, & cité de Tournay certaine espace de temps, l'un retourna en Berry & l'autre demoura encores à Tournay, en faisant plusieurs predications, en attrayant tousiours iceux que bien ils sentirent en l'estat du Roy: mais en fin son estat fut amoindry, & se resfroïdirent ceux de Tournay de luy faire si grans biens, qu'ils luy auoient fait de premiere venuë. Au mois d'Auril ensuyuant Messire Jean de Luxembourg assembla ses Gés-d'armes, & avecques luy sire Thomas de Rauiston Cheualier Anglois: lesquels allerent mettre le siege deuant Oysi en Teraece, & dedans briebs iours ensuyuans traicta le Cadet, qui en estoit Capitaine avecques ledit de Luxembourg, par telle condition qu'il luy rendroit la forteresse au cinquiesme iour de May ensuyuant: & par ainsi se departit le siege, & luy fut rendu au iour desusdit. Auquel an ledit de Luxembourg assiegea l'Eglise de Broissi, laquelle auoient fortifiée aucuns Saquemens tenans le party du Roy Charles, qui moult faisoient de dommages au pays. Et pareillement assiegea la tour le Borgne, & furent prins en ces deux places bien quatre vingts d'iceux: entre lesquels estoit vn nommé le Gros Breton, vn de leurs Capitaines, & furent tous pendus aux arbres pres de Sery *Pen à saint Amand.* lez Mazieres. Ité en cest an furent arses de feu de meschief six cens maisons ou enuiron, en la ville de saint Amand, avecques la porte de la basse court de l'Abbaye, & deux chambres de deux moines dudit lieu: & ne demoura que deux pauvres maisons entre les deux portes de la ville: dont le menu peuple de ladite ville fut tout desolé, & eut grand tristesse & troublement. Item en cest an se rompirent les trefues, qui auoient duré l'espace de treize ans, entre le Souldā de Babyloine, & le Roy de Chippre par le rapport d'aucuns faulx Chrestiens, qui rapporterent au Souldan, que les Chippriens occioient ses gens, quand ils les pouoient attaindre. Sur lequel rapport sans autre deffiance faire au Roy de Chippre, ledit Souldan enuoya six gallées plaines de Sarrazins descendre en Chippre, & faire guerre par feu & par espée. Et premierement ardirent & destruirent du tout la ville de Lymecō, avecques grand foison d'autre pays. Et lors le Roy de Chippre de ce aduertty, afin de resister enuoya vn sien Cheualier Messire Philippe Preuost à tout grans gens: lequel venu aux dessusdits Sarrazins en escarmouchant à eux, fut feru d'une fleche au visage, duquel coup il cheut. Et tantost lesdits Sarrazins luy trecherent incontinent le chief, & prirent ses esperons dorez avecques ladicte teste, & se retrahirent en leurs gallées & puis retournerent en Surie.

*Comment Messire Jean de Luxembourg assiegea le chastele de Vvieve: & comment il feit vne embusche, où Potbon de sainte Treille, & ses compagnons furent desconfits.*

**E**N ce temps Messire Jean de Luxembourg assiegea la forteresse de Vvieve tres-puissamment: lequel siege dura enuiron trois semaines, continuant tousiours ledit de Luxembourg de faire abbatre, & desrober par ses engins icelle forteresse. Et en fin lesdits assiegez non esperas auoir secours, firent traicté avec ledit de Luxembourg par tel si, qu'ils s'en iroient sauf leurs vies en delaisant tous leurs

biens, promettans d'eux non plus armer deçà la riuere de Loire, sinon en la compagnie du Roy Charles: apres lequel traicté se departirent en allant à Guise, & la forteresse fut demolie & abbatuë. Et apres le premier ou second iour ensuyuant, ledit Messire Iean de Luxembourg se deslogea avec aucuns de ses plus feables. En ce temps fut Pothon de Sainte Treille prins si comme vous oïrez. Le vous dy que Messire Iean de Luxembourg, durant ledit siege, se meit en embusche derriere vne petite Eglise enuers les marches de Guise, pour veoir, & pour attendre se aucuns de ses ennemis feroient aucune enuahie apres ses gens, laquelle chose aduint comme il l'auoit proposée: car ledit Pothon de Sainte Treille, l'Estandart de Mailly, le Seigneur de Verduisant, & aucuns autres experts & esprouuez en armes, saillirēt hors la ville de Guise en venant vers ladicte embusche. Et adonques ledit de Luxembourg voyant sur eux son aduantage à tout les siens, alla vigoureusement contre eux, & tantost par grand vigueur les meit en grand desfroy, & y fut prins ledit Pothon, le Seigneur de Verduisant, & aucuns autres en petit nombre. Mais ledit Estandart de Mailly de plaine venue, assist sa lance dessus Lyonnel de Vvandonne, si le porta ius de son cheual, & le blessa tresdurement vers l'espaule: tant que ledit Lyonnel tout son viuant en fut affolé de bras & de iambe. Apres lequel coup iceluy Estandart voyant que proësse ne pouoit riens valoir, & que ses ennemis estoient trop forts se retrahit vistement dedans la ville de Guise: & Messire Iean de Luxembourg avec ses gens chassa longuement les autres, qui s'en fuioient en plusieurs parties: & apres retourna, & assembla ses gens en menant grand liesse de la bonne aduanture, qui luy estoit aduenü: & ainsi à tout les prisonniers retourna en son chastel de Beureuoir, donnant congé à ses Capitaines iusques à son rappel.

*De l'an mille cccc. & xxij.*

*Comment en cest an grand quantité d'Anglois arriuerent à Calais: & autres matieres en brief. Et comment Messire Iean de Luxembourg assiegea la ville de Guise, & plusieurs autres matieres.*

**A**V commencement de cest an, vindrent d'Angleterre nageant par mer en la ville de Calais seize cens combattans Anglois, ou enuiron: dont la plus grand partie allerent à Paris deuers le Duc de Bethfort, & les autres deuers Messire Iean de Luxembourg sur les marches de la Comté de Guise. En apres Messire Iean de Luxembourg traicta avec Pothon de Sainte Treille, & autres ses prisonniers, par condition qu'eux & leurs gens se departiroient de la ville de Guise, & s'en iroient outre l'eauë de Loire sans faire guerre ne dommage: promettans de non retourner, sinon en la compagnie du Roy Charles. Par le moyen duquel traicté, & aucunes autres finances que ledit Pothon paya, fut mis en plaine deliurance luy & ses gens: & s'en alla outre la riuere de Loire, comme dict est. En cest an s'assemblerent sur les marches de Champagne, la Hyre, Iean Raoulet, & aucuns autres Capitaines tenant le party du Roy Charles, avec grand nombre d'autres gens: lesquels ils menerent, & conduirent sur les

mar-

marches d'Ardenne, & de Retelois, & assiegerent en la forteresse Oliuier d'Estaneuelle.

En ces propres iours par l'ordonnance du Duc de Bethfort, & du Duc de Bourgongne, Messire Iean de Luxembourg feit grandes preparacions de gens, & d'habillemens de guerre, pour assieger la ville de Guise en Terace. A pres lesquelles preparacions en la compagnie, le Seigneur de de Piguigny Vidame d'Amiens, les seigneurs d'Anthoing, de Saueuses, Messire Collard de Mailly, Ferry son frere, Messire Dauiod de Poix, Maufroy de sainct Legier, Messire Lyonnel de Barnouille, le Bastard de sainct Pol, & plusieurs autres en grand nombre vindrent deuant ladicte ville de Guise: & avec luy Messire Thomas de Rampston Anglois à tout certain nombre de combattans: lesquels venus deuant icelle ville, trouuerent grãd resistance, de la garnison qui estoit dedans: laquelle garnison afin que leurs ennemis ne les peussent approcher, ardirent leurs faulxbours, où il y auoit moult belles habitacions, excepté deux maisons qui ne furent point arses, mais ce ne leur valut riens. Cartantost ledit Messire Iean de Luxembourg feit loger ses gens en plusieurs lieux à l'enuiron de la ville: & feit dresser ses engins contre la porte, & muraille vers les faulxbours. Duquel siege ainsi mis (comme dit est) furent en brief enuoyées les nouvelles au Duc regnier de Bar, & Comte de Guise, & aussi au Duc de Lorraine son beau pere, par Iean Seigneur de Proisy Gouverneur, & Capitaine d'icelle ville de Guise. Lequel par ses lettres & messages supplioit humblement, en notifiant la necessité, où il estoit au dessufdit Duc de Bar son Seigneur, qui luy voulsist donner secours, lesquelles nouvelles despleurent moult à iceux Ducs. Et pourtant assembla plusieurs conseils, & grand nombre de gens, pour à ce mettre pourueance: mais pour doubte qu'ils ne meissent leur pays en guerre contre le ieune Roy d'Angleterre, & du Duc de Bourgongne, ils se deporterent d'y proceder par voye de fait: & par ainsi se cōtinua ledit siege assez paisiblement par certaine espace de tēps, sinon des assiegez qui souuentesfois feirent plusieurs faillies en greuant à leur pouoir leurs ennemis: lesquelles faillies chacune à par soy seroient trop longues à racompter. En cest an enuiron. S. Iean Baptiste, le Comte de Salsebery Gouverneur de Champaigne & de Brie, homme tresrenommé en armes, expert & subtil, assiegea en la Comté de Vertus en bonne petite nommée Sodune, laquelle en conclusion fut prinse par force d'assault par mine. Et ceux qui estoient dedans pour la plus grand partie furent cruellement occis, & en y eut de morts enuiron deux cens tout du moins, & les autres furent prins prisonniers, & avecques ce tous leurs biens furent ravis & pillés, leurs femmes violées, & ladicte forteresse demolie. Et si auoit ledit Comte de Salsebery deuant icelle le Seigneur de Chastillon, qui fut fait Cheualier dedans la mine par la main dudit Côte. Et estoit le Capitaine d'icelle ville vn tresvaillant homme d'armes nommé Guillaume Marin, lequel fut occis avec les autres de ladicte prinse d'icelle. En ce temps le Duc de Bethfort feit assieger le chastel de Gaillon, qui estoit à l'Archeuesque de Roien moult forte place, laquelle tenoit les gens

*Prinse de Sodune & Gaillon.*



du Roy Charles, & finalement fut tant battu par les engins des assiegeés, qu'en la fin les assiegez se rendirent, & se departirent sauues leurs vies, & fut icelle forteresse demolie. Enuiron ledit mois de Iuing ledit Duc de Bethfort, feit assieger la ville du chasteau d'Iury: & brief apres le siege, fut la ville gaignée par puissance, & le chastel, qui estoit fort & bien garny de Gens-d'armes, tint enuiron vn mois: au bout duquel les assiegez feirent traicté avec les Anglois, promettant à liurer ladicte forteresse la nuit de l'Assumption nostre Dame, en cas qu'ils n'auroiét secours du Roy Charles puissant assez pour les cōbatre & demourer victorieux sur la place. Apres lequel traicté & les seuretez prinſes de chacune partie, se deffist ledit ſiege. En ce temps les Anglois, & les Bourgongnons tenoient plusieurs ſieges sur les marches de Normandie, & estoient pour ce temps les Francois fort au deſſous. Et pour lors fut mise en l'obeiſſance du Roy Héry† Neelle en Tardenois, & feit Alardin de Monſay traicté avec le Duc de Bethfort, pour la forteresse de la Fere, par condition qu'il ne feroit point de guerre ſi elle demouroit en ſa main: ſinon que le Roy Charles retournaſt à puissance outre l'eau de Seine en venant vers la Champagne.

†Peut eſtre  
fault faire  
veu ce qui  
ſuit apres.

*Comment le Seigneur de Longueual, & plusieurs autres Seigneur tournerent de la partie du Roy Charles.*


**E**N cest an le Seigneur de Longueual, Regnault ſon frere, Iean Blondel le Seigneur de ſainct Symó, Iean de Mailly, le Seigneur de Maucourt, & plusieurs autres Cheualiers de Vermandois, & d'enuiron, qui tousiours auoient tenu le party de Bourgongne, ſaſſemblerent en la ville de Roie en Vermandois pour auoir aduis, & deliberation enſemble, cōme ils pourroient reſiſter aux Gens d'armes, qui ſouuent degaſtoient aucunes de leurs villes, de leurs amis, & de leurs gardes, & viuoient indeüement ſur le pays, dont moult leur deſplaiſoit apres qu'ils eſtoient retournez des courſes, ſieges, & aſſemblées que par auant auoit faites Meſſire Iean de Luxembourg pour la conqueſte de la Comté de Guiſe: leſquels venus audit lieu de Roie en y eut aucuns qui ſ'allierēt enſemble, & feirent alliances pour reſiſter contre leſdits gens d'armes. Les autres doubans ledit de Luxembourg, ſ'excuserent en conſeillāt qu'une autre iournée fut prinſe: dedans laquelle fut enuoyée meſſage propice deuers Meſſire Iea de Luxembourg, ſçauoir ſon opinion, & ſe c'eſtoit de ſon gré, que tels deſtroits ſeuſſent faits à ceux, qui ſur ce ſe departiroient. Neantmoins les aucuns n'entendirent point à la beſongne ſi auant que depuis elle ſ'apparut: & pourtant ſe retrahirent tout coyemēt d'eſtre à telles aſſemblées. Toutesfois ledit Seigneur de Longueual, Regnault ſon frere, Meſſire Iean Blondel: le Seigneur de Maucourt, Pierre de Recourt, & plusieurs autres leurs allies continuerent en celle beſongne, & ſi conclurent enſemble de eux tourner du tout du party du Roy Charles, & meirent dedans plusieurs villes & fortereſſes, dont les vns eſtoient Seigneurs & les autres Capitaines, gens de par eux les plus forts, mais brief enſuiuant leur intention vint à connoiſſance, pourquoy aſsez briefuement ils furent en grand cache. Et

toutes



routes leurs villes, terres, & Seigneuries furent mises en la main du Roy d'Angleterre : & avec ce la plus grand partie appellée à Ban. Si se rendirent tous subiects, & tindrent tout plainement le party du Roy Charles menant guerre de nuit, & de iour au pays du Roy Henry, & du Duc de Bourgogne : dont moult de gens furent esmerueillez, pource que ledict Seigneur de Longueval, & aucuns des autres dessusdits, auoient tout le temps seruy le Duc de Bourgogne, & tenu son party : mais ils exécuterent en disant que c'estoit par les desplaisirs, que leur auoient faits & fait. *Excoise des Seigneurs qui quiterent le parti de l'Anglais.* Soient encores chacun iour les gens du dessusdit Sire Jean de Luxembourg : puis disoient que mieus aymoient mettre en aduerture de perdre tous leurs biens, que de viure en telle subiection : iacoit ce que depuis eurent moult à souffrir. Et y eut pour les causes dessusdictes d'exécutez à mort, comme cy apres vous sera declairé.

*Comment le Duc de Bethfort alla à grand puissance tenir sa iournée deuant Iury : laquelle ville & fortresse luy furent rendus.*

 Y diët l'histoire, qu'environ huit iours en Aoust de cest an, le Duc de Bethfort assembla plusieurs hommes d'armes, archiers, & Capitaines Anglois : c'est à sçauoir les Comtes de Sallesbery, & de Suffort, le Seigneur de Villeby, & plusieurs autres Capitaines tant de Normandie, comme d'ailleurs, iusques au nombre de dixhuit cens ou enuiron hommes d'armes, & huit mille archiers : lesquels il conduist, & mena iusques à Iury pour estre à la reddition d'icelle, dont par auant est faicte mention : & tant cheuaucha à tout son arroy, qu'il vint deuant Iury la nuit de l'Assumption nostre Dame, & tout ce iour se tint en bataille attendant ses ennemis, lesquels estoient tresgrand nombre, & bien dixhuit mille combattans soubz la conduicte du Duc d'Alençon, les Comtes d'Aumale, de Ventadour, de Tonnoirre, de Donglas, & de Boffquen, & de Moiry, du Vicomte de Mardonne, du Seigneur de la Faiette, & plusieurs autres Seigneurs, & Princes de grand renommée, & estoient à trois lieues pres dudit lieu d'Iury ou enuiron : lesquels enuoyerent quarante des mieus courans & plus experts de leur ost, & les mieus montez pour aduiser le contentement de leurs aduersaires. Lesquels couras voyans de loing le Duc de Bethfort, & ses gens en moult belle ordonnance, retournerent en leur ost : & furent chassiez & poursuuius des Anglois : & eux venus, dirent ce qu'ils auroient trouué & veu. Et adonques les Seigneurs dessus nommez du party du Roy Charles, non voyans pour lors leur aduantage, retournerent trestous ensemble iusques à la ville de Vernueil au Perche, qui pour lors tenoit le party du Roy Henry : ausquels ils firent entendant qu'ils auoient desconfits tous les Anglois, & que leur Regent s'estoit sauué à petite compagnie : & sur ce propos ceux de ladicte ville de Vernueil leur firent ouuerture, & grand obeysance, pour eux & au nom du Roy Charles. Apres laquelle reddition, comme le traitté le contenoit, baillerent saufconduit à aucuns Anglois estans leans, & les renuoyerent à tout leurs haches enuers le Duc de Bethfort. Gerard de la Palliere,

*C'est le  
mesme  
Bouquin-  
ghem cy  
dessus men-  
tionné.*

*Par lequel ren-  
dit aux Fran-  
çois.*

qui estoit Capitaine d'Iury, voyant quel'heure estoit venuë, & passée que son secours deuoit venir, alla deuers le Duc de Bethfort, qui estoit en bataille deuant pour attendre ses ennemis : & luy presenta les clefs de la forteresse, en luy requerant saufconduit pour luy en aller selon le contenu du traicté tant pour luy comme pour ses gens, lequel luy fut accordé. Et lors ledit Gerard present ledict Duc tira vne lettres, lesquelles il luy monstra en disant : Or voy-ie qu'au iourd'huy m'ont failly dixhuiet grans Seigneurs du party du Roy nostre Sire, lesquels m'auoient promis de moy donner secours : ausquelles lettres estoient attachez leurs seaux. Et incontinent furent seurement au dessusdict Duc quatre Gentils-hommes des gens dudit Gerard. Item apres ledict Duc de Bethfort print conclusion de poursuyuir les François, qui à ceux d'Iury auoient promis de donner secours, & qui pres de là estoient venus, comme dit est. Si enuoya le Comte de Suffort deuant à tout seize cens combattans, pour les cheuaucher & aduifer. Lequel Comte alla à Dampville, & à Vasseux, & de là à Bretueil au Perche à deux lieues pres de Vernueil, où estoient lesdits François à toute leur puissance. Et ledit Duc de Bethfort alla à Eureux à tout son ost : auquel lieu le Comte de Suffort luy enuoya certain message pour luy faire sçauoir, que lesdits François estoient aupres dudit Vernueil tous ensemble, & pour ce iceluy de Bethfort se meit à chemin pour y aller, & tant fait qu'il y paruint à toutes gens pour combattre leurs ennemis : lesquels par auant leur venue auoient eue obeissance de ladicte ville de Vernueil, que souloient tenir les Anglois, parce qu'ils leur auoient donné à entendre que le dessusdit Duc de Bethfort, & tous les siens auoient esté desconfits deuant Iury. Et fut ladicte bataille par vn ieudy dixseptiesme iour d'Aoust en la maniere comme vous orrez de present.

*Comment le Duc de Bethfort poursuivit les François, & comment il les combattit deuant Vernueil.*



R est verité comme ie vous ay ja dict, que le Duc de Bethfort avec ses Barons, & Cheualiers, & Gens-d'armes estoit (comme dict est) deuant Iury, & là luy furent apportées les nouuelles veritables, que ses ennemis se retrayoient vers Vernueil au Perche. Et adoncques pource que le iour de la redditiõ d'Iury estoit venu, fait sommer ceux de dedans, qu'ils acquitassent leur promesse, lesquels non ayans esperance de secours, firent obeissance audit de Bethfort, & luy deliurerent ladicte forteresse, en prenant de luy saufconduit pour eux en aller avecques tous leurs biens, sans emmener nuls des prisonniers qu'ils auoient. Et lors comme ledit Duc, Capitaine de ladicte ville vn Cheualier de Galles, renommé en armes, accompaigé de plusieurs souldoyers : & apres les dessusdictes choses accomplies le propre iour del'Assumption, se partit ledit Duc de Bethfort à tout sa puissance de deuant Iury, & se meit à chemin pour poursuyuir ses ennemis, & alla loger en vne grosse ville en tirant vers le Perche nommé Dainuille en Vasseux : & le lendemain trespas matin se dellogea en belle & tresgrande ordonnance, & cheuaucha iusques assez

pres

pres de Vernueil. Auquel lieu, & à l'environ estoient logez les François les ennemis: lesquels sçachans la venue se preparerent bien diligemment, & meirent leurs gens en bataille pour assembler à l'encontre d'iceluy Duc, & feirent seulement vne grosse bataille sans faire auantgarde. Et avecques ce ordonnerent les Lombards, & aucuns autres à demourer à cheual sous la conduicte du Borgne Cameran, du Roussin, Pothon & la Hire, pour rompre, & enuahir leurs ennemis par derriere ou au trauers. Et en ce faisant la grosse bataille de François dessusdictes estoit à pied. Pareillement le dessusdit Duc de Bethfort avecques les siens, descendit à pied: & feit mettre les gens en bataille en vn ost tant seulesmēt, sans aussi faire auantgarde ne laisser homme à cheual. Et furent mis les archiers, au front deuant, ayant chacun vn penchon deuant eux aguisé, & fiché en terre. Et estoient les plus grans fols desdits archiers des deux bouts de la bataille par maniere d'ailes, & derriere les hommes d'armes estoient tous les pages, les cheuaux, & les meschans gens non puissans de combattre. Lesquels cheuaux furent par lesdits archiers liez tous ensemble par les hastereaux, & par les queuës en plusieurs lieux les vns aux autres: afin que leurs ennemis de pied, & de cheual, ne les peussent surprendre. Et pour lesdits cheuaux & bagages garder, furent commis de par le Duc de Bethfort deux mille archiers, afin que ladite bataille ne peust par derriere estre enuahie. Et adonc de chacune partie furent faicts Cheualiers nouueaux en tresgrand nombre, & apres lesquels, & toutes les ordonnances dessusdictes faictes en iceluy leudy sixiesme iour d' Aoust, enuiron trois heures apres nonne, s'assemblerent ces puissantes batailles l'vne contre l'autre. Et à l'approcher esleuerent les Anglois tous ensemble vn grand cry, comme ils ont accoustumé faire, duquel esmerueillerent moult les François, laquelle bataille ainsi assemblée dura enuiron trois pars d'vne heure moult terrible, cruelle, & sanglante. Et n'est point memoire qu'onques fut veu deux parties à si grand puissance, par si grand espace sans veoir lequel auroit victoire. Et en ce faisant les François qui auoient esté ordonnez à cheual pour ferir sur les Anglois par derriere, vindrent iusques aux cheuaux liez ensemble, dont dessus est faicte mention: lesquels ils ne peurent trespasser ne passer outre. Et aussi pour la resistance que y meirent les deux mille archiers dessusdicts: pourtant iceux François à cheual à tout aucunes bagues, & cheuaux qu'ils emmenerent, se meirent à fuyr, & laisserent tous les autres gens combattans de pied en ce danger. Et adonc ces deux mille archiers Anglois, eux voyans descombrez de leurs ennemis, se trouuerent frais, & nouueaux avecques leurs gens au front deuant en la bataille, & en esleuant de rechef vn grand cry, & lors assez brief en suiuant se commencerent les François à desconforter, & les Anglois en grand hardiesse se bouterent en eux, si les separerent & ourirrent leur bataille en plusieurs lieux. Et tant continuerēt lesdits Anglois, qu'en ce faisant, ils obtindrent la victoire, & gaignerent la bataille non pas sans grād peine, & effusion de sang de chacune partie. Car cōme il fut sceu par Roy d'armes, heraux & pourluyans, & autres gens dignes de foy des François dessusdicts, y eut de morts sur la place de quatre à cinq

Ordonnance  
des Gens d'ar-  
mes François  
& Anglois  
à Vernueil.

si boire aux  
Anglois.



mille combattans : desquels y eut grand partie d'Escoçois, & enuiron deux cens prisonniers. De la partie des Anglois furent morts enuiron seize cens, tant de la nation d'Angleterre comme de Normandie : desquels furent les principaux deux Capitaines, l'un nommé Dodelay, & l'autre Charleton. Et de la partie des François y furent morts des gens de nom ceux qui s'enfuyent : c'est à sçauoir Iean le Comte d'Aumale, le fils au Comte de Harcourt, le Comte de Tonnoirre, le Comte de Ventadour, le Comte de Douglas, & Messire Jaques son fils, le Comte de Bousquen, qui alors estoit Connestable du Roy Charles, & le Comte de Moiry, le Seigneur de Grauille ancien, le Seigneur de Montenay, Messire Anthoine Beaufault, & Hugues de Beaufault son frere, le Seigneur de Belloy, & son frere, le Seigneur de Manny, le Seigneur de Combrest, le Seigneur de Fontenay, le Seigneur de Brunail, le Seigneur de Tumblet, & le Seigneur de Poisy : en la Daulphiné, le Seigneur de Mathe, le Seigneur de Rambelle : en Languedoch Messire Gaultier de Lindey, Messire Gilles de Gamaches, Godefroy de Malestroit, James Douglas, Messire Charles de Boin, Messire Iean de Vretasse, Messire Gilles Martel, le fils de Harpedame, Messire Brunet d'Auergne, Messire Raoul de la Treille, Guy de Fourchoniure, Messire Pochart de Vienne, Messire Iean de Murat, le Seigneur de Vertois, Messire Charles de Gerammes, Dragon de la Salle, le Seigneur de Rambouiller, le Bastard de Langlan, le Vicomte de Narbonne, lequel apres ce qu'il fut trouué mort en la bataille fut escartellé, & son corps pendu au gibet, pour ce qu'il auoit esté consentant de la mort du Duc de Bourgongne deffunct, le Seigneur de Guictry, Messire François de Gangeaux, Sire Robert de Laire, Messire Loys de Teyr, le Seigneur de Foregny, Morant de la Mothe, Messire Charles d'Anebal, & Robinet son frere, Pierre de Courceilles, Sire Aimery de Grefille, Andrieu de Clermont, Sire Tristan Coignon, Colinet de Vicomte, Guillaume Remon, Messire Loys de Champagne, Peron de Lippes, Sire Loys de Braquemont, le Seigneur de Tionuille, le Seigneur de Rochebaron, Messire Philippes de la Tour, & Messire Anselin de la Tour. Et y furent prins prisonniers le Duc d'Alençon, le Bastard d'Alençon, le Seigneur de Fayette, le Sire de Hormit, Messire Pierre Herisson, Messire Loys de Vvaucourt, & Rogier Brouffet, Huchet de sainct Mare, & Yuon du Puys. Ceux furent les principaux, mais moult en y eut d'autres que ie ne puis pastous nommer.

ITEM apres que ledit Duc de Bethfort eut obtenu la victoire de la bataille de Vernueil (comme dessus est dit) si s'assembla ses princes autour, & en grande humilité remercia son Createur ses mains ioinctes, & les yeux leuez vers les cieux de la bonne aduenture, qu'il luy auoit enuoyée. Apres furent desnuez, & deuestus grand partie des morts, & fut prins ce qu'il y auoit de bon. Ledit Duc de Bethfort se logea celle nuit autour de Vernueil, & feit tresbien guetter son ost, que ses ennemis ne feussent aucunement assemblez, & le lendemain ceux qui s'estoient retraicts dedans la ville & chastelet : c'est à sçauoir lesdicts François furent sommés de par ledict Duc, qu'ils rendissent la ville & forteresse, lesquels attaincts de paour, sçachans la  
grand



grand mortalité, & desconfiture de leurs Princes, seirent traicté, & rendirent ladicte ville & forteresse en la main dudit Duc par condition, qu'ils l'eniroient faulx leurs corps & leurs biens, si y estoit le Seigneur de Rambures. Et apres que ledit Duc eut regarny ladicte ville, & chasteil de Vernueil de ses gens, il retourna à tout son ost en Normandie. Item le propre iour de la bataille dessusdicte, se départirent de la compagnie dudit Duc de Beffort certain nombre de Cheualiers, & Escuyers de Normandie, & des marches conquises à l'environ, qui autresfois luy auoient fait serment de loyauté, & se rendirent fugitifs. Pour laquelle offence les aucuns furent depuis grandement punis par ledit Duc, tant par punition corporelle: tant de leurs terres comme autres biens, qui furent prins comme confisquez, & mis en la main du Roy Henry: si y fut entre eux le Seigneur de Choisy, & Messire Charles de Longueual. En ce tēps fut prins le Seigneur de Maucour, qui estoit complice du Seigneur de Longueual, & des autres dessus declairez par Maistre Robert le ieune Baillif d'Amiens, & fut par le Conseil du Roy Henry decapité en ladicte ville d'Amiens, & son corps mis au giber. Ses biens & heritages confisquez au Roy: & pareillement vne autres fois fut prins Pierre de Recomp, qui estoit des complices, par vn nommé Raoul de Gaucour, lequel l'enuoya à Messire Jean de Luxembourg: & ledit de Luxembourg l'enuoya à Paris, où il fut escartellé comme trahistre, & ses membres furent pendus en plusieurs lieux. Item briefs en suiuant furent portées les nouuelles d'icelle douloureuse iournée deuers le Roy Charles: lequel pour la destruction de ses Princes, & de sa Cheualerie, eut au cœur tresgrand tristesse, & telle que plus n'en pouuoit. Et fut par long temps en tresgrand enuy, voyant que de routes parts ses besongnes luy venoient au contraire.

*Le Seigneur  
de Maucour  
decapité.*

*Comment ceux de la ville de Tournay se resmeurent l'un contre l'autre.*

**L**ENTREE du Mois de Septembre se rebellerent, & armerent l'un cōtre l'autre les Bourgeois, & commune de la ville de Tournay: c'est à sçauoir, ceux du marché & de la vieille Ferme, cōtre ceux d'entre deux murs. Et fut icelle esmeute faicte pour vne chaine descēdue par nuit enuers la boucherie, par vne feure qui demouroit entre deux murs: & pour celle cause fut bāny de la cité de Tournay. Apres lequel bannissement, ceux d'entre deux murs se croiserent de droictes croix en tresgrand nombre, & les autres du marché leuerent ponts, & seirent barriere contre eux, & grans bouleuers. Et apres commencerēt à ietter, & traire l'un contre l'autre: mais en la fin prindrēt trefues ensemble pour l'amour de leur procession, & en conclusion se rappaiserent pour ceste fois, sans porter grand domage les vns aux autres.

*Comment ceux de Guise traictērent avecques Messire Jean de Luxembourg, & Messire Thomas de Rampson.*

**T**EM apres ce que Messire Jean de Luxembourg, & Messire Thomas eurent par bonne diligence, & grand labeur continué leur siege deuant la ville & chasteil de Guise, iusques au my mois

Accord de  
ceux de Gui-  
se.

de Septembre ou enuiron:les assiegez voyans les viures faillir, & non ayans esperance de secours, commencerent à traicter avec les deux seigneurs dessusdits. Et en fin furent d'accord par les conditions cy apres declairées. A tous ceux qui ces presentes lettres verront ou orront, Jean de Luxembourg Seigneur de Beaulieu, & Thomas de Rampston Cheualier Chambellan de monseigneur le Regent, Capitaine commis, & député en ces marches de par le Roy de France, & d'Angleterre nostre souverain Seigneur, par monseigneur le Regent, & par monseigneur le Duc de Bourgogne. Sçauoir faisons, qu'auourd'uy auons traicté, appointé & accordé es noms que dit est, avec Jean de Proisy Gouverneur, & Capitaine des ville & chastel de Guise, les gens d'Eglise, Gentils-hommes, compagnons de guerre, manans, & habitans d'iceux ville & chastel, & par ces presentes traitons, appointons, & accordons sous les conditions, moyens, conuenances, & promesses cy apres declairées. Premièrement lesdits Gouverneurs, Gens d'Eglise, Gentils-hommes, compagnons de guerre, Bourgeois, manans, & habitans de ladicte ville & chastel de Guise, se sont mis & par nous ont esté receuz à aucune composition: moyennant qu'ils ont promis, juré & enconuenancé, rendre, bailler, & deliurer franchement, & absolument lesdits ville & chastel à nous, ou à l'un de nous aux deputez de l'un de nous ou à autre, que le Roy de France, & d'Angleterre y aura commis & ordonné, au premier iour de Mars prochain venant. En cas qu'à ce iour prins pour ce faire, n'y soient secourus, & que les Seigneurs, ou Princes de party, que ceux de Guise tiennent, ou aucuns autres par eux commis ou deputez à ce, ne combattroient l'un de nous, ou autres commis de par le Roy, & toute nostre puissance: c'est à sçauoir entre la ville de Sains, & la maison de Fouquausain; où nous auons à ceux de Guise esleu & aduisé ensemble, plaist pour tenir ladicte iournée. Item se les Princes, & Seigneurs du party, que lesdits de Guise tiennent, ou leurs commis, & deputez, venoient pour combattre, ainsi que dit est, & ils estoient desconfits, ou se tournoient en fuite: lesdits de Guise seroient tenus de nous rendre, & deliurer iceux ville & chastel. Item au cas que l'un de nous, ou autres commis de par le Roy de France, & d'Angleterre, seront desconfits en bataille, ou que comparer n'y oserions sur ledit lieu, & place pour cōbattre au premier iour de Mars: nous serons tenus de rendre, bailler, & deliurer ausdits de Guise sans aucune difficulté les hostages, & seuretez, que pour la reddition desdits ville & chastel nous aurons par eux esté baillez. Item mondit Seigneur le Regent, & mondit Seigneur de Bourgogne, ou l'un d'eux, & les commis d'eux ou l'un d'eux, nous ou l'un de nous seront tenus d'estre & comparoir en la place en telle puissance, que ben luy semblera, & tenir iournée tout le premier iour de Mars, c'est à sçauoir depuis l'heure de prime, iusques à soleil couchant cedit iour. Et si combattus, ou vaincus n'estoient lesdits de Guise, seront tenus incontinēt apres soleil couché sans aucune difficulté, fraude ou mal engin nous bailler, & deliurer lesdits ville & chastel de Guise, en receuant de nous lesdits hostages. Item ce pendant ladicte composition, ou vn mois apres, que ledit Gouverneur, & tous autres estans esdits ville & chastel, gens de quelque estat qu'ils soient, s'en veuillent partir pour aller ensemble, où à part outre la riuiera de Seine deuers leurs Princes, ou ailleurs en places tenans leur party, ils pourroient faire emporter, & faire emmener avecques eux tous leurs cheuaux, & armures, bagues, & autres biens meubles. Et pour tout ce faire seurement, leur baillerōs & ferons bailler par mondit Seigneur le Regent ( si requis en sommes ) bons saufs conduits, suffisans, & vallables avecques conduit, s'ils se partoient ensemble outre la somme de vingt personnes. Et se aucuns vouloient aller hors du Royaume fut

en Hainault, ou autre part, faire le pourroient à leurs perils. Item & si apres icelle composition, aucuns des dessusdits de Guise veullent demorer sur leurs lieux, & ailleurs, es lieux & pays obeysans au roy, & à mesdits Seigneurs le Regent, & le Duc de Bourgogne, ils y seront receuz en faisant le serment de la paix finale entretenir, faicte entre les Royaumes de France, & d'Angleterre, & iourront franchement de tous leurs heritages, & possessions non donner, & s'ils se veulent partir (comme dit est) ils emporteront avec eux leurs biens meubles tant seulement. Item lesdits d' Guise, & chacun d'eux en ayant bulleire, ou saufconduit des conserveurs ordonnez sur l'entretienement de ce present traicte, qui seront tennus de leur bailler; pourront aller en aucunes villes, que nous leur auons ordonnées & ordonnons: & en icelles entrer par le congé des Capitaines, ou gardes desdites places, ou de leurs Lieutenans: c'est à sçauoir saint Quentin, Ribemont, Laon, Bruyeres, Crespy, Marle, Aubertinon, Vertus, & es villages d'environ pour recouurer, & auoir pour leur argent tous viures raisonnablement, & autres denrées, qui seroient leur besoing, pour leur vie & substation le temps durant d'icelle composition tant seulement. Item lesdits de Guise pourront poursuivre leurs debtes licites, & raisonnables par deuant les Conseruateurs, qui en auront la cognoissance, & seront tennus de faire raison aux parties icelles ouyes. Item si pendant icelle composition, aucuns tenans le party du Roy, prenoient par eschelles, ou autrement lesdits ville & chasteil de Guise, nous serons faire à nostre loyal pouoir de les en faire vuidier, & mettre iceux ville & chasteil, ensemble lesdits de Guise à leur premier estat & deu: lesquels aussi ne les prendront, ne seront prendre ledit temps durant. Item pendant icelles compositions, lesdits de Guise, pourtant qu'ils soient residens esdits ville, & chasteil ne prendront, ou feront prendre conuement n'en appert aucunes places de l'obeyssance du Roy, & de ses Seigneurs, & ne seront guerre à leurs subiets en nulle maniere. Item abolition generale est faicte ausdits de Guise, & toutes gens de quelque estat qu'ils soient, & de tous cas: excepté à ceux qui sont coupables de la mort Monseigneur de Bourgogne, que Dieu absolve, ceux qui ont iuré la paix finale, des coupables de la trahison commise sur la personne du Duc de Bretagne, tous Anglois, & Irois se aucuns en y a esdits ville & chasteil, lesquels demourront en iustice. Et pour en auoir plainement cognoissance, lesdits de Guise nous bailleront par escript les noms, & surnoms de ceux qui de present sont demourans esdits ville, & chasteil gens de guerre, & autres. Item ce pendat icelle composition aucuns de nostre part, ou de la part desdits de Guise, se commettront aucune chose ou contraire ou preiudice de ce present traicte, ou des dependences iceluy ne sera ja rompu, enfreint ne violé: mais pourront & seront tennus les conserveurs dudit traicte faire prendre, & punir les malfaisateurs, & aussi de faire faire la restitution là où il appartiendra. Item lesdits de Guise pendant icelle composition, ne seront guerre, pourtant qu'ils soient demourans en icelle ville & chasteil, n'en ceux ne receuront ne soustiendront aucuns de leur party, qui vueillent faire la guerre. Et s'il aduenoit, que aucuns faisant guerre fussent par ceux du party du Roy, & desdits Seigneurs poursuui à vené d'aïl, & mis en chaste jusques dedans ladicte ville & chasteil: iceux de Guise seront tennus les bailler, & deliurer à ceux qui ainsi les auront poursuui & chastez, pour en faire comme de leurs prisonniers. Item pendant icelle composition lesdits de Guise ne pourront, ou deuront demolir iceux ville, & chasteil ne fortifier autrement qu'ils sont de present: & aucunes ce ne demoliront point les approches de dehors. Item incontinent que nous auons fait retraire en seureté tous les canons, artillerie, engins, habillemens de guerre, & autres biens



estans en nostredit ost, nous leuerons nostre siege & partirons de deuant lefdits ville, & chassel pour aller où bon nous semblera. Item ledit Gouverneur, & autres Gentils-hommes, & Bourgeois desdits ville & chassel iusques au nombre de xxiiij. personnes, iureront solennellement tenir, & faire entretenir ce present traicté sans enfreindre en aucune maniere, & ceux qui auront seal, le seelleront de leurs seaux. Item avecques ce pour plus grand seureté, lesdits de Guise nous bailleront huit personnes en hostage: c'est à sçauoir Iean de Regnault de Hamel, Iean de Cadeuille, Iean de Beauuoir, Iean de saint Germain, l'ancien Vvautier, Messire Valerant du Mont, & Iean de Flangin de Voulbes. Et en cas que aucuns iroient de vie à trespas, ou s'en fuiront pendant icelle composition, lesdits de Guise nous bailleront, & fourniront tousiours de huit personnes hostaigiers aussi suffisans, ou plus. Item que nous, & lesdits de Guise auons esleu & ordonné ensemble d'un commun accord & consentement: & par ces presentes eslisons, & ordonnons Cōseruateurs de ce present traicté: c'est à sçauoir de nostre costé, Messire Dauiod de Poix Cheualier: & du costé de ceux de Guise Collard de Proisy Escuyer, ou son commis. Auquel Messire Dauiod, ou à son commis, auons donné, & donnons plain pouoir, & auctorité de bailler ausdits de Guise sauſconduits ou bulletes necessaires, de cognoistre & determiner de tous cas qui estoient approchez: qui tant d'une part comme d'autre, se pourront mouoir pendant ladicte composition sur les promesses, & conuenances cy dessus declarées, & chacune d'icelles. Item auons promis & iuré, iurons & promettons loyalement sur nostre honneur accomplir toutes les choses cy dessus declarées, au regard de celles que tenus sommes d'accomplir de tout nostre royal pouoir, & chacune d'icelles garder, & entretenir par tous les subiects, & obeyssans au Roy & à mesdits Seigneurs le Regent, & de Bourgongne sans enfreindre en aucune maniere. Item pour la plus grande seureté de ce, ferons le plus diligemment que faire se pourra louer, ratifier, & approuver ce present traicté par mondit Seigneur le Regent en la forme, & maniere cy dessus declarée. En tesmoin de ce nous auons fait mettre nos seaux à ces presentes. Donnée en nostre siege deuant lefdits ville & chassel de Guise le dixhuitiesme iour de Septembre, l'an mille quatre cēs xxiiij. Apres lequel traicté fait, & accomply comme dessus est contenu, les hostages baillées, se departit le siege de deuant Guise, & retourna Messire Iean de Luxembourg en son chassel de Beaureuoir, en donnant congé à ses Capitaines. Et Messire Thomas de Rampston à tout ses Anglois alla deuers Paris, où estoit le Duc de Bethfort, où il fut receu moult ioyeusement.

Accord entre  
Montagu  
& la Hire.

EN ce temps fut traicté fait entre le Seigneur de Montagu tenant party du Duc de Bourgongne d'une part, & Estienne de Vignolles dir la Hire d'autre part. C'est à sçauoir, que ledit de Montagu deust auoir l'obeyssance de Vitry en Parois, & autres forteresses en Champaigne, que tenoit ledit la Hire, dedans le premier Dimenche de Karesme ensuiuant, en cas qu'il n'auoit secours du Roy Charles audit iour: lequel secours ne luy fut point enuoyé. Et pource ainsi que promis l'auoit, bailla audit seigneur de Montagu l'obeyssance des dessusdictes villes & forteresses qu'il tenoit en Champaigne. En ces iours Messire Manfroy de saint Leger, & le Bastard de saint Pol, assemblerent de quatre à cinq cens combattās, lesquels ils conduirent au pays de Barrois: & là feirent maux inestimables, & accueillirent grans proyes, à tout lesquels ils retournerent hors d'iceluy pays sans auoir empeschement.

empêchement. En cest an au mois d'Octobre le Duc de Clocestre, & laqueline de Bauiere, Comtesse de Hainault, de Hollande, & de Zelande: laquelle ledit Clocestre auoit espoulée par auât en Angleterre, comme dessus est dit: nonobstant que le Duc Jean Duc de Brabant son premier mary fut encores en vie; à tout cinq mille combatans Anglois ou enuiron vindrent nageant par mer du pays d'Angleterre à Calais, en intencion d'aller en puiffance d'armes au pays de Hainault: lequel, comme dit est, appartenoit à ladicte laqueline pour d'iceluy auoir l'obeyssance, & gouuernement. Et estoit lors avecques eux principal Gouverneur de leurs Genſd'armes le Comte Mareſchal Anglois.

*Comment les Ducs de Bethfort, & de Bourgongne prindrent peine à appaiser les Ducs de Clocestre, & de Brabant.*

**A**L'ISSUE du Mois d'Octobre conuindrent ensemble en la cité de Paris les Ducs de Bethfort, & de Bourgongne, chacun à tout son Conseil, ainsi que promis l'auoier à la dernière conuention par eux tenue à Amiens, pour traicter de la paix, & disſence qui estoit meüe entre le Duc Jean de Brabant, & le Duc de Clocestre. Et là en ladicte ville de Paris pratiquerent, & debattirent la matiere en grand deliberation ce Conseil par plusieurs iournées selon les propositions, allegations, & probatiōs d'une partie, & d'autre: jaçoit ce qu'icelles parties eussent proces en Court de Rome deuât le Pape. Et en fin traicterent tant lesdits Ducs de Bethfort, & de Bourgongne, que ils feirent appoinctement selon leur aduis, & de leurs Conseils entre icelles parties. Lequel traicté ils enuoyerent par leurs Ambassadeurs deuers les Ducs de Brabant & de Clocestre: & alla en ceste Ambassade deuers ledit Duc de Clocestre à Calais, où il estoit luy & sa fême, Messire Raoul le Bouteiller, & l'Abbé Fouquans: lesquels là venus, monſtrerēt audit Duc les articles dudit appoinctement, & de leur Ambassade. Lesquels eurent dudit de Clocestre & de la Dame responce negative, disans ainsi que point ne tiendroient celle ordonnance: mais dirent qu'ils iroient en Hainault à puiffance prendre l'obeyssance de leur pays: & sur ceste responce se departirent lesdits Ambassadeurs. Et ceux qui furent enuoyez deuers ledit Duc de Brabant, eurent de luy responce avecques son conseil, que l'appoinctement que auoient fait les Ducs de Bourgongne, & de Bethfort, il auoit bien pour agreable, & en estoit content: lesquelles responces des deux Ducs dessusdits, furent portees à Paris deuers les Ducs de Bethfort, & de Bourgongne, qui de ce furent fort troublez, pource que ledit Duc de Clocestre n'auoit voulu tenir ledit appoinctement qu'ils auoient fait. Et par especial le Duc de Bourgongne en fut tresmal content, & tant qu'il dit tout plainement à son beau frere le Duc de Bethfort: puis qu'il veoit que son frere le Duc de Clocestre ne vouloit condescendre à nul traicté de raison, qu'il ayderoit de toute sa puiffance à son cousin le Duc de Brabant à garder son honneur, & sa Seigneurie contre ledit Duc de Clocestre: par lesquelles tribulations, ledit Duc de Bethfort fut trescourroucé en cœur contre son frere, doubant que par telles

*Duc de Clocestre ne veut acquiescer à l'accord.*

diuisions & dissentions, les alliâces qu'ils auoient en France avecques ledit Duc de Bourgongne, ne fussent du tout corrompues & adnichillées. Item lesdits Ducs de Bethfort, & de Bourgongne, feirent la feste de la Toussaints, & le iour des ames dedans Paris solemnellement, chacun en leurs hostels: & lors aucuns iours ensuiuans ledit Duc de Bourgogne feit en son hostel d'Artois à ses propres despens, les nopces de Messire Jean de la Trimouille Seigneur de Ionuelles, & de la Damoiselle de Rochebarô seur au Seigneur d'Amboise, que pour ce téps se tenoit avecques la Roynie de France, femme au Roy Charles deffunct en la cōpagnie de la Dame de la Ferté. Aufquelles nopces furent ladicte Roynie, ledit Duc de Bethfort, sa femme la Duchesse seur au Duc de Bourgongne: avecques eux le Comte de Salsbery, & la Comtesse sa femme, le Comte de Suffort, l'Euesque de Theroüanne, le Seigneur d'Estable, avecques tresgrand nombre de notables Cheualiers, Escuyers, Dames, & Damoiselles, & autres gés de grâd & noble estat, qui tresgrâdement furent festoyez & receuz par ledit Duc de Bourgongne, & les siens. Et furent adonc grans resolutions & esbatemens, tant en boire cōme en mǎgiers riches & precieux, cōme en dāces, ioustes, & autres esbatemens: & mesmes iousterent les Ducs de Bethfort, & de Bourgongne, & aucuns autres Princes avecques grans nombre de leurs Cheualiers. En apres ledit Duc retourna de Paris en son hostel de Bourgogne, & là print en mariage par dispensation Apostolique, la vesue de son oncle Comte de Neuers iadis mort à la bataille d'Azincourt. Laquelle Dame estoit moult renōmée de viure saintement, & auoit du dessusdit Côte de Neuers deux enfans, & si estoit seur germaine au Côte d'Eu, qui pour lors estoit prisonnier en Angleterre, & demie seur à Charles de Bourbon Côte de Clermōt. En ce mesme téps rendit son esprit Ieā de Bauiere iadis Euesque de Liege, oncle au Duc de Bourgongne, & à la Duchesse Iaqueline de Bauiere, & pourtāt qu'il n'y auoit nul enfant de la Duchesse de Bourgogne sa femme, il declaira en son derrain ledit Duc de Bourgongne son hoir, & successeur, & meit du tout en oubly la dessusdicte Iaqueline de Bauiere sa niepce.

Duc de Bourgogne épouse la Comtesse de Neuers.  
† pays.

*Comment le Duc de Clocestre, & la Duchesse sa femme allerent de Calais en Hainault, prendre l'obeyssance des bonnes villes: & comment le Duc de Bourgongne se prepara pour aller en l'ayde du Duc de Brabant son cousin.*

**E**N la fin du mois de Nouēbre, le Duc de Clocestre avecques son grand ost, qu'il auoit amené à Calais, comme dit est dessus, & la Duchesse Iaqueline sa femme en sa cōpagnie se meit à chemin, & par Houdain, & au dehors de Lens en Arthois alla en Hainault: & en passant parmy le pays du Duc de Bourgongne, ne souffrit faire nul desroy, sinon prendre viures courtoisement, & alla premier à Bouchain, & à Mōs, où il fut obey assez libéralement. Auquel lieu vindrēt deuers luy plusieurs des Seigneurs, & Gentils-hommes du pays pour à luy, & à sa femme faire seruiue & obeyssance. Et brief ensuiuant feirent serment audit Duc de Clocestre toutes les bonnes villes de la Cōmté de Hainault, appartenans à la Duchesse Iaqueline, qu'il disoit estre sa femme: & ausli tous les Seigneurs & Gentils-



& Gentils-hômes du pays, sinon seulement la ville de Halx, qui tint le party du Duc de Brabant. Et pareillement le tindrent le Comte de Couuerfan Seigneur d'Anghien, & Messire Angilbert d'Anghien, & Jean de Lumont avecques toutes leurs villes & forteresses. Et les autres, comme dit est, tant nobles, comme bonnes villes en rompant, & adnichilant le serment, que autresfois auoient fait au Duc de Brabant, teindrent plainement le party d'iceluy Duc de Clocestre, & de la Duchesse laqueline. Item aucuns iours apres que ledit Duc de Bourgogne eut espoulé la femme, côme dit est dessus, il le partit d'icelle, & alla à Mascô, où il tint parlemēt avecques le Duc de Sauoye, & les Ambassadeurs du Duc de Bretagne: desquels estoit le principal Artus Comte de Richemont: lequel parlement durant, vindrent audit lieu de Mascô enuoyez de par le Roy Charles de Bourbon Comte de Clermont, l'Archeuesque de Reims, l'Euesque du Puy, & aucuns autres notables Ambassadeurs. Lesquels entre autres choses traicterēt le mariage dudit Comte de Clermont, & d'Agnes seur germaine du Duc de Bourgogne. Et là promet ledit Duc de Bourbon en parole de Prince en la main dudit Archeuesque, de l'espouser dedans certain tēps, qui par les parties fut conclud. Et apres sans planté d'autres grandes besongnes accōplir, se departirent l'un de l'autre & retourna chacun en son propre lieu.

ITEM Philippes Duc de Bourgogne sçachant la venue de Honfroy Duc de Clocestre en Hainault, de ce moult indigné, enuoya ses mandemēs patens en ses pays de Flandres, d'Arthois & à l'environ par toutes les dominations, lesquels sans delay furent publicz es lieux accoustumez: contenant que tous nobles, & autres de quelque estat qu'ils fussent, qui se auoient accoustumé d'armer, se meissent sus en armes pour aller en l'ayde du Duc de Brabant, contre le Duc de Clocestre en la cōpagnie de Messire Jean de Luxembourg, des Seigneurs de Croy, de l'Isle-A dā, & autres Capitaines, qui à ce seroient commis pour les conduire, & mener. Apres laquelle publication s'assemblerent tresgrand nōbre de Gens-d'armes sous la conduicte desdits seigneurs, qui tous ensemble se tirerent deuers Philippe Comte de Fain & Pol, frere au Duc Jean de Brabāt. Auquel de par ledit Duc fut baillé la charge de faire guerre, & resistance contre ledit Duc de Clocestre. Avec lequel Côte de Sain & Pol estoit principal gouuerneur Pierre de Luxembourg, Côte de Couerfan & Braine, Seigneur d'Anghie. Et si y estoit Messire Angilbert d'Anghien Damoiseau de Vissemale, de Rosbarre, & aucuns autres grands Seigneurs Bannerets du pays de Brabāt, avec grand multitude de commun du pays de Brabant & infinis habillemēs de guerre. Et adonc cōmença de toutes parts la guerre de Hainault moult dommageeuse par feu & par espée: parquoy le poure peuple fut moult oppressé, car le dessusdit Duc de Clocestre meit grand garnison de ses Anglois audit pays de Hainault en plusieurs villes, & forteresses à luy obeyssans. Et pareillement le feit le Comte de S. Pol sur toutes les frontieres de son obeyssance: lesquelles garnisons souuentefois couroient sur les marches de l'un l'autre, en faisant (comme dit est) grans, & innumerables dommages.

Comment le Duc de Clocestre enuoya vnes lettres au Duc de Bourgongne,  
& la coppie d'icelles.



**H**T E M apres ce qu'il fut venu à la cognoissâce du Duc de Clocestre, que le Duc de Bourgongne par ces mandemens auoit fait assembler Gens-d'armes par ses pays, pour aller contre luy à l'ayde du Duc de Brabant, il fut de ce grandemēt malcontent, & pourtant escriuit vnes lettres: lesquelles lettres il enuoya en Bourgogne deuers ledit Duc, & contenoiet mot apres autre ce qui s'ensuit. *Hault & puisât Prince, trescher, & tresaymē cousin: Nouuelles me sont venues, qu'en voz terres, & Seigneuries par deça on a publié, & fait cry de par vous, que toutes gens disposer aux armes soient prests pour aller en la compagnie de Messire Jean de Luxembourg, & autres au seruice de mon Cousin de Brabant, à l'encontre de moy, mes amis, bien vneillans, & subiects en donnant à entendre contre verité plusieurs choses: autant ou plus en ay apperceu par vne coppie de certaines lettres, qui se dient de vostre part escriptes en vostre ville de Dijon le vingtiesme iour de Decembre: lesquelles publications & lettres, come ie croy, viennent de vostre sceu & ordonnance: pourtant, que assez sçauex ce que le tēps passe ay fait à vostre priere, contemplation, & requeste, & par quantes fois sous mon beau frere le Regent, & à vous me suis soubmis pour cuidoer appaiser le differend & discord, dont en icelles lettres est fait mention, ce qui est entre mondit cousin de Brabant & moy: quantes iournées en ay acceptées, & que les offres en mō preiudice en seit faire: auxquelles, comme vous sçauex, ceux de la partie du Duc de Brabant ne voulurent oncques condescendre, ne prendre aucun traité, suppose qu'icelles lettres soient coulourées au contraire, ainsi que par la coppie d'icelles (si vous la voulez visiter) apparoir vous pourra: & ie sçay aussi que ce que fait en ay, n'est eslongné de vostre bonne memoire: & si sçauex que si proximité de lignage vouloit vous mouuoir d'aucune chose faire, plustost desiriez estre enclin de ayder à ma partie que l'autre, veu que ma compaignie, & espouse est deux fois vostre cousine germaine, & que mondit cousin de Brabant de tant ne vous appartient. Et encores outre y esles obligé par le traité de la paix par vous, & moy solemnellement iuré, ce que oncques ne iura ledit Duc de Brabant: mais (comme vous sçauex) a fait alliances contraires, qui contre luy vous deueroient mouuoir. Lequel traité n'a esté par moy enfrain ne ja ne sera: ains de l'auoir pensé ce me seroit moult grief, & me sembleroit, si fait l'auoye, que depuis ne me pourroit bien venir, ainsi qu'il ne seroit. Et aussi me tiens-ie certain qu'en vostre vie ne ferez le contraire. Et d'autre part, n'auex encores peu apperceuoir que auant ne depuis que ie suis par deça, n'aye tousiours esté desirant de à vous, & aux vostres complaire: ne que i'aye fait, procuré, ou porté, ne souffert procurer à vous, ne à voz subiects aucuns griefs ou dommages: mais lesdits subiects ay traité, & eu aussi pour recommander comme les miens propres, comme de ce vosdits subiects vous peuuent donner cognoissance. Auecques ce sçauex, comment pieça vous ay escript, que vray est, que par deça ne me suis entremis de demander autre chose: ains suis content d'auoir ce qui me appartient à cause de madite cōpaignie vostre cousine. & qu'à l'ayde de Dieu garderay tant qu'elle viura, que bien est assez suffisant. Et si aucune chose me a conuenu, & conuient faire contre mondit cousin, comme vous sçauex, n'en suis en coulpe: mais par contraincte par ses emprinses pour mō bonneur garder, & mon pays deffendre, le m'a conuenu faire selon que sçauoir le pouez. Quand à la verité (comme ie tiens)*

ie tiens & vous la sçauz d'sa, qui sont assez notisantes choses, par lesquelles ie ne puis croire, que oncques lesdites publicatiōs, & lettres precedentes de vostre sçeu ou certaine cognoissance ayent esté faictes. Pour ces haults & puissant Prince, mō trescher & tresaimé cousin, ie vous prie tres à certes que et que dessus est dit, vous vueillez biē considerer: c'est à sçauoir, ce que i'ay fait à vostre contemplation & requeste le refus des autres parties, la prochaineté de lignage, le traité de paix que n'ay fait à l'encontre d'aucune chose du vostre, & lesdites entreprinſes de mes aduersaires. Et ie croy que supposez ores quand auineroit, qu'on m'a donné à cognoistre, que ne puis encores croire, se bien y pēsez, prendre autre conseil: & serex d'opinion contraire. Quand autremēt faire le voudrez, Dieu à qui on ne peut riens celer, garder a mon bō droit, & le sermēt qu'auex ie y appelle. Hault & puissant Prince, trescher & tresaimé cousin, par ce porteur me faictes sçauoir de vostre intention, avec s'il est aucune chose que pour vous sçaire puisse, ie m'y emploiray de bon cueur, nostre seigneur le sçet, qui soit garde de vous. Escrit en ma ville de Mons, sous mon ſignet le douzeſme iour de l'annier. Hault & puissant Prince mon trescher & tresaimé cousin, ie vous enuoye en ces presentes lettres encloues la semblable coppie d'icelles lettres, ainsi signées de Croydesquelles lettres la superscriptiō estoit. A hault & puissant Prince mon trescher, & tresaimé cousin le Duc de Bourgogne. Et l'inscripſion: vostre cousin le Duc de Cloceſtre Comte de Hainault, de Hollande, de Zelande, de Pennebourg & seigneur de Frise: icelles dessus declairées & receuēs du Duc de Bourgogne, les visita en grand declaration de Conseil. Et apres rescriuit par la maniere cy apres declairée audit Duc de Cloceſtre.

Coppie des premieres lettres du Duc de Bourgogne enuoyées au Duc de Cloceſtre. 1414.

**H**AULT & puissant Prince Honfroy Duc de Cloceſtre: le Philippe Duc de Bourgogne, Comte de Flandres, & d'Artois, ay receu vos lettres à moy adressans, escriptes à Mōs en Hainault sous vostre ſigne le xij. iour de l'annier dernier passé, contenās plusieurs choses: & entre les autres, qu'auex ouy nouvelles, qu'en mes terres & Seigneuries par delà on a fait publier, & crier de par moy, que toutes gens disposē aux armes, fussent prests pour aller en la cōpagnie de nostre trescher, & tresaimé cousin Meſſire Iean de Luxembourg & autres, pour aller au seruiſe de mon trescher & tresaimé cousin le Duc de Brabant à l'encontre de vous, & de vos bien vœuillans, & subiects, en donnant à entendre plusieurs choses contre verité, comme portent vosdites lettres: & que autant ou plus que auex apperceu par la coppie qu'enuoye m'auex de certaines lettres, qui se dient de ma part escriptes en ma ville de Dijō le vingtième ſme iour de Decembre. Sur ce, hault & puissant Prince, de la plus grād partie d'icelles vos lettres ie me passe de faire recitation & responces: car guerres ou riens ne m'en est, fors de ce qui touche à mon bonneur, que ie ne vueil ou dois souffrir blāmer, ne charger contre droit, & raison. Et pourtant vous escripts & signifie, que les lettres & publicatiōs d'icelles sont semblables en substance en ladicte coppie que m'auex enuoyées, procedant de mon ſeu, & les ay ordonnées, mandées, & commandées estre faictes. A quoy ay esté meū du reſſus par vous fait, de obtemperer aux articles, & points dernièrement par beauſſere le Règēs, & moy à grand deliberation du Conseil à Paris aduizés, & depuis à vous présentées, pour l'appaiſmēt du cōiēds, & diſcord d'entre mō trescher, & tresaimé cousin le Duc de Brabant d'une part, & vous d'autre. Lesquels articles iceluy mō cousin le Duc de Brabant pour Dieu mettre de rō coſſé, & cōplaire audit beau frere

Ed ij



à moy) auoit octroyées & accordées: mais ce nonobstant vous apres vostre dit reffus, & sans vouloir attendre la fin du proces pendant en la Court de Rome sur ledit contens, estes à puissance d'armes, & de guerre entré au pays de Hainault, vous efforçant d'en debouter mondit cousin de Brabant & de luy en oster sa possession. Et de dites choses sont mesdites lettres causees, qui sont certaines & veritables, si comme vous pouuez scauoir & ignorer, ne nier ne le pouez. Si n'ay en ce riens donné à entendre contre verité, comme m'en songieremēt & à tort me mettez sus, & voulez charger, comme il me semble, par voz lettres dessusdictes. Lesquelles ie garde par deuers moy, pour enseigner quand temps sera. Assez voy & trop m'est deshonneur, que fait auez & efforcez faire à mondit Cousin de Brabant sans vouloir charger mon honneur & renommée, que endurer ne voudroye, ne vueil de vous, ne nuls autres. Aussi croy-ie, que ceux à qui ie t'attiens, & qui me attienent de sang, lignage & affinité: & mes loyaux, seaux, vassaux & subiects, qui si grandement & si loyaument ont seruy Messigneurs, mes predecesseurs, & moy ne le voudroient pas ainsi passer ne souffrir. Pource est il, que ie vous somme, & requiers par ces lettres, que vous rappelez, & desdictes ce que m'auiez escript, que i'ay donné chose à entendre contre verité, comme dit est: & selonc ce que contiennent vosdictes lettres escriptes patens. Et se faire ne le voulez, & que vueillez maintenir la deuantdictē parolle, qui peut charger mon honneur & renommée: ie suis & seray prest de m'en defendre de mon corps contre le vostre, & de vous combattre à l'ayde de Dieu, & de nostre Dame, & prenant iour raisonnable & competant par deuant tresbault, tresexcellēt & trespuissant Prince l'Empereur mon trescher seigneur, & cousin. Et afin que vous, & tout le monde voye, que ie vueil abbreger ceste chose, & garder mon hōneur estroitement: si mieuX vous plait ie suis content, que nous prenons à iuge mon trescher & aimé cousin, & aussi vostre beau frere le Regēt Duc de Bethfort, lequel par raison ne deurez refuser: car il est tel Prince que ie sçay, qu'à vous & à moy, & à tous autres il voudroit estre droit iurier iuge. Et pour l'hōneur, & reuerence de Dieu, & pour euitier effusion de sang Chrestien, & de la destruction du peuple, dont en mon cœur ay compassion: il doit à vous & à moy, qui sommes Cheualiers adolescens, estre plus cōuenable (au cas que les parolles dessusdictes vouldriez par maintenir) par mō corps sans plus ceste querelle mener à fin, sans y aller par voye de guerre, dont il conuiedroit maints Gentils-hommes, & autres tant de vostre ost, cōme du mien finir leurs iours piteusement: laquelle chose me desplairoit s'ainsi le faillloit faire, & aussi deuroit il faire à vous, veu que la guerre des Chrestiens doit desplaire à tous Princes Catholiques: & à moy elle despleust, & desplait s'autremēt se pouoit faire. Hault & puissant Prince, sur le contenu de cestes me vueillez faire responce par voz lettres patentes, & par le porteur de cestes, ou par autres le plus brief que faire se pourra, sans prouguer ceste chose par escritures, ou autrement: car i'ay desir & besongne preigne briefue conclusion pour mon honneur, & ne doy laisser ne laisseray qu'elle demeure en ce point. Et sur ceste matiere apres la receptiō de voz lettres dessusdictes, vous eusse plusloft fait responce & rescrit, n'eussent esté plusieurs grādes occupatiōs, qui depuis me sont suruenues, & m'ont retardé. Et afin qu'il vous appaire que ce vient de mon seue, & propre mouuement, i'ay escrit mon nom en ces presentes, & à icelles fait mettre mō signet. Escriit le troisieme iour de Mars, l'an mille quatre cens & vingt & quatre. Lesquelles lettres furent de par ledit Duc de Clocestre leuēs, & assez les visita tout au long avec son Conseil. Et sur icelles pour faire responce escriuit de rechief au Duc de Bourgongne en telle forme, que cy apres s'ensuit.

† attouche

Deffs du Duc  
de Bourgogne  
au Duc de  
Clocestre.

† que celle  
beiloigne.

Coppie des secondes lettres enuoyées par le Duc de Clocestre au Duc de Bourgogne.

**H** AULT & puissant Prince Philippe Duc de Bourgogne, Comte de Flandres, Comte d'Artois, & de Bourgogne: le Honfroy, fils frere, & oncle des Roys d'Angleterre, Duc de Clocestre, Comte de Hainault, de Hollande & Zelande, & de Penneburg, Seigneur de Frize, & grand Chambellā du Roy d'Angleterre: j'ay receu voz lettres en forme de plaquart à moy adressans, escrites le troisieme iour de ce mois: lesquelles afin qu'il m'appaire, que le contenu vient de vostre sceu & propre mouuement aux signés & escrit vostre nom, & à icelles fait mettre vostre seal. Desquelles pour la greigneur partie reciter, m'est aussi peu ou moins, qu'il est à vous des miens à vous adressées escrites en ma bonne ville de Mons, en ma Comté de Hainault sous mon signet le douzieme iour de Januier dernier passé, si n'est entant qu'elles sont mentio du ressus, que vous distes par moy estre fait pour nō vouloir appaiser le discord, qui est entre mon cousin le Duc de Brabant d'une part, & moy d'autre part: qui est moins que verité: car mon treschier & tresaimé frere le Regent Duc de Betfort, & tout le Conseil de France, scauēt que i'en ay fait, & aussi faites vous. S'ignorer le voulez, ne pourez: & que distes, que me songier mēt, à tort vous ay mis sus aucune chose par mesdites lettres: & vous semble qu'assez trop du deshonneur & outrage vous estoit, que m'imposer auoir fait à mondit cousin de Brabant sans vouloir chāger vostre honneur, & renommee: pourquoy me sommer & requerez par vosdites lettres, de rappeler & desdire ce par les miennes escrit vous ay, ou sinon vous estes prest de deffendre vostre corps contre le mien, & de moy combattre. Vous laissez sçauoir que le contenu de mesdites lettres: ie diū & tiēs estre vray & tū encosé iceluy vneil demourer, & desia est approuuē par ce que voz gens, † du costé. & à vostre mandement ont fait, & perpetré en madiete Comté. Ne pour vous, ne pour autre ne sera par moy rappellē: ains à l'ayde de Dieu, & de nostre Dame, & d. Monseigneur saint George le contenu en mesdites lettres vous seray de mon corps contre le vostre cognoistre & ieir, estre verité par deuant quelques des Iuges qui auez esleuz, car tous deux me sont indifferens. Et pource que de sizer la chose estre briesue, comm: ie fais pareillement: par ce que mondit beau frere est plus prest, ie suis content de parfaire la chose par deuant luy, & l'accepte pour iuge. Et le iour que meistes en mon election, ie vous assigne le iour monseigneur S. George prochain venant, ou autre à la discretion de mōdit frere: auquel au plaisir de Dieu, ie seray prest, & ne saudray. Et en eas que mondit frere ne voudra emprendre la chose, ie suis content que ce soit deuant tresbauc, & puissant Prince l'Empereur: & pareillement se l'Empereur ne le veult, beau frere Oldeberth ou autre Iuge indifferens: mais pource que ie ne sçay si vous voudrez demourer d'encontre vostre signet: ie vous somme & requier que par le porteur de cestes m'enuoyez autres lettres, qui soient sealées de vostre seal, pareillement que du mien sont ces presentes. Et quand audit de Brabant se voulez, ou osez dire, qu'il a: ie meilleur droit que moy en ceste presente querelle, ie suis prest de le vous faire ieir mon corps contre le vostre au iour, & deuant ceux que dessus est dit, que i'ay meilleur droit, & auray à la grace de Dieu, nostre Dame, & S. George. Et afin qu'il vous appaire ce que dessus est dit, & vneil entretenir, faire & accomplir, i'ay escrit mon nom en ces presentes, & à icelles fait mettre mon seal. Escrit en ma ville d. Songnies le seiziesme iour de Mars l'an mille quatre cens vingt & quatre.

*Comment le Duc de Bourgogne retourna en Flandres. Et comment il enuoya vnes secondes lettres au Duc de Clocestre, & la coppie d'icelles.*



**T**EM entre temps qu'aucunes des lettres dessusdictes s'enuoyèrent par iceux Princes l'un à l'autre, retourna le Duc de Bourgogne en son pays de Flandres: & feit grand partie de ses gens aller en l'ayde du Duc de Brabant, comme dit est dessus: & aussi rescriuit au Duc de Clocestre vnes lettres seellees de son seel, en acceptant le iour apres ledit Clocestre, desquelles la teneur s'ensuit. Hault & puissant Prince, Honfroy Duc de Clocestre: ie Philippe Duc de Bourgogne, Comte de Flandres & d'Archois, ay auourd'uy receu voz lettres patentes, escrites & signées de vostre main, respondant aux miennes, que dernièrement vous enuoyay, escrites le treiziesme iour de ce present mois: lesquelles faisoient mention, que vous auez reffusé le traicté par grande deliberation, aduise par le beau frere Regent, & moy, sur le discord estant entre beau cousin de Brabant, & moy: & vous y respondex, que c'est moins que verité: mondit beau frere le Regent, & tout le Conseil de France scauent bien que fait en auez: & aussi fais-je, ie ne vueil ignorer: & s'ignorer le vouldoye, si ne puis-je, si comme vosdictes lettres le contiennent. Sur ce vous fais assauior, que sur ce seray trouué veritable, & vous non: comme apparoir pourra par le rapport des Ambassadeurs enuoyez deuers vous, à tout la cedulle de l'accord aduise par le dessusdit beau frere, moy, & ledit Conseil, lequel auez refusé: & contre la teneur d'icelle de fait entré au pays de Hainault, combien que beau cousin de Brabant l'eut plainement accordée. Et à ce qu'auoye escrit, que mensongierement & à tort m'auez mis sus aucunes choses, & qu'assez m'estoit deshonneur & ontrage, qu'auiez fait audit beau cousin de Brabant, & moy, sans vouloir charger mon honneur & renommée: parquoy vous sommoie, & reuouoie de rappeler, & desdire ce que par voz lettres auez escrit, que i'auoye cõire verité plusieurs choses donnẽ à entendre, ou si ce non, i'estoye prest de m'en deffendre: & le mien corps contre le vostre deuant l'Empereur, ou beau frere le Regent, me laissez scauoir que le cõtenu en vosdictes lettres tenez estre vray: & d'encostẽ icelles voulez demourer, & que desia est approuuẽ, par ce que mes gens ont perpetrẽ audit pays de Hainault, que pour moy, & autre ne appellerez: ainçois le cõtenu en icelles voz lettres me ferez de vostre corps contre le mien recognoistre, & reiehir estre verité par deuant quelque des deux Juges deuant nommez. Et que pource que desirez la chose estre briefue, pareillement comme ie fais: & que ledit beau frere le Regent est plus pres, vous estes content de faire la chose deuant luy, & l'acceptez à iuge, & assignant la iournée le iour S. George, ou autre à la discretion dudit beau frere. Je vous respons que du iour, & du Iuge ie suis tresbien à l'ayde de Dieu, & de nostre Dame me deffendray, & maintiendray le contraire par mon corps contre le vostre, en faisant à tous apparoir, que mensongierement, & à tort m'auez mis sus les choses dessusdictes: & y garderay ma loiautẽ, & mon honneur. Et quant à ce que mes gens ont fait au pays de Hainault, s'ils auoient aucune chose, que fut au bien, & à l'honneur du beau cousin de Brabant, i'en feroie bien ioyeux, & bien liẽ. Et pource que vous faictes doubte se ledit beau frere acceptera ceste besongne, i'enuoyeray premierement deuers luy mes Ambassadeurs notables le prier chierement: & s'accepter ne le veut, ie suis content de l'Empereur: ainsi que par mesdictes lettres vous ay escrit. Et à ce que m'escrivez, que se ie vueil, n'ose dire que mondit beau cousin de Brabant, ait meilleur droit que vous, vous me ferez ie hir de vostre

corps



corps contre le mien au iour, & deuant ceux que dessus le contraire. Le vous reisons que par la sentence de nostre S. Pere le Pape ( deuant que ceste cause est pendant ) pourra ce clerement apparoir, qui aura droit ou tort: à la puissance & auctorité duquel ne vouldroye pour riens defroguer ne desobeyr. Aussi n'est il point en nous deux d'ordonner, ne determiner à qui le droit en appartient: ne: & si ay esperance en nostre seigneur Iesus Christ, & en sa glorieuse Vierge mere, qu'auant que nous departons de la souuée, par vous aussi entreprinse, de tellement deffendre ma bonne querelle, qu'il ne vous sera ja besoing d'autre nouuelleté mettre en auant. Et quand à ce que me requerez, que sous mon seel ie d'euille enuoyer la coppie de mes lettres, qu'enuoyez vous ay sous mon signet, ie vous les enuoye, ainsi que requis le m'avez. Et ce que i'ay escrit vneil franchement tenir & accomplir.

*Comment la ville de Braine en Hainault fut destruite, & desolce par les commis de Brabant, & autres.*

**E**N T E M durant les tribulations & haines dessus declarées, les Ducs de Bourgogne, & de Clocestre se meirent sus à tresgrand puissance, Philippe Comte de Ligney, & de saint Pol, frere au Duc de Brabant en sa compagnie, le Comte Conuersan Seigneur d'Anghien, les Seigneurs de Croÿ, & l'Isle Adam, Messire Andrieu de Malignes, & le Bastard de saint Pol, & plusieurs autres Capitaines de guerre avec autres bannieres, & Gentils hommes, & enuiron de trente à quarante mille communes, comme dit est dessus. Lesquels dessusdits Comte de saint Pol mena deuant Braine-le-Comte au pais de Hainault, en laquelle ville estoient enuiron deux cens Anglois des gés du Duc de Clocestre, avecquels la communauté d'icelle. Si furent leans assiegez de tous costez, & fort combattus par les engins, qu'ils auoient là amenez sans nombre. Pourquoy apres que les dessusdits assiegez eurent veu la puissance de leurs ennemis par l'espace de huit iours, commencerent à traicter: & en fin furent d'accord par tel si, que les Anglois, qui dedans estoient, iroient sauues leurs vies, & aucunes parties de leurs biens, & la ville avec les habitans demoureroient en l'obeissance du Duc de Brabant, en faisant serment à luy, ou à ses commis, moyennant qu'ils payeroient certaine somme d'argent, en rachepant leur ville, & leurs biens. Apres lequel traité ainsi fait, & que les dessusdits Anglois furent prests à tenir leur sauconduit pour eux en aller, entrerent les communes dessus en tresgrand nombre dedans icelle ville par plusieurs lieux: & occirent grand partie d'iceux Anglois avec aucuns bourgeois de la ville: & prindrent, rauirent, & frustrerent tous les biens, & puis bouterent le feu en plusieurs lieux & maisons, tant finablement que la ville fut toute arse, & desolée. Ainsi & par ceste maniere rompirent, & enfraindirent lesdites communes l'ediç, qu'auoient fait leurs Capitaines. Et ne fut pour prieres, ne pour messages, que de ce on leur peust faire retarder, dont les dessusdits Seigneurs, & nobles furent tresmal cotens. Neantmoins aucuns d'iceux Anglois furent sauuez, & réuoyez sauues leurs vies, ainsi que promis leur auoit esté par le moyen des Seigneurs & nobles dessusdits. Et alors estoient en la compagnie du Côte de saint Pol audit siege de Braine Pothon de saint

Treille, Regnault de Longueual, & aucuns autres à tout leurs gens tenans le party du Roy Charles.

ITEM apres que ladicte ville de Braine fut du tout desolée, comme dit est, se tint l'ost des Brabançons au lieu où ils estoient, & adonc par le moyen des lettres enuoyées par le Duc de Bourgongne l'un à l'autre, & le iour accepté, comme dit est, de combattre de leurs personnes par deuant le Duc de Bethfort, estoit la guerre mise comme en suspens entre le Duc de Clocestre, & le Duc de Brabant: & ne deuoient plus ne leurs gens porter aucun dommage l'un à l'autre, ains attendoient à celuy qui auroit victoire de ladicte iournée. Et sur ce propos se deslogerent ledit Comte de saint Pol, & ses gens deuant Braine, pour retourner en Brabant. Et pourtant que ledit Duc de Clocestre avec sa femme, & toute sa puissance, comme haineurs estoit à Songnies, eurent les Brabançons grand doubte d'estre aucunement enuahis d'iceux. Et pource tous les nobles se meirent avec leurs Princes en ordonnance, cheuaucherēt par ordre tous armez, prests, comme s'ils eussent entrer en bataille. Et aussi firent aller lesdictes communes en belle, & grande ordonnance, & ainsi se departirent de deuant Braine: & quand ils eurent cheuauché vne partie de leur chemin, ils eurent nouuelles par leurs arriere-coueurs, qu'ils auoient laissé derriere que les Anglois estoient sur les chāps: laquelle chose estoit veritable: car aucuns des Capitaines du Duc de Clocestre à tout huit cens Anglois, se meirent sus par le congé dudit Duc pour veoir iceux Brabançons desloger. Et tant s'approcherent les parties l'un l'autre, qu'ils se pouoient plainement veoir: mais il y auoit bonne espace & fosses entre icelles parties. Toutesfois ledit Comte de saint Pol, fait mettre ses gens en ordonnance sur vne montaigne: c'est à sçauoir ses Gentils-hommes, & archiers, & pareillement s'y meirent iceux Anglois: & entre-temps y eut plusieurs coueurs tant d'un costé comme d'autre, qui s'escarmoucherent tresfort les uns cōtre les autres: & tant qu'en ce faisant de chacune partie y en eut aucuns morts ou naurez, & portez ius de leurs cheuaux nō mie en grand nombre. Et demourerent en l'estat que dit est, chacune partie en bataille par treslongue espace, & iusques à ce que chacune desdictes parties contendans, que ses compagnons ennemis s'en deussent partir premiers. Et entre-temps qu'ils estoient ainsi en bataille, comme dit est, vindrent certaines nouuelles au Comte de saint Pol de par le Duc de Bourgongne, de sa iournée acceptée entre luy, & le Duc de Clocestre, & ainsi que la guerre deuoit cesser entre icelles parties. Apres lesquelles nouuelles venues, comme dit est, & qu'il estoit desia bien tard vers la nuit, se commencerent à retraire les Anglois dessusdicts vers leur Seigneur Duc de Clocestre, qui estoit à Songnies. Et d'autre part le Comte de saint Pol & les siens se departirent, & allerent loger à Halx, & à l'enuirō, auquel lieu ils firent faire tresbon guet. Or est verité, que la plus grād partie des communes de Brabant dessusdit, avec aucuns autres doubtans l'enuahie, & bataille desdits Anglois, s'estoient departis d'avec ledit Comte de saint Pol, en fuyant par grand desfroy en leur pays, laissant par les champs leurs armeures cheoir sans nombre, avec leurs chars & charrettes & autres habillemens

*Communes se  
departent sans  
le sçeu de leurs  
chefs.*

habillemens de guerre: iaoit-ce qu'ils fussent de trente à quarante mille hommes desdictes communes, si en demoura il assez pou avecques leurs chiefs: & n'en tint pas à eux que ce iour ledit Comte de sainct Pol, & les autres Seigneurs & Capitaines, qui estoient avecques, ne receussent grand deshonneur, & grand dommage.

LE M le xxvj. iour de Feurier de cest an, auquel le premier iour de Mars se devoit rendre la ville & chastel de Guise, avoit tât traité Messire Jean de Luxembourg avecques lea de Proisy Gouverneur d'icelle, que ladicte ville, & chastel luy furent renduz audit vingt & sixiesme iour de Feurier, auant que ledit iour fut venu. Et pareillement luy fut baillé & deliuré la forteresse d'Irechon: & fut par ces moyens du tout obey par toute la Comté de Guise, dont il despleur grandement à René d'Anjou Duc de Bar, qui d'icelle Cōté estoit seigneur, & vray heritier. Et par ainsi ceux qui s'estoient assemblez pour estre à la reddition d'icelle au premier iour de Mars, tant Anglois cōme Picards, quand ils sceurent les nouvelles d'icelle reddition, retourneret en leurs propres lieux. Et le dessusdit de Luxembourg rendit les hostages des François qui estoient dedans: lesquels à tout bon saufconduit s'en allerent où bon leur sembla: & lors fut commis à Guise nouvel Gouverneur Messire Daviod de Poix.

LE M apres que Philippe Comte de sainct Pol, avecques les nobles de Brabant se furent retraits à Brucelles depuis le siege de Braine: & que les Picards se furent mis en plusieurs forts sur les marches de Hainault, le Duc de Clocestre, sa femme en sa compagnie à tout son armée, alla de Songnie à Més, où il trouva la Comtesse de Hainault doügiere: avec laquelle, & plusieurs nobles cōclud de retourner en Angleterre à tous ses Anglois, afin de luy preparer de sa personne pour cōbattre le Duc de Bourgongne, comme par leurs lettres cy dessus escrites estoit conclud, & accordé par eux deux. Et lors sur le point de son departement, fut requeste faicte au Duc de Clocestre tant par sa belle mere Comtesse de Hainault, comme par les nobles, & bonnes villes du pays, qu'il voulsist laisser la Duchesse Jaqueline, qu'il disoit sa femme leur Dame & heritiere: lequel leur accorda moyennant qu'ils promeirent, & iurerent solennellement audit Duc de Clocestre, qu'ils la garderoient & deffendroient contre tous ceux, qui nuire ou greuer luy voudroient: & par especial le iurerent & promeirent les bourgeois, & habitants de la ville de Mons, dedans laquelle elle demoura. Et adonc ledit Duc de Clocestre, & sa femme departans l'un de l'autre en grans gemissemens, se departit à tout quatre ou cinq mille combattans Anglois de sainct Gilant, & alla gesir celle premiere nuit à Yuins empres Bohaing: & apres par Vy en Arthois, & au dehors delez alla en plusieurs iours iusques à Calais en passant luy, & ses gens paisiblement, en prenant viures sans faire nul desroy. Et remena avec luy au pays d'Angleterre Alienor de Combartre, laquelle il eut depuis espousée: & l'auoit amenée d'Angleterre avec sa femme au pays de Hainault, c'est à scavoir avec la Duchesse Jaqueline de Bauiere. A l'issue de cest an, allerent à Romme deuers nostre sainct Pere les Ambassadeurs du Roy Charles: desquels le principal estoit l'Euesque de

*Reddition de  
Guise, & du  
fort d'Irechon.*

*Le Duc de  
Clocestre lais-  
sa sa femme en  
garde à ceux  
de Mons.*



Leon en Bretagne : lesquels Ambassadeurs feirēt de par ledit Roy toute obeïssance audit Pape Martin, & les receut liemēt: car par auant ledit Pape s'estoit absenty, & Benedict avec les Espaignols & Aragonnois estoit.

*Comment le Pape Martin enuoya vnes bulles au Duc Iean de Brabant, & la teneur d'icelles*

**A**V commencement de cest an furent enuoyées vnes lettres, & publiées de la partie du Duc Iean de Brabant, par maniere de vjdimus des lettres du Pape à luy enuoyées sur la bulle, dont la teneur s'ensuit. *Martin Euesque le seruiteur des seruiteurs de Dieu, A chier fils noble homme Iean Duc de Brabant, salut & benediction Apostolique: N'agueres par relation par aucuns dignes de foy, est venu à nostre cognoïssance: (dont nous desplait grandement) qu'aucunes cedulles ont esté diuulgüees, & leües publicquement en certaines lettres sur nostre nom & bulles, demonstrées au peuple es pays de Hainault & es Eueschez d'Vtrecht, de Liege, & de Cambray: esquelles (sicomme on nous afferme entre les autres choses) estoit contenu, que nous auions conserme le mariage contra nēt par chier fils noble homme Honfroy Duc de Cloestre, avecques chiere fille en Jesus Christ Iacqueline noble femme Duchesse de Bauiere: & que le mariage air si contra nēt par foy, avecques ladite Duchesse, nous auions reproué, & iugé de nulle valeur. Et combien que telles choses, qui n'issent point de nous aucunement, sont publiées esdictes parties en nostre escandale, & contre tout honneur, qui voulons la cause dudit mariage estre terminée selon la dispositiō & forme du droit commun: & à toy notifions par ces présentes pour les choses dessusdites, que tu ne preignes aucune rancune ou tristesse en ta pense: mais tienst fermement que lesdictes lettres, & autres choses, qui ont esté dites & publiées esdictes parties par les hommes plains de scandale, ne viennent point de nous: mais d'autres, qui n'ont point Dieu deuant le yeux, & quierent nouuelletez, mouuements, & scandales, dissences & faulsetez. Si voulons que les trouueurs de telles escandales, & faulsetez, pour l'honneur de nous, & du siēge Apostolique, soient deüement puniz selon l'agresse, & grandeur du peché commis. Et pource escriuons à noz venerables freres les Euesques d'Vtrecht, de Liege, & de Cambray, & à chacun d'eux: & mandons par escrits Apostoliques pour oster cest scandale & faulseté, que noz lettres, & le contenu d'icelles facent publier en leurs Eglises, & sermons publicques au peuple: & ayent pour excommunié celuy, qui telles lettres fait publier, ou lire en leur puissance: & le saichant tenir en nostre prison, iusques à tant qu'ils auront receu autre mandement de nous. Donné à Romme aux saincts Apostres es Ides de Feurier, l'an huietiefme de nostre Papalite.*

*Comment après le departement du Duc de Cloestre, la guerre se fmeut en Hainault: & comment la Duchesse Iacqueline de Bauiere escriuit au Duc de Cloestre pour auoir secours, & le contenu des lettres.*

**E**T M après le departement du Duc de Cloestre de la Comté de Hainault, commencerent les gēs du Duc Iea de Brabāt, & les Picards à mener forte guerre audit pays à toutes les villes, qui obeïssent au Duc de Cloestre: & aussi à icelles, qui avec leurs seigneurs auoient tenu, & tenoient son party: pourquoy le pays fut fort molesté, & mis à destruction. Et pour y resister & y auoir pourueance, la Comtesse

Comtesse de Hainault douïagiere, eut plusieurs parlemés avec le Duc Philippe de Bourgongne son nepueu, & avec les Ambassadeurs du Duc de Brabant tant à Douay & l'Isle, comme en Audenarde: en la fin desquels estoit conclud, que ledit pays de Hainault seroit remis en l'obeïssance du Duc de Brabant. Lequel Duc seroit aux bons & habitans du pays abolition generale, & la Duchesse laquelle seroit baillée en garde au Duc de Bourgongne, par tel si qu'il auroit pour tenir l'estat d'elle certaine pecune: & elle demoureroit en son gouvernement iusques à ce que le proces durant touchant ceste besongne, & pendant en Court de Romme, seroit finé. Durant lequel traité, se tournerent en l'obeïssance des Ducs de Bourgongne, & de Brabant contre leur Dame les villes: c'est à sçauoir de Vallenciennes, Condé, Bouchain, & aucunes autres. Et demoura à pou pres la ville de Mós exilée du party de leur Dame: pourquoy de toutes parts furent approchez de leurs ennemis, & leur furent les viures ostez & deffenduiz, qu'ils n'en pouoient auoir sinon assez petit. Et adonc eux voyans en ce dangier, furent fort troublez, & esmeuz contre leur Dame: & tant qu'ils dirent plainement, que s'elle ne faisoit paix, ils la mettroient entre les mains du Duc de Brabât, & avec ce emprisonnerent aucuns de ses gens, & feirent mourir par iustice les aucuns, comme cy apres sera declairé: dont ladicte Duceffe fut en grand doubte & desespoir, tant pour les mutations dessusdictes, comme pour les nouuelles que luy rapporta sa Dame sa mere: c'est à sçauoir qu'elle seroit mise en la main du Duc de Bourgongne, & menée en Flandres, comme cy apres peut apparoir par ses lettres closes, qu'elle enuoya au Duc de Cloestre: lesquelles furent trouuées en chemin, & portées au Duc de Bourgongne, desquelles lettres la teneur s'ensuit. Mon tresfredoubté Seigneur & pere, tant humblement comme ie puis, & sçay en ce monde, me recommande à vostre benigne grace. Et vous plaise sçauoir mon tresfredoubté Seigneur & pere, que i'escris maintenant à vostre glorieuse domination, comme la plus dolente femme, la plus perdue, la plus faulxement trahie qui viue: car mon tresfredoubté seigneur le Dimenche treizieme iour de ce present mois de Iuing, les deputez de vostre ville de Mons retournerent, & apporterent un traité fait, & accordé par beau cousin de Bourgongne, & beau cousin de Brabant: lequel traité fut fait en l'absence de Madame ma mere, & sans sa cognoissance, comme elle mesmes m'a signifié, & certifié par Maistre Gerard le Grād son Chappellain. Pourquoy mon tresfredoubté Seigneur, Madame de mere m'a escrit ses lettres, faisant mention dudit traité: sur lequel elle ne sceut n'ose moy conseiller, car elle mesmes ne sçauoit que faire: mais me prioit que ie voulsisse prier mes bonnes gens de ceste ville, pour sçauoir quelle consolation, & ayde ils me voudroient faire. Sur laquelle chose, mon tresdoux Seigneur & pere, il vous plait sçauoir, que le lendemain i'allay à la maison de la ville: & leur fiz remonstrer comment à leur requeste, & priere vous auoit pleu à moy laisser en leur protection & sauuegarde, comme à ceux qui vous auoient fait serment d'estre vos vrayz, & loyaux subiects, & qu'ils sceussent de moy bonne garde pour vous en rendre compte: lequel serment ils firent deuant le sacrement de l'autel, & sur les saintes Euangiles. Surquoy, mon treshonneuré Seigneur, & pere, ils respondirent tout à plain, qu'ils n'estoient point assez forts dedans la ville pour moy garder: & en ce faisant de fait à pensee se smeurent en disant, que mes gens les vouloient meürdrir. Et tant, mon tresfredoubté Sei-

Partisans du  
Duc de Clo-  
cestre execu-  
117.

gneur, qu'en mon despit ils prindrent vn de voz subiects sergent nommé Maquart, & presentement luy firent prestement coupper la teste: & firent prendre tous ceux, qui vous ayment, & tiennent vostre party, comme Bardoul de la Porte, Collart son frere, Gillet de la porte, Jean du Bois, Guillaume de Leur, Sanson vostre sergent, Pierre, Baron, Sandart, Dandre, & plusieurs autres iusques au nombre de deux cens cinquante de vostre party. Et de rechief vouloient prendre Sire Baudouin tresorier, Sire Loys de Montfort, Haulnere, Jean Fresné, & Eslienne d'Estre: lesquels ils n'ont point encores prins, ne ie ne sçay qu'ils feront. Aussi mon trefredoubté Seigneur, ils me dirent tout à plain, que se ie ne faisoye traité, ils me liueroient és mains de beau cousin de Brabant: & n'ay plus de dilation à demourer en ceste ville que huit iours, que ne soye contraincte d'aller en Flâdres, qui m'est douloureuse chose & dure: car ie doute que tant que ie viuray plus ne vous verray, s'il ne vous plaist moult en haste moy ayder. Helas, mon trefredoubté Seigneur pere, toute ma vraye esperance, & toute ma conclusion est en vostre domination: veu mon trefredoubté Seigneur, & ma seule & souveraine liesse, que tout ce que ie souffre est pour l'amour de vous. Dont treshumblement ie vous supplie tant, & si treschèrement que ie puis en ce monde: pour l'amour de Dieu, qu'il vous plaise auoir compassion de moy, & mes besongnes, & à moy vostre dolente creature venir tout en haste en ayde, si ne me voulez perdre perdurablement. L'ay espoir qu'aussi serez: car, mon trefredoubté Seigneur & pere, ie ne desferuis oncques par deuers vous, ne ia ne feray tant que ie viuray, aucune chose qui vous deust desplaire, ainçois suis toute prest à recevoir mort pour l'amour de vous, & de vostre noble personne: car vostre noble domination me plaist trefgrandement: par ma foy, mon trefredoubté Seigneur & Prince, toute ma vraye consolation & esperance, il vous plaise pour l'amour de Dieu, & de monseigneur S. George considérer tant en haste comme faire pourrez mon trespouloureux effaire, qu'encores n'avez vous point fait: car il me semble qu'entièrement m'avez mis en oubly. Autre chose ne vous sçay pour le present que rescrire, fors mon trefredoubté Seigneur & pere, que i'ay moult tost enuoyé par deuers vous Messire Loys de Môtfort: car il ne peut plus estre avecques moy, nonobstant qu'il m'a accompaigné quand tous les autres m'ont failly, qui vous dira tout plus à plain, que ie ne vous sçauroye escrire. Pource vous supplie mon trefbier Seigneur & pere, qu'il vous plaise luy estre bon Seigneur, & à moy mander & commander voz bons plaisirs, lesquels ie seray de tout mon cueur. Ce sçet le benoist fils de Dieu, qui vous doint bonne vie, & longue, & grace, que ie vous voye à trefgrand ioye. Escris en la faulse, & traistre ville de Môs de trespouloureux cueur, le sixiesme iour de Juing. L'inscripction estoit, vostre dolente & trefaymée fille, souffrant trefgrand douleur pour vostre commandement, vostre fille, de Quienebourg. A icelles les dessusdictes en furent trouuées vnes autres dont la teneur s'enluit.

† deloyau-  
ment.

TRESCHIER, & bien aymé cousin, ie me recommande à vous & vous plaist sçauoir qu'à l'heure que ces presentes furent escrites, i'estoye trespoulente en cuer comme faulxement & † loyaument trahie, & se vous voulez sçauoir aucune chose de nouuel, mon trefcher & aymé cousin, sçachez qu'encores pour le present ne vous sçauroye que rescrire: mais vueillez demander à nostre trefchier & redoubté Seigneur, qui vous en dira plus, que n'en voudrez ouïr. Autre chose ne vous en sçauroye que rescrire, excepté que vous tenez la main à ce que vous sçauiez, afin que mon redoubté Seigneur vueille venir, ou autrement ne luy ne vous iamais ne me verrez. Et quant à ce que vous m'avez escrit de venir deçà la mer c'est trop tard. Mais hastez vous à tout si grand puissance que vous me puissiez



puissiez deliurer des mains des Flamens, où ie seray dedans huit iours: Treschier & bien-aymé cousin, ie prie à Dieu, qu'il vous doint bonne vie & longue. Escrites à la faulx, & traslre ville de Mons, le sixiesme iour de Iuing, laqueline de Quienebourg. Par la teueur de cestes appert, que moult cremoit ladicte Duchesse à aller en Flandres.

Item apres que les deputez de la ville de Mons en Hainault, furent retournez deuers les Ducs de Bourgongne, & de Brabant en leur ville: & que plusieurs choses eurent sur ce esté traitées à grand desplaisance de leur Dame la Comresse de Hainault Dôüagiere, & la Duchesse laqueline sa fille: neantmoins le tresiesme iour de Iuing de cest an, ladicte laqueline non pouant à ce contract, se departit de la ville de Mons en la compagnie du Prince d'Orenge, & autres Seigneurs à ce commis de par le Duc de Bourgongne, qui la conduirent, & menerent à la ville de Gand: & se logea en l'hostel dudit Duc, où elle fut administrée honnorablemēt selon son estat. Et le Duc Iean de Brabant son mary eut le gouuernement comme dit est, de tout le dessufdit païs de Hainault: & lors feit on departir dudit païs toutes gens de guerre, & fut faite abolition de toutes besongnes par auāt passées. Ainsi & par celle maniere, que dessus est declairée, liurerēt & contrainquirent ceux de la ville de Mons en Hainault leur Dame, & vraye heritiere, outre son gré en la main du Duc de Bourgongne: nonobstant que par auant auoient iuré & promis au Duc de Cloestre de la garder, & deffendre contre tous ceux, qui nuire ou greuer la voudroient.

*Duchesse de  
Brabant me-  
née à Gand.*

*Comment le Duc de Bethfort, & le Duc de Bourgongne, se trouuerent ensemble  
en la ville de Dourlens, & autres matieres suiuaus.*

**L**A vigile de sainct Pierre, & de sainct Paul, arriua le Duc de Bethfort Regent avecques sa femme en la ville de Corbie, accompagné de huit cens cheuaucheurs, ou enuiron. Et estoient avecques luy l'Euesque de Theroüenne Chancelier de France, pour le Roy Henry, le President en Parlement, & moult d'autres nobles hommes, comme gens de conseil, qui tous estoient ensemble avecques ledit Duc de Bethfort, qui se disoit Regent, & de là vindrent à Dourlens le second iour ensuiuant: auquel lieu, alla pour veoir iceluy Regent & sa sœur, le Duc de Bourgongne. Et feirent iceux Princes grand reuerence, & ioieuse chiere l'un à l'autre: & par especial ledit Duc de Bourgongne à sa sœur la Duchesse. Et brief apres s'en alla ledit Duc de Bourgongne loger à Luchâ, où estoit le Comte de sainct Pol son cousin germain: & lendemain enuiron quatre heures apres midy, retourna avecques luy ledit Côte de sainct Pol en la ville de Dourlens: & mena ladicte Duchesse sa sœur, & toutes leurs gens loger en son chastel à Hefdin: auquel lieu ils furent de par ledit Duc receuz, & festoyez moult noblement, & la demourerent par l'espace de six iours faisant grand ioye, & grand liesse les uns avecques les autres, en boire, en mangiers, chasseriers, dances, & autres esbatemens de plusieurs, & diuerfes manieres. Apres lesquels six iours se departit ledit Regent, sa femme la Duchesse, & toutes leurs gens, & allerent dudit lieu de Hefdin à

*BRANCHE ma-  
gnanime res-  
ponce du Duc  
d'Alençon pri-  
sonnier au  
Regent.*

Abbeuille, où ils seiournerent aucune espace : & de là par le Crotoy, où estoit lors le Duc d'Alençon prisonnier, lequel fut dudit Regent araisonné en luy enhortant, qu'il voullist faire serment, & fidelité au Roy Henry de l'Enclastre: & par ainsi il seroit mis hors de prison & de seruage, & luy seroient rendues toutes ses terres, & Seigneuries: disant ledit Regent en outre, que si ce ne vouloit faire il demourroit en tresgrād dāgier tous les iours de sa vie. Aquoy ledit Duc d'Alençon feit responce, qu'il estoit ferme en son propos, de non en toute sa vie faire serment contre son souuerain, & droiturier Seigneur Charles Roy de France. Laquelle responce ouye par ledit Duc de Bethfort, le feit tantost apres oster de deuant luy, & remener en prison, & apres par le pays de Caux s'en alla à Paris. Et audit lieu de Hedin estoient Iean Bastard de S. Pol, & Andrieu de Humiers: lesquels portoiēt chacū sur son bras dextre vne rōdelle d'argēt, où il y auoit painct vne raye de soleil, & l'auoient entrepris, pource qu'ils vouloient soustenir cōtre tous Anglois, & autres leurs allies, que le Duc Iean de Brabant auoit meilleure querelle de demander, & auoir les païs, & Seigneuries de la Duchesse Iaqueline de Bauiere sa femme, que n'auoit le Duc de Clocestre. Lesquelles rondelles le Duc de Bethfort leur voulut faire oster par aucuns de ses gens: pource qu'on luy auoit donné à entendre, qu'ils les portoient sur autre querelle pour vouloir combattre contre sceldits Anglois: mais à la fin fut assez content d'eux, & ne fut sur ce procedé plus auant. Item apres que le Duc de Clocestre fut retourné du païs de Hainault en Angleterre, vn iour en la ville de Londres en la presence du ieune Roy Henry, & de son Conseil, luy fut remonstré par ledit Conseil l'impedition, qu'il auoit faicte en la Comté de Hainault, en maniere qu'il auoit tenu le contend contre le Duc de Bourgongne, le plus puissant Prince du sang Royal de France en le blasmant de ce tresfort: & disant que par telle maniere tenir pourroient refroidir, & adnuller les alliances, qu'auoit fait ledit Duc avecques eux: & par consequent se pourroit perdre la conqueste, que sur ce auoient en France. Et mesmement fut dit audit Duc de Clocestre, que pour ceste besongne n'auoit point ayde de gens, ne d'argent du Roy son nepueu, dont il fut grandement mal content: mais pour le present il n'en pouoit auoir autre chose.

*L'Anglois ne  
vont seconrer  
le Duc de  
Clocestre.*

*Comment le Souldam & les Sarrazins delibererent d'aller conquerre tout  
le Royaume de Chippre.*



TEM apres que les Sarrazins ( dont dessus est faict mention ) furent retournez du Royaume de Chippre en Surie, ils allerent deuers le Souldam, & en signe de victoire porterent la teste, & les esperons du Cheualier, qu'ils auoient occis sur vne lance: & crioient en hault par toute la ville du Kaire, que c'estoit la teste du frere Roy de Chippre nommé Henry, Prince de Gallilee, dont ils mentoient. Neâtmoins pour ceste victoire tous les complices du Souldam, & luy monterēt en tel orgueil, qu'ils se delibererēt du tout de faire si grāde armée, qu'ils destruiroient tout le Royaume de Chippre. Or est verité qu'en la ville de

Damas

Damas, estoit vn Sarrazin grand, riche & puissant, lequel par toute la Surie estoit tenu & reputé estre S. homme: & l'auoit le Souldam en reuerence: & d'autre part estoit bon & cordial amy du Roy de Chippre. Et quand il vint à sa cognoissance de la destruction qu'auoient fait en Chippre les six gallées dessusdictes, il alla au Kaire deuant le Souldam, & le reprint & blasma de ce qu'il auoit commencé la guerre: & tant feit que le Souldam fut moult repentant de ce qu'il auoit fait, & accorda qu'un bon accord y fut traicté. Pour lequel faire & attirer, se chargea ce sainct homme Sarrazin d'enuoyer son fils deuers le Roy de Chippre, pour traicter ladicte paix, & de fait luy enuoya: mais quand il fut venu au païs, le Roy de Chippre n'eut point cōseil de parler à luy de sa personne: ains pour ouïr ce qu'il demandoit y enuoya ses Ambassadeurs: ausquels en conclusion l'Ambassadeur dessusdit, ne vouloit dire nulle chose de son Ambassade: & feit response absolue, que s'il pouoit parler au Roy la paix se feroit à l'honneur de luy & de son Royaume. Les commis de Par le Roy de Chippre luy remonstrent, comment le Souldam auoit fait vne folle entreprinse de commencer la guerre: pource qu'il auroit à faire à toute Chrestienté: & adonc respondit iceluy Ambassadeur, que le Souldam estoit bien informé du gouuernement des Chrestiens: & que le Roy de France qui pour le tēps passé auoit tousiours esté le plus mortel ennemy, dormoit pour le present, & que pour neant les doubtoit le Souldam. Apres lesquelles parolles s'en retourna ledit Ambassadeur à Damas deuers son pere, & luy recita la maniere comment le Roy de Chippre ne l'auoit voulu ouïr. Pourquoi ledit sainct homme fut tresmal content, & demoura ennemy mortel du Roy de Chippre, & depuis ce iour continuellement conforta le Souldam, en luy enhortant de faire cruelle & forte guerre au Roy de Chippre: disant en outre qu'il n'eust nulle doubte, & qu'il demoureroit victorieux contre tous ses ennemis.

*Comment le Duc de Bourgogne feit grandes preparations pour combattre le Duc de Clocestre, & autres matieres.*

**E**n ce mesmes temps le Duc de Bourgogne feit grandes preparations, tant en armeures pour son corps, comme en paremens & harnois de cheuaux, pour bien estreourny à la iournée prise par luy contre ledit Duc de Clocestre. Et feit forger la plus grand partie desdictes armeures au chastel de Hefdin: & avec ce s'exercita en toute diligence de sa personne tant en abstinence de sa bouche, comme en prenant peine pour luy mettre en allaine. Et pour vray il estoit moult desirant que le iour veint, qu'il peust venir contre son ennemy & fournir ledit champ: iacōit-ce que son beau frere le Duc de Bethfort, & son Conseil fussent moult desirans, que bon traicté s'y trouuast: & pareillement se prepara en Angleterre ledit Duc de Clocestre. En ce temps par le commandement du Duc de Bethfort, assiegea le Côte de Salsbery le chastel de Râbouillet, que tenoient les gēs du Roy Charles: lesquelles courroient souuēt iusques bien pres de Paris, en faisant moult de traual au peuple: toutesfoies en conclusion ils rendirent à iceluy Comte de Salsbery ladicte forteresse

*Reddition du  
Chasteau de  
Rambouillet  
aux Anglois.*



\* en emportant tous leurs biens. Enuiron la sainct Iean Baptiste se resmeurēt l'un contre l'autre ceux de Tournay, & leuerent les communes gens plusieurs bannieres en leurs franchises: & si rendirent la ville, pour regner & gouverner avec eux comme autresfois auoient fait à vn nommé Passcarte, & à vn autre nommé Blarie avec aucunes gens de petit estat, qui pour leurs demerites estoient bannis de ladicte ville, & furent remis dedans à banniere desployée & en armes, en tresgrand nombre outre le gré, & consentement des gros bourgeois, & gouverneurs d'icelle cité: & mesmement par lesdictes communes en furent aucuns emprisonnez, & en tresgrand dangier de leurs vies: mais neantmoins apres ils se rappaiserent. En cest an requist le Souldam de Babylonne ayde au Roy de Thunes en Barbarie, pour mener guerre au Roy de Chippre, lequel luy fut accordé, & lors mada par toutes les Seigneuries tous les nauires, & vaisseaux d'armes, qui y estoient: lesquels il assembla en tresgrād nombre, & les feit tresbien garnir de viures & de gēs: & apres soubz la conduicte de ses Admiraulx, & autres Capitaines, les enuoya descendre au Royaume de Chippre par deuers Famagose: & lors commencerent à entrer au pays, & tenir les chāps à grand puissance, en faisant mauix irreparables. Et pour ce temps le Roy de Chippre estoit tresdurement aggraué de maladie: pourquoy il ordonna son frere qui estoit Prince de Galilée, chief, & Capitaine general de son armée: lequel Prince assembla toute la puissance d'iceluy Royaume de Chippre: & se retrahit par deuers le lieu, où estoient iceux Sarrazins pour les cōbattre & rebouter: lesquels scachās sa venue se retrahirent deuers leurs nauires: mais il les poursuuiuit. Et quand il fut d'eux approché pour les cōbatre, trouua que les deux parts de ses nauires l'auoient laissé: & par ainsi fut contrainct de retourner à Nicosie, & lesdits Sarrazins r'entrerent audit pays en perseuerant de mal en pis, & trestout le desolerent. Et apres qu'ils furent plains & rassasiés de tous biens à tout grās rappines, & grād foison de prisonniers Chrestiens, s'en retournerent en Surie, & emmenerent avecques eux en leurs pays de Sarrazinefme vn moult notable, & grand Gentil-hōme & de grād renom, nommé Ragōnet de Picul: lequel auoit esté prins en la grosse tour de Lymeson, & le presenterent au Souldam, pource qu'il estoit vaillāt hōme, & s'estoit moult vigoureusement deffendu. Lequel Souldam l'admonesta grandement de renier la loy de Iesus-Christ, & luy promet de le faire grand Seigneur: mais oncques il n'y voulut entendre, ainçois à la presence d'iceluy Souldam blasmoit moult fort la loy des Sarrazins: pourquoy ledit Souldam de ce moult indigné, le feit fier par le meillieu du corps, & mettre à mort cruelle. Et depuis fut certifié par plusieurs personnes dignes de foy, que sur le lieu où il auoit esté enterre, auoit on veu vne couronne de feu descendant du ciel en terre, & reposer sur le lieu dessusdit.

*Sarrazins en  
Chippre.*

*Strange sup-  
place.*

ITEM apres que le Comte de Salsebery eut conquis la forteresse de Rambouillet, comme dit est dessus, il alla mettre le siege entour la ville du Mans sainct Iulian, où il fut certaine espace de temps combattans ceux, qui dedans estoient de toutes parts à force de ses engins: & tant que les habitants

tans d'icelle ville & cité non esperans auoir secours, commencerent à traicter avec ledit Comte de Salsbery. Et mesmement pour ledit traicté auoir allerent par deuers luy l'Euesque de la ville, & avec luy aucunes gens d'Eglise: & en grande humilité supplierent audit Comte, qu'il les voulüst prèdre à mercy pour escheuer l'effusion du sang Chrestien. Et lors iceluy Comte senclina à leurs prieres & requestes, & conclud avec eux par tel si, qu'au bout de huit iours ensuiuans, ils rendroient leur villè en son obeissance avec tous les habillemens de guerre, que dedans auroient, ou cas qu'à ce iour n'auoient secours du Roy Charles, ou de ses cõmis: & ceux qui voudroient faire serment, & demourer en l'obeissance du Roy Henry, auroient franchement tous leurs biens: & sur ce baillerent bons hostages d'entretenir ledit traicté: mais pourtant qu'au iour desludit ne furent secourus, rendirent ladicte ville en la main du Comte de Salsbery, lequel la garnit trefort de ses gens: & puis retourna à Roüen par deuers le Duc de Bethfort.

*Comment la Duchesse Jaqueline de Bauiere se partit, & embla de la ville de Gand, & s'en alla au pays de Hollande.*

**A** PRES que la Duchesse Jaqueline de Bauiere estant en la ville de Gand, comme dit est, eut esté certaine espace de temps non contente de ce, que ainsi estoit detenue outre sa vouldenté, vn iour regarda, & aduisa enuiron l'entrée du mois de Septembre commettre elle se pourroit delà partir: & en la fin tãdis que ses gès souppoiët, elle vestu en habit de homme, & vne femme pareillement habillée, & deux hommes avec elles, se departir de ladicte ville de Gand à cheual, & cheuaucha bien en haste iusques à Anuers, où elle reprint habit de femme, & sur vn char sen alla à Breda: & depuis à la Garide, où elle fut obeïe, & receuë honnorablement comme Dame. Et adonc ordonna le Seigneur de Montfort son principal Gouverneur, & manda plusieurs nobles Barons du païs de Hollande pour auoir conseil avec eux sur ses affaires. Ce lors assez brief ensuiuant vint à la cognoissance du Duc de Bourgongne, dont il fut grandement troublé: & pourtant hastiuement manda gens de toutes parts, & assembla & feit assembler nauires pour icelles poursuiuir en Hollande, & mesmement y alla en personne. Et luy venu audit païs fut receu de plusieurs bonnes villes d'iceluy païs, comme Herlan Dourdrech, Roetredame & aucunes autres. Et adonc commença la guerre entre ledit Duc de Bourgongne d'une part, & la Duchesse Jaqueline de Bauiere sa cousine germaine d'autre.

*Comment le Duc de Bethfort meit ius le champ des Ducs de Bourgongne, & de Clocestre, & autres matieres.*

**E**NCE mesme temps le Duc de Bethfort, qui se disoit Regent de France, feit assembler en la ville de Paris plusieurs nobles hommes dudit Royaume de France, avec aucuns sages des trois estats, & les Ambassadeurs d'Angleterre, pour ensemble auoir secours, & deliberation, sur la iournée, & champ de bataille entrepris entre

le Duc de Bourgongne & de Clocestre. Toutesfois apres ce que la querelle eut par plusieurs iournées esté visitée & debattue en Conseil, fut conclud toutes choses veües & considerées, qu'il n'y auoit point de iuste cause entre eux d'appeller l'un l'autre en champ, & pourtant fut ordonné que celle iournée seroit mise de tout à neant, & qu'ils ne feroient d'amendise l'un à l'autre. Et estoient lors à Paris, au Conseil dessusdit de par le Duc de Bourgongne, l'Euesque de Tournay, & de par le Duc de Clocestre l'Euesque de Londres, & avec eux de chacune partie aucuns de leur Conseil. Le dixseptiesme iour du mois de Septembre en cest an, furent en la cité d'Autun faites les nopces solennellement de Charles de Bourbon Comte de Clermont: fils & heritier du Duc de Bourbon prisonnier en Angleterre, & d'Agnes seur au Duc de Bourgongne: auxquelles nopces fut la Duchesse de Bourgogne seur au Duc de Bourbo: apres laquelle feste passée, & que icelle Duchesse de Bourgongne fut retourné en Dijon trespassa de ce siecle, & fut enterrée en l'Eglise des Chartreux au dehors de ladiète ville de Dijon en grand tristesse & gemissemens des Bourgongnons, qui moult l'aimoient: car elle estoit Dame prudente tant enuers Dieu, comme enuers le monde. En l'an dessusdit furent enuoyez de Paris à Rome, deuers nostre saint Pere le Pape de la partie des deux Royaumes de France, & d'Angleterre certains Ambassadeurs: c'est à sçauoir pour le Royaume de France l'Abbé d'Orcamp Docteur en Theologie, & deux Cheualiers: & pour le Royaume d'Angleterre l'Abbé de Beau-lieu, avecques deux Cheualiers: pour sommer audit Pape, comment on auoit sommé au dernier Concile general fait à Constances, a fin qu'il conuoast, & assemblast Concile pour parfaire & accomplir les choses, qui n'auoient esté parfaites audit dernier Concile, en luy notifiant, qu'il estoit trop prolongué, que c'estoit contre l'utilité de la sainte Eglise vniuerselle. En cest an y eut grand discord en Angleterre entre le Duc de Clocestre d'une part, & le Cardinal de Vincestre son oncle d'autre part. Et fut la cause du discord, pource que iceluy Duc de Clocestre vouloit auoir le gouuernement du ieune Roy Henry son nepueu: lequel auoit esté baillé en garde par Henry Roy d'Angleterre son pere audit Cardinal: neantmoins par la force, & puissance dudit Duc de Clocestre, conuint que ledit Cardinal son oncle se retrahist dedans la grosse tour de Londres: & y fut par six iours qu'il n'osoit issir, & si furent occis huit ou dix de ses gens: mais en la fin la paix se feit, & furent les trois estats du pays assemblez pour sur ce auoir pourueance: en la presence desquels fut par plusieurs fois porté le ieune Roy Henry, & feit en siege Royal. Et entre les autres choses, feit vn Duc du Comte Marechal, & dura cestuy parlement par treslongue espace de temps: esquels furent deliberées plusieurs grandes besongnes sur les affaires dudit ieune Roy, & des Royaumes: c'est à sçauoir de France, & d'Angleterre. Environ le mois de Decembre se departit le Duc de Bethfort, & la Duchesse sa femme avec luy, à tout cinq cens combattans ou enuiron de Paris, & vint à Amiens, où il fut par aucuns iours. Durant lesquels estoient sur les chäps aucuns saquemens iusques à mille cheuaux: desquels estoit le chief & conducteur

*Mariage du  
Cöte de Clermont.*

*Differend pour  
le gouuernement du ieune Roy.*



ducteur vn nommé Sauuage de Fermanuille, lequel n'estoit point aimé du dessusdit Duc. Et poutât ledit Sauuage qui estoit logé à Esclusiers vers Peronne, sçachant le departement d'iceluy Duc allant d'Amiens à Dourlens petitement accompagné, esperant iceluy soubdainement enuahir & ruer ius, se departir à tout les gens de ladiète ville d'Esclusiers: & de là bien en haste cheuacha à Beauquesne, & là se logea: mais ledit Duc par auant estoit passé & logé à Dourlens, & de là à sainct Pol, & par Theroüane s'en alla à Calais, & de là en Angleterre pour blasmer, & corriger son frere Honfroy Duc de Clocestre, des entreprinſes qu'il auoit faiçtes contre le Duc de Bourgongne. Pour laquelle poursuite & enuahie dessusdicte, ledit Sauuages de Fermanuille fut en la tresgrande indignation dudit Duc de Bethfort, quand il vint à sa cognoissance ce qu'il auoit fait contre luy: & rât qu'en fin tant pour ce comme pour autres demerites, il en fut vaillamment puny comme cy apres orrez plus plainement declairer.

*Comment le Seigneur de Siluatier vint au pays de Hollande en l'ayde de la Duchesse Iaqueline de Bauiere.*

**E**N ces iours le Duc de Bourgongne estant au pays de Hollande, menant forte guerre à la Duchesse Iaqueline de Bauiere sa couſine: & à ceux tenant son party, arriuèrent assez pres de Serixée au pays de Zelande enuiron cinq cens Anglois gens d'esslite: desquels estoit Capitaine le Seigneur de Siluatier, soy disant Lieutenant du Duc de Clocestre és pays de Hollande & de Zelande: lesquels Anglois allerent deuers la Duchesse Iaqueline pour luy ayder à maintenir sa guerre. Et lors le Duc de Bourgongne, qui estoit à Leyde en Hollande, oyant les nouuelles d'iceux Anglois, se partit de là à tout quatre mille combattans, qu'il auoit de plusieurs de son pays: & alla à Rotredame, où il se meit en l'eau en intention de trouuer iceux Anglois pour les combattre. Et iceux attendans y eut aucuns des gens du Duc de Bourgongne, qui rencontrèrent partie des dessusdits Anglois, si les desconfirent, prindrent & occirēt. Apres ledit Duc de Burgongne sçachant que ses ennemis Hollandois, & Zelandois, & Anglois, estoient de deux à trois mille combattans armez au port de Branuers en vne aduenē, où estoient lesdits ennemis s'en vint illec. Si furent tost & victorieusement par ledit Duc de Bourgongne & les siens assaillis, combattus & en brief desconfits. Et demourerent morts sur la place tant Hollandois, Zelandois comme Anglois enuiron de sept à huiçt cēs combattans, & les autres se meirent à fuyr en grand desfroy, & furent chafsez iusques à la mer, où il s'en sauua grand partie dedās leurs vaisseaux. Entre lesquels se sauuerent ledit Seigneur de Siluatier Capitaine desdits Anglois, & le Seigneur de Hantredée. Et de la partie du Duc de Bourgongne, furent morts sur la place des gens de nom, Messire Andrieu de Valines rât seulement, & Robert de Brimeu fut rapporté de la place blessé, & en fin mourut de ladiète blesseure. Apres laquelle victoire ledit Duc de Bourgogne r'assembla les gens, & regracia humblement son Createur de sa bonne aduventure, & brief ensuiuant laissa en plusieurs villes au pays, lesquelles

*Deffuite des  
Anglois &  
Zelandois.*

*Herlā assie-  
gée.*

*Fort de Moy-  
nes vaf.*

estoiēt à luy obeyssās garnison de ses gēs: & puis s'en retourna à son pays de Flādres pour de rechief faire assēblée de gēs, pour mener guerre audit pays de Hollande: c'est à sçauoir à ceux tenans le party de la Duchesse laqueline. Itē apres que ledit Duc de Bourgongne fut retourné des pays de Hollande, & de Zelāde, & qu'il eut laissé ses garnisons audit pays: ladiēte Duchesse laqueline de Bauiere assēbla tresgrand nōbre de Gens-d'armes, & les mena deuant Herlā: laquelle ville elle assiegea trespuissamment tout à l'enuiron: & estoit dedās de par le Duc de Bourgogne le Damoiseau Ysabergue, & Messire Rollād ce Hultquerre Cheualier, avec certain nōbre de cōbattans. Durant lequel siege Messire Iean de Hultquerre fils dudit Messire Rollād, assēbla de sept à huit cens combattans tant nobles, commē communaulté du pays de Flandres: lesquels il emmena hastiuemēt au pays de Hollāde, en intentiō de secourir son pere, mais la venue fut sceuē par la dessusdīcte Duchesse: laquelle enuoya de ses gens au deuant d'eux & les trouuerent en vn desroy vers la mer: si les combattirent, & desconfirent ou la plus grād partie sinon aucuns, qui se sauuerent avecques ledit Messire Ieā de Hultquerre: de laquelle besongne fut moult ioyeuse la Duchesse laqueline: & feit mettre à mort cruelle ceux, qui auoient esté prins prisonniers. Et apres pour doubte de la venuē du Duc de Bourgongne, qui faisoit vne grande assēblée de gens en ses pays de Flandres, & d'Arthois, leua son siege deuāt Herlam. En cest an le Côte de Salsebery assiegea la forteresse de Moyennes en Chāpaigne: laquelle estoit forte oultre mesure, & si bien garnie de gens, & habillemens de guerre, que c'estoit merueilles. Lequel siege durant y eut plusieurs grandes & fortes escarmouches entre les parties, tant d'un costé cōme d'autre. Entre lesquelles en y eut vne, où fut mis à mort Valerien de Bernouille frere de Messire Lyonnel de Bernouille d'une lāce, qui luy trauerfa oultre le corps. Toutesfois non obstant la grande resistance que feirent les assiegez par longue continuation, furent contraints d'eux rendre, & en fin se departirent à tout leurs biens, & ladiēte forteresse fut demolie & abbatue. Itē le Duc de Bourgongne estant en son pays de Flandres, eut plusieurs parlemens avecques le Duc de Brabant son cousin, & ceux de son Conseil sur les affaires de Hollande. Et entretēps assēbla gēs de plusieurs lieux, & vint deuers luy grande Cheualerie de Bourgongne: desquels estoit chef le Prince d'Orège, à tout lesquels, & foiso de Picards, & Flamēs vers la my Karefme, retourna en Hollāde: & cōmença de rechief à mener forte guerre à la Duchesse laqueline de Bauiere, & ses biēvueillans. Et briefuement se rendirent à luy plusieurs bonnes villes d'iceluy pays de Hollande. En ce mesme temps s'assēblerent les gēs de la Duchesse laqueline de trois à quatre mille cōbattans, & allerent deuāt la ville de Hornes sur les marches de Frise, pour icelle enuahir & prendre: dedās laquelle estoit en garnison le Seigneur de l'Isle Adam, le Bastard de sainct Pol à tout cinq cens combattans, ou enuiron, qui en moult grand hardiēse islirent contre leurs aduersaires & ennemis, & se ferirent en eux de moult fort & grand courage: & en fin & conclusion les vainquirent & meirent en fuite, & en demoura sur la place de morts enuiron quatre cens sans les naurez, dont il y en eut grand nombre: & de

la partie

la partie du Duc de Bourgongne furent morts le Bastard de Viefuille, & environ dix archiers pour laquelle desconfiture grand partie du pays de Hollande se rendit au Duc de Bourgongne. Durât toutes ces tribulations au pays de Hollande, y eut plusieurs rencontres, & grandes escarmouches par plusieurs fois entre les parties, qui trop longues seroient à racompter chacune à par soy. Neantmoins la plus grande partie d'iceux rencontres, estoient à la confusion des gens de ladicte Duchesse laqueline de Bauiere. Et estoit la cause, pource que les gens du Duc de Bourgongne estoient tous exercitez, & excitez en armes, & faits de guerre, & avec ce auoient grand foison de traict, duquel les Hollandois n'estoient point accoustumez.

*De l'an mille cccc. & xxvj.*

*Comment le Duc de Bourgongne retourna en Hollande, & assiegea la ville de Zenuberche: laquelle se rendit à luy, & autres matieres.*



V commencement de cest an le Duc de Bourgongne assembla tresgrand nombre de Gens d'armes de ses pays de Flâdres, d'Arthois, & de Bourgongne: lesquels apres qu'il eut preparé son armée, il la mena en Hollande deuant vne forte ville nommée Zenuberche, qui avecques le Seigneur d'icelle tenoient le party de la Duchesse laqueline de Bauiere, & faisoit forte guerre par terre, & par mer à tous ceux, qui auoient fait obeysance audit Duc de Bourgongne: mais en brief ladicte ville fut tresfort enuironnée, assiegée, & combattue par iceluy Duc de Bourgongne, & ses gens. Et d'autre part les assiegez, qui avecques ledit Seigneur estoient en tresgrand nombre, se tindrent & deffendirent tres vaillamment: mais apres que ledit Duc de Bourgongne eut par long temps continué son siege, ledit Seigneur de Zenuberche feit traicté avecques luy par tel si, qu'il luy deliureroit la ville, & forteresse avec la Seigneurie, & subiets d'icelle. Et avec ce rendit sa personne & tous les Gentils-hômes, qui estoient avecques luy en la volenté dudit Duc, sauues leurs vies, promettans de tenir prison honneste par tout où il leur seroit ordonné. Item furent deliurez es mains dudit Duc de Bourgongne tous les habillemens de guerre estans dedans lesdictes ville & chasteau, avec toutes les nauires, & quand aux soldoyers estranges, qui estoient dedans, eurent congé en faisant serment, que iamais ne feroient guerre, en nuls des pays du Duc de Bourgongne. Item furent deliurez franchement tous les prisonniers, qui estoient du party du Duc: entre lesquels estoit le Seigneur de Moyécourt, le Damoyfel Dercle, & autres. Item tous les bourgeois, & habitans de la ville firent serment audit Duc, ou ses commis, & par ainsi demourerent paisibles en payant certaine somme de deniers. Et fut ledit seigneur de Zenuberche desuëtu de sa ville, & de ses biens: & avec ce fut amené à l'Isle en Flandres, & ledit Duc garnit lesdictes ville & forteresse de ses gens. Et apres ce leua son siege, & retourna avec les siens en Flandres & en Arthois: mais en faisant lesdits voyages moururent d'epidemie le Seigneur de Hymbercourt, & Messire Manfroy de saint Legier, avec aucuns autres. En iceluy an apres que le Duc de Bethfort eut seiourné en Angleterre par l'espace de sept à huit



mois avec la femme, & trois mille combattans, s'en alla à Calais, & de là à Paris, où il fut certaine espace de temps pour ordonner des affaires de France. Et apres alla à l'Isle, auquel lieu vint deuers luy le Duc de Bourgongne, qu'il receut ioyeusement luy & sa femme. Et là eurent plusieurs conleils ensemble pour appaiser le discord, qui estoit entre le Duc de Clocestre, & ledit Duc de Bourgongne: mais pour neant y besongnerent. Et pourtant ledit Duc de Bethfort s'en retourna à Paris. En ce temps le Duc de Clocestre feit grand mandement en Angleterre apres le departement du Duc de Bethfort son frere, en intention de venir en Hollande pour secourir la Duchesse Iaqueline, qu'il disoit sa femme: & s'estoit allié avec le Duc de Clocestre contre le Duc de Bourgongne, le Comte de Salsebery, & plusieurs autres Seigneurs d'Angleterre. Ledit Duc de Bethfort sçachant ceste entreprinse, enuoya hastiement ses Ambassadeurs en Angleterre deuers son frere le Duc de Clocestre: lesquels Ambassadeurs traicterent tant avec luy, qu'il se deporta de sadiète emprinse, en impetrât trefues entre les parties iusques à certaine espace de temps, esperant de les mettre d'accord: & feirent ceste Ambassade l'Abbé d'Orcamp, & Maistre Iean le Duc.

*Comment les Sarrazins retournerent en Chippre, & eurent bataille aux Chippiens: en laquelle bataille le Roy fut prins, & mené au Souldam.*



En ce temps arriuerent deuers le Roy de Chippre plusieurs Cheualiers, & Escuyers de diuers pays: lesquels par auant auoient mādé pour resister à l'armee des Sarrazins que chacun iour il attendoit. Et avec ce il assemblea de son Royaume ce qu'il peut auoir de gens: auquel il pourueut de viures, logis & argent au mieux qu'il peut chacun selon son estat, & faculté. Et entre temps qu'il attendoit, comme dit est, la venue des Sarrazins: ses gens qui estoient de diuerses nations, s'esmeurent par la maniere que le Roy auoit assez affaire de mettre paix entre eux: & ne sçauoit cōment il peust ordonner Capitaine, qui à eux fut agreable. Durant lesquelles dissensions ou diuisions les Sarrazins arriuerent audit Royaume de Chippre en tresgrand multitude, & prindrēt port à Lymeson, & assiegerent la tour, qui estoit tresbien reparable, & garnie de Gens-d'armes: mais nonobstant elle fut prinse par force, & le Capitaine nommé Estienne de Buyse mort, avecques tous ses gens. Et adonques le Roy de Chippre sçachant les nouuelles de ses ennemis, assemblea ceux de son Conseil, & leur demanda qu'il en auoit à faire: & la plus grand partie de ceux de son pays luy feirent responce, qu'il se tint en sa ville de Nicosie disant que mieux valoit pays gasté que perdu. Mais tous les estrangers furent de contraire opinion, & luy conseillerent qu'il se meit aux champs, & qu'il combattit tresbien & hardiment ses ennemis: lesquels destruisoient ainsi son pays, & mettoient à mort cruelle son poure peuple: Le Roy ce voyant delibera soy mettre aux champs le second iour ensuiuant, & quand le iour vint, & qu'il monta à cheual, le premier pas que son destrier feit, il s'agenouilla iusques à terre. Et le Prince de Galilee son frere en montant à cheual laissa cheoir son espée hors de son fourrel à terre, dont plusieurs eurent petite esperance, qu'ils deussent auoir victoire. Et alla celuy iour le

*Prinse de Lymeson par les Sarrazins.*

*Mauuais presages pour les affaires du Roy de Cypre.*

Roy

Roy loger à trois lieues pres de la cité en vne place moult delectable , nommée Beau-lieu , & le Samedy ensuiuant , dont c'estoit le Ieudy , cheuaucha en belle ordonnance iusques à vne ville nommée Citotye : & le Dimèche ensuiuant sixiesme iour de Iuillet apres que le Roy eut ouy ses Messes , il se assit à table. Et à celle heure que luy & tous ceux de son ost disnoient , fut veu en plusieurs lieux grand fumée des feux que les Sarrazins bouoient , & lors furent au Roy apportées certaines nouuelles , qu'ils venoient contre luy. Et adonc le grand Commandeur de Chippre avecques plusieurs freres de Rhodes de la religion , & aussi le seigneur de Varemboalais Almant , & aucuns autres Gentils-hommes de la nation de France , demanderent cōgé d'aller descourir , & veoir leurs ennemis , lequel leur accorda moult enuis. Si allerent si auant , qu'ils trouuerent les Sarrazins , ausquels ils escarmoucherent & en occirent aucuns : mais en fin pour la tresgrande abondance d'iceux , ils ne peurent porter la charge : & en y eut de morts trente ou enuiron , & les autres se retrahirent enuers le Roy au mieux , que faire le peurent , lequel Roy cheuauchoit grand erre pour trouuer ses ennemis. Et aussi sans faire grand ordonnance , cheuaucha grand espace , & tant qu'il trouua les Sarrazins assez pres d'une ville , qui s'appelle Domy. Et estoient au plus pres de luy son frere Prince de Galilee , le Connestable de Hierusalem , deux Comtes d'Allemagne , & toute la fleur de sa Cheualerie. Et adoncques le dessusdit Roy de Chippre assaillit moult cheualereusement , & soubdainement les Sarrazins ses aduersaires , & tant que de plaine venue leur feit grand dommage. Mais ainsi que fortune le voulut aduerser , le coursier du Roy cheut des quatre pieds à terre , & se desclauerent les fangles de la selle , & apres qu'il fut remonté , & qu'il voulut faire faits d'armes , la selle retourna , & le Roy cheut par terre , & le cheual s'enfuit , & fut de necessité qu'il monta sur vn petit cheual d'un sien Escuyer , nommé Anthoine Kaire : car tous les petis s'en estoient fouiz de frayeur à tout les grans coursiers. Pour laquelle aduventure grand partie des Chippriens cuidoient certainement que leur Roy fut mort , & demourerent tous esbahis. Et pource les Sarrazins , qui ja tournoient en Surie , reprindrēt couraige. Si vint leur grosse bataille , qui chargea sur la gent Crestienne si puislammēt , qu'il fut de necessité au Roy , qu'il se retrahist en la Chireotie , dont il estoit party. Et quand il vint assez pres dudit lieu , iceluy lieu estoit ja enuironné des Sarrazins , tellement qu'il n'y peut entrer. Et adoncques se meirent les Chrestiens en desfroy , & comencerent à foyr chacun , où ils peurent pour le mieux. Le Roy se retrahit sur vne montaigne assez aduantageuse : & tousiours estoit au plus pres de luy son frere Prince de Galilee , lequel luy dit ainsi. Monseigneur , vous voyez clerement , que toutes voz gēs vous abandonnent , & que vous ne pouez resister cōtre voz ennemis , vueillez sauter vostre personne , & ayez cōpassion de vostre Royaume. Se vous estes prins , nous sommes tous perdus : prenez aucuns de voz plus feables seruiteurs , si vous retrayez en aucune seure place , & ie demourray cy avecques les bannieres , iusques à ce que ie sentiray , que vous ferez en lieu seur , & puis feray pour le salut de ma personne ce que à Dieu plaira moy administrer. Le

*Mort du Prince de Galilée.*

† fourreau.

*Le Roy de Chypre prisonier.*

Roy oyant ce le regarda moult doucement, & luy respondit: Beau frere, ja Dieu ne plaife que ie me parte, allez reconforter, & r'assembler mes gés en eux admonestant, qu'à ce besoing se veullét acquiter au seruice de leur souverain, & naturel Seigneur. Le Prince de Galilée y alla à telle heure, qu'il fut si tresdurement rencontré de la gent Sarrazine, que apres qu'il eut fait tant de faits d'armes, que vaillant Prince pouoit faire, il fut occis, & là demoura en la place. D'autre part le Roy fut si tresfort empressé de ses ennemis, qu'il se partit tout abandonné de ses gés, & descendit de la môtaigne, où il estoit en vne petite valée: & là fut tellemēt assailluy, qu'il fut en ferré en quatre lieux, si qu'il fut abbatu de son cheual à terre: & la gent Sarrazine non cognoissant que ce fut le Roy, de toutes parts commencerent à ferir sur luy pour le mettre à mort, quand vn Cheualier de Castelongne du party d'iceluy Roy nommé Messire Gasserant Sauary, se coucha sur le Roy en criant à haulte voix en langage de Surien: c'est le Roy, c'est le Roy. Adonques vn Capitaine Sarrazin feit vn signe de sa main, auquel tous les autres laisserent cheoir leurs espées à terre, & ledit Capitaine rebouta la sienneau † fourreau. † fourrel: & prestement s'en alla deuers le Roy: si le print par la main en luy disant en langage Grec, qu'il auoit pleu à Dieu le deliurer en la main, & puissance du Souldam, & luy dit: Vous vindrez par deuers luy, reconfortez vous: car pour certain i'ay bonne esperance, qu'il vous fera bonne compagnie le dessusdit Cheualier Chastelan fut prins avecques le Roy, & luy respiterent la vie, pource qu'il s'estoit si vaillamment maintenu. Ainsi & par ceste maniere fut le Roy de Chypre prins de la gēt Sarrazine, qui luy meirent vne chaine au col. Et tantost apres arriuerent les gens de pied, qui à toutes fins vouloient occire le Roy: mais Dieu par sa douce misericorde l'en deliura: car il estoit homme charitable, & de bone vie enuers Dieu. Et brief ensuiuant tous ceux de la partie du Roy de Chypre furent mis à desconfiture, & se sauuerent ceux qui sauuer se peurent: & la plus grand partie s'en fouyrent par les montaignes, où ils peurent le mieux, & n'en demoura de morts en la place que enuiron de seize à dixsept cens. Et assez brief ensuiuant la gent Sarrazine menerent le Roy de Chypre à Salines, où estoit leur nauire: & là le meirent en bonne garde. Si furent en celle bataille deuant-dicte deux Comtes d'Alemaigne: c'est à sçauoir le Comte de Humberche, & le Comte de Noorch aduoué de Coulongne à tout certain nombre de gens: & si y estoient de Sauoye le Seigneur de Varemboin, & Messire Ican de Champaings Seigneur de Gruffy: lesquels dessusdits ne furent ne morts, ne prins.

ITE mapres qu'il fut venu à la cognoissance par le pays de Chypre, & à Nicosie, de la desconfiture de leurs gens & de la prinse de leur Roy, Messire Gilles de Lusignan frere du Roy, esleu Archeuesque de Nicosie, avecques Messire Jaques de Cassran Mareschal de Chypre, demourez pour la garde de ses enfans, furent moult troublez & desconfortez pour ces pieueuses nouvelles: & pourtant iceluy Dimèche à heure de minuit, se departirēt de la cité, & emmenerent avec eux la seur du Roy & ses enfans: si les conduirent en la forteresse de Chermes, qui est située sur la mer à cinq lieues pres



pres de Nicosie, & là demourerent iusques au retour du Roy. Et le lendemain qu'il fut le Lundy, la communaulté de la ville cōurut au Palais, pour sçauoir aucunes nouuelles du Roy, & quand ils ne trouuerent à qui parler, ils s'en retournerent en leurs maisons: & prindrent leurs femmes, & leurs enfans, & aucuns de leurs biens, & se departirent de la ville, laissant icelle du tout abandonnée, sinon de pourés gens impotens, & aueugles: & s'en fuyrent les aucuns deuers Famagoce, & les autres à Chermes, & en autres villes & par les montaignes, tant que c'estoit trespiteuse chose à les veoir. Et le second iour ensuiuant le Capitaine des Sarrazins alla à toute sã gent deuers la cité de Nicosie: laquelle, comme dit est, il trouua du tout abandonnée. Si se logea au Palais Royal, & puis feit crier prestement par la cité, que tout homme retornast en son propre lieu: c'est à sçauoir de ceux de la ville, & on les tiendroit paisibles: pour lequel cry retournerent dedans ladicte cité enuiron de dix à douze mille personnes. Or est verité, que le Roy de Chippe, & le grand Maistre de Rhodes auoient vne trespresse armée sur la mer: dedans laquelle estoit le Bastard de Bourgongne frere au Duc Philippe, le Seigneur de Rombaix, & moult d'autres notables Seigneurs de diuerses marches: lesquels estoient moult desirans de combattre les Sarrazins: mais oncques ne peurent auoir vent propice pour eux monstrier contre lesdits Sarrazins. Et estoit ledit Bastard de Bourgongne arriué à Vasse, esperant d'estre à ladicte journée: & entre-temps le Roy fut prins, comme dié est: & pourtant iceluy Bastard & les siens, retournerent sur la mer pour de rechief aller contre iceux Sarrazins. Et adonques le vent leua que les Chrestiens desiroient, & tant qu'en pou d'espace arriuerent vers l'armée des Sarrazins, & tellemēt que les parties se veirēt l'un l'autre. Et adonc le Capitaine des Sarrazins, qui aussi estoient en mer, voyāt les Chrestiens en grãd nombre, enuoya hastiuemēt ses messagiers à l'autre Capitaine Sarrazin, qui estoit à Nicosie: si luy manda destroictemēt sur peine d'estre reputé trahistre, qu'il retornast à tout son ost, & ses gens en son nauire: laquelle chose ledit Capitaine accomplit. Et apres qu'il eut robbé toute la cité de Nicosie, & reduit le peuple en chetueté, il feit bouter le feu au Palais Royal, & en plusieurs autres lieux, & s'en alla à tout les siens à Salines, où estoit leur nauire. Et durant le chemin prindrēt plusieurs enfans allaiētans leurs meres, & les iectoïēt sur les espines & sur les hayes, en les lapidāt tres-

*Cruauté des  
Sarrazins.*

horriblement: & d'autre part le Capitaine Sarrazin, qui tenoit le Roy de Chippe prisonnier, luy feit escrire vnes lettres à son Capitaine general, qui estoit sur la mer, cōtenāt ou en substãce, qu'il ne portast nul dommage aux Sarrazins si chier qu'il auoit la vie du Roy. Et les porta sur vne petite galliotte Messire Gallerã Sauary: ausquelles lettres le Capitaine des Chrestiens obeïst, ce que faire ne deuoit selō l'opiniō de plusieurs: mais parauāt auoïēt les deux parties fort approuché l'un l'autre, & y auoit grand besongne. A laquelle besongne, qui fut par mer y eut trespresse escarmouche, par especial de trait: duquel furēt tāt d'un party cōme d'autres plusieurs hōmes morts & naurez. Et à celle besongne furēt faits Cheualiers Guy Bastard de Bourgogne frere au Duc Philippe, Simō de Lã, Robert Seigneur de Rebecque, &

*Nef des Pelerins  
pris.*

aucuns autres de diuerses marches, sans conquerre nauires l'un sur l'autre, sinon la nef des Pelerins dont cy apres est faicte mention. Durant lequel temps se auança vne naue chargée de Pelerins, voulans acquerir honneur: esperans pour certain, que l'armee des Chrestiens, qui estoit sur mer d'eust combattre les Sarrazins, allerēt si auant qu'ils ne peurēt retourner: & non-obstant secours furent prins, & en la presence du Roy de Chippre coupez en pieces comme on coupe la chair au marché, sinon aucuns en tres-petit nombre, qui furent retenus prisonniers. Et apres aucuns iours se merent à voye, & retournerent à tout le Roy de Chippre en Surie.

ITEM quand lesdits Sarrazins furent arriuez en Surie à tout leurs prisonniers, ils menerent ledit Roy de Chippre au Kaire deuers le Souldā de Babylonne: & les autres Chrestiens estoient deux à deux liés cōme bestes: & trainoient les Sarrazins apres eux la Banniere de nostre Dame le chief en terre: & puis apres le Roy de Chippre cheua choit sur vn petit mulet sans selle lié, & enchainé de chaines de fer. Et en iceluy estat fut mené en la presence du Souldam & contrainct à ce faire, s'agenouilla par neuffois en inclinant le chief tout bas, baissant la terre à chacune fois. Et quand il fut paruenue par deuant le Souldam, qui estoit assis pompeusement en vne haulte gallerie, le feit estre vne grosse heure en bas ou enuiron sa presence: & depuis le feit mener en vne tour où il tint prison tant qu'il fut en la ville du Kaire, où il se feit seruir tresabondamment, comme Roy de tous viures fors de vin: mais les marchans Chrestiens luy en faisoient deliurer secrettement à grand planté, & les autres prisonniers Chrestiens furent menez en diuers lieux.

ITEM entre-temps que le Roy de Chippre estoit ainsi en prison au Kaire par deuers le Souldam de Babylonne, l'Archeuesque de Nicosie, qui estoit frere au Roy, manda Messire Pierre de Lusignan Connestable de Hierusalem: & luy bailla le gouuernement du Royaume de Chippre: lequel feit faire de grans iustices en punissant ceux qui s'estoient voulu rebeller depuis les tribulations dessusdictes. Et pou de temps apres retourna ledit esleu en la cité de Nicosie, laquelle pou apres se repeupla: & brief ensuiuant vn marchand Geneuois nommé Benedic Perueslin, meue de pitié requist au Conseil du Roy, qu'il enuoyast au Kaire, disant qu'il auoit esperance d'estre occasion de la redemption du Roy. Lequel y fut enuoyé, & tant exploicta que le Souldam meit ledit Roy de Chippre à finance de deux cens mille ducats, par telle condition, que perpetuellement il payeroit par chacun an tribut de son Royaume de la somme de cinq mille ducats.

*Delurée du  
Roy de Chippre.*

Et par ainsi fut la paix faicte du Souldam avec le Roy de Chippe, & fut mis hors des fers le iour de l'Assumption nostre Dame. Et depuis ce le demandoit souuent le Souldā pour deuiser avecques luy: & luy faisoit de merueilleuses questions en le temptant de abandonner la foy Chrestienne. Auxquelles questions le Roy respondit à toutes fois si sagement, que ledit Souldā non scachāt plus que dire, le faisoit prédre avec plusieurs refectiōs de boire & de manger, & puis le renuoyoit en prison. Et dedās briefs iours ensuiuas qu'il fut mis en finace, le feit ledit Souldā mettre hors de prisō, & loger  
en

en la ville : & le faisoit souuent aller en estat en esbatement sur beaux che-  
 uaux noblement accôpagné de la gent Sarrazine : & depuis fut payé grand  
 partie de la finance, & baillé seurète du surplus, & après lo iour de Pasques  
 Flories fut mis à plain deliurâce, & fut mis en vne gallee au port d'Alexan-  
 drie sur la mer verte. A tout laquelle compagnie de l'Admiral de Rhodes  
 il alla descendre à Chermes : & là trouua ses enfans, & sa seur, & tous les Sei-  
 gneurs, & Dames de son Royaume, avecques toute la Baronnie, & toute la  
 Noblesse de son pays, qui tous ensemble le receurent moult reuerentement  
 en regrant nostre Seigneur Iesus Christ tres humblement de sa reueneue.  
 Et aucuns iours ensuiuans se partit de Chermes, & retourna acompagné,  
 come dit est, en la cité de Nicosie, où il fut de tout son peuple reçu ioyeu-  
 sement : & se logea en l'hostel du Connestable de Hierusalem. Auquel ho-  
 stel il demoura sa vie durant, pource que son palais, comme dit est dessus,  
 auoit esté destruit de la gent Sarrazine. Et depuis le trespas de la Roynie  
 Charlotte ne fut remarié, n'eut cōpagnie à nulle femme, come ses propres  
 seruiteurs le tenoient veritablement, & depuis vesquit grand espace de tēps.

*Comment la forteresse de Moyenes en Champaigne fut prise des Francoï : & comment  
 sentence fut rendue pour le Duc Iean de Brabant : & de la forteresse  
 d'Oripette en Prouence.*

**E**N ce temps fut reprise la forteresse de Moyenes en Champaigne  
 par les ges du Roy Charles, par trahison d'un Anglois, qui estoit  
 dedas : & depuis fut r'assiegee des Anglois : c'est à sçauoir du Cō-  
 te de Salsebery : & avec luy plusieurs Picards, qui audit siege cō-  
 tinuerent tant que les assiegez furent contraincts d'eux rendre. Et se depar-  
 tirent les aucuns estrangiers sauement, & ceux qui autresfois auoient tenu  
 le party des Anglois, & Bourgongnons furent executez, & mis à mort. Es-  
 quels entre les autres fut l'un d'iceux un Gentil-homme nommē Gilles de  
 Clary, & fut à la reddition Messire Iean de Luxembourg : lequel apres qu'i-  
 celle forteresse fut du tout desolée, retourna en son chastel de Beurevoir.

EN cest an fut enuoyé par nostre saint Pere le Pape la sentence diffi-  
 nitue, touchant le proces du Duc Iean de Brabant : par lequel fut ordonné  
 & declairé, le mariage qui estoit fait du Duc de Clocestre, & de la Duches-  
 se laqueline de Bauiere de nulle valeur, & que fil aduenoit, que le Duc de  
 Brabant mourut, si ne pourroient auoir lesdits Duc de Clocestre, & la Du-  
 chesse laqueline l'un l'autre par mariage. Et pourtant ledit Duc de Cloce-  
 stre sçachant ceste partie faicte par nostre saint Pere le Pape, espousa &  
 print en mariage vne femme de bas estat au regard de luy, nommée Ali-  
 nor de Combattre, dont dessus est faicte mention : laquelle ledit Duc par-  
 auant auoit tenue en sa compagnie certain temps, comme la Dame par-  
 amours : & avec ce auoit esté diffamée de aucuns autres hommes que d'ice-  
 luy Duc. Laquelle chose feit moult esmerueiller plusieurs personnes de  
 France, & d'Angleterre, considerans que ledit Duc ensuiuoit mal en ice-  
 luy cas la Seigneurie dont il estoit extrait.

EN ces iours Messire Iean Blondel accôpagné de Iean Blondel son cou-



fin Germain, & huit autres compagnons de guerre, par le moyen d'un Chappelain, qui estoit à Maistre Jean Cadart, prindrēt la forteresse d'Orpette en Proueēce, & ledit Maistre Jean dedans, qui en estoit gardien: & le feirent prendre prisonnier tendāt auoir de luy grād fināce. Laquelle chose vint en brieſ à la cognoissāce de ceux du pays, qui sans delay les assiegerent. & en fin les contraignirent si fort, que bel leur fut d'eux de partir de ladicte forteresse sans riēs emporter, ayans sauſconduit pour eux en aller seuremēt. Nonobstant lequel à l'issir hors de ladicte forteresse, fut ledit Jean Blondel occis des payſans, & le chappelain qui auoit fait la trahison, fut decapité.

*Comment le Duc de Bethfort feit assieger Montargis, & comment le siege fut  
leuē par les Francois: & autres matieres en brieſ.*



TEM en cest an le Duc de Bethfort, qui se nommoit Regent de France de par le Roy Henry, feit assieger la ville, & forteresse de Montargis par les Comtes de Vvaruich, & Suffort: avec lesquels estoit le Seigneur de la Poulle frere dudit Côte de Suffort, Messire Henry Bisset, & autres Capitaines, qui pouoiet auoir avecques eux trois mille combattans: lesquels venus audit lieu de Montargis l'environnerēt. Ladicte ville fut en assez beau lieu, pource qu'il luy conuenoit faire trois sieges: lesquels assez dangereusement pouoient bailler secours l'un à l'autre: neantmoins ils se logerent tout entour, & fortifierent leurdit logis en aucuns lieux: & estoit ledit Comte de Vvaruich logē en vne Abbaye de Nonnains à vn des costez de la ville. Et brieſ apres leur venue feirent aucuns ponts, & passaiges sur la riuere, pour par iceux secourir les vns aux autres se besoing leur estoit: & ce fait commencerent vigoureusement à approcher icelle ville de Montargis, & la forteresse & trestort combattre, & adommager de plusieurs engins: mais nonobstant ce les assiegez se defendirent trespuissamment, & continuerent les assiegeans en ceste besongne l'espace de deux mois ou enuiron. Lequel temps durant les nouuelles furent portées au Roy Charles de France, & luy feirent ſçauoir lesdits assiegez, que s'il ne leur enuoyoit secours assez brieſ, il les conuiendrait rendre es mains de leurs aduerſaires. Ces nouuelles venues à la cognoissāce du Roy Charles, comme dit est, ledit Roy assembla son Conseil: auquel fut conclud, & deliberē d'y enuoyer secours, ou au moins eux rafreschir de viures & de gēs: lequel fut mis sus, & fut faicte pour ceste cause aucune assemblée, qui point ne porta d'effect, & se derompit: mais depuis fut ordonné de par le Roy Charles, de faire vne autre assemblée à Orleans pour ceste mesme cause: de laquelle fut baillé charge de par le Roy au Comte de Dunois Bastard d'Orleans. Avec lequel se meirent Messire Guillaume d'Albret Seigneur d'Orual, le Seigneur de Grauille, de Villax, & de Gaucourt, Estienne Vignolles qu'on dit la Hire, Messire Gilles de ſainct Simō, Gaultier de Brouſſart, & plusieurs autres Capitaines, qui pouoient bien auoir seize cens combattans droits gēs de guerre & d'elite: lesquels se meirent à chemin à tout grand foison de viures, en intention de rautailer icelle ville de Mōtargis, & de non leuer le siege. Et quand ils furent venus à vne demie

demie lieuë pres le plus secrettement qu'ils peurent , ils prindrent conseil ensemble , & conclurent de ferir sur aucuns des logis des Anglois par deux costez , & auoient avec eux gens de la garnison dudit lieu de Môtargis, qui les menoiënt: entre lesquels estoit vn nommé le petit Breton. Si fut la Hire ordonné à conduire l'vne des compagnies: & comme ils auoient conclud le firent, si ferirent vaillamment, & de grād voulenté sur les logis des Anglois , qui de ce ne se donnoient garde criant Montioye sainct Denys: & commencerent à bouter les feux alprement en maint logis & à tuer , prendre & mettre à meschief plusieurs Anglois , & tellement & si vaillamment sy porterent que le logis du Seigneur de la Poulle fut en assez briefue espace du tout tourné à desconfiture : mais ledit Seigneur de la Poulle se sauua en vn petit † bastel enuiron le huietième. Et adonc auoient ceux de la ville † bastel. tenues les eauës si grandes & grosses , que les ponts que lesdits Anglois auoient faits estoient couuerts d'eauë: parquoy quand ils le cuidoiënt sauuer, ils cheoient à costé des ponts & se noyoient. Et entant que ce se faisoit, le Bastard d'Orleans se combattoit vigoureuement de l'autre costé sur les logis de Messire Henry Besset: & là estoit descendu à pied , & y auoit fort à faire quand les autres , qui auoient ruë ius & desconfit le premier logis, luy allerēt puissamment bailler secours: & auoit esté blessé le Seigneur de Grauille. Et lors lesdits Anglois apperceuans, que la force n'estoit point à eux; se commencerent à retraire pour aller au logis du Comte de Vvaruich: & passoient par vn pont à si grand haste, & en si grand presse, que du grand faix, le pont rompit soubz eux , & là furent morts , & desconfits laidement & en tresgrand nombre: car avec ce ceux de la ville de Montargis, saillirent fierement en l'ayde de leurs gens, & sans espargner en occirent & prindrēt plusieurs. Et entre-temps le Comte de Vvaruich assembla ses gens le plus hastiement qu'il peut: mais quand il sceut la grand perte & dommageable destruction de son ost, dont il auoit ja perdu de mille à quinze cens homes, qui furent que morts que prins , se meit en bataille en soy retournant sur vne petite montaigne es vignes au dessoubs de son ost. Et lors les François, qui furēt fort trauaillez de ceste besongne, entrērēt dedās Montargis, & entre-tēps la nuit vint, & se departirent, & meirent à chemin lesdits Anglois à tout le remenāt de leurs gens, desquels la plus grād partie estoient de pied eux retrayant au chasteau Landon , en Nemours , & es autres lieux de leur obeyssance. Et les dessusdits François demourerent à Montargis faisans bonne & ioyeuse chiere , de ce qu'ainsi par l'ayde de Dieu auoient acheué ce pourquoy ils estoient là venuz. Et apres s'en retournerent deuers le Roy Charles de France, qui les receut tresfamiablement..

EN cest an le Duc Iean de Brabant , qui estoit malade de moult griesue maladie , trespassa en son chastel de † Leneure en disant moult deuotement. *Miserere mei Deus, &c.* Et fut enterré en la chappelle de fondit chastel de Leneure empres son pere. Apres le trespas duquel releua toutes ses seigneuries Philippe Comte de Ligny , & de S. Pol son frere. Et par ainsi la Duchesse Iaqueline demoura † absoulée de ses deux maris: car , comme dit est dessus , le Duc de Cloestre auoit prins autre femme , & ledit

*Trespas du  
Duc de Brabant.*

† C'est peut estre Genepppe ou Guenepppe, Chasteau de plaisant sejour en Brabant où se tint le Dauphin Loys durāt sa fuite.  
† vefue.

*Victoire sur  
les Anglois  
aupres du  
mont S. Mi-  
chel.*

Duc de Brabant estoit trespaslé, comme dit est. Et durant la vie dudit Duc de Brabant y eut vn nommé Iean Cheualier, qui voulut mettre à iceluy Duc vn carquant au col à la requeste, comme on disoit, de la Comtesse doüagiere de Hainault: lequel Cheualier pour ceste cause fut prins à Bruxelles & decapité. En ce mesme temps la forteresse d'Escandeuure empres Cambray, fut mise en la main de Monseigneur Iean de Luxembourg par le consentement du Duc de Bourgogne: & fut la cause, pource que Messire Loys frere Bastard de la Duchesse Iaqueline de Bauiere, à qui estoit icelle forteresse fait guerre & tribulation au pays d'environ, comme celuy, qui tenoit le party de ladicte Duchesse Iaqueline sa sœur, & ainsi perdit il son heritage. En ces iours eut vne terrible, & grand rencontre aupres du mont S. Michel, entre les Anglois qui tenoient le mont de Hellem d'une part, & les François & les Bretons d'autre part: mais en cōclusion leldits Anglois y furent morts & desconfits. Si obtindrent victoire les François, & par consequent gaignerent la dessusdicte forteresse.

*De l'an mille cccc.xx.vij.*

*Comment la forteresse de la Malle maison, qui estoit à l'Euesque de Cambray, fut prinse par Messire Jean Blondel: & autres matieres.*



V commencement de cest an, fut prinse la forteresse de la Malle-maison seant à deux lieuës pres du chastel en Cambresis: laquelle estoit à Iean de Lens Seigneur de Liekaerque, & Euesque de Cambray, à cause de son Euesché: & là print Messire Iean Blondel tenant le party du Roy Charles accompagné de ses gens, qui estoient en petit nombre. Dedans icelle estoit comme Capitaine par ledit Euesque vn bel Escuyer, nommé Vvazier de Baillon, lequel fut trouué en son liët. Et entre-temps les dessusdits en trauerlant les fosséz parmy l'eauë, & montant par eschelles dedans la basse court, audit lieu prindrent le guet, & apres ils f'embuscherent deuant le pont de Donjon, & au matin quand le portier aualla ledit pont, ils saillirent sus les espées traictes, & occirent & tuerent ledit portier: puis entrèrent tout paisiblement dedans sans y trouuer quelque deffence, n'empeschement, iasoit ce que ce fut la plus forte place, & mieux gardable, qui fut en toutes les marches és pays d'environ: pour laquelle prinse tout le pays ce sachant fut mis en grand effroy, & mesmemēt ceux du chastel en Cambresis, & ledit Euesque, qui leans estoit à celle heure, furent moult grâdement esmerueillez que ce pouoit estre: car pour lors n'estoit audit pays nouuelle de nulle guerre: toutesfois l'Euesque de Cambray enuoya aucuns de ses gens avec grand partie de la communauté dudit chastel iusques audit lieu de la Malle-maison, pour sçauoir & cognoistre qui c'estoit. Et eux là venuz & arriuez, parlerent aucuns de ceux qui l'auoiēt prinse: lesquels par malice feirēt leur cry de Bourgongne, & de Luxembourg: & pourtant les dessusdits enuoyez s'en retournerent en ladicte ville du chastel en Cambresis. Et brief ensuiuant ledit Messire Iean Blondel se pourueust de viures, & de gens en grand abondance: & apres commencerent à courir & à fouller le pays de Cambresis, & plusieurs autres, en

*faisant*



faisant maulx inestimables: avec lesquels s'assemblerent par plusieurs fois à faire lesdites courses aucuns de gens du Duc de Bourgogne, & de Messire Iean de Luxembourg. Et entre-temps iceluy Euesque entuoya par deuers le Duc de Bourgogne, sçauoir si c'estoit de son consentement, que sa forteresse auoit esté prinse. Auquel fut respondu, que non, ains seroit conforté & aydé par ledit Duc tant qu'il r'auroit la forteresse.

ITEM apres la mort, & trespas du Duc Iean de Brabant, fut faicte vne grande assemblée de Seigneurs en la ville de Valenciennes: à laquelle furēt le Duc de Bourgogne, les Comtes de Namur, de Ponthieuue, & de Conuerfan, le Prince d'Orange, Messire Iean de Luxembourg, les Euesques de Tournay, & de Arras, & plusieurs autres nobles gens d'Eglise: & fut pour la cause de sçauoir, qui auroit le gouuernemēt du païs de Hainault. A quoy par meure deliberation de conseil, fut ordonné & estably, que ledit païs demourroit en la main, & gouuernemēt du Duc de Bourgogne, lequel sur ce y pourueut de Gouverneurs & Officiers. En cest an le Côte de Vvaruich, & plusieurs autres Anglois, tindrent siege deuant la ville de Pont Orson: & tant contraignirent les assiegez, qu'ils se meirent en composition, & promeirent de à certain iour rendre le fort en la main dudit Comite de Vuaruich, en cas qu'ils n'auroient secours des François, & Bretōs, si fort & puissant, que pour combattre iceluy Côte: lequel secours ne fut point enuoyé, & pourtant, comme promis l'auoient, rendirent la place aux Anglois.

*Pages de Hainault entre les mains du Duc de Bourgogne.*

*Comment Messire Jean Blondel rendit la forteresse de la Malle-maison, qu'il auroit prinse, laquelle appartenoit à l'Euesque de Cambray.*

**E**N apres le Duc de Bourgogne alla à Mons en Hainault, avec luy grand nombre de ceux de son Conseil: & là, comme dit est, constitua plusieurs officiers natifs du païs pour gouverner la Seigneurie d'iceluy: auquel lieu par sauſconduit alla ledit Messire Iean Blondel, qui par ledit Duc fut plusieurs fois sommé, & requis de rēdre, & restituer à l'Euesque de Cambray sa forteresse: ausquelles requestes il ne voulut en riēs obeïr: mais en dissimulant s'excusoit aucunement: toutesfois ledit Duc de Bourgogne, & son Conseil conclurent, & delibererent de bailler gens, & ayde audit Euesque pour assieger, & reconquester sadicte forteresse. Et pour ce faire ledit Euesque manda ses amis, & se mit en armes à tout ce qu'il peut auoir de gens. Pour lequel ayder & reconforter, y furent commis & establis de par le Duc de Bourgogne Messire Guillaume de Lalain Baillif de Hainault, le Begue de Launoy Cheualier Gouverneur de l'Isle, & aucuns autres nobles hommes, & certain nombre de Gēs-d'armes: durant lequel temps ledit Messire Iean Blondel oyant ces nouuelles, & sachant que ledit Duc de Bourgogne auoit son fait mal agreable; condescendit à traitē, conclud, & delibera de rendre la forteresse, moyennant que sa paix seroit faicte deuers lē Duc de Bethfort, & le Duc de Bourgogne: & si luy seroient rendues ses forteresses & Seigneuries, lesquelles estoient en la main du Roy Henry de l'Enclastre comme confisquez, & avec ce emporteroient luy, & ses gens tous leurs biens, & si auroit pour les

Fort de Mal-  
le-maison de-  
moly.

despens quatre mille escus: lesquelles choses en conclusion luy furent accordées & promises, & de ce baillé seurte. Et par ainsi deliura la Mal-maison en la main de Baltazar bastard du Questroy, qui de par le Duc de Bourgongne y fut commis, & institué à le garder à certaine espace de temps. Et pour payer ladiète somme, & autres fraiz, fut mise sus vne grande taille par tout le pays de Cambresis, tant sur gens d'Eglise comme autres, lesquels à ce payer furent contraincts trefrigoureusement. Apres lesquelles besongnes par le consentement dudit Euesque, & d'aucuns autres du païs, fut ladiète forteresse de la Malle-maison abbatue, & du tout demolie, dõt ce fut moult grand dommage: car c'estoit la nonpareille & la mieux ediffiée qui fut en tous les pays à l'environ, & ou plus fort lieu. Ainsi Messire Jean Blondel par force de mal faire, vint à son intention, & fut, comme dit est, restitué, & remis en la possession de tous ses heritages, & edifices.

*Comment le Duc de Bourgongne retourna ou pays de Hollande, où il seist assaillir la ville de Hermontfort, & autres matieres.*

**L** E M apres que le Duc de Bourgongne eut, comme dit est, ordonné de ses besongnes en Hainault, il retourna à tout grãd puissance de Gens d'armes en Hollande, pour corriger aucuns, qui autresfois luy auoient fait serment, lesquels faisoient rebelliõ audit païs. Et en ce voyage seist assaillir vne ville fermée de fortes hayes, & fossez pleins d'eaüe, nommée Hermontfort: le quel assaut dura assez longuement, & fut moult aspre, cruel & terrible. Et mesmement ledit Duc de sa personne passa l'eaüe desdits fossez, & alla combattre ses ennemis, & aduersaires tresvaillamment, & pour vray il se meit adonc en tresgrand peril & dangier: car les deffendans en grand hardiessẽ s'abandonnoierẽ sans eux espargner pour eux deffendre, & sauuer leurs vies: durant lequel assaut fut mis à mort vn tresvaillant, & puissant Cheualier: c'est à sçauoir le Seigneur de Vozdanquin, & avecques luy estoient aucuns autres experts hommes de guerre: & si y fut nauré le bon Seigneur de Sauueses, tant qu'il le conuint porter hors des fossez, comme en peril & dangier de mort, & plusieurs autres. Et adonc ledit Duc, & ceux de son party voyant, & considerant la perte & dommage de leurs gens, eurent conseil de faire sonner la retraicte arriere, comme ils feirent: & se logerent assez pres de ladiète ville, où ils furẽt celle nuit assez pauurement pourueuz de ce que mestier, & besoing leur estoit. Et le lendemain ledit Duc print autre marche. Et l'ors s'estoient aliez avec la Duchesse Jaqueline, ceux de la ville de Vetrech: & aussi les Ducs de Gueldres & de Cleues y estoierẽ de la partie dudit Duc, parquoy la guerre, & tribulation croissoit, & multiplioit oudit païs de iour en iour.

E n ce temps s'assemblerent es marches de Picardie enuiron cinq cens combattans, tant hommes d'armes, comme archiers de plusieurs terres: lesquels sous la conduicte de Messire Charles de Moyencourt, Matthieu de Humiers, Jean de Longueual, & aucuns autres Gentils-hommes, furẽt menez par l'ordonnance & commandement du Duc de Bourgongne, à la requeste d'un Cheualier nommé Messire Phillebert Andrinet, à l'ayde & secours

cours d'Amé Duc de Sauoye bel oncle d'iceluy Duc de Bourgongne, qui auoit lors guerre & dissenion au Duc de Millan: lesquels cinq cens combatans dessusdits cheuaucherent par plusieurs iournées, tant qu'ils vindrēt ou dit pais de Sauoye, où ils furent ioyeusement receuz dudit Duc: & de là furent enuoyez sur les marches en tirant vers Lombardie, où ils feirent maulx inestimables: & tant que par la renommée d'iceux, & par la cremeur que les deux Princes dessusdits eurent pour le pauvre peuple, ayans d'iceux compassion se concorderent; & feirent bonne paix, & ladiete paix concludre le Duc Amé de Sauoye, donna congé à iceux Picards en eux grandement remerciant de leur trauail, en donnant à aucuns des plus notables draps de Damas, & autres ioyaux, & par ainsi les dessusdits Picards retournèrent en leurs propres lieux. La cause de la guerre si estoit, pource que le Duc de Milan auoit prins Novare, & cité de Verseil sur le Duc de Sauoye, lesquelles luy furent rendues. Item apres que le Duc de Bourgogne eut par plusieurs iournées visité le pais de Hollande, & mis ses garnisons sur les frontieres de la Gande, où lors se tenoit la Duchesse Iaqueline, delaisant aucuns de ses Capitaines pour la garde & seurte d'iceluy, tels comme le Seigneur de l'Isle Adam, Messire Lyonnel de Bournouille, & aucuns autres hommes d'armes experts, & renommez de guerre, s'en retourna en son pays de Flandres. En l'an dessusdit furent es pais d'Espaigne de Castellongne, & en Languedoc grans mouuemens de terre, dont en aucuns diuers lieux plusieurs villes & notables edifices cheurent, dont le peuple d'iceux pais fut par long tēps moult troublé, & en trefgrand effroy.

Accord entre  
les Ducs de  
Sauoye, &  
de Milan.

*Comment en ce temps le Souldam de Babyloine escriuit lettres aux Princes Chrestiens, & la teneur d'icelles.*

**E**N ce tēps le Souldam de † Babyloine enuoya lettres à tous Roys, † Babylo- & Princes Chrestiens, desquelles la teneur l'ensuit. *Baldadoch fils* <sup>nc.</sup>  
d'Aire, Cōestable de Ierico, Prewost de Paradis terrestre, nepueu des Dieux:  
Roy des Roys: Prince des Princes, Souldam de Babyloine, de Perse, de Jerusalem, de Chaldée de Barbarie: Prince d'Affrique, & animal d'Arcadie, Seigneur de Siche, des Ainces, des Payens, & des Maritans: Maistre Anchipotel, aduoué d'Amazone, Gardien des Isles, Doyen des Abbayes, Commandeur des Temples, froisseur des beaumes, fendeur des escus, perscur des haubers, rompeur de harnois, & de places: l'ansseur de glaiues, effondreur de destriers, tresperscur de presses, destruisseur de chasteaux, fleur de Cheualerie, sanglier de hardiesse, aigle de largesse, cremeur des ennemis, esperance d'amis, recouureur des desconfits, estandart de Machomet, Seigneur de tout le monde: Aux Roys d'Allemagne, de France, & d'Angleterre, & à tous autres Roys, Ducs, & Comtes, & generallyment à tous ceux, esquels nostre debonnaireté est à aduenir Salut & dilection en nostre grace. Comme ainsi soit; qu'il est bien loisible de † relinquir erreur par † laisser. sagesse qui veult: vous mande, que vous ne laissez nullement, ne tardez à venir par deuers moy, & releuez voz fiefs, & terres de ma Seigneurie, en reniant vostre Dieu, & la foy Chrestienne, delaisant voz erreurs: esquelles vous & voz deuanciers auez esté enuolopez trop longuement: ou autrement mon indignation, & la puissance de ma sorte espée tournera sur vous assez briuesquement: dont i auray voz testes en rançon sans riens es-



*pargner. Ces lettres furent données la veille des Ambassadeurs, l'an dixiesme de nostre couronnement: la seconde année apres nostre noble victoire, & destruction du malheureux pays de Chippre.*

*Comment les Anglois vindrent en la Duché de Bretagne, où ils feirent moult de maux, & de grans dommages: & autres matieres.*

**E**N cest an le Comte de Suffort, & Messire Thomas de Ramefcon, à cause de certaine guerre, qu'ils auoient au Duc de Bretagne, enuiron douze cens combattans allerent courre ou pais de Bretagne iusques auprès de la ville de Renes, où estoit le Duc: & y feirent de tresgrans dommages, & leuerent de tresgrans proyes tant prisonniers comme autres biens, à tout lesquels retournerent en vn gros village du pais nommé Tintenarch: & le lendemain se meirent à chemin, & rentrerēt es marches de la basse Normadie à tout ce qu'ils auoient gaigné, sans auoir quelque empeschement ne destourbiér. Et tantost apres ledit Messire Thomas se logea en vne petite ville nommée S. Iames de Buueron: laquelle autresfois auoit esté desolée, & la feit réparer & fortifier pour y demourer, & tenir garnison: afin de faire aux Bretons guerre, car elle estoit à demie lieüe du pais. Et là demoura iceluy messire Thomas Lieutenant dudit Comte de Suffort: lequel Comte estoit Capitaine de la basse Normandie. Et commencerent les Anglois à mener forte guerre, & faire plusieurs courses, & tournoyemens ou pais de Bretagne. Pour ausquelles obuier & resister, le Duc feit moult grand assemblée des nobles hommes de son pais: lesquels il bailla en charge à son frere le Comte de Richemot, qui nouuellement auoit esté fait Connestable de France: lequel avecques autres gens, qu'il auoit les mena dedans ladicte ville de sainte Iames de Buueron: & de fait l'assiegea trespuissamment, & y eut de la premiere moult grand escarmouche: neantmoins ledit Connestable se logea, & feit icelle enuironner tout autour. Si commença à faire iecter, & traire plusieurs de les engins contre la muraille, qui moult fort l'endommagerēt: & vne fois entre les autres eut conseil de la faire assaillir, ce qu'il feit, & dura l'assault par longue espace trespdur, & merueilleux. Si estoient les Bretons Bretonnans ja en vn costé bas, où il y auoit vn petit viuier, & couenoit qu'ils passassent par vne estroite voye pour aller iusques au mur à grand dangier. Si y auoit à ce costé vn petit bouleuert dont yn Cheualier Anglois, nommé Messire Nicole Bourdet auoit la charge à tout soixante, ou quatre vingts combattans, & d'autre part y auoit vne porte assez bien fournie d'Anglois. Et lors iceux Bretons qui deualloient es fosses en tresgrand nombre pour aller assaillir, ouyrent de deux costez lesdits Anglois iecter vn tresgrand cry, criant Salsebery & Suffort. Pour lequel cry les Bretons se commencerent à retraire en tresgrand desfroy. Et adonc ledit Messire Nicole l'assaillit apres eux moult vigoureusement & sans y trouuer guerres grand deffence en furēt mis à mort, & noyez ou dit estang de sept à huit cens: & de ce en demourerent prisonniers enuiron cinquante: & furent gaignez par les dessusdits Anglois dixhuit estandarts & vne banniere, & tost apres furent portées les nouvelles audit Connestable

*Bretons chassés par les Anglois.*

neltable de la perte de ses gens, lequel faisoit fort assaillir de l'autre coste. Si fut de ces nouuelles moult grandement esmerueillé, & fait sonner la retraite: car tout le siege deuers ledit estang estoit ja leué. Apres ces choses se meirent les Bretons ensemble, & prindrent hastif cōseil sur ce qu'ils auoient à faire. Auquel conseil fut deliberé, qu'attēdu la grand perte qu'iceluy Connestable auoit eue de ses gens, il estoit bon qu'il se departit, & ainsi le feit il: mais il attendit iusques enuiron minuit, & s'en retourna en la ville de Fougieres en trespetite ordonnance, delaisant audit siege grand foison de bombardes, viures & autres artilleries. Et ledit Messire Thomas à tout six cens combattans qu'il auoit: dont la plus grand partie estoient blesez demoura en icelle ville bien ioyeux de sa bonne fortune, & fait bouter dedans tous les biens, qui estoient demourez de ses aduersaires.

DE PUIS les choses dessusdictes le second iour ensuiuant, vint là le Cōte de Suffort à tout quinze ans combattans: lequel mena le lēdemain Messire Thomas avecques aucuns de ses gens deuant vn fort Monstier, qui tātost se rendit à luy. Et de là se tira plus auant ou pays deuers la cité de Dol, & auoit intention de seiourner là: mais entretemps le Duc de Bretagne enuoya deuers le Comte de Suffort vn sien poursuiuant à tout ses lettres: par lesquelles luy prioit d'auoir trefues sur vne forme, que ledit Comte luy accorda: & sur ce remanda ledit Messire Thomas & ses gens, lequel retourna audit S. Iames de Buueron à tout grans proyes. Si fut tant parlementé entre lesdictes parties, que les trefues furent données, qui durerent trois mois ou enuiron, moyennant que pour les accords le Comte de Suffort eut quatre mille, & cinq cens francs. Si s'entretindrent tresbien icelles trefues iusques en la fin de Iuing qu'elles deuoient faillir: durāt lequel tēps ne se peurent lesdictes parties accorder, & pourtant de rechief retournerēt à la guerre, & furent faictes plusieurs choses dommageables par feu, & par espée par les Anglois oudit païs de Bretagne: pour ausquelles obuier le Duc, & le Connestable son frere, feirent reparer la ville de Pōt-Orson, qui depart Normandie, & Bretagne à deux lieues du Mons sainct Michel, & y fut mise grosse garnison pour faire frontiere contre lesdits Anglois. Et certain iour ensuiuant ledit Comte de Suffort fut † deporté du gouuernemēt † de posé. de la basse Normandie, & y fut commis & institué le Comte de Vvaruich: lequel assembla moult grand quantité de gens, & assiegea ladicte ville de Pont-Orson. Et pource que durant le siege, les Anglois assiegeans, auoient viures à grand danger tant pour la garnison du Mont sainct Michel cōme pour autre; fut enuoyé le Seigneur de Scalles à tout cinq cens combattans en la basse Normandie, pour conduire & mener les viures dessusdits: & ainsi qu'il s'en retournoit à tout iceux, les Bretons qui sçauoient son retour s'estoient mis en embusche bien quinze cens combattans aupres du Mont sainct Michel. Et lors quand ils veirent leur point, ils faillirent sur les Anglois, lesquels ils trouuerent en bonne ordonnance: si se deffendirent tresvaillamment, & tant que finablement les Bretons furent mis & tournez à desconfiture, & y en eut de morts en la place bien huiet cēs: entre lesquels y fut mort & occis le Seigneur de Chasteau Geró, le Seigneur de Cresquā,

† de la Hunaudaye.

Reddition de Pont-Orson aux Anglois.

le Seigneur de Chambourg, le Baró de Chambouches: le Seigneur † du Hnauduc, Messire Pierre le Porc, le Capitaine des Escoçois: & plusieurs autres nobles hommes, & si fut prins le Vicomte de Rohen, & plusieurs autres grans seigneurs. Apres laquelle besongne les assiegez du Pont-Orson non ayans esperance de secours ne d'ayde, se rendirent sauf leurs vies au Comte de Vvaruich, & s'en allerent le baston blanc au poing, & delaisiant tous leurs biens: & y fut commis Capitaine ledit Seigneur de Scalles. Apres ceste besongne lefdits Anglois feirent emmener le Baron de Soulenges, Messire Pierre le Porc, & vn autre tous morts à leur siege: & liurerent les corps à ceux de dedans pour mettre en terre, afin qu'ils fussent plus certains de ladicte destrouffe & desconfiture: & qu'ils se rendissent plus hastiu emét, comme ils feirent. Enuiron la fin de cest an couoqua Messire Jean de Luxembourg és païs de Picardie, & à l'enuiron, enuiron mille combattans hommes d'armes, comme archiers en intention d'aller assieger & mettre en son obeïssance la ville de Beaumont en Argonne, que lors tenoit Guillaume de Flauy tenant le party du Roy Charles: lequel de Flauy, & ceux à luy obeïssans continuellement faisoient moult d'oppressions, & griefs dommages au païs à l'enuiron. En ces iours le Duc Philippe de Bourgogne, comme il auoit plusieurs fois, assembla tresgrand nombre de Gens d'armes en ses païs de Flandres, & d'Arthois, & à l'enuiron, pour de rechief aller en Hollande, & assieger la Duchesse laquelle dedans la ville de Gande. Et pour ceste fois escriuoit aux nobles de ses païs, que son intention estoit d'acheuer à ceste fois la guerre dudit païs de Hollande deuât son retour, pour laquelle ils auoient esté desia fort trauaillez & lassez, & par plusieurs fois. Lesquelles assemblées, comme dit est, il mena à l'Escluse, & là mōterent en mer pour passer au dessufdit pays de Hollande. Durant toutes ses tribulations menoient les Anglois tresforte guerre sur les marches de Bretaigne: & eurent lors iceux Anglois & les Bretons, que conduisoit le Comte de Richemont, vne tresgrande rencontre: à laquelle moururent grand quantité de combattans tāt d'un costé comme de l'autre, mais en fin lefdits Anglois obtindrent la iournée, & les conduisoit le Comte de Vvaruich.

. De l'an mille cccc. xx.viij.

*Comment Messire Jean de Luxembourg assiegea Beaumont en Argonne.*



V commencement de cest an eut esté mis le siege à l'enuiron de Beaumont en Argonne par Messire Jean de Luxembourg, accompagné de plusieurs hommes nobles des marches de Picardie, auquel siege mettre y eut plusieurs escarmouches entre les assiegeés & les assiegez. Esquelles entre les autres, fut prins, & mené dedans la ville vn nommé Enguerrant de Brigóual vigoureux, & sultil homme d'armes, pour la prinse duquel ledit de Luxembourg fut moult fort troublé, doutant que le dessufdit ne fut nauré ou mort: car par grand malice Guillaume de Flauy feit mettre vn linseul en terre, vueillant par ce fait donner à entendre que ce fut ledit Enguerrant qui estoit trespasé. Et luy feit faire vn seruiue solennel, tendât comme on pourroit supposé à iceluy fortraire secrettement



tement hors de la ville & mener en lieu secret & seur: pource qu'il scauoir ledit prisonnier estre Riche homme pour payer bonne finance: toutesfois nonobstant, qu'iceux assiegez se meissent tresvigoureulement à deffence: si furent ils en brief de toutes parts enuironnez, & tellement approchez que bonnement ne pouoient faillir hors de leurdictē ville, sinon en grand peril de leur vie. Et pourtant le dessusdit Guillaume de Flauy, voyant qu'au long aller le conuendroit estre mis en subiection non esperant auoir secours, feit traicté avec ledit Messire Iean de Luxembourg enuiron l'issue du mois de May: par tel si, que luy & les siens s'en iroient sauuement en emportant tous leurs biens. Et par ainsi ledit Messire Iean de Luxembourg eut l'obeissance dudit Beaumont: dedans laquelle il meit garnison de ses gens, & y constitua Capitaine Valerien de Bournonuille, & avec luy rendit sain & saufen vie ledit Enguefrant de Brignonval: durant lequel temps furent tresues données tant d'un costé, comme d'autre entre Messire Iean de Luxembourg, & ceux de la ville de Mouson iusques au iour de la saint Remy ensuiuant: dedans lequel iour dessusdit, ceux de ladicte ville deuoient aller deuers le Roy Charles scauoir se de luy auroiēt secours, où ils se rendroient audit Messire Iean de Luxembourg. Apres lesquels traictés acheuez par ledit Messire Iean donna congé à ses gens, & s'en retourna en son chātel de Beureuoir: & Guillaume de Flauy pareillement donna congé à ceux, qui l'auoient seruy & s'en alla à priuée mesgnie sous bon saufconduit à Liencourt en l'hostel de monseigneur son pere: car entre-temps qu'il estoit assiegé à Beaumont, le Duc de Bar feit demollir, & abbatre vne fortresse nommée Neufuille sur Meuse, laquelle tenoient les gens dudit Guillaume de Flauy, & là auoit sa cheuance de sa retraicte.

Beaumont  
rendu à Lux-  
embourg.

*Comment le traicté se feit entre le Duc de Bourgogne, & la Duchesse laqueline de Baviere pour la guerre de Hollande: & le contenu d'iceluy.*



TEM apres que le Duc de Bourgogne fut retourné, comme dit est dessus, au païs de Hollande, & qu'il eut fait de grandes preparations tant de gens, comme d'habillemens de guerre pour combattre, & subiuguer la ville de la Gande, où estoit la Duchesse laqueline, & ses aydans, ladicte Duchesse, & ceux de son païs considerans la puissance dudit Duc de Bourgogne: & que desia la plus grand partie de nobles, & communautē de son païs, s'estoient tournez contre elle avecques sa partie aduerse, doubtant non pouoir resister audit Duc, print conseil avecques ses plus priuez, & feaux seruiteurs, & se conclud de traicter paix avecques son beau cousin, & aduersaire le Duc Philippe de Bourgogne: lequel traicté par le moyen d'aucuns Ambassadeurs enuoyez entre les deux parties, fut tel qui ensuit. C'est à scauoir que ladicte Duchesse cognoistra, & vendra son beau cousin le Duc de Bourgogne estre son droit hoir, & heritier de tout ses pays: & dès lors le feit Gouverneur & Mainbruc des dessusdits pays, promettant icelle mettre en ses mains toutes les villes, & fortresses qu'elle tenoit: dedans lesquelles iceluy Duc mettroit Capitaines tels qu'il luy plairoit. Promist aussi icelle Dame de nō soy.

iamais marier sinon du consentement dudit Duc: & avec ce demouroit à iceluy Duc la ville, & forteresse de Zeneberche. Et par ainsi ledit traité de paix conclud & finé entre les deux parties conuindrent ensemble certaines journées ensuiuant en la ville de Delfe: ouquel lieu apres qu'ils eurent conioy l'un l'autre reueremment, prindrent d'un consentement eux deux ensemble ou leurs commis, les sermens de plusieurs villes: & par ainsi ledit païs de Hollande, qui par longue espace auoit esté trauaillé d'icelle guerre, demoura en paix, & retourna ledit Duc de Bourgongne donnant congé à ses Picards en son païs de Flandres, & d'Arthois.

*Comment le Comte de Salsbery vint en France à tout grand gent en l'aye du Duc de Bethfort; & comment le Duc de Bourgongne ramena la Duchesse Jaqueline de Bauiere en Hainault.*



V mois de May ensuiuant le Comte de Salsbery homme expert, & trefrenommé en armes, par l'ordonnance du Roy Henry, & de son grand Conseil en Angleterre, conuoca iusques à six mille combattans, ou enuiron gens d'esslite, & esprouuez en armes, par l'ordonnance du Roy Henry pour la plus grand partie amener en France en l'aye du Duc de Bethfort, qui se diloit Regent: desquels il enuoya premierement trois mille à Calais, & de là allerēt à Paris pour tousiours maintenir guerre contre les François. Et enuiron la sa saint Iean ensuiuant, ledit Comte de Salsbery à tout le surplus de ses gens passa par la mer, & vint à Calais, & par saint Pol, Dourlens, & Amiens s'en alla à Paris, où il fut ioyeusement receu dudit Comte de Bethfort, & de tout le Conseil de France là estant, tenant le party du Roy Henry. Apres la venue duquel Comte, furent par plusieurs iours de grans conseils tenus pour le fait de la guerre: entre lesquels fut conclud, qu'iceluy Comte apres qu'il auroit mis en l'obeissance du Roy Henry aucunes meschantes places, que tenoient ses aduersaires; il iroit mettre le siege deuant la ville d'Orleans: laquelle, comme ils disoient, leur estoit moult nuisable. Lequel conseil finé, furent de toutes parts euoquez, & mandez les Normans, & autres tenans leur party: & fut lors faicte si grand diligence, que ledit de Salsbery eut brief ensuiuant iusques à dix mille combattans: entre lesquels estoient le Comte Suffort, le Seigneur d'Escalles, le Seigneur de Caloboch, le Seigneur de l'Isle Anglois, Classedach, & plusieurs autres vaillans & trefexpers hommes d'armes, qui tous ensemble apres qu'ils eurent esté (comme dit est) grandement festoyez, & honnorez audit lieu de Paris, se departirent de là, & des marches enuiron avecques le Comte dessusdit, & allerent mettre le siege à Nogen le Roy, que tenoient les François: laquelle fut assez tost conquise: & en y eut grand partie d'eux, qui la tenoient executez à mort; les autres eschapperent en payant bonnes finances: & de là ledit Comte s'en alla vers Iargueaux. En ce temps le Duc de Bourgongne retourna en Hollande accompagné de ses plus feables hommes, pour de rechief cōuenir avecques la Duchesse Jaqueline sa cousine, & prendre les sermens de fidelité d'aucuns nobles du païs & bōnes villes, qui point

*Deliberations  
des Anglois.*

*Prinse de No-  
gen le Roy.*



point encores ne l'auoiet faict. Apres lesquels receuz grād espace de tēps vindrent ledit Duc, & la Duchesse laquelle au païs de Hainault, où ils allerent par les bonnes villes receuoir les sermens, pareillement comme ils auoient fait en Hollande, & Zelande tant des Nobles, du Clergé, comme des bourgeois, & communautēz: desquels en plusieurs lieux furent reuerenment, & honnorablement reçēz, iāçoit-ce qu'aucuns des dessusdits païs fussent de ce petitement contens, toutesfois ils ne voyoient mie qu'à ce ils peussent bonnement remedier.

*Comment ceux de Tournay, s'esmeurent de rechief l'un contre l'autre.*

**A**V mois de Iuillet de cest an ceux de Tournay se resmeurent les vns contre les autres, & furent en armes par plusieurs fois, ainsi qu'ils auoient autresfois esté. La cause si fut pource que les Gouverneurs d'icelle cité auoient mis aucun subside sur les ceruoises pour ayder à payer la composition, qu'ils deuoient au Duc de Bourgogne: neantmoins par la diligence d'aucuns des plus saiges, ils se rappailerēt: & brief ensuiuant fut prins vn de leurs Capitaines nommé Iean Isaach orfeure pour plusieurs crimes par luy commis: & auoit esté celuy par qui Arnoul le Musi, & Loctart de Villeries auoient esté decapitez: lequel Iean Isaach fut pendu publiquement au gibet de Tournay. En ce temps Renē le Duc de Bar feit assieger le chasteau de Passauant, dedans lequel estoit vn nommé de Vvarnencourt, qui par long temps auoit tresinhumainement, & sans misericorde trauaillé le païs d'enuiron.

*Cause de l'esmeute de Tournay.*

*Comment le Comte de Salsbery conquist Iargueaux, & plusieurs villes deuers Orleans, & comment le Duc de Bethfort voulut auoir les rentes des Eglises.*

**T**EM le Comte de Salsbery allant, comme dit est, deuant Iargueaux à tout sa puissance, le feit de toutes parts enuironner, & tresfort combattre, & approcher de ses gens, & habillemens de guerre: & pourtant ceux qui dedans estoient de par le Roy Charles, doubtrant la puissance d'iceluy Comte, feirent auecques luy traité en luy rendant la place par tel si, qu'ils s'en pourroient sauement partir. Lequel Comte apres qu'il eut icelle garnie de ses gens, s'en alla deuant Ianuille, & là feit assieger de toutes parts trespuissamment: & les François estans dedās à tout leur puissance, commencerent à eux deffendre: mais en aucuns pou de iours apres trouuerent maniere d'auoir parlement auecques iceluy Côte, lequel ne se peult à eux concorder. Et pource apres que les François se furent retraits dedans leur ville, s'esmeut vne escarmouche entre les assiegeans, & les assiegez. Pour laquelle la plus grād partie des Anglois armerent tout soudainement, & sans le commandement dudit Comte leur souverain allerent en grand hardiesse assaillir la ville: & tant continuerent en iceluy assaut, qu'assez brief ensuiuant ils prindrent, & conquerirent ladicte ville dedans laquelle plusieurs François furent prins & morts. Et y furent faits d'autres maulx inestimables, lesquels seroient trop lōgs à declairer. Item durant le temps dessusdit le Duc de Bethfort Regent, & ceux du

*Prinse de Ianuille.*



*Victoire du  
Roy de Portu-  
gal sur les  
Sarrasins.*

conseil du Roy Henry estoit à Paris : requirent trespasamment à auoir pour le prouffit dudit Roy, toutes les rentes & heritages, qui auoient esté données depuis quarante ans par auant aux Eglises. Et pour ce mettre à execution, furent en ladicte ville de Paris tenus plusieurs parlemens en grands conseils, entre ledit Duc de Bethfort, & le Conseil du Roy d'une part, & ceux de l'Vniuersité del'Eglise d'autre part : toutesfois icelle requeste fut trespas debattue : & tant qu'en fin la besongne fut mise au net, & demourerent ceux de l'Eglise paisibles quant à ce. Auquel an aussi le Roy de Portugal meit sus vne grosse armée, & avec luy le Duc de Cambray, qui faisoit son auantgarde : & pouoit auoir sur tout dix mille combattans, à tout lesquels il alla en vne isle sur les mescreans, où estoit le Roy d'Albastre à tout bien vingt mille Sarrasins Turquois, Tartares, & Barbarins : desquels la plus grand partie furent morts sur la place, & le dessusdit Roy d'Albastre fut detenu prisonnier. Apres laquelle victoire iceluy Roy de Portugal à peu de perte retourna en son pais.

*Comment le Comte de Salsebery assiegea la cité d'Orleans, où il fut occis.*



TEM apres ce que le Comte de Salsebery eut conquis, & mis en obeissance du Roy Henry de l'Enclastre, lanuile, Meung, & plusieurs autres villes, & forteresses au pais d'environ, il se disposa trespas diligemment pour aller assieger la cité d'Orleans. Et de fait environ le mois d'Octobre à tout sa puissance, arriua deuant ladicte cité : en laquelle ceux de dedans long temps par auant attendans sa venue, auoient preé leurs besongnes tant de fortifications, habillemens de guerre, cōme de viures, & gens esleuz exercitez en armes, pour resister contre ledit Comte, & sa puissance, & eux deffendre. Et mesmement afin qu'il ne se peut loger autour d'icelle luy ne ses gens à leur aise, ne eux fortifier ; iceux d'Orleans auoient fait abbatre, & demollir de tous costez en leurs faulxbourgs plusieurs bons, & notables edifices : entre lesquelles furent destruits, & abbatus iusques à douze Eglises & au dessus esquelles estoient les quatre ordres des Mendians, & avec moult d'autres belles, & sollennelles maisons de plaissance, qu'y auoient les bourgeois d'icelle ville. Et tant en icelle œuvre continuerent, qu'iceluy faulx-bourgs, & tout à l'enuiro on pouoit plainement veoir, & iecter de canōs, & autres instrumēs de guerre tout à plain. Toutesfois ne demoura mie que ledit Comte de Salsebery à tout ses Anglois, ne se logeast assez pres de ladicte ville : iāoit-ce que ceux de dedans de tout leur pouoir se meirent vigoureusement en deffence, en faisant plusieurs faillies en tirant de canons, couleurines, & autres artilleries, occiāt, & mettant à meschief plusieurs Anglois. Neātmoins lesdits Anglois trespas vaillamment, & rudement les bouterēt, & approcherēt plusieurs fois, tāt qu'iceux deffendans auoient merueilles de leurs hardies, & courageuses entreprises. Durant lesquelles ledit Comte de Salsebery feit assaillir la tour du bout du pōt, qui passe par dessus l'eau de Loire : laquelle en assez brief tēps fut prinse des Anglois, & conquise avec vn petit Bouleuert, qui estoit assez

pres

pres nonobstant la deffence des François : & feiticeluy Comte dedans la vieille tour loger plusieurs de ses gens, afin que ceux de la ville ne peussent par là faillir sur son ost : & d'autre part se logea luy, & ses Capitaines, & les siens assez pres de la ville en aucunes vieilles masures là estans : esquelles comme ont accoustumé iceux Anglois, feirent plusieurs logis de terre, tauldis, & habillemens de guerre pour escheuer le traict de ceux de la ville, dont ils estoient treslargement seruis. Ledit Comte de Salsebery le troisieme iour qu'il estoit venu deuant icelle cité, entra en la dessusdicte tour du pont, où estoient logez ses gens : & là dedans icelle monta hault au second estage, & se mit en vne fenestre vers la ville, regardant tout ententiuement les marches d'entour icelle, pour veoir, & imaginer comment & par quelle maniere il pourroit prendre, & subiuguer icelle cité : & lors luy estant à ladicte fenestre, vint soudainement de la cité auollant la pierre d'un veuglaire, qui ferit à la fenestre où estoit ledit Comte : lequel desia pour le bruit du coup se retiroit dedans : neantmoins il fut à consuiuy tresgriueusement, & mortellement de ladicte fenestre, & eut grand partie du visage emporté tout ius, & un gentil-homme qui estoit derriere luy, fut d'iceluy coup tué tout mort, pour laquelle blessure dudit Comte, toutes ses gens generallement eurent au cuer grand tristesse : car d'eux il estoit moult cremeu & aymé : & le tenoient pour le plus subtil, & expert, & heureux en armes de tous les autres Princes, & Capitaines du Royaume d'Angleterre : toutesfois ainsi blessé il vesquit l'espace de huit iours. Et apres ce qu'il eut mandé tous ses Capitaines, & iceux admonestez de par le Roy d'Angleterre, qu'ils continuassent à mettre en l'obeissance icelle ville d'Orleans sans quelque dissimulation, il se fit porter à Meung, & là mourut au bout de huit iours de ladicte blessure : au lieu duquel demoura general Capitaine des Anglois assiegeans le Comte de Suffort : & au dessous de luy le Seigneur de Scalles, & de Thalebot, Messire Lancelot de l'Isle, Clacedas, & aucuns autres : lesquels nonobstant la perte qu'ils auoient fait au dessusdit Comte de Salsebery, qui (comme dit est) estoit leur chef & souverain Connestable, respondirent en eux vigueur : & d'un commun accord en toute diligence, se disposerent par toutes voyes, & manieres à eux possibles de continuer leur siege, & ce qu'ils auoient commencé : & de fait feirēt en plusieurs lieux bastilles, & fortifications : dedans lesquelles ils se logerēt, afin que de leurs ennemis ne peussent estre surprins ne enuahis. Item le Roy Charles de France sachant que les Anglois ses anciens ennemis & aduersaires, vouloient subiuguer, & mettre en leur obeissance la tresnoble cité d'Orleans, festoit cōclud avecques ceux de son Cōseil par auant la venue d'iceux, que de tout son pouoir il deffendroic icelle ville : croyant que si elle estoit mise entre les mains de ses ennemis, ce seroit la destrucō totale de ses marches, & païs, & de luy aussi. Et pourtant il enuoya grād partie de ses meilleurs, & plus feables Capitaines : c'est à sçauoir Boussac, & le Seigneur d'Eu : & avec eux le Bastar d'Orleans Cheualier, le Seigneur de Gaucourt & de Grauille, le Seigneur de Vilā, Pothé de sainte Troille, la Hire, Messire Theolde de Vvalergne, Messire Loïs de Vvaucourt, & plusieurs

autres trefvaillās hōmes renōmez en armes, & de grād au cōtorité: avecques lesquels estoiet iournellemēt de douze à quatorze cēs cōbattās, gēs d'élite bien esprouuez en armes: si aduenoit souuent qu'il en auoit l'vne fois plus & l'autre moins, car le siege ne fut oncques ferme: parquoy iceux assiegez se pouoient rafreschir de gens & de viures, & aller en leurs besongnes quād bon leur sembloit, & ils auoient volenté de ce faire. Durant lequel siege furent faictes plusieurs escarmouches, & faillies d'iceux assiegez sur les assiegeans: desquelles racompter chacū à part, luy qui y feit perte ou gaigne, seroient trop longues & ennuiables à escrire: mais pour les rappors, qui m'en ont esté fais d'aucuns notables des deux parties, n'ay point sceu que leldits assiegez en toutes icelles faillies feissent à leurs ennemis grand dommage, sinon que par les canons, & autres engins iettans de leur ville: desquels engins à vne d'icelles escarmouches, il fut occis vn trefvaillant Cheualier Anglois & renommé en armes, nommé Messire Lancelot de l'Isle.

*Comment vn prescheur nommé frere Thomas conuertit plusieurs personnes, & abbatis les bobans, & atours de femmes en plusieurs parties.*

**E**N cest an és parties de Flandres, Tournesis, Artois, Cambresis, Ternois, Amiennois, Ponthieu, & és marches enuiron, regna vn prescheur de l'ordre des Carmes natif de Bretagne, nommé frere Thomas Conecte: auquel par toutes les bōnes villes, & autres lieux, où il vouloit faire ses predications, les Nobles, Bourgeois, & autres notables personages des bonnes villes, où il estoit, luy faisoient faire és plus beaux lieux, & plantureux d'icelles pour faire assemblée, vn grand eschauffault bien planchonné, tendu, & aorné des plus riches draps de tapisseries, & autres qu'on pouoit finer. Sur lequel eschauffault estoit préparé vn autel, où il disoit sa Messe accompagné d'aucuns de son ordre, & plusieurs autres ses disciples: dont la plus grand partie le suiuiot de pied, par tout où il alloit, & il cheuauchoit vn petit mulet: & là sur celuy eschauffault après qu'il auoit dit sa Messe, faisoit ses predications moult longues, en blasant les vices, & pechez d'vn chacun, & par especial le Clergé: c'est à sçauoir, ceux qui publiquement tenoient femmes en leur compagnie, en enfraignant le veu de chasteté: & pareillement blasmoit, & diffamoit trefexcellamment les femmes de noble lignée, & autres de quelque estat qu'elles fussent, portans sur leurs testes haults atours, & autres habillemens de parage, ainsi qu'ont accoustumé de porter les nobles femmes és marches, & païs dessusdit: desquelles nobles femmes, nulle de quelque estat qu'elle fut, à tout iceux atours ne s'osoit trouuer en sa presence: car il auoit accoustumé quand il en veoit aucune, s'esmouuoir apres icelle tous les petis enfans: & les admonnestoit en donnant certains iours de pardon à ceux qui ce faisoient: desquels donner, comme il disoit, auoit la puissance: & les faisoit crier hault, *au hennin, au hennin*. Et mesmement quand les dessusdictes femmes de noble lignée se departoient de deuant luy: iceux enfans en continuant leur cry, couroient apres, & de fait vouloient tirer ius leldits hennins tant qu'il conuenoit, qu'icelles femmes se sauassent, & missent à sau-



ueté en aucun lieu. Pour lesquels cris & poursuite, s'esmeurent en plusieurs lieux, où ils se faisoient de grans rumeurs, & malalens entre lesdits crians au hennin, & les seruiteurs d'icelles Dames, & Damoiselles: neantmoins ledit frere Thomas continua tant, & fait continuer les cris, & blasphemés dessusdits, que toutes les Dames & Damoiselles, & autres femmes portans haults atours, n'alloient plus à ses predications sinó en simple estat, & descogneu: ainsi & pareillement que les portent femmes de labeur de petit, & pource estat. Et pour lors la plus grád partie d'icelles nobles femmes retournées en leurs propres lieux, ayant grand vergongne des honteuses, & iniurieuses paroles, qu'elles auoient ouyes audit preschement, se disposerent à mettre ius leurs atours, & prindrent autres tels ou semblables, que portoiét femmes de Beguinages: & leur dura ce petit estat aucune petite espace de temps: mais à l'exemple du limaçon: lequel, quand on passe pres de luy, re-  
*nelle cōparai-  
son.*  
 traict ses cornes par dedans, & quand il n'oyt plus riens les reboute: ainsi feirent icelles, & en assez brief apres que ledit prescheur se fut de party du pays, elles recommencerent comme deuant, & oublierét sa doctrine, & reprindrent petit à petit leur viel estat, tel ou plus grand, qu'elles n'auoiét accoustumé de porter. Pour lesquels estats ainsi mis ius à l'instâce, & exhortation d'iceluy frere Thomas, & aussi pour ledit blasphème, qu'il disoit communement en special contre tous les gens d'Eglise, il acquist grád amour, & renómée de tout le peuple par tous les pays où il alloit: & estoit d'iceux moult honoré & exaucé. Et aussi d'autre part par tous les lieux, où il alloit tant des bonnes villes come d'ailleurs: les Nobles, le Clergé, les Bourgeois, & generalement toutes gens luy faisoient honneur & reuerence, comme on eut peut faire à vn des Apostres de nostre Seigneur Iesus Christ, s'il fut du ciel descendu sur terre. Iceluy ainsi accompagné de grand multitude de peuple, allant loing aux plains champs au deuant de luy, & de la part les plus notables, tant Cheualiers, comme autres, s'ils y estoient menez, eux estans à pied & tenans la bride de son mulier iusques à son hostel, qui estoit communement sur le plus riche Bourgeois de la ville: & ses disciples dont il en auoit plusieurs, se logioient en plusieurs lieux des plus honnestes maisons des villes. Si ce tenoient pour bienheureux ceux, qui luy ou les siés pouoient auoir à hostes. Et quand ledit frere Thomas estoit (comme dit est) à son logis, il se tenoit en vne chabre moult solitairement, sans vouloir souffrir, que nulle personne eust repaire avecques luy sinon assez pou, fors tant seulement de sa famille. Et apres qu'il auoit fait les predications vers la fin, il admonnestoit moult instamment tant sur damnation d'âme, comme sur peine de excommunier, que toutes gens, qui auoient en leurs maisons tabliers, eschiquiers, quartes, quilles, dez, & autres instrumens, d'or on pouoit iouer à quel que ieu de plaissance les apportassent à luy. Et pareillement entraignoit lesdictes femmes qu'elles y apportassent leurs hennins: & là deuant son eschaffault il faisoit allumer grans feux & bouter tout dedans les choses dessusdictes. Si regna en iceluy pays par l'espace de cinq ou six mois: & fut en plusieurs notables citez comme Cabray, Tournay, Arras, Amies, & Theroüenne, où il feit (comme dir est) plusieurs predications, à la loue

*Hennins brû-  
lés par frere  
Thomas est  
comme saint  
homme.*

ge du menu peuple, auxquelles s'assembloient aucunesfois seize, ou vingt mille personnes. Et faisoit mettre les hommes d'un costé & les femmes de l'autre, & tendre vne corde entre deux: pource qu'il disoit auoir veu entre eux aucune faulseté, en faisant lesdictes predications. Pour lesquelles faire, il ne prenoit point d'argent, & ne souffroit qu'on le pourchaslast ainsi que on souloit faire aucuns autres prescheurs: mais il estoit assez content qu'on luy donnast aucuns riches aornemens d'Eglise, & qu'on reuestist ses disciples, & payast ses despens: de laquelle chose faire on en estoit tourioyeux: & pour parfaicte perfection & esperance, que plusieurs notables personnes pensoient en luy, cuidant qu'il fut homme prudent & de sainte vie, se meirent à le seruir par tout où il alloit, & en laisserét plusieurs pource faire pere & mere, femmes, enfans & tous leurs prochains amis. Entre lesquels le poursuiuit & accompagna par longue espace le Seigneur d'Antony, & aucuns autres nobles. Apres lequel temps sans auoir esté en nul d'iceux pays redargué ne corrigé par aucuns Clercs, se departit à la grande louège du peuple, & au contraire l'indignation de plusieurs gens d'Eglise, & s'en alla monter sur mer au port saint Vvalery pour s'en aller en Bretagne d'où il estoit né.

*Comment grans tournoyemens se firent en la ville de Bruxelles.*



En ces mesmes iours le Duc de Bourgogne alla tresgrandement accompagné des Seigneurs de ses pays en la ville de Bruxelles, pour estre à un tournoyement, qui là deuoit estre fait le iour des Karismeaux: duquel tournoyement estoit le chief le fils du Damoisel de Gazebeque: c'est à sçauoir de donner le pris. Auquel lieu le Duc de Bourgogne fut honnorablement receu & festoyé du Duc Philippe de Brabant son cousin germain, & des autres Seigneurs du pays, & aussi de ceux de la ville de Bruxelles. Et quand ce vint au iour que le tournoyement se deuoit faire, les deux Ducs dessusdits furent partis l'un contre l'autre: & pareillement grand partie de leurs gens par l'aduís, & deliberatió d'aucuns sages de leurs Conseils, & de leurs officiers d'armes, afin d'escheuer toutes rigueurs qui en pourroient aduenir. Et furent ce iour tant d'un costé comme d'autre, de sept à huit vingts heaumes sur la place, c'est à sçauoir sur le marché de Bruxelles: & estoit grand noblesse de les veoir, car ils estoient tous moult richement habillez, & paréz de leurs armes. Et quand ce vint que lesdits officiers d'armes eurent faits les cris en ces cas accoustumez, ils se ferirét de grande vouldenté l'un parmy l'autre, & y eut maint riche coup feru entre icelles parties: & en fin fut le pris donné à un Gentil-homme de Brabant nommé Jean Linquart. Et le lendemain & second iour furent faictes grans ioustes: entre lesquels pour le premier iour emporta le pris le Duc de Brabant, & pour le second le Seigneur de Maminés. Et quand aux dances, & banquers il en y eut fait en tresgrand abondance, & y auoit largement Dames, & Damoiselles moult richement parées selon l'estat du pays: & au regard des mommeries tant d'hommes comme de femmes, il en y auoit largement, durant laquelle feste, fut baillée l'espée au Seigneur de Croy Cheualier du Duc de Bourgogne: lequel par le Conseil feit de rechief crier un

autre tournoyement à vn certain iour ensuiuant , pour estre assemblé &ourny en la ville de Mons en Hainault, lequel pour certaines occupatiōs, qui suruindrent dedans ledit iour, ne se feir point. Et apres que le dessusdit Duc de Bourgongne eūt seiourné dedans icelle ville de Bruxelles quatre ou cinq iours, il s'en retourna en son pays de Flandres: nonobstant que durant le temps dessusdit il faisoit tresdiuers temps, tāt de neiges comme gelées, & les autres Seigneurs se retrahirent és lieux, dont ils estoient venuz.

*Comment le Comte de Namur trespassa, & fut le Duc de Bourgongne son heritier.*



TEM en l'an dessusdit rendit son esprit à Dieu le Comte de Namur, qui auoit grand aage: lequel des auant sa mort auoit vendu au Duc de Bourgongne la Comté de Namur, & ses appartenances. Apres la mort duquel ledit Duc se trahist en iceluy pays, pour auoir la possession des bonnes villes, & forteresses d'icelle Comté: lesquelles sans contredit luy feirent plaine deliuration: & furent lors par ledit Duc par tout commis Gouverneurs, & Capitaines, tels que bon luy sembla. Pour lequel voisinage les Liegeois marchissans à icelle Seigneurie de Namur, n'en furent gueres ioyeux: ains leur vint à desplaisir, doubtans la puissance d'iceluy Duc, duquel long temps par auant de luy ne de ses deuanciers n'aimoient point la Seigneurie; pour ce que le Duc Iean son pere, & le Duc Guillaume son oncle les auoient autresfois vaincuz, & subiuguez, cōme en autre lieu par auant plus aplain dessus est declairé. Si tenoient lors en leurs mains iceux Liegeois, vne forte tour située assez pres de Bouuines: laquelle, comme on disoit, estoit de la seigneurie de Namur: & la desiroit ledit Duc de Bourgongne à l'auoir en ses mains, mais lesdits Liegeois estoient à ce opposans & contraires, pourquoy des lors se commencerent entre icelles parties aucunes rumeurs & haynes: dont à l'occasion d'icelles, ledit Duc de Bourgongne retourna en son pays, & feir secrettemēt assembler certain nombre de Gens-d'armes: lesquels il enuoya soubz la cōduicte de Messire Iean Blōdel, & Gerard Bastard de Brimeu vers le dessusdit pays de Liege, pour prendre d'emblée ladicte tour de Mont-Orgueil. Et eux venus assez pres d'icelle, en eux preparans pour dresser leurs eschelles, furent apperceuz, & desconfits de ceux qui estoient dedans: pourquoy sans autre chose faire, s'en retournerent en leurs pays: & lesdits Liegeois feirent leurs gardes plus que par auant n'auoient fait, & conceurēt de plus en plus grād haine contre ledit Duc de Bourgongne. Item durant le temps que les Anglois tenoient leur siege deuant la noble cité d'Orleans (comme dit est) estoit le Roy Charles tresfort au dessoubz: & l'auoient au peu pres laissé cōme abandonné la plus grād partie de ses Princes, & autres des plus nobles Seigneurs, voyant que de routes pars les besongnes luy venoient au cōtraire. Neantmoins il auoit tousiours bonne affection, & esperance en Dieu, desirant de tout son cuer à auoir traicté de paix avecques le Duc de Bourgongne: lequel par ses Ambassadeurs il auoit requis par plusieurs fois, mais encores ne s'y estoit peu moyen trouuer, qui fut au gré des parties.

*Le Roy Charles en grand extremité.*



*Comment les Anglois allans au secours du siege d'Orleans rencontrèrent  
les Francois qui les assaillirent.*



En ces iours le Duc de Bethfort Regent estant à Paris feit assembler tant des marches de Normandie, comme de l'Isle de Frâce, & à l'environ, de quatre à cinq cens que chars & charrettes: lesquelles avecques la diligence de plusieurs marchans furent chargées de viures, artilleries, & autres marchandisez, pour mener deuers les dessusdits Anglois, qui estoient au siege d'Orléans. Et apres que ledit charroy, & autres besongnes furent prestes, tout fut baillé à conduire à Messire Iean Fascot grand Maistre d'hostel dudit Duc de Bethfort: avecques lequel furent commis le Preuost de Paris nommé Simon Mathieu, le Bastard de Thian Cheualier Baillif de Senlis, le Preuost de Melun, & plusieurs autres officiers des marches de l'Isle de France, & d'environ, accompagnés de seize cens combattans, & bien mille communs: à tout lesquels se departit ledit Fascot de Paris le iour des cendres, & conduit par plusieurs iournées ledit Charroy, & ses gens en bonne ordonnance, iusques enuiron à vn village nommé Rouuroy en Beausse, seant entre Genuille, & Orléans. Auquel lieu estoient assemblez pour les combattre plusieurs Capitaines François, qui long temps par auant sçauoient assez bien leur venue: c'est à sçauoir Charles Duc de Bourbon, les deux Marechaux de France: le Connestable d'Escoffe, & son fils, le Seigneur de la Tour, le Seigneur de Chauuigny, le Seigneur de Grauille, Messire Guillaume d'Albreth, le Vicomte de Thoüas, le Bastard d'Orléans, Messire Iaqués de Chabannes, le Seigneur de la Fayette, Pothon de sainte Treille, Estienne de Vignolles autrement appelé la Hire, Messire Theolde de Valeperghe, & plusieurs autres nobles hommes, qui tous ensemble auoient de trois à quatre mille combattans: desquels ledits Anglois sçauoiēt bien l'assemblée par aucuns de leurs gens des garnisons, qu'ils auoient bien audit pays. Et pourtant en bien grand diligence feirent de leur charroy vn grand parc en plain champ, auxquels ils laisserent deux issues ouuertes: & se meirent tous ensemble dedans iceluy: c'est à sçauoir les archiers gardans icelles entrées, & les hommes d'armes assez près es lieux necessaires. Et à l'vn des costez au plusfort lez, estoient les marchands, charretons, paiges, & autres gens de petite deffence, avecques tous les cheuaux: lesquels Anglois en cest estat attendirent bien deux heures leurs ennemis: lesquels en grand bruit se vindrent mettre en bataille deuant ledit parc hors du trait. Et leur sembloit, attendu le moleste, & le grand nombre qu'ils estoient, & qu'ils n'auoient à faire qu'à gens de plusieurs terres: & n'y auoit que de cinq à six cens Anglois de la nation d'Angleterre, qui ne pouoient eschapper de leurs mains & seroient tantost vaincus: neantmoins les aucuns faisoient grand doubte que le contraire ne leur aduint, pource que les Capitaines d'iceux François ne se concordoient point bien ensemble: car les vns & par especial les Escoçois vouloient combattre, & batailler à pied, & les autres vouloiēt demourer à cheual. Et adóc Charles de Bourbon fut fait Cheualier du seigneur de la Fayette, & aucuns autres: & entre tāt ledit

ledit Conneftable d'Efcoce & fon fils se meirent à pied , & avecques eux toutes leurs gens. Si allerent en assez brief terme les vns à pied , les autres à cheual enuahir , & combattre leurs aduerfaires & ennemis, defquels ils furent receuz trefcourageusement. Et commencerent les archiers Anglois, qui estoit tresbien targez de leurdit charroy à tirer trefroidement , duquel trait de pleine venue , & rencontre , feirent rebouter arriere d'eux ceux de cheual, avecques les hommes d'armes. Et lors à l'vne de leurs entrées se combattirent ledit Conneftable d'Efcoffe, & ses gens, qui en brief comprédre, furent desconfits & morts en la place. Et fut mort Messire Iean Estouart, avecques lequel furent morts son fils Messire Guillaume d'Albreth Seigneur d'Orual, le Seigneur de Chasteau Brun, le Seigneur de Mont-Pipel, Messire Ieā Larigot, le Seigneur de Verduifant, le Seigneur Diuray, le Seigneur de la Greue, Messire Anthoine de Puilly, & bien six vingts Gentilshommes, & autres iusques au nombre de cinq ou six cens combattans: desquels la plus grand partie estoient Escoçois: & les autres Capitaines dessusdits à tout leurs gés le departirēt , & s'en r'allerent es parties dont ils estoient venus. Et les dessusdits Anglois qui pour lors estoient aduerfaires & ennemis des François (comme ils auoient accoustumé) se rafreshirent, & se retrahirent ceste nuit le plustost , & le plus diligemment cōme faire le peurent en leurdicte ville de Rouuray. Et le lendemain ensuiuant s'en partirēt, & s'en retournerent les dessusdits Anglois en moult bonne ordonnance, à tout leur charroy & leur artillerie, comme brigandines, heaulmes, arbalestres , baltons à feu, & plusieurs autres armeures , qu'il fault à gens de guerre par aucuns pou de iours deuant ladicte ville , & noble cité d'Orleās moult ioyeusement, tant pour la bonne fortune qu'ils auoient eue, comme pour les viures qu'ils leurs menoiēt. Si fut la iournée dessusdicte, depuis ce iour en auant en langage commun appellée la bataille des harens : & la cause de ce nom, si fut, pource que grād partie du charroy desdits Anglois estoient chargez de harēcs, & autres viures de Karefme: pour laquelle male aduenture ainsi aduenue, Charles eut au cuer grand tristesse , voyant de toutes parts ses besongnes venir au contraire , & perseuerer de mal en pis. La dessusdicte bataille de Rouuray fut faicte la nuit des brandōs enuiron trois heures apres minuit, & ny eut mort de la partie des Anglois de gens de nom, qu'un seul homme nommé Bresanteau, nepueu de Messire Simon Morbier Preuost de Paris. Et y furent faits Cheualiers de la partie des Anglois Galloy d'Aunoy Seigneur d'Oruille , le grand Raoulin, & Loys de Lexu Sauoyen. Et pouoient estre les dessusdits Anglois enuiron dix sept cēs combattans, de bonne estoffe sans les communes. Et comme dit est dessus, les François estoient bien de trois à quatre mille. Et furent faits Cheualiers avecques ledit Charles de Bourbon le Seigneur de Chasteau Brun, & plusieurs autres : & n'y eut pour ce iour prins qu'un prisonnier , qui estoit Escoçois.

Mort du Conneftable d'Efcoffe.

Bataille des harens.

*Comment vne Pucelle nommée Ieanne vint deuers le Roy Charles à Chinon, où il se tenoit: & comment ledit Roy Charles la retint avecques luy.*

*D'où estoit  
Ieanne la Pu-  
celle.*

**E**N l'an dessusdit vint deuers le Roy Charles de France à Chinon, où il se tenoit, vne Pucelle ieune fille aagée de vingt ans ou enuiron, nommée Ieanne, laquelle estoit vestue & habillé en guise d'homme, & estoit née des parties entre Bourgongne & Lorraine, d'une ville nommée Droimy, assez pres de Vaucoulour: laquelle Pucelle Ieanne fut grãd espace de temps chambriere en vne hostellerie, & estoit hardie de cheuaucher cheuaux, & les mener boire, & aussi de faire appertises, & autres habilités, que ieunes filles n'ont point accoustumé de faire. Et fut mise à voye & enuoyée deuers le Roy par vn Cheualier nommé Messire Robert de Baudrencourt, Capitaine de par le Roy de Vaucoulour, lequel luy bailla cheuaux, & quatre ou six compagnons. Si se disoit estre Pucelle inspirée de la grace diuine, & qu'elle estoit enuoyée deuers iceluy Roy pour le remettre en la possession de son Royaume, dont il estoit enchassé & debouté à tort, si estoit en assez pouure estat. Si fut enuiron deux mois en l'hostel du Roy dessusdit: lequel par plusieurs fois elle admonnestoit par ses parolles, qu'il luy baillast gens & ayde, & elle rebouteroit les ennemis, & exaulceroit sa Seigneurie. Durant lequel temps le Roy & son Conseil ne adioustoient point grãd foy à elle, ne à chose qu'elle sceust dire: & la tenoit on comme vne folle desuoyée de sa santé: car à si grans Princes, & autres nobles hommes telles ou pareilles parolles sont moult doubtables, & perilleuses à croire, tant pour l'ire de nostre seigneur, principalement comme pour le blaspheme qu'on pourroit auoir des parlers du monde: neantmoins apres qu'elle eust esté en l'estat que dit est, vn espace elle fut aydée: & luy furent baillez gens, & habillemens de guerre, & elleua vn estandart où elle feit paindre la representatiõ de nostre Createur. Si estoient toutes ses parolles du nom de Dieu: pourquoy grand partie de ceux qui la veoient & oyoient parler, auoient grand credence & variation qu'elle fut inspirée de Dieu, comme elle se disoit estre: & fut par plusieurs fois examinée de notables Clercs, & autres sages hommes de grand auetorité, afin de scauoir: plus à plain son intention: mais tousiours elle se tenoit en son propos, disant que se le Roy la vouloit croire, elle le remettroit en sa Seigneurie: & depuis ce temps feit aucunes besongnes, dont elle acquist grand renomée desquelles sera cy apres declairé. Et lors qu'elle vint deuers le Roy y estoit le Duc d'Aléçon, le Marechal du Roy, & autres plusieurs Capitaines: car le Roy auoit tenu grand conseil pour le fait du siege d'Orléãs, & de là alla à Poiçtiers, & icelle Pucelle avecques luy. Et brief ensuiuant fut ordonné, que ledit Marechal meneroit viures, & autres besognes nécessaires audit lieu d'Orléans à puissance. Si voulut Ieãne la Pucelle aller avec, & feit requeste, qu'o luy baillast harnois pour soy armer & habiller, lequel luy fut baillé. Et tost apres leua son estandart & alla à Bloys, où l'assemblée se faisoit: & de là à Orléãs avecques les autres, si estoit tousiours armée de plain harnois: & en ce mesme voyage se meirent plusieurs gens de guerre sous elle



elle: & quand elle fut venue en icelle cité d'Orleans, on luy feittresgrand chere, & furent moult de gens resiouys de sa venue, si comme vous orrez plus à plain bien briefuement.

*De l'an mille cccc. xxix.*

*Comment de par le Roy Charles, & ceux de la ville d'Orleans, vindrent Ambassadeurs en la cité de Paris, pour faire traité au Duc de Bethfort: afin que ladicte ville d'Orleans demourast paisible.*

**A**V commencement de cest an le Duc de Bourgongne accompagné de six cens cheuaucheurs, ou enuiron, alla à Paris deuers le Duc de Bethfort: duquel il fut assez ioyeusement receu, & aussi de la seur femme dudit Duc: auquel lieu en assez brief temps vindrent Pothonde saincte Treille, Pierre Dorgin, & aucuns autres nobles Ambassadeurs enuoyez de par Charles Roy de France, & ceux de la ville, & cité d'Orleans, qui moult fort estoient molestez, & contrains par le siege, que les Anglois leurs aduersaires & ennemis y tenoient, duquel est faicte mention: afin de traicter avecques le Duc de Bethfort, & le Cōseil du Roy Héry d'Angleterre, que icelle ville d'Orleans, ainsi oppressée, demourast paisible, & qu'elle fut mise, & baillée és mains du Duc de Bourgongne pour y mettre gouuerneur à son plaisir, & la tenir comme neutre. Consideré aussi que le Duc d'Orleans, & son frere le Comte d'Angoulesme, qui estoient droicturiers Seigneurs de long temps parauant, estoient prisonniers en Angleterre, si n'estoient point de ladicte guerre. Sur laquelle requeste le desusdit Duc de Bethfort assembla par plusieurs fois son Conseil, pour sur ce auoir aduis & deliberation: lequel Conseil quand à ce ne peust concorder: & fut la cause, pource que plusieurs remontrerēt audit Duc de Bethfort les grans fraiz & despens, que le Roy Henry, auoit soustenus à l'occasion dudit siege, & avecques ce auoit perdu de ses meilleurs hommes de guerre: disans en outre, qu'elle ne pouoit longuement durer sans estre subiuguée: & qu'ils estoient moult & en grand danger: & que c'estoit vne des villes du Royaume, qui leur estoit plus prouffitabile à auoir pour plusieurs raisons, qu'ils y mettoient. D'autre part les autres n'estoient point contents, que elle fut mise és mains du Duc de Bourgongne: & disoient qu'il n'estoit point raison, que le Roy Henry, & ses vassaux en eussent eu les peines, & soustenu les mises, & iceluy Duc de Bourgongne en auroit les honneurs, & les prouffits sans coup ferir. Et mesmement fut dit d'un nommé Maistre Raoul le Saige, qu'il ne seroit ja en lieu, où on le machast audit Duc de Bourgongne, & ill'aualleroit. Et finalement apres que ladicte besongne eut esté de plusieurs debattue, & examinée, il fut conclud que iceux Orleannois ne seroient pas receuz, s'ils ne traictoient & rendoient leur ville aux Anglois: & pourtant les desusdits Ambassadeurs ceste presente responce ouye, dirent que de ce ils n'estoient point chargez, & scauoient bien que lesdits Orleannois souffriroient moult de griefs, auant qu'ils se meissent en l'obeyssance, & subiection desdits Anglois: Apres lesquelles conclusiōs, les desusdits Ambassadeurs se departirent, & retour-

estoit moult forte, & auoit dedans de trois à quatre cens Anglois ou enuiron : lesquels assez tost furent conquis & morts, & prins & mis à grād meschef, & ladicte fortification fut toute demolie, & mise en feu & en flambe. Si s'en retourna ladicte Pucelle Ieanne à tout ses Gens-d'armes, & nobles Cheualiers, que elle auoit menez avecques elle dedans la noble ville & cité d'Orleans, où elle fut moult grandement, & de toutes gēs honorée & festoyée. Et le lendemain ensuiuant qui fut le Vendredy, issit ladicte Pucelle Iéane de rechef hors de la ville à tout certain nombre de combattās : & alla assaillir la seconde Bastille plaine d'Anglois, laquelle pareillement (cōme la premiere) fut gagnée, & vaincue, & ceux de dedans morts & mis à l'espée. Et apres ce que la dessusdicte Pucelle Ieanne eut fait ardoir, & embrazer icelle seconde Bastille, elle s'en retourna dedans ladicte ville d'Orleās, où elle fut plus que deuant exaulcée, & honorée de tous les habitans d'icelle. Et le Samedy ensuiuant assaillirent par grande vaillance & de grand voulenté la tresforte Bastille, & forteresse du bout du pont, qui estoit tresforte merueilleusemēt & puissammēt edifiée, & si estoit dedans la fleur des meilleurs gens de guerre d'Angleterre, & droictes Gens-d'armes : lesquels moult longuement & prudemment se deffendirent, mais ce ne leur valut gueres : car par viue force & proesse de combattre, furent prins & conquis & la greigneur partie mis à l'espée : desquels y fut occis vn trefrenomme & vaillant Capitaine Anglois, appellé Clafendas : & avecques luy le Seigneur de Moulins, le Bailly d'Eureux, & plusieurs autres nobles hōmes de guerre de grand & de moult riche estat. Apres laquelle conqueste retournerēt dedans ladicte ville Ieanne la Pucelle, & les nobles & renommez François à petite perte de leurs gens. Et nonobstant qu'à ces trois assaulx, la dessusdicte Pucelle Ieanne la commune renommée dit, en auoir esté la conducteresse : neantmoins si y estoient tous les nobles Cheualiers & Capitaines, ou au moins la plusgrand partie, qui durant ledit siege auoient esté dedans ladicte ville & cité d'Orleans : desquels par dessus est faicte mētion aux deuant-dits assaux. Et sy gouvernerent chacun endroit soy si vaillamment, comme gens de guerre deuoient faire en tel cas : tellement qu'en ces trois Bastilles furent que morts que prins de six à huit mille combattāns : & les François ne perdirent, qu'environ cent hommes de tous estats. Le Dimanche ensuiuant les Capitaines des Anglois : c'est à sçauoir le Comte de Suffort, Thalebot, le Seigneur d'Escalles : & aucuns autres voyant la prinse de leurs Bastilles, & aussi la destruction, & desconfiture de leurs gens ; prindrent ensemble conclusion, & delibererent, qu'ils s'assembleroient & mettroient tous en vne bataille feulle, en delaisant leur logis & fortification, & en cas qu'ils les vouldroient combattre & batailler, ils les attendoient, ou sinon ils se departiroient, & s'en retourneroient en bonne ordonnance : es bonnes villes & forteresses de leur party. Laquelle conclusion ainsi qu'ils auoient aduisée ils entretindrent : car ce Dimanche dès le matin, ils abandonnerent toutes leurs autres Bastilles, & en bourant le feu en aucuns pays, se remeirent en bataille, comme dit est : ils se tindrent assez bonne espace attendans, que les François les allassent combattre, & assaillir,

lesquels Francois n'eurent talent de ce faire par l'exhortatiō de ladiēte Pucelle Ieanne. Et adoncques les Anglois, qui vœoiēt leur puissance malemēt affoiblie, & trop diminuée : & aussi qu'il estoit impossible de là plus demourer, se pis n'y vouloiēt faire; si se meirent à chemin, & s'en retournerēt en ordonnance es villes, places, & fortereffes tenans leur party. Si feirent lors par toute la noble ville d'Orleans grād ioye, & moult grās esbaudissemens, quand ils se veirent, & cogneurent ainsi estre deliurez de leurs faux aduersaires, & ennemis, & le remanāt en aller à leur cōfession, lesquels par longue espace de temps les auoient longuement tenuz en danger. Si furēt enuoyez plusieurs nobles gens de guerre dedās icelles Bastilles & fortereffes, où ils trouuerent aucuns viures & treflargement d'autres biens, qui tōst par eux furent portez à sauueté si en feirent bonne chere: car ils ne leur auoient riens cousté : & lesdiētes Bastilles & fortereffes furent prestement arses, & demolies iusques en terre afin que nulles gens de guerre, de quelcōque pays qu'ils fussent ne sy peussent plus loger.

*Comment le Roy de France à la requeste de la Pucelle Ieanne, & des autres nobles Capitaines estans en la ville d'Orleans, leur enuoya grand quantité de Gens d'armes pour aller sur ses aduersaires & ennemis.*

**E**N ce temps les François estans en ladiēte ville d'Orleans : c'est à sçauoir les Capitaines avecques Ieāne la Pucelle tous d'un commun accord, enuoyerent leurs messaiges deuers le Roy de France par plusieurs, luy racompter les vigoureuses besongnes, qu'ils auoient faictes : & comment les Anglois ses ennemis s'estoient departis, & retournez en leurs garnisons : iceluy Roy admonnestās que sans delay leur enuoyast le plus de gens de guerre, qu'il pourroit finer avecques aucuns grans Seigneurs, afin qu'ils peussent poursuiuir leurs ennemis : lesquels estoient tous effroyez pour la perte qu'ils auoiēt faicte, & aussi que luy mesmes en sa propre personne, se tirast auant en la marche : lesquelles nouvelles furent exaulcées, ce fut bien raison, & furent au Roy, & à son Conseil moult fort plaisantes. Si furent incontinent mandez à venir deuers luy le Connestable le Duc d'Alençon, Charles Seigneur d'Albreth, & plusieurs autres moult nobles, & grans Seigneurs, & de grād renom: desquels la plus grand partie fut enuoyée à ladiēte ville de Orleans. Et d'autre part certaine espace de temps apres, le Roy se retrahit à Gien : & avecques luy, trefgrand nombre de combattans. Et iceux Capitaines qui parauant estoient à ladiēte ville d'Orleā, & les nobles Princes, & grās Seigneurs, qui nouuellement y estoient venuz, tindrent grans conseils tous ensemble l'un avecques l'autre, pour auoir aduis & deliberatiō s'ils poursuiueroiēt les Anglois leurs aduersaires & ennemis, esquels conseils estoit premiere appellée Ieāne la Pucelle, qui pour ce tēps estoit en grand regne. Finablement les François enuiron le quatriesme iour du mois de May, dont le siege auoit esté leué à l'entrée d'iceluy mois, se meirent sur les champs iusques au nombre de cinq ou six mille combattans, à tout charroy & habillemens de guerre, & prindrent leurs chemins droit vers Iargeaux, où estoit le

Comte



Comte de Suffort, & ses freres, qui ja par auant auoient enuoyez plusieurs messaiges à Paris deuers le Duc de Bethfort, luy noncer la perte de la male aduanture, qui leur estoit aduenue deuant Orleans, en luy requerant que brief leur vouldist enuoyer secours, ou autrement ils estoient en peril d'estre reboutez, & perdre plusieurs villes & forteresses, qu'ils tenoient au pays de Beausse, & sur la riuere de Loire: lequel Duc de Bethfort oyant ces nouuelles, fut moult ennuyant & desplaisant: neantmoins luy considerant, qu'il conuenoit pourueoir aux choses plus necessaires, manda hastiuemēt gens de tous pays, estans en son obeyssance, & en fait assembler de quatre à cinq mille: lesquels il fait mettre à chemin, & tirer droit vers le pays d'Orleans sous la conduicte de Messire Thomas de Rāpston, du Bastard de Thia, & plusieurs autres: ausquels il promet que brief ensuiuant il iroit apres eux à tout plus grand puissance, qu'il auoit mandée en Angleterre.


*Comment la Pucelle Ieanne, & le Connestable de France, & le Duc d'Alençon, & leurs routes conquirent la Ville de l'argueaux: & la bataille de Patay, où les nobles Francois desconfirent les Anglois.*



Il est verité que le Connestable de France, le Duc d'Alençon, Ieāne la Pucelle, & les autres Capitaines François estās tous ensemble sur les chāps, comme il est dit dessus, cheuaucherent tant par aucunes iournées, qu'ils vindrent deuant l'argueaux, où estoit le dessusdit Comte de Suffort, & de trois à quatre cens de ses gens avecques les habitans de la ville, qui tantost en toute diligence se meirent en ordonnance de deffence: mais en brief ils furent assez tost enuironnez de toutes desdits François: & de fait les commencerēt en plusieurs lieux à assaillir moult roidement: lequel assaut dura assez bonne espace terrible, & moult merueilleux, toutesfois iceux François continuerent si asprement audit assaut, que malgré leurs aduersaires par forces d'armes entrerent dedans ladicte ville, & par prouesses les conquirent: à laquelle entrée furent occis enuiron trois cens combattans Anglois, desquels fut l'un d'iceux des freres du Comte de Suffort: lequel Cōre avecques luy son autre frere, le Seigneur de la Poulle furent faits prisonniers, & de leurs autres gens iusques à soixante hommes ou au dessus. Ainsi doncques ceste ville & chasteau de l'argueaux conquise & subiuguée, comme dit est, lesdits François se rafreschirent dedans icelle tout à leur aise, & apres eux partans de là allerent à Meung, qui tantost leur fait obeyssance: & d'autre part fuirent les Anglois, qui tenoient la Ferté Hubert, & se bouterent tous ensemble à Boif-jency, iusques auquel lieu ils furent chassés, & poursuiuis des François, lesquels se logerent deuant eux en plusieurs lieux, & tousiours Ieanne la Pucelle au front deuant à tout son estandart, & lors par toutes les marches de là enuiron, n'estoit plus grand bruit ne renommée comme il estoit d'elle, & de nul autre homme de guerre. Et adonques les plus principaux Capitaines Anglois, qui estoient dedans ladicte ville de Boif-jency, voyant par la renommée d'icelle Pucelle fortune estre du tout ainsi tournée contre eux, & que plusieurs villes, & forteresses estoient desia mises en l'obeyssance de leurs

*Boisjency r<sup>e</sup>  
du aux Fran-  
çois.*

ennemis, les vns par vaillance d'armes, & forces d'assault, & les autres par traité: & aussi que leurs gens pour la plus grand partie en estoient moult esbahis & espouventez, & ne les trouuoient pas de tel propos de prudence, qu'ils auoient accoustumé: ains estoient tresdesirés d'eux retraire sur les marches de Normâdie; si ne sçauoient que faire, ne quel conseil eslire: car ils ne sçauoient estre acertenez, n'asseurez d'auoir en bref secours. Et pourtât tout considéré les besongnes dessusdictes ils traicterent avec les François, qu'ils s'en iroient à tout leurs biens, saufs leurs corps & leur vies: par condition qu'ils rendroient la place en l'obeyssance du Roy Charles de France, ou de ses commis: lequel traité ainsi fait, lesdits Anglois se departirent prenant leur chemin vers la Beausse, & tirant vers Paris. Et les François entreurent ioyeusement dedans Bois-jency ou Boscengy: & prindrent conclusio par l'exhortation de Jeanne la Pucelle, qu'ils iroient au deuant des Anglois, qui des parties vers Paris venoient, pour les combattre, come on leur auoit donné à entendre: laquelle chose estoit veritable. Si se meirēt de rechef à plains chāps, & venoient à eux chacun iour gēs nouveaux de plusieurs marches: & furent adoncques ordōnez le Cōestable, le Marechal de Boussach, la Hire, Pothon, & plusieurs autres Capitaines de faire l'auantgarde: & le surplus come le Duc d'Alençon, le Baltard d'Orleans, le Marechal de Roye estoient conducteurs de la bataille, qui suiuiroient assez pres ladicte auantgarde: & pouoient estre de huit à neuf mille combattans. Et fut demandé à Jeanne la Pucelle par aucuns des Princes là estans, quelle chose il estoit de faire, & que bon luy sembloit à ordonner: laquelle Pucelle respondit, qu'elle sçauoit bien pour vray que leurs anciens ennemis les Anglois venoient pour eux combattre: disoit outre qu'au nom de Dieu on alast hardiment contre eux, & que sans faillir ils seroient vaincus, & aucuns luy demanderent, où on les trouueroit, & elle leur dit, cheuauchés hardiment, on aura bon conduict. Et adoncques tous les Gens-d'armes se meirent en bataille, & en bōne ordōnance tirerent leur chemin ayās des plus experts hommes de guerre, montez sur fleurs de coursiers allant deuant pour descouurer leurs ennemis iusques au nombre de soixante, ou quatre vingts hommes d'armes. Et ainsi par certaine longue espace cheuaucherent, & vindrent par vn iour de famedy, à vne grande demie lieuë d'un gros village, nommé Patay, en laquelle marche les dessusdits coureurs François veirent de deuant eux partir vn cerf, lequel addressoit sō chemin droit pour aller à la bataille des Anglois, qui ja s'estoient mis tous ensemble: c'est à sçauoir, iceux venās de Paris, dont dessus est faicte mentiō: & les autres qui estoient partis de Bois-jency, & des marches d'Orleans: pour la venue duquel cerf qui se ferit, comme dit est, parmy icelle bataille fut desdits Anglois esleué vn tresgrand cry: & ne sçauoient pas encores que leurs ennemis feussent si pres d'eux: pour lequel cry les dessusdits coureurs François furent acertainez que c'estoient les Anglois: car ils les veirēt adōc tout à plain: & pource renuoyerēt aucuns d'eux vers leurs Capitaines pour les aduertir de ce qu'ils auoient trouué: & leur feirēt sçauoir que par bōne ordōnance ils cheuauchassent auāt, & qu'il estoit heure de besongner. Lesquels prestement se reparerent de tous points, & che-

cheuaucherent bien & hardiement si auant qu'ils apperceurent l'ost de leurs anciens ennemis: lesquels sachant pareillement la venue des François, se preparerent diligemment pour les combattre, & voulurent descendre à pied empres vne haye, qui estoit assez pres d'eux, afin que par derriere ne peussent estre suapris des François: mais aucuns des Capitaines ne furent point de ce bien contens, & dirent qu'ils trouueroient place plus aduantageuse: pourquoy ils se meirent au chemin en tournant le dos à leurs ennemis: & cheuaucherent iusques à vn autre lieu enuiron bien vn demy quart de lieüe ou enuiron, du premier qui estoit assez fort de hayes & de buissons ouquel pource que les François, qui conuoioient iceux moult des pres, meirent pied à terre & descendirent la plus grand partie de leur cheuaux. Et alors l'auantgarde des François, qui estoient desirans, & ardans en courage pour assembler aux Anglois, par ce que depuis peu de temps en ça les auoient assaillez, & trouuez d'assez meschante deffence; se ferirēt de plains essais dedans iceux Anglois, & d'un hardy courage & grand volenté, les enuahirent si vigoureusement, & tant soubdainement auāt qu'ils peussent estre en ordonnance, que mesmement Messire Jean Fascot, & le Bastard de Thian Cheualiers, avecques grand nombre de leurs gens ne se meirent point à pied avecques les autres, ains se departirent enfuyant à plain cours pour sauuer leurs vies. Et entre-temps les autres, qui estoient descendus à pied, furent tantost de toutes parts enuironnez, & combattus par iceux François: car ils n'eurent point loisir d'eux fortifier de poinçons aguisez, par la maniere qu'ils auoient accoustumé de faire. Et pourtant sans ce qu'ils feissent grand dommage aux François ils furent en assez brief terme, & legierement ruez ius, desconfits & du tout vaincuz. Et y eut morts dessus la place d'iceux Anglois enuiron dixhuiēt cens, & en y eut de prisonniers de cent à six vingts: desquels estoient les principaux les Seigneurs d'Escalles, de Thallebot, de Hongreafort, Messire Thomas de Tampston, & plusieurs autres des plus notables, iusques au nombre dessusdit. Et de ceux qui y furent morts furent les principaux, est à scauoir  les autres estoient toutes gens de petit estat & moyen, tels & si faits qu'ils ont accoustumé à amener de leur païs mourir en France: apres laquelle besongne, qui fut enuiron deux heures apres midy, tous les Capitaines François se rassemblerent ensemble en regrant deuotement, & humblemēt leur createur: & menerent grād lieffe les vns avecques les autres pour leur victoire, & bonne fortune: & se logerent celle nuict en icelle ville de Patay, qui est à deux lieües pres d'Anuille en Beauffe, de laquelle ville ceste iournée porte le nom perdurablement: & le lendemain lesdits François retournerēt à tout leurs prisonniers, & les riches des Anglois, qui morts estoient despoüillez: & ainsi entrerent en la ville d'Orleaus, & les autres de leurs gens es marches d'entour, & à l'enuiron, où ils furent grandement receuz de tout le peuple François, & par especial Ieanne la Pucelle acquist en icelles besongnes si grand loüenge, & renommée, qu'il sembloit à toutes gens, que les ennemis du Roy n'eussent plus puissance de resister contre elle: & que brief par son moyen le Roy deust estre remis, & restably du tout en son Royaume: si sen alla

*Prisonniers  
Anglois en la  
iournée de  
Patay, ou  
d'Anuille.*



Fas-  
cot An-  
glois  
s'en-  
sui-  
uit  
sans  
confes-  
sir.

auec les autres Princes, & Capitaines deuers le Roy, qui de leur retour fut moult resioüy, & feit à tous treshonorable receptiõ. Apres laquelle brief ensuiuant fut prinse par iceluy Roy auecques ceux de son Conseil conclusion de mander par tout le país de son obeissance, le plus de gens de guerre qu'il pourroit finer, afin qu'il se peult bouter auant és marches, & poursuir ses ennemis. Item à la iournée de la bataille de Patay, auant que les Anglois sceussent la venue de leurs ennemis: Messire Iean Fascot, qui estoit vn des principaux Capitaines, & qui s'en estoit foüy sans coup ferir, s'assembla en conseil auecques les autres, & feit plusieurs remonstrances: c'est à sçauoir, comment ils sçauoient la perte de leurs gens, que les François auoient fait deuant Orleans, & largueaux, & en aucuns autres lieux, pour lesquelles ils auoient du pire, & estoient leurs gens moult esbahis & effroyez: & leurs ennemis au contraire estoient moult en orgueilliz & resingniez: pourquoy il conseilla qu'ils se retrahissent aux chasteaux, & lieux tenans son party à l'enuiron, & qu'ils ne combattissent point leurs ennemis si en haste iusques à ce qu'ils fussent mieux rassurez: & aussi que leurs gens fussent venus d'Angleterre, que le Regent deuoit enuoyer briefuement: lesquelles remonstrances ne furent point bien agreables à aucuns des Capitaines, & par especial à Messire Iean de Thallebot: & dit, que si ses ennemis venoient, qu'il les combattroit. Et par especial comme ledit Fascot s'en foüit de la bataille sans coup ferir, pour ceste cause grandement luy fut reproché quand il vint deuers le Duc de Bethfort son Seigneur: & en conclusiõ luy fut ostée l'ordre de blanc iarretier, qu'il portoit entonr la iambe: mais depuis tant en partie comme pour les dessusdictes remonstrances, qu'il auoit faictes, qui sembloient assez raisonnables, comme pour plusieurs autres excusances qu'il meit auant, luy fut depuis par sentence de proces rebaillee ladicte ordre de la iarretiere: iaçoit-ce qu'il en sourdit grand debat depuis entre iceluy Fascot, & Sire Iean de Thallebot, quand il fut retourné d'estre prisonnier de la bataille dessusdictes: à ceste besongne furent faits Cheualiers de la partie des François Jaques de Milly, Gilles de sainct Symon, Loïs de Marconnay, Iean de la Haye, & plusieurs vaillans hommes.

*Comment le Duc de Bourgongne à la requeste du Duc de Bethfort s'en vint à Paris, où de nouuel ils reconfermerent leurs alliances.*

**E**T de rechief en ces iours furent apportés, nouuelles au Duc de Bethfort, & au grand Conseil du Roy Henry d'Angleterre estât à Paris, de la perte, & miserable aduenture, & destructiõ de leurs gens: laquelle leur fut tant ennuyeuse, & dure à oüir, dire & raconter, que les aucuns en plain Conseil commencerent moult fort à plourer: & d'autre part furent aduertis comment le Roy Charles à tout sa puissance se comparoit, & apprestoit pour venir conquerir país sur eux: pourquoy par le Duc de Bethfort & les Parisiens fut ordonné d'enuoyer vne solennelle Ambassade deuers le Duc Philippe de Bourgongne, afin de luy remonstrer les dessusdictes estranges besongnes: & luy aussi requerre, que briefuement il voulsist venir à Paris, pour auec le Regent, & le Conseil du

Roy

Roy auoir aduis sur les affaires dessusdits, qui leur estoient suruenus: lesquels Ambassadeurs, c'est à sçauoir l'Euesque de Noyen, deux notables Docteurs en Theologie de l'Vniuersité, & aucuns des plus puissans bourgeois de Paris vindrent à Hesdin, où ils trouuerent ledit Duc de Bourgogne, auquel ils racompterent leur Ambassade, en luy requerât tresinstantement de par son beau frere le Regent, & les Parisiens, qu'il luy pleust aller à Paris au plustost que faire se pourroit: pour avec eux auoir deliberation, & conseil, pour resister contre leurs aduersaires. Laquelle requeste iceluy Duc accorda, & leur promet qu'en dedans brief iours, il seroit en ladicte ville de Paris. Et adonc fait assembler de sept à huit cens combatrans en ses païs d'Arthois & à l'environ: à tout lesquels il alla en ladicte ville de Paris, pour la venue duquel fut faicte grand ioye tant des Parisiens, comme du Duc de Bethfort: & par plusieurs iournées tindrent ensemble de grans conseils sur les affaires dessusdits, en la fin desquels promirent l'un à l'autre. C'est à sçauoir les Ducs dessusdits que chacun d'eux de toute sa puissance s'emploieroient à resister contre l'intention de Charles de Valois leur aduersaire: & reconfermerent de rechief les alliances, & promesses que long temps par auant ils auoient faictes l'un à l'autre. Et apres ces choses faictes & accomplies, le Duc de Bourgogne retourna en son païs d'Arthois, & mena sa sœur la Duchesse de Bethfort avec luy, & la meit demourer & fait tenir en son estat à Lens en Arthois: & ledit Duc de Bethfort manda sans delay en Angleterre, qu'on luy enuoyast gés de guerre les plus experts, que l'on pourroit finer: & pareillement fait euoquer toutes les garnisons de Normandie, & d'autres lieux de son obeïssance, avec tous les nobles, & autres qui auoient accoustumé d'eux armer: duquel païs d'Angleterre ja pieça mandez, furent enuoyez à l'ayde du dessusdit Duc quatre mille combatrans ou environ, desquels estoit chief, & conducteur le Cardinal de Vicerestre: lequel passa la mer, & s'en vint à Calais, & de là à Amiens: duquel lieu le Cardinal alla à Corbie deuers le Duc de Bourgogne, & sa belle niepce la Duchesse de Bethfort: lesquels, comme dit est, venoient de Paris, ouquel lieu de Corbie ils eurent l'un avec l'autre aucunes briefues conclusions: depuis lesquelles s'en retourna ledit Cardinal à Amiens, & de là mena aucuns de ses gens deuers le Duc de Bethfort son nepueu: lequel eut grand ioye de sa venue. En ces iours fut enuoyé Iean Bastard de saint Pol, à tout certain nombre de gens d'armes des marches de Picardie, de par le Duc de Bourgogne vers le Duc de Bethfort, lequel luy bailla en gouuernement la ville & forteresse de Meaux en Brie, & l'en fait souverain Capitaine pour la garder contre la puissance du Roy Charles, qu'on attendoit chacun iour en iceluy païs.

*Comment le Roy Charles de France se meit sur les champs à tout grand foison de Gens d'armes, & de Cheualiers: auquel voyage meit en son obeïssance plusieurs villes, & chasteaux.*

**E**TEM durant le temps dessusdit, Charles Roy de France assembla à Bourges en Berry tresgrand multitude de Gens d'armes & de trait: entre lesquels estoient le Duc d'Alençon, Charles de Bourbon Comte de Cleremont, & Artus Connestable de France Comte de Richemont, Charles d'Anjou son beau frere, & fils au Roy René de Cecile, le Bastard d'Orleans, & le Cadet d'Armignac, Charles Seigneur d'Albreth: & plusieurs autres nobles hommes, & puissans Barons des Duchez, & Comtez d'Acquitaine, de Gascogne, de Poictou, de Berry, & plusieurs autres bons païs: avec tous lesquels se meirent sur les champs, & de là vint à Gien sur Loire tousiours Ieanne la Pucelle avec luy, & en sa compagnie vn prescheur nommé frere Richard de l'ordre S. Augustin, qui n'agueres auoit esté debouté de la ville de Paris & d'autres lieux, où il auoit fait plusieurs predications en l'obeïssance desdits Anglois: pource qu'en icelles se monstroït trop plainement estre fauorable, & estre de la partie des François: duquel lieu de Gien print son chemin, en venant vers Auxerre: toutesfois le Connestable à tout certain nombre de Gens d'armes s'en alla en Normandie deuers Eureux, pour empescher les Garnisons du païs, qu'ils ne se peussent assembler avecques le Duc de Bethfort. Et d'autre part le Cadet d'Armignac fut renuoyé à garder la Duché d'Acquitaine, & de Bourdelois: auquel chemin iceluy Roy meit en son obeïssance deux petites bonnes villes, qui tenoiēt le party du Roy Henry: c'est à sçauoir saint Florentin, & Iargueaux: icelles promettant de faire dorenavant au dessusdit Roy, & à ses commis tout ce que bons loyaux subiects doiuent faire à leur souuerain Seigneur: & prenoient aussi du Roy seurté & promesse, qu'il les feroit gouuerner, & maintenir en bonne iustice, & selon leurs anciennes coustumes, & de là vint audit lieu d'Auxerre: si enuoya sommer ceux de la ville, qu'ils le voulsissent receuoir comme leur naturel, & droit Seigneur, lesquels de ce ne furēt point cōtens de plaine venue: neāmoins plusieurs Ambassadeurs furent enuoyez d'un costé & d'autre, si fut en la fin traicté fait entré les parties, & prōmeirent iceux de ladicte ville d'Auxerre, qu'ils feroient telle obeïssance au Roy, que feroient ceux des villes de Troyes, Chaalons, & Reims: & par ainsi administrerent aux gens du Roy viures, & autres desirées pour leur argent, & ils demoureroient paisibles, & les tint le Roy pour excusé pour ceste fois: & de là vint le Roy à Troyes en Champaigne, & se logea tout à l'environ: & y fut trois iours auant que ceux de la ville le voulsissent receuoir à Seigneur: en la fin desquels parmy certaines promesses, que leur furent faictes; ils luy firent plaine ouuerture, & meirent luy & ses gens dedās leur ville, où il ouït messe: & apres les sermens accoustumez faits d'une partie aux autres, le dessusdit Roy retourna en son logis aux champs: & fit publier par plusieurs fois tant en son ost cōme en la ville sur la hart que hōme de quelque estat qu'il fut ne meffit riens à ceux de la ville de Troyes, ne aux autres, qui s'estoient

*Frere Richard  
chapé par les  
Parisiens.*



mis en son obeïssance. Et en ce mesme voyage faisoient l'auantgarde les deux Marechaux de France: c'est à sçauoir Boussac, & le Seigneur de Rais: avecques lesquels estoient la Hire, Pothon de Sainte Treille, & aucuns Capitaines, durant lequel voyage se rendirent en l'obeïssance d'iceluy Roy Charles tresgrand nombre de bonnes villes, & chasteaux à l'environ des marches, où il passoit: desquelles redditions de les declairer chacune à part soy, ie m'en passe pour cause de brieueté.

*Comment le Roy Charles de France à tout grande, & noble Cheualerie, & à tout grand nombre de Gens d'armes s'en vint en la cité de Reims, où il fut sacré par l'Archeuesque de Reims.*



TEM Charles Roy de France, luy estant à Troyes en Champaigne ( comme dit est dessus ) vindrent deuers luy aucuns deputez de Chaalons en Champaigne, qui luy apportèrent les clefs de leur ville & cité, en luy promettât de par icelle faire toute obeïssance: apres la venue desquels, ledit Roy vint audit lieu de Chaalons, où il fut benignement & en grand humilité receu: & là pareillement luy furent apportées les clefs de la ville de Reims, en luy promettant, comme dessus, faire toute obeïssance, & le recevoir comme leur souuerain Seigneur: en laquelle cité de Reims n'aguères auoit esté le Seigneur de Sauueses de par le Duc de Bourgogne, avec certain nombre de Gens d'armes, pour icelle ville tenir en l'obeïssance du Roy Henry, & du dessusdit Duc de Bourgogne: lequel Seigneur de Sauueses venu à Reims par le Gouverneur, & grad nombre des habitans, luy fut promis d'eux entretenir du party, & en la querelle du Roy Henry, & aussi d'iceluy Duc iusques à la mort: mais non obstant ce pour la creueur, qu'ils auoient de la Pucelle, qui faisoit de grans merueilles ( comme on leur donnoit à entendre ) se rendirent en l'obeïssance du Roy Charles: iaçoit-ce que le Seigneur de Chastillon, & le Seigneur de Sauueses, qui estoient leurs Capitaines, leur remontrassent & vouloient dōner à entēdre le cōtraire: lesquels deux Seigneurs voyans leur voulenté & affection se departirent de ladicte ville de Reims: car en leurs remōstrāces ceux de ladicte ville de Reims n'auoient en riens voulu entendre, & ains leur auoient fait responces dures & assez estranges. Lesquelles parolles ouïyes, iceux Seigneurs de Sauueses, & de Chastillon retournerent au chasteau Thierry: si auoient deslors iceux de Reims prins conclusion l'un avec l'autre de recevoir le dessusdit Roy Charles: laquelle choses ils feirent ( cōme dit est dessus ) tant par le moyen de l'Archeuesque de Reims, lequel estoit Chancelier du Roy Charles, comme par aucuns autres: si entra le Roy dedans la ville & cité de Reims le vendredy sixiesme iour de Iuillet avecques tresgrand nombre de Cheualerie, & puis fut le Dimenche ensuiuant par ledit Archeuesque consacré, & couronné à Roy dedans ladicte ville, & cité de Reims presens ses Princes, & Prelats, & toute la Baronnie, & Cheualerie qui là estoit. Là estoient le Duc d'Alençon, le Comte de Cleremōt, le Seigneur de la Trimouille, qui estoit son principal Gouverneur, le Seigneur de Beaumanoir Breton, le Seigneur de Mailly en Touraine: lesquels

estoyent en habits royaux representans les nobles Pairs de Frâce, qui point n'estoyent au fait, & noble sacre du Roy, & aussi au noble couronnement dessusdit: si auoyent les dessusdits Pairs absens euocquez, & appelez deuât le grand autel par le Roy d'armes de France ainsi, & par la maniere qu'il est accoustumé de faire. Apres le quel sacre fait & accomply, le Roy alla disner en l'hostel Episcopal del' Archeuesque, les Seigneurs & prelatz en sa compagnie: & se feist à sa table ledit Archeuesque de Reims, & seruirent le Roy à son disner le Duc d'Alençon, & le Comte de Cleremont, avecques plusieurs autres grans Seigneurs: & feit le Roy le iour de son sacre trois Cheualiers dedans l'Eglise, desquels le Damoiseau de Commercis en fut l'un: & à son departemēt laissa en la cité de Reims pour Capitaine Anthoine de Hollande nepeue dudit Archeuesque. Et le lendemain se departit de ladicte ville, & s'en alla en pelerinage à Corbeny, visiter saint Marcou: auquel lieu luy vindrent faire obeissance ceux de la ville de Laon, sicomme auoyent faits les autres bonnes villes, & citez dessusdictes: duquel lieu de Corbeny ledit Roy alla à Soissons & à Prouins, qui sans contredit luy feirent plaine ouerture: & constitua lors la Hire nouuel Baillif de Vermandois ou lieu de Messire Collart de Mailly, qui par auant y estoit commis, & institué de par Henry Roy d'Angleterre. Et apres s'en vint le Roy, & ses gens deuant chasteau Thierry, où estoient dedans le Seigneur de Chastillon, Jean de Croi, Jean de Brimeu, & aucuns autres nobles grans Seigneurs de la partie du Duc de Bourgongne à tout quatre cens combattans ou enuiron: lesquels tant pource qu'ils sentoient la communauté encliner à faire obeissance au Roy Charles, comme pource qu'ils n'attendoient mie brief secours: & n'estoient mie pourueuz à leur plaisir, rendirent & restituerent icelle forte ville & chasteau en l'obeissance, & subiection du Roy Charles, & s'en partirent sauement, & sans aucun destourbier, où empeschement à tout leurs biens. Si s'en allerent à Paris deuers le Duc de Bethfort, qui lors faisoit moult grand assemblée de Gens d'armes, pour aller combattre le Roy Charles, & sa puissance.

*Le Roy. en pelerinage à S. Marcou.*

*Comment le Duc de Bethfort feist moult grand assemblée de Gens d'armes, pour aller combattre le Roy Charles: & comment il luy enuoya vne lettres.*



En ce mesmes temps le Duc de Bethfort Regent vint à tout dix mille combattans ou enuiron, qu'il auoit assemblez d'Angleterre, de Normandie, & d'aucunes autres marches de France: s'y tira de Roüen à Paris, & de là par plusieurs iournées tendant rencontrer le Roy Charles, pour à iceluy liurer bataille. Si s'en alla par le païs de Brie à Monstriaufaut-Yonne: duquel lieu il enuoya ses Messagiers, & Ambassadeurs deuers le dessusdit Roy, portât ses lettres scelees de son seal, desquelles la teneur s'ensuit. *Nous Jean de l'Enclastre Regent, & gouverneur de France, & Duc de Bethfort: sçauoir faisons à vous Charles de Vallois, qui vous souliez nommer Daulphin de Viennois, & maintenant sans cause vous vous diés Roy, pource que torsionnerement auez de nouuel entrepris contre la Couronne, & la Seigneurie de treshaut, & excellent Prince, & trefrenommé mon souuerain Seigneur Héry, par la gra-*

*Lettres du Duc de Bethfort au Roy Charles.*

ce de Dieu vray, naturel, & droiturier Roy des Royaumes de France, & d'Angl. terre: pardonnant à entendre au simple peuple que venez pour donner paix, & seurté, ce qui n'est pas ne peut estre par les moyens, qu'avez tenus & ten. & qui faictes seduire, & abuser le peuple ignorant, & vous aydez plus de gens superstitieux & reprouuez, cōme d'une femme de fordonnée, & diffamée estât en habit d'hōme, & gouvernemeni dissolu: & aussi d'un frere Mendiant apostat, & seditioneux, comme nous sommes informez: tous deux selō la sainte escripture abhominables à Dieu: qui par force & puissance d'armes avez occupé au pays de Chāpaigne & autre part, aucunes citez, villes & chasteaux appartenās à mōdit Seigneur le Roy, & les subiects demouroiēt en icelles contraints, & induits à desloyauté & parjuremens, en leur faisant rompre, & violer la paix finalle des Royaumes de France, & d'Angleterre, solennellemēt iurée par les Roys de France & d'Angleterre, quilors vivoient, & les grans Seigneurs Pairs, Prelats, Barons, & les trois estats de ce Royaume. Nous pour garder, & deffendre le vray droit de mōdit Seigneur le Roy, & vous & vostre puissance rebouter hors de ses pays, & Seigneuries à l'ayde du tout puissant, nous sommes mis sus, & tenōs les champs en nostre personne, & en la paisson, & que Dieu nous a donē: cōme bien avez sceu, & scauez, vous auons pour suits, & pour suiūs de lieu en lieu pour vous cuid. r. trouuer ou rencōtrer, ce que n'auōs encores peu faire pour les aduertissemens, qui au. & faictes & faictes pour nous, qui de tout nostre cuer, desirons l'abbregement de la guerre: vous sommōs, & requerrons que si vous estes tel Prince qui querez hōneur, ayez pitié & cōpassiō du pauvre peuple Chrestien, qui tāt longuement à vostre cause a esté inhumainemēt traitte, & foulle, & opprimē, que briefuement soit hors de ses afflictions, & douleurs, sans plus continuer la guerre. Prenez ou pays de Brie, où nous & vous sommes bien prochains de vous & de nous aucune place aux champs, conuenable, & raisonnable, & iour brief, & cōpēiāt: & tel que la prochaineté des lieux où nous, & vous sommes pour le present, le peut souffrir & demāder: auquel iour, & place sy cōparoir, voulez vous en personne, avec le cōsail de la difformée femme, & apostat dessus dit, & tous les parieurs & autre puissance telle, que vous voudrez, & pourrez auoir: nous au plaisir de nostre Seigneur y cōparerōs, ou mōseigneur le Roy en nostre personne: & lors si vous voulez aucune chose offrir ou mettre auāt, regardant le bien de la paix nous laisserōs & serōs tout ce que bon Prince Catholique peut & doit faire, & tousiours sommes enclins, & volontaires à toute bonne paix non faime, corrompue, dissimulée, & violée ne parjurée, comme fut à Monstrian-faut. Tonne celle dont par vostre coulpe, & consentement s'ensuit le terrible, detestable, & cruel meurdre commis contre loy, & honneur de Cheualerie, en la personne de feu mon treschier & tresamé pere le Duc Jean de Bourgōgne, à qui Dieu pardoint: par le moyen de laquelle paix par vous enfreinte, violée, & parjurée, sont demourez, & demourent cent nobles, & autres subiects de ce Royaume, & d'ailleurs quiētēs, & exempts de vous, & de vostre Seigneurie, à quelque estat que vous ayez peu, & pouez venir: & ious sermens de loyauté, seurté, & subiection les auez & ab-  
† absous.



oppressiōs pourra demourer en lōgue paix, & seur repos, que tous Roys, & Princes Chrestiens, qui ont gouuernement, doiuent requerrir, & demander: si nous faictes sçauoir basement, & sans plus delayer ne passer temps par escritures, n'argumens, ce que faire ne voudrez: car si par vostre deffaut plus grans maulx, inconueniens, continuations de guerre, pillerie, & ranssonnement de gens, & occisions, & depopulations de pays aduiennent: nous prenons Dieu en tesmoing, & protestons deuant luy, & les hommes qui n'en serons point en cause, & que nous auons fait, & faisons nostre deuoir, & nous mettons, & voulons mettre en tous termes de raison, & honneur, soit preallablement par moyen de paix, & iournée de bataille de droit de Prince, quand autrement entre puissans, & grans parties ne se peuuent faire: en tesmoing de ce nous auons fait sceller ces presentes de nostre seel. Donné audit lieu de Monstriauc où faut-Tonne, le septiesme iour d'Aougl. L'an de grace mille quatre cens xxix. Ainsi signé par monseigneur le Regent du Royaume de France, & Duc de Bethfort.

*Comment le Roy Charles de France, & le Duc de Bethfort & leurs puissances rencontrèrent l'un l'autre vers le Mont-Espilloy.*

**T**EM apres les besongnes dessusdictes, le Duc de Bethfort voyant qu'il ne pouoit rencontrer le Roy Charles, & puissance à son aduantage, & que plusieurs villes & forteresses se rendirent à luy sans coup ferir, ne faire quelque resistance: il se retira à toute sa puissance sur les marches de l'Isle de France, afin d'obuier que les principales villes ne se tournassent contre luy, comme auoient fait les autres. Et d'autre part le Roy Charles, qui ja estoit venu à Grespy, où il auoit esté receu, & obeï comme souuerain Seigneur, se retrahit à tout sa puissance parmy le país de Brie en approchant Senlis: auquel lieu les deux puissances dessusdictes: c'est à sçauoir du Roy Charles, & du Duc de Bethfort trouuerent l'un l'autre assez pres du Mont-Dallés, vne ville nommée le Bar. Si feirent de chacune partie grandes preparations, afin de trouuer aduantage pour combattre l'un l'autre, & print le Duc de Bethfort sa place en assez fort lieu, & adosserent aucuns lieux par derriere, & de costé de fortes hayes d'espines: & au front deuant estoient mis les archiers en ordonnance tous à pied, ayans chacun deuant luy poinçons aguisez fichez deuant eux: & ledit Regent à tout sa compaignie, & autres Nobles assez pres dedit archiers en vne seule bataille, où il y auoit entre autres Seigneurs, deux bannieres, l'une de France & l'autre d'Angleterre: & si estoit avecques icelle l'estandard de saint George: laquelle banniere portoit pour ce iour Iean de Villiers Cheualier, seigneur de l'Isle Adam. Et estoient lors avecques ledit Duc de six à huit cens combattans des gens du Duc de Bourgogne: desquels les principaux estoient le Seigneur de l'Isle Adam, leã de Croi, Iean de Crequy, Anthoine de Bethune, Iean de Fosseux, le Seigneur de Saueuses, Messire Hue de Launoy, leã de Brimeu, leã de Launoy Messire Symon de Lalain, Iean Bastard de saint Pol, & plusieurs autres hommes de guerre, desquels les aucuns furent faits nouueaux Cheualiers, & le fut fait ledit Bastard de la main du Duc de Bethfort: & les autres cōme Iean de Crequy

Crequy, Iean de Croÿ, Anthoine de Bethune, Iean de Fosseux, le Liegeois de Humiers par les mains d'aucuns autres Cheualiers: Apres lesquelles besongnes ainsi mises & conduictes: les Anglois, & ceux de leur nation tous ensemble d'un costé de ladicte bataille de la main senestre, & les Picards, & autres de la nation de France estoient de l'autre costé: & se tindrent en bataille, comme dit est, par treslongue espace, & estoient mis si aduantageusement, que leursdits ennemis aduersaires ne les pouoient enuahir, & assaillir par derriere, sinon à tresgrand dommage & danger, & auecques ce estoient pourueuz, & rafraischiz de viures, & autres necessitez de la bonne ville de Senlis: dont ils estoient assez pres. Et puis d'autre part le Roy Charles auecques ses Princes, & Capitaines, feit ordonner en son auantgarde la plus grand partie des plus vaillans, & plus experts hommes de guerre de sa compaignie: & les autres demourerent, excepté aucuns qui furent commis sur le derriere au lez deuers Paris par maniere d'arrieregarde, & si auoit auecques ce le Roy tresgrand multitude de Gens-d'armes, trop plus sans comparaison, qu'il n'y auoit en la compaignie des dessusdits Anglois. Et puis si y estoit Ieanne la Pucelle tousiours ayant de diuerses opinions, vne fois voulant combattre ses ennemis, & autresfois non: mais neantmoins toutes les deux parties (comme dit est dessus) estans ainsi sans desordonner par l'espace de l'un deuant l'autre tous pres de combattre, furent deux iours, & deux nuits ou enuiron: durant lequel temps y eut plusieurs grans escarmouches & assaulx: lesquelles racompter chacune à part soy, seroit trop longue chose: mais entre les autres y en eut vne, qui fut moult dure & aspre & ensanglantée, au costé vers les Picards: laquelle dura bien l'espace d'heure & demie. Si estoient au costé du Roy Charles grand party de François, & autres gens en tresgrand nombre, qui tresfort & asprement se combattoient, & par especial les archiers d'icelle partie tirerent de leur traict moult courageusement, & en tresgrand nombre l'un contre l'autre. Si cuidoient aucuns des plus sachans desdictes parties, voyans la besongne ainsi multiplier & croistre, que point ne se deussent partir l'un de l'autre, que l'une des parties ne fut desconfite, & vaincue & mise à neant: toutesfois ils se trahirent derriere les vns des autres, mais ce ne fut mie, qu'il n'y eut de chacune partie des morts & blesez largement. Pour laquelle escarmouche & bataille dessusdicte, ledit Duc de Bethfort fut moult grandement content des Picards, pource qu'à celle fois se estoient portez moult vaillamment. Et apres qu'ils se furent retraits, vint ledit Duc de Bethfort au long de leur bataille les remercier en plusieurs lieux treshumblement, disant: mes amis vous estes tresbonnes gens, & auez soustenus grans faits pour nous, dont nous vous mercions tresgrandement, & vous prions sil vous vient aucuns affaires, que vous perseueriez en vostre † vaillantise & hardement: esquels iours en icelles parties estoiet † vaillance & hardiesse. en moult grand haine les vns contre les autres, & n'estoit homme de quelque estat qu'il fut prins à finances: ains mettoient tout à mort sans pitié ne misericorde, ce qu'ils pouoient attendre l'un de l'autre, & comme il fut informé à toutes ses escarmouches, eut de morts enuiron trois cens hommes

des deux parties, mais neſçay de quel coſté en a le plus. En la fin deſquels deux iours deſſuſdits ou enuiron, les deux parties ſe deſlogerent les vns deuant les autres ſans plus riens faire.

*Comment le Roy Charles de France enuoya ſes Ambaſſadeurs à Arras vers le Duc de Bourgogne.*

**E**N ce temps les Ambaſſadeurs du Roy Charles de France vindrent à Arras vers le Duc de Bourgogne, pour traicter de paix entre icelles parties: deſquels Ambaſſadeurs eſtoient les principaux l'Archeueſque de Reims, Chriſtoſſe de Harcourt, les Seigneurs de Dampierre, de Gaucourt, & de Fontaines Cheualiers, avecques autres gens d'eſtat: qui trouuerent audit lieu d'Arras ledit Duc avecques ſon Conſeil: apres la venue deſquels, & qu'ils eurent requis auoir audience vers ledit Duc, allerent iceux Ambaſſadeurs aucuns iours apres leur venue en ſon hoſtel, & par la bouche d'iceluy Archeueſque de Reims, fut audit Duc de Bourgogne expoſé moult ſagement, & autentiquement l'eſtat de leur Ambaſſade, preſens la Cheualerie, & ceux de ſon Conſeil, avec pluſieurs autres là eſtant: en luy remonſtrant entre les autres choſes la parfaite affection, & vray deſir, que le Roy auoit de pacifier avecques luy, & auoir traicté, diſant outre que pour y venir, iceluy Roy eſtoit content de luy cōmettre & condeſcendre, en faiſant offres de reparations plus qu'à ſa Maieſté Royale n'appartenoit: excuſant aucunement par ſa ieuneſſe le deſſuſdit Roy, de l'homicide iadis perpetré en la perſonne de feu le Duc Iean de Bourgogne ſon pere, allegant avec ce que lors avec ſadiſte ieuneſſe, il eſtoit au gouuernement des gens, qui point n'auoient de regard, & conſideration au bien du Royaume, ne de la choſe publique, & ne les eut pour ce temps oſé deſdire, ne courroucer: leſquelles remonſtrances & pluſieurs autres aſſez notables declairées par le deſſuſdit Archeueſque, furent dudit Duc, & des ſiens benignement oüyſes: en la fin deſquelles fut dit à iceux Ambaſſadeurs: Monſieur, & ſon Conſeil ont bien oüy ce que vous auez dit, il aura ſur ce aduis, & vous fera reſponce dedans briefs iours: & adonques ledit Archeueſque retourna en ſon hoſtel avecques luy ſes cōpaignons, qui de toutes gens eſtoient honnorez: & pour lors la plus grand partie de tous du païs eſtoient treſdeſirans, que la paix ſe feit & concordast entre le Roy, & le Duc de Bourgogne: & meſmement ceux du moyen, & bas eſtat y eſtoient ſi affectez, que deſſors où il n'y auoit encores paix ne trefues, alloient en ladiſte ville d'Arras deuers le deſſuſdit Chancelier de France, impetrer en treſgrand nombre remiſſion, lettres de graces, offices, & autres pluſieurs mandemens Royaux, comme ſi le Roy feit plainement en ſa Seigneurie, & de ce fuſſent acertainez: leſquels mandemens deſſuſdits ou en la plus grand partie ils obrenoient dudit Chancelier. En apres le Duc de Bourgogne avec ceux de ſon priué Conſeil, fut par pluſieurs journées en grande deliberation, & furent les beſongnes entre icelles parties moult approchées.

*Comment*



*Comment le Seigneur de Longueual print le chasteau Dammarle sur les Anglois.*

**C**E temps le Seigneur de Longueual, qui long temps auoit esté debouté de sa Seigneurie, & estoit retourné deuers le Roy Charles, par le moyen, qu'il eut d'un prestre demourant à Aumarle, print la forteresse d'icelle ville chief du lieu de toute la Comté, qu'adonc tenoient les Anglois, & furent trouuez dedans quatre ou cinq desdits Anglois, avecques plusieurs des habitans de la ville, lesquels Anglois furent tantost mis à mort, & lesdits habitans en faisant serment d'estre bons François, furent receüz à mercy en payant aucune somme d'argent: laquelle forteresse fut en assez brief temps apres largement pourueüe, & garnie de viures, & aussi de Gens de guerre: qui en brief commencèrent à courre à la marche d'enuiron, à mener forte guerre aux Anglois, & à ceux du païs tenant leur party, dont grandement en despleut au Duc de Bethfort: mais non obstant pour autres plus grans affaires qu'il auoit, n'y pouoit pour lors aller. Et pareillemēt en ces propres iours fut prinse d'ëblée la forteresse d'Estrepagny du Seigneur de Rabures, & de ses gës. Et d'autre costé aussi fut reduict en l'obeïssance du Roy Charles la forteresse de Chasteau Gaillard, qui est excellentement située en forte place: dedans lequel estoit prisonnier de long temps parauant, ce vaillant & notable Cheualier le Seigneur de Barbazan: lequel, comme dit est, auoit esté prins à Melung par la vertu, & puissance du Roy Henry d'Angleterre: par le moyen duquel Barbazan, icelle forteresse fut mise en l'obeïssance du Roy Charles, & luy de prisonné, si y combeit en brief aucuns de son party, & s'en alla au plus tost qu'il peut deuers le Roy Charles: & aussi fut moult ioyeusement receu & honoré. En outre fut prinse, & mise en la main de François la forteresse de Torcy, par le moyen d'aucuns du païs, qui auoient repaire dedans avecques les Anglois: lesquels ils trahirent, & meirent és mains de leurs ennemis, & aduersaires. Ainsi doncques en assez brief temps furent François les quatre forteresses tenans le party des Anglois: & qui estoient les plus fortes à l'ëlite de dedans le païs, où elles estoient assises: pour la prinse desquelles le païs fut moult trauaillé, tant par les garnisons des François comme de celles des Anglois,

*Comment la ville de Compiengne se rendit au Roy Charles: & du retour des Ambassadeurs de France, qui estoient allex vers le Duc de Bourgongne.*

**A**PRÈS que le Roy Charles de France fut retourné de la journée de Senlis: où luy, & le Duc de Bethfort auoient esté à puissance l'un contre l'autre, comme dit est dessus, & il fut reuenue de Crespy en Valois, illecques luy furent apportées nouuelles, que ceux de la ville de Compiengne luy vouloient faire obeïssance: Et pourtant sans nul delay alla audit lieu de Compiengne, où il fut des habitans d'icelle ville moult honorablement receu en grād liesse, & se logea en son hostel Royal: auquel lieu retournerent deuers luy son Châcellier, & ses autres Ambassadeurs, que parauāt il auoit enuoyez deuers le Duc de Bourgō-

† reconci-  
liées.Mort de Ly-  
onnel de  
Bourbonville.

gne: avec lequel, & ceux de son Conseil, ils auoient tenus plusieurs destrois parlemens, neantmoins ils n'auoient riens concordé: mais en conclusion auoient esté d'accord, que ledit Duc enuoyeroit sa legation deuers le Roy Charles, pour au surplus auoir aduis, & entretenement: si furent alors informez que la plus grand partie des principaux Cōseillers du Duc de Bourgongne, auoient grand desir, & affectiō qu'icelles deux parties fussent reconciliées l'une avec l'autre: toutesfois Maistre Jean de Tourcy Euesque de Tournay, & messire Hue de Launoy, qui presentement vindrent deuers le Duc de Bethfort, auoient de par luy charge de faire aucunes remonstrances audit Duc de Bourgongne, & en luy admonestant de ce faire entretenir le serment, qu'il auoit fait au Roy Henry, n'estoient pas bien contents que ledit traicté fut fait: sur laquelle parolle desquels, fut la besongne atargée, & prinse autre iournée d'enuoyer deuers le Roy Charles legation, comme dit est, pour laquelle faire fut commis Messire Jean de Luxembourg, l'Euesque d'Arras, Messire Dauid de Brimeu, & aucunes autres notables, & discrettes personnes. Et ce mesme temps Messire Lyonnel de Bourbonville, qui auoit perdu la ville & forteresse de Creil, requist au Duc de Bethfort, qu'il luy baillast des gens d'Armes, pour conquerre vn sien chastel nommé Breteiche, que les François auoient prins: laquelle chose luy fut accordée & octroyée, à tous lesquels il s'en alla à ladicte forteresse, & la print d'assault, & meir à mort ceux qui dedans estoient: mais en ce faisant, il fut nauré dont il mourut.

*Comment le Roy de France feit assaillir la cité de Paris.*



TEM le Roy Charles de France luy estant accompagné, luy furent apportées nouuelles, que le Duc de Bethfort Regent à tout sa puillance s'en alloit en Normandie pour combattre le Connestable: lequel estoit vers Eureux, & trauailloit fort le païs: & pour tant iceluy Roy Charles apres qu'il eust esté dedans la ville de Compiègne douze iours ou enuiron, il se partit de là, & laissa Guillaume de Flauy Capitaine d'icelle, & à tout son ost s'en alla à Senlis: laquelle cité se rendit au Roy par traicté: si se logea dedans avecques grand partie de ses gens, & autres se logerent es villages enuiron: esquels iours aussi feirent obeïssance au Roy desusdit plusieurs villes, & forteresses: c'est à sçauoir Creil, Beauuais, le Pont Sainte Maxence, Choisy, Gournay sur Aronde, Remy la Neuville en Hets, & en l'autre costé Mognay, Chantely, Saintines, & plusieurs autres: & aussi luy feirent serment les Seigneurs de Mont-Morency, & de Moir: & pour verité s'il à tout sa puillance fut venu à saint Quentin, Corbie, Amiens, Abbeuille, & plusieurs autres fortes villes & fors chasteaux; la plus grand partie des habitans d'icelles, estoient tous prests & appareillez de le receuoir à Seigneur, & ne desiroient autres choses au monde, que de luy faire obeïssance & plaine ouuerture: toutesfois il ne fut point conseillé d'aller si auant sur les marches du Duc de Bourgongne: tant pource qu'il le sentoient fort de Gens d'armes, comme pour l'esperance & attente, qu'il auoit que aucun bon traicté, & appointement se feit entre eux. Et apres

apres que le Roy Charles eut seiourné aucuns iours dedans la ville de Senlis, il se partit & deslogea de là, & s'en alla à tout son ost loger à sainct Denys, qu'il trouua comme abandonné, & s'en estoient allez les gens dudit lieu à Paris: c'est à sçauoir tous les plus grans Bourgeois, & habitans d'icelle ville: & ses gens se logerent, & hebergerent à Aubertuilliers, & Mont-Martre, & villages de là autour assez pres de Paris. Si estoit lors avecques ledit Roy Jeanne la Pucelle, qui auoit moult grande renommée: laquelle chacun iour induisoit le Roy avec ses Princes, & Seigneurs, à ce qu'il feist assaillir la ville, & cité de Paris: si fut conclud, & delibéré que le Lundy douziesme iour dudit mois, on liureroit ledit assaut. Apres laquelle conclusió prinse, on feist apprestier toutes gens de guerre: & à ce propre Lundy dessusdit, se meit le Roy en bataille entre Paris, & Mont-Martre, ses Princes, & Seigneurs avecques luy: & aussi estoit ladicte Pucelle avec luy, ceux de l'auantgarde y estoient en tresgrand nombre: s'en alla à tout son estandart à la porte sainct Honnoré, faisant apporter avecques luy plusieurs eschelles, fagots, & autres habillemens d'assaut: auquel lieu, elle feist entrer dedés les fossez plusieurs de ses gens tout à pied: & commença l'assaut à dix heures ou enuiron moult dur, aspre & cruel, lequel dura en cōtinuant de quatre à cinq heures ou plus: mais les Parisiens, qui estoient dedans leur ville, accompagnez de Loys de Luxembourg, l'Euesque de Theroüanne, & Chancellier de France de par le Roy Henry, & d'aucuns autres notables Cheualiers, que le Duc de Bourgongne leur auoit enuoyez: comme le Seigneur de Cresquy, le Seigneur de l'Isle-Adam, Messire Simon de Lalain, Messire Valerien de Bonneuil, & aucuns autres notables hommes accompagnez de quatre cens combattans, se deffendirent moult vigoureusement, & de grand courage: & auoient par auant ordonné par Capitaines à chacun sa garde és lieux propices & conuenables. Durant lequel assaut furent renuersez plusieurs desdits François: & en y eut tresgrand nombre de morts & de naurez par les canons, couleurines, & autre traict, que leur iettoient lesdits Parisiens: entre lesquels Jeanne la Pucelle fut tresfort naurée & blecée, & demoura tout le iour és fossez derriere vn dosdane iusques au vespre, que Guychard de Thiembronne, & autres l'allerent querir: & d'autre part y eut nauré plusieurs des deffendans. Finablement les Capitaines François voyans leurs gens en tel peril, consideras qu'il leur estoit impossible de conquerre, & gaigner la ville par force, attendu que iceux auoient vne voulété de eux deffendre sans y auoir diuision, feirēt incōtinēt soner la retraicte. Et en reportāt les dessusdits morts & naurez, retournerēt à leur logis, & le lendemain le Roy Charles triste, & dolēt de la perte de ses gēs, s'en alla à Sēlis, pour guerir, & medeciner les naurez: & lesdits Parisiens plus que parauāt, se recōfermerēt les vns avecques les autres, promettās que de toute leur puissance & pouoir, ils resisteroiēt iusques à la mort cōtre ice-luy Roy Charles, qui les vouloit cōme du tout destruire. Et peut bien estre qu'ils le craignoient, cōme ceux, qui grādement se sentoiet forfaits par de-uers luy, en le ayāt debouré de ladicte ville: & auoient mis à mort plusieurs de ses feables seruiteurs, comme en autres lieux plus à plain est declairé.

*Parisien ob-  
né cōtre leur  
Roy.*



*Comment le Duc de Bourgogne enuoya ses Ambassadeurs à Amiens pour entretenir les habitans d'icelle ville de sa partie.*

**E**N ces iours le Duc de Bourgogne enuoya ses Ambassadeurs à Amiens: c'est à sçauoir l'Euefque de Noyon, & d'Arras, le Vidame d'Amiens, & aucuns autres: afin de remonstrier au Maieur, & aux habitans d'icelle, la bonne amour, & affection que luy, & ses predecesseurs auoiēt tousiours avecques eux: disant, que s'ils auoiēt affaire de chose que luy, & ses pays peussent, il estoit à leur commandement: requerant en outre qui leur pleust prefeuerer tousiours, & eux entretenir de son party, comme les bons amis & voisins. Lesquels citoyens d'Amies eux voyant ainsi honorer par les messagers de si hault & si puissant Prince, ils en eurent grand ioye: & dirent entre eux qui seroit bon de mettre la ville en sa garde, & qu'il meit aneant toutes aydes & impositionis. Et feirent response ausdits Ambassadeurs, qu'ils enuoyeroient briefuement deuers ledit Duc aucuns de leurs gens: laquelle chose ils feirent, & avecques ce y enuoyèrent ceux d'Abbeuille, de Monstreul, sainct Ribier, Dourlens: & aucunes autres pour obtenir la mise ius desdictes gabelles & impositionis. Laquelle chose ne leur fut point par iceluy Duc accordée: mais il leur fut dit, qu'au plus brief que faire se pourroit, ils auroient de luy ayde, assistance de ce impetrer deuers le Roy Henry. Item en ce mesme temps ledit Duc de Bourgogne feit euocquer par toutes les marches de Picardie, tous ceux qui auoient accoustumé d'eux armer: & aussi és pays à l'environ pour estre prests chacun iour pour aller avecques luy, où il les voudroit conduire. Si furent en peu de temps en tresgrand nombre, & passerent à Môstre à Brâquesne, en faisant serment à Messire Jaques de Brimeu à ce commis cōme Marefchal. Si se trahirent & tirerent vers Abbeuille, & sainct Ribier, où ils furent moult grand espace de temps, attendant que ledit Duc fut prest, & appareillé, dont le pays fut moult grandement oppressé.

*Comment le Roy Charles de France s'en retourna en Touraine, & en Berry.*

**E**N TEM Chrles Roy de France voyant que la ville de Paris, qui estoit chief de son Royaume, ne se voulut pas mettre en sō obeyssance; se disposa & conclud avec ceux de son Conseil de laisser Gouverneurs, & Capitaines de luy par toutes les bones villes, citez, & chasteaux qui estoient en son obeyssance & gouuernemēt, & qu'il sen retourneroit és pays de Touraine & de Berry: laquelle chose cōclure (comme dit est) il constitua principal chief sur les parties de l'Isle de France & de Beauuois Charles de Bourbon Comte de Clermont, & le Châcellier dessusdit se tenoient le plus en la ville de Beauuois: & ledit Comte de Vendosme à Senlis, & Guillaume de Flauy à Compiègne: Messire Jaques de Chabannes à Creil, & le Roy dessusdit avecques luy les grans Seigneurs qu'il auoit accompagnē au venir, s'en alla de Senlis à Crespy: & de là par deuers Sens en Bourgogne, retourna és pays dessusdits: toutesfois les trefues estoient entre les Bourgongnons, & les François iusques au iour de Pasques ensuiuāns:

& avec

& avec ce fut remis le passage du Pont sainte Maxence, que tenoient les François en la main de Regnault de Longueval pour le tenir, si demoura la marche de France, & de Beauuoisis en grande tribulation: pource que ceux, qui estoient es forteresses, & garnisols tant du pays de Frâce que d'Angleterre, couroient chacun iour l'un sur l'autre: à l'occasio desquelles courles les villages de là entour se commencerent à despeupler, & eux retraire es bonnes villes.

*Comment le Duc Philippe de Bourgongne en grand appareil remena sa seur en la cité de Paris, au Duc de Bethfort son mary.*

**L**E vingtiesme iour de Septembre de cest an, se partit le Duc de Bourgongne de Hesdin avec sa seur femme du Duc de Bethfort, grandement accompagnez de leurs gens, & s'en allerent au giste à Dourlens, & le lendemain à Corbie: où ils furent aucuns peu de iours en attendans les Gens-d'armes, qui là venoient de toutes parts, duquel lieu de Corbie ils allerent à Montdidier, & puis de là à Chastenay, & tous les Gens-d'armes se logerent à l'environ: desquels il pouoit auoir de trois à quatre mille combattans: & eux partans de Chastenay s'en allerent passer la riuere d'Oize, & au Pont S. Maxence, & de là par empres Senlis allerent au giste au Louure en Paris: si faisoit ledit Duc cheuaucher ses gens en bone ordonnance, & menoit Messire Jean de Luxembourg l'auantgarde, & ledit Duc menoit & conduisoit la bataille, au pres duquel estoit tousiours sa desusdicte seur sur vn bon cheual trotier, & avecques elle estoient huiet ou dix de les femmes montées sur haquenées, le Seigneur de Saueuses, & aucuns autres avecques certain nombre d'hommes d'armes, cheuauchoit tout derriere par maniere d'arrieregarde: si fut ledit Duc moult grandement regardé des François, qui estoient en grand nombre de pied, & de cheual au dehors de la ville de Senlis: & y venoit on seuremēt armez comme bon leur sembloit, par le moyen des trefues, qui estoient entre les parties: car celuy Duc armé de plain harnois sinon sur la teste, seoit sur les champs sur vn tresbon excellent cheual, & estoit moult gentement habillé, & orné de sept ou huiet de ses paiges apres luy, chacun monté sur bons coursiers. Deuers lequel Duc vint, & arriua premier l'Archeuesque de Reims, Chancelier de France à plains champs au dessus de la desusdicte ville, & cité de Senlis faire reuerence, & hommage: & assez brief ensuiuant y vint Charles de Bourbon Comte de Clermont accompagné de soixante Cheualiers, ou environ: lequel venu iusques assez pres dudit Duc, osterent leurs chappellons, & enclinerent leurs chefs l'un à l'autre en disant aucunes parolles de salutations, non mie en embrassant l'un l'autre par maniere de grād amour & ioyeuseré, ainsi que l'ont accoustumé de faire si prochains de sang, qu'ils estoient l'un à l'autre. Apres laquelle salutation & reuerence faicte, ledit de Bourbo alla baïser, & embrasser la belle seur de Bethfort, qui estoit assez pres au dextre lez de son beau frere le Duc de Bourgongne: si feirent aucune briefue recognoissance. Et tantost retourna deuers son beau frere le Duc de Bourgongne: duquel quand alors on ne veit point d'apparence, ne de

coïgnissance, qu'il eust grand amour, ne desir d'auoir grand parlement avecques iceluy Comte de Clermont son beau frere: ains sans cheuaucher l'un avecques l'autre ne faire long conuoy, se departirent en prenant congé l'un de l'autre au propre lieu, où ils estoient abordez & arriuez: & retournerent lesdits Charles de Bourbon, & Chancelier de Senlis à tout leurs gens, & ledit Duc de Bourgongne (comme dit est dessus) & sa seur s'en allerent au giste à Louures: duquel lieu le lendemain ils se partirent en allât, & tirant vers Paris, où desia estoit retourné du pays de Normandie le Duc de Bethfort: à la venue duquel furent faictes grandes acollées, & ioyeuses receptions de l'un à l'autre. Si furent assez pres de Paris toutes les gens du Duc de Bourgongne mis en bataille par bonne ordonnance, où ils furent grand espace de temps auant que les fourriers eussent esté dedans ladicte ville pour ordonner les logis. Et apres iceux Princes, & la Duchesse entrerēt dedans la ville, & generalement tous les Gens d'armes. A la venue duquel Duc de Bourgongne fut faicte moult grand ioye des Parisiens, si y crioit on Noël par tous les carrefours où il passoit, & conuoya ledit Regent, & sa femme iusques à l'hostel des Tournelles, & puis s'en alla loger en son hostel d'Arthois. Et aucuns iours ensuiuans furent entre iceux Princes, & ceux de leur Conseil tenus plusieurs grans Conseils sur les affaires de la guerre, qui estoient moult pesans, Et entre les autres choses furent par les Parisiens requis au Duc de Bourgongne, qu'il luy pleust à entreprendre le gouuernement de la ville de Paris, qui moult auoit à luy grande affection: & estoient de present tous prests, & appareillez de maintenir sa querelle, & de son feu pere. Disant outre, qu'il estoit necessité & besoing, qu'il accordast leur requeste & demande, consideré les affaires que auoit le Regent tant en Normandie comme ailleurs: laquelle chose ledit Duc de Bourgongne feit, & leur octroya iusques apres Pasques ensuiuant, mais ce fut tresenuis. Si conclurent & delibererent les dessusdits Ducs de Bethfort & de Bourgongne, que vers Pasques à la saison nouuelle se montreroient sus chacun à tout grand puissance, pour reconquerre & gaigner les villes, qui s'estoient retournées contre elles en la marche de France, & sur la riuier d'Oize. Apres lesquelles conclusions ledit Duc de Bethfort avec sa femme, & ses Anglois se departit de ladicte ville de Paris: & ledit Duc de Bourgongne commist Capitaine de Paris le Seigneur de l'Isle-Adam à tout petit nombre de gés, & à saint Denys, au Bois de Vincennes, au pont de Charéton, & es autres lieux necessaires aupres de la ville de Paris ordóna: & apres qu'il eut seiourné dedans icelle ville de Paris l'espace de trois sepmaines: prenant congé premier à la Roïne de France mere du Roy Charles, s'en retourna par les chemins, dont il estoit venu en son pays d'Arthois, & de là en Flandres, avec lequel se departirent plusieurs Bourgeois de Paris de leur dicte ville, & autres gens marchans.



*Comment les Francois & Bourgongnons couruoient l'un sur l'autre,  
nonobstant les trefues qui y estoient.*



TEM durant le temps dessusdit, que les trefues estoient accordées entre le Roy Charles, & le Duc de Bourgogne iusques aux Pasques ensuiuans: neantmoins icelles parties couruoient tressouuent l'une sur l'autre. Et mesmement pour embellir leur querelle aucuns tenans le party dudit Duc de Bourgogne, se boutoient avecques les Anglois, qui point n'auoient trefues aux François, & menoient avec eux plaine guerre ausdits François: & les François pareillement couruoient & faisoient plaine guerre aux Bourgongnons, & en faignant les dessusdits Bourgongnons d'estre Anglois: & y auoit pour lesdites trefues peu ou neant de feureté. Si en fut entre les autres faicte vne entreprinse d'un vaillât homme d'armes d'Angleterre nommé Foulques, avec lequel s'estoiēt mis aucuns hommes d'armes de ladicte partie de Bourgogne, qui se tenoient à la Neufuille le Roy en un bel chastel qu'ils auoient réparé: & tous ensemble allerent acueillir la proye de la ville de Creil, & auoient laissé vne embusche: afin que si leurs ennemis failloient contre eux, qui les peussent surprendre: laquelle chose aduint ainsi que l'auoient imaginé: car Messire Jacques de Châbannes qui estoit principal Capitaine de la ville de Creil tantost qu'il oyt l'effroy, s'arma incontinent sans delay, & monta à cheual, & de grand volenté alla ferir de plains eslais en ses ennemis, desquels de premiere venue fut prins prisonnier un nommé Georges de Croix: & aucuns autres ruez par terre: & eut entre icelles parties tresgrande escarmouche, mais en conclusion par la vaillantise, & secours dudit Foulques, fut le dessusdit Jacques de Châbannes detenu prisonnier: & avecques luy deux autres Cheualiers, & aucuns autres des meilleurs gens: toutesfois en ce faisant iceluy Foulques fut feru à descouuert en la gorge de la poincte d'une espée d'un bien petit coup, duquel mourut tout prestement: pour la mort duquel tous ceux de son party là estans, qui de luy auoient cognoissance, eurent au cuer grand tristesse: car ils le tenoient pour le plus vaillât, & expert en armes de tout le pays d'Angleterre. Si se rassemblèrent tous les Anglois, desquels pour lors estoient les principaux, Bohors de Bozétin, & Robinet Eguetin: si emmenerent leurs prisonniers en leur forteresse, & en dedans assez brief iours firent traité avec Messire Jacques de Chambannes, par cy qu'en payant certaine somme, il fut deliuré moyennant ainsi qu'il rendit le dessusdit Georges de Croix. Itē en ces iours le Duc de Berthfort considerant, que la forteresse du Chasteau Gaillard estoit située en moult fort lieu & auantageux, pour grandement greuer, & guerroyer le pays de Normandie; si conclud que auant que ses ennemis, qui dedans estoient, fussent pourueuz de viures & fortifiez de gens, de les faire assieger par les Anglois: laquelle chose il feit, & y fut le siege de six à sept mois. En la fin desquels les assiegez rendirent ladicte forteresse par faulte de viures: & s'en allerent à tout partie de leurs biens.

*Echange de  
prisonniers.*

*Comment le Seigneur de Sauueses, & le Bastard de saint Pol furent prins deuant Paris  
par les François: & comment par d'autres Francois la ville  
de saint Denys fut prinse & eschellée.*

**E**N ce mesme temps le Duc de Bourgogne enuoya le Seigneur de Sauueses, & Iean de Brimeu à tout cinq cens combattans, ou enuiron en la ville de Paris pour conforter, & ayder les Parisiens contre les François, qui chacun iour couroient deuant ladicte ville à tous lez, & leur faisoient moult d'oppressions, lesquels se logerēt dedans saint Denys: & feirent par plusieurs fois des enuahies contre leurs ennemis: neantmoins vn certain iour iceux François de plusieurs garnisons du costé vers Mont-lehery, vindrent courre aupres dudit lieu de Paris, & auoient laissé vne grosse embuche en vn village là enuiron. Si estoiet alors dedans ladicte ville le Seigneur de Sauueses, & Messire Iean le Bastard de saint Pol: lesquels oyans l'effroy monterent à cheual hastiuement à petite compagnie: & sans attendre leurs gens, allerent incontinent aux champs, & pourluiuirent vigoureuement lesdits François: lesquels en fuyant les attrahirent iusques bien pres de leurdicte embusche. Et là tantost non pouās à ce resister, furent en assez brief terme tous deux prins prisonniers, & emmenez des dessusdits François en leur forteresse, avec aucuns de leurs gens non point en grand nombre. Si fut ledit Bastard de saint Pol tresfort blecé au prendre d'vne lance au col, dont il fut en grand peril de perdre la vie: neantmoins les deux Cheualiers dessusdits retournerēt en assez brefs iours en ladicte ville de Paris, parmy grand finance qu'ils payerent à ceux, qui prins les auoient, dont les gens furent moult resionys quand ils les virent. D'autre costé en ce temps les François, qui estoient sous Allain Geron, Gaucher de Bruiſſart, & aucuns autres Capitaines, vindrent à vn point du iour en la ville saint Denys: dedans laquelle estoit venu nouuellement Iean de Brimeu à tout certain nombre de compagnōs, qu'il auoit amenez du pays d'Arthois, & avec luy estoient les gens du Seigneur de Sauueses. Si entrèrent dedans par eschelles vne partie d'iceux François, & ouurirent vne des portes, par où les autres en tresgrand nombre se bouterent dedans: & commencerent en plusieurs lieux à crier ville gaignée, en abbatant huis & fenestres, & enuahissoient plusieurs maisons, où estoiet leurs ennemis: lesquels oyans ainsi soudainement si grans cris parmy la ville, furent tous effrayez. Si se trahirent tantost en aucuns fors lieux d'icelle: c'est à sçauoir Iean de Brimeu, & plusieurs autres avecques luy en l'Abbaye: le Bastard de Sauueses en la porte de Paris, & les autres se meirent en aucunes portes, & tous à sauueté. Et d'autre part en y eut grand partie, qui en issant de leurs logis, contendans à aller deuers leurs Capitaines eux assembler, furent prins prisonniers, les aucuns occis: entre lesquels furent prins Anthoine de Vvistre, Thierry de Malinghem, & de douze à seize autres: desquels il y en auoit vne partie de Gentils-hommes: & y furent morts Theuenin de Theuestes, Iean de Haultecloque, & aucuns autres en petit nombre. Durant lesquelles besongnes les gens des dessusdits Seigneurs, & Iean de Brimeu, reprindrent

reprindrent vigueur en eux, & commencerēt à eux assembler en d'aucuns lieux au cry: & par l'introduction d'un vaillant hōme d'armes nommé Guillaume de Beauual, lequel en grand hardiesse s'assembla aucuns de ceux de leur party, & enuahist ses ennemis, qui en plusieurs parties sans tenir grād ordonnance entendoient au pillier: finalement ils furēt reboutez dehors, & mesmement aucuns de leurs gens iusques au nombre de huiēt ou dix. Et alors le Seigneur de Saucuses, qui estoit dedans Paris oyans ces nouuelles, assemble hastiuement ce qu'il peut auoir de gens, & sans delay cheuauchèrent vigoureusement deuers ladiēte ville de saint Denys, en intention de bailler secours à ses gēs: mais auāt qu'il y peust venir, iceux François s'estoient retraits deuers Senlis, & les autres garnisons, & auoient emmené grād nombre de cheuaux de ceux de la ville. Itē en ce temps furent assiegez des Anglois le Seigneur de Rambays dedans la forteresse d'Estrepaigny, appartenant heritalement au Comte de Tanquaruille: deuant laquelle iceux Anglois tant continuerent de cōbattre par leurs engins & autremēt, qu'en cōclusion ledit Seigneur de Rombures non ayant esperance d'auoir secours, feit traicté avecques iceux Anglois en leur rendāt ladiēte forteresse par cōdition, que luy, & ses gens à tout leurs biens se departirent sauueement.

*De plusieurs conquestes, que firent les Anglois.*



TEM en l'an dessusdit le Duc de Bethfort feit assieger par ses Anglois le chastel de Torfy, qui estoit le plus excellent, & le mieux edifié de la marche enuiron. Si fut constitué chief desdits Anglois le Bastard de Clarence: lequel feit dresser autour d'icelle forteresse plusieurs engins continuellement iettans, lesquels dommagerent moult fort la muraille. Et finalement au bout de six mois ou enuiron, les assiegez voyans, que point n'estoient secourus, & que leurs viures commençoient à deffaillir, traicterent avecques le dessusdit Bastard de Clarence par condition, que aucuns des plus notables s'en iroient où bon leur sembleroit, en portant partie de leurs biens: & les autres iusques au nombre de douze ou enuiron, qui autresfois auoient tenu le party d'iceux Anglois, & mesmement aydé aux François à prendre ladiēte forteresse demouroient à volonté, lesquels furent cruellement iusticiez, & apres fut ladiēte forteresse du tout demolie & rasée.

*Torfy rendu  
aux Anglois.*

Item au mois de Ianuier audit an Messire Thomas Kiriel Anglois à tout quatre cens combattans ou enuiron, dont la plus grand partie estoient Anglois, se departit de Gournay en Normandie, où lors se tenoient en garnison, & par deuers Beauuais s'en alla en Beauuoisis vers la Comté de Clermont: auquel pays il feit de tresgrand dommages en prenant prisonniers, bestes, & autres bagages, & par especial cheuaux. Si cheuaucha iusques aux foubourgs de Clermont: & le lendemain print son chemin à retourner vers sa garnison: & adonques le Comte de Clermōr, qui estoit à Beauuais, sçachant l'entreprinse dudit Messire Thomas, assemble proprement de toutes les garnisons de la Marche enuiron tenant le party du Roy Charles, iusques à huiēt cens combattans & plus: avecques lesquels se meirent



grand nombre des payfans, rât de la ville de Beauuais comme des villages d'entour: & tous ensemble allerent pour rencontrer & cōbattre ledit Messire Thomas & ses gens, lesquels ils trouuerent à vne grand lieuë, ou enuiron dudit lieu de Beauuais, où ils festoiët, mis en bataille pour recevoir leurs ennemis, dont ils scauoient assez la venue par leurs coueurs, qui leur en auoient fait rapport: & estoient les dessusdits Anglois tous à pied, adossiez d'un Boys, & par deuant eux auoient siché des poinçons, parquoy on ne les pouuoit rompre de cheual, sinon en grand danger: neantmoins ils furent par lesdits François tresfort enuahis & approchez, & eut entre icelles parties tresdure & trefaspre escarmouche: & assez brief les François qui estoient à cheual, furent reboutez par le traiët des Archiers Anglois, à cause duquel  
 † desbâder. lesdits François se commencerent à † desfroyer, & iceux Anglois ce voyant, faillirent vistement apres eux, & fessorcerēt de plus en plus les enuahir & combattre, tant qu'en conclusion ils demourerent victorieux sur la place, & occirent vne quantité de leurs ennemis, & en prindrent enuiron vn cēt ou plus: c'est à scauoir des dessusdits payfans. Et ceux de cheual s'en retournerēt tous desconfits & ennuyez à Beauuais, & iceluy Messire Thomas ayant grand ioye de sa victoire à tout son gaignage, s'en retourna sauvement à Gournay en Normandie. En ce temps fut le siege mis par le Côte de Suffort Anglois, deuant le chastel de Dammarle: duquel estoit Capitaine le Seigneur de Rambures, avecques luy de cent à six vingts combattās. Si fut ledit Chastel de toutes pars enuironē: & tellement furēt contrainct, que apres que ledit siege y eust esté vingt & quatre iours, ledit Seigneur de Rambures & toutes ses gens se rendirent sauf leurs vies, reserué trente ou enuiron qui furent pendus, pource que autresfois auoient fait sermēt ausdits Anglois, & tenu leur party. Et brief ensuiuant iceluy Seigneur de Rambures fut mené prisonnier en Angleterre, où il demoura prisonnier de cinq à six ans, auant qu'il peust trouuer sa deliurance. Si fut ladicte forteresse regarnie de viures & de gens: & par ainsi iceux Anglois reconquirēt en cest an plusieurs fortes places, que les François auoient gaignées sur eux à peu de perte de leurs gens.

*Comment le Duc de Bourgongne se remaria la tierce fois à Madamoiselle  
 Isabel fille au Roy de Portugal.*

**L**E neufiesme iour de Ianuier de cest an fut tenue la feste de Philippe Duc de Bourgongne, & de Dame Isabel fille au Roy de Portugal en la ville de Bruges, en vne maison faicte toute propice nouuellemēt pour lesdictes nopces. Si fut icelle feste moult riche & solennelle, & estoient les rues de ladicte ville encourtinées en plusieurs lieux de tapiz, & riches draps de haulte lice: ausquelles nopces furent deux des seurs dudit Duc: c'est à scauoir Anne Duchesse de Bethfort, & la Duchesse de Cleues, la Comtesse de Namur, la Comtesse de Lorraine, & de Conuersan, Messire Jean de Luxembourg son frere, & la Dame de Beurevoir, & l'Euesque de Liege & moult d'autres grans Seigneurs, Dames, & Damoiselles. Entre lesquelles y furent de grad estat de paremēs, & d'ex-

& d'exquis, & diuers vestemens, de gens & de cheuaux chacun iour en diuerfes parures: ledit Euesque de Liege, Messire Jean Bastard de sainct Pol, Messire Jean d'Hornes, & aucuns autres. Et quād ladiete Duchesse (laquelle auoient amenée par mer vn de ses freres, & les Ambassadeurs, que y auoit enuoyé le Duc de Bourgogne: desquels estoient les principaux le Seigneur de Rombais, & maistre Gilles d'Elcornay Preuost de Harlebecque) vint aupres de la ville de Bruges, les Bourgeois en tresgrand nombre, & en grād estat issirent à l'encontre d'elle. Et auoit avecques eux cent soixante quatre trompettes, lesquelles sonnoient moult melodieusement. Quand est à parler des grans estats, qui y furēt faits sans nombre, en diuers mets de boires, & de mangiers tresplanteusement par l'espce de huit iours ou enuiron, ils seroient trop longs à declairer: & y auoient figures de Licornes & autres bestes sauuaiges, qui par engin iettoient clere eau de rose, vin & autres liqueurs en l'abandon de ceux, qui estoient de ladiete feste. Si n'auoit ledit Duc à nulle de ses autres femmes espouser tenu si riche feste, comme il feit à icelle, qui estoit la tierce. Si y furent faictes par plusieurs sours grans iouistes, & plusieurs esbatemens de plusieurs notables Cheualiers, & Escuyers, & cousta icelle feste audit Duc tresgrand finance.

*Somptuosité  
aux Noces  
du Duc de  
Bourgogne.*

*Comment Estienne de Vignoles dit la Hire, eschelle, & print la ville  
de Louuiers en Normandie.*

**E**N ces propres iours Estienne de Vignoles, qu'on appelloit la Hire, print d'emblée par eschelle la ville de Louuiers en Normandie: & auoit avecques luy de cinq à six cens combattans, lesquels trouuerent en icelle ville tresgrand abondance de tous biens, dont ils furent moult enrichis: & y furent morts à entrer dedans tant d'Anglois cōme de ceux de ladiete ville trente. Apres laquelle prinse plusieurs des habitans pour la plus grand partie, firent serment audit la Hire: ausquels habitans fut rendu aucune partie de leurs biens avecques leurs maisons, & les autres se departirent eux mettans à sauueré, où ils pouoient le mieux delaisans tous leurs biens. Si commencerent dedans briefs iours la Hire, & ses compaignons à endommager le pays enuiron en plusieurs lieux: & couroient souuent iusques biē pres de Roūen, & en estoit le poure peuple mallement greué, & oppressé, dont moult grandement desplaisoit aux Anglois: mais pour le present ne le pouoient amender, cōsiderez leurs autres grans affaires.

*Comment en cest an le Duc de Bourgogne mit sus vne ordre, qui fut  
nommée l'ordre de la Toison.*

**E**N cest an le Duc Philippe de Bourgogne mit sus en l'hōneur de Dieu, & de monseigneur sainct Andrieu, duquel en armes il portoit l'eseigne, vne ordre & fraternité de vingt quatre Cheualiers sans reproche, Gentils-hommes de quatre costez: ausquels il donna à chacun d'eux vn colier d'or moult gentement ouuré de la deuise,

Noms des Che-  
ualiers de la  
Toison.

c'est à sçauoir du fuzil : ausquels colliers pendoit à chacun sur le deuant, en maniere que portent les grans Dames, & Damoiselles images, fermeilletz, & autres ioyaux vne toison, que iadis conquist anciennement l'afon en l'Isle de Colchos, comme on le trouue par escript en l'histoire de Troye, de laquelle n'est point trouuée en nulles histoires, qu'ocque nul Prince Chrestien luy eust reuellée ne mise sus. Si fut la dessusdicté ordre à l'imaginatio de celle, que dit est, nommée par ledit Duc, l'ordre de la Toison d'or, & furent par luy, & aucuns de son Conseil esleuz, & nommez pour porter ladicte ordre vingt quatre Cheualiers, desquels les noms s'enfuiuent. Premier y estoit ledit Duc chef, & fondateur d'icelle: en apres y estoit Guillaume de Vienne Seigneur de sainct George, Messire Regné Pot Seigneur de la Roche, le Seigneur de Rembaix, le Seigneur de Montagu : Messire Rollant de Huquerque, Messire Anthoine du Vergy Côte de Dampmartin, Messire Dauid de Brimeu Seigneur de Ligny, Messire Hue de Launoy Seigneur de Santes, Messire Iean Seigneur de Communes, Messire Anthoine de Thoulongon Marechal de Bourgogne, Messire Pierre de Luxembourg Comte de Conuersan, Messire Iean de la Trimouille Seigneur de Ionuelles, Messire Iean de Luxembourg Seigneur de Beareuoir, Messire Gillebert de Launoy Seigneur de Villeral, Messire Iean de Villiers Seigneur de l'Isle Adam, Messire Anthoine Seigneur de Croy, & de Renty, Messire Florimont de Brimeu Seigneur de Massincourt, Messire Robert Seigneur de Mamines, Messire Iagues de Brimeu Seigneur de Grigny, Messire Baudouin de Launoy Seigneur de Moulambais, Messire Pierre de Boufremont Seigneur de Chargny, Messire Philippe Seigneur de Ternât, Messire Iean de Crequy, Messire Iea de Croy Seigneur de Tours sur Marne: Lesquels Cheualiers (comme dit est) au receuoir ladicte ordre, feirēt & deuoient faire leurs successeurs plusieurs solennelles promesses & notables ordonnances pour l'entretenement d'icelles: desquelles cy apres en ce present liure sera faicte mention plus à plain, apres que ladicte ordre sera du tout parfournie en son droit nombre: car depuis que les dessus nommez y furent mis certaine espace de temps apres en eust adiousté aucuns autres. Si doiuent les hoirs d'iceux Cheualiers renuoyer apres leur trespas audit Duc de Bourgogne ledit collier, pour le bailler à autre Cheualier.

*Comment le Seigneur de Creuecueur, & Robert de Sauueses, furent rencontrez des François en allant à Clermont en Beauuoisis.*

**A**V mois de Feurier en l'an dessusdit, le Seigneur de Creuecueur Capitaine, & Gouverneur de Clermont en Beauuoisis, se partit d'Amiens pour aller audit lieu de Clermont, accôpaigné de Robert de Sauueses, & huiēt vingts combattans ou enuiron, avecques aucuns chars, & charrettes menans viures de Kareme, & autres leurs besongnes. Lesquels passās empres sainct Iust vers sainct Remy en l'Aire, furent guettez des François, qui bien sçauoient leur venue, & incontinent enuahis: desquels François estoiet les Capitaines, Messire Theolde Valeperge, Messire Regnault de Fontaines, Messire Loys de Vvaucourt, & autres qui bien auoient



auoient plus grand nombre de gens, que leur aduersé partie: neâtmoins les dessusdits Seigneurs de Creuecueur, & de Saueuse se meirent à pied avecques leurs gens, dôt la plus grand partie estoïent archiers: & se dessendirent bien, & roidement par l'espace de quatre heures ou enuiron: durant lequel temps y eut tant d'une part comme d'autre plusieurs hommes & chevaux bleçez: mais en conclusion iceux François se departirent, voyant que sans grand perte des leurs, ne leur pourroient riens faire ne conquerre sur leurs ennemis, & retournerent en leurs garnisons: & lesdits Seigneurs de Creuecueur, & Robert & Saueuse s'en allerent à Clermont, où ils furent iusques à la faison nouuelle, attendans la venue du Duc de Bourgongne.

*Comment cinq Francois firent armes à Arras, contre cinq Bourgongnons,  
& autres menues matieres.*

**L**E xx. iour de Feurier audit an firent armes dedans la ville d'Arras sur le grand marché en la presence du Duc de Bourgongne, luge en ceste partie cinq des gens du Roy Charles de France, à l'encontre de cinq des gens du Duc de Bourgogne: lesquelles armes estoient de rompre l'un sur l'autre certain nombre de lances. Et y estoient ceux de la partie du Roy, Messire Theolde de Valeperge, Pothon de sainte Treille, Messire Philebert d'Abrecy, Messire Guillaume de Bes, & l'Estandart de Nully. Et de par ledit Duc, Messire Simó de Lalaing, le Seigneur de Chargny, Messire Jean de Vaulde, Messire Nicolle de Menton, & Philebert de Menton. Si furent icelles armes faictes par cinq iour: & estoit préparé vn grand parc couuert de sabló, au milieu duquel auoit vne lice garnie d'aisselles, afin que les chevaux ne se peussent rencontrer l'un l'autre. Et coururent pour le premier iour, Messire Simó de Lalain, & Messire Theolde plusieurs beaux coups l'un contre l'autre: mais vers la fin Messire Theolde fut porté ius luy, & son cheual. Et pareillement pour les autres ensuiuans, pour les seconds, tiers, quart & cinquiesmes iours furent faits de beaux coups d'armes & de lances, desquelles de chacune partie en y eut plusieurs rompues: toutesfois le Seigneur de Chargny au treiziesme coup qu'il courut contre ledit Messire Philebert, luy leua la visiere de son armet du fer de sa lance, & luy meit tout dedans son visage. Pourquoy sans delay il conuint qu'on le remenast en son hostel, comme en peril de mort: & au dernier iour, & par telle maniere fut ainsi feru l'Estandart de Nully, du dessusdit Philebert de Menton. Si fut comme l'autre remené en son hostel, & fut si griefuement bleçé qu'à tresgrand peine se pouoit tenir sur son cheual: jaçoit ce que par auant qu'il eust ce coup, il festoit porté ce iour moult deuement, en rompant sur son aduersaire aucunes lances: desquelles lances seruit iceux François vn vifte & appert homme d'armes nommé Alardin de Mouslay, & les autres du costé du Duc de Bourgongne, & la plus grand partie furent seruis de Messire Jean de Luxembourg. Si venoit chacun iour ledit Duc à son eschauffault moult grandement accompagné de sa Cheualerie, & en noble appareil. Apres lesquels iours iceux passez, les dessusdits François, qui

Melun rendu  
au Roy Char-  
les.

auoient esté moult honnorez par ledit Duc, & de luy receuz aucuns dons, se departirent de ladicte ville d'Arras tristes, & ennuyez des dures aduérures qui estoient tournées contre leurs gens. Et laisserēt les deux blecez desusdits dedans Arras, pour eux faire medeciner par l'alliance dudit Duc de Bourgongne, lesquels finablement tournerent à guarison, & les deuāddits François l'en retournerent à Compiègne. En ce temps les François tenans les frontieres de la riuier de Oïze & du pays de Beauuoisis, couroient chacun iour sus ceux tenant le party du Duc de Bourgongne: & pareillement ceux de la partie du Duc de Bourgongne couroient sur les mettes d'iceux François, nonobstant les trefues par auant seellées entre icelles parties iusques aux Pasques ensuiuans: à l'occasion desquelles courses, tous les villages, ou la plus grand partie d'iceux pays se commencerent à depeupler. En apres le Duc Philippe de Bourgongne cōuocqua de plusieurs les pays tref grand multitude de Gens-d'armes, lesquels estoient, & assembla vers Peronne, & luy mesme & sa femme la Duchesse solenniferent la feste de Pasques dedans ladicte ville de Perōne, apres laquelle passée, il se tira à toutes Gens-d'armes à Montdidier, où il fut aucuns iours. Durant ces tribulatiōs se rendirent en l'obeyssance du Roy Charles la ville, & chasteau de Melun: laquelle parauant auoit esté baillée en garde au Seigneur de Humieres, qui pour l'entretenement d'icelle y auoit cōstitué aucuns de ses freres à certain nombre de Gens-d'armes, lesquels par les habitans de ladicte ville en furēt deboutez & mis dehors: dont le Roy Charles, & ceux de son party furent moult joyeux, pourtant que par le moyen d'icelle ils pouuoient par là passer à leur plaisir, par la riuier de Seine, & auecques ce estoit située, & assise au plus fort lieu de tout le pays enuiron.

*De l'an mille cccc. xxx.*

*Comment le Duc de Bourgongne à tout sa puissance alla loger  
deuant Gournay sur Aronde.*



V commencement de cest an, le Duc de Bourgongne luy partyāt de Montdidier, s'en alla loger à Gournay sur Aronde: & deuant la forteresse d'icelle appartenāt à Charles de Bourbon Comte de Clermont son beau frere. Auquel lieu il feit sommer Tristan de Magueliers qui en estoit Capitaine qu'il luy rendit ladicte forteresse, ou sinon il le feroit assaillir: lequel Tristan voyant que bonnement ne pourroit resister contre la grand puissance d'iceluy Duc de Bourgongne, feit traitté auecques ses commis par condition, qu'il luy rendroit ladicte forteresse le premier iour d'Aoust prochainement venāt, si audit iour il n'estoit cōbattu du Roy Charles, ou ceux de son party, & auecques ce promet que durāt le tēps dessusdit, que luy, & les siens ne feroiēt quelque guerre à ceux tēnās le party dudit Duc, & par ainsi il demoura paisible iusques audit iour. Si fut telle composition faicte ainsi hastiuement, pource que audit Duc de Bourgongne, & à Messire Iean de Luxembourg vindrēt certaines nouuelles, que le Damoiseau de Cōmercy, Yuon du Puys, & autres Capitaines à tout grand nombre de combattans, auoient assiegé la forteresse de Montagu, laquelle

laquelle chose estoit veritable. Car le dessusdit de Commercy à qui icelle forteresse de Montagu appartenoit, y auoit secrettement amené grand nombre de combattans à tout bombardes, vulgaires, & autres habillemens de guerre, tendant icelle par soudain assaut, ou autrement par force reduire en son obeïssance: neantmoins elle fut vigoureuſemēt deſſendue par ceux que Meſſire Iean de Luxembourg y auoit commis, au gouuernement duquel elle estoit. Entre lesquels y estoient cōmis de par luy à la garde d'icelle comme principaux Capitaines deux hōmes, dont l'un estoit d'Angleterre, & un autre nommé George de la Croix. Si furēt par plusieurs fois ſommez, & requis de rendre la forteresse, dont point n'eurent voulētē de ce faire: car ils n'estoient en nulle doubte, que dedans briefs iours ne fuſſent ſecouruz. Finablement leſdits aſſiegeans doubtans la venue dudit Duc de Bourgongne, dont ils estoient ja aduertis, & qu'ils ſeroient combattus, ſe departirēt dudit lieu de Montagu comme eſpouentez, en delaissant bōbardes, canōs, & autres habillemens de guerre. Et ſe departirent à minuiēt ou enuiron, & ſe retrahirēt en leurs garniſons: laquelle departie ainſi faiēt, les deſſusdits aſſiegez feirent aſçauoir haſtiuement au deſſusdit Duc de Bourgongne, & à Meſſire Iean de Luxembourg, qui en grand diligence ſe preparerēt pour aller combattre les aſſiegeans deſſusdits. Apres lequel departement venu à leur cognoiſſance, ledit Duc de Bourgongne ſ'en alla à Noyon à tout ſon exercite. En ces propres iours Meſſire Iean de Luxembourg alla courre deuers Beauuais ſur les marches de ſes aduerſaires & ennemis: à l'instance duquel departement fut franc meſſire Loīs de Vaucourt & ſes gens, qui par longue eſpace auoient eſté durant l'hiuer, & bouterēt le feu en vn bel chasteau qu'auoient reparé: ſi ſe retrahirent à ladiēt ville de Beauuais, & ledit Meſſire Iean de Luxembourg ſe logea deuant le chasteau de Prouueulieu, qu'aucuns Anglois auoient reedifié. Et par leurs courſes trauaillerēt moult ſouuent la ville de Montdidier, & autres marches à l'environ, appartenant au Duc de Bourgongne. Si furent en brief contrains d'eux rēdre à la voulētē du deſſusdit Meſſire Iean de Luxembourg, deſquels en feit grand partie executer, & les autres furent mis en diuers lieux priſonniers: & de là il ſ'en retourna à Noyon deuers le Duc de Bourgongne.

*Courſes au  
Beauuois.*

*Comment le Duc de Bourgongne alla mettre le ſiege deuant le chasteau, & forteresse de Choisy, lequel il conquist en briefs iours.*



PRES que le Duc de Bourgongne eut ſeiourné en ladiēt ville, & cité de Noyon huiēt iours ou enuiron, il ſ'en alla mettre le ſiege deuant le chasteau de Choisy ſur Oiſe: dedans laquelle forteresse estoit Loīs de Flauy, qui la tenoit par Meſſire Guillaume de Flauy, & y feit ledit Duc dreſſer pluſieurs de ſes engins pour iceluy chasteau confondre & abbatre. Si fut moult trauaillée par leſdits engins, tant qu'en conſclusion leſdits aſſiegez feirēt traitē au ec les commis du deſſusdit Duc de Bourgongne tel, qu'ils departirent ſauf leurs corps, & leurs biens en rēdant ladiēt forteresse: laquelle ſans delay, apres qu'ils en furent partis, fut tantost demolie & rafée. Si feit iceluy Duc faire vn pont par deſſus l'eauē



d'Oise, pour luy, & ses gens passer vers Compiengne au lez deuers Montdidier: durant lequel temps auoient esté commis le Seigneur de Sauuefès, & Iean Brimeu, à garder les faulxbourgs de Noyon à tout leurs gens avec le Seigneur de † Mongonniry, & autres Capitaines Anglois, qui estoient logez au pont l'Euesque, afin que ceux de Compiengne n'empechassent les viures, qui alloient à l'ost dudit Duc. Si aduint vn certain iour, que les dessusdits de Compiengne: c'est à sçauoir Ieanne la Pucelle, Messire Iagues de Chabannes, Messire Theolde de Valeperge, Messire Regnault de Fontaines, Pothon de sainte Treille, & aucuns autres Capitaines François accompagnez de deux mille combattans ou enuiron, vindrent audit lieu de Pont l'Euesque entre le poinct du iour, & le soleil leuant, où estoient logez les dessusdits Anglois: lesquels ils enuahirent de grâd courage, & y eut trefdure, & aspre escarmouche, à laquelle vindrent hastiuemēt au secours d'iceux Anglois les dessusdits Seigneurs de Sauuefès, Iean de Brimeu, & tous leurs gens: duquel secours les dessusdits Anglois prindrent en eux grand courage tous ensemble. Si rebouterent par force leurs ennemis, qui desia estoient bien auant entrez audit logis. Finablement d'iceux Anglois furent que morts que naurez enuiron trente, & pareillement des François: lesquels apres ceste besongne se retrahirent à Compiengne, dont ils estoient venuz. Et les Anglois dessusdits depuis ce iour en auant, fortifierent en grand diligence leurs logis tout à l'enuiron, & aucuns briebs iours ensuiuans, Iean de Brimeu allant à tout cent combattans ou enuiron deuers le Duc de Bourgongne, en passant parmy le bois au lez vers Crespy en Valois, fut soudainement enuahy d'aucuns François qui à ceste cause estoient venus deuers Athery en celle marche, pour trouuer aduenture: & en brief sans grâd defesse fut prins, & emmené prisonnier. Si fut la cause de ladicte prinse, pour ce que luy, & ses gens cheuauchant en train, ne se peurent assembler tant qu'ils ouïrent l'effroy: de laquelle prinse ledit Ieā de Brimeu fut depuis mis es mains de Pothō de sainte Treille, lequel en fin le deliura en payāt grâd finance. Item apres que le Duc de Bourgongne eut fait du tout demolir ladicte forteresse de Choisy (comme dit est) s'en alla loger en la forteresse de Condin à vne lieüe de Compiengne, & Messire Ieā de Luxembourg se logea à Claroy. Si fut ordonné Messire Baudo de Noielle à tout certain nombre de gens à loger à Marigny sur la chauceē, & le Seigneur de † Mongonniry Anglois, & ses gens estoient logez à Venete au long de la prée. Si venoient lors audit Duc gens de plusieurs partie de ses païs, & auoit intentiō d'assieger ladicte ville de Compiengne, & icelle reduire en l'obeïssance du Roy Henry d'Angleterre.

† Mongomery.

Iean de Brimeu prins des François.

† Mongonniry, il faut Mōtgommery, c'est vne race de gētilhommes Anglois issus de Normandie.

*Comment Ieanne la Pucelle rua ius Franquet d'Arras, & luy feit trencher la teste.*



L'ENTREE du mois de May fut ruē ius, & prins vn vaillant homme d'armes nommé Franquet d'Arras, tenant le party du Duc de Bourgongne: lequel estoit allē courre sur les marches de ses ennemis vers Laigny sur Marne, à tout trois cens combattās ou enuiron: mais à son retour futrencontrē de Ieanne la Pucelle, qui avec elle

elle auoit quatre cens François. Si assaillit moult courageusement, & vigoureusement ledit Franquet, & ses gens par plusieurs fois: car par le moyé de ses archiers, c'est à sçauoir dudit Frâquet qu'il auoit, lesquels par tresbonne ordonnance s'estoient mis à pied, se defendirent si vaillamment que pour le premier, & second assault icelle Pucelle, & ses gens ne gaignerent riens sur eux, mais en conclusion elle mada toutes les garnisons de Laigny & autres forteresses de l'obeissance du Roy Charles, lesquels y vindrent en grâdnôbre à tout couleurlines, arbalestres, & autres habillemés de guerre: & finablement les dessusdits tenans le party de Bourgogne apres qu'ils eurent moult adomagé leurs ennemis de gens de cheual, ils furent tous vaincus, & desconfits, & la plus grand partie mis à l'espée, & mesmemét ladicte Pucelle feit trancher la teste à iceluy Frâquet, qui grandemét fut plaint de ceux de son party, pourtât qu'en arme il estoit hôme de vaillâte conduicte.

*Comment René Duc de Bar meit le siege deuant Chappes empres Troyes en Champagne.*

**E**N ce mesme temps le Duc de Bar nommé René de Cecile conuoqua de ses Duchez de Bar, & de Lorraine, & des marches d'Allemagne, & à l'enuiro tresgrand nombre de Gens d'armes: avec lesquels aussi se meit ce prudent & vaillât Cheualier le Seigneur de Barbarin, lequel (comme dit est dessus) a esté tres long temps prisonnier aux Anglois. Et pouoit auoir iceluy Duc de deux à trois mille combattans, à tout lesquels il alla assieger Chappes à trois lieües de Troyes, dedans laquelle estoient le Seigneur d'Aumone & son frere, & avec eux plusieurs gens de guerre, qui tres-vaillamment se meirent en deffence: & avec ce enuoyerent deuers les Seigneurs de Bourgongne eux prier, qu'ils les voulsissent secourir à ce besoing: lesquels Seigneurs, c'est à sçauoir, Messire Anthoine de Toulongon Marechal de Bourgongne, le Comte de Joinvny, Messire Anthoine, & Messire Iean de Vergy, le Seigneur de Ionuelle, le Seigneur de Chastelluz, le Beau de Bar, & generallyment la greigneur partie de la gentillesse de Bourgongne, iusques au nombre de quatre mille combattans, s'assemblerent, & vindrēt assez pres du logis du Duc de Bar pour le combattre. Lequel Duc sachant leur venue se meit en bonne ordonnance de bataille: mais en brief iceux Bourgongnons se meirēt en defroy, & retournerent en leur païs. Si fut enuiron que morts que prins bien soixante: entre lesquels le Seigneur de Planfi, Charles de Rochefort, & pareillement le Seigneur d'Aumone en saillant hors de sa place pour ayder à combattre ses ennemis, avecques aucuns de ses gens fut prins prisonnier: si couuint qu'il liurast la forteresse au Duc de Bar, laquelle fut du tout demolie, & son frere fut prins comme luy.

*Chappes prise  
par l'abbaye.*

*Comment Ieanne la Pucelle fut prinse des Bourgongnons deuant Compiengne.*

**E**NTRE durant le temps que ledit Duc de Bourgongne estoit logé à Condin, comme dit est, & ses Gés d'armes és autres villages apres de Condin, & de Compiengne: aduint la nuit de l'Ascension à cinq heures apres midy, que Ieanne la Pucelle, Pothon, & avec-



ques plusieurs autres nobles, & vaillans Capitaines François, avec eux de cinq à six cens combattans, saillirent hors tous armez de pied & de cheual de ladiète ville de Compiengne par la porte du pont vers Montdidier, & auoient intention de combattre, & ruer ius le logis de Messire Baudo de Noielle, qui estoit à Marigny au bout de la chaussée, comme dit est, en autre lieu. Si estoit à ceste heure Messire Jean de Luxembourg, avec luy le Seigneur de Cresquy, & huit ou dix Gentils-hommes, tous venus à cheual, non ayant, sinon assez petit, de son logis deuers le logis Messire Baudo, & regardoit par quelle maniere on pourroit assieger icelle ville de Compiengne. Et adonc iceux François, comme dit est, commencerent tresfort à approcher iceluy logis de Marigny, auquel estoient ou la plus grand partie tous desarmez. Toutesfois en assez brief terme s'assemblerent, & commencerent l'escarmouche tresgrande, durât laquelle fut crié à l'armée en plusieurs lieux, tant de la partie de Bourgongne, comme des Anglois, & se meirent en bataille les dessusdits Anglois contre les François sur la prée au dehors de Venete, où ils estoient logez, & estoient enuiron cinq cens combattans. Et d'autre costé les gens de Messire Jean de Luxembourg, qui estoient logez à Claroy, sachans cest effroy vindrent les aucuns hastiuement pour secourir leur Seigneur, & Capitaine, qui entretenoit ladiète escarmouche: & auquel pour la plus grand partie les autres se r'allierent: en laquelle fut tresdurement nauré au visage ledit Seigneur de Cresquy. Finablement apres ce que ladiète escarmouche eut duré assez longue espace, iceux François voyans leur ennemis multiplier en grand nombre, se retrahirent deuers leur ville tousiours la Pucelle Ieâne avec eux fus le derriere, faisant grand maniere d'entretenir ses gens, & les ramener sans perte: mais ceux de la partie de Bourgongne considerant que de toutes parts auroient brief secours, les approcherent vigoureusement, & se ferirent en eux de plain eslaiz. Si fut en conclusion, comme ie fuz informé, la dessusdicte Pucelle tirée ius de son cheual par vn archier: aupres duquel estoit le Bastard de Vendonne, à qui elle se rendit & donna sa foy: & il sans delay l'emmena prisonniere à Marigny, où elle fut mise en bonne garde: avec laquelle fut prins Pothon le Bourguignon, & aucuns autres non mie en grand nôbre. Et les dessusdits François rentrerent en Compiengne dolens, & courroucez de leur perte: & par especial eurent moult grand desplaisance pour la prinse d'icelle Pucelle, & à l'opposit e ceux de la partie de Bourgogne, & les Anglois en furent moult ioyeux, plus que d'auoir cinq cens combattans: car ils ne craignoient ne redoubtoient nul Capitaine, ne autre chief de guerre tant, comme ils auoient tousiours fait iusques à ce present iour icelle Pucelle. Si vint assez tost apres le Duc de Bourgogne à toute sa puissance de son logis de Condin, où il estoit logé en la prée deuant Compiengne. Et là s'assemblerent les Anglois, ledit Duc, & ceux des autres logis en tresgrand nombre, faisant l'un avec l'autre grans cris, & resbaudissés pour la prinse de ladiète Pucelle: laquelle iceluy Duc alla veoir au logis, où elle estoit, & parla à elle aucunes parolles, dont ie ne suis mie bien recors, iasoit-ce que ie y estoie present: apres lesquelles se trahit ledit Duc, & toutes gens chacū en leurs logis pour ceste



nuit: & la Pucelle demoura en la garde, & gouuernement de Messire Iean de Luxembourg. Lequel apres dedas briefs iours ensuiuans l'enuoya sous bon conduict au chasteau de Beau-Lieu, & de là à Beurevoir: où elle fut par long temps prisonniere, comme cy apres sera declairé plus à plain.

*Comment le ieune Roy Henry d'Angleterre vint en France, & descendit à Calais.*

**E**N cest an le ieune Roy Héry aagé de huiet ans vint d'Angleterre à Calais, & descendit de la nef enuiron dix heures au matin le iour de monseigneur S. George. Si fut môté sur vn cheual, & alla oïr Messe en l'Eglise saint Nicolas. Si estoient avec luy Cardinal de Vincestre, le Duc d'Iorth, le Comte de Hotidon, le Comte de Vvaruich, le Comte de Stanfort, le Comte d'Arondel, le Côte de Suffort, le Côte de Bonne-terre, le Comte de Hem, les Seigneurs de Roie, de Beaumôt, d'Escaillon, de Grez & plusieurs autres. Si y estoit maistre Pierre Cauchon Euesque de Beauuais, qui auoit esté enuoyé pour le querir, & depuis vindrent les gens, si fut mené à tout sa puissance en la ville de Roüen où il fut long temps.

*Comment apres la prise de la Pucelle, le Duc de Bourgongne, & ses gens se logerent deuant la ville de Compiengne.*

**L**endemain du iour de l'Ascension le Duc de Bourgongne s'en alla loger de Condin à Venete dedans l'Abbaye, & ses gens se logerent en la ville d'autre part, & Messire Iean de Luxembourg se logea à Marigny. Si fut assez brief ensuiuant commencé vne Bastille de terre à vn trait d'arc ou enuiron pres du bouleuert de la ville: & depuis furent faits aucuns taudiz de chesnes plains de terre, & autre bois fiché en terre au plus pres du dessusdit bouleuert. Aufquels taudiz se faisoit guet nuit, & iour continuellement de certain nombre de Gens-d'armes: avec lesquels furent faits depuis ladicte Bastille iusques aux dessusdits taudiz grans fossez, par où les gens de guerre alloient seurement à leurdit guet, pour la doubte des engins de ladicte ville, dont on estoit seruy tresslargement. Si feit iceluy Duc asseoir aucuns grans engins deuant la porte: laquelle par la continuation des grosses pierres, qu'ils y iettoient, derompirent & crauanterent en plusieurs lieux les portes, ponts, moulins, & bouleuers de ladicte ville. En fin y eut aucune partie des moulins mis en tel point, que plus ne peurent moudre, laquelle chose despleut grandement aux habitas d'icelle: & avec ce entré les autres maux que feirent les dessusdits engins, occirent vn Gentil-homme roide, & habille, aagé de xxij. ans ou enuiron nommé Lois de Flauy, lequel estoit frere de Guillaume de Flauy general Capitaine d'icelle ville de Compiengne: & de tous ceux là estans, pour la mort duquel ledit Guillaume fut troublé & ennuyé: mais non obstant il n'en monstra nul semblant, ains pour resbaudir les gens, brief ensuiuant feit deuant luy sonner ses menestriers, ainsi qu'il auoit accoustumé de faire: & avec ce feit diligemment garder le bouleuert dessusdit, nonobstât que par lesdits engins il fut moult empiré & trauaillé: & auoit fait faire au fons des

*Guillaume de  
Flauy tnc.*

fosses d'iceluy bouleuert de petites maisonnettes de bois, où ses gens se tenoient pour faire leur guet, moult subtillement faictes & compolées. Si furent par l'introduction de Messire Jean de Luxembourg commencées aucunes mines: lesquelles furent cachées bien auant & profond & à grand coust sans porter effect, ne valeur: duquel temps aussi en faisant lesdictes mines & approches, en y eut plusieurs des assiegeans qui y furent morts, & beaucoup de naurez. Desquels morts furent les principaux: c'est à sçauoir, Messire Jean de Belles Cheualier, Alain d'Escallines, Thibaut de Caitigines, & plusieurs autres, tant de la partie de Bourgongne, comme des Anglois.

*Comment les Liegeois se mirent sus à grand puissance de communes, & vindrent en la Comté de Namur.*



En ce temps les Liegeois tant par l'introduction d'aucuns haussaires, tenans le party du Roy Charles: c'est à sçauoir Jean de Beauvain, Jean de Saumain, Euerard de la Marche, & aucuns autres, comme par la haine, & malueillance, que long temps ils auoient eüe au Duc de Bourgogne, pour les discords, que ses predecesseurs, & luy auoient eu parauant: dont plus à plain est faicte mention en ce present liure, se disposerent, & conclurent de venir à grand puissance sur le pais dudit Duc, & par especial en la Comté de Namur tout destruire: nonobstant que de ce faire les desenhorta par plusieurs fois Ieā de Héberche leur Euesque, en leur remonstrent par plusieurs raisons les grans maulx, & inconueniens qui pouoient venir au pais de Liege, s'ils mettoient leur entreprinse à execution: lesquelles remonstrances iceux Liegeois prenoient tresmal en gré, & ne vouloient nullement attarger de mener à fin ladicte entreprinse. Et pourtant ledit Euesque considerant, que bonnement il ne se pouoit esconduire, n'excuser, qu'il ne fait assistance, & ayde à ceux de son pais, qu'il ne se meit en peril d'estre enchassé de sa Seigneurie, print conclusion avec aucuns de son Conseil, que pour son honneur garder auant qu'il fait guerre ouuerte au Duc de Bourgongne ne à ses pais, il luy enuoyeroit premier ses lettres de deffiance, desquelles la coppie s'ensuit.

*Lettres de l'Euesque du Liège au Duc de Bourgogne.*

TRESHAUT, tresnoble, & trespuissant Prince Philippe Duc de Bourgogne, Côte de Flandres, d'Arthois & de Bourgongne, Palatin de Namur, &c. Iacoit-ce que Jean de Hemberche Euesque de Liege, & Comte de Loz, sur par vertu de certain sur estat par vous, & moy pour vous, & les nostres pieça donné l'un à l'autre dont lettres apparent, vous aye plusieurs fois par lettres de bouche, ou autrement, fait supplication, priere & requeste, & sommation d'auoir restitution, & reparation selon le cōtenu dudit sur estat, qui a esté assez peitement tenu de plusieurs grans, & horribles dommages commis, & peptrez de voz gens, & Capitaines, & seruiteurs, sur mes pays & subiects: ainsi que vostre tresnoble & pouruëe discretion peut bien auoir memoire, que mes complaints & requestes le contenoient plus plainement. Neātmoins tresnoble, treshaut & trespuissant Prince, iusques à ores, obstant voz gracieuses responcez sur ce contenans, que vostre intention, & plaisir dudit sur estat estre entretenu, & qui encores n'ont sorty nul effect, se sont si auant entremesles icelles choses d'un costé & d'autre, que grieue chose m'est à porter, dōt il me desplait tant que plus ne peut. Et toutes fois, tresnoble & trespuissant Prince, vo-

*sire*



estre noble, & pourueu de discretion peut assez sentir & conoistre, que par raison & serment suis tenu de demourer lez mon Eglise & pays, que sans les eslongner considérées les choses ainsi aduenues, les me conuient assister & deffendre en tous droitz, & contre tous de toute ma force & puissance. Pourquoy treshant, treshable & puissant Prince, moy premierement excusant à vostre tresexcellente personne, & haute domination, de rechef vous aduertis d'icelles choses en signifiant, que si plus auant aduenoit, ou estoit par moy, & les miens fait par necessité, ou autrement, qui de tant voudroye auoir mon honneur pour bien gardé. Donnée sous mon scel pendu à ces lettres le dixiesme iour de Iuliet, lan mille quatre cens & trente. Ainsi signé du commandement monseigneur propre I. Berrard. Et pareillement le deffendirent plusieurs autres Seigneurs alliez d'iceluy Euesque, c'est à sçauoir le Comte de Beaurienne, Picard de la Grace Seigneur de Quinquempoit, Rasse de Rabel, Gerard d'Edeuant, Iean de Valle, Henry le Gayel, Ieā de Boilleur, Iean de la Barre, Iean de Gemblais, Corbeau de Belle Goulle, Thierry Ponthey, & plusieurs autres.

*Comment le Duc de Bourgongne enuoya le Seigneur de Croy en la Comté de Namur contre les Liegeois.*

**E**T E M apres ce qu'il fut venu à la cognoissance du Duc de Bourgongne que l'Euesque du Liege, & ses Liegeois se preparoient pour entrer en la Comté de Namur; si conclud avecques ceux de son Cōseil d'y enuoyer le Seigneur de Croi à tout fix cens combattans, pour garder, & deffendre ladicte ville de Namur, & forteresse dudit pais. Lequel Seigneur de Croi apres ladicte conclusion se departit de deuant Compiengne, & auoit avecques luy huiet cens combattans, qu'il auoit en sa charge, & s'en vint à Namur, où les Liegeois auoient ja commencée la guerre, & prins Beau-fort, & bouté le feu: & ledit Croi venu audit lieu de Namur, fut dix iours sans faire guerre, & depuis print Fosse d'assault: laquelle fut arse referuée le Monstrier. Et le lendemain furent mis à fin, & morts à Florine bien quarante, ou quatre vingts Liegeois, & y eut prins quarante prisonniers: avecques lequel Seigneur de Croy estoit son frere Messire Iean de Croy. Si y estoient les Seigneurs de Maisnée, de Rembure de Fauquemberge, & de d'Iselle, le Galois de Reuli, le Seigneur de Frammesant, Robert de Neufuille, & plusieurs autres nobles. Ledit Seigneur de Rembure fut enuoyé à Polnache, où il fut à vne saillie nauré à mort & prins prisonnier: & depuis y fut mis le Seigneur de Senlis, lequel rendit la place aux Liegeois: & puis y bouterent le feu & l'ardirent, lesquels Liegeois avecques leur Euesque estoient bien cinquante mille hommes. Et depuis qu'ils eurent prins Polnache, meirent le siege deuant Bouuines, & si prindrent Golefme, & l'ardirent: durant lequel temps les gens dudit Seigneur de Croi firent plusieurs enuahies sur eux, auxquelles par plusieurs fois en prindrent, & occirent sept ou huiet cens.

*Comment le Comte de Hontidon vint deuant Compiengne en l'ayde du Duc de Bourgongne.*





Nces iours vint en l'ayde du Duc de Bourgongne le Comte de Hontidon, de Roberfac Anglois à tout mille archiers d'Angleterre ou enuiron: lesquels se logerēt en la ville de Venete, où par auant estoit logé le Duc de Bourgongne, lequel de sa personne s'en alla loger en la Bastille deuāt-dicte, entre Marigny & Compiēgne, & ses gens se logerent audit lieu de Marigny, dont s'estoit deslogé le Capitaine, Messire Iean de Luxembourg: & ses gens: & s'en estoit allé en la ville de Soissons, laquelle par certains moyens, qu'il auoit dedans, luy fut réduite avec aucunes autres places ou païs à l'enuiron. Si se departirent de deuant ladicte ville de Compiēgne le Seigneur de Mongoumery, & ses Anglois, & s'en retournerēt en Normandie apres la venue dudit Comte de Hontidon. Et apres iceluy Duc de Bourgongne fait faire iour & nuit grand diligence, d'abbatre & demollir par ses engins le bouleuert de deuant le pont de la ville: lequel comme en autre lieu est declairé, greuoit moult ses gens: neantmoins il dura bien l'espace de deux mois enuiron: & par soudain assault, qui y fut fait par nuit de la partie dudit Duc: fut prins de huit à dix homes dedans, avec aucuns habillemēs de guerre là estās, qui se deffendirent assez pēt. Apres laquelle prinse furent les fossez remplis, & fut iceluy bouleuert fortifié contre ceux de la ville, & gardé songneusement chascū iour à force de Gēs-d'armes: à laquelle prinse furēt aussi noyez aucuns dedans, parce qu'en eux retrayant en haste, ils cheurent en la riuier d'Oise. Et d'autre part le dessusdit Duc de Bourgongne fait faire vn pont par dessus l'eau; à l'encontre de Venete, lequel estoit gardé nuit & iour, & passioient les Anglois, & Bourgongnons tressouuent de pied & de cheual, pour aller escarmoucher les François au lieu vers Pierrefons. Si passa vn certain iour le dessusdit Comte Hontidon à tout ses Anglois, & s'en alla courre deuers Crespy en Valois, & de là vint à Saintines, qui se rdēt à son obeissance: & apres il s'en alla loger à Verbrie, où il fait tresfort assaillir l'Eglise de la ville, que tenoient les païsans: lesquels en conclusion furent contrains d'eux rendre en sa voullenté, & eux mettre du tout en sa mercy. Et fait pendre vn homme nommé Iean de d'Ours, qui estoit comme leur Capitaine, pource qu'à sa premiere requeste n'auoit voulu obeir. Si furent tous lesdits païsans prins & rançonnez, & tous leurs biens ravis: & apres s'en retourna ledit Comte à tout aucunes proyes en son logis deuant Compiēgne: durant lequel temps se tenoient à Cleremont en Beauuoisis le Seigneur de Creuecueur, & Robert de Saueuses à tout leurs gens, pour garder la frontiere contre les François, qui se tenoient à Creil, & à Beauuāis, & avecques ce pour faire accōduire en l'ost des vins, & tous viures necessaires. Si se tenoient adonc la Duchesse de Bourgongne à Noyon à tout son estat: laquelle de fois à autre alloit visiter le dessusdit Duc de Bourgogne son Seigneur. Esquels iours aussi alla ledit Duc de Bourgongne à toute sa puissance tenir la iournée deuant Gournay sur Aronde: laquelle on luy auoit promis de rendre & remettre en son obeissance: & fut avecques luy & pour luy assister, & faire compaignie le Duc de † Northfolk Anglois à tout mille combattans ou enuiron, & le Comte de Hōtidō. A laquelle iournée

*Reddition de  
Gournay.*

† North-  
folk.

ne vint homme de par le Roy Charles: & pourtant Tristan de Maiguelers voyant que point ne seroit secouru, rendit la forteresse en la main dudit Duc de Bourgongne, lequel la bailla en garde au Seigneur de Creuecueur & apres s'en retourna avecques luy le Comte de Montidon à son siege de Compiengne: auquel lieu à son departement il auoit laissé certain nombre de Gens-d'armes, pour garder son logis, & le dessusdit Duc de Nortflk s'en alla deuers Paris.

*Comment vn homme nommé Toumelaire, & ceux de Reims meirent le siege deuant Champigneux.*

**E**N ces iours vn Saquement nommé Toumelaire, qui estoit Preuoost de Laon de par le Roy Charles, conduisit de cinq à six cens communes de la ville de Reims, & des marches à l'enuiró, & les mena assieger la forteresse de Champigneux: dedans laquelle estoient aucuns Anglois & Bourgongnons, qui moult oppressoient le pais de Champaigne. Si commencerent iceux assiegeans à approcher la forteresse de toutes parts, esperant iceux subiuguer, & mettre en leur obeissance, ce que point n'aduint: car dedans briebs iours ensuiuans Guillaume Corrain Anglois, & Georges de Croix, qui setenoient à Montagu, assemblerent ce qu'ils peurent auoir de gens, & sans faire long delay allerent combattre les dessusdictes communes: lesquels sans faire bien grand deffence, furent tantost vaincues, & la plus grand partie furent morts & prins. Toumesois ledit Toumelaire avecques aucuns autres se sauua, si en demoura sur la place de six à sept vingts morts parmy vne partie, qui furent ars en vne maison, où ils s'estoient retraits: & delaisserent plusieurs canons, arballestres, & aucuns autres habillemens de guerre, qu'ils y auoient apportez: apres laquelle besongne, & qu'ils eurent la forteresse reformée, les dessusdits Guillaume Corrain, & George de Croix s'en retournerent à Montagu, tresioyeux de leur victoire.

*Comment le Duc Philippe de Brabant trespassa: & comment le Duc de Bourgongne print la possession de ladicte Duché.*

**E**N cetemps mourut en la ville de Louvain le Duc Philippe de Brabant, qui par long lemps deuant à mort auoit esté moult greué de maladie langoureuse. Si furét aucuns de ses prieuz seruiteurs soupçonnez d'estre coupables de sa mort: & mesmement en y eut aucuns prins, & trespasmerent questionnez par diuerses manieres de chainnes, neantmoins la besongne ne vint plus auant à clarté. Et fut dit par aucuns maistres en medecine, dont il fut visité, qu'il estoit mort de sa mort naturelle par les excez qu'il auoit faits en sa ieunesse tant en ioustes, comme en autres choses, si fut enterré avec ses predecesseurs. Et fut la mort dudit Duc tantost mandée au Duc de Bourgogne, qui estoit à son siege deuant Compiègne: pource que la plus grād partie de la Duché de Brabant, & des appartenans, & par especial les nobles en disoient iceluy Duc de Bourgogne.

gne estre vray heritier, pourtant que le deuãtdit Duc de Brabât n'auoit nul enfant, car il n'auoit point esté marié. Et les autres disoiēt, que la Côtessē de Hainault doüagiere & tâte d'iceux deux Ducs estoit plus prochaine, & qu'à elle appartenoit ladicte succession. Toutesfois iceluy Duc de Bourgongne sçachant la mort dessusdicte, cōstitua à son siege de Compiengne aucū de ses plus feables Capitaines & Cheualiers: c'est à sçauoir Messire Jaques de Brimeu Marechal de son ost, Messire Hue de Launoy, le Seigneur de Saueuses, & aucū autres pour d'iceluy auoir le gouuernement, & l'entretenir avec le Côte de Hôtidō, & ses Anglois: & avec ce remāda hastiuemēt & sās aucū delay Messire Iean de Luxēbourg, qui estoit au païs de Soissonnois en luy requerant instāment par ses lettres & messāges, que sās delay à tout les gens soubdain il retournaist deuant Compiengne, pour du tout auoir la charge de son ost, en luy signifiant les affaires, qui luy estoient suruenuz, & comment il estoit de necessitē, qu'il s'en allast audit païs de Brabant. Apres lesquelles besōgnes ainsi faictes, & que le Duc de Bourgogne eut mis prouision, comme dit est, en son ost par la maniere cy deuant declairēe, & aussi qu'il eut deuant la porte du pont fait fortifier, & garnir de Gens d'armes & habillemens de guerre vne grande & forte Bastille, de laquelle fut Capitaine Messire Baude de Noyelle; prenant premier congé au Comte de Hontidon, il se departit & alla à Noyon: & de là par aucuns iours s'en alla à l'Isle, où il eut conseil avecques ses principaux Cōseillers: avec lesquels il s'accorda d'aller audit païs de Brabant prendre la possession, & faisine d'iceluy, & de toutes les appartenances. Au partemēt duquel s'en retourna la Duchesse sa femme au païs d'Arthois, & brief ensuiuant fut ledit Duc receu comme Seigneur & Duc de toutes les villes, & appartenances de la Duchē & autres païs, que n'agueres tenoit le dessusdit Duc de Brabant deffunct. Toutesfois la dessusdicte Comtesse de Hainault doüagiere sa tante y entēdoit auoir aucun droit, comme dit est, par dessus: nonobstant se elle considérant la grand puissance de son beau nepueu, cōtre lequel ne pouoit resister; voyant aussi la plus grand partie des nobles, & bonnes villes estre desia cōtre elle, se deporta de plus auāt en faire poursuite, & pourtāt iceluy Duc de Bourgongne en fut par tous les païs plus liberallement obeï. En ce mesmes temps la Damoiselle de Luxembourg sœur au Comte Vvalerā moult ancienne, laquelle estoit au chasteau de Beureuoir au gouuernement de Messire Iean de Luxembourg son nepueu, apprehenda & feit releuer pour luy, & en son nom toutes les Seigneuries iadis appartenantes au dessusdit Comte de Vvaleran son frere: lesquelles de nouuel luy estoient escheües comme la plus prochaine heritiere de costē de pere son beau nepueu le Duc de Brabant n'agueres trespasē. Si fut par elle que tous les sermens des officiers furent renouvellez: & se nomma depuis ce iour en auāt Comtesse de Ligny & de S. Pol sa vie durāt, & pourtāt qu'elle aimoit moult cordialemēt son dit nepueu Messire Ieā de Luxēbourg, luy dōna prendre & auoir grand partie d'icelles Seigneuries apres son trespas, dōt point ne fut biē cōtent le Côte de Conuersān Seigneur d'Anghien frere ainsē de Messire Iean de Luxēbourg, & depuis eurent aucune redarguatiō ensemble, mais en fin

*Le Duc de  
Bourgongne  
s'empare des  
terres du Duc  
de Brabant.*



se concorderent l'un avec l'autre.

*Comment Messire Jean de Luxembourg entreprit le gouvernement du siege de Compiengne: & des ordonnances qu'il y feit, & autres matieres.*

**E** T E M apres ce que le Duc de Bourgogne fut party, comme dit est, de deuant la ville de Compiengne assez brief ensuiuant vint Messire Jean de Luxembourg à tout ses gens deuant icelle ville, & en print la charge, & gouvernement de tout le siege, ainsi que par ledit Duc luy auoit esté requis & ordonné. Si feit sans delay pourueoir, & besongner necessairement à la Bastille de deuant le pont: & en commencer deux autres moindres sur la riuere au lez vers Noyô, d'ot Guy de Roye eut la charge de l'une, accompagné d'Aubellet de Folleuille, & autre de sa compagnie, & de ses gens: & la seconde fut baillée à un routier de Boullenois nommé Branart: avecques lequel furent commis aucuns arbalestriers Genneuois, Portugalois, & autres d'estrange païs. Et apres ledit de Luxembourg se prepara pour passer leaüe, & par dessus le neuf pont contre Venete, alla loger en l'Abbaye de Royaulieu avecques luy Messire Jacques de Brimeu Marechal de l'ost, Messire Huet de Launoy, le Seigneur de Cresquy, le Seigneur de Saucuses, le Seigneur de Humieres, Messire Dauiod de Poix, Ferry de Mailly, Messire Florimont de Brimeu, & plusieurs autres nobles hommes se logerent tant en l'Abbaye comme au village, qui estoit moult desolée, & es vignes & iardins à l'environ: & demoura le Comte de Hontidon à son logis à Venete avecques ses gens. Durant lequel temps firent iceux assiegez plusieurs saillies de pied, & de cheual: ausquelles tant d'une part, comme d'autre furent aucuns prins, & naurez non mie en grand nombre. Si fut par lesdits assiegeans encommence une grande Bastille à un trait, & demy d'arc pres ladicte ville, en tirant vers la porte de Pierrefons: dedans laquelle pour la garder, furent commis le dessusdit Marechal de l'hostel, le Seigneur de Cresquy, Messire Florimont de Brimeu avecques eux trois cens combattans ou environ, qui tous ensemble se logerent dedans ladicte Bastille auant qu'elle fut du tout parfaite ne fortifiée, & y furent par longue espace de temps logez: auquel temps les assiegez souffrirent moult

*Famine à Compiengne.*

grand destresse de famine, & ne pouoient pour nulle finace recouurer des viures dedans leur ville: car en l'espace de quatre mois entiers n'en fut dedans icelle ville vendu en public. Si furent adonques enuoyez plusieurs messagiers au Marechal de Boussac, au Comte de Védosme, & aux autres Capitaines du Roy Charles, pour eux requerir instamment, qu'ils voulussent secourir icelle ville de Compiengne: laquelle estoit mault oppressée par lesdits assiegeans. Item entre-temps que les tribulations dessusdictes duroient s'assemblerent le Marechal de Boussac, Pothon de Sainte-Treille, Theolde de Valleperge & plusieurs autres Capitaines François. Si allerent assieger la ville de Proisy sur Oise: dedans laquelle estoit le Bastard de Cheureux à tout quarante combattans ou environ, qui assez brief furent contrains d'eux redre à volenté: & en y eut la plus grande partie mis à mort par les gismes dudit Marechal de Boussac. Et depuis qu'ils se furent ainsi

*Proisy sur Oise demolie.*

rendus, la forteresse fut demolie, & pareillement furent prinſes par les deſſusdits Cathu le fort mouſtier, le Chaſtel & aucunes autres places, eſquelles furent executez à mort la greigneur partie des compagnons qui dedans eſtoïent. Toutesſois ledit Mareſchal, ne les autres de la partie du Roy Charles ne firent ſur les aſſiegeans de Compiengne aucune entreprinſe, comme il eſt accouſtumé de faire en tel cas, iuſques au derrain que le ſiege fut leué comme cy apres ſera plus à plain declairé. En ce tēps le Duc de Northfolk Anglois ſe tenoit à trefgrand puiſſance ſur les marches de l'Isle de France, où il meit pluſieurs fortereſſes en l'obeiſſance du Roy Henry: c'eſt à ſçauoir Dampmartin en la Gohelle, la Chaffe Mongay, & aucunes autres. Et pareillement d'autre coſté le Côte d'Eſtanfort print d'aſſault la ville de Bray comte-Robert, par le moyen de laquelle ſe rēdit la forteresse du lieu, laquelle eſtoit moult forte. Et de là ledit Comte ſ'en alla paſſer l'eauie de Seine avecques toute ſa compagnie, & fourrager tout le païs iuſques aſſez pres de Sens en Bourgongne: & apres ſ'en retourna à tout grād proye au lieu dōt il ſ'eſtoit party, ſans ce qu'il trouuaſt nul de ſes ennemis, qui luy feiſſent aucun deſtourbier: & brief enſuiuant print le Queſne en Brie, grād Puys, Rappellō: & en fin ſeit bien prēdre quatre vingts de ceux qui eſtoïent dedans ledit Queſne. Et pareillement print la forte tour de Bus: laquelle avec les autres places deſſusdiētes fut toute deſolée: & eſtoient dedans Bray-Comte-Robert, quand elle fut prinſe, Meſſire Iaques de Milly, & Meſſire Iean de la Haye, leſquels furent priſonniers aux Anglois, & depuis eſchaperent de leurs mains parmy payant grand finance.

*Comment le Prince d'Orenge fut rué ius par les François.*



EN l'an deſſusdit le iour de la Trinité, ſe meit ſus le Prince d'Orenge à tout douze cēs combattans ou enuiron: leſquels il mena au païs de Languedoch, où il meit en ſon obeiſſance pluſieurs chateaux tenans le party du Roy Charles. Et pareillement ſeit en Daulphiné, dont grandement deſpleut audit Roy, & à ceux de ſa partie. Si fut par luy conclud avecques ceux de ſon Cōſeil pour y reſiſter, que le Seigneur de Gaucourt Gouverneur de Daulphiné, Meſſire Ymbert de Gauler Senefchal de Lyō ſur Roſne, & Rodigue de Villādras feroiēt leur aſſēblée des nobles hōmes du païs, & ce qu'ils pourroient recouurer de gēs de guerre, & fleur de droiētes Gens-d'armes d'eſlite, pour iceluy païs deffendre & recouurer: leſquels quand ils furēt mis tous enſemble, ſetrouuerēt de quinze à ſeize cens combattans. Si ſ'en allerēt mettre le ſiege deuāt vne forteresse nommée Coulembier, laquelle en aſſez brief terme ſe rendit aux deſſusdits Capitaines. Et entretēps entra le Prince d'Orenge deſſusdit, qui ſ'eſtoit retraict en ſa marche, ſçachāt ſes ennemis à puiſſance eſtre ſur lēs champs, & que deſia auoient aſſiegé icelle forteresse, que ſes gens tenoient, enuoya haſtiuement & ſans delay ſes lettres, & meſſagiers deuers les Seigneurs, Nobles, & gens de guerre du païs de Bourgongne, & auſſi d'autres lieux, où il auoit ſes amis, alliez, & bien-vueillans. Si ſeit ſi bonne diligence, qu'en aſſez briefs iours enſuiuans il aſſembla trefgrād nombre de nobles hōmes, leſquels

lesquels il conduisit & mena vers le pays où estoient ses ennemis, esperant secourir ladicte forteresse, qui par auant, comme dit est, s'estoit rendue en la main des François: lesquels François par leurs espies sçauoient la venue des Bourgongnons: & pource s'estoient preparez en grand diligence pour les receuoir, & combattre. Et de fait tous ensemble par tresbonne ordonnance se meirent à chemin pour aller au deuant d'eux, & les rencontrèrent entre Coulembier, & Hauton: mais les dessusdits Bourgongnons venoient parmy vn bois, & ne se peurent pas du tout bonement rassembler ne mettre en plaine ordonnance de bataille, par ce qu'iceux François les enuahirent soudainement & vigoureusement. Toutesfois de premier venue y eut trespassement, & merueilleuse rencontre. Entre lesquels de ceux de la partie de Bourgogne se mit à pied vn moult vaillant Cheualier nommé Messire Loys de la Chappelle, & avecques luy aucuns de ses gens: mais il fut tãtost mis à mort: & finalement & pour briefue conclusion les François obtindrent, & gaignerent le champ, & demourerent maistres. Si y furent morts sur la place enuiron de deux à trois cēs Bourgongnons largement, & si en y eut de prins six vingts ou plus: desquels prisonniers furent les principaux le Seigneur de Buffly fils au Seigneur de saint George, le Seigneur de Varemboin, lequel eut le nez abbatu d'une taillade, Messire Ieā Loys fils au Seigneur de Conches Seigneur de la Freré, Thibault de Rougemont, le Seigneur de Ruppes, le Seigneur d'Escabonne, Messire Iean de Vienne, le Seigneurs de Raix, Iean de Baude, Messire Duc de Sicon, Girard de Beauuoir, & plusieurs autres iusques au nombre dessusdit. En laquelle iournée se departirent plusieurs Bourgongnons en grand desroy: lesquels pouoient estre enuiron de seize à dixhuiet cens combattans, desquels furent les principaux le dessusdit Prince d'Orenge. Et fut iceluy Prince chassé iusques à Authun, où il se sauua à grand peine, le Comte de Fribourg, le Seigneur de Montagu, c'est à sçauoir Messire Ieā de Neufchastel, qui portoit l'ordre de la toison d'or, qui luy fut ostée, le Seigneur de Palmes, & moult d'autres notables Gentils-hommes, s'en allerent en fuyant par plusieurs parties, & en diuers lieux. Et fut ceste besongne enuiron l'heure de tierce: en laquelle se porta tres vaillamment le dessusdit Rodigue de Villandras, qui menoit l'auantgarde des François: lesquels François apres ceste besongne se rassemblerent, & eurent moult grand ioye de leur bonne victoire, en remerciāt & loyant Dieu leur Createur: & depuis par le moyen de ceste destrouffe, conquerirent sur la partie de Bourgogne plusieurs villes & forteresses: dont l'une d'icelle fut Aubrune qui estoit audit Prince d'Orége, laquelle apres qu'elle fut prinse, fut par iceux François demolie.

*Desconfiture  
d'aucuns  
Bourgongnons.*

*Comment les François vindrent deuant la ville de Compiengne, où ils  
leuerent le siege des Bourgongnons.*

**E**T EM apres que le Comte de Hótidon, & Messire Iean de Luxembourg eurent par grand espace de temps, & à grand labeur continue leur siege deuant la ville de Cōpiengne, & moult astraint de famine les assiegez par le moyen des Bastilles, & approches qu'ils auoient



faictes entour d'icelle ville: & qu'ils esperoient en assez brief terme auoir la fin & conclusion de leur entreprinse, & ladicte ville reduire en leur obeyssance; le mardy deuant le iour de Toussaincts les François en nombre de quatre mille combattans ou enuiron: desquels principaux estoient les Mareschaux de Boufasc, le Comte de Vendosme, Messire Iaques de Chabanes, Pothon de sainte Treille, Messire Regnault de Fontaines, le Seigneur de Longueual, Messire Loys de Vaucourt, Allain Giron, & plusieurs autres vaillans Capitaines: qui par plusieurs fois auoient esté moult instamment requis de Guillaume de Flauy, & des autres assiegez en ladicte ville de Cöpiengne de bailler secours; vindrent loger tous ensemble au moins la plus grand partie en la ville de Verbrie, à tout foison de viures & grand nombre de payfans, qui auoient plusieurs instrumens, coignées, syes, louchez, serpes, hoyaux & autres pareils ostils pour refraire, & reparer les chemins parmy forests, & autres lieux, que les assiegeans auoient empeschez en plusieurs parties: tant de gros bois, qu'ils auoient fait abbatre & trauersez esdits chemins, comme de fosséz qu'ils auoient fait faire, & autres empeschemens. Laquelle assemblée, & logis sceuront assez briefceux assiegeans: & pourtāt quand partie des chiefs de guerre, & des plus notables sceurent ce, se merrent ensemble à conseil pour auoir aduis l'un avec l'autre: sçauoir s'il seroit bon, qu'ils allassent au deuant de leurs ennemis pour les combattre, ou s'ils les attendroient à leur siege: laquelle besongne mise en conseil fut de plusieurs debattue: & vouloient les aucuns, qu'on les alast combattre deuant qu'ils venissent plus auāt: & les autres pour plusieurs raisons disoient, qu'il valloit mieux les attendre, & eux fortifier & apprestier pour les receuoir. Disant oultre, que s'ils laissoient leur siege pour aller vers les François, & leurs Bastilles malgarnies: lors les assiegez qui estoient en grand destresse, desirans estre deliurez du grand dangier où ils estoient, pourroiet moult greuer lesdictes Bastilles, ou à tout le moins s'en pourroient aller, & eux mettre à sauueté, là où ils pourroient le mieux: & pour tant retourna ce conseil de la plus grand partie. Si conclurent tous ensemble d'un commun accord, d'attendre toutes aduentures, & de y resister de tout leur pouir. Si furent les ordonnances telles qui s'ensuit. Il est à sçauoir que le lendemain trefmatin, qui estoit le mercredy, le Comte de Hontindon à tout ses Anglois passeroit l'eäue par le neuf pont: & viendroit vers Royaulieu pour luy mettre en bataille avec Messire Iean de Luxembourg, & laisseroit en l'Abbaye de Venete, qui estoit forte la plus grand partie de leurs gens, cheuaux, & bagages avec vn pou de ses gens, qui seroient commis pour les garder. Et aulsi pour garder le Pont. Item fut ordonné, que tous les chars, charrettes, cheuaux, marchans, viures & autres telles besongnes fussent mis, & retraits en la dessusdicte Abbaye de Royaulieu: à laquelle garde fut commis Messire Philippe de Fosseux, & le Seigneur de Cochen. Item fut ordonné, que Messire Iaques de Brimec à tout trois cens combattans ou enuiron, demouroiet en leur Bastille. Et leur fut promis par les Seigneurs, que si on les alloit assaillir, & ils auoiet affaire, on leur iroit secourir sans point de faulte à certain signe qui fut denommé, lequel ils deuoient faire, s'il leur sourdoit necessité.

*Resolution de  
ceux qui as-  
siegeoient Cö-  
piengne.*

nécessité. Item fut ordonné, que la grand Bastille qui estoit delez le pont vers Marigny, s'entretenoit : pareillement feroient les deux autres, qui estoient sur l'eau au lez vers Cleroy. Apres lesquelles ordonnances tous les Seigneurs se retirèrent chacun en son logis, & admonesterent, & induirent iceux chascun en droit foy, leurs gens de eux preparer pour le lendemain attendre leurs ennemis. Et avec ce fut ordonné à faire bon guet en plusieurs lieux, où il appartenoit tant de pied comme de cheual. Et le lendemain selon leurs ordonnances dessusdictes, le dessusdit Comte de Hontindon, & six cens combattans s'alla mettre en bataille avec Messire Jean de Luxembourg entre Royaulieu, & la Forest au lez, où ils pensoient que leurs ennemis deussent venir. Et les autres tant des dessusdictes Bastilles comme de ceux, lesquels devoient garder les dessusdits logis se meirent chacun en bonne ordonnance, pour deffendre ce à quoy ils estoient cōmis. En apres à ce mesme mercredy les François, qui estoient logez à Verbrie (comme dit est) se meirēt dès le point du iour en plains chāps : & fut ordōné par le Marechal de Boufach, & les autres Capitaines, qu'ils iroient enuiron cent combattans vers le lez de Choisy à tout aucuns viures deuant eux, pour mettre dedans Compiengne, & pour resiouyr lesdits assiegez : & eux faire hastiue-  
 ment saillir à l'encontre d'eux, & assaillir la grand Bastille. Et d'autre part fut commis Porthon de sainte Treille à tout de deux à trois cens combattans ou enuiron, à aller par le grand chemin de Pierrefons deuers ladicte Bastille, & ledit Marechal, le Comte de Védosme, & les autres Capitaines à tout leurs gens s'en allerent passer entre la riuier d'Oise, & la forest, & se meirent en bataille deuers ladicte forest à l'encontre de leurs ennemis enuiron à vn trait, & demy d'arc pres l'un de l'autre : & se tenoient les dessusdits François à cheual pour la plus grand partie, reserué aucuns gisarmiers, & menues gens. Et les Anglois & Bourgongnois estoient tous à pied sinō aucuns en petit nombre, qui auoient esté ordōnez à estre à cheual. Et alors de la partie de Messire Pierre de Luxembourg furent faicts aucuns nouueaux Cheualiers, c'est à sçauoir Andrieu Seigneur de Humieres, Ferry de Mailly, l'Aigle saint Gilles, de Saucourt, & aucuns autres. Avec lequel de Luxembourg estoit Messire Hue de Launoy Seigneur de Xaintes, le Seigneur de Saueuses, Messire Dauiod de Poix, Messire Ieā de Fosseux, & plusieurs autres nobles hommes : dont la plus grand partie auoient grād desir d'assembler à bataille contre leurs ennemis, ce que bonnement ne pouoient faire : pource que (comme dit est) ils estoient de pied, & leurs ennemis de cheual, & si leur cōuenoit auoir regard de secourir leur logis, & la grād Bastille se besoing en estoit. Neantmoins il y eut plusieurs escarmouches le iour, à l'une desquelles fut rebouté le Comte de Vendosme : toutesfois d'un costé ne d'autre, n'y eut point fait grand dommage : mais entre les autres vn vaillant homme d'armes, qui estoit au Marechal de Boufach, alla ferir dedans les archiers Picards, pensant que ses compaignōs le deussent secourir, & suiur ce que point ne feirent, & pource fut tantost d'iceux archiers tiré ius de son cheual & mis à mort cruelle. Et entretant les dessusdits François, qui auoient esté ordonnez à aller deuers Choisy, noncerent aux assie-

*Ordonnance  
 des François  
 pour leuer le  
 siege.*

*Grande Ba-  
stille prinse.*

gez tout l'estat & ordonnance dessusdicte: lesquels sans delay en ferueur de hardiesse & de grand ioye, desirans sur toutes riens eux venger de leurs ennemis, qui tant de peine & de mesaise leur auoient fait souffrir, saillirent en trefgrand nombre hors de leur ville à tout eschelles, & habillémès de guerre: & de grand courage allerent assaillir la grande Bastille, où estoit Messire Iaques de Brimeu Marechal, le Seigneur de Cresquy, & les autres qui trefvigoureuement se deffendirent, & de fait les rebouterent bien arriere de leurdicte Bastille: mais assez briefreuintrent nouuelles gens d'icelle ville de Compiengne, qui de rechief allerent avecques les autres recommencer nouuel assault, lequel dura assez longuement: mais comme ils auoient esté deuant furent pour la seconde fois reboutez hors des fosses, qui estoient moult petites & pou auantageuses, & avecques ce estoit ladicte Bastille trespetitement emparée & mise en deffence. Et adonc Pothon de sainte Treille à tout les gens, qu'il conduisoit vint issir de la forest, & par empres le grand chemin de Pierrefons, s'en alla ioindre avec les François de la ville, & là tantost ensemble allerent assaillir asprement icelle Bastille: auquel assault estoient Guillaume de Flauy en grand diligence, & fier hardement, induisoit ses gens à faire tout deuoir: avec lesquels estoient hommes, & femmes, qui sans espargner grandement, & villainement en tous perils s'auanturoient à greuer leurs aduersaires: lesquels (comme dit est dessus) se deffendoient trefvaillamment, & par longue espace: mais finablement les dessusdits François feirent si bon deuoir que ladicte grand Bastille fut prinse par viue force d'armes malgré les deffendeurs, & sans remede fu rēt mis à mort dedans icelle huiēt vingts hommes de guerre, desquels estoient les principaux le Seigneur de Lignieres Cheualier, Archambault de Brimeu, Guillaume de Poilly, Druot du Sonis, Lyonnell de Touteuille, & plusieurs autres Gentils-hommes, & les autres furent tous prins, & prestement menez deuant Compiengne, c'est à scauoir ledit Messire Iaques de Brimeu Marechal de l'hostel, le Seigneur de Cresquy, Messire Florentin de Brimeu, Messire Vallerien de Beauual, Arnaoul de Cresquy, Collart de Bertancourt Seigneur de Relepot, Regnault de Saints, Thierry de Mazingien de Reteslay, le Bastard de Remy, & aucuns autres nobles homes: lesquels depuis parmy ayant grans finances furent deliurez. Durant lequel assault Messire Iean de Luxembourg qui aux dessusdits auoit promis de les secourir, oyant & voyant celuy assault multiplier eut voulenté d'y aller à tout sa puissance: mais pour les grans empeschemens, que luy bailloient & pouoient faire ses ennemis, il eut conseil d'entretenir en ordonnance de bataille, pour escheuer toutes mauuaises aduentures, qui y pouoient suruenir: si se commença entretant le iour à passer. Et adoncques ledit Marechal de Bousach Comte de Vendosme, & les autres Capitaines François se bouterent dedās la ville de Compiengne à tout leurs gens, où ils furent receuz à moult grād ioye, jaçoit ce qu'en icelle ville fussent moult contrains de famine, & que pour ceste nuit conuint à la plus grand partie souffrir grand disette de viures: neantmoins pour la bonne aduenture qu'ils auoient eüe contre lesdits assiegeans, prindrent tout en gré, & eux esiouysant menerent moult grād

liesse



lieffe les vns avecques les autres: au surplus esperans de totalement debouter leurs ennemis arriere d'icelle ville. Et mellement feirent hastiuement vn pont de bassteaux & d'autres habillemens, par lequel ils passerent: & de fait allerent assaillir vne petite Bastille sur la riuere: dedas laquelle pouoit auoir de quarante à cinquante combattans tant d'arbalestriers Geneuois, Portugalois, & d'autres brigans d'estranges marches, comme Boulonnois & d'autres lieux: laquelle Bastille fut assez briefuement subiuguée & conquise, & tous ceux de dedans mis à mort: reserué vn routier Boulonois <sup>†</sup> expert homme d'armes nommé Canart, qui estoit Capitaine: si fut prins & mené prisonnier dedans Compiengne avecques les autres. Durant lequel temps Aubele de Folleuille & ses gens, qui tenoient la forte Bastille sur la riuere doubtrant estre prins d'assault comme les autres, bouterent le feu dedans & se retrahirent es logis Anglois. Si fut par lesdits François liurée grande escarmouche à la quarte Bastille du bout du pont, laquelle estoit grande & puissante durement. Si la tenoit Messire Baudo de Noyelle: mais pour la force d'icelle & pour la grande deffence de ceux de dedans, qui estoient en vne grosse compagnie de combattans, & bien pourueuz d'artillerie, ils ne peurent riens faire, & se retrahirent pour ceste nuit dedans leur ville. Apres que les François furent entrez en ladicte ville de Compiengne (cōme dit est) & qu'il estoit desia bien tard sur le vespre, le Comte de Hontidō Anglois, & Messire Iean de Luxembourg voyant clerement que pour ce iour ne seroient point combattus de leurs aduersaires, se meirent ensemble avecques eux grand partie de leurs Capitaines, pour auoir aduis sur ce qui estoit à faire, pour sçauoir comment ils se pourroient conduire. Si fut conclud entre eux que pour icelle nuit ils se retrairoient en leurs logis, & coucheroient tous armez: & le lendemain se mettroient sur en bataille deuant ladicte ville pour sçauoir se leurs dessusdits aduersaires se voudroient combattre à eux, esperans que bonnement ne se pourroient tenir si grand nombre dedans la dessusdicte ville sans issir, attendu que tous viures, comme dit est, y estoient exillez. Apres laquelle question s'en retourna ledit Comte de Hontidon, & ses Anglois en son logis de Venete: & promet de bien faire garder le pont, afin que nuls de leurs gens ne s'en peussent aller sans congé: & Messire Iean de Luxembourg se retrahit aussi à tout ses gens en son logis de Royaulieu, & commeit gens à faire bon guet: mais en celle propre nuit y eut grand partie de ses gens, qui s'assemblerent de sa compagnie secrettement, & se prindrent à eux deloger sans trompette, & eux en aller où ils peurent le mieux. Et par especial en repassa grand partie au pont dessusdit, pour eux en aller en leur pays, lequel pont, cōme il auoit esté promis, ne fut point gardé: & pareillement s'assemblerent aucuns des gens du Comte de Hontidon. Et pourtant ce venu à la cognoissance des Capitaines muerent ce qu'ils auoient conclud, c'est à sçauoir eux mettre en bataille deuant la ville: & se disposa ledit Messire Iean de Luxembourg de luy, & toutes ses gens repasser l'eau, & aller avec ledit Comte de Hontidō: laquelle chose il feit le leudy bien matin, lequel iour les François issirent à grand puissance hors de la ville, & enuoyerent leurs coureurs en plusieurs lieux, pour sça-

*Fuite des  
Anglois &  
Bourguignons  
de leur siege.*

uoir nouuelles de leurs ennemis : lesquels apperceurent tantost qu'ils s'en estoient partis , & repassez l'eauë : si le feirent à sçauoir à leurs gens , qui de ceste chose eurent moult grand ioyë. Si s'en allerent prestement en grand nombre à l'Abbaye de Royaulieu , où ils trouuerent foison de bons viures & vins , dont ils furent remplis à largesse : si en feirent tresbonne chere , car ils ne leur auoient riens coulté. Et apres s'assemblerent la plus grand partie des plus nobles , & mieux habillez , & s'en allerent deuers le pont cõtre Venete : & sans ce qu'ils trouuassent grand deffence , rompirët le dit pont bien auant , & le ruerent en la riuere en plaine veuë des Anglois & des Bourguignons , en leur disant plusieurs iniures , & villaines parolles. Si ne furët plus iceux François en doubte que Bourgongnons & Anglois les peussent greuer pour celle fois , que le dit pont estoit rompu. Et d'autre part ce propre iour assirent tous les gros engins de ladiëte ville cõtre la bataille de messire Baudo de Noyelle , desquels ils le trauaillirent moult fort en plusieurs manieres. Et finablement pour briefue conclusion le dessusdit Comte de Hõtidon , & Messire Jean de Luxembourg avecques les plus notables de leur cõpaignie , voyans que par nulle maniere ne pouoient surmonter , ne vaincre leurs aduersaires quand à present : considerant qu'il estoit chose impossible de longuement entretenir leurs gens , delibererët tout d'un commun accord de eux en aller à Noyon , de là en leurs propres lieux , laquelle chose ils feirent. Et manderent à messire Baudo de Noyelle qu'il bõtast le feu en la Bastille , & qu'il s'en partit , & ainsi le feit comme ils luy auoient mandé. Si se deslogerent au vespre , & s'en allerent par nuict en assez meschant arroy , & petite ordonnance iusques au Pont-l'Euesque , delaisans honteusement en leurs logis , & en la grosse Bastille tresgrand nõbre de grosses bõbardes , canons , veulgaires , serpëtines , couleurines & autres artilleries avecques plusieurs engins , & habillēmēs de guerre , qui demourerët en la main des François leurs aduersaires & ennemis , lesquelles artilleries estoient au Duc de Bourgogne : pour lequel departement Messire Jean de Luxembourg eut au cueur tresgrand desplaisance : toutesfois il n'en peut auoir autre chose. Si se departirent le samedi ensuiuant luy , & le Comte de Hontidon Anglois du logis du pont-l'Euesque , & s'en allerët à Roye , & de là sans entretenement se retrahirent eux , & leurs gens chacun en leurs propres lieux & garnisons , dont ils s'estoient partiz. Et pourtant ceux qui estoient en la ville de Compiengne : sçachans icelle departie , feirent incontinct redifier le pont de dessus l'eauë d'Oize : & issirent à grãd puissance de ladiëte ville , cheuauchans à estandart desployé par plusieurs compaignies couräs en diuers lieux sur les marches , que auoient tenues leurs ennemis : & le remanant des fuyans qu'ils trouuerent meirent à l'espée. Si ardirent & embrazerët en icelle plusieurs villages , maisons & edifices , faisans en peu d'espace tresgrandes cruautez : pour lesquelles leurs ennemis eurent grand paour , si qu'à peine les osoient attendre , sinon moult doubtablement en quelque forteresse , qu'ils se teinssent : & mesmement pour la cremeur des dessusdits , se rendirent à eux sans coup ferir ne attendre nul alsault , les forteresses cy apres denommées : c'est à sçauoir Relsons sur le Mas , Gournay sur

sur Aronde, le pont de Remy, le pont sainte Maxence, Longueil sainte Marie, la ville & le fort chasteil de Berthueil, le chasteil de Guermegil, la Boissiere, le chasteil d'Ireligny les Chastiniers, la Tour de Verducil, & aucunes autres places: dedans lesquelles ils trouuerent tresgrand abondance de biens, & meirent par tout garnison de leurs gens, d'ot le pays fut en brief terme moult oppresse & trauaillé. Et par especial ceux qui tenoient le party des Anglois, & des Bourgongnons.

*Comment le Marefchal Boufach alla assieger le Chasteil de Clermont en Beauuoisis.*

**D**V R A N T les tribulations dessusdictes, le Marefchal de Boufach rassembla la plus grand partie des François, qui auoient esté à leuer le siege de Compiengne. Si feit charger plusieurs engins, & habillemens de guerre, si s'en alla mettre le siege autour du chasteil de Clermont en Beauuoisis, par l'introduction, & pourchats d'aucuns Bourgeois de la ville, dedans laquelle luy & ses gens se logerent: auquel chasteil estoient le Seigneur de Creuecueur, son frere Jean de Barentin, le Bastard Lamon avec enuiron cinquante combattans, qui tresvigoureulement se deffendirent contre iceux assiegeans, qui par plusieurs fois les assaillirent: mais ce fut sans rien gagner. Et y eut plusieurs de leurs gens occis & blesez, neantmoins ils continuerent leur siege enuiron douze iours: au bout duquel terme entra par nuit dedans le chasteil par la poterne vers les vignes Boort de Bazentin, avec luy dix combattans & vne trompette: lequel certifia audit Seigneur de Creuecueur, qu'il auroit brief secours comme c'estoit verité: car le Comte de Hontidon, qui puis n'agueres s'estoit retraits à Gournay en Normandie, s'estoit de nouuel remis sur les champs, avec luy Messire Jean Bastard de saint Pol, & mille combattans ou enuiron, en intention d'aller leuer ledit siege & secourir les assiegez, duquel secours iceux assiegeans furent aduertis, & pourtât se partirent à vn matin moult hastiuement, & y laisserent plusieurs de gros engins, qu'ils auoient amenez de deuant Compiengne. Si retournerent en leurs garnisons, & avecques eux plusieurs Bourgongnons de Clermont, qui s'estoient tournez de leur party: pour lequel departement ledit seigneur de Creuecueur fut moult ioyeux.

*Comment plusieurs Anglois & Bourgongnons veillans au commandement du Duc de Bourgongne aller assieger Garmigny furent rencontrez, & vaincuz des François.*

**L**E Duc Philippe de Bourgongne, qui estoit encorse en la Duché de Brabant, ouyt les certaines nouuelles, comment ses gens auoient esté leuez par les François de deuant la ville de Compiengne, dont il fut moult esmerueillé & troublé, tant pour la perte de ses gens, qui y auoient esté morts & prins, comme pour les grans fraiz, & dommages que auoit soustenus à l'occasion dudit siege. Et pourtant se prepara à tout ce qu'il pcut auoir de gens pour retourner en son pays d'Arthois, où il couoqua tous les Nobles du pays, & de la marche enuiron, qu'ils veinssent sans delay deuers luy à tout ce qu'ils pourroient auoir



de gens de guerre. Et se trahit ledit Duc à Peronne, & feit partir aucuns de ses Capitaines pour aller loger à maniere d'auantgarde deuers Lyhon en Santers: c'est à sçauoir Messire Thomas Kiriell Anglois, laques de Helly, Messire Dauiod de Poix, Anthoine de Vienne, & autres accompaignez de cinq à sis cens combattans. Et entretant le dessusdit Duc de Bourgongne en attendant ses gens, se preparoit pour les suiuir en intention d'aller loger à Garmigny, où estoient dedans la forteresse les François (comme dit est dessus) qui moult trauaillerent le pays à l'enuiron. Si aduint que les dessusdits Capitaines enuoyez, comme dit est, par le Duc de Bourgongne se deslogerent au matin apres qu'ils eurent couché és dessusdits villages vers Lyhon en Santers, & prindrent leur chemin à aller à Garmigny en plusieurs troupeaux, sans eux mettre en ordonnance de bataille ne enuoyer leurs coureurs deuant eux, ainsi que le font, & ont accoustumé de le faire droictes Gens-d'armes experts en fait de guerre, & mesmement quand ils furēt pres de leurs ennemis. Et adonc vint deuers eux de la ville de Roie, dont il estoit Capitaine Gerard Bastard de Brimeu, à tout enuiron quarante combattans, & cheuaucherent les dessusdits l'un assez pres de l'autre iusques à vne ville nommée Bouchoire. Si trouuerent en leur chemin plusieurs liures: apres lesquels fut fait grand desroy de courre & de huer; & n'auoient adonc point lesdits Capitaines de regard d'entretenir, ne rassembler leurs gens ainsi qu'ils deuoient: & aussi la plus grand partie d'iceux n'auoient point tout leur harnois sur eux. Pour laquelle negligence il leur mesaduint villainement: car ce propre iour Pothon de sainte Treille estoit venu du matin audit lieu de Garmigny, & là à tant de ses gens qu'il trouua audit Chastel comme à tous ceux qu'ils auoient amenez tira aux champs: & pouoit auoir enuiron douze cens combattans, dont la plus grand partie estoient droictes gens de guerre, experts & esprouuez en armes: à tout lesquels il print son chemin droit deuers Lyhon en Santers, & si feit sagement cheuaucher aucuns de ses coureurs deuant, pour descourir & enquerir nouuelles de ses ennemis: lesquels venuz empres ladite ville de Bouchoire, ouyrent crier & apperceurent l'estat, & ordonnance de leursdits aduersaires: & pourtant sans delay & en grand diligence retournerent deuers leurs Capitaines, auxquels ils nōcerent ce qu'ils auoient ouy, & veu. Sur lequel rapport Pothon dessusdit feit incontinent habiller ses gens de tous points, & moult soubdainement les mena, & conduit deuers ses ennemis dessusdits en leur admonnestant que chacun s'acquiesast en droit soy, & feit bon deuoir de combattre leurs ennemis: lesquels les ennemis estoient trespetitement preparez pour batailler. Et pourtant Pothō, & ses gens venans sur eux d'un vouloir soubdain en grand bruit, & roideur auant qu'ils se peussent mettre en ordonnance, les eut tantost esparpillez, & mis en grand desroy: & furent la plus grand partie portez ius de fers de lances de leurs cheuaux. Toutesfois les Capitaines avec aucuns de leurs gens se rassemblerent à l'estandart de Messire Thomas Kiriell, & commencerent à eux mettre à deffence vigoureusement: mais ce riens ne leur vallut: car comme dit est, greigneur partie de leurs gens estoient desia tournez à grand

à grand meschief, & à grand desroy, fuyât en plusieurs, & diuers lieux pour eux sauuer. Pourquoy en assez brief terme ceux qui estoient demourez sur les champs, furent tournez à desconfiture morts & prins, & sans nul remede: desquels morts furent principaux Iaqués de Helly, Anthoine de Viëne & avec eux de cinquante à soixante tant Bourgognons, comme Anglois: & avec ce en furent prins de quatre vingts à cent: desquels estoient les principaux Messire Thomas Kiriél dessusdit, & avecques luy de ceux de la famille deux vaillans hommes d'armes, c'est à sçauoir vn nommé Robin, & l'autre Guillaume Couroüan. Et de la mesme partie des Bourgongnons furent eussi prins Messire Dauiod de Poix, l'Aigle de Saints Cheualier, l'Hermitte de Boual, & aucuns autres avec eux, iusques au nombre dessusdit. A laquelle destrouffe se cuida retraire à Roye, dont il s'estoit party, Gerard le Baltard de Brimeu: mais pource qu'il auoit vestu vne housse d'orfauerie & de grand nombre, il fut roidemét poursuiuy de ses ennemis, & en fin prins des François, & ramené avecques les autres. Apres laquelle desconfiture ledit Pothon remeit ses gens ensemble, & delà à tout ses prisonniers à Garmigny premier despouille, ceux qui morts gisoient sur les chäps: entre lesquels furent trouuez occiz tant seulement quatre ou cinq des gens dudit Pothon. Auquel lieu de Garmigny luy, & les siens se rafreschirēt le iour & la nuit ensuiuant, & le lendemain emmena toutes ses gens, & laissa la forteresse en la main des habitans de la ville: & pareillement feit desgarnir la Boissiere, que ses gens tenoient, & icelle mettre au feu, & en flambe. Si s'en alla à Reßons sur le Mas: & delà à Compiengne à tour ses prisonniers, où il fut receu ioyeusement pour la victoire, qu'il auoit eüe sur ses ennemis. Ouquel temps ledit Iaqués de Helly fut là enterré en l'Eglise, & les autres pour la plus grand partie furent enterrez en l'Eglise, & cymetiere de Bouchoire assez pres de la place, où ils auoient esté occiz,

Prisonniers  
Anglois &  
Bourgognons  
pres Bouchoire.

*Comment les François demanderent à auoir bataille contre le Duc de Bourgongne, & à sa puissance: laquelle ledit Duc par son Conseil ne voulut accorder, & autres matieres.*

**E**N ce mesme iour que la bataille eust esté des François & des Bourgongnons empres Bouchoire, furent portées les nouuelles au Duc de Bourgongne de la perte, & desconfiture de ses gens dessusdits, lequel Duc estoit demouré à Peronne: pour lesquelles nouuelles il fut grandement troublé, & par especial pour la mort de Iaqués de Helly & Anthoine de Vienne. Si furent mandez à venir deuers luy les Capitaines là estans: c'est à sçauoir Messire Iean de Luxembourg, le Vidame d'Amiens, le Seigneur d'Antoing, le Seigneur de Saueuses, & plusieurs autres avec ceux de sō hostel: avec lesquels il cōclud d'aller loger à Lyhon en Santer, laquelle chose il feit ce propre iour, & le lendemain il setira à Roye en Vermandois, & là seiourna enuiro huiēt iours, attendāt le Comte d'Estāffort, le Comte d'Arondel, & aucuns autres Anglois, que parauant il auoit mandez à venir vers luy: durant lequel temps s'assemblerēt plusieurs Capitaines, tenans le party du Roy Charles: & avec eux seize cens

combattans ou enuiron, c'est à sçauoir le Marechal de Bouffach, & le Cote de Vendosme, Messire Jaques de Chabannes. Guillaume de Flauy, Pothon de sainte Treille, le Seigneur de Longueual, Messire Regnault de Fontaine, Messire Loys de Vaucourt, Allain Guyon, Bouffart, Blanchefort, & plusieurs autres, qui tous ensemble passerent en belle ordonnance aupres de Montdidier : & de là s'en allerent loger à deux lieues pres de Roye en deux villages. Et le lendemain trefmatin se meirent tous ensemble & conclurent tous d'un commun accord, & affermerent à combattre le Duc de Bourgongne, & sa puissance, si le vouloit contre eux mettre aux plains champs. Et afin que ledit Duc fut ce aduerty, ils enuoyerent vers luy un Herault luy signifier ladicte conclusion. Lequel Duc sçachant les nouuelles dessusdictes, feit responce qu'ils seroient combattus : toutesfois la besongne fut atargée par ceux de son Conseil, lesquels luy demonstrent plusieurs raisons : disans qu'il n'estoit mie à luy propice de mettre son corps, & son honneur en aduventure contre telles manieres de gés & compagnies, sans y auoir nul Prince, ne seigneur de grande auctorité, & aussi qu'il auoit pou de gens, & que ils estoient esbahis, & effrayez tant pour la perte, qu'ils auoient faicte au siege de Cōpiengne, cōme pour la destrouffe de Jaques de Helly. Et pourtant ledit Duc trefgriefuement au cuer courroucé de ce qu'il ne pouoit faire sa voulenté, creut son Conseil : lequel feit faire responce absolute ausdits Francois : que s'ils vouloient attendre iusques au lendemain, on les laisseroit loger paisiblement : & si on leur liureroit certaine quantité de viures, & avec ce les combattroit Messire Jean de Luxembourg, & de ce on feroit bonne seurété : lesquels François ceste responce ouye, dirent qu'ils n'en feroient rien : mais si ledit Duc (comme dit est) se vouloit mettre aux champs ils estoient prests de le combattre : durāt lequel temps islit ledit Duc de Bourgongne à tout sa puissance, & se mit en bataille au dehors de la ville de Roye, & les François estoient pareillement en bataille : mais à grand peine pouoient ils passer de l'un à l'autre, pour aucunes caües de marests, qui estoient entre les deux batailles. Neanmoins si furent icelles choses faictes entre iceux deux parties plusieurs escarmouches, durant lesquels la nuit approcha tresfort. Et pource iceux François se retrahirent vers Compiengne moult indigne, faisans grans mocqueries dudit Duc de Bourgongne, & ses Capitaines, disant qu'ils ne les auoient osé combattre. Et ainsi s'en retournerent chacun en leurs garnisons, & ledit Duc avec les siens retourna dedans la ville de Roye, auquel lieu brief ensuiuant vint deuers luy le Comte d'Estanfort à tout six cens combattans ou enuiron. Et adonc ledit Duc luy partant de Roye alla loger à Leigny les Chastiniers : où auoit vne petite forteresse, dedans laquelle estoit l'Abbé de saint Pharon de Meaulx frere au Seigneur de Gamaches : & avec luy enuiron quarante combattans François, lesquels furent signifiez d'eux rendre en la voulenté dudit Duc, ce que faire ne voulurent : pourquoy on les assaillist prestement, si fut en brief leur basse court prinse de force. Si s'apperceurent tantost qu'ils ne pourroient tenir leur fort ne le deffendre, & pource se rendirent en la voulenté dudit Duc, lequel les



liura à Messire Iean de Luxembourg pour en faire à sa volenté, & ladicte forteresse fut arse & demolie. Si firent ceux de Noyô audit Duc priere & requeste, qu'il les voulsist deliurer de la forteresse d'Ine, qui moult les oppressoit: mais pource qu'il estoit hiuer, & que ledit Duc n'auoit point gens à son plaisir, s'en retourna à Montdidier & y meit garnison: & par Corbie vint à Arras, & par Arras, en son pays de Flandres: & le Comte d'Estanffort à tout ses Anglois retourna en Normandie. En cest an fut prinse la ville de Coulôbiens en Brie par eschelles au point du iour, par ceux de la garnison de Meaux en Brie, qui tenoient le party du Roy Henry d'Angleterre: de-  
dans laquelle ville de Colombiers estoit de par le Roy Charles comme Capitaine Messire Denys de Chally: lequel oyant cest effroy, se sauua par dessus les murs, & avecques luy plusieurs autres, en abandonnant tous leurs biens. Si estoit ladicte ville remplie de tous biens, & de toute ceste guerre n'auoit esté prinse de nulle des parties: toutesfois elle fut pillée & les habitants mis à rançon, sinon ceux qui se sauuerent par fuitte. En cest an Pierre de Luxembourg Comte de Conuerfan, & Brayne, successeur de la Comté de saint Pol, & des appartenances, feit certain traité avec ses deux freres: c'est à sçauoir Loys Euesque de Theroüenne, & Messire Iean de Luxembourg, des terres dessusdictes, par condition que ledit Euesque deust auoir le chastel de Huclies en Boulonnois, la Chastellenie de Tingry avec toutes les appartenances. Et ledit messire Iean de Luxembourg eut pour sa part à luy, & à ses hoirs la Comté de Leigny en Barrois, & les terres de Cambresis iadis appartenans à Vallerian Comte de saint Pol: c'est à sçauoir, Bohain, Serin, Helincourt, Marçoin, Coutaig, & aucunes autres notables Seigneuries. Et pourtant de ce iour en auant on nomma ledit Messire Iean de Luxembourg en tous ces tiltres Comte de Leigny, Seigneur de Beaurevoir & de Bohain. Et tout le surplus dessusdictes Seigneuries demourerent au dessusdit Pierre de Luxembourg, lequel se nomma en cas pareil Comte de saint Pol, de Conuerfan, de Brayne, & Seigneur d'Anghien. Item le trentiesme & dernier iour de Septembre de cest an, fut nay en la ville de Bruxelles le premier fils du Duc Philippe de Bourgongne, & la Duchesse Ysabel fille du Roy de Portugal son espouse: lequel fils en son baptesme fut nommé Anthoine, & à l'auenue par toute la ville de Bruxelles fut faicte grand ioye & grand liesse. Et estoit alors en celle ville le Comte de Nuche nepueu de l'Empereur d'Allemagne: lequel tenoit grand & noble estat, & alloient luy, & aucuns de ses gés les testes nuës chacun vn chappel verd sur son chief, en signifiant qu'il estoit chaste, jaçoit-ce qu'il faisoit moult fort & dur temps. Et tindrent iceluy enfant sur les sons ledit Comte, & l'Euesque de Cambrai. Et les marrines furent la Duchesse de Cleues, & la Côttesse de Namur, & y auoit bien trois cens torches tât de l'hostel dudit Duc, comme de ceux de la ville: lequel enfant alla de vie à trespas l'an ensuiuant. Et quand les nouuelles en furent portées audit Duc de Bourgongne, il en fut moult desplaisant & dit: *Pleust à Dieu que ie feusse mort aussi ieune, ie m'en tiendroye pour bien beureux.* En l'an dessusdit fut prins dedans son chastel à Auchel Messire Anthoine de Bethune Seigneur de Mareul,

*Prinse de  
Coulombiers  
par les An-  
glois.*

*Accord entre  
les freres de  
Luxembourg*

*Naissance du  
premier fils  
du Duc de  
Bourgogne.*

*Parolles du  
Duc à la mort  
de son fils.*

qui auoit enuiron trente combattans : & l'auoit assiegé le Comte de Vendosme, de Thomelaire, Preuost de Laon, dont i'ay parlé cy dessus avec grand nombre de communes. Lequel messire Anthoine voyant que bonnement ne pouoit tenir la forteresse, se rendit audit Comte par condition, qu'il s'en iroit luy & ses gens sauement : mais nonobstant lesdictes promesses à luy faictes quand ce vint au partir, il fut mis à mort par icelles communes, & avec luy vn Gentil-homme nommé Frâquet de Beguynes, pour la mort desquels iceluy Comte de Vendosme fut trefdolent : mais il n'en peut auoir autre chose. Et avec ce fut ladicte forteresse toute arse & demolie, dont Messire Iean de Luxembourg fut fort troublé, quand il vint à sa cognoissance, à cause de ce que ledit Anthoine estoit cousin germain de Madame Ianne de Bethune sa femme, fille du Vicomte de Meaulx : & print grande indignation contre ceux de Laon.

*De l'an mille ccccxxxj.*

*Comment les gens d: Messire Iean de Luxembourg prirent le fort de saint Martin, auquel ils furent tous morts & prins.*

**E**N l'an dessusdit: c'est à sçauoir au commencement de cest an mille cccc.xxxj. l'assemblerēt aucuns Capitaines de Messire Ieā de Luxembourg Côte de Leigny: c'est à sçauoir Messire Iean de Lalaing, Bertrand de Manicain, Enguerrant de Crequy, Enguerrant de Gribanual, & aucuns autres accompaignez de cccc. combattans, ou enuiron des frontieres de la marche de Laonnois. Si s'en allerent tous ensemble iusques au fort de l'Abbaye de saint Vincent lez Laon, où alors se tenoient aucuns François : & entrerēt dedans par subtilité auāt qu'ils fussent aperceuz, & là commencerent à faire vn tresgrand cry: auquel cry s'esueillierent ceux qui leans estoient en vne forte porte, & vigoureusement se meirent à deffence: durant lequel temps iceluy effroy fut sceu dedans la cité de Laon par le Seigneur de Pénescac, qui estoit dedās. Lequel saualla pour aller querir secours dedans Laon, lequel secours il amena: pourquoy sans delay les Gens-d'armes avec le tout † irez de sçauoir tels voisins pres de luy, se habillerent en grand nōbre, & issirent incontinent hors de leur cité pour ayder, & secourir leur gens qui (comme dit est) estoient dedans la forte porte, où ils se deffendoient contre leurs ennemis: desquels vne partie attendoient à piller les biens de ladicte Abbaye, & aucuns lieux, & n'auoient point regard à poursuiuir premier, ne mettre à fin leur emprinse, ne aussi aux perils qui leur en pouoient aduenir. Si furent tout soudainement enualhis des dessusdits Gens-d'armes d'un commun accord, & tresaprement combattuz: & en conclusion furent mis à grand meschief & à desconfiture, & y en mourut sur la place soixante des plus notables: entre lesquels y furēt morts Bertrand de Manicain, & Enguerrannet de Gribanual: lequel Enguerrannet offrant grand finance pour sa rācon ne fut à ce receu, pource que lesdictes communes auoient sur luy grand haine, pour la diuerse & desordonnée guerre, qu'il leur auoit long tēps parauant faicte: & messire Ieā de Lalaing fut prins prisonnier, & eut la vie sauue par le moyē d'un gentil-gallād de la garnison

† courrou-  
ccz.

garnison nommé Archancel, qui estoit bié aymé desdictes cōmunes avec lequel Messire Symon fut prins Enguerrât de Cresquy, & aucuns autres en petit nombre: & le surplus sçachant ceste male aduerture, se retrahirent és lieux d'or ils estoient venuz: pour laquelle besongne ainsi aduenue, le dessusdit Messire Jean de Luxembourg eut au cueur tresgrand tristesse nō pas sans cause: car il perdit en ceste destrouffe grād partie de ses plus vaillās hōmes de guerre: & y fut aussi mort le frere dudit Seigneur de Pēnesac nommé lamer. En ce tēps fut cōquis le fort chastel de Rambure par les François: & le print par eschelles d'ēblée vn nommé Charles des Marests, qui estoit au Seigneur de Rambures prisonnier en Angleterre: auquel ledit chastel appartenoit, lequel auoit en sa garde pour la partie du Roy Héry Messire Ferry de Mailly, & fut par le moyen de ceste prinse grand entrée pour les François au païs de Vimeu en la Marche à l'enuirō cōme cy apres sera declairé.

*Cōment Pothō de sainte Treille, & Messire Loys de Vaucourt surēt prins des Anglois.*

**T** E M en l'an dessusdit le Marechal de Boufach, Pothō de sainte Treille, Messire Loïs de Vaucourt, & aucuns autres Capitaines tēnans le party du Roy Charles, accōpaignez de huiēt cens cōbatans ou enuirō, se partirent de la ville de Beauuais pour aller querir leurs aduertes, & fourrer le païs enuers Gournay en Normādie. Avec lesquels y estoit vn que les François nōmoient Pasturel: & le vouloient exaucer en renommée, comme & par telle maniere comme par auant auoit esté Jeanne la Pucelle. Si fut sceu leur entreprinse, & rapportée au Côte de Varuich, lequel en grād diligēce assembla iusques à six cens combattans: & cheuaucha en tirāt de Gournay à Beauuais, & recōtra ses ennemis qui point ne se doubtoient de sa venue aupres d'une ville nommée Gournay: lesquels de luy & de ses Anglois furent asprement assaillis, & en fin sans ce que par eux fut faicte grand deffence, furent desconfits, & mis en desroy: & furent prins de premiere venue Pothō de sainte Treille, Messire Loïs de Vaucourt, & avec eux soixante combattans ou enuirō, & les autres referuē huiēt ou dix, qui furent morts se sauuerent avec ledit Marechal en retournant à Beauuais. Aupres duquel lieu furent par iceux Anglois poursuiuis & rechassez moult viuement: & apres ledit Comte de Varuich r'assembla ses gens, & retourna à Gournay moult ioyeux de sa bonne aduerture, & depuis à Roüen deuers le Duc de Bethfort: duquel ils furent ioyeusement receuz.

*Comment Maillotin de Bours, & Messire Hector de Flauy se combattirent l'un contre l'autre en la ville d'Arras.*

**E** Xx. iour du mois de Iuing en cest an, fut fait à Arras en la presence du Duc de Bourgōgne vn chāp d'armes, entrepris par auāt de Maillotin de Bours appellāt cōtre Messire Hector de Flauy deffendāt. Et estoit la querelle, pource que ledit Maillotin auoit accusé ledit Messire Hector deuers ledit Duc de Bourgōgne, en disant qu'il auoit volenté de soy rendre son ennemy, & se tourner du party du Roy Charles: & luy auoit requis qu'il s'en voulsist aller avecques luy, & que



d'un commun accord preinsent Guy Guillebault, lequel estoit Gouverneur des finances d'iceluy Duc, ou quelque autre bon prisonnier pour payer leurs despens. Sur lequel rapport auoit esté chargé de par le dessusdit Duc audit Maillotin, que luy mesmes print ledit Hector, & l'amenast prisonnier en la ville d'Arras, ce qu'il feit: car luy receu le mandement dessusdit, fut accompagné de gens en nombre competent, & s'en alla en vn ville empres Corbie nommé Bauray, si le manda, & ledit Messire Hector vint deuers luy comme non sçachant que ledit rapporteur eut esté fait de luy. Si y vint à priuée mesgnie: car ledit Maillotin faignoit, qu'il vouloit parler audit Messire Hector. Et quand ledit Hector fut venu deuers luy, tantost le print & feit prisonnier: & le mena audit lieu d'Arras, où il fut longue espace: neantmoins par le pourchats de ses amis fut mené à Hesdin en la presence du Duc: & aussi ledit Hector s'excusa moult fort de ce qu'on luy mettoit sus: disant entre les autres choses, que ledit Maillotin mesmes l'auoit requis de pareil cas, dõt il l'accusoit: toutesuoyes la besongne fut rât pourparlée entre les parties, que le Maillotin iecta son gage, & Messire Hector le leua par le congé du Prince. Si leur fut iour assigné au vingtiesme iour de Iuing (comme dit est) & y pouoit auoir enuiron quarante iours de iour. Si baillerent chacun bon & seur respondât de comparoir en personne audit iour: laquelle chose ils feirent, & pourtant en ce mesme iour enuiron deux heures vint ledit Duc de Bourgongne de son hostel d'Arras, grandement accompagné de sa Cheualerie, & autres Nobles à son eschauffault, qui estoit fait pour luy tout propice sur le grand marché, contre le meillieu des lices, qui par auant auoient esté faictes au lieu accoustumé: dedans lequel eschauffault entrerent avec ledit Duc, le Comte de S. Pol, de Ligny, & plusieurs autres notables Cheualiers & Escuyers. Si auoit dedás ledit parc deux pauillons tendus: & au dehors diceux deux grandes chaires de bois pour les champions, & estoit celuy de Maillotin au dextre lez du Duc, pource qu'il estoit appellant, & ledit Messire Hector au fenestre. Lequel pauillon du dessusdit Messire Hector estoit armoyé mout richemēt de seize manieres de blasons: c'est à sçauoir des costez, dont luy & ses ancestres estoient issus: & dedans iceluy estoit figuré vn sepulchre, pource qu'iceluy Messire Hector auoit esté fait Cheualier au S. Sepulchre de Hierusalem. Si fut assez brief en suiuant le dessusdit Maillotin appelé par le Roy d'armes, à venir cōparoir en personne au iour qui luy estoit assigné: Lequel Maillotin enuiron vnze heures isit de son chastel accompagné du Seigneur de Chargny, du Seigneur de Humieres, & de Messire Pierre Quieret Seigneur de Ramencourt, avecques plusieurs autres Gentils-hommes ses parens & amis: & sçoit sur vn cheual couuert de ses armes, & si estoit armé de plain harnois, le bacinet au chief, la visiere abbatue, tenant en l'une de ses mains la lance, & en l'autre tenoit l'une de ses espées, desquelles il en auoit deux: & si auoit vne grosse dague pendee à son costé au harnois, & menoient deux des Cheualiers dessusdits estans à pied leur cheual par le frain: & ainsi vint iusques à la barriere des lices: au dehors desquelles il feit le serment accoustumé en tel cas en la main de Messire Jaques de Brimeu, qui à ce estoit cō-

mis & ordonné. Apres lequel serment luy fut la barriere ouuerte : si entra dedans luy & ses gens , qui estoient tous à pied : à tout lesquels il falla presenter au Duc de Bourgongne deuant son eschauffault , & puis retourna à sa chaire , où il descendit ius de son cheual : & entra en son pauilló pour luy reposer & attendre son aduersaire. Et avec luy entra aussi le Seigneur de Chargny , qui l'introduisoit de ce qu'il auoit à faire & aucuns autres de ses plus prieux. Et assez brief ensuiuant le Roy d'Armes d'Arthois dessusdit appella Messire Hector de Flauy , ainsi qu'il auoit fait l'autre : lequel Messire Hector enuiron le quart d'une heure apres issit hors de son hostél , & vint tout à cheual armé , & embastonné comme auoit fait son aduersaire , iusques à la barriere des lices grandement accompagné de plusieurs Gentilshommes , entre lesquels estoient les deux enfans du Comte de S. Pol : c'est à sçauoir Loïs & Thibault , & menoiét tout à pied leurs cheuaux par le frain , & les autres Seigneurs suiuióient derriere tous à pied : c'est à sçauoir le Seigneur d'Antoing , le Vidame d'Amiens , Iean de Flauy frere dudit Messire Hector , Hue de Launoy , le Seigneur de Chamy , le Seigneur de Saucuses , Messire Iean de Fossus , le Seigneur de Creuecueur & tresgrand nombre d'autres notables Cheualiers & Escuyers : lesquels venus à icelle barriere , fut par ledit Messire Hector fait le serment : & puis entra dedans , & alla presenter au dessusdit Duc de Bourgongne , & apres retourna en sa chaire , où il descendit de son cheual , & puis entra en son pauillon : si allerent assez tost aprestous deux deuant l'eschauffault d'iceluy Duc & tout à pied , où ils feirét le serment sur le liure chacun de combattre sur bonne querelle , & apres retournerent en leurs lieux. Et adonques fur crié par le Roy d'Armes dessusdit , que sur la hart tout homme voidast les lices , sinon ceux qui estoient commis à les garder. Et lors on osta les chaires & pauillons , & fur crié de rechief qu'on laissast aller les champions , & qu'ils feissent leur deuoir. Si auoit esté ordonné de par le prince , que de chacune partie demourassent dedans les lices huit hommes de leurs plus prochains non armez , avecques les huit qui estoient commis pour les prendre ou leuer , quand ils auoient le commandement du iuge , & leurs cheuaux qui estoient couuers de leurs armes furent laissez aller. Apres lequel cry le dessusdit Maillotin de Bours qui estoit appellant , commença à marcher tout premier , & apres Messire Hector vint contre luy chacun d'eux deux paumoyant leurs lances gëtemët , lesquels à l'approcher les iecterent l'un contre l'autre , & point ne s'entre-attaquirent. Et incontinent monstrant signe de grãd hardiesse approcherent l'un l'autre , & commencerent à combattre , & pousser tresfort de leurs espées l'un sur l'autre : toutesfois en ce faisant Messire Hector leua audit Maillotin la visiere de son bassinet de coups d'espée par plusieurs fois , tant qu'on veoit son visage plainement : pourquoy le plus d'iceux là estans tenoient Messire Hector estre au dessus de sa querelle : neãtmoins ledit Maillotin sans luy pour ce esbahir à toutes les fois le referma vistement , en frappant de son espée par dessus & en desmarchant vn pas. Durant lequel tēps que les deux champions dessusdits monstrerent signe de grand hardiesse , & vaillance l'un contre l'autre , fut dit de par le Duc de Bourgogne , qu'on

les print en ce poinct, laquelle chose fut faicte sans delay par ceux qui estoient commis à ce faire, & n'auoient point tiré de sang l'un de l'autre. Si fut tantost ordonné, que chacun d'eux retournast en son hostel: laquelle chose ils feirent & issirent hors des lices aussi tost l'un comme l'autre chacun par son lez. Et le lendemain chacun d'eux disnerent à la table du Duc, & estoit Messire Hector au dextre lez: apres lequel disner leur fut ordonné de par iceluy Duc & sur peine capitale, que iamais ne portassent dommage, ne deshonneur l'un à l'autre ne à leurs amis, aliez & bien vucillans: & avec ce leur feit pardonner la malueillance, qu'ils auoient l'un à l'autre, & les feit toucher ensemble.

*Comment les gens du Roy Charlet voulurent prendre la ville de Corbie.*

**E**N ce mesme temps s'assemblerent plusieurs des Capitaines du Roy Charles: c'est à sçauoir le Seigneur de Longueual, Anthoine de Chabannes, Blanchefort, Allain Geró, & plusieurs autres. Si cheuaucherent tous ensemble avec leurs gens vers la ville de Corbie, laquelle ils cuiderent prendre par soubdain assaut: mais par la diligence de l'Abbé dudit lieu, ladicte ville fut moult bien deffendue, & ceux qui estoient dedans: & aussi ils furent confortez de Jean de Humieres, Aui-eux de Cribanual, & aucuns autres Gentils-hommes, qui estoient avec eux, & tant qu'en conclusion ils furent reboutez, & perdirent de leurs gens. Et mesmement ledit Allain Geron fut nauré moult durement, & mis comme en peril de mort. Si furent ars à l'occasion d'eux vns tresbeaux faulxbourgs au lez vers Feulloy, & apres se departirent, & allerent fourrer le país sur l'eüie de Somme, & prindrent le chastel de Morcourt, & le Lyó qui estoit au Seigneur de Longueual, & feirent de grans dommages au país, mais en assez brief terme ils laisserent ladicte forteresse, & s'en retournerent es lieux dont ils estoient issus, pour doubte qu'ils ne fussent assiegez dedás. Lesquelles forteresses furent demolies, & abbatues par l'ordonnance du Duc de Bourgongne.

*Comment le Seigneur de Barbazan meit siege deuant le chastel d'Anglure, que tenoient les gens du Duc de Bourgongne.*

**E**N cest an le Seigneur de Barbazan, qui le plus du temps se tenoit avec le Duc de Bar es marches de Champagne, meit le siege deuant le chastel d'Anglure que tenoient les gens du Duc de Bourgongne: mais par continuation furent approchez & combattus, tant de canons, cōme d'autre artillerie. Et entre-temps que ce se faisoit, en furent les nouuelles portées au Duc de Berthfort, lequel par leur dit siege y enuoya le Comte d'Arondel, l'enfant de Varuich, le Seigneur de l'Isle Adam, le Seigneur de Chastillon, le Seigneur de Bonneul, & autres Capitaines à tout seize cens combattans, ou enuiron: lesquels par aucuns iours cheuaucherent tāt qu'ils vindrent assez pres dudit lieu d'Anglure, où ils trouuerent le Seigneur de Barbazan, lequel sçachant leur venue s'estoit desia retrait en vn lieu, qu'il auoit fortifié assez à son aduantage. Si y eut entre les parties aucunes escarmouches



mouchee, esquelles furent morts de seize à vingt hommes d'entre eux, & ledit Seigneur de l'Isle Adā y fut blessé. Et pource que les Anglois & Bourgongnons veirent que bonnement & sans trop grand dangier ne pouoient combattre leurs ennemis, ils tirèrent leurs gens hors de la forteresse avec la Dame du lieu, & meirent le feu dedās: & apres ce se retrahirent vers Paris, & es lieux dont ils s'estoient partis. Ledit Seigneur de Barbazan auoit esté commis de par le Roy Charles de France Gouverneur, & Capitaine des païs, de Brie, de Laonnois & de Champagne: & auant qu'il assiegeast Anglure auoit conquis Norniuile en Laonnois, Voisines, & autres plusieurs places: & fut audit siege d'Anglure enuiron vn mois. Si estoient avec luy le Seigneur de Conflans, Messire Jean Bastard de Dampierre, & grand nombre de communes. Et quand ce vint que les Anglois, & Bourgongnons dessus nommez, vindrent pour leuer ledit siege à vne escarmouche, que feirēt les assiegez, gaagnerent les François icelle Bastille & forteresse, mais prestement fut conquise par les dessusdits Anglois: & pource fut elle mise en feu, & en flambe & du tout demolie, comme dit est dessus.

*Comment Jeanne la Pucelle fut condamnée à estre arse, & mise à mort dedans la cité de Roüen.*

**S'** EN SUIV T la condénation qui fut faicte en la cité de Roüen contre Jeanne la Pucelle, comme il peut apparoir par lettres enuoyées de par le Roy d'Angleterre au Duc de Bourgogne, desquelles la coppie s'ensuit. *Treschier & tresainé oncle, la seruenta dilection,* lettres du Roy d'Angleterre au Duc de Bourgogne, touchant la mort de Jeanne la Pucelle. que sçauons vous auoir (comme vray Catholique) à nostre mere sainte Eglise, & l'exaltation de nostre sainte foy, raisonnablement nous exhorte, & admoneste de vous signifier & escrire ce qu'à l'honneur de nostre d'icelle mere sainte Eglise, fortification de nostre foy, & extirpations d'erreurs pestilencieuses, à esté en ceste nostre ville de Roüen fait n'agueres solennellement. Il est assez commune renommée ja comme par tout diuulgée, & comment celle femme, qui ce faisoit nommer Jeanne la Pucelle erronnée, s'estoit deux ans, & plus contre la loy diuine, & l'estat de son sexe: semen: n'estue en habit d'homme, chose à Dieu abhominable: & en tel estat transportée deuers nostre ennemy capital & le vostre: auquel & à ceux de son party, gens d'Eglise, Nobles & populaires, donna souuent à entendre que elle estoit enuoyée de par Dieu: en foy presumptueusement vantant, qu'elle auoit communicatiō personnelle, & visible avecques S. Michel, & grāde multitude d'Anges, & de Saints de Paradis; comme sainte Katherine & sainte Marguerite: par lesquels saulx donné à entendre, & l'esperāce qu'elle promettoit de victoires futures, diuertit plusieurs cœurs d'hommes, & de femmes de la verité, & les conuertit à fables & mesonges: se vestit aussi d'armes appliquées pour Cheualiers & Escuyers, leua l'estendart: & en trop grand outrage, orgueil & presumption demanda auoir, & porter les tresnobles & excellentes armes de France, qu'en partie obtint, & les porta en plusieurs courses & assaulx, & ses serres, comme on dit, c'est à sçauoir un escu à deux fleurs de lys d'or à champ d'azur, & vne espée la pointée en hault ferue en vne courōne: en cest estat s'est mise aux champs, a conduit Gens-d'armes, & de traict en exercite, & grans compagnies pour faire & exercer cruautés inhumaines en espendant le sang humain, en faisant seditions, & commotions de peuple: l'induisant à pariremens, rebellions, superstitions, &

saulees creances: en perturbant toute vraye paix, & renouellant guerre mortelle, en se souffrant honorer & reuerer de plusieurs, comme femme saintifiée: & autrement d'innablement ouurât en diuers cas longs à exprimer, qui toutes fois ont esté en plusieurs lieux assez cogneuz, dont presque toute la Chrestienté a esté toute scandalizée: mais la diuine puissance ayant pitié de son peuple loyal, qui ne l'a longuement voulu laisser en peril, ne souffert demourer es vaines perilleuses & nouuelles crudelitez: où ja legierement se mettoit: a voulu permettre sa grand misericorde & clemence, que ladicte femme ait esté prinse en vostre ost, & siege que teniez lors de par nous deuant Compiengne, & mise par vostre bon moyen en nostre obeysance & domination: & pource que dès lors seules requis par l'Euesque, au diocese duquel elle auoit esté prinse, qu'icelle Ieanne notée, & diffamée de crimes de leze Majesté diuine, luy feissions deliurer, comme à son Iuge ordinaire Ecclesiastique: Nous tant pour la reuerence de nostre mere sainte Eglise, de laquelle voulôs les ordonnances preferer à noz propres faits & voulentez, comme raison est: comme aussi pour l'honneur & exaltation de nostre dicte sainte foy, luy seismes bailler ladicte Ieanne, afin de luy faire son proces: sans en vouloir estre prinse par les gens, & officiers de nostre iustice seculiere aucune vengeance ou punition, ainsi que faire nous estoit raisonnablement licite: attendu les grans dommages & inconueniens, les horribles homicides, & detestables cruantez, & autres maulx innombrables, qu'elle auoit commis à l'encontre de nostre Seigneurie, & loyal peuple obeysant. Lequel Euesque adioinct avecques luy le Vicair de l'Inquisiteur des erreurs, & heresies: & appelle avecques eux grand & notable nombre de solennels Maistres & Docteurs en Theologie & droit Canon, commença par grande solennité, & deüe gravité le proces d'icelle Ieanne. Et apres ce que luy, & le dit Inquisiteur Iuges en ceste partie eurent par plusieurs, & diuerses iournées interrogé ladicte Ieanne, seirent les confessions, & assertions d'icelle meurement examiner par lesdits Maistres Docteurs: & generallyment par toutes les facultez de nostre treschier, & tresaymée fille l'Vniuersité de Paris: deuers laquelle lesdictes confessions, & assertions, ont esté enuoyez: par l'opinion, & deliberation de quels trouuerent lesdits Iuges, icelle Ieanne superstitieuse, deuineresse de Diables, blasphemeresse en Dieu, & en ses saints & saintes, schismatique, & errant par moult de <sup>†</sup> sors en la foy de Iesus-Christ. Et pour la reduire & ramener à l'vnité, & commun de nostre dicte mere sainte Eglise, la purger de ses horribles, & pernicioeux crimes & pechez, & guerir & preseruer son ame de perpetuelle peine & damnation, fut souuent & par bien long temps trèscharitablement, & doucement admonestée, à ce que toutes erreurs fussent par elle reiectées & mises arriere: voulüst humblement retourner à la voye, & droit sentier de verité, ou autrement elle se mettoit en grand peril d'ame & de corps. Mais le tresperilleux, & diuise esprit d'orgueil, & d'outrageuse presumption, qui tousiours s'efforce de vouloir empescher l'vnité, & seurte des Chrestiens: occupa & detint tellement en ses liens le courage d'icelle Ieanne, que pour quelconque sainte doctrine, ou conseil, ne autre douce exhortation, qu'on luy eut administrée, son cueur endurcy, & obstiné ne se voulut humilier n'amolir: mais se vantoit souuent que toutes les choses, qu'elle auoit faites, estoient bien faites, & les auoit faites du commandement de Dieu, & desdictes saintes vierges, qui visiblement estoient à elle apparues. Et qui pis est, ne recognoissoit, ne ne vouloit recognoistre en terre fors Dieu seulement, & les saints de Paradis, en refusant, & deboutant le iugement de nostre S. Pere le Pape, du Concile general: & vniuerselle Eglise militante. Et voyans les Iuges ecclesiastiques sesdits, courage & propos, par tant & si longue espace de temps

endurcy

† sors.

endurcy & obstiné, là seirent mener deuât le Clergé, & le peuple illé asséblé en tres-grand multitude: en la presence desquels furent preschez, exposez, & declarez solennellement, & publiquement par vn notable Maistre en Theologie à l'exaltatiō de nostre foy, exurpation des erreurs, & edification, & amendement du peuple Chrestien. Et de rechief sui charitablement admonestée de retourner à l'vniō de sainte Eglise, & de corriger ses fautes, & erreurs en quoy elle estoit obstinée: & en ce consideré, les Inges dessusdits procederent à prononcer la sentence contre elle en tel cas de droit introduite & ordonnée. Mais auant que la sentence fut parlure, elle commença par semblant à muer son courage, disant qu'elle vouloit retourner à sainte Eglise: ce que voulentiers & ioyeulement oyrent les Iuges, & le Clergé dessusdits, qui à cela receurent benignement, esperant par ce moyen son ame, & son corps estre racheptez de perdition & tourment. Adonques se submist à l'ordonnance de sainte Eglise, & ses erreurs & detestables crimes reuocqua de la bouche, & abiura publicquement signant de sa propre main la cedulle de ladicte reuocation & abiuration. Et par ainsi nostre piteuse mere sainte Eglise soy esiouissant sur la pecheresse faisant penitence, vueillant la brebis retrouver, & reconuer qui par le diable s'estoit esgarie & fornoye ramener avecques les autres, icelle Jeanne pour faire penitence cōdamna en chartre. Mais gueres ne fut illecques, que le feu de son orgueil, qui sembloit estre estainct en icelle, s'embrasa en flambes pestilencieuses par les soufflemens de l'ennemy: & tantost ladicte femme malheuree r'encheut es erreurs, & es rageries que par auant auoit proferées, & depuis reuocées & abiurées, comme dit est. Pour lesquelles causes selon ce que les iugemens, & institutions de sainte Eglise l'ordonnerent, afin que dorefnauant elle ne cōtaminast les autres membres de Iesus-Christ, elle fut de rechief preschée publicquement: & comme elle fut rencheüe es crimes, & fautes villaines par elle acousumées, fut delaissee à la iustice seculiere, laquelle incontinent la condamna à estre bruslée. Et voyant son finement approcher, elle cogneut plainement & confessa que les esprits, qu'elle disoit estre apparus à elle, souuentefois estoient mauuais & men songiers, & que les promesses qu'iceux esprits luy auoient plusieurs fois faictes de la deliurer estoient faulces: & ainsi se confessa par lesdits esprits auoir esté deceüe & demouée. Si fut menée par ladicte iustice liée au vieil marché de dans Rouen, & là publicquement fut arse à la veüe de tout le peuple. Laquelle chose ainsi faicte le dessusdit Roy d'Angleterre signiffa par lettres, comme dit est, au dessusdit Duc de Bourgogne, afin qu'icelle execution de iustice fût par luy, comme les autres Princes, fut publiée en plusieurs lieux: & que leurs gens & subiects dorefnauant fussent plus seurs, & mieux aduertis de non auoir creance en telles, ou semblables erreurs, qui auoient regné pour l'occasion de ladicte Pucelle.

*Comment le Concile fut remis & ordonné à Basle, par la mort & induction de l'Empereur d'Allemagne.*

**E**N cest an fut par nostre S. Pere le Pape, & par l'Eglise vniuerselle constitué à tenir vn Concile general en la ville de Basle: lequel auoit esté promeu à estre asséblé durant le Pape Martin. Laquelle ville de Basle est vne cité assez puissante & plantureuse de biens, situé & assise sur la riuere du Rhin. Auquel lieu se commencerent à assembler les deputez de plusieurs estudes, & nations: entre lesquelles y vin-



Lettres de  
l'Empereur au  
Pape pour ne  
différer le Con-  
cile.

† Saxe.

† resteroit.

drent en notable cōpagnie ceux de l'Vniuersité de Paris, les ambassadeurs de l'Empereur d'Allemagne, & plusieurs Roys, Princes, Prelats, & Collieges en grand nombre. Si aduint que le Pape Eugene voulut delayer de mettre iceluy Concile iusques à an & demy ensuiuant, & le translater à Boulōgne la Grasse, afin que les Gregois y peussent venir: mais l'Empereur luy escriuiſt les lettres dont en substance la teneur ensuit. Premièrement contenoient les lettres de l'Empereur, qu'il desiroit moult que le Concile de Basle ne fut dissipé ne retardé pour l'esperance des Grecs: car on auoit moult de fois labouré sans effect pour les attraire à l'union de nostre mere sainte Eglise: mais conseilloit mieux d'arracher, & extirper les heresies regnans. Item, car ceux du Concile auoient escript à ceux de Pragues appelez Houſſes, qu'ils veinssent au present Concile: & l'Empereur leur en auoit escript pareillement, & pour y venir donné saufconduit, & sembloit qu'ils auoient intention d'y venir: car ils auoient eu grand perte contre les Hongres, & si auoient esté repulsez par deux fois du Duc d'Autriche. Item pource que les Pragois ſçauoient, que le saint Concile estoit principalement tenu pour destruire, & abolir leurs heresies, pouoit on esperer que par information sans disputation on les conuertiroit à bonne creance. Item s'il aduenoit, qu'ils ne se voulsissent consentir de condescendre à raison, ceux du Concile estans de tous pays admonesteroyent ceux de leurs contrées, à ce qu'ils voulsissent destruire ces Pragois. Item pource qu'ils veulent approuuer leur secte par sainte escripture se on delaiſſoit le Concile, ils diroient qu'on ne ſçauoit que respondre à leurs raisons, & que riens n'estoit du Concile. Et par ainſi s'enhardiroient en leurs faulſes creances, & peruerſes erreurs. Item par ce que renommée couroit, que le saint Concile estoit asſemblé presentement pour reformer les meurs du peuple Chrestien: & auſſi l'estat de l'Eglise; si estoit à doubter que les gens lays, qui moult parloient sur leur estat, diroient que si on asſembloit, & puis que departist le Concile ainſi qu'on auoit ja ſait à Piſe, & à Conſtances, que c'estoit ſans vtilité & profit: & que ce n'estoit qu'une moquerie & conſuſion. Item estoit le Concile commencé pour appaiſer les diſſentions, qui par eſpecial estoient en la foy entre Clerſ & lays: pourquoy ceux du Concile l'auoient ja escript, & mandé à aucune ville de venir au Concile. Et par eſpecial aucunes villes en † Saxongne, dont l'une ville: c'est à ſçauoir Mag-debourg auoit bouté hors son Eueſque avec le Clergié, & autres s'estoient rebellez à leur Eueſque. Et pource qu'ils estoient enclins aux Pragois, estoit à doubter aucuns, que ſi le Concile ſe departist, que ceux cy, & autres ſe mettroient avec iceux Pragois, tant qu'à grand peine on y pourroit remedier. Item iacoit-ce que plusieurs Princes, & villes ſituées, & aſſiſes entour les Pragois, auoient ſait trefues avecques iceux: toutesſois la greigneur partie ſe tenoit encore ſerrement à eux esperans sur la prouiſion du Concile: mais s'ils ſçauoient le departement d'iceluy, ſi ſeroient auſſi trefues comme les autres, dont il s'enſuiuiroit, qu'ils ſe hardiroient avec les Pragois. Item auoit eu aduis sur le Concile de pacifier plusieurs Roys, Princes & autres, & en ce commencé à trouuer moyen de paix: mais ſi le Concile estoit ſeparé, ceux Princes estoient taillez d'eux employer à guerroyer, & continuer en guerre, & ne † remainderoit nulle esperance d'asſembler le Concile pour les ſeditions, & cruantez qui aduiendroient: & ainſi ſeroient attargées plusieurs prouiſions, & moyens ſeruans au profit commun de la Chreſtienté. Si aduiendroient grans eſclandres & deſtructions, qui plus euidentement apperroient, qu'on ne les pourroit eſcrire. Leſquelles cōſiderations declairées en l'eſpiſtre de l'Empereur, ſi estoit la cōcluſiō en icelle comme il ſ'enſuit.

fensuit. Pourquoy nous requerōs à vostre sainteté, qu'incōtinēt escriuez au President,  
 & à ceux du S. Concile, qu'en nulle maniere ne se departent: mais bienheurement accom-  
 plissent ce qu'ils ont encommencé, & ce pourquoy ils sont au nom de nostre Seigneur assen-  
 bler, en rappellant & adnichillant s'aucunes choses auez escriptes au cōtraire. Et vueil-  
 lez considerer que les heretiques armies accoiſſent, & que si vous ne les faictes deschar-  
 ger à l'Eglise, & remettre au premier estat, on n'y pourra remedier par nulle puissance,  
 par nul conseil, ne par nul engin. Et certainement ceux qui vous ont conseil le d'parte-  
 ment du Concile, n'entendoient mie ses griefs maux qui en pourroient naistre. Pleust à  
 Dieu qu'ils asauourassent & entendissent la fin comme l'attente, & retargement en ce cas  
 soit moult perilleux & nullement à souffrir. Et se on doubtoit, que par aduenture par les  
 lays peut estre vsurpée aucune chose contre l'estat de l'Eglise, on s'abuseroit, pource qu'ils  
 ne doubtēt iecter leur saulx en autrui lieu, eſcham ou fruiets: mais pour vray ses subtili-  
 tés de retarder le saint Concile, seront forcener les lays contre l'Eglise, & Clergie: la-  
 quelle chose on pourroit par bonne maniere destourner: c'est à ſc'auoir par entretenir le Co-  
 ncile, en quoy les lays seroient refrenez, quand ils verroient que les Clergiers n'entendroient  
 seulement au singulier profit. Item deuez considerer, qu'il est à supposer, que saint Con-  
 cile à se departement ne se voudra nullement consentir, & les suuroit la plus grand  
 partie des Roys, Princes, Prelats & communes, & vostre Sainteté qui iusques à main-  
 tenant a esté de bonne reputatiō en sainte Eglise & sans tache, cherra par cestes cuures  
 en suspicion, ou roüil: & par ce departement sans reale cause, corromperez vostre inno-  
 cence: car on pourra dire, que vous norrissez les heresies, & occasions en terre entre les  
 Chrestiens, de perseuerance de mauuais meurs & de pechez au peuple. Pourquoy est à  
 doubter grandement inobedience, esclandre, & † discretion en l'Eglise de Dieu: car au-  
 cuns vous imposent, que vous auez donné matiere, & occasiō de ces choses, & est à pre-  
 sumer, qu'on trouuera assez de ceux qui s'accorderont à ce. Item se vostre Sainteté vou-  
 loit en propre personne estre present, au saint Concile, ce seroit bon & vtile: mais s'il ne  
 pouoit estre, si commādez hastiement qu'il soit entretenu, ainsi qu'il est commencē: car ces  
 choses qui touchent sang, & ne peuuent estre sans blessure de Chrestientē, ne quierent &  
 ne demandent nul retardement. Item se vostre sainteté desire au temps aduenir à enten-  
 dre au fait des Gregeois, ou autre chose, lesquelles ne quierent mie si grand haste: pourra  
 bien estre celebré vn autre Concile, qui sera chose aduenant & plus acceptable, que ne se-  
 roit pour le present le ralongement de cestuy Concile: car il est bien à doubter que se ce  
 Concile se d'parte, qu'on ne pourra faire nulle assemblée dedans vn an, & demy pour les  
 inconueniens qui aduiendroient. Item toutes lesquelles choses vueillez vostre Sainteté  
 diligemment considerer, si que ledit Concile soit tantost restauré, & vueillez nostre ad-  
 monition ret enir paternellement & debonnairement: car à ce nous contrainēt nostre con-  
 science, & nos dernières necessitez, en quoy nous voyons estre mise l'Eglise de Dieu, &  
 aussi nostre magnificence ne vouldroit point vouldentiers, que de ce naquist suspēctiō con-  
 tre vostre Sainteté: sic comme plus clerement vous donnerons à cognoistre, quand vous se-  
 rons par deuers vous, ce que nous esperons que serons briueuement. Lesquelles consi-  
 derations dessus touchées par nostredit saint Pere, il restaura & restablit  
 le saint Concile dessusdit, où se r'assemblerent plusieurs Seigneurs Eccle-  
 siastiques, & seculiers Ambassadeurs d'Estudes, Prelats & Princes en grād  
 nombre, & en grand multitude.

Comment le Duc de Bar vint en la Comté de Vaudemont pour la conquerre à force.





**R**est verité, qu'au temps & à l'occasion de la guerre ja pieça esmeue, & dont en autre lieu est faicte mention entre René Duc de Bar, & Anthoine de Lorraine Comte de Vaudemôt son ennemy fait tresgrande assemblée de Gens-d'armes, tant des Duchez de Bar & de Lorraine, comme des païs d'Allemagne, & de plusieurs autres lieux, iusques au nôbre de six mille combattâs ou enuirô: desquels estoient les principaux les Comtes de Salines, de Saliuines & de l'Image, l'Euesque de Ments, Messire Thibault de Barbey, & aucuns autres nobles hommes & de grand estat. Et si estoit avecques eux ce gentil & renomé Cheualier le Seigneur de Barbazan, au plaisir & inductiô duquel ou au moins en la plus grand partie, le dessuldit Duc de Bar conduisoit son armée & exercite, pource qu'il estoit expert, subtil & renommé en fait de guerre: lesquels grâdemēt aornez & pourueuz de grâd nôbre de charroy, viures, artilleries & autres habillemens de guerre furent par ledit Duc Capitaine conduits, & menez deuant la ville de Vaudemont, chief lieu & chief de ladiète Côté, laquelle fut en assez fort lieu: avecques ce estoit bien réparée, & pourueüe pour attendre guerre tant de viures, & d'artilleries comme de gens, & autres choses necessaires, pource que par auant ledit Comte estoit assez aduerty pour la venue de ses ennemis, & y auoit en son lieu constitué Capitaine de ladiète ville vn nommé Gerard de Passenchault Baillif d'icelle Côté, & Henry de Fouquencourt: lesquels deux feirent bonne diligence de deffendre, & resister contre leurs aduersaires: neantmoins ils furēt en assez brief terme assiegez & enuironnez de toutes parts, par ce que leursdits aduersaires estoient en tresgrand nombre au regard d'eux, & ne les pouoient de ce destourber. Et d'autre part lesdits assiegeans coururent, raiurent, & degasterent par feu, & par espée la plus grand partie de la Comté de Vaudemont, dont grandement despleut audit Comte: mais à present luy cōuenoit souffrir & endurer, pource qu'il n'estoit mie assez puissant pour y remedier. Si garnist les fortereffes, qui estoient en son obeïssance de ce qu'il auoit de gēs, & si cōclud qu'il se retireroit deuers le Duc Philippe de Bourgogne, duquel il auoit tousiours tenu le party, pour luy requerre humblement, qu'il luy voulsist bailler ayde de ses gens, afin qu'il peut deliurer ladiète ville de ses ennemis: laquelle estoit assiegée, cōme dit est: lequel Duc il trouua en son païs de Flādres. Et apres qu'il luy eut racompté ses affaires, & la grande necessité en laquelle estoit la dessusdite ville de Vaudemôt, ledit Duc de Bourgogne luy fait respōce, que de sa requeste il parleroit volontiers à son Conseil, & luy feroit briefuement responce, & la meilleur ayde que bonnemēt pourroit. Et alors estoit venu des parties de Bourgogne par deuers ledit Duc, † n'auoit point encores gramment, Messire Anthoine de Toulongon Marechal de Bourgogne, & aucuns autres notables personnes enuoyez d'iceluy païs, pour remonstrer audit Duc les grans affaires, qui estoient en sondit païs, de Bourgogne par le moyen des François, & Bourbonnois ses ennemis, qui chacun iour incessamment faisoient esdictes parties tresgrandes occisiōs & dommages par feu & par espée, & auoient desia conquis plusieurs bonnes villes, & fortereffes au grâd dom-

mage,

Comte de  
Vaudemont  
demande se-  
cours au  
Bourgognon.

† n'y auoit  
pas encor  
lōg temps.



mage, & preiudice desdits païs: & estoient bien en voulenré de plus auant conquerre, se par luy n'y estoit pourueu:requerant à iceluy treshüblement qu'il luy pleüst pour la saluation de ses païs, à eux faire ayde de ses Capitaines de Picardie accompagnez de certain nombre de Gens-d'armes, & par especial des gens de traict:lesquels (comme ils disoient) leur estoïent moult necessaires. Sur lesquelles deux requestes dessusdictes, ledit Duc assembla plusieurs fois avecques luy ceux de son Conseil pour auoir aduis, commét il pourroit besongner sur les affaires dessusdictes. Si furent lesdictes besongnes moult debattues: & luy remonstroit-on comment les François ses ennemis estoïent d'autre partie tout à l'enuiró des marches de Picardie, prests & desirás d'entrer en son païs d'Arthois: disant que sil se deffournissoit de ses Picards, & seldits ennemis le sçauoient, ils luy pourroïent porter vn tresgrand preiudice. Nonobstant toutesfois tous les perils qui s'ensuiuoient: ou pourroient ensuiuir, fut en fin conclud pour le mieux faire qu'on bailleroit audit Marechal certain nombre de combattans iusques à mille où à douze cens:lesquels seroient conduits, & menez par aucús chiefs de la marche de Picardie au dessoubs dudit Marechal à tous les dessusdits: & ceux qu'ils pourroient auoir en Bourgongne,seroient au Comte de Vaudemót le plus grand ayde, & secours qu'ils pourroient. Apres laquelle conclusion fut aduisé quelles gés on pourroit prendre pour cõduire ceste entreprinse: mais il y eut pou de gens d'estat, qui en voulsissent entreprẽdre la charge, pource que c'estoit loing & en païs, où leurs ennemis estoïent forts:& s'atendoient estre petirement payez de leurs gages, ainsi que passé lóg temps on auoit accoustumé de faire. Neãtmoins le dessusdit Marechal de Bourgongne, le Côte de Vaudemót, & aucús autres de leurs marches, qui auoiẽt lesdictes besongnes de Picardie, cõclurent ensemble, qu'ils prendroïent tels gens, qu'ils pourroïent auoir. Et adonc feirẽt parler à Mathieu de Humiers, à vn nommé Robinet de Huchechien, le Bastard de Fosseux, le Bastard de Neufuille, Garin Bastard de Brimeu & aucuns autres Gẽtils-hómes, & hómes d'armes de moyen estat:lesquels en leur païs n'auoient pas grans reuenues ne tels estats, qu'ils desiroient à auoir, sçauoir s'ils voudroient assembler gens de guerre pour aller avec eux, là où ils les meneroient pour querir leurs aduentures. Lesquels tantost tãt pour les dós, & promesses qui leur furent fai ctes par lesdits Seigneurs comme par les moyens, d'autres nobles du païs feirent responce, qu'ils iroient tresvoulentiers. Si assemblerẽt à l'entree de May en plusieurs lieux ce qu'ils peurent auoir de gens, iusques au nombre de mille à douze cens combattans: & eurent congé & mandemẽt patent de par le Duc de Bourgongne d'assembler, & entretenir certaine espace de temps les desusdits, desquels la plus grand partie estoient pauvres compaignons, qui de long tẽps auoiẽt accoustumé à viure d'auãtage, & à tenir les champs tant en leur marche qu'ailleurs. Et pource on ne faisoit point grand force s'ils s'en alloiẽt dehors, & aussi s'ils ne retournoiẽt en lóg tẽps: toutesfois il en y auoit la plus grãd partie de roides, vigoureux, & bien vsitez en fait de guerre. Et apres qu'ils furent assemblez en plusieurs compagnies, ils se tirerent vers le païs de Cambresis, & passerent à monstre

à vn grand village nommé Solames , appartenant à l'Abbé de sainct Denys en France. Et de là cheuaucherent ledit Marechal , & aucuns autres Seigneurs de Bourgongne iusques à Rethél , où ils receurent aucun payement pour leurs gaiges , & par sainct Menchault s'en retournerēt en Bourgongne , où ils furent aucun petit de temps , en attendant que l'armée des Bourgongnons fut prestee. Et entre-temps que toutes ces assemblées se faisoient , le dessusdit Duc de Bar à tout tresgrande puissance de gés estoit (cōme dessus est dit) au siege deuant la ville de Vaudemont : & icelle par l'espace de trois mois continuels par plusieurs , & diuerses manieres , auoit tresfort combattue & adommagée de ses engins : & tant que les assiegez auoient tresgrand necessité de grieffs affaires. Mais par ce qu'ils esperoient auoir aucun briefsecours par le moyen du Comte leur Seigneur , duquel ils oyoient souuent nouuelles par messages secrets ; ils en portoient plus patiemment leurs aduersitez. Et par le moyen & conduicte des deux chiefs dessus nommez , feirent si tresbonne diligence d'eux deffendre , que durant ledit siege ne peurent , ne deurent de leurdit Seigneur estre reprochez d'aucune negligence.

*Comment le Duc de Bar qui auoit assiegé la ville de Vaudemont , fut combattu du Comte de Vaudemont , & desconfit par luy , & ses aydants.*

**T**EM apres que le Marechal de Bourgongne eut fait son amas , & assemblée es païs de Bourgongne , & à l'enuirō , il se tira à tout iceux vers Langres , & de là à tout ses Bourgongnons , & Picards print son chemin deuers le païs de Barrois , où s'assembla avecques luy le Comte de Vaudemont avecques tout ce qu'il peut auoir de gés : & quand ils furent tous mis en vn seul ost , où ils pouoient estre enuirō quatre mille combattās : & desquels estoient les principaux le dessusdit Anthoine de Thoulougon Marechal de Bourgongne , le Comte de Vaudemont , le Seigneur d'Auter , Gerard de Marigny , le Côte de Fribourg , le Seigneur de Merebeau , le Seigneur de Sez , le Seigneur de Roland , Messire Ymber Marechal Sauoyen , le Bastard de Vergy , Matthieu de Humieres nepueu du deuantdit Seigneur d'Antoing , Messire Iean de Cardonne Seigneur de Bichamcourt , Boort de Bazentin , & vn gentil Cheualier Anglois nommé Messire Iean Ladan , & Messire Thomas Gergeran. Et estoit ledit Sire Iean Capitaine de Montigny le Roy , & auoit avecques luy six vingts combattans ou enuiron , avecques plusieurs notables Gentils-hommes d'armes experts , & renommez en faits de guerre : & par bonne ordonnance cōmencerēt à cheuaucher parmy le païs de Barrois , & auoient avecques eux de seize à vingt chars , & charrettes chargez de viures , canons , artilleries , & autres besongnes necessaires à guerre. Auquel païs de Barrois ils feirent bouter les feux en plusieurs lieux : & ainsi en degastant païs vindrent loger à vn gros village nommé Sandacourt sept lieues pres de leurs ennemis , & y arriuerent vn samedi au soir. Et le lendemain qui fut le Dimenche pourtant qu'ils attendoient à estre combattus de leurs ennemis , se meirent en ordonnance de bataille , & y furent la plus grand partie du iour : & auoient leurs archiers

chiers chacun vn pieu aguisé, fiché deuant eux. Et pource que leursdits ennemis ne vindrent point ce iour, ils se retrahirent vers les vespres au village dessusdit pour eux rafraeschir: & là tous les Capitaines se meirent ensemble pour auoir aduis qu'elle chose leur estoit bonne à faire: si fut cōclud, pource que bonnement ne pouoient aller iusques à leurs ennemis pour le danger des chemins, qui estoient trop estroits & hayez en plusieurs lieux, & avec ce qu'ils n'estoient point en nombre competāt au regard de leursdits aduersaires, & n'auoient point prouision de viures pour illec seiourner de s'en retourner en degastant ledit pays de Barrois en Bourgongne: & là de rechief feroient plus grand assemblée de gens, & d'autres choses à ce conuenables, pour en brief combattre leurs ennemis: laquelle conclusion desplaieut moult à iceluy Côte de Vaudemōt, mais il luy conuint souffrir, car il n'en pouoit auoir autre chose. Si fut de par les Capitaines ordonné à tout troussier le Lundy au matin, qui estoit le iour S. Martin d'Esté: & ainsi qu'ils s'estoient mis à chemin pour eux retourner, comme dit est, le Duc de Bar, & toute sa puissance, qui bien sçauoit leur venue, se departit de son siege pour venir trouuer, & combattre ses ennemis deuant qu'ils veinsent iusques à luy: & laissa à son dit siege aucuns de ses gens pour garder, que les assiegez ne se departissent, si cheuaucherent en tresbonne ordonnance grande espace: & pouoit bien auoir six mile combattans gens de grand parrage des mettes de Barrois & de Lorraine, & des Allemaignes: auquel chemin faisant les coureurs que ledit Marechal, & seldits Capitaines auoient mis vers leurs ennemis, ruerent ius & prindrent aucuns de la partie dudit Duc, parquoy ils furent aduertis de la poursuite d'iceluy. Si le noncerēt en brief à iceux Capitaines, lesquels en grand diligence se preparerent, & meirent en grand ordonnance de bataille, la plus grand partie par le cōseil du dessusdit Cheualier Anglois. Si furent mis les archiers en front en vne partie sur les ailles, & fischerent leurs pieux deuant eux: si vouloiēt estre les hommes d'armes de Bourgongne à cheual: mais les Picards & Anglois ne le vouloient pas souffrir, & en fin d'un commun accord fut ordōné, que tout homme de quelque estat qu'il fut, descenderoient à pied: & qui autrement le feroit, il feroit mis à mort. Et furent les cheuaux avecques les chars & charrettes mis par tresbon arroy derriere la Bastille, afin que de leursdits ennemis ne peussent estre rompuz ou enuahis par derriere. Et entre-tamps que ce faisoit, le Duc de Bar, & les siens approcherent tresfort, tant qu'ils furent à vn petit demy quart de lieüe pres des dessusdits. Si leur enuoya par aucuns de ses heraulx & trompettes noncer, qu'ils l'attēdissent, & qu'il les combattroit. Aufquels fut faicte responce par les Capitaines deuant-dits, qu'ils estoient prest, & qu'ils ne desiroient que sa venue. Si s'en retournerēt deuers ledit Duc dire leur responce: lequel s'approcha de ses ennemis à vn trait d'arbalestre pres ou enuiron, iaçoit que le Seigneur de Barbazan luy conseillast par plusieurs fois, qu'il ne combattit mie seldits ennemis à iour nommé: mais les affamast, & contraignist de partir de ses pays par autres manieres: & luy mettoit au deuant plusieurs besongnes & raisons, lesquels il ne voulut point croire: mais se fioit au grand nombre de gens, qu'il

*Ordōnance de  
l'armee du  
Côte de Vau-  
demont.*



auoit avec luy: desquels la plus grād partie n'estoient point accoustumez, ne visitez en fait de guerre, ainsi qu'estoient les Bourgognons, Picards, & Anglois leurs aduersaires & ennemis. Neantmoins iceluy Duc feit moult noblement ordonner ses batailles en partie par le conseil dudit seigneur de Brabazan: & auoit grand desir d'assembler avec ses ennemis: si estoient en sa compaignie trespou de gens de traiēt: apres lesquelles ordonnāces furent faits plusieurs nouueaux Cheualiers d'icelle partie. Et d'autre par le marshal de Bourgogne, le Comte de Vaudemōt, & ceux qui estoient avecques eux, firent par deuant leur bataille dresser sur le fons deux queuēs de vin, qu'ils auoient amenē, & meirent auāt pain & autres viures, qui furent deliurez & abandonnez à leurs gens. Si beurent & mangerent chacun en droit soy de ce qu'ils peurent auoir: & firent paix & vnion entre aucuns, qui auoient hayne l'un à l'autre. Et apres firent asseoir aucuns canons & couleurines sur les deux bouts, & au meillieu de leurs batailles, & en ceste maniere furent l'un deuant l'autre deux heures. Auquel temps cōme ie fuz informē vint deuant leursdictes batailles, & assez pres de leurdictē bataille vn cerf, lequel en soy arrestāt tout quoy frappa par trois fois du pied de deuant contre la terre: aduisa tout au long icelle bataille, & puis retourna & s'en alla ferir tout au trauers de la bataille de Barrois: si fut lors apres ledit cerf faicte vne tresgrand huée. Et adōcques de la partie des Bourgognōs & des Picards furent faits nouueaux Cheualiers, Mathieu de Humieres, Gerard de Marigny, & son fils avecques aucuns autres. Durāt lequel tēps ledit Comte de Vaudemont cheuaucha sur vn petit cheual tout au log de la bataille, en remōstrant amiablement à tous ceux là estans, qu'ils se combattissent seurement & de bon courage: disant qu'il prenoit sur sa damnaō que sa querelle estoit bonne & iuste, & que le Duc de Bar le vouloit sans cause desheriter: & si auoit tousiours tenu le party des Ducs Ieah, & Philippe de Bourgogne: Pour laquelle remonstrance generallement tous les Bourgognons, & Picards eurent au cuer tresgrand lieffē. Si fut conclud de cestepartie qu'ils attendroient leurs aduersaires & ennemis au lieu, où ils estoient, & ne iroient point assaillir: & d'autre part le dessusdit Duc de Bar, & ses Capitaines, qui desia auoient ordōné leurs batailles la plus grād partie à pied, voyans que leurs ennemis ne se bougeoient de leur place, cōclurent qu'ils les iroient assaillir, & commencerent à marcher auant: & leurs aduersaires, & ennemis se tenoient tous coisfants mot dire. Et quād ce vint que les Barrois furent bien pres d'eux, comme à douze ou seize diestres, ils bouterent le feu tout à vne fois dedans leurs canōs & couleurines dessusdictes: & avec ce esleuerent vn tresgrand cry: pour la doubte desquels canōs grand partie d'iceux Barrois se plongerent contre terre & furent fort effroyez. Et adonc en assez brief terme commēcerent à assembler en bataille de toutes parts, & pouoit desia bien estre vnze heures de iour. Si tiroient les archiers Picards par moult fiere, & tresmerueilleuse vigueur contre leurs aduersaires & ennemis: duquel traiēt ils en occirēt, & naurerēt moult grād nombre. Si dura cestediēte meslée trescruelle enuiro le tēps, & espace d'un quart d'heure, & les deux parties combattirent l'un contre l'autre en plusieurs

seurs & diuers lieux : mais tantost apres ceux de la partie du Duc de Bar se commencerent à eux desfroyer, & en fuyr en plusieurs, & diuers lieux vers leurs marches : & leurs ennemis ce voyant se ferirent en eux de grand courage, & par especial les archiers Picards si les separerent, occirent, & naurent terriblement : & en briefue conclusion les tournerent à grand desconfiture, & les meirent à grand meschief. Auquel desfroy fut prinsiceluy Duc de Bar, par vn nommé Martin Fouiers, qui estoit au Comte de Conuersan Duc de Bar  
prins avec au-  
cuns de son  
party. Seigneur d'Anghien, & en eut l'honneur & proffit : jaçoit que aucuns dirêt, qu'il ne le print pas de sa main. Auecques lequel Duc furêt prins l'Euesque de Mets, Jean de Rodemacque, Messire Eurord de Salebery, le Vicomte de Arcy, le Seigneur de Rodemaque, Messire Collard de Saulsy, Messire Villin de la Tour, & plusieurs autres iusques au nombre de deux cens ou enuiron : & si en demoura morts sur la place, & en la chasse qui dura bié deux lieues de vingtcinq à trois mille. Desquels furent les principaux les Côtes de Saumes, & de Salmene, de Limage Allemans, le Seigneur de Barbazan, Messire Thibault de Barbey, les deux freres de l'Euesque de Mets, George de Banastre, & ses deux freres, Jean de Heraumont, & autres iusques au nombre dessusdit, dôt la plus grand partie estoient Gentils-hômes. Apres laquelle desconfiture qui dura bien de deux à trois heures, deuant qu'ils retournaissent de ladiète chasse : les Seigneurs de la partie de Bourgogne auecques le dessusdit Comte de Vaudemont & ses gens, se r'assemblerêt ensemble, & regracierent humblement leur createur de leur bonne victoire. Et n'auoient perdu morts sur la place qu'environ quarante hômes, dont Messire Gerard de Marigny fut le principal : & demourerent celle nuit sur le champ : & fut ledit Marechal de Bourgogne vn pou nauré au visage, & aussi estoit le Duc de Bar dessus le nez. Et le lendemain se departirent, & prindrent leur chemin pour aller en Bourgogne menans auecques eux leurs prisonniers.

*Comment le ieune Roy Henry d'Angleterre vint à Paris à grand compaignie,  
pour estre consacré à Roy de France.*

**E**N VIRON l'issue du mois de Nouëbre vint le ieune Roy Henry de Ponthoise à saint Denys en France, sur intentiō d'aller à Paris pour luy faire enoindre, sacrer, & couronner Roy du Royaume de France. Si estoit auecques luy de la nation d'Angleterre, son oncle le Cardinal de Vincestre, & le Cardinal d'Iorth son oncle, le Duc de Bethfort, & le riche Duc d'Iorth, les Comtes de Varuich, de Salsbery, de Suffort : & aucuns autres notables Cheualiers & Escuyers de la nation de France, y estoient les Euesques de Theroüenne nommé Messire Loys de Luxembourg, de Beauuais, Maistre Pierre Cochon, de Noyon Maistre Jean de Mailly, de Paris & d'Eureux, Messire Jean Bastard de saint Pöl, Messire Guy le Bouteillier, le Seigneur de Courcelles, Messire Gilles de Clamecy, Messire Iaques Painel, Messire Ieā de Pressy, le Seigneur de Passy, le Bastard de Thian, & aucuns autres. Si pouoit auoir ledit Roy Henry tāt en sa compaignie cōme au pays assez pres à l'environ, de deux à trois mille

combattās pour la seureté de la personne: & se partit de S. Denys pour aller à Paris enuiron neuf heures de matin. Et vindrēt à l'encontre de luy iusques à la chappelle d'entre Paris & sainct Denys, Messire Simon Morier Preuost de Paris pour luy faire reuerēce, & honneur, & plusieurs autres tous vestuz de satin vermeil, & chapperons de bleu. Auecques lesquels estoient grand nombre des plus notables Bourgeois de la ville de Paris vestus, & affublez de vermeil. Et apres qu'ils eurent faicte la reuerence, vindrent au deuant du dit Roy les neuf Preux à cheual, chacun armé des armes à luy appartenās. En apres vindrent le Cheualier du Guet, le Preuost des marchās, auecques eux les officiers de la Court tous vestus de pers, & chapperons vermeils. Et vn petit apres ensuiuant vint maistre Philippe de Moruillier premier President en habit Royal, & tous les Seigneurs de Parlement vestus de longs habits de vermeils. Et apres suiuiēt les Seigneurs de la chambre des comptes, les gens des finances, les Maistres des requestes, & les secretaires, & auoient robes vermeilles. Et ainsi comme ils venoient l'un apres l'autre chacun selon son estat, ils faisoient au Roy la reuerence, & aux Seigneurs estans auecques luy: & quand est du commun, il y en auoit sans nombre. Et quand le Roy vint à l'entree de la porte S. Denys, les armes de la ville y estoient si grandes, qu'en la nef d'icelles armes y auoit six hommes: l'un en guise d'un Euesque, le second l'Vniuersité, le tiers les Bourgeois: & les trois autres estoient comme sergēs: lesquelles à l'entree de ladicte porte presenterent au Roy trois cueurs vermeils, dont au premier auoit deux couloms, & au second de petis oiselets, qu'ils laisserent voller par dessus le chief du Roy: & le tiers cueur estoit plain de violettes, & autres fleurs qu'ils ietterēt sur les Seigneurs. Et là tantost le Preuost des marchans, & lesdits Escheuins apporterent vn ciel d'azur semé de fleurs de lys d'or, & le meirent & porterent tout parmy la ville par dessus le Roy. Si auoit au Poncelet S. Denys vn eschaffault, sur lequel estoit comme vne maniere de bois, où estoient trois hommes sauuaiges, & vne femme, qui ne cesserent de combattre l'un contre l'autre, tant que le Roy, & les Seigneurs fussent passez. Et auoit deffous ledit eschaffault vne fontaine iettant ypocras, & trois Seraines dedans: & estoit ledit ypocras abadonné à chacun. Et depuis le Poncelet en tirāt vers la seconde porte de la rue S. Denys, auoir personnaiges sans parler de la natiuité nostre Dame, de son mariage, & de l'adoratiō des trois Roys, des innocens, & du bon hōme qui semoit son blé: & furent ces personnaiges trefbien ioüez. Et sur la porte S. Denys fut ioüee la legende S. Denys, qui fut volentiers veüe des Anglois. En outre deuant les Innocens auoit vne maniere de forest en la rue, dedans laquelle auoit vn cerf viu. Et quand le Roy passa deuant on feit courre ledit cerf, & des chiens & veneurs: apres fut grand piece chassé à force, & se vint rendre empres les pieds du cheual du Roy, lequel Roy luy feit sauuer la vie. Et à l'entree de la porte du Chastelet, auoit encores vn eschaffault: sur lequel auoit en personnaige vn petit enfant en semblance du Roy vestu de fleurs de lys, deux couronnes sur son chief. Et à costé dextre estoit en son personnage le Duc de Bourgogne, & le Comte de Neuers, qui luy presentoiēt l'escu de France: & au costé fenestre le Duc



de Bethfort son oncle, & les Comtes de Varuich & de Salsebery, qui luy presentoiēt l'escu d'Angleterre. Et estoient tous vestus par personnaiges des cottes d'armes des dessusdits Seigneurs: & de là s'en alla au Palais, où luy furent montrées les saintes Reliques, & à ceux qui estoient avecques luy: & puis fut mené en l'hostel des Tournelles pour prendre son repas: & quand il eut dîné, il alla veoir la Roïne sa grand mere à l'hostel de S. Pol. Et le lendemain fut mené au bois de Vincennes, où il fut iusques au quinzième iour du mois de Decēbre qu'il retourna au Palais. Et le xvij. iour d'iceluy mois se partit de là à tout grand Seigneurie tant de gens d'Eglise, come seculiers, & s'en vint en l'Eglise nostre Dame de Paris pour estre sacré: auquel lieu de nostre Dame de Paris auoit en la nef vn grād eschauffault de bois de quatre vingts pieds de long, & hault iusques au crucifix. Si montoit on dedans iceluy par la nef, & descendoit on par autre lieu dedans le cueur. Et fut ledit Roy sacré par le Cardinal de Vincestre qui chanta la Messe, dōt l'Euesque de Paris ne fut point bien content: & dit qu'à luy appartenoit à faire iceluy office. Et quād ce vint à l'offertoire, ledit Roy offrit vin, & pain ainsi qu'il est accoustumé de faire en tel cas: lequel vin estoit en vn grand pot d'argent doré: lequel pot fut reprins, & osté de ladicte Eglise des officiers du Roy: dōt grandemēt despleur aux Chanoines d'icelle Eglise, pourtant qu'ils disoiēt ce à eux appartenir de droit. Si en firent grād poursuite enuers iceluy Roy & son Conseil, & en conclusion apres ce qu'il leur eut beaucoup cousté à faire ladicte poursuite, leur fut rendu & furēt faictes en celuy iour toutes les besongnes appartenans audit sacré, & plus ensuiuant les coustumes d'Angleterre, que de France: & tousiours les Seigneurs cy dessus nommez, estoient au plus pres du Roy en ladicte Eglise chacun seruāt de son office. Et apres que la Messe fut finée, le Roy retourna au Palais, & se feit, & dîna à la table de marbre enuiron le meillieu d'icelle. Et au costé de la chābre de Parlemēt à celle table, ledit Cardinal de Vincestre & Maistre Pierre Chauchon Euesque de Beauuais, & Maistre Ica de Mailly Euesque de Noyon comme Pers de France estoient ensuiuans. Et à l'autre costé les Côtes de Stanffort, de Mortains & de Salsebery. Si estoit grand Maistre d'hostel Messire Jean Bastard de saint Pol: & avecques luy estoiet deuāt la viāde Messire Guy le Bouteiller, Messire Gilles de Clamegy, & Messire Ica de Pressy. Le Seigneur de Courcelles fut pour ce iour grand Eschançon, & Messire Iaques Painel fut pour ce iour grād Panetier, & vn Cheualier Anglois nōmé Messire Vvatie de Hongrefort treucha deuāt le Roy. Auquel dîner furent presen tez quatre entremets deuāt la table: c'est à sçauoir, le premier d'un image de nostre Dame, & vn petit Roy couronné empres: le second fut vne fleur de lys couronnée d'or tenue de deux Anges: le tiers vne Dame & vn paon, & le quart vne Dame & vn Cinge. Et quant est à parler des diuers mets de vins, & de viandes dont on y fut seruy, ils seroient trop longs à racompter, car il en y eut sans nombre. Et pareillemēt y fut ioiū de plusieurs instrumens de musique: & le lendemain ensuiuant furent faictes de moult belles ioustes en l'hostel de saint Pol: desquelles ioustes emporterent le cry, & eurent la voix des Dames le Comte d'Arondel, & Messire

Iean Bastard de sainct Pol comme les mieux ioustans : & apres le dessusdit Roy seiourna en ladicte ville de Paris aucuns iours , & puis peu de temps apres s'en retourna en la ville de Roüen.

*Comment ceux que le Duc de Bar auoit laissez deuant Vaudemont se departirent apres la bataille dessusdicte.*

**L** E M apres ce que la bataille du Duc de Bar fut du tout tournée à desconfiture , ainsi & par la maniere que plus à plain à esté déclarée ; les François qui estoient demorez deuant la ville de Vaudemont ; furent assez brief aduertiz par les suiuanz , qui estoient eschappez d'icelle iournée de la perte , & male aduenture que leurs gens auoient eüe : & pour ce tout soudainement eurent si grãd doubre, & paour de leurs ennemis, que briefuement se departirent sans ordonnance en fuyant la plus grand partie vers leurs pays , ou là où ils peurent le mieux pour sauuer leurs vies : & laisserent audit siege tous leurs viures & habillemens de guerre , qu'ils y auoient en garde, dont il y en auoit sans nombre. Pour laquelle esmeute, & departement lesdits assiegez ce voyãs, furent assez aduertis, que la journée auoit esté contre iceux Barrois : & pourtant treshauiement saillirent de pied, & de cheual apres eux, si en prindrēt & occirēt trefgrand nombre. Et avecques ce gaagnerent infiniz biens, desquels ils furent trefgrandement enrichiz. Si fut tost apres publié parmy le pays de Barrois, & de Lorraine la perte, que auoit faicte leur seigneur le Duc de Bar, d'ocils furent en grand doubre, & eürēt au cuer trefgrãd tristesse : & fut de ce iour en auant icelle bataille nommée la bataille de Villeman. Si estoit le lieu, où elle fut faicte entre Barrois & Lorraine : & le Côte de Vaudemont remercia le Marechal de Bourgogne, & les Seigneurs, & Gentils-hómes, qui estoient avecques luy du seruice , qu'ils luy auoient fait : & puis retourna en ladicte Comté : & ledit Marechal avecques tous les Bourgognons & Picards dessusdits, s'en alla en Bourgogne, & mena le dessusdit Duc de Bar à Dijon, où il fut mis en bonne seure garde.

*Bataille de  
Villemant.*

*Comment Messire Iean de Luxembourg assemble gens , & s'en alla en Champaigne contre les François, où il conquist plusieurs forteresses, & autres matieres.*

**A** V mois de Iuillet en l'an dessusdit Messire Iean de Luxembourg Comte de Leigny, assemble iusques à mille combattãs, ou enuiron par l'ordonnãce du Roy Henry, & du Duc de Bourgogne : lesquels il conduisoit , & mena au pays de Champaigne , & vers les Retelois pour combattre , & subiuguer aucunes forteresses, que tenoient les gens du Roy Charles en iceux pays & à l'environ, & que moult oppressoient ledit pays. Avec lequel de Luxembourg se meit le Seigneur de Ternãt, qui lors estoit accompagné de Rethelois : & de premiere venue feit loger ses gens autour d'une forteresse nommée Guetron, en laquelle estoient de soixante à quatre vingts combattãs tenãs le party du Roy Charles, lesquels assez brief terme, quand ils apperceurent la force de leurs ennemis, furent moult esbahis & effrayez , & sans grand deffence laisserent prendre leur basse-

basle-court: & assez brief ensuiuant commencerent à parlementer, offrans de rendre ladicte forteresse, & eux en aller saul leurs corps & leurs biens. A laquelle offre ils ne peurent estre receuz, & leur fut dit qu'ils se rendissent à volenté. Et conclusion le Capitaine feit traicter avec les commis dudit de Luxembourg par telle condition, que le quatriesme ou sixiesme demouroient à volenté. Apres lequel traicté conclud, & que les promesses d'iceluy entretenir furent faictes, le Capitaine retourna dedans son fort: mais il ne dit pas à ses compagnons la verité dudit traicté: ains leur donna à entendre, qu'ils s'en iroient tous saulz leurs vies. Et quand ce vint à liurer ladicte forteresse tous ceux là estans furent mis prisonniers. Et le lendemain par la sentence, & commandement de Messire Iean de Luxembourg, furent tous pendus & estranglez à plusieurs arbres reserué les quatre ou six desusdits. Et fut le bourrel pour eux executer l'un de leurs compagnons. Si aduint à l'un d'iceux vne aduanture, qui bien fait à ramenteuoir: car depuis qu'il fut bouté ius de l'eschelle, la corde qui estoit attachée à l'arbre se ferit contre le menton d'iceluy, parquoy il ne se pouoit en haste estrangler: & entretant le bourrel en pendoit aucuns autres: durant lequel temps iceluy desusdit fut aduisé d'aucuns Gentils-hommes là estans, ausquels il en print grand pitié: & en y eut vn, qui couppa la corde d'une gisarme, & cheut à terre, & fut assez brief reuenue en sa bonne santé & memoire: & depuis par iceux Gétils-hommes fut faicte requeste audit de Luxembourg, que pour Dieu, & pour pitié il peust auoir la vie sauue: lequel en fin l'accorda, & par ainsi il s'en alla franchement. Et en oultre apres que ledit Messire Iean de Luxembourg eust faicte l'execution dessusdicte, il se partit de là à tout son armée: mais premier fait demolir ladicte forteresse de Guetron, & s'en alla deuant le fort de Tours en Parciens, où il fut par aucuns iours: durant lesquels ceux de dedans traicterent par condition, qu'ils renderoient ledit fort, & s'en iroient saul leurs vies sans emporter nuls de leurs biens, reserué les canonnieres, & ceux qui autresfois auoient fait serment pour la partie du Roy Henry: & en y eut d'aucuns penduz, & ladicte forteresse fut demolie de fons en comble. Et de là ledit Messire Iean de Luxembourg s'en alla deuant Bahin, où estoit vn Capitaine nommé Barete, lequel en assez brief terme traicta avec ledit Messire Iean de Luxembourg par tel si, qu'en luy rendant ladicte ville; luy & les siens s'en iroient saul leurs vies, corps & biens: & par ainsi se partirent. Si vint en ce temps deuers Messire Iean de Luxembourg pour luy faire ayde, s'il en auoit besoing, l'enfant de Vatuich Anglois, & Messire Gilles de Clamegy à tout quatre cens combattans: mais pourtant que les François n'estoient point ou pays de Champagne ne à l'environ à puissance pour resister cōtre ledit de Luxembourg, les deux dessusdits s'en retournerent en assez brief terme à Meaulx en Brie, & es garnisons dont ils estoient venus. Et adonques de ce mesme voyage furent mises en obeyssance de par le dessusdit Messire Iean de Luxembourg plusieurs villes, & forteresses, qui tenoient le party du Roy Charles avec celles dessus nommées, les vnes par traicté, & les autres par force.

*Cruauté de  
Luxembourg  
au fort de  
Guetron.*

*L'Isle-Adam  
remu en son  
estat de Ma-  
rischal.*

En cet tēps le Seigneur de l'Isle-Adá, qui portoit l'ordre du Duc de Bour-



gongne, fut reconstitué Marechal de France de par le Roy Henry d'Angleterre, & ceux de son Conseil. Si assembla iusques au nombre de six cens cōbattans, dont il y auoit vne partie Anglois, & avec luy estoit Messire leā Bastard de sainct Pol, & vn sien frere, lesquels il cōduisoit: & les mena iusques aupres de Laigny sur Marne, que tenoient les gens du Roy Charles: laquelle ville il cuida prendre par soubdain assault, mais elle luy fut bien deffendue par ceux qui estoient dedans.

*Comment le Duc d'Alençon print prisonnier le Chancelier de Bretagne.*

**E**N cest an le Duc d'Alēon print le Chancelier du Duc de Bretagne son oncle, par ce qu'il ne luy voulut ayder de fināce à son plaisir pour sa prinse de la bataille de Vernueil ou Perche: laquelle fināce il vouloit auoir, & recouurer dudit Chancelier. Si le mena en la ville de Ponsfay, mais assez brief en suiuant ledit Duc de Bretagne de ce non content, assembla aucuns de ses Barons, & grand puissance de Gens-d'armes, & avecques luy aucuns Capitaines Anglois. Si alla assieger ladicte ville de Ponsfay tout à l'environ: de laquelle ville le Duc d'Alēon s'estoit party pour la doubte de ses ennemis, & y auoit laissé la Duchesse sa femme fille au Duc d'Orleās prisonnier en Angleterre. Lequel temps durāt ladicte Duchesse gifoit d'enfant moult ennuyée en cuer de veoir telles tribulations. Si y fut ledit siege par certaine espace de tēps, au bout duquel iceluy Duc d'Alençon rāt pour ladicte femme comme la ville & subiects, oster des dangiers dessusdits; s'appaïsa avecques sondit oncle: & luy rendit son Chancelier, & autres prisonniers, qu'il auoit, & par ainsi se departit ledit siege. Ledit Chancelier de Bretagne fut prins en vne maison de plaisance, qu'il auoit empres Nantes: & la cause de la prinse fut, pource que le Duc d'Alençon entendoit par ce moyē estre payé de certaine somme d'argent, que luy deuoit le dessusdit Duc de Bretagne son oncle.

*Comment les François cuiderent prendre le chastel de Roüen.*

**E** troisiēme iour de Feurier en cest an par l'entreprinse du Marechal de Boussach, s'assemblerent le Seigneur de Fontaines, Messire Iean Foulquet, le Seigneur de Mouy & plusieurs autres iusques au nōbre de six cens cōbattans ou enuiron en la cité de Beauvais, & s'en allerent iusques à vne lieuē pres de Roüen, & là se meirent en embusche dedās le bois: & enuoya ledit Marechal secrettemēt vn Gentil-hōme nommé Richaruille, avec luy de cēt à six vingts cōbattāns tous de pied, excepté quatre ou cinq, qui estoient sur petis cheuaux iusques au chastel de Roüen: dedās lequel iceluy Marechal par auāt auoit fait moyens certains d'vn Saquement nommé Pierre Audebeuf Biernois, qui tenoit le party des Anglois: mais par moyēs auoit fait traité, & accord avec luy de liurer ledit Chastel: laquelle chose il feit, & entretenit sa promesse quant à ce, car le dessusdit Richaruille & ceux qui estoient avecques luy, le trouuerēt tous prests, & de fait entrerēt tous dedās reserué deux ou trois qui garderēt les cheuaux. Si conquerent & gagnerent tantost la plus grand partie dudit Chastel, &

par

par especial la grosse tour, qui estoit moult bien garnie. Dedàs lequel chastelet estoit couché le Comte d'Arondel & plusieurs Anglois: lesquels ou la plus grãd partie se sauuerēt au mieux, qu'ils peurent par dessus la muraille, sinon aucuns qui se retrahirent vers la ville, & là se tindrent; & si en y eut aucuns morts, & naurez par lesdits François. Et apres que les besongnes furent ainssi aduancées, le dessusdit Richaruille remonta assez tost à cheual, & retourna moult hastiement, où il auoit laissé ledit Marechal & ses gens: auquel il racompta tout l'estat, & gouuernement de l'entreprinse dessusdicte, en leur disant qu'ils cheuauchassent songneusement, & bien en haste pour secourir leurs gens: & que sans doubte en brief temps seroit le chastelet tantost parconquis. Mais à brief dire pour chose qu'il l'eüst remonstrer, onques ne peut tant faire, qu'ils se voulussent conclure ne mettre en voye pour y aller, jaçoit chose que le dessusdit Marechal, & grand partie des plus notables de ceux qui estoient avecques luy, leur eussent promis de leur foy à leur departement, qu'ils les secourroient sans point de doubte, si l'aduenoit, que ladicte entreprinse vint bien. Neantmoins ils n'en vouloient riens faire: car quand ils furent ainssi qu'à vne lieüe pres de Roüen, à toutes gens ils se commencerent à debatre l'un contre l'autre, pour auoir la plus grand part du butin, lequel point n'estoit encores gagné. Et à cause de ce retournerent sans aller plus auant, & laisserent leurs gens en ce dangier. Pourquoy quand le dessusdit Richaruille, qui vaillamment auoit acheué son entreprinse, fut retourné, leur dist plusieurs grans iniures, & reproches: lesquels ils souffrirent assez patiemment, & se departirēt de là hastiement. Si s'en retournerent à Beauuais, & es autres lieux, dont ils estoient venus: lequel retour despleust moult grandement à iceluy de Richaruille, pourtant qu'il auoit esté meneur des dessusdits entrepreneurs: & aussi feit il à aucuns autres, qui y auoient de leurs prochains amis, pourtant ne demourerēt ils mie, qu'ils ne s'en retournassent audit lieu de Beauuais comme les autres. Et entretant les dessusdits, qui estoient en iceluy chastelet, contendoient de tout leur pouoir à debouter les Anglois leurs ennemis hors de la porte dudit chasteau, qu'ils tenoient vers les champs. Et quād ce vint vers le iour qu'ils n'ouïoient point de nouvelles de leurs gens, ils apperceurent bien qu'ils ne auroient point de secours, & qu'ils estoient fraudes de la promesse qui leur auoit esté faicte, si en furent moult esmerueillez & esbahis. Et d'autre part les Anglois s'assemblerent de tous costez en grand diligence, qui les assaillirent moult asprement & durement. Si vindrent avecques grand nombre de combattans de Roüen pour doubte, qu'ils ne fussent suspicionnez d'iceux Anglois, qu'ils fussent fauorifables à iceux François: lesquels François voyant que bonnement n'estoient point assez puisans pour garder tout ce qu'ils auoient conquis: tout d'un commun accord se retirerent vers ladicte tour, à tout ce qu'ils pouoient auoir de viures, eux vueillans mettre là dedans, & la tenir iusques à la mort, laquelle chose ils feirēt: mais assez brief ensuiuant ils furēt de toutes parts enuironnez, & tresfort cōbattus de plusieurs gros engins, que lesdits Anglois feirent asseoir contre la grosse tour, & tant en ce continuerent, qu'elle fut moult

endommagée en plusieurs lieux : & avec ce ceux de dedans auoient assez petitement viures, & autres choses à eux nécessaires: pour lesquels affaires, & aussi qu'ils n'auoient nulle esperance d'auoir secours, furent contraincts d'eux rendre en la voulenté du Roy Henry, & de son Conseil en la fin de douze iours apres la prinse dessusdicte. Toutesfoi auant qu'ils fussent conquis, ils feirent de grans dommages aux Anglois, par les engins & artilleries, qu'ils auoient attraiect en ladicte tour. Si furēt tous prins prisonniers & mis en bonne garde: & depuis brief en suiuant en y eut cent cinquāte, qui eurent les testes couppees dedās la ville de Roüen, & le dessusdit Pierre Audebeuf Biernois fut escartellé, & mis en lieux accoustumez. En ces iours le Duc de Bourgogne se partit de son pays d'Arthois à tout mille cōbattans ou enuiron, qu'il mena en son pays de Bourgongne: & là seiourna l'espace de trois iours, ou enuiron pour visiter le pays, qui moult estoit oppresse de ses ennemis. Si vindrent là deuers luy l'Archeuesque de Reims, & autres notables Ambassadeurs enuoyez de par le Roy Charles, pour traicter de paix entre icelles parties: mais en fin ne peurēt en riēs concorder, & s'en retournerent deuers ledit Roy Charles, & apres que ledit Duc eut ordoné gouuernemēt en la marche de Bourgogne, il s'en retourna en Arthois, Flādres, & Brabāt.

*Comment les François prennent le chastel de Dommart en Ponthieu, & meurerent le Seigneur prisonnier.*

**A**V mois de Feurier les gens du Roy Charles en nombre de quatre vingts combattans ou enuiron, lesquels cōduisoit vn noble Cheualier nommé Messire Regnault de Verfeilles, & les auoit prins à Beauuois, à Bretueil, & autres lieux à l'environ; allerent passer l'eäue de Some en vn petit bastel assez pres de Piquigny. Et de là furēt conduits, & menez iusques au chastel de Dommart en Pōthieu: lequel sansce qu'ils fussent du guet apperceuz, ils prindrent eschelles & entrerent dedās. Si commencerent tantost à crier forteresse gaignée, & abbatre huis, & fenestres en plusieurs lieux. Auquel cry & noise s'esueillierent ceux de leans, & par especial Iaques de Craon Seigneur d'iceluy lieu, qui estoit couché en sa chambre empres sa femme, se leua soubdainement cuidāt mettre aucun remede à son fait, mais ce riens ne luy valut: car ses ennemis estoient trop fors, & ses gens, dont il n'auoit mie grandement, ne se pouoient mettre ensemble. Si fut tātost prins prisonnier, & aucuns des siens avec luy: & les autres au mieux qu'ils peurent, se sauuerent par dessus la muraille. Apres laquelle prinse les dessusdits François assemblerent tous les biens portatifs, qu'ils peurent trouuer dedans iceluy chastel, comme vaisselle, or & argēt, pennes, draps, linges & autres besongnes: lesquels quand ils furent en haste vn peu repeuz, troufferent, & chargerent tout, & se meirent à voye à tout leurs prisonniers, pour retourner au passaige, par où ils estoiet venuz, delaisant ledit chastel tout entier, ainsi qu'ils l'auoient trouué. Et entre tēps ceux de la ville de Dōmart oyās cest effroy & ceste noise, s'assemblerēt & enuoyērēt hastiuemēt à Piquigny, & en aucuns autres lieux, signifier ceste besōgne. Si ne demoura point grāment que les dessusdits ne se trouuassent en nobre



de deux cens ou enuiron de route manieres de gens: lesquels fuiurent bien roidement & en grand haste iceux Frâçois, & les accôsuiurent au passaige de l'eäue, où desia estoient passez ledit Messire Regnault & aucuns autres de ses gens, avecques luy & le dessusdit Iaques de Craó prisonnier: si les faillirent & desconfirent presentement & y en eut vne partie prisonniers, & les autres morts, & aucuns qui se noyerent à faillir la riuiera de Sôme. Et iceluy Messire Regnault à tout son prisonnier sen alla franchemêt à Beauuais, sans trouuer aucun destoubier n'empeschement: & depuis ledit prisonnier retourna en payant tresgrand somme de pecune.

*Comment Messire Thomas Kiriell Anglois fut comme Capitaine du chastel de Clermont en Beauuoisis.*

**E**N cest an par la subtilité, & pourchats de Messire Ieá de Luxembourg, le fort chastel de Clermont en Beauuoisis fut mis, & trāsporté en la main, & gouuernement de Messire Thomas Kiriell Anglois: lequel chastel auoit long tēps tenu, & encores tenoit de par le Duc de Bourgogne, le Seigneur de Creuecueur. Et cōfētit ledit Duc iceluy transport, par tel si que ledit Messire Thomas luy promet, & audit Ieá de Luxembourg: & de ce luy bailla son seel à rendre à certain tēps, quand il en seroit requis. Si assembla ledit Messire Thomas brief ensuiuant grand cōpaignie d'Anglois, lesquels bouta dedans iceluy chastel: & commença à faire tresforte guerre aux Frâçois, qui estoiet sur les frōtieres aupres de luy: comme Creil, Beauuais Cōpiengne, & autres lieux. Et pareillement feirent grans dommages és Chastellenies de Montdidier, & autres marches de l'obeyssance d'iceluy Duc de Bourgogne. Et pour verité durāt les tribulatiōs dessusdictes, prindrēt plusieurs prisonniers, & emmenerent plusieurs femmes rāt de noble lignée, cōme d'autres, lesquelles ils tenoiet destroictemēt enfermées en prenāt d'elles grād finance, comme on à accoustumē de faire aux hōmes: desquelles les plus qui estoiet enceintes d'ēfans, respiteusemēt & tresin humainemēt s'en accouchoiet, dont le dessusdit Duc de Bourgogne de tant que toucher luy pouoit pour ceux de sadiēte obeyssance, en fut tresmal cōtēt: mais il ne pouoit auoir autre chose: car quād ce vint qu'il feist requerre ledit messire Thomas qu'il remeit ledit Chastel en sa main, ainsi que promis luy auoit; il fut de ce delayāt & reffusāt par treslong temps, en alleguāt aucunes raisons de sa partie, telles que bien le sçauent faire gens de guerre, qui souuēt en aucuns lieux vsent de voulētē plus que de railon. Finalement apres plusieurs delais le Duc de Bethfort pour, & en faueur de son beau frere le Duc de Bourgogne, feist rendre par ledit Messire Thomas iceluy chastel de Clermont en la main du Seigneur d'Auffremont.

*Kiriell fait  
difficulté de  
rendre Clermont.*

*Cōmēt les habitāns de Chaunay sur Oyse destruirent & desolerēt le chastel de leur ville.*

**E** meisme temps Messire Collard de Mailly, qui lors estoit Baillif de Vermandois de par le Roy Henry d'Angleterre, & avecques luy Messire Ferry de Mailly tous deux demourans ou chastel de Chaunay sur Oyse, appartenant heritablement à Charles Duc d'Orleās, qui

alors estoit prisonnier en Angleterre pour aucunes parolles non amiables, qui auoient esté dictes par ledit Messire Ferry à l'encontre des habitans de la ville: iceux habitans doubtant que par la porte derriere ledit chastel, les deux dessusdits ne meissent garnison d'Anglois, ou d'autres gés de guerre dedans leur ville plus fort, qu'il ne leur plairoit, parquoy ils feussent contraincts, & mis en subiection; conclurent tout secrettement ensemble aucuns desdits habitans: desquels furēt les principaux Iean de Lógueual, Mathieu son frere, Pierre Piat: lesquels feirent sermēt l'un à l'autre, de à certain iour, quād les dessusdits Messire Collard, & Messire Ferry de Mailly seroiēt en la ville de prendre icelle forteresse & la demolir. Apres lesquelles cōclusions, & sermens par eux faits, vn certain iour meirent secrettemēt aucuns compaignons aduēturiens en petit nombre empres la porte dudit chastel, tous instruits & aduisez de ce qu'ils auoient à faire: lesquels quand ils veirēt les deux Cheualiers, & aucuns de leurs gens issus dudit chastel, ainsi qu'ils auoient accoustumé, pour aller iouier en la ville: saillirēt hors du lieu où ils estoient, & entrerēt dedās le chastel par ce qu'on ne se gardoit point d'eux. Si leuerent tantost le pont contre la ville & se meirent dedans. Laquelle prinse venue à la cognoissāce desdits freres, leur fut tresdeplaisant: mais ils n'en peurent auoir autre chose: car tout incontinent ceux qui estoient du serment dessusdit feirent sonner la cloche du commun, & s'assemblerēt en tresgrand nombre armez & embastōnez, & s'en allerēt deuant iceluy fort, qui tantost leur fut ouuert. Et adonc aucuns des plus notables de la ville allerēt deuant les dessusdits Cheualiers: ausquels ils dirēt, qu'ils ne fussent en aucune doubte de leurs personnes, & aussi de leur cheuāce, & qu'on ne leur messeroit riens: disant que ce qui se faisoit estoit pour le bien & santé de ladicte ville: lesquels nō puissāns de à ce remedier, respondirēt, que puis que autrement ne pouoit estre, qu'ils feissent ce que bon leur sembleroit. Et adōc tous troublez de veoir les manieres dessusdictes, se retrahirent en vn hostel en la ville, & avecques eux tous leurs familiers. Si leur furent deliurez tous leurs biēs: & brief ensuiuant tous les habitans d'un cōmun accord commēcerent à desoler, & abbatre ladicte forteresse: & tāt en ce continuerēt & par plusieurs iours, qu'elle fut du tout rasée & demolie de fons en cōble. Et aucuns briebs iours ensuiuās le dessusdit Baillif de Vermandois, & son frere à tout leurs gens se departirent de ladicte ville de Chauny: auquel lieu desquels leur fut enuoyé pour eux gouverner de par Messire Ieā de Luxebourg Messire Hector de Flauy, & depuis Vvallerā de Moreul: lesquels pour l'entreprinse dessusdicte, les trouuerēt plus rigoureux & desobeyssans, qu'ils n'auoient accoustumé deuant la desolation dudit chastel.

*Comment la cité de Chartres fut prinse par les gens du Roy Charles.*



**L**E vingtiesme iour d'Auril de cest an, fut prinse la noble cité de Chartres par la force des gés du Roy Charles: laquelle cité auoit tenu le party des Ducs Iean, & Philippe de Bourgongne depuis l'an mille quatre cēs & dixsept, qu'elle auoit fait obeysāce au dessusdit Duc Iean, & pareillement auoit tenu la querelle des Anglois. Si furent cause d'icelle

d'icelle prinse deux habitans d'icelle ville: dont l'un estoit nommé leâ Conseil & l'autre le Petit Guillemain: lesquels autresfois auoient esté prisonniers aux François, lesquels les auoient euz en gouuernement par l'ongue espace: & par saufconduit auoient esté à Blois, & Orleâs & autres lieux de l'obeissance d'iceux François, mener plusieurs marchâdises, & ramener autres audit lieu de Chartres. Si les auoient lesdits François tellemēt instruits, qu'ils f'estoient tournez à leur voulenté: & auoient avec eux dedans ladicte ville de Chartres de leur accord, & alliance vn Iacobiſe Docteur en Theologie, nommé frere Jean Sarrazin: lequel estoit principal conducteur de tout la machination dessusdicte, & auoient les autres du tout leur retour à luy. Et quand ce vint au iour qu'ils auoient conclud de acheuer leur emprise, les François s'estoient assemblez de plusieurs parties iusques au nombre de quatre mille combattans: desquels estoient les principaux le Bastard d'Orleans, le Seigneur de Gaucourt, Blanchet d'Estouteuille, Messire Florent de Lers, la Hire, Girard de Felins, & aucuns autres chiefs de moyen estat. Si se meirent en chemin pour venir deuers la ville de Chartres, & se embuscherent la plus grand partie en vn quart de lieüe pres. Et aucuns autres iusques à quarante ou cinquante furent mis plus pres: & les deux dessusdits nommez qui conduisoient la besongne, amenoient charrs, & charrettes de vins, & autres choses, & avec ce y auoit vne quantité d'alozes. Si estoient pour conduire les charrs, charrettes & autres en guise de charretons, aucuns experts faquemments armez à la couuerte: lesquels assez tost apres que la porte vers Blois fut ouuerte, vindrent à tout leur charroy pour entrer dedans: & alloient deuant Jean Conseil, & le petit Guillemain dessusdit. Aufquels les portiers qui bien les cognoissoient, demanderēt des nouuelles, & ils responderēt qu'ils ne sçauoient que bien: & alors les portiers leur dirent, qu'ils fussent les bien venus. Et adonc pour le mieux abuser, l'un des deux dessusdit print vne paire desdictes alozes, & les bailla à iceux portiers en leur disants: Voyla pour vostre disner, prenez en gré: nous vous faisons souuent des peines beaucoup de attarger à la porte pour nous attendre, & autres pour ouurer les barrières. Entre lesquelles parolles & abusemens, que iceux faisoient, les dessusdits charretons toutesfois s'assemblerent à coup, & commencerent à ferir sur lesdits portiers: si en occirent vne partie, & gaignerēt prestement la porte, & l'entrée d'icelle. Auquel lieu vindrent soudainement à certain signe, que les dessusdits leur firent la premiere embusche, & de rechief la seconde: si se meirent à entrer en icelle ville par bonne & ordonnée ordonnance tous à pied armez de plaines armes leurs bannieres, & estandars desployez avec eux. Et adonc par aucuns des dessusdits portiers, qui estoient eschappez & entrez en la ville, & aussi par aucuns autres habitans, qui apperceurent ceste besongne, fut tantost en plusieurs & diuers lieux crié à l'arme. Auquel cry prestement toute la bourgeoisie, & communaulté s'esmeut: mais que pis estoit pour eux, le Iacobiſe dessusdit à aucuns preschemens, qu'il auoit faits parauant en lieu public, les auoit tresfamiablement instruits & admonnestez, qu'il leur pleust à estre ce propre iour au matin à vn sien preschement, qu'il deuoit faire moult solemnel & auctétique, & qui moult



prouffiteroit (comme il disoit) pour le sauueement de leurs ames, s'ils le uoient ouïr & retenir: mais le dessusdit Iacobin auoit à certain propos esleu lieu pour assembler ledit commun à son preschement, tout à l'autre bout de ladicte cité le plus loing, qu'il auoit peu de la deuant-dicte porte, par où elle fut prinse. Et à celle mesme heure que le douloureux cry fut ouï parmy la ville, estoient à l'enuiron d'iceluy Iacobin la plus grãd partie de la communaulté, & bourgeoisie dessusdicte: lesquels sans delay tous effrayez se prindrent à fuir vers leurs habitations. Si en y eut tresgrand nombre, qui se armerent & embastonnerent, & se trahirent deuers leur Euesque, & leurs Gouverneurs de ladicte ville, qui les menerent au plus tost qu'ils peurent deuers, où ils scauoient lesdits François tendans iceux rebouter hors de ladicte ville: mais à brief comprendre ils ne peurent ce faire, pource que lesdits François estoient en tresgrand nombre bien armez, & vsitez en fait de guerre: & desia estoient bien auant en ladicte ville, quand ceux de dedans vindrent vers eux: & de rechief pour les mieux abuser, commencerēt iceux François à crier à haulte voix la paix, la paix: & marcherent par bonne ordonnance & en tirant vers eux: & y eut traict tant d'un costé comme d'autre, mais ce dura assez petit: car avecques toutes ces males aduentures vn nommé Guillaume de Ville-neufue, qui estoit Capitaine de la garnison, lequel les deuoit conduire & mener; quand il apperceut la besongne estre si aduencée, il monta à cheual, & avec luy enuiron cent combattans de ses gens: si se partit sans delay par vne autre porte & avec luy grand multitude de peuple: & par ainsi tout le surplus fut tantost mis en desroy, sans ce qu'ils feissent quelque resistance. Pourquoy les François ce voyant s'aduencerēt de plus en plus, & allerent iusques au marche. Et quand ils veirent que nul n'arresteroit deuant eux pour eux greuer, vne partie des chiefs se tindrent ensemble, & enuoyerent vne partie de leurs gēs par les rues veoir s'ils trouueroient, qui leur contredisist: mais tout fuyoit deuant eux, & se sauuoient où ils pouoient le mieux. Durant laquelle tribulation furent morts de ceux de la ville enuiron soixante ou quatre vingts: desquels fut le principal Maistre Iean de Festigny natif de Bourgogne leur Euesque, & si en furēt prins prisonniers de cinq à six cens, dōt Maistre Gilles de l'Aube-espine qui gouuernoit pour les Anglois fut le principal. Et à brief comprendre tant de gēs d'Eglise, comme bourgeois, & autres habitans, qui peurent estre prins & attains furent mis à finance: & avec ce generalmente tous les biens, qu'ils peurent trouuer à qui qu'ils fussent, puis qu'on en pouoit faire argent tout fut prins & rauy. Quant est à parler de rauissemens, violations & autres begnes extraordinaires, il en fut fait selon les coustumes de la guerre, comme en ville conquise. Et le lendemain furent couppées les testes à aucuns de ceux qui parauant auoient gouuerné pour les Anglois: & furent de par le Roy de France dedans icelle cité reconstituez tous nouveaux Capitaines de Gens-d'armes, & Gouverneurs. Si y demoura trespuissante garnison pour les frontieres des Anglois: desquels fut le principal chief sur tous les autres le dessusdit Bastard d'Orleans.

*Comment le Cardinal de sainte Croix vint en France de par le saint Pere,  
pour appaiser la guerre des parties desusdictes.*

**E**N ce temps fut enuoyé par nostre saint Pere le Papé es parties de Frâce le Cardinal de sainte Croix, pour appaiser le discord, qui estoit entre le Roy de France d'une part, & le Roy Henry d'Angleterre, & le Duc de Bourgongne ensemble d'autre part. Pour lequel traité ledit Cardinal feit de grans diligences entre les parties: mais en fin ne pouoit riens accorder à paix. Par son trauail & moyen furent accordées vne trefues à durer l'espace de six ans, entre le dessusdit Roy Charles, & le Duc de Bourgongne, & baillerent chacun d'eux pour la sécurité, & entretenement desdictes trefues, lettres sceellées de leurs seaux deuillées par la meilleur forme, & maniere que faire le pouoit. Par le moyé desquelles en aucuns lieux sur les frôtières, le peuple eut grand consolation esperas que ce deust entretenir: & à l'occasion d'icelle se commencerent aucuns des pais sur lesdictes frôtières à remplir de laboureurs, bestail & autres choses: mais ceste liesse ne leur dura point grandement: car en dedans le premier demy an les parties furent si obstinees, & entretouillees, qu'ils commencerent comme deuant à demener tresforte guerre l'un cōtre l'autre. Si fut la principale cause de celle resmeute, pource que les François prenoient aucuns tenans le party de Bourgongne, comme Anglois: & pareillement lesdits Bourgongnois: c'est à sçauoir les pauvres saquemens voulans viure de la guerre se bouttoient avec lesdits Anglois: & en portant la croix rouge prenoient les François, & leur faisoient guerre: par lequel moyen icelles trefues deuant dictes, furent en brief du tout mises à neant. Si n'estoit lors en nulles des trois parties iustice ne raison entretenue: ains regnoit contre le peuple & gens d'Eglise tresinnumerables & tyranniques pilleries. Et cōbien que pour viure en paix au dessoubz de ceux qui faisoient la guerre, ils donnassent & promissent du leur tresslargement, en prenant d'iceux, ou de leurs Capitaines fausconduits, lettres de gardes, ou sceellées d'apatz: neantmoins peu ou neant leur estoit entretenu, & par ainsi n'auoient ils autre recours sinon de crier miserablement vengeance à Dieu.

*Trefues pour  
six ans entre  
les François  
Bourgongnois  
ne durent que  
six mois.*

*Comment le Boulleart de Laigny sur Marne fut prins des Anglois.*

**E**N VIRON le mois de Mars de cest an, furent ordonnez par le Duc de Bethfort, & le Conseil du Roy Henry estant à Paris, certain nombre de Gens-d'armes pour aller mettre en l'obeïssance dudit Roy aucunes forteresses, que tenoient les François ses ennemis sur les marches de l'Isle de France, comme Mongay, Gournay, & autres: & avec ce rompre, & demolir le pont de Laigny, qui vient de la ville par dessus l'eau vers l'Isle de France: de laquelle armée furent chiefs, & conducteurs le Comte d'Arondel, l'enfant de Varuich, le Seigneur de l'Isle Adam Marechal de France pour le Roy Héry, Messire Jean Bastard de saint Pol, le Galois d'Aunay Cheualier Seigneur de Oruille, & aucuns autres: lesquels tous ensemble partans de Paris à tout douze cens combattans, ou enuiron, & foison de

Mort du Bastard de Luxembourg.

chars, & charrettes, canons, artilleries, & autres instrumens de guerre, vindrent par aucuns iours dedés lesdictes forteresses, lesquelles en assez briebs iours par contraincte d'iceux Anglois, furent mises en l'obeissance d'eux: & se departirent aucuns desdits François sauue leurs vies, & partie de leurs biens, & les autres demourerent à volenté: si en y eut aussi aucuns executez par justice, & les autres mis à finance. Après lesquelles redditiôs les desdits Anglois prindrent leur chemin vers Laigny sur Marne, & se logerent deuant. Si feit le Comte d'Arondel ascoir yne grosse bombarde cōtre l'arche du pont leuis de la ville, laquelle du premier coup qu'elle icēta, rōpit ladicte arche par telle maniere, que ceux de dedans ne pouoiēt bonnement venir à leur boulleuert, qui estoit à l'autre bout du pont qui passe par dessus l'eāue. Et adonc ledit Comte d'Arondel, & les autres Capitaines, avecques leurs gens assaillirent hastiuemēt iceluy boulleuert, & le prindrēt sans delay: non obstant que ceux de dedans qui estoient en bien petit nombre, le deffendoient puissamment & vaillamment. Auquel assaut fut mort Iean de Luxembourg vn des Bastards de sainct Pol, & aucuns autres avec plusieurs naurez. Et en fin les desdits Anglois rōpirent le pont en plusieurs lieux: & apres ardirent ledit boulleuert, puis, se retrahirent en leurs logis. Si conclurent dedans briebs iours ensuiuans d'assaillir la ville en plusieurs lieux, laquelle chose ils feirent. Si demoura ledit Comte d'Arondel à tout certain nombre de gens sans aller audit assaut: & quand ce vint que le Marechal, & les Capitaines se departirent pour aller audit assaut, ledit Messire Iean de Luxembourg Bastard de sainct Pol, qui portoit en sa deuisse, & en son estandart vn soleil, dit tout hault oyant plusieurs, qu'il faisoit vœu à Dieu que si le soleil entroit en la ville, qu'il y entreroit aussi. Laquelle parolle fut de plusieurs entendue par diuers propos: neantmoins ils allerent à l'assaut, & s'y porterent assez vaillamment: mais par la diligence de Hugon Queüe Escossois, Messire Iean Foucault, & autres Capitaines de la ville, ils furent bien & vaillamment receuz: & en y eut plusieurs des desdits assaillans morts, & griefuement naurez. Et avec ce perdirent quatre ou cinq de leurs estandars & panons, qui furent tirez à force de bras dedans la ville par les deux bouts, desquelles furent la banniere de l'Isle Adam Marechal, & l'estandart, & enseigne du soleil appartenant audit Messire Iean Bastard de sainct Pol, qui auoit voué d'entrer en icelle ville. Si cōuint qu'ils se retrahissent à grand honte & confusion en leur logis. Et au bout de trois iours ensuiuans s'assemblerent, & s'en allerent secretement grand partie d'iceux compagnons de guerre sans le congé de leurs Capitaines, voyans qu'ils perdoient leur temps de là plus seiourner: car ils y pouoient plus perdre que gaigner. Si retournerent à Paris deuers le Duc de Bethfort, & auāt qu'iceux Anglois & Bourgongnons feissent iceluy assaut, auoient biē esté huiēt iours logez deuant la ville, & y assis grosses bombardes, dōt ils auoient fait battre, & trauailler la muraille d'icelle.

*Comment Philibert de Vaudray Gouverneur de Tonnerre, & le Seigneur d'Amont allerent seruir le Duc de Bethfort.*



**L**est verité, qu'en ces iours Philebert de Vaudray, & le Seigneur d'Amont, se departirent du païs de Bourgongne à tout cinq cés combattans ou enuiron, par l'ordonnance de leur Seigneur le Duc de Bourgongne seruir son beau frere le Duc de Bethfort. Si prindrēt leur chemin parmy le païs de Chāpaigne, pour aller en Picardie: auquel païs s'assemblerent les François de sept à huit cens combattans pour combattre, & ruer ius les dessusdits: desquels estoient les principaux Yuon du païs, le Bastard de Dampierre, le Borgne de Remon, & aucuns autres, qui se meirēt en Bataille contre leurs ennemis, qui s'estoient tous mis à pied pour eux deffendre: mais à brief dire quand ce vint qu'ils deurēt commencer à ferir l'un dedans l'autre, les dessusdits François, qui estoient la plus grand partie à cheval, se departirent hastiement en grand confusion, si en y eut aucuns morts & prins en petit nombre. Et apres iceux Bourgongnons par plusieurs iournées cheuaucherent à tout leurs gens en Picardie, où ils seiournerent certaine espace de temps, en pillant & mangeāt le païs, & de là s'en allerent à Paris deuers le Duc de Bethfort. En ce temps le Roy de Cypre par longue maladie, qu'il auoit eüe depuis son retour de la prison des Sarrazins, apres qu'il eut receu moult deuotement tous les Sacremens de saincte Eglise, il trespassa de ce siecle. Au lieu duquel fut couronné & sacré en la maistresse Eglise de Nicosie Iean de Lusignan, seul fils du dessusdit Roy, & de la Royne Charlote de Bourbon, par le consentement de tous les trois estats d'iceluy Royaume.

Mort du Roy  
de Cypre.

De l'an mille cccc. xxxij.

*Comment le Duc de Bethfort vint à grand puissance deuant la ville de Laigny sur Marne pour ayder, & conforter les Anglois, & Bourgongnons, qui l'auoient assiegé, lesquels en fin s'en partirent sans nul conquest.*

**A**V commencement de cest an le Duc de Bethfort, qui se disoit Regent de France, cōuoqua plusieurs parties de son obeïssance iusques au nombre de six mille combattans ou enuiron: lesquels il conduit & mena deuant la ville de Laigny sur Marne, que tenoiēt les gens du Roy Charles: & pouoiēt estre dedās ladicte ville de huit cens à mille combattans droit gens d'armes d'esslite accoustumez de guerre: desquels estoient les principaux Capitaines, le Capitaine Escoçois, Messire Ambroise de Loreil, & Messire Iean Foucalt, qui vaillammēt se maintindrent, & gouvernerent ceux qui estoient soubz leurs bannieres. Auecques le Duc de Bethfort estoient de la langue François le Seigneur de l'Isle Adam Mareschal, Messire Iean Bastard de saint Pol, le Bastard d'Aunay Cheualier Seigneur d'Oruille, Philebert de Vaudray, le Seigneur d'Amor, & plusieurs autres de bon, & notable estat, qui tressongue espace de temps continuèrent le siege deuant ladicte ville de Laigny, pour icelle réduire en l'obeïssance du Roy Henry. Si furent assis plusieurs engins grans, & petis cōtre les portes, & murailles d'icelle ville, qui en diuers lieux les crauantirent & abbatirent, dont les dessusdits assiegez tant pour lesdits engins, cōme pource qu'ils auoient viures à grand dangier, furent moult contrainsts,

& eurent de grans tribulations & meschiefs: neantmoins que par le dessusdit Duc de Bethfort fussent par plusieurs fois sommez d'eux rendre, ne se voulurent ils à ce consentir, pource que tousiours auoient esperance d'estre secouruz, & aydez par ceux de leur party, comme ils furēt depuis. Et auoiet lesdits assiegez fait vn pōr sur la riuier de Marne de Balteaux, pour passer à leur ayde de l'un des costez à l'autre. Et à chacun des bouts dudit pont auoient fait boulleuert pour la garde d'iceluy: dedans lesquels estoiet commis Gens-d'armes en certain nombre pour le garder. Durant lequel tēps le Roy Charles de France feit assembler de six à huit cēns combattans: lesquels soubz la conduicte du Marechal de Boufach, du Bastard d'Orleans, du Seigneur de Gaucourt, de Roudigue de Villādras, du Seigneur de sainte Treille, & plusieurs autres Capitaines gens de grand façon, & vaillans hommes de guerre, il enuoya deuers Orleans pour bailler secours aux assiegez de la ville de Laigny: & tous ensemble par plusieurs iournées se tirerēt à Meleun, où ils passerent la riuier de Seine: & de là parmy le païs de Brie approcherent ladicte ville de Laigny, & leur venoient de iour des garnisons gens de leur party. Et entre-tēps ledit Duc de Bethfort, & ses gens auoient si fort destraits lesdits assiegez, qu'iceux sur la venue des François commençoient à traicter: neantmoins ledit Duc se prepara diligemment pour combattre les François, qui venoient sur luy: & pource faire manda encores gens de plusieurs lieux de son obeissance: puis enuoya aucuns de ses officiers d'armes deuers iceux François, pour eux signifier, qu'il estoit prests d'eux combattre avec tout leurs aydans s'ils vouloient prendre iour & lieu de ce faire, à quoy ils ne feirent nulle responce, sinon à leur beladuantage: & quand bon leur sembleroit au plaisir de Dieu nostre benoist sauueur, ils meneroient à fin leur entreprinse. Et sur ce approcherent, & vindrent les dessusdits François en tresbonne ordonnance de trois compagnies iusques à vne petite riuier, qui est enuiron à vn quart de lieue de la ville. Et d'autre part ledit Duc de Bethfort auoit ordonné faire trois batailles, pour garder le passage d'icelle petite riuier: & quand ce vint qu'ils furent approchez assez pres l'un de l'autre, en plusieurs lieux se commencerent de grandes, & dures escarmouches: & par especial au costé où estoit l'enfant de Vvaruich & le Seigneur de l'Isle Adam, vindrent à grand puissance Rodigue de Villandras, le Seigneur de sainte Treille, & aucuns autres chefs de guerre, qui conduisoient les viures pour rauitaller icelle ville. Et de fait par force & malgré tous leurs aduersaires se bouterent auant, & y en passa certain nombre, qui allerent iusques à la porte, & bouterent dedās de vingt arrente boeufs, & aucune quantité de sacs de farine, & si entrerent dedans enuiron quatre vingts combattans: mais ceste besongne ne fut pas faite sans grande effusion de sang, car de tous costez en y eut plusieurs morts & naurez. Entre lesquels de la partie desdits François fut mort le dessusdit de sainte Treille frere aîné à Pothon: & pareillement à l'autre costé où estoit Messire Ica Bastard de S. Pol, Messire Thomas Kyriel, le Seigneur d'Amēt, & Philbert de Vaudray furēt fort approchez, & y eut fait maints haults faits d'armes & vaillatise. Si y furēt morts & naurez plusieurs des deux costez

*Le Roy se  
prepara à la  
bataille.*

*Laigny rai-  
ville.*

*Mort de sainte  
Treille  
l'aîné.*

colte:z: desquels de la partie des Anglois y fut mort vn Gentil-homme O-  
 dart de Remy: & durerent ces escarmouches iusques assez pres de vespres,  
 & fut par vn iour saint Laurens en Aoust, qu'il faisoit moult grand cha-  
 leur de soleil, dont les deux parties furent moult trauaillées & oppressees.  
 Et lors les François voyans que bonnement ne pouoient autre chose faire,  
 par ce que principalement que les Anglois, & Bourgongnons estoient en  
 tresfort lieu, se retrahirent tous ensemble, & s'en allerent loger à Cresly en  
 Brie: & de là se tirerent vers Chasteau Thierry, & puis à Vitry en Frâce, où  
 ils furent l'espace de quatre iours. Et adonc ledit Duc de Bethfort saichant,  
 qu'iceux François se trayoiēt vers l'Isle de France, doubāt qu'ils ne preins-  
 sent aucunes bonnes villes, se deslogea de deuāt ladicte ville de Laigny en  
 assez petite ordonnance: car ses gens y laisserent plusieurs biens, si se tira vers  
 Paris: & depuis rassembla gens, & alla vers où estoient lesdits François: pour  
 de rechief eux offrir la bataille: mais comme deuāt ils feirent respōse, qu'ils  
 auoient ce pourquoy ils estoient venus. Et estoit avecques eux le Seigneur  
 de Gaucourt, qui bien seruoit à la besongne, car moult estoit saige & pru-  
 dent. Et tost apres se deslogerent dudit lieu de Vitry iceux François, & s'en  
 retournerent deuers ladicte ville de Laigny, où demoura ledit Soigneur de  
 Gaucourt: & les autres Capitaines à tout leurs gens s'en retournerēt es païs,  
 dont ils estoient venus. Et quand aux assiegez ils furent moult resioiis: &  
 non point sans cause quand en ceste maniere se veirent deliurez de leurs  
 ennemis: car moult auoient esté oppressez tant de famine comme d'autres  
 mesaises, car le siege y auoit bien esté par l'espace de quatre mois ou enuiron  
 qu'ils n'auoient peu auoir aucuns viures pour eux rafraeschir. En ce mesme  
 temps fut prins le chastel de Monchaz en Normandie, appartenant au Co-  
 te d'Eu prisonnier en Angleterre, lequel long temps par auant tenoiēt les  
 Anglois, & en estoit Capitaine vn nommé Brunelay, lequel pour ce tēps  
 se tenoit avec le Duc de Bethfort au siege de Laigny sur Marne, & là prin-  
 drent les prisonniers, qui estoient leans de la party du Roy Charles. Si mā-  
 derent tantost pour estre leur Capitaine Messire Regnault de Fontaines,  
 qui se tenoit à Beauuais: lequel sans delay y alla à tout quatre vingts com-  
 battans ou enuiron. Et par le moyen d'icelle fut faicte forte guerre es mar-  
 ches de Vimeu, & enuiron à ceux qui tenoient le party du Roy Henry, &  
 du Duc de Bourgogne.

*Monchaz en  
Normandie  
prins.*

*Comment les Gantois s'esmeurent contre aucuns des Gouverneurs de leur ville.*

**E**N ce temps se r'esmeurent en armes les communes gens de la  
 ville de Gand iusques à cinquante mille ou enuiron, contre les  
 Gouverneurs d'icelle: & tous ensemble enuiron dix heures de-  
 uant midy, s'en allerent sur le grand marché deuāt l'hostel des  
 Remonst'ances, où ceux de la loy estoiet assemblez. Si cōuint qu'ils venis-  
 sent parler à eux incōtinent, ou ils eussent en brief abbatus huis, & fenestres  
 pour y entrer: & quand ils furent venus à eux de prime face, occirēt cruelle-  
 ment le grand Doyē des menuz mestiers nommé Ieā Boëlle, & vn Esche-  
 uin nommé Ieā Daniel van Zenere, avec vn homme de cōseil qui se nom-  
 p



moit l'ason Habit. Pour la mort desquels tous les autres Gouverneurs l'estans, furent en grand doubte de leurs vies pour la cruauté, qu'ils veoient desdictes communes: mais pour lors ils se tindrent à tant: & tous ensemble se partirent de là, & allerent à l'Abbaye S. Pierre abbate vn petit bois, qui estoient empres: & puis se meirent à chemin, & s'en allerent à S. Banó, pour les aucuns estre recompensez de plusieurs rétes hereditables, qu'ils deuoient à l'Eglise, lesquelles ils auoient par auant payées: mais par le sens, & doulces parolles de l'Abbé dudit lieu, ils furent contentez, & refrenez, & leur deliura prestement tout ce qu'ils demanderent: & avec ce leur feit donner des viures de l'Eglise tresabondamment. Si se partirent de là assez contens d'iceluy Abbé, & allerent rompre trois, ou quatre maisons de la ville tresnotables: & dedans icelles prendre des biens largement, & les autres despecer, & ruer és rues. En apres allerent aux prisons du Prince, si les rompirent, & laisserent aller tous les prisonniers, & entre les autres deliurerent vn nommé George Goscath, qui moult estoit de leur party contre les dessusdits Gouverneurs. Apres lesquelles besongnes icelles communes deuant-dictes au bout de deux iours ensuiuans par le moyen d'aucuns notables hommes, se retrahirent en leurs lieux, & furent rappaisez. Neantmoins durant icelle cruauté tous les officiers du Prince se departirent de ladicte ville de Gand, doubtrant que par icelles communes ne fussent mis à mort comme les autres: toutesfoi le Duc de Bourgogne pour les grans affaires que pour lors auoit, ne fut point conseillé de les corriger ne contraindre d'en faire amendes par sa puisance: mais traité fut avec eux par ceux de son Coseil, qu'en luy requerât mercy, & payant aucune finance il leur pardonna: & par ainsi ils demourerent paisibles.

*Comment Messire Iean Bastard de saint Pol & le Seigneur de Humieres furent prins des François.*



**D**V R A N T le temps dessusdit se departirent du païs d'Arthois Messire Iean Bastard de saint Pol, & le Seigneur de Humieres avec eux soixante combattans ou enuiron, pour aller à Paris avec le Duc de Bethfort. Si allerent par Montdidier à l'Isle Adam & de là cuidans aller seurement audit lieu de Paris, furent rencontrez de ceux de la garnison de Creil, qui de leur allée estoient tous aduertis. Et de fait, nonobstant leur deffence, furent tous deux prins prisonniers, & menez audit lieu de Creil avec grand partie de leurs gens, & les aucuns se sauuerent par force de bien fuir. Et depuis les deux Cheualiers dessusdits parmy payant grand finance à ceux, qui les auoient prins, furent deliurez de la prison desdits François.

*Comment plusieurs malesices furent faites, & perpetrez és pays d'Amiennois, Santhois, & Vimeu.*



**D**V R A N T les tribulations dessusdictes, Blanchefort qui se tenoit au chastel de Bertueil tenant le parti du Roy Charles de France, feit moult de dommage és païs de Santhois, Amiennois, Vimeu, & autres lieux par feu, pillages & par espée: parquoy iceux païs

païs furent, ou la plus grand partie tous perdus & inhabitez, sinon aupres des bonnes villes & forteresses. Et n'en pouoient plus souffrir, & payer les grans tributs, qu'ils auoient accoustumez de liurer pour leurs appaëtis. Et d'autre part furent reparées par ceux de ce mesme party aucunes forteresses au païs de Vimeu: c'est à sçauoir à Raines, Hornoy, & autres, esquelles se bouterent plusieurs gens de guerre dont le païs fut moult oppressé, & paraillement de ceux, qui tenoiēt le party du Roy Héry, & du Duc de Bourgogne. Si ne sçauoient les pauures laboureurs où eux bouter, ne où aller à lauueté: & n'estoient aydez ne secouruz d'aucun Seigneur de quelque party qu'il fut pour eux, en la marche dessusdictē Philebert de Vaudray, & le Seigneur d'Amont, qui estoient retournez des marches de France de seruir le Duc de Bethfort, se bouterent à tout leurs gens dedans l'Isle du pont S. Remy, & en debouterent les gens du Seigneur de Saueuses, qui l'auoient en garde. Pour laquelle iceluy Seigneur de Saueuses fut tresmal content: & pour iceux debouter hors de la dessusdictē Isle assembla grand partie de ses parens & feables amis: mais en fin pource que les dessusdits estoient trop forts dedans l'Isle dessusdictē, il n'eust point conseil de les aller enuahir: & pourtant demourerent là certaine espace de temps au grand dommage, & preiudice de tout le païs.

*Comment le Damoisel de Commercy print la ville de Ligny en Barrois, appartenant à Messire Jean de Luxembourg.*

**A**V mois de Septembre audit an le Damoisel de Commercy, qui long temps parauant auoit grand haine enuers Messire Jean de Luxembourg, tant pour sa forteresse de Montagu, qu'il luy detenoit, comme pour plusieurs autres dissentions, qu'ils auoient eu l'un avec l'autre, assembla de plusieurs lieux de quatre à cinq cens combatans ou enuiro: lesquels il mena secrettement aupres de Ligny en Barrois: & icelle par faute de guet print, & entra dedans, & tous ceux qu'il auoit amenez par les eschelles. A laquelle prinse ceux de ladicte ville furent tous esmeuz soubdainement, & y en eut vne grand partie, qui se retrahirēt hastiuelement dedans le chasteil, qui ne fut point conquis: mais se deffendirent hardiement contre leurs ennemis, qui par plusieurs fois les sommerent, & admonesterent d'eux rendre, à quoy ils ne voulurent nullement entēdre: ains sans delay enuoyerēt deuers Messire Jean de Luxembourg, luy racompter la besongne dessusdictē en luy requerant humblement, qu'à ce besoing les vouldist secourir. Lequel de Luxembourg sachant ces nouuelles meit incontinent Clercs en œuvre: & en grand diligence feit écrire à tous ses amis allies, & bien vueillans eux requerant tresamoureusement, qu'ils luy venissent ayder à deliurer sa ville, & ses gens du dangier, où ils estoient sur tous les plaisirs, que iamais luy desiroient à faire. Au mādement duquel pour luy accompagner, se commencerent à préparer diligēment plusieurs nobles hommes, & autres gens de guerre en grād nombre: mais entre-temps le dessusdit Damoisel voyant que bonemēt ne pouoit cōquerre icelle forteresse de Ligny, doubtant aussi le secours, qui leur pouoit venir de par Messire Jean

Ligny de laiffé  
& bruslé.

de Luxembourg, duquel il cognoissoit assez la puissance & la voulenté: si conclud avecques aucuns de les plus feables, qu'ils s'en retourneroient és lieux dont ils estoient venus. Apres laquelle cōclusion feit prédre, & troufser tous les biens d'icelle ville, c'est à sçauoir, qui se pouoient porter: puis feit bouter les feux, & embraser toutes les maisons d'icelle ville, dōt les habitans eurent au cueur grand tristesse: & ledit Damoisel de Salebrusse s'en retourna à Commercis en emmenāt avecques luy plusieurs prisonniers. Si furēt de rechief mādées ces nouuelles au dessusdit Messire Iean de Luxembourg: lequel estant de la destruction d'icelle moult dolēt & marry, feit cōtremāder ceux, qui de par luy auoiēt esté mādéz, & delaisa son entreprinse.

*Comment la forteresse de la Boue vers Laon fut prinse des Bourgongnons, lesquels se contrefirent Anglois, & autres matieres.*

**D**E M E N ce mesme temps les gens du seigneur de Ternant, qui se tenoient à Rethers, prindrent la rouge Croix des Anglois faignans du tout retenir leur party, & vn certain iour en l'arrecin prindrent la forteresse de la Boue à deux lieües pres de Laō: & estoit chief, & conducteur desdits preneurs vn homme d'armes nommé Nicolas Cheualier. Par le moyen de laquelle prinse ceux de la ville de Laō, & autres lieux tenans le party du Roy Charles, eurent moult à souffrir. Si fut la cause de prendre la rouge Croix dessusdicte, pource que les trefues, dont parauant est faicte mention, n'estoient point encores du tout rôpues entre les dessusdits Roy Charles, & le Duc de Bourgōgne: car iceux auoiēt tousiours tenu le party du Duc de Bourgongne: & se faisoient lors entre les trois parties plusieurs telles besongnes, qui n'estoient point sans mal engin. En ces propres iours le Comte de Vaudemōt feit assembler de trois à quatre cens combattans, ou enuiron és païs, & marches de Picardie: lesquels dessusdits combattans il feit mener, & conduire en la ville de Bezelize: & estoit l'vn des chiefs & Capitaines, qui les conduisoient le Bastard de Humieres. Lesquels gens d'armes arriuez, commencerent à mener forte guerre au païs, & contrée de Barrois & de Lorraine: & y feirent moult grand dommage par feu, pillage & par espée, dont le pauvre peuple d'iceux païs fut moult trauaillé.

A v mois d'Octobre alla le Duc de Bourgongne au païs de Hollande, & avec luy la Duchesse sa femme. Si auoit en la compagnie six cens combattans Picards ou enuiron, & demoura pour visiter iceluy païs enuiron vn mois: auquel voyage fut traicté par les Conseillers dudit Duc, & de la Duchesse de Bauiere, qu'iceluy Duc de Bourgongne auroit de present le nom, iouissance, & prouffits des païs de Hainault, Hollāde & Zelāde, & de Frise, avec les appartenāces pour en vser cōme de sō propre heritage à tousiours heritablemēt: moyēnāt lequel accord fut deuisé, que se ledit Duc alloit de vie à trespas deuant ladicte Duchesse, les païs dessusdits retourneroient à elle comme vraye heritiere: & auec ce luy furent ordōnnées plusieurs nobles Seigneuries: & profitables, dōt elle deuoit iouir avec la Cōté d'Ostrevant, de laquelle Comté tant seullemēt elle se deuoit escrire Cōtesse, en delaisant



laissant les tiltres des païs dessus nommez. Apres lesquels traictez passez, & promis de l'une partie à l'autre, le dit Duc consentit à parconclurre le mariage d'icelle Duchesse sa cousine, & de Messire Franque de Voselle: lequel par auant auoit esté pourparlé secrettement entre icelles parties. Et de ce iour en auant s'escriuit le Duc de Bourgongne avec ses autres tiltres, qu'il auoit parauant Comte de Hainault, de Hollande, de Zelande, & Seigneur de Frise: apres lequel traicté il retourna en son païs de Flandres.

*Mariage de la  
Duchesse de  
Baviere.*

*Comment frere Thomas alla à Rome, où il fut ars.*

**N**cest an iceluy le prescheur dessusdit de l'ordre des Carmes, nommé frere Thomas Conecte, dont piece cy deuant ay parlé en cest liure (côme plus à plain est déclaré) auoit fait plusieurs predications en la Prouince de Reims: par lesquelles predications furent plusieurs nobles sêmes de haultes lignées auoient osté leurs atours. Apres vint en la ville de Rome, où lors se tenoit nostre saint Pere le Pape Eugene, & y arriva avec les Ambassadeurs Veniciens: si se logea à S. Pol: auquel lieu le dessusdit Pape. le manda à venir deuers luy non mie pour mal, qui luy voulsist: mais pour le veoir & ouïr parler, pource que les nouuelles auoient autresfois esté rapportées iusques à luy. Si refusa pour deux fois à y aller, faignant qu'il fut mal disposé: & à la tierce fois le Pape y enuoya son tresorier pour l'amener. Et quand iceluy tresorier vint à l'huys de la chambre, le dit frere Thomas le voyant, saillit hors par vne fenestre pour soy sauuer: mais il fut isnellement pouruiuz & prins, & de là fut mené deuers nostre S. Pere le Pape en son Palais: lequel chargea pour l'examiner les Cardinaux de Roïen, & de Nauarre: lesquels en fin le trouuerent herese, & coupable de mort. Et apres que son procez fut fait, fut condamné à mort, & fut ars deuant le peuple en la ville de Romme.

*Comment la Duchesse de Bethfort mourut.*

**T**EM en ce temps Anne femme au Duc de Bethfort, & sœur au Duc de Bourgongne, accoucha malade en l'hostel des Tournelles à Paris, & fut par treslôgue espace treuaillee d'icelle maladie, & tant qu'en fin (nonobstant qu'elle eut esté tres-diligemment visitée de plusieurs Mediciens) redit son esprit, & fut enterrée aux Celestins en la chappelle, où iadis fut mis Loïs Duc d'Orléans dernier trespasé. Pour la mort de laquelle le Duc de Bethfort son mary eut au cueur tresgrand ennuÿ & tristesse, & pareillement plusieurs autres de son party: doubtais que pour la mort dessusdicte, l'amour, & l'alliance, qui s'estoit entretenue grâde espace par le moyen d'icelle Duchesse entre son dit mary, & son frere le Duc de Bourgongne, ne se refroidit aucunement. Et pour lors les Ambassadeurs des trois parties: c'est à sçauoir du Roy Charles, du Roy Henry, & du Duc de Bourgongne furent ensemble en la cité d'Auxerre, & à Meleun pour traicter de paix, mais en fin ne peurent riens conclurre, & par ainsi se departirent retournans chacun deuers leurs seigneurs.

*Comment aucuns Capitaines François passerent la riuiera de Somme pour courir en Arthois.*

**E** N ueniron l'entrée du mois de Decembre Blâchefort le Capitaine, Messire Anthoine de Chabannes, le Seigneur de Longueval, Messire Karodos des Chefnes, & aucuns autres du party du Roy Charles s'assemblerēt, & avec eux de huiēt cēs à mille combattans d'entour Bretueil, & de là allerent passer la riuiera de Somme à Cappy: & puis cheuaucherent toute nuit iusques empres la ville de Dourlens, qu'ils auoient pourguettée par leur espies pour la prédre & escheller: mais le Seigneur de Humieres fut aduertý de ceste cheuauchée. Si enuoya hastiement certains messages au Maire, & aux Iurez de Dourlés eux signifier, que les François estoient sur les champs, & auoient intention d'eux porter dommage, & qu'ils fussent sur leur garde: lesquels oyans ces nouuelles se preparerent diligemment pour eux defendre: & avec ce meirēt dehors leur ville vn messagier pour aller au chastel de Beauual, dire à ceux qui le gardoient, les nouuelles dessusdictes. Lequel messagier rencontra à vn quart de lieüe d'icelle ville enuiron le poinēt du iour les coureurs d'iceux François: desquels il fut prins & examiné, si leur recogneut ce pourquoy il alloit. Et adonc se retrahirent vers leurs gens, qui les suiuiot d'assez pres: lesquels saichans par les moyens dessusdits leur entreprinse estre rompue, retournerent tous ensemble en la ville de Beauquesne, & apres qu'ils se furent repeuz, & refreschiz longuement, courans aucune partie de leurs gēs parmy le país, s'en rallerent audit passage de la riuiera de Somme, & de là à tout foison de leurs prisonniers, cheuaux, & autres bagages retournerent en leurs garnisons.

*Comment vn Moyne de l'ordre S. Benoist voulut prendre le Chastel-S. Ange à Romme.*

**D** V R A N T ce temps vn nommé le petit Moyne, qui auoit esté moult aymé du Pape Martin, & eut grand gouuernement durant sa Seigneurie, apres le trespas d'iceluy se retrahit deuers le Pape Eugene, & trouua maniere d'estre tresbien de luy, tant qu'il fut en sa grace comme pour en partie auoir gouuernement, comme il auoit eu au temps de son deuancier. Durant lequel temps par tentatió diabolique, cōme on peut supposer, il eut voutenté de faire trahison contre iceluy Pape Eugene: & pour icelle mener à effect, & de tous points accomplir, auoit parlé au Prince de Salerne, où à ses commis pour le mettre à puissance de gens dedans le chastel de saint Ange, & de là dedans Romme: si estoit venu vn certain iour deuers ledit Pape pour prendre cōgé de luy, disant qu'il s'en vouloit aller demourer en Auignon aucune espace de temps. Et entretemps requist au Chastellain de saint Ange, qu'il luy voulsist garder ses coffres, où estoient ses biens iusques à son retour: lequel luy accorda, non doubtrāt que ce fut pour quelque mauuaisiē faire: si feit ledit petit Moyne faire douze coffres, dedans lesquels deuoit auoir douze hommes, & à chacun coffre encores deux hommes pour les porter. Et quand ce vint que toutes ces besongnes furent toutes prestes, pour mieux fournir son entreprinse



prinse, il enuo ya vn petit page, qui estoit son nepueu porter vnes lettres à vn prisonnier dedans ledit chasteil: lesquelles furent d'aüture trouuées au dessuſdit Chastellain, lequel par le moyen d'icelles sceut, & apperceut ladicte trahison. Si les porta sans delay deuers le Pape, lequel feit incontînét par la iustice ſeculiere prendre iceluy petit Moyne, lequel fut gehainé, & cogneut tout ſon fait, apres laquelle cognoiſſance il fut pendu au gibet, & fut mis à mort dedans la cité de Rome: lequel gibet y fut pour ce fait tout propice, & puis fut eſcartelé au marché. Et par ainſi le deſſuſdit Prince de Salerne faillit à ſon intétion: mais pource ne demoura mie, qu'il ne feit forte guerre au deſſuſdit Pape. En ces iours vn Saquement nommé Thomelaire, qui estoit Preuoſt de Laon de par le Roy Charles, print le chasteil de Paſſauât par certains moyens qu'il auoit dedas la forteresse: laquelle prinſe *Chasteil de Paſſauât prins & repris, & demolí.* deſpleut moult au Duc, doubtant que par ce moyen ſon pays ne fut en guerre. Si les feiſt tantost aſſieger par les gens, & en fin furent les deſſuſdits preneurs contrainſt par telle maniere qu'il leur conuint rēdre ladicte forteresse. Et avec ce fut ledit Thomelaire executé, & mis à mort, & aucuns autres avec luy, & fut icelle forteresse demolie.

*Comment la paix fut traitée entre le Duc de Bar d'une part, & le Comte de Vaudemont.*

**T**EM en ceſt an par le moyen du Duc de Bourgogne, fut faite la paix, & traitée entre le Duc de Bar d'une part, & le Comte de Vaudemont d'autre, par ainſi que les deux parties promeirēt de bonne foy rendre, & reſtituer toutes les villes & forteresses, qu'ils tenoient l'un de l'autre: & avec ce fut accordé que l'aiſné ſils dudit Comte, prendroit en mariage l'aiſnée fille au Duc de Bar, & luy feroit avec elle chacun an ſix mille francs de rente, & certaine ſomme pour vne fois. Leſquelſ traités cōclus, & ſeellez d'eux, & d'aucuns de leurs plus ſeables Cōſeilliers, pardōnerent l'un à l'autre ce qu'ils ſe pouoient eſtre entre meſſaiets. Et depuis fut ladite fille deliurée à iceluy Côte entretenāt les promeſſes deſſuſdictes, dont les ſubieſts de chacune partie eürēt au cuer tresgrād ioye: eſperans que par le traité deſſuſdict demoureroient paiſibles, & ſeroient hors de la grande tribulatiō, où ils auoient long temps eſté par la guerre, & diſcord des deux Princes deſſuſdits.

*Comment la Duchesse de Bourgogne accoucha d'un ſils en la ville de Gand.*

**E**N ceſt an le quatorzieſme iour d'Auril, la Duchesse de Bourgogne accoucha d'un ſils en la ville de Gand: lequel fut tenu ſur les ſons de Bapteſme par le Cardinal de Vinceſtre Anglois, & les Comtes de S. Pol, & de Ligney freres: & la Côteſe de Meaux fut marraine: & fut iceluy ſils ſur leſdits ſons nommé Ioſe, iaçoit ce que nul deſdits parrains ne marraines euſſent ainſi nom, mais ainſi l'auoient ordonné leſdits Duc, & Duchesse. Si donnerent chacun en droit foy moult riches dōs à iceluy enfant. En celle meſme iournée fut la monoye renouellée par ledit Duc de Bourgogne en ſes pays, par le conſentemēt d'iceux. Si fut faite nouuelle mon-



Moye nou-  
uelle.

noyede or nommée riddes, lesquels valloient xxiiij. sols en blanche monnoye nommée virelans. Et furent toutes monnoyées ayans cours en iceux pays cōdamnées, & ramenuisées de la quartre ou cinquième partie moins qu'elles ne valloient. Durant lequel temps fut grande dissension entre la ville de Bruxelles d'une part, & la ville de Malines d'autre, & menerēt tres-grand guerre les vns aux autres; & pareillement furent ceux de Gand en grand dissension l'un contre l'autre, & en furent plusieurs officiers bannis de ladicte ville.

*Comment la paix fut traitée entre le Duc de Bar d'une part, & les Comtes de S. Pol, & de Ligney d'autre part.*

**D**URANT le tēps dessusdit, fut fait le traité de paix entre le Duc de Bar d'une part, & les Comtes de saint Pol, & Ligney freres d'autre part, à cause de la guerre, & haine qui par vn temps auoit esté entre eux. Par la fin de laquelle, toute la Comté de Guise ja pieça conquise par Messire Iean de Luxembourg Comte de Ligney deffendeur, laquelle appartenoit hereditablement au dessusdit Duc de Bar, demoura par ledit traité à iceluy Messire Iean de Luxembourg pour en iouir luy, & ses hoirs à perpetuité. Et pour en auoir plus grand seurte, se desaisit le dessusdit Duc de Bar dedās le chastel de Bohaing sans cōtraincte: present plusieurs de ses homes, qui auoient esté mādéz avec aucuns officiers d'icelle Comté, & autres notaires imperiaux, & apostoliques qui pour ce y estoient: & avec ce fut protesté vn autre appoinctement touchant à Ieanne de Bar, fille à Messire Robert de Bar Côte de Marle: c'est à sçauoir pour sa part & portio, qu'elle tēdoit à auoir, à cause de son dit feu pere sur la Duché de Bar. Et pareillement fut pourparlé entre icelles parties du mariage d'une des filles naiffnée dudit Duc, & du secōd fils dudit Côte de S. Pol. Si demourerēt les deux articles dessusdits, à parcōclure du tout iusques à vne autre fois, qu'ils se deuoiēt rassembler l'un avec l'autre. Apres lesquels traitéz, qui durerent plusieurs iours, & que ledit Duc eut par les deux freres dessusdits esté grandement & honnorablement receu, & festoyé dedans iceluy chastel de Bohaing, il se departit de là tresbien content d'eux, comme il monstroït semblant, & s'en retourna en sa Duché de Bar.

*Comment la guerre s'esmeut entre Messire Iean & Messire Anthoine de Vergy d'une part, & le Seigneur de Chasteau-Villain d'autre part.*

**T**EM en cest an s'esment grand discord entre Messire Iean & Messire Anthoine de Vergy Cheualiers de Bourgogne d'une part, & le Seigneur de Chasteau-Villain d'autre part, par le moyē duquel ils commencerent à faire guerre ouuerte l'un contre l'autre. Et adonc le Seigneur de Chasteau-Villain afin qu'il peut estre plus fort pour greuer les dessusdits: il se tourna du party du Roy Charles, avec luy Messire Legier de Tousteuille, Iean de Verpelleurs, & aucuns autres Gentils-hommes, qui long temps par auant estoient ses aliez, & bien vucillās, en enfreignant le serment, qu'ils auoient au Duc de Bourgogne leur naturel

Chasteau-  
Vilain serend  
au Roy Char-  
les.

turel Seigneur : duquel par auant iceluy Seigneur de Chasteau-Villain, auoit esté moult familier, & avec ce réuoya au Duc de Bethfort son ordre, qu'il auoit porté longue espace. Pour lequel renuoy iceluy Duc fut moult indigné vers luy, & le blasma grandemēt en la preſence de celuy, qui ledit ordre rapporta, pource que ainſi auoit faulſé ſon ſermēt vers luy : & pareillement en fut ledit Duc de Bourgongne trefmal content quand ce vint à ſa cognoiſſance. Si reſcriuit aux Gouverneurs de ſes pays de Bourgongne, que par tous les moyēs que faire ſe pourroit, ils meiſſent peine de le greuer, & ſubiuguer, leſquels en obeyſſant audit Duc meirent ſon mandement à execution. Toutesfois à l'occaſion de celle guerre les pays de Bourgongne eurent grans affaires : par ce que ledit ſeigneur de Chasteau-Villain auoit pluſieurs fortereſſes, leſquelles il garniſt de ſes alliez, qui moult le greuerēt : neantmoins par la puiſſance dudit Duc de Bourgongne, & l'ayde des deſſusdits Seigneurs de Vergy, & autres nobles du pays, fut cōtrainct par telle maniere, que la plus grand partie de ſes fortereſſes furent conquiſes & demolies : c'eſt à ſçauoir Graulſy, Flōgy, Challācy, Villiers le Magnet, Nully, le Chasteſain ſainct Vrban, Blaiſe, ſainct Vorge, Eſclaron, Varuille, Cuſſay, Romay, Vaudemont, & de Laſoncourt. Durant lequel chasteſ de Graulſy le ſiege y fut trois mois ou enuiron, lequel tenoit Meſſire Iean de Vergy chief principal de ceſte querelle, & avec luy Meſſire Guillaume Baufremont, Guillaume de Vienne, & Meſſire Charles de Vergy, avec eux douze cens cōbattans : auquel ſiege vint pour le leuer ledit Seigneur de Chasteau-Villain, le Damoyſel de Commercy, & Robert de Vaudricourt à tout ſeize cens combattans : y eut trefgrande eſcarmouche, en laquelle fut mort vn ſeul hōme tant ſeulement : neantmoins le deſſusdit ſeigneur de Chasteau-Villain, voyant que bonnement ne pouoit leuer ledit ſiege ſans grād peril pour la bonne ordonnance & aſſiſtance, que y mettoient ſes ennemis, ſ'en retourna avec ſes ſiens là dont il eſtoit venu, & brief enſuiuant Meſſire Denys ſainct Flour, qui tenoit iceluy fort, fait traicté avec les cōmis dudit ſeigneur de Vergy, par condition que en luy rendant ledit chasteſ luy, & ſes gens ſ'en iroient ſauuement tous leurs bagaiges : & ce cōclud retourna vers le Roy, qui luy feit couper la teſte pour aucunes raiſons, dont il fut accuſé vers luy, & auſſi pource qu'il auoit fait mourir ſa femme. Item en ce meſme temps aucuns Capitaines tenans le party dudit Duc de Bourgongne, prindrent d'emblé par eſchelles la ville d'Eſpernay, appartenant hereditablement à Charles Duc d'Orleans priſonnier en Angleterre : dedans laquelle furent faictes trefgrandes deriſions, comme en ville conquiſe.

Denys, ſainct  
Flour deca-  
pié.

*Comment la paix fut traictée entre le Duc de Bourgongne, & les Lygeois.*

**A**L'ISSV de ceſt an, fut faicte, & confirmée la paix entre le Duc de Bourgongne & les Liegeois. Pour laquelle pluſieurs iournées auoient esté tenues entre les parties ſans eux pouoir concorder : neātmoins pour les dommages & intereſts, que ledit Duc auoit euz en ſa Comté de Namur par iceux Liegeois, ſ'accorderēt de payer audit Duc de ſes fortereſſes, qu'ils auoient abbatues en ſon pays deſolé, cent cin-

quante mille nobles avec amendes. Et avec ce parmy le traité promeirét lesdits Liegeois de abbatre, & demolir de fons en comble la tour de Môtorgueil empres Bouuines, laquelle ils tenoiét. Par laquelle en partie le discord estoit meü entre icelles parties : laquelle promesse ils entretindrent brief ensuiuant, & la demolirent du tout. Et furent respondans pour iceux Liegeois, afin que mieüx entretinssent ledit traité, Ieä de Hinsberche leur Euesque, Iaqués de Fosseux, & aucuns autres nobles du pays de Liege. Apres lequel traité pour plus grand seureté, furent faictes lettres, & baillees à chacune partie : & par ainsi les dessusdits Liegeois, qui par auant estoient en tresgrand doubte & cremeur; eurent grand ioye & furent rapaisez, & en grand seureté demourerent en leur pays.

*De l'an mille cccc. xxxiiij.*

*Comment le Duc de Bethfort, qui se disoit Regent de France, espousa la fille du Comte de saint Pol.*

**A**V commencement de cest an Ieä de Lécلاstre Duc de Bethfort, espousa en la ville de Theroüane Iacqueline fille aînée de Pierre de Luxembourg Côte de saint Pol, & niepce de Loys de Luxembourg Euesque de Theroüanne Chancelier de Frâce pour le Roy Henry, & aussi de Messire Ieä de Luxembourg. Si auoit cestuy mariage esté traité par certaine espace de temps parauant par le moyé, & sollicitude du dessusdit Euesque, qui pour ce temps estoit vn des principaux Gouverneur, & Coseillier dudit Duc de Bethfort: duquel mariage le Duc de Bourgongne quand il fut retourné de ses pays de Bourgongne, où il estoit pour lors, n'en fut point bien content dudit Comte de saint Pol: pource que sans son sceu, & conseil il auoit ainsi allié ladicte fille. Et toutesfoi la feste, & les nopces furent faictes solemnellement en l'hostel Episcopal de ladicte ville de Theroüane, & pour la ioye, & plaisir, qu'iceluy Duc de Bethfort eut, & print d'iceluy mariage, car ladicte fille estoit frisque, belle & gracieuse, aagée de dixsept ans ou enuiron; & afin que de luy il fut perpetuellemēt memoire; il donna à l'Eglise de Theroüane deux cloches moult riches, notables, & de grād valeur: lesquelles il feit amener à ses propres cousts, & despens du pays d'Angleterre: & aucuns iours apres ladicte feste finée il s'en partit.

*Comment la ville de saint Vallery en Ponthieu fut prinse des François.*

**E**N ce temps Messire Loys de Vaucourt, & Messire Regnault de Versailles tenās le party du Roy Charles accompagnez de trois cens cōbattans ou enuiron, prindrent à vn point du iour la ville de saint Vallery en Póthieu par eschelles, laquelle ville de par le Duc de Bourgongne, estoit au gouuernement de Iean de Brimeu: & si y furent faits de grans maux par iceux François selon les coustumes de la guerre, comme en ville conquise. Par le moyen de laquelle prinse furent les pays de là enuiron en tresgrand doubte, & non point sans cause: car briefs iours ensuiuans iceux François se fortifierent de gens puïssamment, & cō-

mencerent



mencerent à courir, & faire forte guerre aux pays, qui se tenoient du party des Anglois, & des Bourgongnōs: lesquels pays, ou la greigneur partie s'alierent à eux, dont ils receurent grandes finances. En ce mesme temps par la diligence de Perrinet Craslet Capitaine de la Charité, sur la riuere de Loire, lequel tenoit le party du Roy Henry, fut prinse la ville & forteresse dessusdictē, qui estoit a lise en fort lieu: & n'auoit esté prinse ne conquēstēe en toute la guerre.

*La Charité  
prinse par les  
Anglois.*

*Comment les Ducs de Bethfort, & de Bourgongne vindrent à saint Omer.*

**A**L'ISSV E du mois de May vindrent à saint Omer les Ducs de Bethfort & Bourgongne, par certains moyens, qui auoient esté pourparlez entre icelles parties: afin d'eux reconseiller l'un avec l'autre, d'aucunes parolles haineuses, qui auoient esté rapportées rāt d'un costé cōme d'autre. Avec lequel Duc de Bethfort estoit sō oncle le Cardinal d'Angleterre, qui estoit moult desirāt d'iceux deux Ducs mettre en bonne concorde. Neantmoins jaçoit ce que pour ce faire fussent les dessusdits deux Ducs venus audit lieu de saint Omer: & qu'il eust esté ordonné, qu'ils s'assembleroient l'un avec l'autre dedans un certain lieu, sans ce que l'un fut tenu d'aller deuers l'autre, toutesfois quand ils furent à leur logis, ledit Duc de Bethfort attēdoit, que le Duc de Bourgogne allast deuers luy, ce que point faire ne voulut. Si furent sur ce plusieurs Seigneurs enuoyez d'un & d'autre, tendant y remettre moyen: mais rien n'y valut. Et en fin le dessusdit Cardinal vint deuers le Duc de Bourgongne, & parla à luy à part en sa chambre en luy remonstrant amiablement en disant: comment beau ne pueu laisserez vous ainsi retourner un tel Prince, qui est fils, & frere de Roy, qui pour vous veoir s'est trauaillé de venir en vostre ville sans parler à luy, ne aussi l'aller veoir: auquel Cardinal le dessusdit Duc de Bourgogne respondit, qu'il estoit prest d'aller au lieu, où il estoit ordōné pour eux conuenir ensemble: & finablement apres ces parolles & plusieurs autres, le Cardinal dessusdit se departit, & s'en retourna par deuers sondit nepeue de Bethfort, & brief ensuiuāt se departirent dudit lieu de saint Omer sans autre chose sur ce besongner iceux deux Ducs, moins contens l'un de l'autre, qu'ils n'estoient par auant.

*Parolles du  
Cardinal au  
Bourgongnō.*

*Comment en la cité de Tournay eut grand trouble, & dissension pour l'Euesché d'icelle, à cause de la mort de l'Euesque dudit lieu Messire Jean de Torfy.*

**E**N cest an mourut en la ville de l'Isle Maistre Jean de Torfy moult ancien, Euesque de Tournay, & chief du Conseil du Duc de Bourgongne: au lieu duquel fut constitué Euesque de ladicte cité par nostre saint Pere le Pape Ieā de Harcourt, qui estoit Euesque d'Amiēs. Pour laquelle constitution le Duc de Bourgongne ne fut point bien content: pource que de celle Euesché vouloit pourueoir un sien Cōseiller, nommé Maistre Jean Cheuorot Archediacre du Vvelxin en l'Eglise de Roüen. Et mesmement auoit autresfois parlé audit Harcourt, afin que se celuy Euesché estoit vacquant, qu'il ne le voulüst impettrer, lequel (comme on disoit)

ledit Duc luy auoit accordé de le non prendre: toutesfois apres que le dessusdit de Harcourt en fut en possession, le dessusdit feit deffendre par tous ses pays tant en Flandres comme ailleurs, qu'on ne feit nulle obeyssance au dessusdit de Harcourt: & avec tout ce, luy furent arrestées toutes les rentes, & reuenues d'iceluy Euesché: qui ou la plus grand partie, estoient es pays dessusdits: & furent données au dessusdit Duc: dót iceluy de Harcourt eust grand dueil en son cuer: neantmoins esperant trouuer ses moyens, demoura lógue espace dedás la ville de Tournay, où il vesquit à simple estât: & y estoit obey & tresbié aymé des Bourgeois, & habitás d'icelle cité. Durant lequel temps vacqua l'Archeuesché de Narbonne, laquelle (pour l'amour & faueur d'iceluy Duc de Bourgongne) fut donnée par nostre saint Pere le Pape à Iean de Harcourt, & ledit Euesché de Tournay fut octroyé audit maistre Iean Cheurot: & feit le Pape ceste translation pour contéter les deux parties, & par especial ledit Duc: dont ledit de Harcourt ne fut bié content: & y meit plusieurs oppositions: disant que le Pape luy faisoit tout ce pour le destituer dudit Euesché de Tournay: & par ainsí iceluy Duc de Bourgongne voyant, qu'il ne vouloit obeyr au mandemēt du saint Pere, fut de luy, & de ceux de Tournay plus mal content que deuant. Si feit de rechief deffendre par tous ses pays, que nul ne portast viures en icelle ville de Tournay sur peine de confiscation de corps & de biens, & avec ce que tout homme qui pourroit sçauoir les biens d'aucuns des habitás, les nonçassent aux officiers dudit Duc, & ils seroient prins comme confisquees. Et furent à l'occasion de ceste tribulatió faits plusieurs maux bié par l'espace de quatre ou cinq ans: durant lesquels fut de par le Duc le Comte d'Estampes accompagné de plusieurs Cheualiers, & Escuyers enuoyé en ladicte ville de Tournay, où estoit le dessusdit de Harcourt pour prendre possession pour ledit Maistre Iean Cheurot. Si aduint, que quand le dessusdit Comte d'Estápes fut en la ville de Tournay, & qu'il'eust ordonné à prēdre possessiō à vn nommé Maistre Estienne Viuien: vne grande partie de ceux de la ville ne furent point de ce contens, & s'assemblerent en grand nombre par maniere de commotion. Si allerent en l'Eglise, où estoit ledit Viuien assis en la chaire de l'Euesque faisant les cerimonies, & apprehēsiōs, qui luy auoient esté commises à faire au nom d'iceluy Cheurot, en prenant la possession de l'Euesché, & le tirerent ius de ladicte chaire tresduremēt en luy desfrōpant son surplis, & autres habillemens. Et en y eut plusieurs, qui en icelle fureur le vouloient mettre à mort: mais pour les appaiser la iustice de la ville le feit prendre, & mettre prisonnier, en donnant à entendre à ces cōmunes, qu'il seroit puny par ladicte iustice, & qu'ils fussent contens. Et aussi ledit Iea de Harcourt, pour qui ladicte commotiō se faisoit, les refrena par doulces parolles & amoderées: en eux remonstrant amiablemēt, qu'ils se retrahissent en leurs maisons, disant que tout se feroit bien, & qu'il garderoit son droit par iustice. Apres lesquelles besongnes, & plusieurs autres icelles cōmunes se retrahirent, & se excuserent les officiers: c'est à sçauoir ceux de la Loy, & autres plus notables enuers le Comte d'Estampes de ladicte cōmotion: car ils en doubtoient grādement pis valoir au tēps aduenir. Et apres toutes ces besongnes

*Sedition à  
Tournay contre  
le nouuel  
Euesque.*

besongnes ledit Comte d'Estampes, & ceux de son Conseil voyant que autre chose n'en pourroient faire, se departirēt de là, & s'en retournerēt à Arras deuers le Duc de Bourgogne, auquel il racōpta l'estat, & la maniere de ce qui auoit esté fait en ladicte ville de Tournay : dont ledit Duc en perfeuerāt de mal en pis, fut tresmal contēt de ceux d'icelle cité. Et finalement pour & à la cause de la diuision d'iceux deux Eueschez, aduindrēt à plusieurs gens de diuers estats de grādes tribulatiōs & miseres, & mesmement apres la paix faiçte à Arras entre le Roy Charles, & le Duc de Bourgogne, fut le dessusdit Roy tresmal contēt des manieres, que tenoit iceluy Duc cōtre ceux de Tournay, voulant soubstenir iceluy de Harcourt. Lequel de Harcourt sçachāt, que ledit Duc de Bourgogne estoit du tout conclud & obstinē, de soubstenir Maistre Ieā Cheurot, & aussi voyāt que par nul moyē il ne pouoit iouyr paisiblement des biens, & fruiçts d'iceluy Euesché, & avec ce, que ses terres de Hainault estoient arrestées, & mises en la main du dessusdit Duc, il se departit de ladicte ville de Tournay : & s'en alla à priuée mesgnie deuers le Roy, qui luy feit grāde reception, & de là s'en retrahit en son Archeuesché de Narbone : & par ainsi iceluy Maistre Ieā Cheurot demoura paisible en son Euesché de Tournay, & feit prendre la possession par vn Chanoine de Cābray nommé Maistre Robert d'Auclair, qui pour le dessusdit fut assez courtoisement receu, & obey comme son procureur.

*Comment les François firent plusieurs conquestes sur les marches de Bourgogne.*

**E**N ce temps vindrent deuers le Duc de Bourgogne certains Ambassadeurs, enuoyez par les trois estats de la Duché, & Comté de Bourgogne: lesquels luy dirent & exposerent les grans desroys, & <sup>†</sup>exercions, que les gens du Roy Charles faisoient par feu, & par espée en <sup>†</sup>exactions seldits pays. Et par especial ceux de son beau frere le Duc de Bourbō: disant que desia auoient prins par force plusieurs bonnes villes & forteresses, & chacun iour s'efforcoient de conquerre plus auant: pourquoy le pays estoit en dangier d'estre destruit, se briefue prouision n'y estoit mise: luy requerrant treshumblement, que de sa grace il y voulüst remedier de sa puissance magnifique, & y aller personnellement à tout les Gēs-d'armes: lequel Duc ceste requeste ouye feit assembler son Conseil, & avecques iceluy conclud, que brief ensuiuant il feroit assembler toutes les gens de guerre de ses pays de Brabant, de Flandres, d'Arthois, de Hainault, & autres marches à luy obeyssans. Et lors furent mis Clercs en œuure à escrire lettres adressāns à tous les Capitaines: & aussi aux Cheualiers, & Escuyers, & autres gens de guerre, qui auoient accoustumé d'eux armer, contenant que sans delay se meissent sus pour estre prests, & appareillez à l'entrée du mois de May, à tout ce que chacun pourroit finer de Gens-d'armes, tant hommes d'armes, comme archiers à aller en sa compagnie, là où il les vouloit conduire, & mener: lesquels Capitaines ouy le mandement de leur Prince, & Seigneur, firent leur assemblée, & se preparerent diligemment. Et en y eut grand partie lesquels meirent leurs gens sur les champs: dont le pays de Picardie, d'Arthois, Ponthieu, Tournes, Ostreuant, Cambresis, Vermandois, & les



marches à l'enuiron furent grandement trauaillées: pourtant que le dessusdit Duc de Bourgongne n'eut pas si en haste, & villement appresté ses besongnes pour partir, & faire son voyage, & demourerent iceux gens d'armes par l'espace d'un mois & plus, en mangeant tousiours le pays dessusdit. En la fin duquel mois ledit Duc de Bourgogne, qui de plusieurs parties de ses pays auoit fait grâdes apprestes, & preparations de chariots, artilleries, & de toutes autres manieres d'habillement de guerre, se partit de la ville d'Arras le vingtiesme iour de Iuing avecques luy plusieurs Capitaines: & y fut sa femme la Duchesse, qui auoit avecques elle tât de Dames, & Damoiselles que autres femmes seruâs, tant qu'elles estoient bien iusques au nombre de quarante ou au dessus, & vint au giste iusques à Cambray: en laquelle cité se retrahit vers luy Messire Iean de Luxebourg, qui luy requist d'aller en son chastel de Bohaing, lequel luy accorda. Et apres le lendemain incontinent qu'ils eurent ouye Messe dedans l'Eglise nostre Dame de Cambray, luy & sa femme la Duchesse, & qu'ils eurent prins leur refectiô, ils s'en allerent audit chasteau de Bohaing, où ils furent moult ioyeusement, & honorablement receuz du dessusdit Messire Iean de Luxembourg, Comte de Leigny, & de la Côtessè sa femme. Si furent eux, & leurs gês seruis tresabondamment de plusieurs viures à eux necessaires, & conuenables selon le tēps, & demourerent en cestuy lieu par deux iours en prenant leurs esbatemens en chasses, & autres deduits. Et entre-temps les Capitaines, & Cheualiers à tout leurs Gens-d'armes se retrahirent vers le pays de Rethelois. En apres le Duc de Bourgongne, & la Duchesse sa femme partâs dudit lieu de Bohaing, s'en allerēt à † Prouins, & de là parmy la Châpaigne passerent assez tost pres de la ville de Reims. Si auoit en la compagnie iusques à six mille cōbattans, tât hommes d'armes, cōme d'archiers: delquels estoient les principaux cōducteurs le Seigneur de Croy, Messire Ieā de Croy son frere, Messire Iean d'Hornes Seneschal de Brabant, le Seigneur de Cresquy son frere, Messire Iean Bastard de S. Pol, & Loys son frere: le Seigneur de Humieres, Messire Baudo de Noyelle, le Seigneur de Creuecueur, Robert de Neufeuille, Lancelot de Dours, Harpin de Richâmes, & plusieurs autres moult nobles hômes, tât Cheualiers comme Escuyers: & alors ledit Duc de Bourgogne cheuaucha parmy le pays de Châpaigne, lequel auoit auantgarde, bataille & arrieregarde. Laquelle auâtgarde cōduisoit Messire Ieā de Croy au dessous de son frere, & avecques luy estoit le dessusdit Harpin de Richâmes. Si estoit chacun iour mis le charroy entre l'auâtgarde & la bataille. Et la Duchesse qui lors estoit bien enceinte d'enfant, alloit avecques ses femmes pres de ladicte bataille où estoit le Duc: & cheminerent tenât telle ordonnance iusques deuant Troyes, qui tenoit le party du Roy Charles: deuant laquelle ville passa ledit Duc: & de là print son chemin vers Cappes tirant vers Bourgongne à tout grād nombre de combattans. Et adonc vindrent deuers luy les Seigneurs de Bourgongne à tout grand nombre de combattans: ausquels il feit ioyeuse reception: & brief ensuiuant print conclusion avecques ceux de son Conseil de ce qu'ils auoient à faire. Si fut ordonné que la Duchesse, & sa cōpagnie s'en iroiēt à Chastillô sur Seine seiourner: & le-

† Prouins,  
le pays dēt  
il parle, fait  
péter qu'il  
faut Perô-  
ne.

dit Duc mena ses gens deuant Mussi l'Euesque, que tenoient les François ses aduersaires, & meit le siege tout à l'environ. Si furēt des assiegeās faictes grandes preparacions pour greuer leurs aduersaires & ennemis: c'est à sçauoir, feirēt alseoir deuāt les portes & murailles plusieurs engins, pour iceux confondre, & abbatre. Et d'autre part les assiegez feirēt trelgrande diligence d'eux defendre: neātmōins eux voyans la puissance dudit Duc de Bourgongne estre si grande, & aussi qu'ils n'auoient mie esperāce d'auoir aucun secours feirent traicté avecques lesdits commis d'iceluy Duc dedans les huit iours: & apres le siege mis par tel si, qu'ils s'en iroient sauf leurs vies, corps, & biens en rendant ladicte forteresse: lequel traicté cōclud se departirent soubz bon sauf-conduit, & s'en allerent à S. Florētin. Et apres qu'iceluy Duc eut de par luy commis Capitaine en icelle ville, il s'en alla à Chastillon, où estoit ladicte Duchesse sa femme, & ses Gens-d'armes se departirent soubz bon saufconduit, & s'en allerent vers la Comté de Tonnerre.

Mussi l'Euesque assiegeé & prins.

*Comment le Duc de Bourgongne reconquist plusieurs forteresses, que les François auoient conquises en son pays de Bourgongne.*

**D**VRANT ce tēps apres que le dessusdit Duc de Bourgongne eut seiourné aucun pou de iours à Chastillon, il ordōna la femme la Duchesse à aller à Dijō, où elle fut ioyeusement receüe de la ville, & du pays, & il s'en alla apres ses gens. Si feit assieger Luslignes, & Passy, que tenoiēt ses aduersaires: laquelle forteresse de Luslignes fut si rigoureusement contraincte, que ceux qui la tenoiēt la rēdirent audit Duc par telle condition, qu'ils s'en iroiet sauf leurs vies en delaisant leurs biēs. Et les dessusdits de Passy baillerent hostaiges de rendre leur fort le premier iour de Septembre ensuiuant, en cas que iceluy Duc, ou ses commis ne seroiēt cōbattus par ceux de leur party au iour dessusdit. Et adōc plusieurs autres forteresses que tenoient lesdits François, doubtrāns la grād puissance que auoit ledit Duc de Bourgongne au pays, se rendirēt à luy avecques celles dessusdictes: c'est à sçauoir Danlermoinne, Herny, Courlain, Secalosfoug, Malegny, S. Phalle, Sicry, Sabelly, & autres forteresses iusques à vingt, & quatre & au dessus. Apres lesquelles redditiōs ledit Duc s'en alla à Dijon, & les Capitaines à tout leurs gens-d'armes se retrahirēt vers leurs marches: desquels durant ce voyage fut le chief, Messire Iean de Croy à tous les sieges, qui se meirent en l'obeyssance du dessusdit Duc de Bourgongne.

*Comment Gilles de Postelles fut accusé de trahison, dont il fut decapité.*

**E**N cest an fut accusé de trahison enuers le Duc de Bourgōgne vñ Gētil-homme du pays de Hainault, nommé Gilles de Postelles, lequel auoit long temps esté nourry, & seruiteur en la maison de la Comtesse de Hainault doüagiere tante audit Duc de Bourgongne. Et fut la cause de ladicte accusation, pource qu'il auoit pourparlé avecques aucuns autres Nobles du pays, de mettre à mort le dessusdit Duc par trait, ou aucune autre maniere, en allant avec luy au bois à la chasse. Si fut pour ceste cause prins en l'hostel de celle Dame au Quesnoy par

Messire Guillaume de Lalaing, Baillif dudit pays de Hainault. Et puis apres qu'il eust esté diligemment questionné & examiné, il fut decapité & escartelé au marché de Mós en Hainault, & les quartiers mis au dehors de quatre bonnes villes du pays. Auecques lequel fut ainsi decapité vn sien seruiteur, & Iean de Vendeges, à qui iceluy Gilles de Postelle s'en estoit descouuert, se rendit fugitif du pays: & depuis par diuers moyensquist plusieurs fois ses excusatións deuers ledit Duc. Si fut pour ceste cause mise aucune suspension contre ladiète Comtesse de Hainault doüagiere, mais en conclusion rien n'en vint à clarté.

*Comment les François eschellerent la ville de Crespy en Vallois, & plusieurs autres matieres.*

**D**VRANT ces tribulations les gens du Roy prindrét par eschelles à vn point du iour en la ville de Crespy en Valois, tenant le party des Anglois: & en estoit Capitaine le Bastard de Thiã, lequel auecques grand partie de la garnison, & de ses habitans fut prins, & tous les bien pillez, & rauiz auec plusieurs autres maulx gans, & innombrables qui furent faits, & par la maniere qu'il est accoustumé de faire en ville conquise. La nuit de l'Ascension de cest an se resmeurent les Gãtois contre les officiers du Prince, & les Gouverneurs de la ville: mais le souverain Escheuin de la ville se meit sur le grãd marché à tout la baniere du Côte de Flãdres bien accõpaigné, auant que les mouuemens fussent asẽblez: lesquels voyans qu'ils ne pouoient mener leur intention à fin, se rendirent fugitifs: & les aucuns furent depuis prins, & punis par les souverains Gouverneurs de la ville de Gand. En ces iours fut prinse la ville de Bruyeres en Laõnois sur les gẽs du Roy Charles, par aucuns des gens de Messire Iean de Luxebourg Comte de Ligny: desquels estoit l'vn des meneurs Villemet de Hainau Capitaine de Montagu: pour laquelle prinse ceux de la ville furēt en grand effroy, doubtans qu'en icelle ne fut en brief temps mise puissante garnison contre eux: & pourtant se garnirent, & fournirēt de gẽs de guerre au mieulx que bonnement faire le peurent pour y resister.

*Comment le Duc de Bourgogne tint la iournée de Passy: & comment il feit assieger la ville & forteresse d'Aulon.*

**L**E premier iour de Septembre venu le Duc de Bourgogne, qui par auãt auoit mãdé es parties de Bourgogne tous ceux, qui l'auoient accoustumé de seruir, tint la iournée pour la reddition de Passy dont dessus est faicte mētion. A laquelle iournée vindrēt en son ayde le Seigneur de l'Isle-Adam Marechal de France de par le Roy Henry, & Messire Iean de Talbot Anglois à tout seize cens combattans ou enuiron: lesquels furent dudit Duc receuz moult joyeusement, & feit tresbeaulx dons à iceux Seigneurs & leurs gens: toutesfois lesdits François ne comparurent pas à ladiète iournée, parquoy ceux de ladiète forteresse de Passy, si cõme promis l'auoient, la rendirēt en la main du dessusdit Duc de Bourgogne: & se departirent sur bon saufconduit. Et apres ledit Duc enuoya aucuns

*Autre es-  
mente à Gãd.*

*Bruyeres en  
Laõnois prinse  
par Luxem-  
bourg.*



aucuns de ses Capitaines mettre le siege entour Aualon : dedans laquelle estoit Capitaine vn nommé Fort-espice à tout deux cens combattans de Gens-d'armes roides, & instruits de la guerre, qui moult vaillammēt se deffendirent. Et estoient les principaux assiegeans, c'est à sçauoir de Bourgogne le Seigneur de Charny, Philebert de Vaudray, & aucuns autres: & de Picardie y estoiet Messire Jean Bastard de saint Pol, le Seigneur de Humieres, & plusieurs autres nobles hommes, lesquels en grand hardiesse approcherent leurs ennemis, & se logerent grād partie au plus pres des fossez. Si feirent dresser plusieurs engins dōt la muraille d'icelle ville fut fort trauuallée, & en moult de lieux abbatue, & tāt que iceux assiegās esperās icelle prendre de force luy liurerent vn grand assault, duquel ils furent par force reboutez & recullez, mais finablement lesdits assiegez doubtrās qu'en fin ne fussent prins de force, & non ayans esperance de secours s'effrayerēt si fort, que par nuit se departirēt d'illecques en desroy par vne poterne, qui point n'estoit bien gardée. Mais ains qu'ils fussent tous hors furent apperceuz de leurs ennemis, lesquels s'armerent & vigoureušemēt se ferirent en eux, si en prindrent, & occirent plusieurs: & le dessusdit Forte-espice, & aucuns des principaulx se sauuerēt par fuite. Et adonc fut ladicte ville soudainement assaillie, & prinse sans trouuer quelconque deffence: dedans laquelle fut prinse la femme d'iceluy Forte-espice, & plusieurs de ses gens avecques aucuns payfans, & tous les biens d'icelle prins & ravis.

*Comment Pierre de Luxembourg Comte de saint Pol assiegea la ville de saint Vallery, auquel voyage il mourut.*

**A**V mois de Iuillet Pierre de Luxembourg Côte de saint Pol accompagné du Seigneur de Villeby Anglois, & douze cēs cōbattans de deux nātios, il mit le siege tout à l'environ de la ville de saint Vallery, dedans laquelle estoient de par le Roy Charles Messire Loys de Vaucourt, Philippe de la Tour, & Messire Regnault de Verzeilles à tout trois cens combattans. Si feirent de rechief dresser contre les portes, & murailles aucuns engins pour les greuer. Et apres que ledit siege eut duré par l'espace de trois sepmaines les dessusdits Cheualiers assiegez feirent traité avecques Robert de Saueuses à ce commis de par ledit Comte de saint Pol, par tel si, qu'ils deuoient auoir certaine somme de monnoye, & emporter tous leurs biens, & aussi emmener tous leurs prisonniers, & avecques ce eurent iour de partir de ladicte ville en cas que lesdits assiegeans ne seroient combattus de ceux de leur party. Auquel iour ne comparut homme tenant leur party, & par ainsi se departirent de là, & s'en allerent à Beauuais sous bon saufconduit, & de là brief ensuiuant les dessusdits Messire Loys, & Messire Regnault furent rencontrez d'un nommé le petit Rolant tenāt leur party, lequel pour aucune haine particuliere sur le chemin de Senlis leur courut sus avecques ses gens, qu'il auoit amenez à Chantilly, & en conclusion les conquist & destroussa, & mesmemēt y fut prins ledit Messire Regnault de Verzeilles. Et apres le dessusdit Comte de saint Pol refournist de ses gens ladicte ville de saint Vallery, &

la bailla en garde à Messire Robert de Saueuse, & de là partant de sondit siege s'en alla loger en vn grand village nommé Blangy en la Comté d'Eu en l'intention d'aller assieger le chastel de Mouchas, que tenoit pour party du Roy Charles Messire Regnault de Fontaines. Lequel Messire Regnault non voulant attendre ledit siege, feit traicté avecques les gés, & cōmis dudict Comte par tel si, qu'il luy rendroit ladiète forteresse le xv. iour du mois d'Octobre ensuiuant, en cas qu'à ce iour les gens du Roy Charles ne seroiēt puissans pour combattre ledit Comte audit iour deuant le chastel de Mouchas, ou es pays de Santhois empres Villiers le Carbōnel à vne lieüe de Haplaincourt. Et pour la seurte de ce traicté fait, & confirmé par les parties le xxvj. iour du mois d'Aoust furent baillez hostaiges, & le dernier iour d'iceluy mesme mois d'Aoust iceluy Comte estant en ses tentes empres ladiète ville de Blangy, faisant les ordonnāces pour aller assieger le chastel de Rābures, luy print la maladie de l'epidimie, de laquelle il mourut assez soudainement. Pour la mort duquel toutes ses gens & aussi les Capitaines Anglois là estans furent fort troublez, & courroucez en cuer. Si s'en retournerent assez brief chacun en leurs places, & propres lieux, dont ils estoient venus: & ceux de sa famille emporterēt son corps en la ville de sainct Pol, & depuis il fut enterré deuant le grand autel du Monstier de Cler-Champ, l'Abbaye, de laquelle ses predecesseurs estoient fondateurs. Et assez brief ensuiuant Loys de Luxebourg fils ainsné dudict Comte aagé de quinze ans ou enuiron, print & apprehenda toutes les Seigneuries, qu'auoit tenu sondit feu pere, & de là en auant se feit nommer Comte de sainct Pol.

*Comment le Seigneur de la Trimouille fut prins en l'hostel du Roy Charles, & rendit la Vicomté de Thouars.*

*La Trimouille  
huy par Char-  
les d'Anjou.*

**D**V R A N T le temps dessusdit, le Roy Charles de France se tenoit moult souuēt au chastel de Chinō: avecques lequel estoient le Seigneur de la Trimouille, par qui toutes besongnes se conduisoient quant à l'estat du Roy, dont n'estoient pas biē contens Charles d'Anjou, & aucuns autres grans Seigneurs, qui l'auoient en haine pour l'amour du Seigneur d'Amboise Vicōte de Thouars: lequel il faisoit tenir prisonnier dès le temps que le Seigneur de Lessay, & Anthoine de Viuonne auoient esté decapitez en la cité de Poitiers par son pourchairs: & aussi pource que par luy le Cōnestable ne pouoit retourner en la grace du Roy, cōme iceux entendoient estre vray. Si aduint vn certain iour qu'en cōptant des choses dessusdictes entrerent dedans iceluy chastel de Chinon le Seigneur de Buil, Messire Pierre de Verfeil, Fregent de Cothiguy, & aucuns autres grans Barōs iusques au nombre de seize: lesquels allerēt iusques à la chābre d'iceluy Seigneur de la Trimouille, qui encore estoit en son liēt. Si le prindrēt prisonnier & l'emenerent, & luy fut lors osté tout le gouuernemēt du Roy, & puis par traicté, qu'il feit avec les dessusdits & autres leurs alliez, rendit ledit Seigneur d'Amboise: & avecques ce promet de non plus retourner deuers le Roy, & si rendit plusieurs forteresses, qu'il tenoit. Et assez brief ensuiuant retourna ledit Cōnestable deuers le Roy: lequel Roy fut assez content

de



de luy, jaçoit ce qu'il luy despleut grandement du desapoinctement des-  
susdit du Seigneur de la Trimoüille: neantmoins luy furent baillez nou-  
ueaulx Gouverneurs. Au temps dessusdit Philippe le Seigneur de Saueuses  
setenoit en la ville de Montdidier à tout certain nombre de combattans,  
pour deffendre le pais & resister contre les François de Compiengne, Res-  
lions sur la mer, Morte Mer, Bretueil & autres places: lesquels estoient allez  
courre vers le pais de Santhois enuiron eux cinquâte combattans: lesquels  
furent tantost enuahis & la plus grâd partie prins prisonniers, & les autres  
se sauuerent par fuite. En cest an mourut le Comte de Ponthieure en sa vil-  
le d'Auefnes en Hainault, lequel par long temps auoit esté dechassé de *Mort du Cōte  
de Pōthieure.*  
Bretaigne, comme en autrès lieux est assez declairé: & alors regnoit sur la  
plus grand partie des marches de France grand mortalité, tant en bonnes  
villes, comme en plain pays. Et d'autre part estoiet les Seigneurs, & nobles  
hommes fort diuisez les vns contre les autres, & n'estoient Dieu, l'Eglise,  
ne iustice obeys ne crains, & par ainsi le poure, & simple peuple estoit en  
pluseurs manieres offensé.

*Comment Guillaume de Coroam ruias Iean de Beaurain: & comment la forteresse de  
Haplaincourt fut reconquise par Messire Jean de Luxembourg.*

**E** T E M en celuy temps Guillaume de Coroam Anglois, & auec-  
ques luy Villemer de Hainault, & aucuns autres des gens de Mes-  
sire Iean de Luxembourg accompagné de trois à quatre cens cō-  
battans ou enuiron, ruerent ius & destroussèrent entre Ardenne,  
& Champagne assez pres de Yvvis de cinq à six cens combattans: lesquels  
auoit assemblez Iean de Beaurain, & autres Capitaines pour combattre &  
ruer ius les dessusdits, qui là estoient allez courir, toutesfois ledit Iean de  
Beaurain se sauua, & grand partie de ses gens. Et après au mois de Septem-  
bre fut prins le chastel de Haplaincourt, seant sur la riuere de Somme à  
deux lieues de Peronne par vn tenant le party du Roy Charles nommé Mar-  
tin le Lombart, & ses complices: dedans lequel estoient Messire Pierre de  
Beaufault noble Cheualier moult anciē, & sa femme, mere de Messire Ka-  
rodos de Quesnes. Pour laquelle prinse le pays de Vermandois, & autres à  
l'enuiron furent en grand effroy & soucy: doubtrons que par le moyen d'i-  
celle prinse leurs aduersaires, & ennemis n'eussent grand entrée en iceux  
pays. Et pourtant sans delay furent incontinent mandées ces nouuèlles au-  
dit Messire Iean de Luxembourg: lequel dedans briefs iours ensuiuant as-  
sembla bien huiēt cens combattans Picards, & auecques luy le ieune Com-  
te de sainct Pol son nepueu, le Seigneur de Saueuses; Messire Symon de  
Lalaing, & aucuns autres nobles Capitaines, & s'en alla deuāt ledit chastel:  
deuant lequel il feit dresser aucuns engins pour traire à l'encontre. Et tant  
feirent par lesdits engins auecques les assaulx, que y feirent ses gens, qu'ils  
contraingnirent tellement ceux de dedans ledit chastel, qu'ils se rendirent  
du tout en la voulenté dudit Messire Iean de Luxembourg, dont les aucuns  
furent penduz, & estranglez, & ledit Martin, Iacotin, Clamas furēt depuis  
deliurez par finance: & iceluy chastel fut depuis remis en la main de Iea de



Haplaincourt, & en furent du tout deboutez les dessusdits Cheualier, & Dame. Apres lequel exploict s'en retournerent les dessusdits Comte de Ligny & de S. Pol avecques leurs gens és lieux, & païs dont ils estoient venuz.


*Comment les Comtes de saint Pol, & Ligny tindrent la journée de Villiers le Carbonnel, & depuis ruerent ius les François de la garnison de Laon.*

**L**E quinziesme iour du mois d'Octobre le ieune Comte de saint Pol, & Messire Iean de Luxembourg Comte de Ligny son oncle, avec de quatre à cinq mille combattans, que par auant ils auoient euoquez des païs de Picardie, & de Hainault: entre lesquels estoient Messire Guillaume de Lalaing, Messire Symon son frere, le Seigneur de Mailly, Messire Allard de Mailly, le Seigneur de Saueuses, Valleran de Moreul, Guy de Roye, & plusieurs autres hommes de guerre experts & renommez en armes: avecques ce aussi douze cens Anglois ou enuiron, que conduisoient le Seigneur de Villeby, & Messire Thomas Kiriel; tindrent la journée au païs de Santhois empres Villiers le Carbonnel, pour la composition du chastel de Mouchas en Normãdie faicte par Messire Regnault de Fontaines avec le feu Comte Pierre de Luxembourg, come en autre lieu est à plain declairé. A laquelle journée Messire Regnault ne autres de la partie du Roy Charles ne vindrent, ne comparurent, ains laisserent leurs ostages en ce dangier: neantmoins les deux Comtes dessusdits se tindrent en la bataille au lieu, qui auoit esté diuisé entre icelles parties grand partie du iour. En apres eux voyans, qu'ils ne veoient nulle apparence de leurs aduersaires, se logerent à tout leurs gens ceste nuit en aucuns villages pres de ladite place, & le lendemain s'en retournerent és lieux, dont ils estoient venus par plusieurs journées. En oultre dedans briebs iours ensuiuans les dessusdits Comtes estans à Guise, leur furent apportées nouvelles, que le Seigneur de Pennesach alors Capitaine de Laõ avec luy quatre cens combattans, ou enuiron des garnisons de la marche de Laonnois, estoient venus courre vers Marle, & venoient de cuider prendre Veruins appartenant heritablement à Ieanne de Bar sa belle fille: & desia auoient bouté les feux és faulxbourgs d'icelle ville de Marle. Pour lesquelles nouvelles Messire Iean de Luxembourg tout troublé monta à cheual, ledit Côte de saint Pol en sa compaignie, Messire Symon de Lalain, & les gens de son hostel. Si manda hastiurement à toutes les gens, qui estoient en ses forteresses assez pres d'illec, qu'ils le suiussent sans delay: & avec ce Messire Symon manda les gens, qui estoient logez en vn village assez pres de là. Finalement ledit Comte de Ligny meit ensemble trois cens cobattans de plusieurs terres, & cheuaucha vigoureusement vers ses ennemis, si les trouuerent qu'ils se retrayoient vers Laon assez pres de Daissy. Et jaçoit ce qu'ils fussent en plus grand nombre que luy, toutesfois tãtost qu'il les apperceut, se ferit des premiers dedans eux sans plus attendre apres les gens: & pour vray il y feit de grans merueilles, & faits d'armes de sa personne: & finalement les François se meirent en fuite en la veüe de leur Capitaine dessusdit: & les autres furent desconfits, & mis à mort iusques au nombre de huiet-

vingts

vingts, dont estoient les principaulx Gaillard del'Isle, Anthoine de Belle-Garde, de Moui, le Borgne de Vy, Henry Quenof du païs de Brabât & autres iusques au nombre dessusdit : & en y eut de prins de soixante à quatre vingts, desquels la plus grand partie furent le lendemain pendus : desquels en fut vn nommé Roussellet Preuost de Laon : & si fut prins en la bataille vn Gentil-homme d'armes nommé : l'Archenciel, qui s'estoit rendu à Messire Symon de Lalaing dessus nommé : lequel l'Archenciel luy auoit autresfois sauué la vie à saint Vincent, comme dit est ailleurs. Et pareillemēt luy vouloit ledit Messire Simon sauuer la vie, ce que faire ne peut. Car Messire Iean de Luxembourg le feit occire, dont ledit Messire Simon fut moult courroucé : mais autre chose n'en peut auoir. En apres les François furent chassez iusques assez pres de la ville de Laõ, si en y eut en ladiète chassé plusieurs morts & prins. Si fut ce iour le ieune Comte de S. Pol mis en voye de guerre : car le Comte de Leigny son oncle luy en feit occire aucuns, lequel y prenoit grand plaisir. Apres laquelle destrouffe s'en retournerēt tres-joyeux en ladiète ville de Guise pour la victoire, qu'ils auoient obtenue.

*Comment la Hire & plusieurs autres François coururent en Arthois, & en Cambresis : mais ce fut deuant l'adventure dessusdite.*

 V mois de Septembre la Hire accompagné de plusieurs Capitaines du Roy Charles : c'est à sçauoir Anthoine de Chabannes, Blâchefort, Charles de Flauy, Regnault de Longueual & aucuns autres, avecques bien quinze cens combattans ou enuiron, qu'ils auoient assemblez és marches de Beauuais, passerēt l'eau de Somme à Cappy au païs d'Arthois, si prindrent iceluy à fourrer : & de premiere venue prindrent grand nombre de païsans, qui de ce ne se donnoient garde : lesquels ils emmenerent en la ville de Beauuais en Cambresis, où ils se logerēt tous ensemble. Et de rechief comme ils auoient fait ailleurs, prindrent la plus grand partie des hommes d'icelle, lesquels ils composerent à grand finance. Et le lendemain se meirent aux champs tous ensemble en vne champaigne : & apres qu'ils eurent cheuauché vn petit en cest estat, ils se departirent pour aller en deux lieux : c'est à sçauoir Anthoine de Chabannes & Blâchefort à tout leurs gens s'en allerent passer deuant Cambray, & prindrent leur chemin droit à Haspre, où la franche feste auoit esté le iour deuant la tour d'Yvvis : & pource que ceux de dedans ne se voulurēt composer à leur plaisir, ardirent la plus grand partie de la ville, & du monstier. Et apres s'en allerent deuers ladiète ville de Haspre, où il y auoit tresgrand nombre de peuple, & de biens abondamment. Si se ferirent dedans sans ce que ceux de Haspre en fussent de riens aduertis, si en prindrēt plusieurs : mais les autres se retrahirent en vne forté tour avecques les moynes, où ils furēt par iceux François longuement assaillis. Et pource qu'il ne les peurent auoir, apres ce qu'ils eurent prins, & rauy des biens d'icelle ville tout à leur plaisir, bouterent le feu en plusieurs maisons, & aussi en l'Eglise saint Akaire, & en l'Abbaye, & y feirent dommage incomparable. Et apres ce se remeirēt aux champs à tout leurs bagages, & trauerferent le païs de Cambresis : si prin-

drent plusieurs hommes prisonniers, & ardirent plusieurs maisons, & puis s'en allerent loger au mont S. Martin avecques la Hire, qui là les attendit. Et en ce mesme iour ledit la Hire auoit fait ardoir, & embraser la ville de Beureuoir, le moulin, & aussi vne tresbelle maison de plaissance nommée la Mothe, seant assez pres d'icelle ville: laquelle estoit à la Comtesse de Ligny: si coururent lors en plusieurs parties par petites compagnies en faisant maulx, & innumerables dommages sur le païs, sans estre occupez de leurs ennemis: car Messire Iean de Luxembourg estoit encores avec le ieune Comte de S. Pol son nepueu, pour les affaires qui luy estoient suruenuz à cause de la mort du Comte Pierre son frere. Et pour ceste cause les dessusdits François ne trouuerent quelque destourbier ne resistance par tout où ils allerent durant ceste entreprinse: & en apres du mōt S. Martin prindrēt leur chemin vers Laon: & en accueillant grans proyes de bestail, & menāt grand multitude de prisonniers, s'en allerent loger à Cressy sur Serre, & de là sans perte de leurs gens s'en retournerent à Laon, où ils partirent leur butin: & puis s'en allerent en leurs garnisons chacun dont ils estoient venus. Enuiron le temps dessusdit retournerent des païs de Bourgongne les Seigneurs de Croï, & de Humieres, à tout deux mille cheuaux: lesquels par longue espace auoient esté avec le Duc Philippe de Bourgongne, pour faire plusieurs conquestes audit païs sur les François: auquel temps la Duchesse de Bourgongne se deliura d'un fils en la ville de Dijon, lequel fut fait Cheualier sur les fons. Et furent les parrains Charles Comte de Neuers, qui luy donna son nom, & ledeit seigneur de Croï avec luy. Et auant son departement fut deslors constitué de l'ordre de la confraternité de la Toison d'or: & avec ce par le dessusdit Duc de Bourgongne son pere, luy fut donnée la Comté de Charrolois.

*Naissance  
a' un fils au  
Duc de Bour-  
gongne.*

*Comment le Duc de Bourgongne tint la feste de la Toison d'Or en la ville de Dijon:  
& comment il alla aux nopces du fils du Duc de Sauoye.*



En ce temps le Duc de Bourgogne tint sa feste de la Toison d'or en la ville de Dijon en Bourgongne: & brief ensuiuant vindrēt deuers luy les gens du Duc de Sauoye, luy requerre qu'il voulüst aller aux nopces de son nepueu le Comte de Geneue: lequel prenoit à femme la fille au Roy de Chippre, & se deuoit tenir la feste d'icelles nopces à Chambery en Sauoye: lequel Duc de Bourgongne accorda d'y aller: & apres qu'il eut ordonné ses besongnes enuiron la Chandeleur, laissa sa femme la Duchesse à Chaalons en Bourgongne, & son armée enuiron, & se partit à tout deux cens Cheualiers, & Escuyers: & cheuaucha par plusieurs iournées, tant qu'il vint en ladicte ville de Chambery en Sauoye, & la vindrent au deuant de luy le Duc de Sauoye, & son cousin germain le Comte de Geneue, lesquels les receurent moult liement. Et le lendemain furent faictes les nopces moult solennelles, & plantureuses: & se feirent à la grand table le Cardinal de Chippre oncle de l'espousée, la Royn de Cecille femme du Roy Loïs fille dudit Duc de Sauoye. Et puis ledit Duc de Bourgogne tous trois au droit lez, & au milieu fut assise l'espousée:



& apres le Duc de Bar, le Comte de Neuers, & le Damoisel de Cleues. Et à la seconde table se feirent le Duc de Sauoye, le Comte de Fribourg, le Marquis de Fribourg, le Prince d'Orenge, le Chancelier de Sauoye, & autres Seigneurs, & Dames. Aux autres tables furent assis plusieurs Cheualiers, & Escuyers, Dames, & Damoiselles de diuerfes contrées moult richemēt habillez, lesquels chacun selon son estat furent moult hautement & richemēt seruis, & dura ladiçte feste par trois iours moult plantureuse. Durāt laquelle furent faictes moult de ioyeusetez en dances, & autres esbattemens. Et apres ledit Duc de Bourgongne donna à l'espousé vn moult riche fermail de la valeur de trois mille frācs. Et puis les trois iours dessusdits passez print congé à toute la Seigneurie qui là estoit, & s'en retourna en Bourgongne: si fut à son departement grandement remercié du Duc de Sauoye, & de son fils.

*Comment le Concile de Basle fut en cest an en grand estat tenu.*

**D**V R A N T ce temps dessusdit estoit le Concile de Basle en grand estat tenu: & y estoit venu l'Empereur signifiant Roy des Romains, & plusieurs autres Seigneurs de diuerfes nations tant Ecclesiastiques, que seculiers: lesquels entendoient diligemment à mettre Ambassadeurs lus, pour appaiser les dilcords d'entre le Roy de France d'vne part, & le Roy d'Angleterre, & le Duc de Bourgogne d'autre part. Et entre-temps vindrent nouuelles au dit Concile, qui leur furent moult plaisans, c'est à sçauoir que les Pragois auoient esté delconfits, & morts de <sup>Pragois de-</sup> <sup>saill.</sup> huiç à dix mille personnes par les Nobles du païs de Behaine, & par auec eux six cens hommes de guerre, que ceux dudit Concile auoient enuoyez en leur ayde. Et brief ensuiuans furent occis deux prestres, qui estoient Capitaines des errans: dont l'vn estoit nommé Proteustus du Tabouret, & l'autre Lupus, & auec eux six mille de leur secte. Si fut lors conquis la grād cité de Pragues, & nettoyée des mescreans, & grād partie du païs: si enuoyèrent ceux de Behaigne leur Ambassade au Concile, pour auoir absolution, & confirmation de la foy Catholique. Et adonc fut par ledit Concile leué vn demy dixiesme sur le Clergé: & de rechief vindrent les Ambassadeurs du Roy de Castille, & des Espaignols en trelgrand estat audit lieu de Basle: & estoient bien quatre cens personnes, & deux cens mullets sans les cheuaux. Et furent enuoyez de par iceluy Concile les Cardinaux de sainte Croix, & de saint Pierre, deuers Philippe Maria Duc de Millan pour r'auoir la terre de l'Eglise qu'il tenoit, mais ce fut à peine perdue.

*Comment la ville & le chasteil d' Prouins en Br̃e, que tenoient les François furent prins des Anglois, & Bourgongnons: & aussi comment la ville, & forteresse de saint Valery fut reprise des François.*

**E**N ce temps furent prins d'eschelles la ville, & chasteil de Prouins en Frie, que tenoient les François par les Anglois & Bourgongnons: desquels estoient les chefs Messire Jean Raillard, Mado de Lussach, Thomas Girard Capitaine de Mōstriaufaut-Yon-

ne, Richard Hugon & aucuns autres: lesquels pouoiēt auoir enuiron quatre cens combattans: & fut des eschelleurs vn nommé Grosse-teste, & fut prins par le chasteil enuiron cinq heures apres minuiēt. Et estoiet dedans enuiron cinq cens hommes de guerre, dont le principal estoit le Commandeur de Gueraignes, qui avec ses gens tresvaillamment se gouuerna, & deffendit l'espace de huiēt heures ou enuiron: & tant que lesdits entrepreneurs en moururent largement, iusques au nombre de six vingts ou mieux: entre lesquels en fut l'un vn nommé Henry de Hongrefort Anglois tres-vaillant homme d'armes: neantmoins ladicte ville, & forteresse furent conquises, & du tout mises à saquement, & furent morts & prins grand partie des dessusdits François deffendeurs. Mais ledit Commandeur voyant que nul remede ne s'y pouoit mettre, se sauua avec aucuns autres, & depuis en demoura Capitaine le Seigneur de la Grange. Item à l'entrée du mois de Ianuier reprindrent les gens du Roy Charles: c'est à sçauoir Charlot du Marests Capitaine de Rambures la ville & forteresse de saint Vvalery par faute de guer: laquelle Robert de Saueufes auoit en sa garde, mais pour lors n'y estoit pas: & y auoit eu si grand mortalité, que peu de gens s'y osoient tenir: neantmoins le Bastard de † Siennes son lieutenant fut prins & aucuns autres avec luy: pour laquelle prinse ceux de Ponthieu, & autres à l'enuiron furent en moult grand doubte. Philippe de la Tour fut principal chief à prendre ceste ville de saint Vvalery, avec le dessusdit Charlot du Marests.

*Reprinse de s.  
Vvalery.*

*† ie doute  
s'il fault Fi-  
ennes mai-  
son illustre  
en Flâdres.*

*De l'an mille cccc. xxxiiij.*

*Comment le Duc de Bourgongne retourna en ses pays de Bourgongne en Flandres, & en Arthois, & amena avec luy Iean fils du Comte de Neuers, & autres matieres.*



V commencement de cest an Philippe Duc de Bourgongne retourna en ses païs de Bourgongne, en Arthois, en Flandres, & en ses autres païs six cens combattans avec luy ou enuiron: & laissa audit païs de Bourgogne la Duchesse sa femme, & son petit fils, & avec ses forteresses garnies de ses Gens-d'armes: auquel retour amena avec luy Iean fils au Comte de Neuers son cousin germain, & fils à sa femme precedente. Si visita ses païs & bonnes villes, & prepara pour auoir gens, & argent pour retourner audit païs de Bourgongne, & entre-temps les gens de Messire Iean de Luxembourg tenans les frontieres de Laonnois, prindrent le fort de l'Abbaye saint Vincent lez Laon, que tenoient les gens du Roy Charles: dedas lequel fort fut prins vn notable Gentil-homme nommé Anthoine de Cramailles: auquel le dessusdit Duc de Luxembourg feit couper le chief, & son corps escarteller à Ripelmonde: & demourerent morts à la prinse dudit fort de saint Vincent, Iamet de Pennesach, & Eustache Vaude. Et apres ledit Messire Iean de Luxembourg garnit iceluy fort de ses Gens-d'armes, pourquoy ceux de la ville de Laon furent en tresgrand doubte, & pour mieux y resister garnirent leur ville de droictes gens d'armes: & par ainsi les parties chacun iour liuroient l'un contre l'autre de grandes escarmouches: ausquelles souuēt aduenoit, qu'il en y auoit de chacune partie des morts & de naurez: & entre les autres de la partie dudit messire

*Prinse du fort  
de saint Vin-  
cent.*

Iean

Ieâ de Luxebourg y fut mort vn vaillât Cheualier, nômé Colart de Forges par vn traiçt, dôt il fut feru ausdictes escarmouches au trauers de la iambe.

*Comment ledit Iean de Neuers fut ordonné à mettre le siege deuant Moreul,  
& luy fut donné la Comté d'Estampes.*

**T** E M apres ce que le Duc de Luxembourg eut ramené és païs de Picardie Iean fils du Comte de Neuers (comme dit est dessus) luy fut par ledit Duc de Bourgongne donnée la Comté d'Estampes: & en porta le nom de ce iour en auant grand espace de tēps: & avec ce fut ordonné Capitaine de Picardie pour auoir la charge des frôtieres. Si assembla Gens-d'armes pour aller assieger le chasteau de Moreul, que tenoiēt les François. Avec lequel se meit le Seigneur d'Antoing, Messire Iean de Croÿ, le Vidame d'Amiens, Valleran de Moreul, le Seigneur de Humieres, le Seigneur de Saueuses, & le Seigneur de Neufuille, Messire Baudo de Noyelle Gouverneur de Peronne, Môrdidier, Roye & plusieurs autres nobles hommes, & gens de guerre iusques à mille combattans, qui par ledit Comte d'Estampes, & Capitaines dessusdits furent menez, & cōduits iusques audit lieu de Moreul, & là se legerent deuant la forteresse, où estoient enuiron cent combattans, qui dedans le terme de huit iours furent par les assiegeans contrainçts d'eux rendre sauf leurs vies tāt seulemēt, en delaisant tous leurs biens en la vouldenté dudit Comte d'Estampes, & de ses commis. Apres lequel traiçtē finy & qu'iceux François se furent departiz soubz bon saufconduit, ladicte forteresse fut remise en la main du dessusdit Valleran de Moreul: & le dessusdit Comte d'Estampes mena ses gens deuant le chasteau de Mortemer empres Resons sur Mers: lequel chasteau Mortemer de-moly. luy fut rendu, & fut du tout demoly, & briefs iours apres s'en retourna ledit Comte à tout ses gēs és païs dessusdits.

*Comment le Pape Eugene fut en discord contre les Romains, qui le vouldurent  
tenir à Rome outre son grē.*

**E** N ce temps nostre S. Pere le Pape Eugene, qui se tenoit à Rôme, eut vouldenté d'aller demourer à Florence: & quand ce vint à la cognoissance des Romains, ils en furent moult troublez, & allerent en grand multitude deuers ledit Pape, & luy feirent dire, que point ne se partiroit de là, & que mieux ne pouoit estre, qu'en icelle ville de Rome, qui estoit la fôrtaine de Chrestienté. Et lors ledit Pape, & ses Cardinaulx voyans la rudesse, & folie d'iceux Romains, monstrerent semblant de non vouloir partir: neantmoins iceux Romains feirent diligemēt garder leurs portes, afin qu'ils ne sceussēt partir sans leur sceu. Toutesfoi par le moyen de la belle Roïne de Cecille, qui enuoya au sain & Pere aucunes nauires garnies de Gens-d'armes; se departit ledit Pape de Romo secrettement, & s'en alla demourer à Florence: pour lequel partement les Romains dessusdits furent fort troublez: & incontinent tout ce que le Pape auoit laissé en leurs villes avec aucuns de ses gens, ils arresterent, desquels en estoit l'un le Cardinal de Venise son nepueu: & feit son departe-



ment en guise de moyne, & ainsi habitué s'en alla.

*Comment le fort de saint Vincent empres Laon fut demoly: & comment plusieurs forteresses furent conquises par les Bourgonnons.*

**E**N iceluy mesme temps le Duc de Bourgogne se partit de ses païs de Picardie à tout deux mille combattans, pour retourner en ses païs de Bourgogne, avec lequel s'assemblerent Messire Symon de Lalaing, & Robert de Seueuses. Si print son chemin vers Cambresis, & de là à Cresly sur Serre, & à Prouins, & lors les François estoient en grand nombre à Laon venus en intention d'assieger le fort de S. Vincent, où estoient les gens de Messire Jean de Luxembourg, cōme dit est dessus: lequel Comte de ce aduertiy enuoya ses messagers à Veruins deuers ledit Duc, requerant qu'il voullist retourner à tout ses Gens-d'armes iusques audit lieu de Cresly: & illec seiourner deux ou trois iours, afin que les dessusdits François estans à Laon se partissent. Laquelle requeste luy accorda, & reuint loger audit lieu de Cresly: & entre-tēps traictēz se cōmencerēt à faire entre ledit de Ligney, & ceux de la ville de Laō: lesquels en fin furent conclus par condition, que ceux qui estoient dedans ledit fort de S. Vincent, departiroient sauf leurs vies & leurs biens, & le dessusdit fort seroit demoly: lesquelles besongnes faictes & accordées, ledit Duc s'en alla parmy la Champaigne en son païs de Bourgogne, & r'assembla de rechief avec ceux qu'il auoit amenez grand nombre de Bourgonnons, & Picards là estans. Si les enuoya assieger la ville, & forteresse de Chaumont en Charolois, que tenoient les François: lesquels en assez brief temps ensuiuans furent par lesdits assiegeans si fort trauaillez & contraincts, qu'ils se rendirēt en la voulenté d'iceluy Duc de Bourgogne, lequel en feit prendre cent ou au dessus: & estoit lors le chief pour les Picards en l'absence dudit Duc Messire Jean Bastard de S. Pol. Et est à sçauoir que de ceux, qui furent penduz, estoit l'un le fils de Rodigue de Vilandras, & apres se rendirent au Capitaine d'iceluy Duc ceux dudit fort, & furent penduz comme les autres. Apres assiegerent Benam, si se rendirent ceux de dedās sauues leurs vies eux departans le baston ou poing, & de là tant par sieges comme par assaulx meirent en leur obeysance plusieurs villes, & forteresses que tenoient les François.

*Comment le Seigneur de Thallebot vint en France, où il conquist plusieurs villes, & forteresses.*

**A**V mesme an Messire Jean de Thallebot retourna du païs d'Angleterre en France, & amena avec luy huiet cēs combattans Anglois, lesquels il mena à Roüen: & de là prenant son chemin vers Paris, print & meit en son obeysance le fort de Ioinz seant entre Beauuais & Gisors, & furent penduz les François, qui estoient dedās. En apres iceluy Messire Jean de Thallebot s'en alla à tout ses gens audit lieu de Paris, où il fut cōclud par le Cōseil du Roy Henry là estant, que luy le Seigneur de l'Isle Adam Marechal de Frāce, & le Galois d'Aunay Cheualier

ualier Seigneur d'Aruille, avec eux l'Euesque de Theroüanne Chancelier de France pour le Roy Henry à tout leurs gens iroient assieger le chastel de Beaumont sur Oise: lequel auoit reparé Amadour de Vignolles frere de la Hire. Si se meirent sus à tout bien seize cens combattans gens de bonne estoffe les trois Cheualiers dessusdits, & allerent deuant le chastel dessusdit, lequel ils trouuerent tout vuide: car desia par auant leur venue ledit Amadour de Vignolles, & ses gens l'auoient abandonné, & s'estoient tous retraicts à Creil à tout leurs biens. Auquel lieu tantost le suiuirent les dessusdits pres que du tout ils eurent desolé ledit Chastel de Beaumont: si se logerent autour de la ville tât d'un costé comme d'autre, & y liuererēt plusieurs gran des escarmouches: ausquelles lesdits assiegez se deffendirent vigoureusement: mais à l'une d'icelles ledit Amadour fut frappé d'un trait dont il mourut, si en furent ceux de dedās moult marris, car ils le tenoient de grand conduicte & vaillant homme de guerre: durant lequel siegē vint avec lesdits assiegeans le dessusdit Euesque de Theroüanne Chancelier de France: apres laquelle venue au bout de six semaines que ledit siegē auoit esté mis se rendirent lesdits assiegez par condition, qu'ils s'en iroient sau leurs corps & leurs biens. Et apres que lesdits Anglois eurent regainy ladicte ville, & chastel de Creil de leurs gens, ils s'en allerent assieger le pont sainte Maxence, que tenoit Guillon de Ferrieres nepueu de sainte Treille: lequel en assez briebs iours leur rendit, & s'en alla luy, & les siens sau leurs corps, & leurs bagues. En apres se rendirent à iceux Anglois à Neufuille en Esmoy, & la Rouge-maison, & puis s'en allerent à Crespy en Valois, qui fut prinse d'assault, & y auoit bien trente François, desquels Pothon le Bourgongnō estoit le chief. Et de là retournerent à Clermont en Beauuoisis, qui se redit à eux, & le tenoit le Bourg de Vignolles: puis s'en allerent deuant Beauuais: mais ils ne veirent point qu'ils y peussent proffiter aucune chose, & pource s'en retournerēt à Paris, & les autres en leurs garnisōs dōt ils estoient venuz.

*Comment le Comte d'Estampes reconquist la ville de saint Vvalery.*

**E**N ce mesme temps le Comte d'Estampes accompaigné du Seigneur d'Antoing, du Vidame d'Amiens, de Messire Jean de Croi, & plusieurs autres Seigneurs, qui parauant auoient esté avecques luy deuant Moreul, alla assieger la ville & forteresse de saint Vvalery, deuant lesquelles ils furēt enuiron vn mois: au bout duquel Charles de Marests, & Philippe de la Tour Capitaine, lequel auoit esté principal chief à prendre icelle ville de saint Vvalery, & auoit iceluy Philippe dessous luy la plus grand partie des gens d'armes, estans en ladicte ville tenans le party du Roy Charles: si feirent traicte avec les commis dudit Comte, par tel si, qu'eux & les leurs s'en iroient sauement avec leurs biens: & avec ce auroient vne certaine somme d'argent, au iour, qu'ils se partiroident de ladicte ville. Et prindrent terme d'eux partir au bout de huit iours, en cas que François ne seroient là puis sans assez pour cōbattre ledit Comte d'Estampes. Auquel iour ne vindrent, ne comparurent lesdits François: ains au iour qui leur estoit ordonné de partir, vint pour secourir

iceluy Comte d'Estampes, se besoing luy en eut esté, le dessusdit Loïs de Luxembourg Euesque de Theroüanne Chancelier de France pour le Roy Henry d'Angleterre à tout cinq cens Anglois, que cōduisoient le Seigneur de Villeby, Messire Guy le bouteillier, & Brunelay Capitaine d'Eu. Lequel Chancelier, & les dessusdits furent ioyeusement receuz dudit Comte d'Estampes, & les Seigneurs estans avec luy. Si se partirent ce mesme iour lesdits François avecques Charles de Marests leur Capitaine, qui les mena à Rambures: durant lequel partemēt arriua au Haure dudit lieu sainct Vvalery vne barge, qui estoit chargée de vins: laquelle venoit de sainct Malo pour la prouision desdits François, laquelle fut prestement prinse par les assiegeans. Et en apres ledit Chancelier & ses Anglois retournerent au giste à Eu, & le Comte d'Estâpes se logea celle nuit en ladicte ville de sainct Vvalery: & le lendemain apres qu'il eut commis Jean de Brimeu Capitaine d'iceux ville & chastel, il se departit & retourna en Arthois à tout ses gens, lesquels il congea. En outre de la ville d'Eu le Chancelier dessusdit à tout iceux Anglois, alla mettre le siege deuant le chastel de Monchas: lequel dedans briebs iours luy fut rendu, moyennant certaine somme d'argēt, qu'en receut Messire Regnault de Fontaines, qui en estoit Capitaine, & fut iceluy chastel du tout desolé & abbatu, iaçoit-ce que ce fut la plus belle forteresse de toute la Comté d'Eu: durant lequel temps le Comte d'Arondel se tenoit souuent à Mante & au païs deuers Chartres. Si print & gaigna pour cest an plusieurs forteresses sur les François tant au païs de Chartrain, comme au païs de Perche: & lors ledit Duc de Bethfort retourna d'Angleterre à Roüen: & de là à Paris, où il se tint longue espace de temps.

*Monchas de-  
moli.*

*Comment les François prindrent la ville de Han sur Somme en Vermandois.*

**E**N VIRON le mois d'Aoust prindrent les gens du Roy Charles la ville de Han sur Somme, que tenoient les gens de Messire Iea de Luxembourg Comte de Ligney, & la rendirent les habitans, pource que leur garnison sçachās la venue d'iceux François, estoient partis d'eux, & les laisserent en danger. En laquelle ville vindrent le Comte de Richemont Conneftable de France, le Bastard d'Orleans, la Hire & plusieurs autres Capitaines, & avecques eux grand nombre de combattans. Pour laquelle prinse le païs de Vermandois, Arthois, Cambresis, & plusieurs autres marches d'environ furent en tresgrand doubte, voyans iceux leurs ennemis estre logez en fort lieu sur le passage de l'eäue: & aussi sçachant leur Prince estre hors du païs. Neantmoins les Comtes de S. Pol, d'Estampes, de Ligney feirent grans diligence d'assembler gens, pour resister aux entreprinles desdits François: mais entre-temps qu'icelles assemblées se faisoient, se commencerent aucūs traiçtez entre les parties: lesquels en conclusion vindrent à bonne fin, & moyennant certaine somme d'argent, montant à quarante mille escus qu'eurent les François, rendirēt icelle ville de Hā en la main de Messire Jean de Luxembourg à qui elle estoit. Et la cause pourquoy lesdits traiçtez furent conduits en doulceur, si fut sur l'esperāce de venir à paix finale entre le Roy Charles de France, & le Duc de

*Han rendue à  
Luxembourg.*



de Bourgongne: car de là en auoit plusieurs moyens en commencéz entre les parties. Avec laquelle ville de Han tendirét le fort de Breteil en la main dudit Comté d'Estampes, que Blanchefort auoit tenu long temps: & en ce mesme temps le Duc de Bourgongne feit mettre siege deuant Couloigne: lez Vigneufes par Messire Guillaume de Rochefort, & Phillebert de Vaudray, à tout huiet cens combattans ou environ: lesquels se logerent en vne Bastille, & au bout de trois mois se rendirent ceulx de dedans par condition, qu'ils s'en iroient fauf leurs corps & leurs biens.

*Comment la ville & forteresse de Chasteau-villain furent mises en l'obeyssance du Duc de Bourgongne.*

**E**T M'après ce que le Duc de Bourgongne fut retourné en son pais de Bourgongne, comme dit est, il alla deuant Grantfz: lequel long temps parauant auoit esté assiegé par Messire Jean de Vergy, & ses alliez. Et lors ceulx qui dedans estoient non ayans nulle esperance d'auoir aucun secours, feirent traité de rendre, & mettre l'iceluy fort en l'obeyssance d'iceluy Duc: lequel fort sans estre desolé, fut mis en la main du Seigneur de Thy frere au Seigneur de Chasteau-villain. Après laquelle reddition furent par ledit Duc enuoyez Messire Jean de Vergy, & plusieurs autres Capitaines tant du pais de Bourgongne comme de Picardie courre deuant la cité de Langres, & iceux sommer qu'ils se rendissent en son obeyssance: laquelle chose ils ne voulurét point faire: ains retindrét le herault qui de par iceux Capitaines leur auoit fait ce message, lequel estoit nommé Germole. Et pourtant les dessusdits Capitaines voyans que riens ne pouoient ex ploier, s'en retournerent deuers ledit Duc en degaissant le pays.

*Comment à l'occasion de la guerre grans tailles furent faictes, & cueillies sur le pays d'Arthois, & autres à l'environ.*

**E**N ces propres iours par tous les pays d'Arthois, Vermandois, Ponthieu, Amiennois, & autres à l'environ furent leuées grans tailles pour payer la composition dernièrement faicte pour la ville de Han au Connestable de France: dôt le pauvre peuple fut grâdemment esmeruillé. Si commencerent à murmurer, & estre mal contents des Gouverneurs & conseilliers, que le Duc de Bourgongne auoit laissez en iceux pays, mais ce riens ne leur valut: car ceulx qui furent refusans de payer on les contraignit par voye de fait, sans tenir nuls termes de iustice en prenant leurs corps & leurs biens, iusques à l'accomplissement du paiement dessusdit: durant lequel temps le Seigneur de Saucuses, qui à cé auoit esté commis par le Comté d'Estampes, feit demolir & abbatre la ville & forteresse de Breteil en Beauuoisis: laquelle luy auoit esté deliurée par Blanchefort, qui en estoit Capitaine, ainsi que promis l'auoit an-dessusdit de Han. Et auoit pour ce faire grand nombre de manouvriers d'Amiès, de Corbie & d'autres lieux: lesquels en icelle œuvre tant continuerent, que du tout fut mis au bas reserué vne forte porte qui estoit audit chasteil, laquelle

*Fort de Breteil abbatu.*

estoit fortifié. Et en apres que le dessusdit de Sauueses l'eut garnie de viures & d'artillerie, il y laissa vingt ou trente de ses gens pour la garder, & pareillement feit demolir la tour de Vendueil, & aucunes autres meschantes places es pais à l'environ.

*Comment les Capitaines du Duc de Bourgogne vindrent deuant Ville-Franche, où estoit le Duc de Bourbon: & comment apres ils assiegerent Belle-ville, laquelle se rendit.*



† Vaudou.

NVIRON le temps dessusdit, le Duc de Bourgogne enuoya grand partie de ses Capitaines Bourgongnons à tout foison de Gens d'armes courre deuant Ville-Franche, où lors se tenoit Charles Duc de Bourbon; entre lesquels coureurs estoit le Seigneur de Charny, Messire Symon de Lalaing, Messire † Baudo de Noyelle, le Seigneur d'Auxi, Robert de Sauueses, Lancelot de Dours, Harpin de Richammes, & aucuns autres accompagnez de seize cens combattans, gens d'esslite, qui tous ensemble en bonne ordonnance cheuaucherent en train de tirer vers les parties, où ils tendoient à aller. Et sur la brune rencontrerēt en leur chemin de cinq à six cēs combattās de leurs ennemis, qui tantost se meirēt à fuite en retournāt vers leur Seigneur le Duc de Bourbon, & en y eut de prins aucūs des piz mōtez par lesdits Bourgōgnōs & Picards. Lesquels comme dessus cheuaucherent tant qu'ils vindrent, & arriuerent deuant Ville-Franche: & là se meirent en bataille, & puis par vn poursuuiant enuoyèrent signifier leur venue au dessusdit Duc de Bourbon, & qu'il les viesist combattre: lequel non scachant quelle puissance ils pouoient auoir, n'eut point conseil de ce faire: mais il feit dire à celuy, qui luy auoit apporté le message & les nouuelles, que puis que le Duc de Bourgogne n'y estoit en sa perlonne, qu'il ne les combattroit point: si feit saillir hors de sa ville plusieurs de ses gens à pied & à cheual. Et mesmement le Duc de Bourbon saillit hors monté sur vn bon, & excellent coursier sans armeures, vestu d'une longue robbe, vn baston en son poing, pour faire traire ses gens, & tenir ordonnance aupres des barrieres: durant lequel temps y eut moult grand escarmouche non mie, à grand perte, & dommage de nulle des parties. Et apres que les Bourgongnons, & Picards eurent là esté en bataille par l'espace de quatre heures ou enuiron, voyans que riens ne pouoient proffiter, se meirent à chemin par bonne ordonnance, laissant de leurs meilleurs gēs derriere eux par maniere d'arriere-garde: & s'en retournerent par où ils estoient venus deuers leur Seigneur le Duc de Bourgogne: lequel Duc brief en suiuant feit par iceux, & autres de ses gens assieger Belle-Ville, dedans laquelle estoient de par iceluy Duc de Bourbon Messire Iaques de Chabannes, & le Baillif de Beauuais à tout trois cens combattans, lesquels en grand diligence se meirent à deffence. Neantmoins par les engins, que auoient lesdits assiegeans, & aussi par les approches qui faictes y furēt, furēt tellement contrainsts & pressez, qu'au bout d'un mois ou enuiron, ils se redirent sauues leurs vies, tāt seullemēt en delaisant tous leurs biēs, & se departirēt tous de pied le bastō au poing, & retournerent deuers le dessusdit Duc leur Seigneur: lequel en eut au cueur grand desplaissance, mais pour lors ils n'en peurent auoir autre chose. Apres lequel departement le Duc de Bourgogne



Bourgogne feit demourer en garnifon plusieurs de fes Capitaines Picards en ladicte ville : leſquels en continuant , & perfeuerant la guerre , feirent maulx , & dommages ineſtimables ou pays de Bourbônois , & autres à l'environ . Et d'autre coſté ledit Duc de Bourgongne enuoya vne autre armée de ſes pays en Dombes entirant vers Lyon ſur le Roſne , leſquels prindrent au pays moult de fortereſſes : & degaſterēt iceluy pays par feu & par eſpée , & apres en ramenerent trefgrād proye , & trefgrand butin : & furent cōducteurs , & meneurs d'icelle armée le Comte de Fribourg , le Baſtard de S. Pol , le Seigneur de Vaurin , & aucuns autres .

*Cōment le Seigneur de Villeby, & Mathagou Anglois meirent ſiege deuant ſainct Selerin : & comment premiers les François , & depuis iceux Anglois furent ruez ius & deſconfits .*

**A**V meſme an mille quatre cens trente quatre le Seigneur de Villeby accōpagné de Mathagou , & aucuns autres Capitaines , qui tous enſemble pouoient auoir de huiēt cens à mille combattans , meirent le ſiege deuant vne forte place nommée S. Selerin ou pays du Maine , à deux lieuës pres d'Alençon dedans laquelle place eſtoiet les François . Et auoiet à Capitaine vn gentil Cheualier nommé Meſſire Anthoine de Loreil , lequel de prime-venue à l'ayde de ſes gens , ſe deffendit moult vigoureusement contre ſes ennemis & aduerſaires : mais nonobſtāt ce les Anglois deſſuſdits les enuironnerent puisſammēt tout autour , & furent là enuiron ſix ſepmaines : durant lequel tēps le Seigneur de Bueil , Meſſire Guillaume Bleſſet , le Seigneur de la Varēne , & aucuns autres Capitaines François ſ'assemblerent , & vindrēt enuiron quatorze cens combattās ſur eſperance de bailler ſecours , & ayde à leurs gens : & ſe tindrent par plusieurs iours à Beaumont le Vicomte , & là ſe logerent vne partie , & l'autre partie ſe logea en vne autre ville nommée Viuien à quatre lieuës de leurs ennemis . Et quād ils furēt logez audit Beaumont , ſi ſ'assemblerent tous les Capitaines , & autres des plus experts de leur compaignie , pour auoir conſeil , & aduis ſur ce qu'ils auoiet à faire . Si fut conclud & delibéré apres plusieurs debats & noiſes , qu'ils n'eſtoient point forts , & puisſans aſſez pour combattre iceux Anglois , attendu le lieu & la place où ils eſtoient : mais conclurent , & delibérerent d'aller par derriere tirer hors leurs gens , qui eſtoient aſſiegez . Apres laquelle conſuſion leſdits Capitaines l'en retournerent à leurs logis : & ordonnerent & eſtablirent leur guet pour la nuit tant de cheual comme de pied . Et eſtoit ledit ſeigneur de Bueil en ceſte beſongne Lieutenant de Meſſire Charles d'Anjou , & auoit la charge de ſon eſtandard . Et en ceſte meſme nuit les Anglois , qui bien ſçauoient la venue de leurs ennemis & aduerſaires , ſe meirent aux champs grand partie , & ſe tirerent tout coyement de nuit iuſques aſſez pres dudit logis de Viuiē : & pour eſpier & guetter leſdits François , enuoyerent aucuns de leurs gēs par deux fois iuſques dedās leurs logis , pour veoir & cognoiſtre leur maniere , leſquels ils trouuerent aſſez bien en point . Et ce fait ſe retrahirent arriere vers leurs gens , leſquels de rechief tous enſemble les allerent aſſaillir au



poinct du iour: & à petite perte les ruerent ius, & desconfirent, & en prirent plusieurs, & si en y eut aucuns morts & occis: entre lesquels le fut vn tres vaillant homme d'Amiens nommé Jean de Belley, qui estoit d'Auvergne: apres laquelle destrouffe se meirēbaux champs iceux Anglois à tout lesdits prisonniers. Et lors lesdits Seigneurs de Bueil & de la Varenne, qui estoient audit lieu de Beaumont, comme dit est, sçachans les nouuelles dessusdictes par aucuns de leurs gens, qui estoient eschappez & fuiz au logis, se meirēbaux chāps: & incontinent tous ensemble tirerent vers où estoient leurs ennemis, & aduersaires: lesquels quand ils les veirent & apperceurent venir, furent moult grandement ioyeux esperās de les ruer ius, comme ils auoient fait les autres: & se firent ces deux compagnies de grand vouloir l'vn dedans l'autre: & y eut fait de moult belles & excellētes proesses entre les deux parties, mais finablement les Anglois furent tournez à desconfiture, en partie par l'ayde des prisonniers qu'ils auoient, & y furent morts de leur partie vn vaillant cheualier nommé Artus, & Matagou fut prins, mais le Bastard de Salsbery s'en fuit. Et y furent que morts que prins quatre des Anglois ou plus: & demourerent les dessusdits François maistres & victorieux, lesquels furent tresgrandement ioyeux de leur victoire: & quā ceux qui estoient demorez au siège deuant S. Selerin, sceurent la pertē de leurs compagnons, se leuerent du siège, & se retrahirent en leurs garnisons.

*Comment la Hire print malicieusement le seigneur d'Auffemont.*

**D**URANT ces tribulations la Hire accompagné d'Anthoine de Chabannes, du Bourg de Vignolles son frere, & autres iusques à deux cens combattans ou enuiron, passa par deuant le chastel de Cleremont en Beauuoisis, où estoit le Seigneur d'Auffemont, qui en estoit Capitaine: lequel ne s'effrayoit en riens, ou biē peu des dessusdits. Et pource sçachant leur venue pour eux complaire, & faire le bien-vengnant, feit tirer du vin & le porter dehors la poterne de la tour, & vindrēt iceux boire: & là cōtre eux issit le Seigneur d'Auffemont avecques luy trois, ou quatre de ses gens tant seulement: & commencerēt à parler à la Hire, & aux autres en eux faisant courtoisie & réception, pēsant qu'ils ne luy voulsissent que biē: mais il estoit de ce vehemētement abusé, car leur malicieuse volēté estoit bien autre comment ils monstrent prestement: car en parlant audit Seigneur d'Auffemont la Hire le print prestement, & de fait le contrainc incontinent de luy rendre ledit chastel, & avec ce le feit mettre en fers, & aualler en la fosse. Si le tint yn mois en prison moult durement & en grand traual, tant qu'il eut le corps & les mēbres moult trauaillez, & fut plain de poux & de vermine: & en fin paya pour sa rançon quatorze mille saluts d'or, yn cheual de vingt queues de vin ou autre tel pris & estimation. Et nonobstant que le Roy Charles escriuit par plusieurs fois à la Hire dessusdict, qu'il le deliurast sans en prendre fināce, & qu'il estoit bien content de son seruice, il n'en voulut riens faire pour luy.

*Comment les communes de Normandie s'esleuerent cōtre les Anglois, & leurs garnisons.*

**E**N cest an les communes gens du pays de Normandie, & par especial ceux du pays de Caulx s'assemblerent, & estoient bien environ deux mille en vne cōpagnie pour cōbattre, & eux deffendre cōtre les Anglois estās au pays: lesquels en allāt cōtre les deffences, & edits Royaux, auoient esté pillier & fourrager les biēs d'iceux communes: iaçoit-ce que par auant les dessusdits auoient esté contraincts, & pressez par les Baillif, & officiers du pays d'estre armez & embastōnez chacun selon son estat, pour resister cōtre les pillars, & autres qui leursdits biēs vouloient prendre de force. A l'occasiō duquel commādement ils s'assemblerent, cōme dit est, & de fait rebouterent les dessusdites garnisons hors de leurs villes, & en prindrent & occirent aucuns, dont les Capitaines d'iceux ne furent point bien contens. Neantmoins ils monstrent semblant de les vouloir rappaiser, & par certains moyēs furent les traictez fais entre icelles parties: & se commēcerent lesdites communes à retraire assez follement sans ordonnance, non doubtrās la malice d'iceux Anglois: lesquels secrettemēt les poursuiuirēt iusques assez pres de sainct Pierre sur Diue empres Tancarville, & leur coururent sus: & sans y trouuer grand deffence en occirent bien de mille à douze cens, & les autres se sauuerēt par les bois où ils peurēt le mieux: pour laquelle offence fut faicte grād plaincte à Rouen, qui pour ceste cause feirent bānir plusieurs de ceux, qui auoient faicte ceste emprise: mais assez brief ensuiuant fut la besongne apaisée pour les grans affaires qui estoient au pays.

*Comment la Hire print le fort de Bretueil en Beauuoisis par force d'assault.*

**T**EM apres ce que la Hire eut reprins le chastel de Cleremont, comme dit est, il assembla cinq cens combattans de garnisons de Beauuoisis: lesquels il mena deuant la porte du chastel de Bretueil, que tenoient les gens de Saueuses: lesquels il feit assaillir tresapremment par les gens, & ceux de dedans se deffendirent moult vigoureušemēt. Si occirent & naurent plusieurs des assaillans, toutesfois fut tāt continué, que ceux de dedans voyans partie de leurs gēs estre morts & naurez, & leur fortification tout derompue, se rendirent en la volenté de la Hire: lequel en feit aucuns pendre, & les autres fait prisonniers au chastel de Cleremōt: & puis regarnit ledit fort de ses gens: lesquels de rechief feirent de grans maulx, & innumerables es pays de Santhers, & vers Amiens, Corbie, Mōt-didier, & ailleurs à l'enuiron.

*Comment les Ducs de Bourgogne, & de Bourbon conuindrent ensemble en la cité de Neuers sur traicté, & conuention de paix.*

**A**PREs ce que la guerre eut long tēps duré moult cruelle, & merueilleuse, entre le Duc de Bourgogne d'une part, & son beau frere le Duc de Bourbon d'autre part, y eut aucuns moyēns ouuers secrettement entre icelles deux parties sur esperance de les appaiser. Et pour le premier commencement, furent enuoyez aucuns Ambassadeurs d'un costé, & d'autre soubz bon faufconduit en la ville de Mascon: & là fu-

rent par plusieurs iournées. Si y eut entre eux de premiere venue aucuns differens, pour sçauoir lequel d'iceux deux Ducs auroit la prerogative, & honneur d'estre nommé deuant: & en fin considerées plusieurs raisons, qui furēt alleguées d'icelles parties: fut conclud que ledit Duc de Bourgongne seroit premier nommé, & auroit la preuention de toutes honneurs deuant le Duc de Bourbon. Et ce finé pourparlerent par diuerfes manieres de les appaiser: & de fait feirent aucuns approches & aduis sur ce: & avec ce prindrent autre iour pour eux assembler au lieu, où deuoient conuenir ensemble les deux Ducs dessusdits en leurs personnes, c'est à sçauoir en la ville Douzi, ou en la cité de Neuers: & prindrent iour d'eux assembler ou mois de Ianuier. Si se departirent de là, & s'en retournerent chacun desdits Ambassadeurs deuers leur Prince, & Seigneur: & lors ledit Duc de Bourgongne solēnisa la feste de Noël, & des Roys en sa ville de Dijon, & tint moult puissant, & noble estat. Et apres ces iours passez luy tresgrandement accōpaigné du Comte de Neuers, du Marquis de Routelin, de son nepuëu de Cleues, & de plusieurs autres notables Cheualiers, & Escuyers avec grand nombre de gens de guerre, se tira à Douzi, & de là à Neuers: & se logea en l'hostel de l'Euesque attendant aucuns iour le dessusdit Duc de Bourbon, & sa seur la Duchesse, & deux de ses fils treshonorablement accompaignez de Cheualiers, & d'Escuyers, de Dames, & de Damoiselles vint trouuer audit lieu de Neuers son frere le Duc de Bourgongne: lequel alla au deuant d'elle hors de son hostel, & la receut & cōiout tresioyeusement & amoureuxment: car pieça ne l'auoit veüe: & pareillemēt feit il ses deux nepueux, jaçoit ce qu'ils fussent de bien ieune aage. Si descendit ladicte Duchesse de dedans son chariot, & le Duc son frere la mena par la main iusques à son hostel, où il print congé d'elle, & là laissa reposer pour celle nuit: & le lendemain ladicte Duchesse vint à l'hostel du Duc son frere, où elle fut moult honnorablement receüe à tresgrand ioye, & y eut de beaux esbatemens. Si y feit on les dances par longue espace, & y eut moult grand foison de momēurs de la partie du Duc de Bourgongne. Et ce fait apres qu'on eut prins vin, & espices chacun se retrahit à son hostel iusques au lendemain, qu'on tint conseil, où il fut ordonné & institué, qu'on manderoit Artus de Bretagne Connestable de France, & l'Archeuesque de Reims. Et assez briebs iours ensuiuans vint le Duc de Bourbon accompaigné de Messire Christophe de Harcourt, du Seigneur de la Fayette Marechal de France, & de plusieurs autres notables, & vaillans Cheualiers, & Escuyers. Au deuant & à l'encontre duquel le dessusdit Duc de Bourgogne enuoya aux champs les Seigneurs de son hostel: & quand il approcha ledit Duc de Bourgogne, alla moult hastiuement à l'encōtre de luy au dehors de la ville, & là s'entre-rencontrerent les deux Ducs, & feirent l'un à l'autre tresgrād honneur, & reuerence, en montrāt semblant d'auoir l'un enuers l'autre tresfraternelle, & tresgrande amour ensemble: & lors vn Cheualier de Bourgogne, qui estoit là, dit hault & cler. *Entre nous autres sommes bien mal coseillez, de nous aduer-  
turer & mettre en peril, & danger de corps, & d'ame pour les singulieres volentes des  
Princes, & grans Seigneurs: lesquels quand il leur plaist, se reconseillent l'un avecques  
l'autre:*

*Dict notable  
d'un Cheua-  
lier Bourgoi-  
gnon.*



*l'autre: & souuentes fois aduient, que nous en demourôs peures & destruits.* Si fut ceste parole bien notée, & entendue de plusieurs là estâs de toutes les deux parties, & bien y auoit raison: car tressouuent en aduiet ainsi: neâtmoins apres ceste recognoissance ledit Duc de Bourgongne cōuoya son beau frere iusques à son hostel, & de là se trahit au sien. Et apres ledit Duc de Bourbon luy, & sa femme vindrent veoir le Duc de Bourgongne en son hostel, & là de rechef furent faictes plusieurs grâdes ioyeusetez les vns avecques les autres. Et le lendemain les deux Ducs, & la Duchesse tous trois ouyrēt Messe en vn oratoire, & apres disner se tint vn grand Conseil en l'hostel du Côte de Neuers, ouquel la paix fut du tout conclue entre iceux deux Seigneurs, *Paix entre les Ducs de Bourbon, & Bourgogne.* c'est à sçauoir le Duc de Bourgongne, & le Duc de Bourbon: lequel traité fut si bien conclud, qu'à tous les deux fut trefagreable, & pourtant incontinent de mieux en mieux fut par eux, & toutes leurs gens generallyment faicte plus grand ioye, & semblant de grand amour les vns avec les autres, que par auant n'auoit esté fait, & en faisant toutes ces festes & esbatemens, la plus grand partie furent aux despens du Duc de Bourgongne, car biē le vouloit ainsi estre fait. Et oultre durant les besongnes dessusdictes, vindrēt au dit lieu de Neuers le Comte de Richemont Connestable de France, qui aussi auoit espousée la seur au Duc de Bourgongne: & avecques luy vint Regnault de Chartres Archeuesque, & Duc de Reims grand Chancelier de France, accompagné de plusieurs notables gens de Conseil, & de plusieurs Cheualiers & Escuyers, au deuant desquels allerent les deux Ducs, & grand compaignie de leurs gens. Et quand ils s'entrecasssemblerent, ils firent l'un à l'autre trefgrand reuerence & honneur, & tous ensemble allerent moult cordialement iusques en la ville, où ils furent logez chacun à son estat au mieux, que faire se peut: & briebs iours ensuiuans furent tenus plusieurs estroits Conseils sur la paix, & reconciliation d'entre le Roy de France, & le Duc de Bourgongne: & mesmement par ses Ambassadeurs dessusdits furent faictes plusieurs offres au Duc de Bourgongne pour l'interesse de la mort Iean son pere: lesquelles offres luy furent assez agreables: & tellement fut traité en ce mesme lieu de Neuers, qu'il fut content de prédre & accepter la iournée de conuention, qui depuis se tint à Arras sur intention de paracomplir le surplus. Et cēs besongnes ainsi acheuées, les parties se departirent trefamoureusement: & le fait on sçauoir en plusieurs lieux, & diuers Royaumes & contrées: & mesmement à nostre saint Pere le Pape, & au Concile de Basle: afin qu'un chacun d'eux enuoyast ses Ambassadeurs pour le bien, & entretenement de la besongne. Et depuis ceste iournée de Neuers, & que ledit Duc de Bourgogne fut retourné à Dijō, se prepara de tous poincts de retourner en son pays d'Arthois, afin de apprester ses besongnes pour estre à la dessusdictē conuention d'Arras: & ainsi de ce iour en auant les frontieres des marches de Bourgongne commencerent à estre assēz paisiblement l'un contre l'autre, plus que parauant n'auoiēt esté.

EN ce tēps le Damoisel de Richemont à tout sept ou huit cēs Anglois & Picards, que Messire Iean de Luxembourg luy auoit enuoyez; alla au pays d'Ardenne raur, auoir, & courre plusieurs villes du Damoyfel Euerard de

la Marche, & icelle du tout mettre à saquement: & apres que oudit pays eurent fait moult de dommages par feu & par espée, ils s'en retournerent sans perte à tout grans proyes. Item en cest an René Duc de Bar feit assieger la ville, & forteresse de Commercy ou pays de Barrois, sur intétion de subiuguer icelle pour aucune obeysance, que ledit Duc disoit luy deuoir estre faicte par ledit Seigneur de Commercy: mais en la fin par le moyen du Connestable de Frâce, qui pour lors estoit en la Marche d'environ, fut l'accord fait entre les parties, par tel si que ledit de Commercy promeit faire toute obeysance à iceluy Duc de Bar, & parainfi feit departir ses gés du dit siege: durant lequel temps le dessusdit Connestable nieit en son obeysance au pays de Champagne plusieurs forteresses, tant par le siege & composition, comme par soubdain assault.

*Comment Amé Duc de Sauoye se rendit Hermite en vn manoir nommé Ripaille.*

† Thonnō,  
il fault  
peut estre  
Turin, &  
en lieu de  
Ripaille  
Riuolle.

**E**N cest an Amé Duc de Sauoye, qui estoit aagé de cinquante six ans ou environ, sen alla rendre Hermite en vn sien manoir nommé Ripaille, seant à demie lieüe pres de† Thonnō, où par coustume parayene son departement il tenoit son estat: lequel manoir de Ripaille ledit Duc auoit fait edifier grâdement: & y auoit vne Abbaye, & Prioré de l'ordre S. Morice, fondée de tresslong temps par les predecesseurs d'iceluy Duc. Si auoit bien dix ans par auant en voulenté, de là se rendre, & deuenir Hermite par la maniere qu'il feit. Et pour y estre acompaigné auoit demandé à deux nobles hommes de ses plus feables, & principaux Gouverneurs, s'ils luy vouloient tenir compaignie à y estre avec luy quant à son plaisir seroit d'y entrer, lesquels ayans consideration que ceste voulenté luy pourroit muer, luy accorderent d'y entrer. Et estoit Messire Claude de Sexte, & l'autre vn vaillant Escuyer nommé Henry de Coulôbieres. Et lors iceluy Duc, qui desia auoit fait edifier, comme dit est, sa maison & encommencer celles de ceux, qui vouloiēt estre en sa compaignie, se partit par nuit de son hostel de Thonnō à priuée mesgnie: & alla à icelle place de Ripaille, où il print habit de Hermite selon l'ordre de saint Morice: c'est à sçauoir grise robe, long mantel & chapperon gris, & courte cornette d'un pied ou environ, & un bonnet vermeil par dessus son chapperō: & par dessus ladicte robe ceinture dorée, & par dessus le mantel vne croix d'or, assez pareille ainsi que les portent les Empereurs d'Allemagne. Et briefs iours ensuiuans vindrent deuers luy les deux nobles hommes dessusdits, lesquels luy remōstrerent aucunement la maniere de son partement, qui n'estoit point bien licite, ne conuenable comme il leur sembloit: en luy disant qu'il pourroit estre delagreable aux trois estats de son pays, pource que par auant ne les auoit mandez, & eux signifier son intention. Et il leur respondit, qu'il n'estoit point loing ne amoindry de son sens, ne de sa puissance: & que bien pouruoyeroit à tout, & qu'ils aduissent, & regardassēt eux mesmes de luy entretenir, ce que promis luy auoiēt, c'est à sçauoir de demourer avecques luy, lesquels voyans que bonnement autrement ne se pouoit faire, en furent contens. Si les feit prestement vestir de tous pareils habillemens que luy

luy, & apres manda les trois estats de son pays avecques son fils, qui estoit Comte de Geneue, lequel il feit Prince de Piémôt, & luy bailla presens les dessusdits le gouuernement, & administration de ses pays, en retenât plainne puïssance de luy oster, & de le remettre à s<sup>on</sup> plaisir le mal se gouuernoit. Et son second fils feit Comte de Geneue: nonobstant que ledit Duc de Saouye eust prins l'habit dessusdit, & baillé le gouuernement de ses pays à ses enfans, comme dit est: toutesfois ne le passoit riens en ses pays de grosses besongnes, que ce ne fust de son sceu, & licence. Et quand au gouuernement de la personne, il retint enuiron vingt de ses seruiteurs pour luy seruir: & les autres qui se meirent prestement avecques luy, en feirent depuis pareillement chacun selon son estat, & se faisoient luy & ses gens seruir en lieu de racines & d'eau de fontaine du meilleur vin, & des meilleures viâdes qu'on pouoit rencontrer.

*Disposi<sup>on</sup> des  
estats de Sa-  
uoye leur Duc  
s'estant rendu  
Hermit.*

*Comment les communes de Normandie se r'assemblerent en grand  
nombre, & allerent deuant la ville de Caen.*

**A** PRES les communes de Normandie, qui n'estoient point bien encores r'appaisées du tort, & mal engin, que les Anglois leur auoient fait, se meirent ensemble de rechef par l'exhortation du Seigneur de Mermille, & d'aucuns autres Gentils-hommes qui les entreprindrent à combattre. Et de fait se trouuerent bien douze mille ou pays de Bessin vers Bayeux: si les menerent deuant la ville de Caen, laquelle ils cuiderent prendre d'assault, mais elle leur fut bien deffendue par les garnisons, & communes de ladicte ville. Et pourtant iceux voyâs, qu'ils ne pouoient riens besongner, se departirent de là en faisant plusieurs desfrictions sur le pays, & s'en allerent deuant Auranches, où ils furēt huiet iours, esperans que le Duc d'Alençon veint à eux à tout grand puïssance de gens de guerre, ce que point ne feit. Et entretemps les Anglois s'assemblerent en grand nombre pour iceux cōbattre: laquelle assemblée venue à la cognoissance des Capitaines des dessusdictes communes, se departirent, & s'en allerent vers Bretagne & à Fougieres, & brief ensuiuant se departirēt l'un de l'autre par plusieurs parties sans riens faire. Pour laquelle assemblée les dessusdits Capitaines, toutes leurs terres, & Seigneuries, & avecques ce furent bannis du pays avecques tous leurs complices: mais depuis y eut abolition pour aucuns des dessusdictes communes. Ouquel temps Guillaume Coraō Anglois Capitaine de Meure, alla courre deuant Yvvis en la Côté de Leigny, & n'auoit avec luy que trois cens combattans ou enuiron. Si vint pour le combattre leâ de Beaurain à tout vne grosse compaignie, c'est à sçauoir à tout six cens combattans: mais il fut rüé ius, & là plus grand partie de ses gens morts & prins, desconfits, & mis à grâd meschef. Et en ce mesme tēps la Hire print d'emblée la vieille fermeté d'Amiens, & y fut enuiron de huiet à dix iours, & apres qu'il eut pillé les biens qui estoient dedans, s'en retourna à Bretueil dont il estoit party.



De l'an mille cccc.xxxv.

*Comment le Duc Philippe de Bourgogne avec la Duchesse sa femme retourna des pays de Bourgogne en Flandres, & en Arthois.*

**T**EM au commencement de cest an, apres que le Duc de Bourgogne eut deliuré ses pays de ses ennemis à grád labour, & ausli que le Duc de Bourbon son beau frere fut pacifié avec luy, & que la iournée du grand Parlement d'Arras fut entreprinle & assignée avec les Ambassadeurs du Roy Charles; il feit preparer son estat, & celuy de la Duchesse sa femme, & de leur petit fils, pour s'en retourner en ses pays de Flandres, & d'Arthois: lequel parlement fut assigné à estre tenu en la ville d'Arras le deuxiesme iour du mois de Iuillet ensuiuant. Si se departit à tout son armée de sa ville de Dijó, laissât pour gouverner iceluy pays de Bourgogne Messire Jean de Vergy, & s'en vint iusques vers Euchoire. Ouquel lieu ou assez pres il trouua mille cōbattans ou enuiron Picards, lesquels parauant il auoit mādéz pour luy compaigner à son retour: & les conduisoit Messire Ieā de Croy Baillif de Hainault, le Seigneur de Saueuses, Messire Jacques de Brimeu, Ieā de Brimeu, & aucūns autres seigneurs: & de là ledit Duc print son chemin vers Paris, passa la riuere de Seine à Monstreau-fault-Yonne: & puis vint à ladicte ville de Paris, où il fut des Parisiens tresioyusement receu: & furent à luy & à la Duchesse sa femme fais de moult beaux presens. Et quand il eut seiourné en ladicte ville aucuns peu de iours, cheuaucha par plusieurs iournées iusques à sa ville d'Arras dessus nommee. & lors donna congé à toutes ses Gens-d'armes tātost qu'il eust passé l'eāue de Somme. Si alla assez brief ensuiuant visiter ses pays de Flandres, & de Brabant, où il delibera avecques son Conseil de conuocquer par tous ses pays les Nobles, & gens d'estat pour estre, & venir à ladicte iournée d'Arras: & avecques ce enuoya vne Ambassade en Angleterre deuers le Roy, & son grand Conseil, eux signifier la dessusdicte iournée: & laquelle estoit entreprinse en intention de traicter paix generale entre les deux Royaumes, de France, & d'Angleterre. Et furent les principaux à faire ladicte Ambassade Messire Hue de Launay, le Seigneur de Creuecueur, & Maistre Quentin Mainart Preuost de S. Omer: ausquels par le Roy d'Angleterre, & ceux de son Conseil, fut faicte grande reception. Et en conclusion leur fut dit, que par le Roy à ladicte iournée solennellement seroit enuoyée Ambassade, apres laquelle responce s'en retournerent vers ledit Duc de Bourgogne.

*Comment les François prindrent la ville de Rue sur les Anglois.*

**L'**ENTREE du mois de May assemblerent Messire Ieā de Bressay Lieutenant du Marechal de Rieu, Bertrand Martel, Guillaume Braquemont, le Seigneur de Loguéal, Charles de Marests, & aucuns autres tenans le party du Roy Charles de France, iusques au nombre de trois cens cōbattans droictes Gens-d'armes, & vailians gens deslites: lesquels allerent passer l'eāue de Somme par nuit à la Blâchetache, & de là vindrent à la ville de Rue, & entrerent dedans secrettement par

par eschelles : & de fait auât qu'ils s'en apperceussent, prindrēt ladiēte ville sans y trouuer quelque deffence. Et adonc quand l'effroy se cōmença se retrahirent sept ou huiēt Anglois en vn bouleuert, auquel ils se deffendirent aucune espace: mais en conclusion ils furent contraints d'eux rendre en la voulenté des Frāçois par force d'assault. Si en y eut partie prestement mis à mort, & les autres depuis furent enuoyez parmy ce qu'ils payerent grand finance. Si furent aussi prins grand nombre de ceux de la ville, & les autres se sauuerent par dessus la muraille: apres laquelle prinse la greigneur partie des habitans furent prins, pillez, & robbez: & pour la prinse d'icelle ville, furent les pays de Ponthieu, Marquinerterre, Arthois Boulenois, & aucunes autres terres à l'environ en grand doubte, sçachans leurs ennemis estre logez si pres d'eux, & bien garniz de viures. Et point n'estoit sans cause, se iceux pay sans auoient doubte & paour: car brief ensuiuant ils commencerent à courre en plusieurs, & diuers lieux, & à faire forte guerre en portant grans dommages par feu & par espée aux pays dessusdits: & multiplierent de gens en grand nombre, & (cōme dit est) feirent moult de mauux: & mesmement vn certain iour allerent à grand puissance en tirant vers Boulongne iusques assez pres de Saumer au boys, où ils prindrēt plusieurs prisonniers, & foison de cheuaux, & autre bestial: & à leur retour ardirent la ville, & le port d'Estaples, où il y auoit grād nōbre de belles maisons, & edifices. Et depuis que ils furēt retournez audit lieu de Rue à tout grās proyes, r'allerent par plusieurs fois courre le pays, où ils feirent innumerables mauux, & dōmages par feu & par espée: mais en aucunes d'icelles courses assez pres de Mōstreul fut prins Messire Ieā de Bressay, de Harpin, de Richammes: & en vn autre lieu fut pareillemēt prins le petit Blāchefort d'un des Bastards de Reuly: si estoit à ceste cause ledit pays mallement trauaillé.

*Comment la Hire, Pothon, Philippes de la Tour, & le Seigneur de Fontaines deconseillerent le Comte d'Arondel Anglois deuant le chasteil de Gerberoy.*

**D**V R A N T le temps dessusdit le Duc de Bethfort estant à Roüen, sçachant la prinse de ladiēte ville de Rue: laquelle cōme il luy fut remonstré, pouoit porter grand préiudice au pays de là enuiron tenās leur party, & par especial à la ville & forteresse du Crotroy: afin d'y pourueoir, escriuiut deuers le Comte d'Arondel qui lors se tenoit à Mante, & en la Marche de là autour: & luy manda destroitement, qu'à tout ses gens il se tirast à Gournay en Normandie, & de là au Neuf-Chastel d'Azincourt, & puis à Abbeuille, en Ponthieu pour brief ensuiuāt assieger la dessusdicte ville de Rue. Lequel Comte d'Arondel obeyssant au mandement du dessusdit Duc, se partit de là, où il estoit à tout huiēt cens combatans de ses gens: & vint audit lieu de Gournay, en intētion de faire le voyage dessusdit: mais il mua propos, pource que nouuelles luy vindrēt que les François reparoient vne grande vieille forteresse nommée Gerberoy entre Beauuais & Gournay: laquelle, comme on luy dit, seroit moult dommageable pour le party des Anglois, se ainsi estoit, que on leur laissast fortifier, & n'y pourroit on micux pourueoir, que d'y aller chaudement. Et

pourtant iceluy Comte d'Arondel par l'enhortemēt de ceux de Gournay, de Gisors, & d'autres lieux de leur obeyssance pres desdits lieux, se conclud d'aller audit lieu de Gerberoy, & assaillir, & prédre tous ceux, qu'il y pourroit trouuer, se prendre les pouoir de force. Si feit audit lieu de Gournay charger viures & viâdes, artilleries, & autres plusieurs instrumēs de guerre, à tout lesquels il se meit à chemin, & aucuns autres de la garnison: & se partit de là tantost apres minuiēt, & vint enuiron huiēt heures du matin deuant ledit chastel de Gerberoy à tout partie de ses gens, & les autres le sui-uoient à tout leur charroy: & pour vray il ne cuidoit pas, que dedans y eust tant de gens comme il y auoit, ne tels Capitaines. Si se logea en vn cloz de hayes, & feit mettre cent, ou six vingt de ses gēs assez pres de la barriere dudit chastel pour garder, qu'ils ne faillissent sur eux. Et entre-tēps qu'ils se logerēt Pothō, la Hire, Messire Regnault de Fōtaines, Philippes de la Tour, & aucuns autres vaillās hōmes de guerre, qui estoient là venuz la nuiēt deuant: & auoiēt avecques eux de cinq à six cēs cōbattans, sçachās la venue de leurs aduersaires prindrēt conseil ensemble pour sçauoir qu'ils auoiēt à faire sur ce, & s'ils les attendroiet ou non: si fut la chose moult durement debatue d'aucuns, lesquels mettoiet auāt, qu'ils estoient mal pourueuz de viures & habillēmēs de guerre: pourquoy s'ils se laissoient enfermer, ils se bouteroient en tresgrand danger: les autres disoiet qu'ils n'attendroient point le siege, mais conseilloyent qu'à leur venue on les cōbattit à leur auantage. Et finalement ils se conclurent tous à vne mesme voulētē, & promeirēt l'un à l'autre de les cōbattre: & adonques ordonnerēt que les trois Capitaines dessusdits seroient à cheual: c'est à sçauoir Pothon, la Hire & Regnault de Fontaines à tout soixāte fusts de lāce, tous les mieux montez & les plus experts: & les autres hōmes d'armes, archiers, & guisarmiers seroient de pied, & aucuns en petit nombre des moindres demouroiet dedās le fort pour le garder. Ordonnerent pareillement, qu'à la venue de leurs ennemis, se mostreroient peu, afin qu'ils n'apperceussent que leans y eust foison ne planté de gens. Lesquelles ordonnances furent par eux sagemēt entretenues s'armerent & meirent leurs besongnes en point: & lors apres que le dessusdit Comte d'Arondel fut (comme dit est dessus) venu deuant eux à tout seize vingt combattans ou enuiron, & qu'il eut assis son guet contre la saillie de ses aduersaires, ses gens commencerent à faire leurs logis en attendāt leurs gens, qui venoient derriere.

*Deliberation  
des François.*

D V R A N T ce tēps le guet, que les François auoient en leur chastel, veit venir vne grand compaignie d'Anglois plus grande, & plus espeße que la premiere venue, & encores plus loing sui-uoient les autres gens avecques le charroy, si en aduertirent lesdits François: lesquels voyans qu'il estoit droit heure de besongner auāt que leursdits aduersaires fussent assemblez, firent saillir hors leurs gens de pied le plus coyement, que faire se peut: desquels leurs aduersaires furent vigoureusement assaillis, quand ils les virent deuant eux. Et furent iceux Anglois ainsi comme demy surprins, & en brief descōfits: & la plus grād partie mis à mort, & tournez à grād meschief. Et adonc ceux de cheual (qui estoient saillis pour garder que iceluy

Comte



Comte d'Arondel ne secourust ses gens) veirēt venir, & approcher moult fort la seconde compaignie, dont dessus est faicte mētion, qui desia estoiet assez pres, & ne se donnoient garde de leurs ennemis, pource que leur chef estoit deuant: si furent par les dessusdits incontinent enuahiz & par force trespercez & derompus par plusieurs fois, parquoy ils ne se peurēt r'assembler: mais en y eut grand partie qui se prindrent à retourner & à fuyr vers Gournay, & les autres si furēt assez tost morts, prins & tournez à grād meschef. Et adonc la Hire à tout vne grand partie de ses gens chassa les fuyans bien deux lieuës: en laquelle chasse plusieurs des Anglois furent morts & prins. Et d'autre part les gens de pied auoient fort approché le Comte d'Arondel, lequel à tout ses gens s'estoit retiré au coing d'un clos, où il s'estoit logé: si estoit adossé de hayes, & par deuant fortifié de poinçons, parquoy iceux gens de pied ne pouoient bonnement entrer pour ladiète fortification. Si feirēt apporter vne couleurine, qu'ils auoiet en leur fort, laquelle au secōd coup qu'ils la feirent ietter, ferit ledit Comte parmy la iambe vers la cheuille du pied, dont il fut durement blessé, & à grand peine le pouoit soustenir. Et apres la Hire retourna de ladiète chasse, où il estoit alle, amenant avecques luy plusieurs prisonniers: mais quand il aperceut la cōpaignie du Comte d'Arondel estre encores entiere, il r'assembla sa force, & ses gens, & alla de rechef combattre les dessusdits Côte, & ses gēs, qui en assez brief terme cōme les autres furēt tournez à desconfiture, & furēt tous morts, & prins sans nul remede: entre lesquels furēt prins des gēs de renō: premier ledit Côte d'Arondel, Messire Richard de Dondeuille, Mōdo Demonferant, Restandif, & autres iusques à six vingts hommes ou mieux, qui tous furent prisonniers es mains des François: & en si eut de morts largemēt iusques à douze vingts, & le remanant se sauua par bien fuyr là où ils peurēt le mieux. Apres laquelle destrousse, & desconfiture les Capitaines de France r'assemblerent leurs gens, & trouuerent qu'ils n'auoient point perdu vingt hommes de leur compaignie. Si furent moult ioyeux de ceste victoire, & & noble aduenture, & en regracierent deuotement leur createur, & puis s'en retournerent en leur place. Et de là le Côte d'Arōdel fut mené à Beauuais, où il mourut de sa blessure, si fut enterré aux Cordeliers, & les autres prisonniers Anglois furēt depuis deliurez par finance. Et par ainsi les François qui estoient à Rue, demourerēt seurement, & paisiblement quāt à lors, & se commencerent de plus en plus à eux garnir & fortifier.

*Prisonniers  
Anglois  
la desfaite.*

*Commēt le Duc de Bourgogne fut malcōtent, & indigné sur ceux de la ville d'Anners.*

**E**N ce temps Philippe Duc de Bourgōgne estāt en sa Duché de Brabant, feit assembler tresgrand nombre de Gens-d'armes du pays de Picardie, & autres contrées de son obeyssance: lesquels il auoit en propos de bouter en la ville d'Anuers par certains moyens, qu'il auoit en icelle: afin de punir aucuns des Gouverneurs, & habitans d'icelle ville, qui estoient en son indignation, pourtant que long temps parauant ils auoient prins, ou souffert prendre de force par leurs subiects vn grād nauire, qui estoit au Duc de Bourgogne garny de ses gens: lequel il auoit fait

mettre à l'embouschure de l'entrée du haure, par où les marchans de plusieurs pays venoient par mer audit lieu d'Anuers: & là les gens dudit Duc estans dedans iceluy nauire, cueilloient sur les marchans passans plusieurs tributs, qui grandement estoit au prejudice de ladicte ville comme ils disoient: & aussi contre le serment, que leur auoient fait passé à long tēps les Ducs de Brabant deffuncts à l'entrée de leurs Seigneuries, & mesmement iceluy Duc de present. Parquoy, comme dit est dessus, sans faire sommatiō à leur Prince n'officiers, furent tous contés de ce prédre: c'est à sçauoir iceluy nauire, & amener dedās leur ville, & mettre prisonniers ceux de dedās. A l'occasion de laquelle besongne le Duc dessusdit de ce non cōtent, auoit fait l'assemblée dessus declairée pour entrer dedās icelle ville secrettemēt, & les punir: mais entre-tēps son intention fut sceüe, & descouuerte par aucuns sçachās sa voulenté: & furent ceux d'Anuers aduertis de ce qu'on leur vouloit faire, dont grandemēt furent esmerueillez. Et lors sans delay ils se meirent en armes en grād nōbre pour eux deffendre, s'aucunement on les vouloit assaillir, & de fait allerent à l'Abbaye de S. Michel seāt dedans leur ville, où se logeoit ledit Duc de Bourgongne, quand il venoit en leur dicte ville. Et pource qu'ils auoient l'Abbē dudit lieu en suspection, chercherent par tous les lieux de leans hault & bas, pour sçauoir s'ils y trouueroient nuls de leurs aduersaires: & apres qu'ils veirent, qu'il n'y auoit homme, qui mal leur voulsist, rōpirēt les murs de ladicte Abbaye en plusieurs lieux: afin que de la ville on peust garder, & passer pour faire leurs deffēces aux murs, qui estoient à l'encontre de ladicte Abbaye: apres laquelle besongne se retrahirent de là, & feirent grandes preparations pour eux bien garder. Si fut ledit Duc brief ensuiuant bien acertené, qu'ils sçauoiēt son entreprinse: & pource voyant qu'icelle ne pouoit mettre à execution, licentia ses Gēs-d'armes, & feit deffendre sur peine capitale aux bonnes villes de Flandres, Brabant, & autres ses pays enuiron, que nul ne portast, ne menast viures ou autres biens quelsconques en ladicte ville d'Anuers, ne que on leur donnast conseil, confort, ne ayde. Et adoncques ceux de celle ville sçachās icelle publication estre faicte contre eux, furent en grande tristesse, & garderent leur ville diligemment, & demourerent vne bonne espace en ce danger. Puis se feirent traictez entre icelles parties parmy ce que ledit Duc en eut grād somme de deniers, & retournerent les Gouverneurs de ladicte ville d'Anuers en sa grace.

*Duc de Bourgongne des Anuers.*

*Comment les François prindrent sur les Anglois la ville de S. Denys en France.*

**D**URANT le temps dessusdit prindrent les François la ville de S. Denys tant de force, comme d'emblée, & estoient en nombre douze cens combattans ou enuiron: desquels estoient les principaux Messire Jean Foulcaut, Messire Loys de Vaucourt, Messire Regnault de S. Jean, & aucuns autres Capitaines: lesquels meirent à mort aucuns Anglois là estans: pour laquelle prinse les Parisiens se commencerent fort à esbahir, & à doubter, pource qu'iceux François couroient souuent deuant leur ville, pourquoy viures n'y pouoiēt venir. Et afin qu'iceux viures en fin

ne



ne leur fusset ostez par la riuere de Seine en venant de Normâdie, enuoyèrent à Rouën par deuers le Duc de Bethfort, & pareillement à Loïs de Luxembourg Euesque de Theroüenne, & Chancelier de France par le Roy Henry, requerir qu'il leur voulsist enuoyer certain nombre de Gens-d'armes, pour les secourir, & ayder à resister contre les François dessusdits: desquels par le pourchats, & sollicitude dudit Chancelier leur fut enuoyé Messire Jean Bastard de sainct Pol, Loïs son frere, Valeran de Moreul, Messire Ferry de Mailly, Robert de Neuf-ville, & aucuns autres Gentils-hommes avec cinq cens cōbattans des marches de Picardie: lesquels en prenant leur chemin par Rouën, allerent sauueement à Paris, où ils furent ioyeusement receuz desdits Parisiens: & par l'ayde, & conseil du Seigneur del'Isle-Adam Marechal de France de par le Roy Henry, & Capitaine d'icelle ville de Paris, commencerent à faire forte guerre à iceux François de S. Denys. Toutesfois iceux François nonobstant la resistance des dessusdits, courroient tressouuent à puissance deuant icelle ville de Paris. Auquel lieu durant ce temps furent faictes dures escarmouches par les parties entre Paris & sainct Denys: & aussi prindrent les François le fort d'Escoüan aupres de Montmorency, que tenoient les Anglois: si prindrent & occirent ceux de dedas, qui estoient enuiron trente Anglois sur tout, & puis allerent deuers le chastel d'Ouille empres Louures appartenant à Anglois d'Aunay Cheualier tenant le party du Roy Henry de l'Enclastre: lequel au bout de deux iours, qu'ils y furent venuz, feit traité avecques eux par condition, qu'il leur deliureroit ladicte forteresse, en cas qu'à vn iour, qui fut prins, ceux de son party ne seroient puissans audit lieu pour les combattre. Et entre-temps que ce se faisoit, les Seigneurs de Thalebot, d'Escalles, & de Varuich, & avec eux Georges de Richammes, le Bastard de Thian, Messire François l'Arragonnois, & aucunes autres iusques au nombre de trois mille combattans, ou enuiron, se meirent ensemble, & vindrent à Paris, & en icelle marche eux ioindre avec le Seigneur de l'Isle-Adam, & les autres dessusdits: lesquels tous ensemble allerent tenir la journée, que ledit chastel se deuoit rendre ausdits François, lesquels n'y allerent ne enuoyerent, & par ainsi icelle forteresse demoura paisible au seigneur dessusdit: & de là en auant les Anglois tindrent les champs à puissance, & meirent en leur obeissance en la marche de l'Isle de France aucunes forteresses, que tenoient les François.

*Courtes denas  
Paris &  
prinse d'Es-  
coüan.*

*Comment les François apres qu'ils eurent fait vnes lettres de trefues aux Bourgongnons sur les marches de Beauuoisis, allerent courre le pays de Boulenois, & autres.*

**E**n ce temps furent faictes vnes trefues de par les gens du Duc de Bourgogne sur les marches de Santhois, & de Mordidier avecques la Hire, & les siens: par tel si qu'il seroit du tout abbatre, & demolir le fort de Bretueil en Beauuoisis: & pour ce faire en eut grand somme de monnoye, qu'il print voulétiers. Apres lesquelles trefues se partirent de la marche vers Beauuais le grand Blanchefort, & le petit, & Pothon le Bourgongnon, avecques eux six cens combattans ou enuiron, & s'en allerent en la ville de Ruë: lesquels là venuz avecques eux iceux là



pieça auoient esté, s'en allerent tous ensemble courre le païs de Boulenois: & en passant tout coyement sans faire effroy deuant Estaples, allerent iusques à Desnerue, & de là à Saumer le Boys. Esquels lieux, ne par tout le païs on ne se doubtoit en riés de leur venue: & y trouuerēt les hommes & habitans, avecques leurs biens & maisons: lesquels (ou au moins la plus grand partie) furent prins & liez par iceux François, & emmenez prisonniers, & aussi en porterent la plus grand partie de leurs meilleurs meubles, & mesmement rançonnerent à grand somme d'argēt la ville, & Abbaye de Saumer: & de là en retournant, s'espādirent en plusieurs & diuers lieux du païs, iceluy degastant par feu & par espée, sans auoir quelque empeschement, & destourbier de leurs aduersaires & ennemis. Et apres qu'ils eurent ars, & bruslé plusieurs maisons en la ville de Francq: & fais innumerables maux, & dōmages audit païs de Boulenois, ils retournerent tous ensemble à tout grand nombre & quantité de prisonniers, & autres biens en ladicte ville d'Estaples, & là se reposerent, & rafraischirent petite espace de temps. Et pourtant que les bourgeois & habitans de la ville, qui estoient retraits au chastel, ne voulurent payer rançon de leur dicte ville à leur departement, embraserent les maisons d'icelle, & y feirent tresgrand dommage: car ce estoit vne ville bien peuplée, & bien edifiée. Et de là s'en retournerent seulement iusques à ladicte ville de Rue, jaçoit ce que Messire Jean de Croï, le Seigneur de Cresquy, le Seigneur de Humieres, & aucuns autres du païs, assemblerent bien trois cens combattans, ou enuiron esperans iceux aucunement enuahir & assaillir, mais ce fut pour neant: car les dessusdits François cheuaucherent en si bonne ordonnance, qu'ils n'y veirent point leur aduantage sur eux: parquoy ils se retrahirēt es lieux, dont ils estoient venus. En apres lesdits François retournez en la ville de Rue (comme dit est) ils partirent leur butin: & quād ils furēt reposez, & refreschis vn peu de iours, ils se remeirent sus, & coururēt le païs vers Dourlens & Hesdin. Si ardirent en plusieurs lieux, & prindrent foison de bons prisonniers, & autres proyes, & biens meubles portatifs. Et puis apres s'en retournerent par la Boïe, où ils assaillirent durement la forteresse: mais elle fut si bien deffendue par ceux, que y auoit mis le Vidame d'Amiens, à qui elle estoit, qu'ils eurent plusieurs de leurs gens blecez. Parquoy voyāt qu'ils y perdroyent leur temps, se retrahirēt à tout leur pillage à Rue, & depuis par plusieurs fois feirent de telles courses sur les païs du Duc de Bourgōgne, dōt à l'vne d'icelles courses fut prins vn de leurs gens: c'est à sçauoir Messire Jean de Bressay Lieutenant du Marechal de Rieux: & le print Harpin de Richammes vers Monstreul: & vne autrefois fut aussi prins le petit Blanchefort par l'vn des Bastards de Ranty. Ainsi donc les François dessusdits dommagerent moult le païs à l'enuiro de ladicte ville de Rue, & mesmemēt ardirēt, & embraserēt la ville de Crespy sur Anthieu, laquelle estoit du propre demaine du Roy.

*Comment les Cardinaulx de sainte Croix, & de Chippre vindrent à Arras, pour estre au grand parlement.*



V mois de Iuillet vindrent en la ville d'Arras deux Cardinaux enuoyez de par nostre sainct Pere le Pape, & par le Concile de Balle avec eux plusieurs notables Ambassadeurs de diuerses nations, pour estre au grand parlement, qui se deuoit faire, & tenir audit lieu d'Arras pour la paix de France: c'est à sçauoir de par nostre sainct Pere le Pape le Cardinal de sainte Croix, l'Archediacre de Mets, & aucuns autres Docteurs en Theologie: & de par le Cōcile le Cardinal de Chippre, & avec luy l'Euesque d'Ache, & vn Docteur nommé Maistre Nicolas Ambassadeur du Roy de Poulaine: & de par le Duc de Millan l'Euesque d'Albigue: avec lesquels Ambassadeurs vindrent l'Euesque de Vzes, & l'Abbé de Vezelay, enuoyez par les deux parties, & plusieurs autres notables Ambassadeurs de plusieurs Seigneurs de loingtains païs, & marches, & pouoient tous ensemble estre iusques au nōbre de huiet vingts cheuaucheurs ou enuiron. Ausquels fut faicte grande, & honnorable reception, tant de l'Euesque d'Arras, de son Clergé, & bourgeois de la ville, comme des gens du Duc, qui estoient à ce commis. Et tous ensemble allerent au deuât d'eux aux champs avec grand compaignie de peuple: & les amenerent, & conduirent en faisant ioye de ce iusques à leurs hostels: & là leur furent faits plusieurs beaux prelens, dont ils se tindrent bien contens.

*Comment Loys de Luxembourg Comte de saint Pol, espousa Ieanne de Bar Comtesse de Marle, & de Soissons.*



E Dimenche xvj. iour de Iuillet Loïs de Luxembourg Comte de saint Pol, de Conuersan, de Brayne, & Seigneur d'Anghien espousa Ieanne de Bar, qui estoit seule fille de Messire Robert de Bar, Comtesse de Marle, & de Soissons, Dame d'Vneberque, de Varneston, & de moult d'autres grâdes, & notables Seigneuries, belle niepce de Messire Iean de Luxembourg Comte de Leigny, oncle dudit Comte de saint Pol. Et furent les nopces faictes dedans le chastel de Bohain: auquel lieu furent enuiron cent Cheualiers, & Escuyers de la famille, & amirié des deux parties, sans y auoir nuls Princes des fleurs de lys, dont icelle Comtesse estoit issue moult prochaine. A laquelle feste furent la Comtesse de saint Pol doiïagiere, mere d'iceluy Comte Loys, & plusieurs de ses enfans. Le dessufdit Comte de Ligney comme il fut commune renommée, soustint les fraiz, & despens d'icelle feste. Si y fut on seruy tresabondamment: & avec ce y fut faicte tres ioyeuse chere de tous ceux là estās, en boires, mangiers, dances, ioustes, & autres esbatemens.

*Comment les François furent ruez ius vers Rethers du Bastard de Humieres.*



N ces propres iours les gens du Roy Charles, tenans la frontiere vers Reims, s'assemblerent avec quatre cens combattans, pour aller courre deuant Rethers, & autres lieux tenās le party de Bourgogne: & de fait accueillerent grand nombre de paysans, vaches, cheuaux, & autre bestial: à tout lesquels fen cuiderent retourner sauuement en leurs garnisons: si estoit leur chief Yuon du puy. Et entre-temps qu'ils

faisoient leurs courfes, en vindrent les nouuelles au Bastard de Humieres Capitaine de Herquery: si assembla Gens-d'armes, à tout lesquels il pourfuiuit vigoureuſement iceux François, & en conſuſion les aſſaillit par ſi bon arroy, qu'il leſtourna à deſconſeiture: & en y eut enuiron que morts que prins quarante, & les autres ſe ſauuerent par fuite avec leur Capitaine chacun où ils peurent le mieux: & de la partie dudit Baſtard y furent morts enuiron dix hommes.

*Comment les Ambaſſadeurs du Roy d'Angleterre vindrent à Arras, pour eſire au grand parlement avec le Duc de Bourgongne.*

**E**Nce temps vindrent en la ville d'Arras les Ambaſſadeurs du Roy Henry d'Angleterre, pour eſtre au grand parlement avec le Coſeil du Duc de Bourgongne. Si pouoient eſtre enuiron deux cēs cheualiers deſquels eſtoient les principaux l'Archeueſque d'Yorth, le Comte de Suffort, l'Eueſque de S. David, Meſſire Ieā Rodeclif garde du ſeel priué d'iceluy Roy, le Seigneur de Hongrefort, Maïſtre Raoul le ſaige, l'Official de Cantorbie, & aucuns autres Docteurs en Theologie. Si ſe logerent dedans ladiſte citē lez Arras, & furent ioyeuſemēt receuz, & adminiſtrez de ce que beſoing leur eſtoit par les gens du Duc de Bourgongne. Et pareillement vindrent en ces iours pluſieurs notables Ambaſſadeurs de diuerſes natiōs pour les trois parties: entre leſquels y vindrent pour iceluy Duc de Bourgongne, le Duc de Gueldres, le Comte de Naſſau, l'Eueſque de Cambray, le Comte de Vernambourg, l'Eueſque de Liege, le Comte de Vaudemont, le Comte de Neuers, le Comte de Salines, le Duc de Bar, & generallement la plus grand partie de tous les Nobles du païs dudit Duc, y furent en noble appareil, & en grand eſtat: & depuis y vindrent les Comtes de S. Pol, & de Ligney à belle compagnie. En apres le xxviij. iour de Iuillet vint audit lieu d'Arras le Duc de Bourgongne, lequel auoit couché en ſa ville de Lens en Arthois, & allerent au deuant de luy bien vne lieüe loing, generallement tous les Seigneurs, qui par auant eſtoiēt là venus pour les deſſuſdiſtes Ambaſſades, tāt de France comme d'Angleterre, & autres païs: & meſmement y allerent les gens des Cardinaulx deſſus nommez: leſquels venans deuers iceluy Duc, furent de luy moult honnorablement receuz chacū à ſon tour. Si entra le deſſuſdit Duc en la ville d'Arras en moult belle ordonnance, & auoit deuant luy archiers pour la garde de ſon corps, tous veſtus d'une parure, & meſme ſorte & habit. A l'entrēe duquel fut faiſte moult grand ioye de ſon peuple, en criāt haultemēt Noël de quarrefourg à autre pour ſa venue: & en ceſt eſtat alla faire la reuerence au Cardinal de S. Croix, & puis au Cardinal de Cypre, & de là alla loger à ſon hoſtel à la Court-le-Comte.

*Comment les Ambaſſadeurs de France vindrent en grand nombre en la ville d'Arras pour eſtre au Parlement deſſuſdit.*

**E**Dimēche enſuiuāt dernier iour du mois de Iuillet, vindrēt audit lieu d'Arras l'Ambaſſade du Roy Charles de France: leſquels Ambaſſadeurs eſtoient venus de Reims, par Laō à S. Quentin en Ver-mendois,



mendois, auquel lieu leur auoit esté faicte ioyeuse receptiō par les Gouverneurs, & habitans d'icelle ville. Et là auoit esté enuoyé de par le Duc de Bourgongne le Comte d'Estampes, accompagné de plusieurs Cheualiers, & Escuyers, pour iceux conduire iusques audit lieu d'Arras. De laquelle ville de saint Quentin par aucuns brieſs iours, cheuaucherent tous ensemble à Cambray : & de là assez pres du bois de Mouf-laine, qui est à demie lieüe pres de la ville d'Arras. Entre lesquels estoient de par le dessusdit Roy Charles, le Duc de Bourbon, le Comte de Richemont Connestable de Frâce, lesquels auoient espousé deux des sœurs au Duc de Bourgogne, le Comte de Vendosme, l'Archeuesque, & Duc de Reims Châcellier de Frâce, Messire Christofle de Harcourt, Messire Theolde de Valleperge, le Seigneur de la Faicte Marechal de France, le Seigneur de saint Pierre, le Seigneur du Chastel, Messire Jaques du Bois, Messire Iean de Chastillō Bastard de Dampierre, Messire Paillard du Flé, le Seigneur de Raillicq, le Seigneur de Rommet, le Seigneur de Courselles, Maistre Adam de Cambray premier President, le Doyen de Paris nommé Maistre Ieā Tudart, le Tresorier d'Anjou le Borgne Blesset, Maistre Iean Charretier, le Seigneur de Clétel, le Seigneur de la Mothe, Maistre Adam le Queux, Maistre Iean de Taisé, & plusieurs autres notables hommes tant nobles, comme autres, accompagnez en tout de quatre à cinq cens cheuaucheurs, à compter ceux qui estoient allez deuant pour prendre les logis. A l'encontre desquels issit le dessusdit Duc de Bourgongne accompagné du Duc de Gueldres, & de rous les autres Princes, qui par auant estoient venus, & aussi des Gentilshômes, Cheualiers, & Escuyers de son hostel & de ses païs, reserué les Anglois, qui n'y furent pas. Si rencontra les dessusdits à vn quart de lieüe pres de ladicte ville d'Arras, & là à l'assemblée d'iceux nobles Princes fut monſtré moult grand signe d'amour, & d'amitié les vns aux autres : & par especial le Duc de Bourgongne au Duc de Bourbō, & au Comte de Richemōt Connestable de France dessusdit ses beaux freres : & eux à luy en monſtrāt signe d'estre tresioyeux : & par grād humilité embrasserent l'vn Prince l'autre. Et d'autre part les autres des plus notables de toutes les deux parties faisant tresgrand reuerence les vns aux autres, en monſtrant semblant de toutes ioyusetez. Et apres tout ce par belle ordonnance cheuaucherent tout le petit pas iusques à la ville d'Arras, & là cheuaucherent de front l'vn de costé l'autre les trois Ducs : c'est à sçauoir de Bourgongne, de Bourbon, & de Gueldres, & deuant eux auoient six trompettes & clérons, sonnans tres melodieusement, & grand nombre de Roy d'Armes, heraulx, & pourſuiuans vestus des armes des Princes là estās. Auecques lesquels estoit comme chief, Montioye Roy d'Armes du Roy Charles de France. Et vn petit deuant cheuaucherent les Connestable dessusdit, Comtes de Vendosme, & d'Estāpes, le Damoisel de Cleues, & aucuns autres grās, & notables Seigneurs & derriere les trois Ducs dessus nommez estoient la plus grand partie de leurs Cheualiers. Si allerent tenant ceste ordonnance deuant la maison de la ville au petit marché : & y auoit par toutes les rues, & sur les maisons tresgrand multitude de gens, qui crioient souuent Noël à haute voix. Et là se

departit le Duc de Bourgogne, & ceux qu'il auoit amenez avec luy, pour retourner à son logis & hostel. Si le vouloient conuoyer ses deux beaux freres, mais il les fait retourner & s'en allerent vers les Cardinaulx, & de là allerent à leurs logis, où leur furent faits plusieurs grans & tres notables presens, tant par les gens de l'Eglise, comme par les gens seculiers. En apres le tiers iour ensuiuant vint la Duchesse de Bourgogne audit lieu d'Arras, à l'encontre de laquelle allerent pour luy honorer les Ambassadeurs du Roy de France, & ceux du Roy d'Angleterre, & generallement avec ce tous les Nobles, Barons, & Seigneurs là estans en icelle ville, & les gens des Cardinaulx, si estoit en moult riche & noble estat: & la portoit on dedas vne belle littiere vestue, & aornée moult precieusement de riches draps, & ioyaulx. Et derriere elle cheuauchoiēt sur hacquenées, six de ses Dames, & Damoiselles moult richement, & noblement habillées d'une parure, leurs robbes, & chapperons chargez, & couuers d'orfauerie. Et apres suiuiōēt trois chars de parēment, où estoient la Comtesse de Namur, & aucunes autres moult nobles Dames, & Damoiselles de la dessusdicte Duchesse: vestue aussi de pareilles, & semblables robbes, & chapperons qu'estoiēt celles, qui estoient sur lesdictes hacquenées. Si estoient aupres de ladicte littiere les Ducs de Bourbon, de Gueldres, le Connestable de France, le Comte de Vendosme: & generallement toute la Seigneurie, & gētillesse de ces deux parties cheuaucherent deuant & derriere: car les Anglois prindrent congé d'elle aux champs, & se retrahirent, & retournerent en la cité lez la dessusdicte ville d'Arras, où ils estoient logez: & la dessusdicte Duchesse accompagnée, comme dit est, alla faire reuerēce aux Cardinaulx, & de là s'en retourna en l'hostel du dessusdit Duc de Bourgogne son mary: lequel Duc la receut moult ioyeusement & honnorablement, & fait au deux Ducs dessusdits, & aux autres nobles Seigneurs là estans tresioyeuse chere en son hostel. Et d'autre part venoient en ces mesmes iours au dessusdit lieu d'Arras aucuns Ambassadeurs de plusieurs, & diuerses places & contrées, tant pour les Princes, Eglises, Vniuersitez, comme pour bonnes villes. Et entre les autres y vindrēt de par la ville de Paris l'Abgē du mōt de sainte Katherine de Rouē, Maître Guillaume Breton, Maître Jean le Monstardier, Maître Thomas de Courcelles, Maître Robert Poiteuin, & plusieurs autres notables gēs. Aussi y vindrent les Ambassadeurs des Roys de Cecille, d'Espagne, de Nauarre, de Poulaine, & d'Asie, & Rommanie. Et pareillement y vindrent les communes des bonnes villes de Hollande, & de Zelande, de Flādrès, de Brabāt, de Hainault, de Namur, de Bourgogne, & d'autres plusieurs parties, qui trop longues feroient à escrire: lesquels assez pres chacun selon son estat furent logez assez suffisamment par les fourriers dudit de Bourgogne, & autres à ce commis de par luy. Et avecques ce furent durant la conuention seruīs abondamment de tous viures, tels que pour lors pouoit recouurer, laquelle dura enuiron trois mois en payant leurs deniers. Et si ne fut quelque nouuelle durant icelle, qu'il y eut grand effroy en ladicte ville d'Arras, tant par feu de meschief comme par débats mouuans entre les parties: & y auoit certains commis de par la ville à visiter de iour, & de nuict les besongnes nécessaires

nécessaires à garder, que nulles extortions ne se feissent. En apres fut ordonné de par le dessusdit Duc de Bourgongne, qu'il y auoit enuiron cent Gentils-hommes, & deux cens archiers pour la seurte de sa personne armez, & embastonnez avecques aucuns Seigneurs de son hostel, tels comme le Seigneur de Croï, Messire Jean de Horne le Cheualier, le Seigneur de Creuecueur, le Seigneur de Chagny, Jean de Brimeu, & aucuns autres: lesquels fussent prests l'aucun besoing aduenist à resister avecques aucuns des Gentils-hommes, & cinquante archiers, qui estoient commis pour la seurte de la personne dudit Duc.

*Comment Messire Jean † de Mer Cheualier d'Espagne, & le Seigneur de Chagny furent armez l'un contre l'autre.*

† Merle.

**L**E lundy vnziesme iour d'Aoust de cest an furent faictes armes en icelle ville d'Arras, en la presence du Duc de Bourgogne Iuge en ceste partie: avecques lequel estoit dedans son elchassault sur le grand marché les Ducs de Bourbon, & de Gueldres, le Cōte de Richemōt Cōestable, le Cōte de Vêdosme, d'Estâpes, & plusieurs autres grans Seigneurs. Si furent lesdictes armes entreprinſes de Messire Jean de Merle Cheualier Banneret trefrenommé natif du Royaume d'Espagne, appellant sans querelle diffamatoire, pour acquerir honneur contre Pierre de Bauffremont Cheualier Seigneur de Chagny aussi Banneret, & natif de Bourgongne portant l'ordre dudit Duc: & estoit tant seulement pour rompre trois lances l'un sur l'autre. Et apres ceste requeste accordée par ledit Seigneur de Chagny, ledit Seigneur de Chagny requit audit Cheualier d'Espagne à combattre à pied de haches, d'espées, & de dagues si longuemēt, que l'un des deux perdist ses bastons, ou meit mains aux genoulx, ou a terre, saufen toute la volenté du Iuge: lesquelles requestes des deux Cheualiers dessusdits long temps par auant estoient accordées l'un à l'autre, comme dit est. Et pourtant à ce mesme iedy entre neuf ou dix heures du matin, vint ledit Cheualier Espagnol au champ accompagné de quatre Cheualiers, que le Duc de Bourgogne luy auoit baillez pour luy honorer: c'est à ſçauoir le Seigneur de l'Or Gouverneur de Rethelois, le Seigneur de Ligney, le Seigneur de Saueuses, & le Seigneur de Sainzelles avec quatre ou cinq de ses gēs: desquels l'un portoit au bout d'une lāce vne petite bāniere armoyée de ses armes, & les Cheualiers dessusdits portoient ses lances: & ainsi sans faire grans bombans, alla faire la reuerēce audit Duc de Bourgogne, & puis se retrahit de ces lices par où il estoit entré au fenestre costé dudit Duc de Bourgogne, & assez longue espace de temps attendit son aduersaire, lequel vint grandement accompagné des Comtes d'Estampes, de S. Pol & de Ligney, avec eux le Comte de Suffort Anglois, qui portoient les lances, & derriere luy estoient quatre coursiers moult richement couuers de ses deuises: & les paiges chargez d'orfauerie, & avec eux estoient grand partie de Cheualiers, & Escuyers de l'hostel du Duc de Bourgogne. Et ainsi comme auoit fait ledit Cheualier Espagnol, alla faire la reuerence au dessusdit Duc de Bourgogne, & puis il se retrahit à son costé au droit



lez. Finablement apres ce qu'ils furent tous deux prests: & coururent plusieurs coups de fer de l'acel vn cōtre l'autre sans eux atteinre: & adōcques ledit Espagnol monta sur vn coursier, que luy presta le Duc de Bourbon, pource que le sien fuyoit la lance, & assez brief apres rompirent leurs lāces l'un sur l'autre trespuissamment, & depuis continuerent tant, que les trois coups de lances, qu'ils auoient entrepris à faire, fussent feruz sans ce que nuls des deux fussent blesez: toutesfois l'armet dudit Espagnol fut vn petit cassé. Si se partirent par la licence dudit Duc de Bourgongne, & s'en retournerent en leurs hostels chacun par où il estoit entré accompagné, cōme dit est. Et auoit iceluy Cheualier Espagnol sur son harnois vne hucque de drap vermeil, laquelle auoit vne croix blāche telle, ou pareille que portoient les François. De laquelle aucuns Seigneurs de la partie de Bourgongne n'estoient point biē cōtés, pource qu'il leur sembloit, qu'il se mōstroit partial d'icelle partie des François: mais depuis quand il en fut aduertý s'en excusa, disant que pour la confederation, qu'auoient de long temps l'un avec l'autre les Royaumes de France, & d'Espagne, ils ne pouoient porter en iceluy autre enseigne que celle du Roy de France. Le lendemain ensuiuant, qui fut le vendredy entre huiēt & neuf heures du matin, vint le Duc de Bourgongne en son eschaffault grandement accompagné de sa Cheualerie: avec lequel Duc entrerent dedans les Princes, qui le iour de deuant y auoient esté, & brief ensuiuant vint le Seigneur de Chagny, appellāt accompagné des Seigneurs, qui le iour de deuant auoient seruy: lesquels portoient les bastons, dequoy ils deuoient combattre, & iouster: & seoit sur vn cheval couuert de ses armes, & derriere luy estoient les quatre pages dessusdits sur quatre coursiers houssez de la deuise avec la plus grand partie des Cheualiers, & Escuyers de l'hostel dudit Duc de Bourgongne, & aucuns autres nobles hommes: à tout lesquels il entra dedans les lices, si s'en alla descendre droit à son paviillon, & tantost s'en alla tout à pied faire la reuerence au dessusdit Duc de Bourgongne, & puis se retrahit en sa chaire, où il fut bien l'espace d'un heure auant que son aduersaire, & ennemy vint. Lequel vint accompagné comme il auoit esté le iour de deuant, tout depuis son hostel iusques à l'entrée des lices: & portoient les Cheualiers, & Escuyers, que ledit Duc luy auoit baillez, ses bastons, dequoy il deuoit batailler, & combattre: & derriere luy estoient ses gens, dont l'un d'iceux portoit la petite banniere au bout d'une lance ferrée. Et quand il fut venu aux lices, il alla faire la reuerence au Duc de Bourgongne dessusdit, & de là se retrahit en son paviillon. Et jaçoit-ce que par les dessusdits Cheualiers, & Escuyers, qui l'accompaignoient, fut par plusieurs fois admonesté, en luy donnant cōseil à leur pouoir: toutesfois oncques ne leur voulut descourrir son secret n'vser de leur conseil, ains leur disoit qu'ils ne fussent point en soing de luy, & qu'au plaisir de Dieu il feroit son deuoir. Et apres le Roy d'armes nommé Toison d'Or cria en trois lieux sur les lices, que tout homme, qui n'estoit commis à la garde d'icelle vuidast sans delay: & que nul ne baillast empeschemens aux champions sur la hart, & de par le Duc de Bourgongne. Si estoient dedans huiēt Gentils-hommes armez pour prendre, & leuer les

deux champions dessusdits, quand ils en auroient le commandement. Apres lequel cry issit hors de son pavillon ledit Seigneur de Chargny à tout ses quatre bastons, & tenoit la hache par le meillieu de la dextre main le fer vers son aduersaire, & ainsi marcha vn petit auant. Et adonques issit l'Espagnol embastonné, comme dit est, & auoit sur son bacinet iecté vn couurechief qui couuroit sa visiere, laquelle estoit cōme demie leuée, & quand il fut issu & sailly hors de son pavillon, vn de ses gens osta ledit couurechief. Si commencerent vigoureusement, & de grand courage à marcher l'vn contre l'autre leurs lances palmoyant, & tousiours auoit ledit Espagnol, & eut durant ceste besongne la visiere leuée. Et lors à l'approcher ledit Seigneur de Chargny iecta premier sa lance, & n'en attendoit point son hōme: mais iceluy Espagnol l'approcha en luy iectant la sienne, si le ferit & blessa vers le costé, duquel coup il fut nauré, & percé au bras tant que la lance se tint dedans son bracelet: mais ledit Seigneur de Chargny la lecoust tãtost sur le sablon: & lors les deux champions approcherent de grand courage l'vn pres de l'autre. Si commencerent à batailler, & à cōbattre de leurs lances gentement: si auoient iceluy Seigneur de Chargny grand desplaisance de ce, que son ennemy & aduersaire ne fermoit point la visiere. Durant lequel temps le Duc de Bourgongne ordonna, qu'on les fait cesser, & commanda à ceux, qui gardoient le chāp qu'ils les prinsissent: laquelle chose ils feirent, & furent amenez deuant ledit Duc de Bourgongne. Si estoient tous deux moult troublez au semblant qu'ils monstroient, de ce qu'on leur auoit si tost prins sus. Et par especial l'Espagnol venant deuant ledit Duc repeta par deux fois, qu'il n'estoit pas content pour si peu de chose faire, attendu qu'à grand despens, & à grand trauail de son corps il est venu de moult loingtain país par mer, & par terre pour acquerir honneur & reuerence. A quoy luy fut respondu, que bien & moult honnorablement auoit fait son deuoir, & accompli ses armes. Apres lesquelles parolles furent ramenez, & conduits à leurs logis & hostels, & issirent des lices chacū par son costé aussi tost l'vn comme l'autre. Toutesfois ledit Cheualier d'Espagne fut la noté de plusieurs nobles là estās, d'auoir entrepris vne grād hardiesse, & habilité de combattre par ceste maniere la visiere leuée, pour ce que pareil cas n'auoit point esté veu. Et apres ceste besongne le Dimanche, & autres iours ensuiuans, iceluy Duc de Bourgongne fait grand honneur, & reuerence en son hostel au dessusdit Cheualier d'Espagne, & luy donna de grans dons pour payer plainement ses despens, & briebs iours ensuiuans print congé dudit Duc & des siens, & se partit d'Arras pour s'en retourner en son país.

*Arrogance  
Espagnolle.*

*Comment les François & Bourgongnons estans en la ville d'Arras estoient  
cordialement ensemble l'vn avecques l'autre.*



LE Lundi qui fut le iour nostre Dame de la my-Aoust les Ducs de Bourgōgne, de Bourbō, & de Gueldre, les Comtes d'Estampes, de Richemont & de Vendosme, de S. Pol, & de Ligny de Meurs, & de Nassau avecques la plus grād partie des Cheualiers,

& Escuyers des deux parties, allerent tous à cheual en grand concorde à l'hostel d'iceluy Duc de Bourgongne ouïr la messe nostre Dame en la cité, vestuz & aornez de moult riches vestemens: dont le pauvre peuple là estant en grand multitude auoient grand liesse esperans brief auoir consolation de paix, que tant, & si longuement auoient attendu. Apres laquelle messe retournerent en l'hostel dudit Duc de Bourgongne, & là disnerent la plus grand partie: si y furent moult richement seruiz de plusieurs & diuers mets. Pour lesquels cōuis & assemblées ainsi faictes par icelles parties, les Ambassadeurs d'Angleterre n'estoient point bien contens: pource que desia le Duc de Bourgongne, & ceux de son party auoient grand communication avecques iceux François leurs aduersaires & ennemis, & auoient suspection & doubte, qu'entre icelles parties de France & de Bourgongne, ne se machinast aucun traicté, qui fut aucunement à leur preiudice.

*Comment le Cardinal de Vincestre vint à Arras pour estre à la conuention, qui là estoit assemblée.*

**T** E M le dixneuuesme iour d'Aoust ensuiuant vint le Cardinal de Vincestre en la ville d'Arras pour estre au Parlement là estant & estoient en sa compagnie le Comte de Hontidon, & autres notables Cheualiers, & Escuyers d'Angleterre, iusques au nombre de trois cens cheuaucheurs. A l'encontre duquel allerent les Ducs de Bourgongne, & de Gueldres, les Comtes de saint Pol, de Ligney, de Meurs & la plus grand partie des nobles avecques ledit Duc de Bourgongne. Si fut fait par le Cardinal, & Duc dessusdit grand honneur, & reception l'un à l'autre, & pareillement des autres Seigneurs. Si retournerēt tous ensemble avec iceluy Cardinal iusques aupres de la porte d'Arras, où ils prindrēt cōgé l'un à l'autre. Si s'en alla le dessusdit Cardinal loger en l'hostel de l'Eueque, & ses gens. Si venoient chacun iour Ambassadeurs enuoyez de diuerses nations: & auoient ordonné le lieu ou la cōuention se deuoit tenir entre les parties en l'Abbaye de S. Vast d'Arras, où il y auoit en ladicte Abbaye, salles, chambres, & de notables edifices moult propices pour toutes les parties. Si assemblerent au lieu dessusdit les trois parties en la presence des deux Cardinaulx premiers venus, lesquels & par especial le Cardinal de S. Croix remonstrerent moult auctentiquemēt à icelles trois parties les grās maulx & inconueniens, qui estoient aduenuz par toute Chrestienté à l'occasion des guerres, qu'ils auoiēt si longuemēt maintenues, eux admōnestāt moult doucement & sagement, que pour l'amour de Dieu principalement ils voulsissent entendre au bien de paix entant qu'ils estoient ensemble, & qu'un chacun d'eux feit requestes si courtoises, & si raisonnables, qu'ils se peussent accorder les vns avecques les autres. Apres lesquelles remonstrances s'assemblerent au lieu de ladicte conuention par plusieurs iournées, & furent par lesdictes parties mis auant plusieurs traictéz, lesquels estoient moult contraires, & difficiles les vns aux autres: entre lesquels requierent ceux de la partie du Roy Charles, que le Roy Henry d'Angleterre se voulsist depoter, & desister de luy nommer Roy de France, moyennant que



que par certaines cōditiōs luy seroiēt accordées les Seigneuries de Guiēne, & Normandie: laquelle chose les Anglois ne voulurent point accorder.

*Comment durant le temps du parlement d'Arras, la Hire & Pothon vindrent courir, & fourrager le pays du Duc de Bourgogne.*

**L**E M le vingtcinquiesme iour du mois d'Aoust le Parlement estât à Arras, comme dit est, la Hire, & Pothon de sainte Treille à tout six cens combattans, dont il y auoit bien six vingts lances, ou enuiron qu'iceux auoient assemblées des frontieres vers Beauuais, cheuaucherent toute la nuict iusques à la riuere de Somme: laquelle ils passerent à Cappy, & de là se retirerent, & s'en allerent vers Dourlens, & Beauquesne pour fourrager le pais. Si se partirent & s'en allerent en plusieurs lieux, & assemblerent grand nombre de païsans, cheuaux, vaches, brebis, & plusieurs autres besongnes, à tout lesquelles se commencerent à retraire vers le passage de l'eäue, par où ils estoient venus. Durant lequel temps les nouuelles furent portées à Arras deuers le Duc de Bourgogne par le Seigneur de Saueuses: lequel Duc de Bourgogne en fut grandement trouble, voyant que par telles manieres tenir les besongnes qu'on traictoit au dit lieu d'Arras, se pourroient attarder: & afin d'y pourueoir fait sans delay monter à cheual ledit Comte d'Estampes, de saint Pol, de Ligney avecques la plus grand partie de Cheualiers, & Escuyers qui là estoient, & ceux de son hostel pour combattre, & rebouter iceux François: avecques lesquels allerent aucuns Seigneurs d'Angleterre à tout trois cens combattans, ou enuiron: & pouoient estre en tout de douze à seize cens, mais la plus grand partie estoient sans harnois. Si cheuaucherent hastiuement tous ensemble iusques vers Mailly, & à Theu, & auoient par auant enuoyé ledit Seigneur de Saueuses, & plusieurs autres coureurs pour enquerre nouuelles de leurs aduersaires, & ennemis. Lesquels coureurs sceurent pour vray qu'ils retourneroient à tout grans proyes vers le passage de l'eäue, si le feirent sçauoir aux Seigneurs dessusdits. Lesquels se hastierent pour les attendre, & feirent si bonne diligence qu'ils les trouuerēt à la ville de Corbie à vne ville nommée Bonnay sur l'eäue de Helly. Et lors les dessusdits François d'icelle poursuite aduertiz, ordonnerent aucuns de leurs Gens-d'armes à garder le passage de ladicte riuere. Si s'en allerent mettre en bataille sur vne haute montaigne entre Corbie & Helly. Et entre-temps Messire Jean de Croi fut enuoyé deuant avecques luy certain nombre de Gens-d'armes pour gaigner ledit passage, lequel fut assez briefuement prins & conquis. Et y en eut de morts de dix à douze d'iceux François & les autres se retrahirent avecques leurs gens sur ladicte montaigne. Et adonques ceux de la partie de Bourgogne, & les Anglois passerent l'eäue, & se meirent en bataille au dessous de la montaigne dessusdicte contre leurs aduersaires & ennemis, & y furent bien demie heure: toutesfois ils n'eurent point conseil de les aller combattre, car ils estoient trop petitement atournez de harnois. Et d'autre part ledit Duc de Bourbon, & le Cōte de Richemont Connestable,

qui estoient audit lieu d'Arras, auoient enuoyé aucuns de leurs gens deuers les dessusdits François pour les faire retraire, & rendre ce qu'ils auoient prins. Finablement apres ce que les deux parties eurent esté grande espace en bataille l'un contre l'autre, ils s'en retournerent chacun dont ils estoient venuz, & rendirent lesdits François grand partie des prisonniers: qu'ils auoient prins par le moyen, & pourchas de ceux que les Ambassadeurs dessusdits auoient enuoyez, & aussi le bestail qu'ils auoient accueilliz, mais ce fut bien enuiz. Si perdirent de leurs gens enuiron vingt hommes tant morts comme de prins.

*Comment les Roys d'Arragon, & de Nauarre furent prins, & desconfits deuant Gayette par l'armée du Duc de Millan.*

**L**E vj. iour d'Aoust de cest an furent prins deuât Gayette au Royaume de Naples le Roy d'Arragô, & de Nauarre, le grâd Maître de saint Iaqués leur frere, le Duc de Sesse & son fils, le Comte de Fôdes, le Prince de Tarente, le fils Messire Christoffe Garganymé renommé de l'Aigle, le Vice-roy de Cecille, & bien quatre cens Cheualiers, & Escuyers, qui auoient avecques eux bien quatre mille soudoyers, qui tous furent desconfits: & tenoient le siege deuant la dessusdicte ville de Gayette par mer, & par terre, pour icelle conquerre à la desplaisance de Philippe Maria Duc de Milan. Pourtât iceluy Duc feit preparer son armée en la ville de Genes, pour secourir & mener viures à ladicte ville de Gayette. Si fut principal conducteur d'icelle armée audit Duc de Milan l'Amiral de la cité de Genes, lequel ayant intention d'entrer en icelle ville ainssi assiegée par mer, si s'approcha d'icelle tant que les assiegeans allerent pour le combattre & subiuguer: toutesfois nonobstât que l'Amiral dessusdit ne fut point en si grâd nombre comme les Napolitains, & les Arragônois ses ennemis estoient, la fortune fut pour luy: & desconfit pour ce iour tous ceux, qui estoient audit lieu, tenans le siege par mer & par terre: mais nonobstant que les dessusdits Roys d'Arragon, & de Nauarre avecques les autres Seigneurs dessus nommez eussent esté prins deuant le port de Gayette, comme dit est dessus, si furent ils menez prisonniers à Genes, qui lors se tenoit en l'obeïssance du Duc de Millan: mais brief ensuiuant par certains moyens, & promesses qu'il feit aux Genneuois, luy furent iceux Seigneurs deliurez & mis en sa main, moyennant qu'il promeist de non les deliurer sinon du sceu, & consentement desdits Genneuois: laquelle promesse il n'entretint point, car tantost apres qu'ils furent amenez deuât luy, & qu'il les eut grandement festoyez & conioïs en sa ville de Millan, il les meit à plaine deliurance sans payer finance ne retenir d'eux aucune chose ne promesse, & mesmement leur donna de grans & precieux dons: dont quand ce fut venu à la cognoissance des Genneuois, ils en furent tresmal contens & non sans cause: car ils estoient leurs ennemis capitaux, pourquoy ils se departirent du tout de l'alliance, & obeïssance dudit Duc de Millan. Cômest le Cardinal de Vincestre à toute l'Ambassade des Anglois se departit de la ville d'Arras: & comment autres Ambassadeurs de plusieurs lieux vindrent en ladicte ville.

*Controisie & liberalité remarquable du Duc de Millan.*

*Genneuois se departent de l'obeïssance du Duc de Millan.*

**L** vi. iour de Septembre le Cardinal de Vincestre se partit de la conuention d'Arras, & avec luy toutel l'Ambassade de la partie d'Angleterre, sans ce qu'ils eussent aucune cōcorde avec les François, nonobstant qu'ils eussent par plusieurs iours esté ensemble, & qu'à icelles iournées plusieurs traictez eussent esté mis auant, comme dit est, qui point n'auoient esté mis à effect: jaçoit-ce que le Duc de Bourgongne, & ceux de son Conseil eussent faictes plusieurs diligēces, pour appaier icelles deux parties de Frâce, & d'Angleterre, neâtmoins iceux Anglois s'en retournerent à Calais, & de là en Angleterre, & se doubtoient bien de ce qui aduint assez tost ensuiuant: c'est à sçauoir que le Roy Charles, & le Duc de Bourgongne ne se concordassent l'un avec l'autre: car ils aperceurent bien des deuant leur departement, qu'icelles deux parties auoient l'un avec l'autre grand amour, & repairoient ensemble, cōme se deslors eussent esté en cordialle vnion, dont ils n'estoient point bien contens. Itē encores vindrent audit Parlement d'Arras plusieurs Ambassadeurs de plusieurs Royaumes, & nations tant Ecclesiastiques comme seculiers, c'est à sçauoir de par les Roys de Nauarre & de Dache, d'Espaigne, de Chippre, de Portugal, le Connestable Duc de Poulaine, de par le Duc de Millan, de par le Roy de Cecille, de par le Roy de Norueghe, de par le Duc de Bretagne. Si y vindrent aussi l'Archeuesque d'Aulx, l'Euesque d'Albigue, l'Euesque d'Vzes, l'Euesque d'Auxerre, l'Euesque d'Albanie, l'Euesque de Viscenne, l'Abbé de Vezelay, l'Archediacre de Mets en Lorraine Procureur du S. Concile de Basle, l'Archediacre de Poulaine, & moult d'autres gens de grand auctorité.

*Comment la paix fut faicte & confermée entre le Roy Charles de France,  
& le Duc de Bourgongne en la ville d'Arras.*

**T** E M apres que les Ambassadeurs du Roy Henry d'Angleterre se furent partis de la ville d'Arras, comme dessus est dir, & qu'ils furent retournez en Angleterre sans prendre conclulsion de paix avec les François, les deux autres parties, qui estoient demourées au dessusedit lieu d'Arras: c'est à sçauoir de Frâce, & de Bourgōgne, s'assemblerent l'un avec l'autre au parlemēt au lieu accoustumé par aucun peu de iours, & là eurent ensemble grand deliberation, & aduis sur plusieurs besongnes. & aussi par l'exhortatiō des deux Cardinaulx de S. Croix, & de Chippre, de plusieurs Prelats, & autres notables gens de conseil là estans de chacune partie; conclurent à faire paix finale entre le Roy Charles d'une part, & Philippe Duc de Bourgongne d'autre: de laquelle la teneur s'ensuit.

PHILIPPE par la grace de Dieu Duc de Bourgongne, d'Autriche, de Brabant, & Paix entre le  
de Lambourg, Comte de Flandres, d'Arthois, & de Bourgongne, Palatin de Hainault, de Roy de Frâce  
Hollande, de Zelāde & de Namur, Marquis du S. Empire, Seigneur de Frize, de Saline & le Duc de  
& de Malines. Sçauoir faisons à tous presens, & aduenir, que comme pour paruenir à Bourgongne.  
paix generale en ce Royaume ayent esté tenues plusieurs conuentions, & assemblées, & mesmement en nostre ville, & cité d'Auxerre, en la ville de Corbeil, & dernièrement ayt esté accordée de tenir en ceste nostre ville d'Arras certaine iournée, & conuention, sur le



fait de ladicte paix generale: à laquelle mon tresfredoubté Seigneur le Roy Charles ayt enuoyez, & y sont venus noz treschiers, & tresaymez freres, & cousins Duc de Bourbö, & d'Auuegne, le Comte de Richemont Connestable de France, le Comte de Vendosme grand Maistre d'hostel, & tresfreuerend Pere en Dieu l'Archeuesque, & Duc de Reims grand Châcellier de France, Christofle de Harcours, Gillebert Seigneur de la Fayette Marefchal de France, Maistre Adâ de Câbray premier President en Parlemēt, Maistre leâ Tudart Doyen de Paris Conseiller, & Maistre des Requestes de l'hostel du Roy, Guillaume Charretier, Eslienne Moreau, aussi les Conseillers, Jean Chastignier, & Robert Marliere, Secretaires de môdit Seigneur le Roy, & tous ses Ambassadeurs. Et de la part mon treschier Seigneur, & cousin le Roy d'Angleterre, y sont venus tresfreuerend Pere en Dieu le Cardinal de Vincestre, l'Archeuesque d'North, noz ayez cousins les Comtes de Hontindon, & de Suffort, noz reuerēds Peres en Dieu les Euesques de Norrowich, de S. David, & de Lisieux, & plusieurs autres gens d'Eglise, & Ambassadeurs de mon treschier frere, & cousin le Roy d'Angleterre. Et aussi y sommes venus, & comparus en nostre personne accōpaignede de plusieurs de nostre sang, & autres noz seaux, & subiects en grand nombre. A laquelle iournée & cōuenion de par nostre saint Pere, ayt esté enuoyé tresfreuerēd Pere en Dieu nostre treschier, & especial amy le Cardinal de sainte Croix à tout bō, & suffisant pouoir de nostre saint Pere: & de par le saint Cōcile de Basle semblablement ayent esté enuoyez, & soiēt venus tresfreuerēd Pere en Dieu nostre treschier, & tresaymē cousin le Cardinal de Chippre, tresfreuerēds Peres en Dieu les Euesques de Verōne, d'Albigue, Nicolas Preuost, & Calconie Hucho Archediacre de Mets en Lorraine, Ambassadeurs d'iceluy Concile, & ayās pouoir suffisant sur ce dudit Concile: par deuant lesquels Cardinaulx, Legats, & Ambassadeurs de nostre S. Pere, & du S. Cōcile sōt venus, & cōparus lesdits Ambassadeurs de France d'une part, & ceux d'Angleterre d'autre: & nō aussi en nostre persōne toutes les fois, qu'il a esté besoing: & par iceux Ambassadeurs ayēt esté faictes plusieurs ouuertures, & oblatiōs d'un costé & d'autre. Et cōbiē que finalement de la part de Môseigneur le Roy, par lesdits Ambassadeurs ayent esté faictes aux gēs, & Ambassadeurs d'Angleterre grādes & notables offres, à fin de paruenir à ladicte paix generale: lesquels cōme il sēble ausdits Cardinaulx autres Legats, & Ambassadeurs de nostredit S. Pere, & du Cōcile, estre iustes & raisonnables, & ne les pouoiet ou denoiet raisonnablemēt refuser lesdits Ambassadeurs d'Angleterre: & que lesdits Cardinaulx de S. Croix, de Chippre, & autres Ambassadeurs du S. Cōcile eussēt prié, & requis à iceux Ambassadeurs d'Angleterre, de les accepter en leur disant, & remonstrant qu'autremēt & ou cas qu'ils ne voudroiet entendre à l'effect de ladicte paix generale, ils auoiet charge, & cōmādemēt de nostre S. Pere le Pape, & du Cōcile de nō exhorter, requirir, & sōmer d'entendre avec môdit Seigneur le Roy à paix particuliere, & reunion avec luy en tāt que toucher nous pouoit. Toutesfois lesdits Ambassadeurs d'Angleterre n'ont voulu accepter lesdictes offres à eux faictes: mais se sōt departiz de nostre ville d'Arras sās aucune cōclusiō, & sās vouloir prēdre n'accepter iour certain, ne cōpetēt de retourner. Pourquoy apres leur partemēt par lesdits Cardinaulx, Legats, & Ambassadeurs de nostredit S. Pere, & du Cōcile ayōs esté exhortez, requis, & sōmez de vouloir entendre par effect à ladicte paix particuliere, & reuniō avec môdit Seigneur le Roy: moyēnāt que par le cas de la mort de feu nostre treschier Seigneur & Pere que Dieu pardoint, & pour nostre interest en ceste partie, nous seroiet par môdit seigneur le Roy, & par ses Ambassadeurs dessus nommez à ce souffisamment fondez pour luy, & en son nom faictes offres raisonnables

raisonnables afin de satisfaction, recompensation & autrement qu'en deurions estre contents: lesquelles offres faictes par lesdits Ambassadeurs de mondit seigneur le Roy, ayent esté baillées par escrit en vn rolle de papier ausdits Cardinaulx, & Ambassadeurs de nostredit saint Pere, & du Cōcile, & par eux à nous presētē: duquel rolle la teneur s'en suit.

Offres du Roy  
au Duc Phi-  
lippe.

CE sont les offres, que nous Charles Duc de Bourbon, & d'Auvergne, Artus Comte de Richemont Connestable de France, Loys de Bourbon Comte de Vendosme, Regnault de Chartres Archeuesque, & Duc de Reims grand Chancellier de Frāce, Guillebert Seigneur de la Fayette Marechal de France, Adam de Cambrai President en Parlement, Jean Tudart Doyen de Paris Conseiller, & Maistre des Requestes de l'hostel du Roy, Guillaume Charretier, & Esienne Moreau Conseillers, Jean (basignier, & Robert Maliere Secretaire, & tous Ambassadeurs de Charles Roy de France nostre souverain Seigneur estans presentement en la ville d'Arras: faisons pour, & ou nom dudit Roy à Monseigneur le Duc de Bourgongne & de Brabant pour son interest, & querelle qu'il a, & peut auoir à l'encontre du Roy, tant à la cause de la mort de feu Monseigneur le Duc Jean de Bourgongne son pere, comme autrement, afin de paruenir à traité de paix, & concord. Premièrement que le Roy dira, ou par ses gēs notables suffisamment fondez fera dire à mondit Seigneur le Duc de Bourgongne, que la mort de feu Monseigneur le Duc Jean son pere (que Dieu absolve) fut iniquement, & mauuaise ment faicte par ceux, qui perpetrerēt ledit cas, & par mauuīs conseil, & luy en à tousiours de spleu, & à present desplait de tout son cuer: & que s'il eust sceu ledit cas, & eut tel aage & entendement qu'il a de present, il y eut obuī à son pouoir: mais il y estoit bien ieune, & auoit pour lors petite cognoissance, & ne fut point si aduise que d'y pourueoir. Et priera à mondit seigneur de Bourgongne, que toute haine & rancune, qu'il peut auoir à l'encontre de luy à cause de ce, il oste de son cuer, & qu'entre eux ayt bōn: paix, & amour: & se fera de ce expresse mention es lettres, qui seront faictes de l'accord, & traité d'eux. Item que tous ceux, qui perpetrerent ledit mauuais cas, ou furent consentans le Roy les abandonnera, & sera toutes les diligences à luy possibles de les faire prēdre, & apprehender quelque part, qu'ils pourroient estre trouuez, pour estre puniz en corps, & en biens: & si apprehender ne peuenst estre, il les bannira à tousiours, & sans rappel hors du Royaume, & du Daulphiné, avecques confiscation de tous leurs biens, & sront hors de tous traittez. Item ne souffrira le Roy aucuns d'eux estre receuz, ou fauorisez en aucun lieu de son obeissance, & puissance: & fera crier, & publier par tous les lieux des Royaumes, & Daulphiné accoustumez à faire cris, & proclamations, qu'aucuns ne les recoiue, ou fauorise sur peine de confiscations de corps & de biens. Item & que mondit Seigneur de Bourgongne le plus tost qu'il pourra bonn: mēt apres ledit accord passē, nommera ceux dont il est, ou sera lors informē, qui perpetrerent ledit mauuais cas, ou en furent consentans, afin qu'incontinent & diligemment soit procedē contre eux de la part du Roy, comme dit est. Et en outre pource que mondit Seigneur le Duc de Bourgogne n'a encores peu auoir cognoissance vraye de ceux, qui perpetrerent ledit mauuais cas, ou en furent consentans, toutes les fois que cy apres en sera informē deuēment d'aucuns autres, il les pourra nommer, & signifier par ses lettres patentes, ou autrement suffisamment au Roy, lequel en ce cas sera tenu de faire proceder tantost, & diligemment à l'encontre d'eux par la maniere de dessusdictē. Item que pour l'ame de feu Monseigneur le Duc Jean de Bourgongne, de feu Messire Archambault de Foix Comte de Moailles, qui fut mort avecques luy, & de tous les autres trespassēz, à cause des diuisions & guerres de ce Royaume, seront faictes les fondatiōs, & edifices, qui s'en sui-



uent. C'est à sçavoir, en l'Eglise de Monstreau, en laquelle fut premieremēt enterrē le corps de mondit feu Seigneur le Duc Jean, sera fondē une Chappelle & Chapellainie d'une messe basse de Requē chacun iour perpetuellement: laquelle sera rentēe, & doīce cōuenablement de rentes admorties iusques à soixāte liures parisis par chacun an: & aussi garnie de calices, & d'ornēmē d'Eglise bien & suffisamment, & tout aux despens du Roy. & laquēlle Chappelle sera à la collation de mōdit Seigneur de Bourgongne, & de ses successeurs Ducs de Bourgongne à tousiours. Item qu'en ladiētē ville de Monstreau, ou au plus pres d'icelle, que faire se pourra bonnement: sera fait, construit & insituē par ledit Roy, & à ses fraits, & despens une Eglise, conuent, & monastere de Chartreux: c'est à sçavoir pour un Prieur, & douze Religieux avecques les cloistres, salles & refectōiers, grange, & autres edifices, qui luy seront necessaires, & conuenables: & lesquels Chartreux, c'est à sçavoir le Prieur, & douze Religieux seront fondez par le Roy, & de bones rentes & reuenues annuelles & perpetuelles, & bien admorties suffisammēt & conuenablement, tant pour le viure desdits Religieux, & entretenement du diuin seruice, comme pour les soustēnemēns des edifices dudit monastere: & autrement iusques à la somme de huit cē liures parisis par an de reuenue, à l'ordonnance, & par l'aduis de tresreuerend Pere en Dieu Monseigneur le Cardinal de sainte Croix, ou de celuy, ou ceux, qu'il voudra à ce commettre. Item que le pont de Monstreau au lieu où fut fait ledit mauuais cai, sera faicte & edificē, & bien entaillē, & entretenue à tousiours aux despēs du Roy une belle croix de belle façō, & ainsi qu'il sera diuise par ledit Mōseigneur de sainte Croix, ou ses commis. Item qu'en l'Eglise des Chartreux lez Dijon, en laquelle gist, & repose à present le corps dudit feu Monseigneur le Duc Jean, sera fondē par le Roy, & à ses despens une haute messe de Requiem, qui se dira chacun iour perpetuellemēt au grand autel de ladiētē Eglise, à telle heure qui sera diuisee. Et laquelle fondation sera donnēe, & assignēe de bonnes rentes admorties iusques à la somme de cent liures parisis de reuenue par ans, & aussi garnie de calices, & aornemens comme dessus.

Item que lesdites fondations, & edifices seront commencēes à faire le plus tost que bonnement faire se pourra. En especial commencera on à dire, & celebrer lesdites Messes, incessamment apres ledit accord passē. Et au regard des edifices, qui se doiuent en ladiētē ville de Monstreau, ou au plus pres d'icelle faire, on y commencera à ouurer dedans trois mois apres que ladiētē ville sera reduitē en l'obeyssance du Roy, & continuera on diligemment sans † intercupation, que iceux edifices seront tous parfaits & acheuez dedans cinq ans apres ensuiuans: & quant aux dessusdites fondations on y besongnera sans delay le plus tost que faire se pourra. Et pour ces causes tātost apres ledit accord passē, sera faicte, & assignēe la haulte Messe aux Chartreux de Dijon, dont dessus est faicte mention, avec ce qui en despēd: c'est à sçavoir de liures, calices, & autres choses à ce necessaires, & aussi y sera dicte & celebrē aux despens du Roy la basse Messe quotidienne, qui doit estre fondēe en l'Eglise de Monstreau, si tost qu'elle sera reduitē en l'obeyssance du Roy: & au surplus touchant les edifices, & fondations, qui se doiuent faire en la ville de Monstreau, & † aupres d'icelle, de la part du Roy sera mise dedans lesdits trois iours apres qu'il lē ville sera reduitē en l'obeyssance du Roy es mains d'iceluy, ou ceux que y voudra commettre Monseigneur le Cardinal de sainte Croix, certaine somme d'argent, souffisant pour commencer à faire lesdites ouurages & edifices, & acheter les calices, liures, aornemens & autres choses à ce necessaires & conuenables. Et d'autre part seront lors aussi aduises, assignēs, & deliurēs les rentes dessus declairēes montans pour ledit lieu de Monstreau.

† interruption.

† au regard.



freau huit cens soixante liures parisis par an bien reuenans seurement amorties, & assises au plus pres que bonnement faire se pourra dudit lieu de Monstreau: sans y comprendre les cent liures parisis de rente qui doiuent estre assises pour la fondation de ladicte haute Messe des Charteux de Dijon. Item que pour, & en recompensation des ioyaux, & autres biens meubles, que auoit feu mondit Seigneur le Duc Jean au temps de son decez, qui furent prins & perdus, & pour en auoir & achapter des autres, & en lieu d'iceux le Roy payera, & fera reaulmēt payer, & de fait à mondit Seigneur le Duc de Bourgogne, la somme de cinquante mille escus d'or vieux de poix de soixante quatre au marc de Troyes huit onces pour le marc, & à vingt & quatre karas d'aloy, ou autre monnoye d'or & courtable de la valeur aux termes qui s'ensuiuent. C'est à sçauoir quinze mille au terme de Pasques prochain venant en un an, qui commencera l'an mille quatre cens trente sept, & quinze mille aux Pasques ensuiuans, qui sera l'an mille quatre cens trente huit, & les vingt mille, qui resteront aux Pasques ensuiuans, qui sera l'an mille quatre cens trenteneuf. Et avecques ce sera sauué, & reserué à mondit Seigneur de Bourgogne son action, & poursuite au regard du beau collier de feu mondit Seigneur son Pere, cōtre ceux qui l'ont eu, & l'ont pour l'auoir & recouurer: & pareillement autres ioyaux à son prouffit en outre, & par dessus lesdits cinquante mille escus.

Item & que de la part du Roy à mondit Seigneur de Bourgogne pour partie de son interest, seront delaisées, & avecques ce baillies, & transportées de nouuel pour luy, & ses hoirs procreez de son corps, & les hoirs de ses hoirs, & descendans tousiours de droicte ligne soient masles ou femelles, les terres & Seigneuries, qui s'ensuiuent. C'est à sçauoir, la cité & Comté de Mascon, & S. Langon, & les mettes d'iceux: & avecques ce ensemble toutes les villes, villages, terres, cens, rentes, & reuenues quelsconques, qui sont, & appartiennent, & doiuent competer, & appartenir en domaine au Roy, & à la Couronne de France, & par tous les villages Royaux de Mascon, & de saint Langon, & mettes d'iceux, avecques toutes les appartenances d'icelle Comté de Mascon, & autres Seigneur es, que tient, & doit tenir le Roy en domaine ancien, en & par tout lesdits villages de Mascon, & de saint Langon tant en fief, arrierefief, confiscations, patronnages d'Eglises, collations de benefices, comme en autres droits, & prouffits quelsconques, sans yriēs retenir de la part du Roy de ce que touche & peult toucher le domaine, la Seigneurie, la iurisdiction ordinaire des Comtez, & lieux dessusdits. Et est sauué & reserué au Roy semblablement les fiefs, & hommages des choses dessusdites: & le ressort & souveraineté des Eglises, & subiects d'icelles de fondations Royaux, estans ausdits Bailliages, & es mettes enclauées en iceux, & le droit de Regalle, là ou il alieu, & autres droits Royaux appartenans d'ancienneté à la Couronne de France, & Baillages dessusdits: pour à ladicte Cité de Mascon, ensemble des villes, villages, terres & domaines dessusdites iouyr, & user par mondit Seigneur de Bourgogne, & sesdits hoirs, & successeurs à tousiours, & les tenir en foy, & hommage du Roy, & de la Couronne de France, & en pairrie sous le ressort du Roy, & de sa Court de Parlement sans moyen, pareillement & en telles franchises, droits & prerogatiues comme les autres Pairs de France. Itē avecques ce de la part du Roy seront transportées, & baillies à mondit Seigneur de Bourgogne, & celuy de sesdits hoirs, & successeurs legitimes, procreez de son corps, ausquels il delaissera apres son decez & trespass ladicte Comté de Mascon, tous les prouffits, & emolumens quelsconques, qui escherront esdits villages Royaux de Mascon & saint Langon, à cause des droits Royaux, & de souveraineté appartenās au Roy, & en iceux Baillia-

ges, soient par le moyen de la garde, & souveraineté des Eglises, qui sont de fondation Royale, & des subiects d'icelles droits de Royale, ou autrement, tant en confiscations pour quelque cas que ce soit, amendes, droits, exploits, iustices, & les prouffits, & emolumens de la monnoye, comme autres prouffits quelsconques, pour en iouyr par mondit Seigneur de Bourgogne, & fonder hoir durant leurs vies, & du suiuant d'eux tant seulement en, & par la maniere qui s'ensuit. C'est à sçauoir, qu'à la nomination de mondit Seigneur le Duc de Bourgogne, & de sondit hoir apres luy, le Roy cōmettra, & ordonnera celui, qui sera Baillif de Mascon pour mondit Seigneur de Bourgogne, Iuge Royal, & commis de par luy, & cognoistre de tous cas Royaux, & autres choses procedans des Baillies: des pays, & lieux, & enclauures dessusdites aussi auant, & tout en la maniere & forme, que l'ont fait, & accoustumé de faire les Baillifs Royaux de Mascon, & de sainte lagon, qui ont esté le temps passé: lequel Bailliage de sainte Jangon est, & sera abolly par ce moye: & semblablement seront cōmis de par le Roy à la nomination de par mondit Seigneur de Bourgogne, & de sondit hoir, tous autres officiers necessaires pour ladicte Iurisdiction, & droits Royaux tant Capitaines, chasteillains, Preuosts, Seigneurs comme Receueurs, & autres, qui exerceront leurs offices ou nom du Roy, au prouffit de mondit Seigneur de Bourgogne, & de son hoir apres luy, cōme dit est dessus. Itē semblablement de la part du Roy si ront transportées, & baillées à mondit Seigneur & à son hoir dessusdit apres luy, tous les prouffits des aydes, c'est à sçauoir des greniers à sel, quatriesmes de vins venduz à destail, impositions de toutes denrées, tailles, fouages, aydes, & subuentions quelsconques, qui ont ou auront cours, & qui sont, ou seront imposées es élections de Mascon, Chalon, Auxun, & Langres si auant qu'icelles élections s'estèdent en, & par le pays Duché de Bourgogne, & la Comté de Charrolois, & ladicte Comté de Mascon, tout le pays de Masconnois, & es villes, & terres quelsconques enclauées en icelle Duché, Comté, & pays pour iouyr de la part de mondit Seigneur le Duc de Bourgogne, & de son hoir apres luy de toutes lesdites aydes, tailles, & autres subuentions en auoir le prouffit durant le cours de leurs vies, & du suruiuant d'eux. Auquel mondit Seigneur le Duc de Bourgogne, & à sondit hoir appartiendra la nominatiō de tous les officiers à ce necessaires, soit esleuz, Clercs, Receueurs, Sergens, ou autres, & au Roy la commission, & institution, comme dessus est dit. Item & aussi sera par le Roy à mondit Seigneur le Duc de Bourgogne transporté, & baillé à tousiours pour luy ses hoirs legitimes procréez de son corps, & les hoirs de ses hoirs soit masles ou femelles descēdās de droicte ligne en heritage perennelle, la cité, & Comté d'Auxerre avecques toutes les appartenances, & appendāces quelsconques tant en iustice, domaine, fiefs, patronnages d'Eglises, collations de benefices, cōme autrement à les tenir du Roy de la Couronne de France, & de sa Court de Parlement, sans moyen, & en telles franchises, & droits de prerogatiues, comme les autres Pairs de France. Item & avecques ce seront transportées, & baillées par le Roy à mondit Seigneur de Bourgogne, & à iceluy de ses hoirs, à qui il delaissera apres son decez ladicte Comté d'Auxerre tous les prouffits, & emolumens quelsconques, qui escherront en ladicte Cité, & cité d'Auxerre, & en toutes les villes & terres enclauées en icelles, qui ne sont point en ladicte Comté: soient Eglises, ou autres à cause de droits Royaux en quelque maniere, que ce soit tant en Regalles, confiscations, amendes, & exploits de Iustice le prouffit, & emolument de la monnoye, comme autrement durant leurs vies, & du suruiuant d'eux tant seulement en, & par la maniere dessus declarée: c'est à sçauoir, qu'à la nomination de mondit Seigneur de Bourgogne, & de son hoir apres luy, le Roy cōmettra,



& ordonnera celui qui sera Baillif d'Auxerre pour mondit Seigneur de Bourgogne luy  
 ge Royal, & commis de par luy à cognoistre tous cas Royaux, & autres choses es mettes  
 de la Comté d'Auxerre & és enclauées d'icelle, aussi auant, & tout en la forme, & ma-  
 niere que l'ont fait, & accoustumé faire par cy deuant les Baillifs de Sës audit lieu d'Au-  
 xerre: & lequel Baillif de Sës ne s'entremettra aucunement durant les vies de mondit  
 Seigneur le Duc de Bourgogne, & de son hoir, mais on en laissera conuenir ledit Bail-  
 lif d'Auxerre, qui sera commis de par le Roy à la nomination de mondit Seigneur de Bour-  
 gogne, & de son dit hoir. Et semblablement seront commis par le Roy à la nominatiõ de  
 mondit Seigneur de Bourgogne, & de son dit hoir, tous autres officiers necessaires pour  
 l'exercice de ladicte Iurisdiction, & droitz Royaux en ladicte Comté d'Auxerre tous  
 Chastellains, Capitaines, Preuosts, & autres: comme Sergens, & Recueurs, qui exerce-  
 ront leur office au nom du Roy au prouffit de mondit Seigneur de Bourgogne, & de son  
 hoir apres luy. Itẽ d'autre part de la part du Roy, seront transportées & baillées à mondit  
 Seigneur de Bourgogne, & à son dit hoir apres luy tous les prouffits des aydes: c'est à sçauoir,  
 de grenier à sel, quatriesmes de vins vendus en destail, impositions de toutes dèrrees,  
 tailles, fouages, & autres aydes, & subuentions quelsconques, qui ont, ou auront cours,  
 & qui sont, & seront en ladicte cité, Comté, & cliefion d'Auxerre si auant qu'icelle ele-  
 ction s'estend en la dessusdicte Comté, & au pays d'Auxerrois, & es villes enclauées en  
 iceux, pour en iouyr par mondit Seigneur de Bourgogne, & son dit hoir apres luy: & en  
 auoir les prouffits le cours de leurs vies durât, & du suruiuant d'eux tant seulement. Auf-  
 quels mondit Seigneur le Duc de Bourgogne, & à son dit hoir, luy appartiendra la nomi-  
 nation de tous les officiers à ce necessaires, soient Esleuz, Clercs, Serges ou autres, & au  
 Roy la cõmission, & institution, cõme dessus est dit. Itẽ & aussi seront par le Roy baillies,  
 & transportées à mondit Seigneur le Duc de Bourgogne pour luy, & ses hoirs legitimes,  
 procréés de son corps, & ses hoirs de ses hoirs, soit mâles, & femelles descendants en di-  
 recte ligne à tousiours, & en heritaige à perpetuité, les chastelle, ville & Chastellenie de Bar  
 sur Seine, en icelle toutes les appartenances, & appëdances d'icelle Chastellenie tant en do-  
 maine, iustice, Iurisdiction, fiefs, patronnages d'Eglise, collations de benefices, comme au-  
 tres prouffits, & emolumens quelsconques à les tenir en foy, & en hommage du Roy, &  
 en Pairrie de France, sous le ressort de la souueraineté du Roy, & de la Court de Par-  
 lement sans moyen. Item & avec ce appartiendra à mondit Seigneur le Duc de Bourgogne,  
 & de la partie du Roy luy seront baillies, & transportées par luy, & ceux de ses  
 hoirs à qui il delaissera apres son decez ladicte Seigneurie de Bar, tous les prouffits des  
 aydes tant du grenier au sel, si grenier y a accoustumé auoir, & quatriesmes des vins ven-  
 dus à destail, impositions de toutes dèrrees, tailles, fouages, & autres aydes, & subuentions  
 quelsconques, qui ont & auront cours, ou sont & seront imposées en la ville, & Chastellenie  
 de Bar sur Seine, & és villes, & villages subiects, & ressortissans à icelle Chastellenie,  
 pour iouyr de la part de mondit Seigneur le Duc de Bourgogne, & de son dit hoir apres luy  
 d'icelles tailles & subuentions: & auoir les prouffits de la main de s'grenetiers, & recueurs  
 Royaux, qui seront à ce commis par le Roy à la nomination de mondit Seigneur le Duc  
 de Bourgogne, durât les vies de luy, & de son dit hoir apres luy, & les suruiuans d'eux  
 deux. Item & aussi de la partie du Roy sera transporté, & baillé à mondit Seigneur de  
 Bourgogne pour luy, & ses hoirs, la Comté de Bourgogne pour tousiours en heritaige  
 perpetuel: la garde de l'Eglise, & Abbaye de Luxeuil, ensemble tous les droitz, prouffits,  
 & emolumens quelsconques appartenans à la dessusdicte garde: laquelle comme Comte



à cause de sa Comté de Champagne dit, & maintient à luy appartenir : combien que les Comtes de Bourgogne predecesseurs à mondit Seigneur, ayent par cy deuant pretendu en querelle au contraire: d'uns, & maintenans icelle Abbaye, qui est hors du Royaume, & mettes de la Côte de Bourgogne, deuoit estre de leur garde. Et pource pour le bien, utilité & prouffit du pays, & pour obuier à tous debats, & noises sera delaissee par le Roy à mondit Seigneur de Bourgogne, & luy en demoura ladicte garde tout entierement. Item aussi seront par le Roy transportées à mondit Seigneur de Bourgogne pour luy, & ses hoirs masles legitimes, procréés de son corps, & les hoirs de ses hoirs masles tant seulement procréés de leurs corps, & descendans d'eux en ligne directe à tousiours, & heritage perpetuel les chasteaux, villes, & chastellenies, & Preuostez foraines de Peronne, Montdidier & Roie: avecques toutes les appartenances, & appendences quelsconques tât en domaine, iustice & iurisdiccions, fiefs & arriere fiefs, patronnages d'Eglises, collations de benefices, comme autres droits prouffits, & emolumens quelsconques à les tenir du Roy, & de la Couronne de France en foy, & en hommage, & en Pairrie de France sous le ressort, & souueraineté de sa Court de Parlement sans moyen. Item & avecques ce baillera, & transporterà le Roy à mondit Seigneur le Duc de Bourgogne, & à celui de ses hoirs desdits masles: auquel il delaissera apres son decez lesdictes villes, & Chastellenies de Peronne, Montdidier & Roie, tous les prouffits & emolumens quelsconques, qui esberroient en icelles villes, Chastellenies, & Preuostez foraines à cause des droitz Royaux en quelque maniere que ce soit: tant en Regalles, confiscacions, amendes, exploicts de iustice, comme autrement, pour en iouyr par mondit Seigneur le Duc de Bourgogne, & sondit hoir apres leurs vies, & du suruiuant d'eux tant seulement, & par la maniere dessus declarée. C'est à sçauoir, qu'à la nomination de mondit Seigneur de Bourgogne, & de son hoir masle, apres luy le Roy commettra, & ordonnera celui qui sera Gouverneur, & Bailly desdictes villes, & Chastellenies, pour mondit Seigneur le Duc de Bourgogne Juge Royal, & commis de par luy à cōnoistre de tous cas, & autres choses procedans desdictes villes, Chastellenies, & Preuostez foraines, & es villes subiectes, & ressortissans à icelles aussi auant, & par la maniere que l'ont fait, & accoustumé de faire par cy deuant les Baillys, Royaux de Vermandois, & d'Amiens. Et en outre seront commis, se mestier est, par le Roy à la nomination de mondit Seigneur de Bourgogne, & de sondit hoir masle, tous autres officiers necessaires pour l'exercice de ladicte iurisdiction, & droitz Royaux: comme Chastellains, Capitaines, Preuosts, Serges, Receueurs, & autres qui exerceroient leurs offices ou nom du Roy, & au prouffit de mondit Seigneur le Duc de Bourgogne, & de sondit hoir masle apres luy cōme dit est dessus. Item & semblablement par le Roy seroient transportées, & baillées à mondit Seigneur le Duc de Bourgogne, & sondit hoir masle apres luy, tous les prouffits des aydes: c'est à sçauoir du grenier à sel, quatriemes de vins vendus en detail, impositions de toutes denrées, tailles, fouages, & autres aydes, & subuentions quelsconques, qui ont, ou auront cours, & qui sont, ou seront composées esdictes villes, Chastellenies, & Preuostez foraines de Peronne, Montdidier, & Roie, & es villages, & terres subiectes, & ressortissans à icelles villes, Chastellenies, & Preuostez foraines, pour en iouyr par mondit Seigneur de Bourgogne, & sondit hoir masle durant le cours de leurs vies, & du suruiuant d'eux. Auquel mondit Seigneur de Bourgogne, & sondit hoir masle apres, luy appartendra la nomination de tous les officiers à ce necessaires soient eulx Clercs, Receueurs, Serges, ou autres: & au Roy leur commission, & institutio cōme dessus. Item en outre de la part du Roy sera delaissee à mondit Seigneur le Duc de Bourgogne ou à celui

à celui de ses heritiers, auquel apres son decez il laissera la Côte d'Arthois, la compensatiō des aydes en ladicte Côte d'Arthois, ressors, & enciauemēs d'icelle, montās à present icelles cōpositiōs à quatorze mille siēs par an ou enuiron sans ce que mōdit Seignur le Duc ou son dōit hoir apres luy durāt leurs vies soit astraints d'en auoir autre don, n'ostroy du Royn, ne de ses successeurs. Et nōmeront mōdit Seigneur, & son dōit hoir apres luy tels officiers, que bon leur semblera, pour le fait de ladicte cōpositiō tāt Esleuz, Receuers, Sergeus que autres: lesquels ainsi nōmez le Roy sera tenu d'instituer, & cōmettre lesdits officiers, & leur en faire bailler les lettres. Itē que le Roy baillera, & transportera à mōdit Seigneur le Duc de Bourgōgne pour luy ses hoirs, & ayās cause à tousiours: toutes les citez, villes, fortereffes, terres, & Seigneuries appartenās à la Couronne de Frāce dessus la riuere de Sōme de l'un costē, & de l'autre cōme S. Quentin, Corbie, Amiens, Abbeuille, & autres ensembles: toute la Côte de Pōsbieu deçā, & de là la dissiuēte riuere de Sōme, Doullēs, saint Riquier, Creuecueur, Arleux, Mortaigne avecques les appartenāces, & appendāces quelscōques: & toutes autres terres, qui peuēt appartenir à ladicte Couronne de Frāce depuis ladicte riuere de Somme inclusiuemēt: cōprenant aussi au regard des villes entrans du costē d'Arthois, de Flandres, & de Hamault tant du Royn, cōme de l'Empire: en y comprenant aussi au regard des villes seans sur ladicte riuere de Somme du costē de Frāce, les banlieux, & eschaumaiges d'icelles villes, pour en iouyr par mōdit Seigneur le Duc de Bourgōgne ses dōits hoirs, & ayās cause à tousiours, desdictes citez, villes, & fortereffes, terres, & Seigneuries en tous prouffits, & reuenues tāt en domaines, comme des aydes ordonnies par la guerre, & aussi tailles, & emolumēs quelscōques, & sans y retenir de la part du Roy fors les foy, & hōmages de souverainete. Et lequel trāsport, & bail se fera (cōme dit est) par le Roy au rachapt de la sōme de quatre cēs mille escus d'or vieux de soixante quatre au marc de Troyes, huiēt onces pour le marc, & d'aloj à vingt quatre karas, & un quart de Karat de remede, ou aatre monnoye d'or courānt: à la valeur duquel rachapt de mōdit Seigneur le Duc de Bourgōgne seront baillies lettres bōnes, & suffisantes, pour lesquelles il promettra pour luy, & les siēs, que toutes & quātesfois, qu'il plait au Roy, & aux siēs faire ledit rachapt, mōdit Seigneur de Bourgōgne, & les siēs serōt tenuz en receuāt ladite sōme d'or, de redre, & laisser au Roy, & aux siēs toutes lesdictes citez, villes, fortereffes, & Seigneuries cōprinſes en ce presēt traité tāt seulemēt. Et sera contē en outre mōdit Seigneur le Duc de Bourgōgne de receuoir le payemēt de quatre cēs mille escuz d'or à deux fois: c'est à sçauoir à chacune fois la moitié, pourueu qu'il n'sera tenu rendre lesdictes villes, citez, fortereffes, terres & Seigneuries n'aucunes d'icelles, iusques à ce que ledit payemēt soit accompli, & qu'il ayt recēu le dernier des quatre cēs mille escuz d'or. Et ce pendāt serōnt à mōdit Seigneur le Duc de Bourgōgne les fraiz siens de toutes lesdictes citez, villes, fortereffes, & Seigneuries tāt des domaines, cōme des aydes, & autremēs sās en riēs deduire, ne rabbattre du principal. Et est à encēdre que audit trāsport, & bail que fera le Roy (cōme dit est) nē serōt point cōprinſes les citez de Tournay, Tournesis, & S. Amād: mais demourrōt es mains du Roy reserue Mortaigne, qui est cōprinſe, & demeure es mains, & gouuernemēt de mōdit Seigneur le Duc de Bourgōgne, ainsi que dessus est dit. Et cōbiē que ladicte citē de Tournay ne do ne point estre baillie à mōdit Seigneur le Duc de Bourgōgne: ce nonobstāt estre serue à mōdit Seigneur de Bourgōgne l'argēt à luy accordē par ceux de Tournay, par certain traité, & accord qu'il a avecques eux durāt iusques à certain tēps, & années aduenir: & lequel argēt lesdits de Tournay payerōt plainemēt à mōdit Seigneur le Duc de Bourgōgne. Itē &



pour ce que mondit Seigneur le Duc de Bourgogne pretend à auoir droit en la Comté de Boulougne sur la mer, laquelle il tient, & possede, & pour bien de paix, icelle Comté de Boulougne sera, & demourra à mondit Seigneur de Bourgogne, & en iouyra, & possedera en tous prouffits, & emolumens quelcscoques, pour luy, ses enfans, & hoirs masculins procréés de son corps seulémēt, & en apres demourra icelle Comté à ceux, qui droit y ont, ou auront: & sera tenu le Roy de appaiser, & contenter lesdites parties prétendans auoir droit en icelle Comté: tellemēt qu'en ce pendant ils ne demandent, ne quierent riens, ne facent aucune poursuite à l'encontre de mondit Seigneur le Bourgogne, & sesdits enfans. Item que les chastels, ville, Côtés, & Seigneurie de Gien sur Loyre, qu'on dit auoir esté donnée, & transportée avec la Comté d'Estampes, & la Seigneurie de Dourda par feu Monseigneur le Duc de Berry, & feu Monseigneur le Duc lean Pere de mondit Seigneur de Bourgogne: seront de la part du Roy mises, & baillées realement, & de fait es mains de nous Duc de Bourbonnois, & d'Auuergne. Et tantost apres ledit accord passé pour leur & gouverner l'espace d'un an ensuiuant, & iusques à ce que durāt le dit an lea de Bourgogne Côte d'Estampes, ou mondit Seigneur pour luy, auront monstré, ou fait monstrer au Roy, ou à son Conseil les lettres dudit don fait à mondit Seigneur de Bourgogne par feu mondit Seigneur de Berry: lesquelles veües si elles sont trouuées suffisans, & vallables, sommairement, & de plain, & sans quelconque procez, nous Duc de Bourbonnois, & d'Auuergne, serons tentés de les bailler, & deliurer audit Comte d'Estampes, ou à mondit Seigneur de Bourgogne pour luy lesdits ville & chastel de Gien sur Loyre, comme à luy appartenans par le moyen, & transport que luy à fait mondit Seigneur de Bourgogne: sans ce que de la part du Roy l'on puisse ne doine alleguer au coiraire aucune prescription, ou laps depuis le decez de feu mondit Seigneur de Berry: & aussi nonobstāt quelcsconques cōditions, ou oppositiōs d'autres, qui voudrōt prendre droit en ladicte Comté de Gie: ausquels si aucuns en y a, sera reseruē leur droit pour le poursuiure par droit de Iustice, quand bon leur semblera contre ledit Comte d'Estampes. Item que par le Roy sera restituē, & payē à mondit Seigneur le Comte d'Estampes, & mondit Seigneur le Comte de Nevers son frere, la somme de trente deux mille deux cens escus d'or, que feu le Roy Charles dernièrement trespasse fait, comme on dit, prendre en l'Eglise de Roüen, où icelle somme estoit en depost: cōme deniers de mariage appartenāns à seüe Madame Bonne d'Arthois mere desdits Seigneurs, ou cas qu'on en fera directement apparoir, que telle sōme soit, & ayt esté alloüē ou compte, & au prouffit dudit Roy Charles: à payer icelle somme de xxxij. mille deux cens escuz à tels termes cōme raisonnables, qui seront aduisés apres le payemēt fait & acōplý à mondit Seigneur de cinquāte mille escuz, dont dessus est faicte mētion. Et au regard des debtes que mondit Seigneur le Duc de Bourgogne dit, & maintiēt à luy estre tenues & deuēs, par feu ledit Roy Charles, tant à cause des dons, penfōs, comme autrement montant à moult grand somme de deniers, son droit tel qu'il a, & doit auoir pour la recouurāce d'icelles debtes luy demoura sauf, & entier. Itē que mondit Seigneur de Bourgogne, ne sera tenu faire foy, ne hommage, ne seruice au Roy des terres, & Seigneuries, qu'il tint à present ou Royaume de France, ne de celles qui luy pourrunt escheoir cy apres par succession oudit Royaume: mais sera, & demoura exempt de sa personne en tous cas de subiectiōs, hommages, ressors, souverainetez, & autres du Royaume durant la vie de luy: mais apres le decez du Roy, mondit Seigneur de Bourgogne, sera à son fils, & successeurs en la Couronne de France les hommages, fidelitez, & seruices qui à ce sont appartenans. Et aussi se mondit Seigneur de Bourgogne alloit de vie à trespas



à trespas deuant le Roy, ses heritiers & ayans cause, seroît au Roy lesdits hommages, & fidelitez, & seruices ainsi qu'il appartiendra. Item & pource que cy apres mondit Seigneür de Bourgongne tant es lettres, qui se feront de la paix, comme es autres lettres, & escriptures, & aussi de bouche recognoistra, & nommera, & pourra nomer, & recognoistre le Roy son souuerain, offrant & presentant lesdits Ambassadeurs du Roy, que lesdictes nominations, & recognoissances tant par escript, comme de bouche, ne portent aucun preiudice à ladicte exemption personnelle de mondit Seigneür le Duc de Bourgongne sa vie durant: & que ladicte exemption demeure en sa vertu selon le contenu en l'article precedet: & aussi qu'icelle nomination, & recognoissance ne s'estend: que aux terres, & Seigneuries qu'iceluy Monseigneür de Bourgongne tient, & tiendra en ce Royaume. Item & au regard des feaux, & subiects de mondit Seigneür de Bourgongne des Seigneuries qu'il tient, & doit auoir par ce present traicté, & qui luy pourroit en escheoir par succession ou Royaume de France durât les vies du Roy, & de luy, ils ne seront point cōtraints d'eux armer au commandemēt du Roy, ne de ses officiers: supposez ores qu'ils tiennent avec ce du Roy aucunes Seigneuries, & terres: mais est content le Roy, que toutes les fois qu'il plaira à mondit Seigneür de Bourgongne mander ses feaux, & subiects pour ses guerres, soit ou Royaume, ou dehors, ils seront contrains d'y aller sans pouoir, ne vouloir venir au mandement du Roy, se lors il les mandoit. Et pareillement sera fait au regard des seruiteurs de mondit Seigneür de Bourgongne, qui sont ses familiers, & seruiteurs de son hostel supposez qu'ils ne soient point ses subiects. Item & toutes fois s'il aduenoit, que les Anglois, ou autres leurs allies facēt guerre cy apres à mondit Seigneür de Bourgongne, ou à ses pays, & subiects à l'occasion de ce present traicté, ou autrement: le Roy sera tenu de secourir, & ayder mondit Seigneür de Bourgongne, & ses pays, & subiects: ausquels on seroit guerre soit par mer, ou par terre à toute puissance, ou autrement selon que le cas requerra, & soit ainsi comme pour son propre fait. Item & que de la part du Roy, & de ses successeurs Roys de France, ne sera faicte ne promise, ne souffert faire par les Princes, & Seigneurs dessusdits aucune paix, traicté ou accord avecques son aduersaire, & ceux de la part d'Angleterre, sans le signifier, & faire à sçauoir à mondit Seigneür le Duc de Bourgongne, & à son heritier principal apres luy: & sans leur experts consentement, & les y appeller, & cōprendre, si cōprins y veulent estre: pour ce que pareillement soit fait du costé de mondit Seigneür de Bourgongne, & de son heritier principal au regard, & en tant que luy touche la guerre d'Angleterre. Item & que mondit Seigneür de Bourgongne, & tous ses feaux, & subiects, & autres, qui par cy deuant ont porté en armes l'enseigne de mondit Seigneür, c'est à sçauoir la croix. S. Andrieu, ne seront point cōtraints de prendre autre enseigne en quelcōque mademēt ou armée, qu'ils soient en ce Royaume, ou dehors, soit en la presence du Roy, ou de ses Cōnestables, & soient à ses gaiges, ou souldoyers, ou autrement. Item que le Roy fera restituer, & desdommager de leurs pertes raisonnables, & aussi de leurs rāsons ceux, qui furent prins le iour de la mort dudit feu Monseigneür le Duc Iean, a qui Dieu pardoint, & qui y perdirēt leurs biens, & furent grādemēt rançonnez. Item qu'au surplus abolition generale soit faicte de tous cas aduenuz, & de toutes choses dites, passees & faictes à l'occasion des diuisions de ce Royaume, excepté ceux qui perpērerēt ledit mauuais cas, ou qui furent consentans de la mort dudit feu Monseigneür le Duc Iean de Bourgongne: lesquels seront, & demourrōt hors de tout traicté: & qu'au surplus chacun de costé, & d'autre retourne au sien: c'est à sçauoir les gens d'Eglises à leurs Eglises, & benefices, & les seculiers à leurs terres, rentes, heritages, possessions, & biens immēbles en

l'estat qu'ils sont: reserué des terres & Seigneuries estans en la Comté de Bourgogne: lesquelles mondit Seigneur de Bourgogne, ou feu M<sup>seigneur</sup> son pere ont eues, & retenues, & ont données à autrui: comme confiscations, & confiscuées à eux à cause desdictes guerres: & diuisions lesquelles seront, & demourront, nonobstant ladicte abolition, & accord à ceux, qui les tiennent & possèdent: mais par tout ailleurs chacun reciedra à ses terres, & heritages, cōme dit est, sans ce que pour demolition, & empiemens, gardes des places, ou reparations quelsconques, on puist riens demander l'un à l'autre: & sera chacun tout quitte de rentes de charges escheues du temps, qu'il n'aura ioy de ses terres, & heritages: mais au regard des meubles prins, ou euz d'un costé, & d'autre, iamaiz n'en pourra estre aucune chose, pour suite, querelle, ne question faicte d'un costé ne d'autre. Item & qu'en ce present traicté soient estainctes, & abolies toutes iniures, maluëillances, & rancunes tant de parollés & de fait, comme autrement aduenuz cy deuāt à l'occasion des diuisions, partialitez, & guerres tant d'une part comme d'autre, sans ce que aucun en puisse aucune chose demander, ne faire question, ne pour suite par prochaineté ne autrement: ne le reprocher, ne donner blasme pour auoir tenu aucun party: & que ceux qui seront ou diront le contraire, soient puniz comme transgresseurs de fait selon la qualité du fait.

Item & en ce present traicté seront compris de la part mondit Seigneur de Bourgogne, toutes les gens d'Eglises, Nobles, bones villes, & autres de quelque estat, qu'ils soient: qui ont tenu son party, & de feu Monseigneur son Pere, & iouyrōt du benefice de ce present traicté, tant au regard de l'abolition, comme de reconuer, & auoir tous leurs heritages, & biens immeubles à eux empeschez, tant au Royaume, qu'au Daulphiné à l'occasion desdictes diuisions: pourueu qu'ils accepteront ce present traicté, & en voudront iouyr. Item & renoncera le Roy à l'alliance, qu'il a faicte avecques l'Empereur contre mondit Seigneur le Duc de Bourgogne, & à toutes autres alliances par luy faictes: avecques quelsconques autres Princes, ou Seigneurs quels qu'ils soient à l'encontre de mondit Seigneur le Duc de Bourgogne, pourueu que mondit Seigneur de Bourgogne l'efface pareillement: & sera tenu en outre, & le promettra à mondit Seigneur de Bourgogne de le soustenir, & ayder à l'encontre de tous ceux, qui le voudroient guerroyer, ou faire dommage par voye de guerre, ou autrement: & pareillement le fera, & promettra mondit Seigneur le Duc de Bourgogne, sauué toutes fois à l'exemption de sa personne à sa vie comme dessus est, declairé. Item & cōsentira le Roy, & baillera ses lettres, que s'il aduenoit cy apres, que de sa part fut cnfrait ce present traicté, ses vassaux seaux, & subiects presens, & aduenir ne soient plus tenus de l'obeyr & seruir: mais soient tenus deslors de seruir mondit Seigneur de Bourgogne, & ses successeurs à l'encontre de luy: & que audit cas tous lesdits seaux vassaux, subiects, & seruiteurs soient absous, & quittez de tous sermens de fidelitez, & autres, & de toutes promesses, & obligations de seruire, en quoy ils pourroient estre tenuz par auant enuers le Roy Charles, sans ce que pour le tēps apres à venir il leur peust estre imputé à charge, & qu'on leur puist riens demander: & que desmaintenāt pour lors le Roy Charles leur cōmāde de ainsi faire: & les quitte, & descharge de toutes obligatiōs, & sermēs ou cas dessus dits: & que pareillemēt soit fait, & cōsenty au costé de mondit Seigneur le Duc de Bourgogne, au regard de ses vassaux, & seaux, subiects, & seruiteurs. Item & seront de la part du Roy Charles faictes les promesses, obligations, & submissions touchant l'entretienement de ce present traicté mains de Monseigneur le Cardinal de Sainte Croix Legat de nostre saint Pere le Pape, & de M<sup>seigneur</sup> le Cardinal de Chippe, & autres Ambassadeurs du saint Cōle de Basle



Basle le plus ample, que l'on pourra aduifer. Et sur les peines d'excommuniemens, aggrauation, reagravation interdit en ses terres & Seigneuries, & autrement le plus auant que la censure de l'Eglise pourra estre en ceste partie, sclo la puissance, & pouoir que ont mesdits Seigneurs les Cardinaux de nostre saint Pere le Pape, & du saint Concile: pourueu que pareillement soit fait du costé de mondit Seigneur le Duc de Bourgongne. Item auueques ce fera le Roy avec son seellé, bailler à mondit Seigneur de Bourgongne les sceillez des Princes, & Seigneurs de son sang de son obeysance, cōme Mōseigneur le Duc d'Anjou, Charles son frere, Monseigneur le Duc de Bourbon, Monseigneur le Comte de Richemont, Monseigneur le Comte de Vandomme, le Comte de Foix, le Comte d'Auvergne, le Comte de Perdiac, & autres qu'on aduifera: esquels sceillez desdits Princes, & Seigneurs sera incorporé le seallé du Roy. Et prometteront d'entretenir, & maintenir de leur part le contenu dudit seellé: & sil estoit enfrainct de la part du Roy d'en ce cas estre aydās, & confortans mondit Seigneur de Bourgongne, & les siens à l'encontre du Roy: & pareillement sera fait du costé de Mōdit seigneur de Bourgongne. Item & que pareillemēt le Roy fera bailler semblables sceillez de gens d'Eglise, & autres Nobles, & bonnes villes de ce Royaume de son obeysance, & appartenence: c'est à sçauoir ceux desdictes gens d'Eglise, & bonnes villes que mondit Seigneur voudra nōmer, auueques seureté de peines corporelles, & pecunielles, & autres seuretez que Messeigneurs les Cardinaux, & autres Prelats cy enuoyez de par nostredit saint Pere le Pape, & le Concile y aduifront appartenir. Item & sil aduenoit cy apres, qu'il y eust aucune faute ou ommission, ou aucune infraction, ou a ttemptaz faits sur le contenu desdits articles d'une part, & d'autre: ce nonobstant à ceste presente paix, traicté & accord, seront & demourront vertuables, & en leur plaine force, vertuz, & vigueur, & ne sera pourtant icelle paix reputée cassée, ne adnullée: mais les attemptaz seront reparez & amendeZ, & aussi les deffaultes & ommissions accomplies, & executeZ deuēment selon ce que dessus est escript, & à ce contrainctes ceux, qui il appartiendra par la forme, & maniere que dit est. Item comme ayons de rechef esté trespasamment exhortez, requis, & sommez par lesdits Cardinaux Ambassadeurs, & messagers du saint Concille, ne vouloir entendre, & de nous incliner, & condescendre moyennant les sommes dessusdictes, qui leur semblent estre raisonnables, & souffrantes: & ne les pouoient, ne deuioient par raison refuser, ainsi qu'il nous ont dit, à paix & reuuiō auueques mondit Seigneur le Roy Charles, en nous disant & remonstrant en outre, que ainsi le deuions faire selon Dieu, raison, & tout honneur: nonobstant les sermēs, alliances, & promesses pieça faictes entre feu mon trescher, & trespasmy Seigneur le Roy d'Angleterre dernier trespasé, & nous pour plusieurs causes, & raisons à nous remonstrées, & alleguées par lesdits Cardinaux, & autres Ambassadeurs dessusdits de par nostre S. Pere, & du Concile: Nous pour reuerence de Dieu principalement pour la pitié, & grande cōpassion que nous auons du poure peuple de cedit Royaume, qui tant a souffert en tous estats, & aux prieres, requestes, & sommatiōs à nous faictes par lesdits Cardinaux, & Ambassadeurs de nostredit saint Pere le Pape & le saint Concille de Basle, que nous tenons, & reputons pour commandement, & comme Prince Catholique. & obeysant fils de l'Eglise, eu sur ce grand aduis, & deliberation de Conseil avec plusieurs grans Seigneurs de nostre sang, & lignage, & autres noz feaux, vassaux, subiets, & autres gens de Conseil en grand nombre: auons pour nous, & noz successeurs, feaux, vassaux, subiects, & autres gēs de Conseil adherens en ceste partie, fait & faits bonne, & loyalle, ferme, seure, & trespresentiere paix, & reunion auueques mondit Seigneur le Roy, & ses successeurs, moyennant les



offres, & autres choses dessus escriptes: qui de la part mondit Seigneur le Roy, & ses successeurs, nous doiuent estre faictes, & accomplies: & lesquelles offres de nostre part, & en tant qu'il nous touche, tenons agreables, & les acceptons, & des maintenant consentons, & faisons les renonciations, promesses, submissions, & autres promesses, & choses dessus declairées, qui sont à faire de nostre part: & reconnissons mondit Seigneur le Roy Charles de France nostre souverain Seigneur au regard des terres, & Seigneuries que auons en ce Royaume: promettons pour nous, & nos hoirs par la foy, & serment de nostre corps en parolle de Prince, sur nostre honneur, & l'obligation de tous nos biens presens, & aduenir quelconques, ladicte paix & reunion en toutes, & singulieres choses cy dessus transcrittes tenir de nostre part: & en tant que toucher nous peult inuiolablement, & à tousiours de point en point tout & par la forme, & maniere dessus scripté, sans faire ou venir, ou souffrir faire au contraire couuertement, ou en appert, ou autrement, en quelque maniere ou façon que ce soit. Et pour les choses dessusdictes & à chacune d'icelles tenir, entretenir, & accomplir, nous submettons à la coercion, conclusion, & contraincte de nostre dit S. Pere le Pape, dudit saint Concile, & des dessusdits Cardinaux: lesquels, & autres Ambassadeurs du Concile, & à toutes Cours tant d'Eglise come seculiers, vneillais, & octroyans icelles, & chacune d'icelles estre contrainct & compellé par la censure de l'Eglise, tant & auant qu'il semblera expedient ausdits Cardinaux, & Ambassadeurs de nostre dit S. Pere le Pape, & du saint Concile: au cas que faute y auroit de nostre part és choses dessusdictes, ou aucuns d'icelles, renonçons à toutes allegations, & exemptions tant de droit, comme de fait, que pourrions dire, ou alleguer au contraire: & par especial au droit, disant que generale renonciation ne vaulx si l'especialle, † & tout sans fraude, barat, ou malengin. Et afin que ce soit chose ferme, & estable à tousiours: nous auons fait mettre nostre scel à ces presentes. Donné en nostre ville d'Arras le xxj. iour du mois de Septembre l'an mille quatre cens trente cinq. Ainsi signées par Monseigneur le Duc de Bourgogne en son cōseil.

† ne precede  
ici.

ITEM apres que les deux parties dessusdictes furent venues à fin, & conclusions de paix l'yn avec l'autre: & que toutes les besongnes furent escriptes, & sceillées tant d'un costé comme d'autre, brief ensuiuant fut icelle paix publiée en ladicte ville d'Arras. Pour laquelle ne fault point demander n'enquerir se le peuple eut grand liesse, & ioyeuseté: mais generallyment la plus grand partie des gens d'Eglise, des Nobles, & des Bourgeois avecques grande multitude, & abondance de populaire, qui là estoit venu, & arriué, entendirent non mie un iour seulement: mais plusieurs à faire ioye l'un avecques l'autre, chacun selon son estat en criant à haulte voix Noël en plusieurs, & diuers lieux de la ville. Et par especial fut faicte en l'hostel dudit Duc de Bourgogne moult grand feste, & liesse de plusieurs Cheualiers, Escuyers, Dames, & Damoiselles des deux parties tant en boires, mangiers, & dances comme autres plusieurs esbatemens. Et mesmement au propre lieu où icelle paix se traitoit fut mis par le Cardinal de sainte Croix le S. Sacremēt de l'autel, & vne Croix d'or sur un couëssin: sur lesquels ledit Cardinal feit iurer, & promettre audit Duc de Bourgogne, que iamais ne ramenteueroit la mort de son feu pere, & qu'il entretiendroit bonne paix, & vniō avecques le Roy Charles son souverain Seigneur, & les siens. Et apres le Duc de Bourbon, & le Connestable tenās la main sur ladicte Croix, prièrent mercy audit Duc de Bourgogne de par le Roy pour la mort de son-

dit

dit feu pere:lequel leur pardonna pour l'amour de Dieu. Et lors les deux Cardinaux meirent les mains sur iceluy Duc, & le absolurent du serment, qu'il auoit fait aux Anglois:& pareillement furent absouls plusieurs autres grans Seigneurs de son party:& adoncques feirent serment de leur party d'entretenir icelle paix les Seigneurs de la partie du Roy Charles, & plusieurs autres de la partie du Duc de Bourgogne. Entre lesquels le feit le Seigneur de Launoy: lequel dit tout hault & cler. *Voicy le propre qui autres fois à* *Parolles du*  
*faits les sermens pour cinq paix faictes durant ceste guerre: de squelles nulles n'ont esté en-* *Seigneur de*  
*retenues. Mais ie promets à Dieu, que ceste sera entreteneue de ma partie, & que iamais* *Launoy.*  
*ne l'enfraindray.*

*Comment les Anglois assiegerent la ville saint Denys en France, laquelle en fin leur fut rendue par traité.*

**D** V R A N T le temps dessusdit, les Anglois & leurs alliez qui estoient en l'Isle de France, assiegerent trespuiſſamment la ville de saint Denys tout à l'environ: & y estoient cōme chiefs, & cōducteurs deldits assiegeans, le Mareſchal de l'Isle Adā, le Seigneur de Thalebot, le Seigneur de Villeby, le Seigneur d'Elcailles, Georges de Richammes, Vvaleran de Moreul, Messire Jean Bastard de saint Pol, Loïs de Luxembourg sō frere, Messire Ferry de Mailly, Robert de Neufuille, le Bastard de Thian Cheualier François, l'Arragonnois, & autres notables, & experts hommes de guerre de la nation de France, & d'Angleterre, accompagnez de six cens combattans ou environ, qui en grand diligence approcherent leurs ennemis: & dresserent contre les portes, & murailles d'icelle ville de S. Denys plusieurs engins, pour iceux confondre & abbatre. Si estoient souvent visitez, & administrez de ce que besoing leur estoit par Loïs de Luxembourg Euesque de Theroüanne, Chancellier du Roy Héry: lequel estoit principal Gouverneur dedans Paris, & és metes de l'Isle de France, pour le dessusdit Roy Henry. Dedans laquelle ville de saint Denys estoient de la partie du Roy Charles le Mareſchal de Rieux, Messire Jean Foucault, Messire Loïs de Vaucourt, Messire Regnault de saint Jean, Artus de la Tour, & plusieurs autres vaillans hommes de guerre, avecques eux iusques au nombre de seize cens combattans. Lesquels en trelgrand hardiesse eux voyans ainsi estre approchez de leurs ennemis, se preparerent à resister de toute leur force contre eux: & dé fait grand partie d'eux se logerent sur la muraille, & là se tenoient de iour, & de nuit pour estre au plus pres de leur deffence. Toutesfois les dessusdictes portes, & murailles furent fort empirées en plusieurs lieux par les engins d'iceux assiegeans: & tant qu'à l'occasion deldits empiremens, les Capitaines prindrent cōclusion l'un avecques l'autre d'assaillir la ville en plusieurs parties, esperans prendre, & gaigner icelle ville de force. Si feirent vn certain iour armer leurs gens, & diuiserent, auquel costé chacun deldits Capitaines deuoient assaillir: & par vne ordonnance à tout eschelles, & plusieurs autres instrumens de guerre, allerent iceux iusques aux fosses, qui estoient garnis d'eau. Si eussiez peu là veoir les Gens d'Armes eux employer à passer parmy ladicte eau iusques au col, & porter

*Vaillance des  
assiegeés  
& assiegeans.*

lesdictes eschelles, & monter amôt en plusieurs, & diuers lieux iusques aux murs sans monstrier semblant de paour. Et lors les assiegez considerans que filse estoient prins de force, ne seroient point quittes pour seullement perdre la ville: mais entant que touchoit à leurs vies se meirent à deffence tresvaillamment: & auoient ordonné à chacune de leurs gardes aucuns de leurs Capitaines à tout certain nombre de gens: lesquels pour chose qu'ils iouissent, & veissent, ne se deuoient partir d'icelle: & le dessusdit Marechal de Rieux auoit certain nombre de Gens-d'armes allant d'un lez à l'autre, pour ayder à secourir ceux, qui en auroient besoing. Si commença l'assault dur, merueilleux, & cruel par l'espace de deux heures ou enuiron: auquel tant des assailans, comme des deffendans furent faites de grans vaillances: & furent à iceluy assault faits nouueaux Cheualiers Loïs de Luxembourg, Bastard de sainct Pol: lequel s'y gouerna moult vaillamment, Jean de Humieres, Robert de Neufuille, & aucuns autres: toutesfois apres qu'iceux assailans eurent audit assault bien perdu quatre vingts hommes, ou mieux de leurs gens, qui furent morts aux fossez, & aupres des murs, voyas que bonement ne pourroient venir à chief de telle besongne, sans receuoir trop grand exil, & perte de leurs gens: les Capitaines firent sonner la retraicte, & emmenerent, & emporterent plusieurs de leurs, qui estoient morts & nauez. Et pareillement les deffendeurs firent grand perte de leurs gens, & furent en grand doubte, que leurs ennemis ne cōtraignissent de rechief par cōtinuation de nouueaux assaulx: neantmoins esperans auoir secours par le Cōnestable, qui estoit à la conuention d'Arras, & autres François de leurs gés, ils renforcerent leurs portes, & murailles, qui estoient rompues en plusieurs lieux: & s'apprestèrent de nouuel, pour eux deffendre au mieux que faire le peurent. Lequel Cōnestable apres que la paix fut conclute à Arras (comme die est dessus) se departit de là à tout grand partie de nobles hommes, qui estoient à ladicte conuention, & alla à Senlis: & demanda à venir deuers luy les François de plusieurs parties en intention de leuer ledit siege: mais à brief dire, il ne trouua point en son Conseil, qu'il eut puissance de ce faire. Et pourtant ledit Marechal, & les siens, qui assez furent aduertiz de nō auoir secours, ils traicterent avec les Capitaines des Anglois par tel si, qu'ils leur rendroient la ville de S. Denys, & s'en iroient sauf leurs corps, & leurs biens, en rendant ausli les prisonniers, qu'ils auoient prins durant le siege: desquels en estoit vn Messire Jean de Humieres dessusdit: lequel traicté cōclud, & accomply se partirent iceux deuant-dits François sous bon saucoit, qui estoient bien seize cens cheuaux, ou enuiron. Et pareillement ausli y auoit de tresfex pers, & tresvaillans hommes de guerre, & de grand renom: si s'en partirent, & allerent és places de leur obeissance, & laisserent en icelledicte ville de S. Denys aucuns de leurs Capitaines, & Cheualiers morts: c'est à sçauoir Messire Loïs de Vaucourt, Messire Regnault de S. Ieā, Artus de la Tour, vn nommé Ioselin & aucuns autres, dōt ils estoient moult dolens. Apres lequel departement ladicte ville de sainct Denys fut regardée de par le Roy Henry, & brief en suiuit les Picards, qui desia estoient aduertiz de la paix faite à Arras entre le Roy Charles, & le Duc de Bourgogne, prindrent cōgé au plus



plus tost qu'ils peurent aux dessusdits Capitaines Anglois, & s'en retournerent sans perte en leurs païs. Et entre-temps les François prindrent d'emblée le pont de Meulan, & meirent à mort enuiron vingt Anglois, qui le gardoient: pour laquelle prise les Parisiens furent fort troublez pource que le passage, par où ils venoient à tout leurs viures de Normandie, estoit cloz.

*Comment Ysabel la Roïne de France trespassa en la ville de Paris.*

**E**N cest an au mois de Septembre Ysabel Roïne de France, mere au Roy Charles pour lors regnant, laquelle estoit logée à l'hostel du Roy à sainct Pol dedans la cité de Paris, où par auant elle auoit vesçu en grand pauureté pour les tribulatiōs des guerres de ce Royaume, accoucha malade, & brief ensuiuant trespassa de cest siecle. Si fut enterree en l'Eglise de sainct Denys en France: non pas en telle solennité, & grand estar, que l'on a accoustumé de faire aux autres Roynes de France: laquelle mort venue à la cognoissance du Duc de Bourgogne, luy feit faire vn seruice tresreuerend, & notable en l'Eglise de sainct Vvast d'Arras, auquel il fut present vestu de noir: & faisoient dueil avec le Duc de Bourgogne le Cōte d'Estampes, le Comte de Vandosme, & le Damoiseau de Cleues, avec plusieurs autres Seigneurs Ecclesiastiques, & seculiers, & l'Euesque d'Arras feit l'office cedit iour.

*Comment les Cordinaulx, & plusieurs autres Ambassadeurs se departirent de la ville d'Arras: & comment le Duc de Bourgogne constitua ses officiers es bonnes villes, & forteresses à luy donn'es, & accordees par le traicté dessusdait.*

**T**E M assez brief ensuiuant, que la dessusdict'e paix d'Arras fut publiée, comme dit est dessus, le partirent d'icelle ville lesdits Cardinaulx, & ceux qui avecques eux estoient venuz: lesquels par le Duc Philippe de Bourgogne auoient esté honnorablement receuz, & festoyez. Et pareillement se departirent lesdits Ambassadeurs du Roy Charles, & tous autres, qui là estoient venuz de plusieurs païs. Et adōcques ledit Duc de Bourgogne estant en icelle ville d'Arras, constitua plusieurs nouveaux officiers es bonnes villes & forteresses du Roy, tant sur la riuier de Somme comme ailleurs sur les mettes de Picardie: lesquels de long tēps estoient du domaine du Royaume: & estoient parauant icelle paix d'Arras en la main du Roy Henry: & y meit gens à son plaisir, en destituāt ceux qui estoient commis de par le Roy Henry, commettans aussi receueurs à son plaisir, & prenant tous les deniers, & prouision, & les fermēs des habitants d'icelles villes, & fortēesses: pour lesquelles besongnes dessusdictes iceux officiers tenans le party des Anglois, furent fort esmerueillez des manieres, que ledit Duc tenoit enuers eux: attendu que par ses moyens en auoit eu iceluy Roy Henry la possession & saisine: & avecques ce n'agueres le tenoit, & auoit tenu pour son naturel, & souuerain Seigneur: neātmoins eux voyans qu'ils n'y pouoient mettre prouision, le souffrirent patièrement. Et entre les autres, Maistre Robert le Jeune, qui long temps auoit esté Bailly d'Amiens, & gouuerné hautement pour iceux Anglois sur les marches

de Picardie: & mesmement à iceluy dernier Parlement d'Arras auoit esté de leur Conseil, & à toutes leurs conclusions: quand il apperceut les besongnes ainsi estre retournées contre eux par aucuns moyes, qu'il trouua pour son argent (comme on dit) fait tant qu'il demoura en la grace du dit Duc de Bourgogne, & fut retenu & mis à estre gouuerneur d'Arras au lieu de Messire Dauid de Brimeu, qui par auant l'estoit: & par ainsi en assez briebs iours les besongnes furent retournées au contraire, que par auant n'auoient esté.

*Comment apres la paix d'Arras le Duc de Bourgogne enuoya aucuns de ses officiers d'armes deuers le Roy d'Angleterre, & son Conseil, pour remonstrer les causes de la paix, qu'il auoit fait au Roy de France.*



PRES le departement de la paix d'Arras, le Duc de Bourgogne enuoya son Roy d'Armes de la Toison, & vn sien herault avecques luy nommé Franche Comté en Angleterre deuers le Roy Henry à tout lettres de par ledit Duc: esquelles estoient cōtenues plusieurs remonstrances pour iceluy Roy, & son Conseil attraire au bié de paix finale avec le Roy Charles: signifiant aussi comment par l'exhortatiō des Legats de nostre sainct Pere le Pape, & du Cōcile de Balle, & avecques ce des trois estats de tous le païs, il auoit fait paix, & reunion avec le dessusdit Roy Charles son souuerain Seigneur, en delaiissant celle de iadis, qu'il auoit faicte avec ledit Roy Henry son pere. Avec lesquels alla vn frere Mendien Docteur en Theologie, qui auoit charge de par les deux Cardinaulx, qui auoient esté à ladicte paix d'Arras, de proposer en la presence dudit Roy d'Angleterre, & de son Conseil: en eux remonstrant les grans cruauitez, & innumerables Tyrannies, qui se faisoient par la Chrestienté à l'occasion de la guerre, & les biens qui pouoient aduenir si la paix finale se faisoit entre les deux Roys d'Angleterre. Si s'en allerent les trois dessusdits à Calais, & là passerent la mer, & arriuerent à Douures, où on leur fit deffence de par le Roy Henry qu'ils ne se departissent de leurs hostels. Si leur furent demandées leurs lettres, lesquelles ils baillerent & furent portées à Londres deuers le Roy Henry, & depuis furent conduit par diuers lieux iusques à Londres. Si rencontrerent en leur chemin vn officier d'armes, & le Clerc du Tresorier d'Angleterre, qui les menerent loger dedās icelle ville, en l'hostel d'vn cordonnier, où ils furent par aucuns iours: & n'alloient ouïr messe sinon soubz la conduicte d'aucuns heraulx, & pourfuiuans, qui là les visitoiēt souuent: car on leur fit deffence, qu'ils ne partissent de leurs hostels sans congé & licence. Si estoient en tresgrād doubte, qu'on ne leur fait aucune mauuaise compaignie de leurs personnes pour les nouuelles qu'ils auoient apportées. Et jaçoit ce que le Docteur dessusdit enuoyé de par les deux Cardinaulx, qui auoient esté en ladicte paix, & iceux deux officiers d'armes feissent plusieurs requestes à ceux, qui leur administroiēt, qu'ils les feissent parler au Roy, & à son Conseil, pour dire & remonstrer la charge qu'ils auoient de leurs Seigneurs & Maistres: neantmoins oncques ne pouoient auoir audience de parler à eux. Toutesfois le Tresorier d'Angleterre, à qui les lettres dessusdictes auoient esté baillées, assembla deuant le Royle Cardinal de

Vincestre,

*Ambassadeurs mal traités en Anglon.*

Vincestre, le Duc de Clocestre, & plusieurs autres Princes, & Prelats & le Conseil Royal là estant en grand nombre de nobles hommes, & là môstra les lettres, que le Duc de Bourgongne escriuoit au Roy, & à son Conseil: desquelles l'intitulure, & superscription n'estoit pas pareille aux autres, que par auant de long temps par plusieurs fois luy auoit enuoyé: pource que par icelle nommoit le Roy d'Angleterre, hault & puissant Prince son trefchier Seigneur, & cousin, en delaisant à le recognoistre son souuerain Seigneur, ainsi & par la maniere que tousiours l'auoit fait par auant en ses autres lettres, que par moult de fois luy auoit esrites: de la lecture desquelles sans y faire quelque responce, tous ceux qui estoient au Conseil generallyment, furent moult esmerueillez, quand ils les ouïrent. Et mesmement le ieune Roy Henry print en ce si grand desplaissance, que les larmes luy saillirent hors des yeux. Et dit à aucuns de ses priuez cōseillers, qu'il veoit bien puis que le Duc de Bourgongne s'estoit ainsi desloyauté deuers luy, & recōsilié avec le Roy Charles son ennemy, ses Seigneuries des parties de France en vaudroient beaucoup pis. En outre le desusdit Cardinal, & le Duc de Clocestre se partirent du Conseil tous confus, & troublez, & aussi feirent plusieurs autres sans en prendre aucune conclusion, sinon d'eux assembler par plusieurs troupeaux, & dire l'un à l'autre plusieurs iniures, & reproches du desusdit Duc de Bourgongne, & de ceux de son Conseil: & assez brief ensuiuant furent les nouvelles toutes communes auant la ville de Londres. Si n'estoit pas fils de bonne mere, qui ne disoit de grans maux, & villanies d'iceluy Duc, & de ses païs. Si se meirent ensemble plusieurs du commun, & allerent en diuers lieux parmy ladicte ville pour querir aucuns Flamâs, Hollandois, Brabançons, Picards, Hânuyers, & autres des païs dudit Duc, qui là estoient, pour faire leurs marchandises non eux doubtrant de ceste aduerture. Et en ceste fureur en prindrent, & occirent aucuns soubdainement: mais brief ensuiuant on les fait cesser de par le Roy Henry, & mettre les desusdits en iustice: & aucuns iours apres le Roy, & son Conseil se meirent pour auoir aduis sur la responce, qu'ils deuoient faire aux lettres desusdictes, & y en eut de diuerses opinions. Car les vns vouloient qu'on feist guerre soubdaine au Duc de Bourgongne: & les autres conseillèrent pour mieux, qu'on le sommast par lettres ou autrement. Et entre-temps que lesdits Conseillers s'entretenoient, vint deuers le Roy nouvelles comment le Duc de Bourgongne en luy pacifiant avec le Roy Charles: deuoit auoir les villes, forteresses, Seigneuries, & appartenances de sainct Quentin, Corbie, Amiens, sainct Riquier, Abbeuille, Dourlès, & Monstreul: lesquels estoient par auant du domaine, & possession d'iceluy Roy Henry d'Angleterre: & que desia en auoit prins les fermes d'icelles, & y auoit commis tous nouueaux officiers. Et pourtant en allât de mal en pis, furent de ce plus mal contents que deuant: & en fin conclurent qu'ils ne rescriroient point. Et adóc le desusdit Tresorier alla deuers les trois desus nommez à leur hostellerie, & dit à Toison d'or, & à Franche Comté son compaignon: comment le Roy accompagné de son sang, & Seigneurs de son Cōseil, auoient veües, & visitées les lettres, qu'ils auoient apportées: desquelles, & du contenu en

*Triste se de  
l'Anglou  
pour la paix.*

*Responce des  
Angl. aux  
Ambassa-  
deurs Bour-  
guignons.*



icelles ils auoient grosses merueilles : & avecques ce des manieres que tenoient ledit Duc de Bourgongne enuers le Roy , à quoy il auoit intention d'y pourueoir sur tout , quand à Dieu plairoit. Et nonobstant que les officiers d'armes de par ledit Duc de Bourgogne, feissent plusieurs fois requestes d'auoir responce par escript , oncques ne la peurent obtenir : mais leur fut dit, qu'ils s'en retournaissent en leur païs : lesquels voyans qu'autre chose n'en pouoient auoir, rappasserent la mer, & rapporterent de bouche au Duc de Bourgongne leur Seigneur ce qu'ils auoient trouué : & le Docteur s'en retourna aussi deuers eux , qui luy auoient enuoyé sans riens besongner : Si eurent durant ce voyage de grans doubtes , qu'on ne leur feit desplaisir , pource qu'en plusieurs lieux d'Angleterre ouïrent de grans murmures, & blasphemés faire contre ledit Duc de Bourgogne, & ne leur fut point fait telle ne si amiable reception, comme ils auoient accoustumé, qu'on leur feit.

*Comment le commun peuple de la cité d'Amiens s'esmeut, pour les impositions qu'on vouloit remettre sus.*

**E**N ces propres iours fut enuoyé deuers le Duc de Bourgongne vn Aduocat de par ceux de la ville d'Amiens: lequel Aduocat estoit appelé Maistre Tristan de Fontaines, pour impetrer grace pour icelle ville d'aucune somme d'argent , en quoy ils estoient redeuables enuers ledit Duc, ou aucuns de sa partie: laquelle grace ledit Aduocat ne pouoit obtenir, ains luy fut baillé nouuel mandement de par le Roy Charles, & autres de par le dessusdit Duc: contenans que les impositions, & autres subsides anciennement accoustumez de payer, fussent mis sus come autres fois auoient esté: lesquels mandemens le dessusdit Maistre Tristan feit publier, quand il fut retourné à Amiens au lieu accoustumé: à l'occasion de laquelle publication grand partie des bouchiers, & autres de la ville , & autre grand nombre du commun de ce non contents, s'esmeurent soubdainement, & se meirent ensemble armez, & embastonnez selon leur estat: & allerent deuers leur Maieur nommé Iean de Comty, ausquels ils dirēt plainement que lesdictes subsides ne payeroit nulles, & qu'ils scauoient bien que le bon Roy Charles leur Seigneur ne vouloit point qu'ils payassent, non plus que les autres villes à luy appartenans, & obeïssans. Lequel Maieur voyant leur rude & fotte maniere, leur accorda tout ce qu'ils vouloient dire en les rappaisant par douces parolles, & comme contraint, cōuint qu'il allast avec eux par tout en la ville, où bon leur sembloit, & feirent leur Capitaine d'un nommé Honoré Cokin. Si allerēt à l'hostel dudit Tristā pour le mettre à mort, comme ils en monstrerent le semblāt: mais il fut de ce aduerty par aucuns, qui estoient ses amis, si s'estoit mis à sauueté: & là rompirent plusieurs huis & fenestres pour le querir, & depuis s'en allerent à la maison d'un nommé Pierre le Clerc Preuost de Beauuoisis, lequel auoit eu grans gouuernemens en la ville durant le temps que Maistre Robert le Ieune auoit esté Baillif d'Amiens, & auoit fait plusieurs extortions, & rudesses à aucuns des habitans d'icelle cité d'Amiens, & au païs d'environ, par quoy

*Maieur d'Amiens forcé par le peuple.*

quoy il auoit acquis de grans haines; & là le queroient par tout, mais il ne fut point trouué: car luy sçachant ladicte mutation, le meit hors de leur voye. Si frustrerent, & rauirent tous ses biens, & beurent en vne seule nuit bien dixhuict queuës de vin, qu'il auoit en sa maison: & prindrent vn sien nepueu, qu'ils meirent prisonnier au beffroy. Et de là en auant feirent plusieurs desroys, & allerent par grans compagnies aual la ville, & hostels des plus puisfants: lesquels cōme par contraincte falloir, qu'ils leur donnassent de leurs biens, & largement, & par especial vins, & viandes: mais entre-temps ledit Pierre le Clerc, qui estoit mussé en la maison d'un pauvre homme au poulier aux gelines, fut accusé aux dessusdits. Si l'allerent querir à grand solennité, & le meirēt au beffroy de la ville, & brief ensuiuāt leur feirēt couper le hasterel en plain marché, & pareillement feirent ils à son nepueu. Si n'estoit alors homme de iustice, ne autre en icelle ville d'Amiens, qui olast dire mot contre leur plaisir. Si furent ces nouuelles mandées au Duc de Bourgongne, lequel enuoya Jean de Brimeu, qui estoit nouuel Baillif d'Amiens, & depuis le Seigneur de Saucuses, qui aussi en auoit esté Capitaine nouuellement, afin qu'ils enquerissent diligemment par quelle maniere on les pourroit chastier, & corriger. Et apres y fut enuoyé le Comte d'Estampes avecques luy plusieurs Cheualiers, & Escuyers, & aussi gens de trait. Et de rechief y alla le Seigneur de Croi bié accompagné, & mena les archiers de l'hostel du Prince. Si vindrent là plusieurs parties, & à diuerses fois grand nombre de notables Seigneurs des marches de Picardie, & faisoit on semblant d'aller assieger le chastel de Bonnes, où il y auoit des pillars. Toutes fois Honnoré Cokin n'estoient point bien asseur, qu'on ne leur iouast à la faulce compagnie: non obstant qu'ils auoient esté deuers le Comte, & ledit Capitaine & Baillif pour luy excuser, & ses gens des malefices passez, où il auoit seruy de parolles assez courtoises, en luy remonstrant, qu'il cessast de poursuiure telles entreprinſes, & on luy feroit son traité. Finablement les Seigneurs dessusdits apres qu'ils eurent eüs plusieurs deliberatiōs ensemble sur ceste matiere: Et apres qu'ils eurent garny le beffroy pour sonner la grand cloche de la ville, s'il y aduenoit aucū effroy, au son de laquelle se deuoient tous ensemble lesdictes cōmunes accōpaigner; si se meirēt ensemble iceux Seigneurs, & s'en allerēt grand partie sur le marché: & d'autre part se meirēt, en d'aucūns lieux de leurs gens armez, & embastonnez pour garder les rues contre lesdits esmouemens, s'ils s'assembloient: & si furent commis le Seigneur de Saucuses Capitaine de la ville, & le Baillif d'Amiens à tout certain nombre de gens, à aller par ladicte ville pour prendre, & faire retraire ceux, qui se vouloient armer, & assembler. Apres lesquelles ordonnances le dessusdit Comte d'Estampes, & plusieurs autres grās, & Nobles Seigneurs, & Cheualiers, avecques luy estans presens sur le dessusdit marché, où il y auoit tresgrand multitude de gens, fut publié vn nouuel mandement de par le Roy Charles, & aussi de par le dessusdit Duc de Bourgongne contenant, que les subsidies, & impositions deuant-dictes seroient mises sus. Et avecques ce toutes les offences par auant passées seroient pardonnées, reserué à aucuns en petit nombre des Princes, & Cheualiers lesquels seroient

*Pierre le Clerc  
Prenus de  
Beausseis de  
capité.*

*Seditieux  
d'Amiens  
executez.*

denommez, & punis cy apres. A laquelle publication estoit present vn nommé Perrinet de Chaaló, qui estoit vn des chiefs: lequel oyât icelle se departir de la en fuyant pour luy sauuer, & tantost on cria qu'on le print. Si fut poursuiuy iusques dedans l'Eglise sainct Germain empres vn prestre, qui chantoit messe, où il s'estoit agenouillé, & fut mené iusques au Beffroy. Et d'autre part le dessusdit Honnoré Cokin, qui bien scauoit ceste assemblée: mais il fut rencontré dudit Seigneur de Saucuses, & dudit Baillif d'Amiens avec ses gens, & fut prins incontinent, & mené au Beffroy. Avec lequel en fut prins en plusieurs lieux iusques de vingt à trente ou enuiron: desquels en ce mesme iour le dessusdit Honnoré, & sept de ses compagnons, eurent le haltereaux coupez d'une doloüere: & pareillement Perrinet de Chaalon avec luy deux de ses compagnons furent penduz, & estranglez au gibet: & si y en eut vn noyé, & aussi en y eut bié iusques à cinquante bannis, ou enuiron. Et puis apres pour ce mesme cas en y eut plusieurs executez à diuerses fois: entre lesquels le fut vn gros Sacquement, qui estoit excellent Maistre en iceluy instrument: pour laquelle execution tous les autres bourgeois, & habitans furent mis en grand obeïssance.

*Comment les François coururent, & pillerent le pays du Duc de Bourgongne apres la paix d'Arras: & comment le Marechal de Rieux print villes, & fortresses en Normandie sur les Anglois.*



PREs que les Ambassadeurs du Roy Charles dessus nommé furent retournez vers luy: & qu'ils eurent monstré les lettres du traité qu'ils auoient fait de par luy en la ville d'Arras avecques le Duc de Bourgongne: lesquelles entre les autres articles contenoient, comment iceluy Duc recognoissoit le Roy dessusdit à son naturel, & souuerain Seigneur; il fut de ce moult ioyeux. & commanda, que la paix fut publiée par tout, où il appartiendroit. Et apres brief ensuiuant se departirent les François qui estoient à Rue, si fut la ville deliurée aux commis du Duc de Bourgongne: lesquels François s'assemblerent avecques plusieurs de leurs gens sur les marches de Santhers, & d'Amiennois, & pillerent en plusieurs lieux le pais audit Duc, & de ceux qui auoient tenu son party: & mesmement destrouferent tout au net ceux, qu'ils pouoient atteindre de ceste partie tant Nobles, comme autres. Pourquoy ledit Duc feit assembler Gens-d'armes pour resister aux dessusdits, lesquels sachas ceste assemblée se tirerent arriere. Et adonques les Anglois remeurent le siege deuant le pont de Meulan, que n'agueres les François auoient mis en leur obeïssance, mais pour aucun empeschement, qui leur suruint se departir dudit siege. Et d'autre part le Marechal de Rieux, & Charles des Marests prindrent la ville de Dieppe, & plusieurs autres en Normandie: si vous diray comment. il est verité, qu'apres le partement de la conuention d'Arras, aucuns vail-lans Capitaines François: c'est à scauoir, le Marechal de Rieux, Gaucher de Bousfach, le Seigneur de Longueual, & autres Capitaines, qui pouoient sur

*Prinse de  
Dieppe par les  
François.*



sur tout auoir de trois, à quatre cens combattans droictes gens de guerre: par le moyen de Charles des Marels, ou a son entreprinse, allerent le vendredy deuant la Toussainets pour escheller la forte ville de Dieppe, seant sur la mer en moult fort lieu au païs de Caulx. Et de fait ledit Charles à tout six cens combattans alla secrettement monter dedans la ville du costé deuers le Haure, & de là allerent rompre la porte deuers Roüen, par où entra ledit Marechal de Rieux à tout ses Gens d'armes, & à tout estandard desployé, la plus grand partie de ses gens tout à pied. Si allerēt iusques au marché, & estoit enuiron le poinct du iour, & adoncques commencerēt à crier ville gaignée. Si furent ceux de dedans moult fort esmerueillez, quand ils ouïrent ce cry: & comencerent les autres à iecter pierres, & à traire de leurs maisons. Et pource qu'il y auoit grand nombre de gens tant de ville comme de nauire, attendirent iusques à neuf, ou dix heures auant qu'ils assaillissent lesdictes maisons: mais en fin fut du tout conquise à peu de dommage pour leldits François. Si y estoit commis Lieutenant du Capitaine vn nommé Moriemer, qui s'en fuit avecques plusieurs autres Anglois, & y fut prins le Seigneur de Bloseuille: & à la premiere venue n'y furēt morts, que trois ou quatre Anglois de la garnison, mais plusieurs y furent prins, c'est à sçauoir de ceux, qui plus fort auoient tenu la partie des dessusdits Anglois: & au regard de leurs biens en y eut largement prins comme confiscquez, sinon de ceux, qui vouloient faire serment de demourer bons François. Ety auoit au Haure tresgrand nombre de nauires, dont la plus grand partie demourent avecques les dessusdits François: & ce mesme iour, où lendemain on feit crier, que tous estrangiers s'en allassent, où bon leur sembleroit, referué ceux, qui vouloient faire serment. Si en demoura ledit Charles des Marels Capitaine du consentement de tous les autres pour le Roy de France. Pour laquelle prinse tous les Anglois generallement du païs de Normandie furent tres-fort troublez & marris, & non point sans cause: car icelle ville de Dieppe estoit merueilleusement forte, & bien garnie sur vn des bons païs de Normandie. Et outre assez brief ensuiuant vindrent les François audit lieu de Dieppe, au païs à l'environ de trois à quatre mille cheuaux sous la conduicte de Anthoine de Chabannes, Blanchefort, Pothon le Bourgongnon, Pierre Regnault, & autres Capitaines, & depuis se boura Pothon de sainte Treille, Jean d'Estouteuille, Robinet son frere; le Seigneur de Monstreul-Bellay, & plusieurs autres nobles Seigneurs, & chefs de guerre. Et aussi pareillement y vint vn Capitaine de communz, lequel se nommoit le Kirennier à tout biē quatre mille païsans du païs de Normandie, qui s'allia avecques les dessusdits François: & feit serment au Marechal dessus nommé de guerroyer hardiement, & faire forte guerre aux deuant-dits Anglois. Et quand toutes ces compaignies furent assemblées ensemble, ils se meirent par bonne ordonnance sur les champs, & la veille de Noël allerent tous ensemble deuant la ville de Fescan: laquelle par le moyen du Seigneur de Malléuille fut rendue audit Marechal, moyennant qu'ils demourroient paisibles: & y fut commis Capitaine ledit Jean d'Estouteuille, & le lendemain de Noël allerent deuant

*Reddition de  
Fescan aux  
François.*

*Hastur-  
enduc, avec au-  
tres villes.*

*† lisez Bou-  
fac, cestuy  
fut depuis  
Mareschal  
de France.*

Monstier Villiers, qui se rendit pareillement, & en fut cause vn Gascon, qui se nommoit Iean du Puis, lequel y estoit de par les Anglois. Si commist ledit Mareschal de Rieux vn nommé Courbenton : & alors venoient, & approchoient les François de tous costez, & avecques ce feirent serment audit Mareschal plusieurs nobles hommes du pais de Normandie. Si allerent tous ensemble deuant Harfleur & l'assaillirent moult vaillamment, mais par force furent reboutez arriere de ceux de dedans : & y perdirēt quarante hommes de leurs gens, qui y furent morts. Desquels furent les principaulx ledit Seigneur de Monstreuil-Bellay, & le Bastard de Langle. Si conclurent de rechief les assaillir : mais ceux de la ville feirent traité d'eux rendre par tel si, que bien quatre cens Anglois, qui estoient dedans, s'en iroient sauvement à tout leurs biens. Si en estoit leur Capitaine vn nommé Guillaume Minors, qui se departirent à tout leurs biens, & ceux de ladicte ville feirent le serment. Et en ce mesme temps se rendirent de la partie du Roy les villes ensuiuans : c'est à sçauoir le Bec Crespin, Tancarville, Gomusseulle, les Loges, Valemont, Grauille, Logueuille, Neufuille, Lambreuille, & plusieurs autres forteresses au tres petit dommage d'iceux François. Et depuis vint avec eux Artus Comte de Richemont Cōestable de France : auquel depuis la venue se rendirent Charles-Maisnil, Aumarle, S. Germain sur Cailly, Fôtaines le Bourg, Preaux, Blainuille, & aucunes autres places, esquelles par tout on mettoit garnison. Si fut ceste saison la plus grand partie du pais de Caulx conquis : mais par faute de viures il conuint, que les François se separassent l'un de l'autre : & pource, comme dit est, meirent leurs garnisons sur les frôtieres, & se retrahirēt les principaux Capitaines hors du pais. Et furēt à ces conquestes desusdictes ledit Charles des Marets, & Richaruille, qui se partirent de Dieppe, & se meirent aux champs : si trouuerent le desusdit Mareschal, le Seigneur de Torfy, Pothon Bourgongnon, † Broufsart, Blâchefort, Iean d'Estouteuille, & plusieurs autres Capitaines hômes de grâd façon, & droictes gens de guerre. Avecques lesquels & en icelles conquestes faisans, s'allia le desusdit Kirénier à tout six mille combattans gens de communes, pour acheuer les desusdictes besongnes.

*Comment les Anglois se commencerent à doubter des Bourgongnons, qui menoient guerre avec eux contre le Roy de France, & ne voulurent plus conuerſer en leur compagnie, & autres matieres en brief.*



**A** P R E s ce que les Anglois furent du tout acertenez, & asseurez du traité fait entre le Roy Charles de France, & le Duc Philippe de Bourgongne, comme desus est dit, ils se commencèrent à garder, & garnir, & aussi eux fortifier cōtre les gens du Duc de Bourgongne, & pareillement comme par auant ils faisoient des François : & nonobstant que avecques eux eussent eu plusieurs communications, amitez, & compagnies d'armes, si n'eurent ils de là en auant plus fiance, ne repaire l'un avecques l'autre : jaçoit-ce que presentement ne s'entrefeissent point de guerre ouuerte : toutesfois iceux deux parties d'Angleterre, & de Bourgongne commencerent secrettement à aduifer voyes, & manieres de prendre

prendre aduantage l'un sur l'autre, & mesmement iceux Anglois tenās les frontieres de Calais, se meirent en peine de prendre la ville d'Ardre d'emblée: & d'autre part ceux de la partie de Bourgongne vers Ponthieu, feirēt le cas pareil sur la forteresse du Crotoy que tenoient les dessusdits Anglois: mais chacun se gardoit de pres l'un de l'autre. Pour lesquelles entreprinſes ainsi faictes couuertement, les dessusdictes parties furent tresmal contētes l'une de l'autre & feirent chacun d'eux leurs apprestes pour greuer, & faire guerrel'vn à l'autre. Et poyrtant la Hire, qui le tenoit à Gerberoy, assembla avecques Pothon de sainte Treille, & Messire Regnault de Fontaines iusques à six cens cōbattans ou enuiron: lesquels ils menerent iusques assez pres de Roüen, en intention d'entrer en icelle ville par certains moyens, qu'ils y auoient, lesquels ne peurent venir à chief de leur entreprinſe. Et poyrtant iceux Capitaines, & leurs gens qui estoient moult trauaillees, s'en retournerent pour eux rafraeschir en vn grand village nommé Roys. Auquel lieu Messire Thomas Kiriel, & autres plusieurs Capitaines Anglois accompagnez de mille combattans, sçachans que les dessusdits François se rafraeschissoient audit village de Roys, l'en vindrent frapper sur eux auāt que de ce fait ils peussent du tout estre aduertiz ne mōrez à cheual pour eux deffendre & garantir, parquoy ils furent prestement mis en desfroy. Si contendirent à eux sauuer vers leurs parties, dont ils estoient venus, sinon aucuns des Capitaines en petit nombre, qui cuidoient r'allier leurs gens pour cuider resister à l'encōtre de leurs ennemis: mais en ce faisant ils furēt vaincus par les dessusdits Anglois. Et y furent prins les Seigneurs de Fontaines, Alain Geron, Alardin de Moullay, Iean de Bordes, Gamarde, & plusieurs autres iusques au nombre de soixante ou plus. Si en furent morts sur la place tant seulement huiēt ou dix, & les autres se sauuerēt. Toutesfois la Hire fut nauré, & si perdit toute sa monture: & aussi gaignerent leſdits Anglois la plus grād partie des cheuaux d'iceux François, pource que les bois estoiet pres, & se sauuerent plusieurs à pied dedās iceux bois. Item en ce temps furent enuoyez de la partie du Roy Henry d'Angleterre certains Ambassadeurs deuers l'Empereur d'Allemagne: lesquels en passant parmy le pays de Brabant, furent prins, & arrestez par les gens du Duc de Bourgongne, mais depuis comme ie fuz informé & aduertiy, furent mis à deliurāce pource qu'iceluy Roy d'Angleterre, & ledit Duc de Bourgogne n'auoiēt point encores enuoyé l'un à l'autre leurs deſſiāces. Item en ces mesmes temps par la diligence, & entreprinſe de Messire Iean de Vergy, & avecques luy aucuns Capitaines François furent deboutez les Anglois hors de deux fortes villes, qu'ils tenoient au pays de Champagne sur les marches de Barrois, c'est à sçauoir Nogent le Roy, & Montigny. Et pareillement ceux de Ponthoïse rendirent leur ville es mains de Monseigneur de l'Isle-Adā, laquelle par auant tenoient les Anglois. Et nonobstant que ledit Seigneur de l'Isle-Adam n'agueres eufait guerre pour les dessusdits Anglois, & eut esté Maraschal de Frāce pour le Roy Héry: neātmoins dedans brieftēps apres leur fait forte guerre. Et d'autre part furēt les Anglois deboutez du Bois de Vincennes, & d'aucunes autres places qu'ils tenoiēt vers l'Isle de Frāce. Et adōc

*Destrouſſe des  
François.*



se commencerent à apparcevoir les Anglois, qui moult auoient perdu en ce que le Duc de Bourgogne estoit d'eux deshoinct, & rallié avecques les François. Si l'en commencerent à auoir en grand haine luy & les siens, & en plus grande indignation que leurs anciens ennemis.

*Comment le Roy Henry d'Angleterre enuoya ses lettres à ceux du pays de Hollande pour les atraire de sa partie: & la coppie desdictes lettres.*

**E**N cest an Héry del'Enclastre Roy d'Angleterre enuoya des lettres seellées de son seel aux Bourgeois, Maistres, & Escheuins, Conseillers, & communautéz de la ville de Cerisée, afin d'iceux atraire, & entretenir de la partie contre le Duc de Bourgogne: desquelles la teneur s'ensuit. Henry par la grace de Dieu Roy d'Angleterre Seigneur d'Irlande: A noz treschiers, & grans amis les Bourg-maistres, & Escheuins, Conseillers, & Communautéz de la ville de Cerisée: Salut, & continuation de vraye amour, & affection. Treschiers & grans amis, quantes (comme dictes) & quel repos apporte le fruit de naturel amour aux Royaumes, Seigneuries, & personnes, qui par longue continuation sont confederées, & alliées ensemble, leurs faits & leurs besongnes le demonstrent assez, cōme bien en auez eu l'experience. Et nous rememorans en nostre pensée les doulces amitez, & confederations, qui de grā anc enneté ont esté cōtinuées entre nos nobles progeniteurs, ses Royaumes, & pays, & les Princes, qui au temps passé ont eu Seigneurie en Hollande, Zelande, & Frise, moyennant laquelle amitié, bonne paix, & vnion, tranquillité, seurte, de marchandise, amoureuse continuation, prouffitabile conseruation de loiauté, & de foy ont esté gardées d'un costé, & d'autre au reboutement de toutes diuisions, haines, débats, & enuies, qui sont tousiours occasion de perturber, & peruertir toute bonne police, & seurte humaine, desirant pour ce du tout nostre cueur icelles estre continuées. Et ensuiuant les traces de noz predecesseurs, qui tant par lignaige, & assinité de sang, comme par loyale confederation, & alliance qu'ils ont eu avecques les dessusdits Princes du pays de Zelande, ont esté continués en si grand amour les uns avecques les autres: comme de prendre, & porter par les dessusdits Princes nostre honorable ordre de la Larretieres avecques Empereurs, Roys, & autres Princes, & Seigneurs iceluy portans ordre pour nostre amour. Auons prins insle occasion de vous escrire presentement l'affection, que nous auons d'entretenir, & continuer lesdictes confederations & amitez, qui p eça ont eu commencement, comme dit est. A quoy de nostre part auons, & sommes biens enclins & disposez, estimans que quelconque nouuelle confederation n'est à preserer à ancienneté, comme chose plus honorable, & profitabile à entretenir. Mais tout eslois pource que franchement sous ombre de couleur de terme de paix, aucunes nouuelletez, & mutations ont esté faictes en nostre Royaume de France au grand preiudice de nous, & de nostre estat, honneur, & Seigneurie: en enfraignant la paix generale de noz deux Royaumes tant fidellement faicte promise, & iurée par senz de tresnoble memoire noz treschiers Seigneurs pere, & ayeul les Roys Henry, & Charles dernièrement trespassés, ausquels Dieu pardoint: & les plus grans de leur sang, & lignaige, & estats desdits Royaumes, comme tenons vous auoir en memoire. En laquelle cause plusieurs rumeurs, & nouuelles courent en diuers lieux, comme on dit, qu'aucuns pays se disposent en romptures de confederations & alliances, que nous auons eues avec eux: desquelles n'entendons que cause n'auons d'entendre, n'imaginer que soient. Neantmoins pour vostre consolation,

consolation, & aduertissement, nous voudrions bien sçauoir en ceste matiere vostre bonne voulenté, pareillement que vous faisons sçauoir la nostre. Et pource nous vous priôs tres affectueusement, & de cuer vous faisons sçauoir nostre inclination, Et desir pour l'entretenement de bonne amitié d'entre nos subiects & vous; semblabl'ment nous vueillez de vostre intention sur ces choses plainement, & eni remēt rendre certaines responses par le porteur de cestes, qu'enuoyons par deuers vous pour ceste cause: ou par autres de voz messagiers, si les voulez enuoyer par deuers nous, en nous certifiant au surplus de toutes choses honorables, & agreables à vous, & nous y serons entendre tres-vou-lentiers, & de bon cuer. Treschiers & grās amis, le S. Esprit vous ait en sa sainte garde. Donnē sous nostre seel priuē en nostre Palais de Vvestmontier le quatorziesme iour de Decēbre, l'an de grace mille quatre cens trente cinq. Et de nostre regne le quatorziesme: & la subscription estoit. A noz treschiers & grans amis les Bourg-maistres, Esche-uins, Conseillers, & Communautē de la ville de Cerisfe. Lesquelles lettres receües par les dessusdits sans faire respōce au messagier qui les apporta: sinon qu'ils se conseilleroient sur le contenu d'icelles, les enuoyerent deuers le Duc de Bourgogne, & son Conseil. Lequel fut tresmal contēt des manieres, qu'i-ceux Anglois tenoient vers luy & ses pays, tant en ce comme en autres besongnes.

*Comment apres la paix d'Arras le Duc de Bourgogne conclud de faire, & mener guerre aux Anglois.*

**D** V R A N T le temps que les besongnes dessusdictes se cōmencerēt fort à enfonner, & animer entre les deux parties d'Angleterre, & de Bourgogne, cōme dit est: fut aduisé par ledit Duc, & aucuns de ses feables Conseillers, qu'il seroit bon de trouuer maniere secrette, qu'icelles deux parties ne teüssent point de guerre l'un contre l'autre: & que leurs gens, pays, amis & alliez demourassent paisibles, & cōme neutres. Et afin de à ce pourueoir, fut mandē deuers le Duc dessusdit Messire Jean de Luxembourg Comtē de Leigny, qui point encores n'auoit fait de serment au Roy Charles de Frāce, lequel à la requeste d'iceluy Duc se chargea d'en escrire à l'Archeuesque de Roüen son frere: lequel estoit vn des principaux Conseillers du Roy Henry d'Angleterre, & son Chancellier sur la marche de France: & adoncques fut icelle besongne mise en Cōseil, & qui plus est, iceluy Archeuesque enuoya en Angleterre deuers le Roy Henry & les siens. Si fut aduisē pour mieux faire que laisser, qu'il seroit bon qu'icelles deux parties demourassent en bonne vnion l'un avec l'autre, quant au fait de la guerre. Et pourtant la response ouye fut escript audit Messire Jean de Luxembourg par son frere, que sa requeste seroit mise à esfeēt: & que bonne seureté se bailleroit de la partie des Anglois de non faire quelque entreprinse sur le dessusdit Duc de Bourgogne, ses pays & subiects, moyennant qu'il seroit pareillement à la partie dudit Roy Henry d'Angleterre. Et lors brief ensuiuant que ledit Comtē de Leigny eut receu par escript icelle response, il l'enuoya deuers iceluy Duc de Bourgogne, en faisant sçauoir à luy par iceux, s'il seroit content de proceder outre: lequel feit faire response par la bouche de l'Euesque de Tournay, que nō: car

n'agueres & de nouuel les dessusdits Anglois auoient fait contre luy, & ses subiects de trop grâdes derisiôs, en diffamant en plusieurs lieux sa personne, & son honneur: auoient aussi rué ius de quatre à cinq cens cōbattans de ses gens sur les marches de Flandres, & aussi d'autre part, comme dit est ailleurs, auoiēt voulu prendre d'emblée la ville d'Ardre. Et ceste chose auoiēt cogneu, & confessé quatre de leur party, qui pour celle cause en icelle ville d'Ardre auoient eu les haltereaux coupeez: & si auoient fait plusieurs autres entreprinſes, lesquelles ils ne peurēt bonnement passer soubz dissimulation. Apres laquelle responce en ceste maniere faicte par ledit Eueſque de Tournay aux gens dudit messire Jean de Luxebourg Comte de Leigny, requierent audit Duc de Bourgogne, qu'il luy pleust sur ce escrire ses lettres à leur Seigneur, & Maistre, lequel leur accorda & signa de sa main: depuis lesquelles lettres enuoyées par la maniere deuantdicte, ledit Duc de Bourgogne fut fort, & par plusieurs fois instruit, & enhorté par aucuns de son Concil à luy preparer, & faire ses apprestes à mener guerre contre lesdits Anglois pour garder son honneur: & tant que assez brief ensuiuant, il feit escrire & enuoya ses lettres au Royaume d'Angleterre deuers le Roy Héry: en luy signifiant & recitant les entreprinſes, qui auoient esté faictes de sa partie depuis la paix d'Arras à l'encontre de luy, de ses gens, & subiects: lesquelles sembloient estre à luy, & aux siens tant estranges, griefues, & preiudiciables, que pour son honneur, & luy mettre en deuoir, ne deuoiēt plus estre teües, ne dissimulées. Disāt en outre que sil en estoit fait aucune chose de sa part, nul n'en deuroit auoir merueilles, ne dōner charge à luy, ne aux siens: car assez, & trop luy en estoit donnée occasion, & cause raisonnable, dont moult luy desplaisoit.

ADONCVES les dessusdictes lettres du Duc de Bourgogne receües, & leües par le dessusdit Roy d'Angleterre & son Conseil, ils furent tous acertenez d'attendre, & auoir la guerre au dessusdit Duc de Bourgogne. Et sur ce furent garnies, & fournies toutes les forteresses de Boulonois, du Crotoy, & autres lieux à l'enuiron à l'encontre de ses pays prestes pour attendre toutes auantures, qui pourroient aduenir. Et pareillement feit le dessusdit Duc de Bourgogne garnir les siennes. Et adonques le Roy d'Angleterre enuoya ses lettres es marches de France, & en aucunes bōnes villes, afin qu'on sceust la verité de la querelle, que le Duc de Bourgogne prenoit contre luy: lesquelles en substance contenoïēt excusatiōs des charges, qu'iceluy Duc, & les siens vouloient donner sur luy, & sur ses gens des entreprinſes dessusdictes. Entre lesquelles remonstrances recitoit les lettres, qu'il auoit escripres en Hollande, non point pour induire les habitans à nul mal: & aussi des alliances, qu'il auoit voulu, & vouloit faire avecquēs l'Empereur d'Allemagne, estoit en sa franchise de ce faire, & du mandement secret, qu'il faisoit en Angleterre pour greuer ledit Duc: comment il auoit escript, estoit si secret que par toute Angleterre estoit cōmune voix, & ne le vouloit point celer, pource qu'il pourroit faire assembler gens pour employer, où bon luy sēbleroit. Disāt outre par icelles, que lesdictes charges, qu'on luy auoit voulu bailler, estoient sans cause: comme ils pouoient plainement



plainement apparoir, par les œuures qu'auoient fait contre luy, & ses subiects le dessusdit Duc de Bourgongne, & ceux de sa partie. Laquelle charge au plaisir de Dieu retourneroit, dont elle estoit venue.

*Comment le Duc de Bourgongne avec aucuns de ses prieuz Conseilliers se conclut d'aller assieger, & conquerre la ville de Calais.*

**L** E M assez brief ensuiuant, apres que le Duc de Bourgongne eut escript ses lettres (comme dit est dessus) au Roy d'Angleterre contenant les entreprinsees faictes contre luy, & ses subiects par ledit Roy, & les siens: voyant les besongnes en ce point, que pour venir luy, & les pays en guerre contre les Anglois, tint par plusieurs fois grans Conseils, afin de sçauoir comment, & par quelle maniere il pourroit conduire son fait: esquels furent plusieurs diuerses opinions mises en auant. Et vouloient les aucuns, que ledit Duc de Bourgongne commençast la guerre: & qu'il assemblast sa puissance de tous ses pays pour resister cōtre lesdits Anglois, & conquerre la ville de Calais, qui estoit de son propre heritage. Les autres estoient d'autre opinion: car en iceluy cas pensoient, & contrepoisoient moult le commencement, entretenement & fin d'icelle guerre: disant que les Anglois estoient moult pres de plusieurs des pays du dessusdit Duc, & y pourroient bien entrer à leur auantage quand bon leur sembleroit. Et ne sçauoit quelle ayde il pourroit trouuer au Roy Charles son Seigneur, & en ses Princes, à qui il s'estoit r'allié, s'aucune mauuaise fortune luy aduenoit. Toutesfois quand tout eut esté debattu par plusieurs iournées, la conclusion fut prinse, que le dessusdit Duc feroit guerre, & requerroit en ayde ceux de ses pays de Flandres, de Hollande, & d'autres lieux, pour luy ayder à conquerre la dessusdicte ville de Calais, & la Comté de Guynes. Si estoient les principaux de ladicte conclusion de faire guerre, Maistre Jean Cheurot Euesque de Tournay, le Seigneur de Croy, Maistre Jean de Croy, son frere, Messire Jean de Hornes, qui estoit Seneschal de Brabant, le Seigneur de Chargny, le Seigneur de Creuecueur, Jean de Brimeu Baillif d'Amiens, & autres plusieurs. Ausquels Conseils ne furēt point appelez plusieurs autres grans Seigneurs, qui continuellement auoient seruy, & soustenu grād partie de la guerre avecques ledit Duc durant son regne contre tous ses aduersaires: c'est à sçauoir Messire Jean de Luxembourg, le Seigneur d'Anroing, le Vidame d'Amiens, le Bastard de sainct Pol, le Seigneur de Saucuses, Hues de Launoy, le Seigneur de Mailly, & moult d'autres nobles & puissans hommes; tant des pays de Picardie, comme d'autres estans en la puissance dudit Duc: pourquoy il leur sembloit, qu'ils n'estoient point tāt tenus d'eux, & leur puissance employer au fait de ladicte guerre, comme s'ils eussent esté appelez. Neantmoins apres la conclusion dessusdicte ledit Duc alla en sa ville de Gād: auquel lieu il feit assembler en la chambre des collations les Escheuins, & les Doyens des mestiers d'icelle ville. Ausquels luy estant present il feit remonstrer par maistre Goussenin le Sauvage vn de ses Conseilliers de son chastel de Gand, comment la ville de Calais appartenoit jadis à ses predecesseurs: & qu'elle estoit de son droit domai-

*Remonstrances  
des Bourgui-  
gnons contre  
l'Anglois.*

*Remonstrances  
aux Gantois.*

ne, & heritage à cause de la Comté d'Arthois, jaçoit ce que les Anglois l'auoient de long tēps occupée par force, & contre son droit: comme de ceils pouoient allēz veritablement estre informez, tant par ce qu'autresfois leur auoit fait remonstrier par Messire Collart de Communes souuerain Baillif de Flandres, comme par autres ses Cōseilliers, & seruiteurs. Et aussi auoiet leldits Anglois depuis la paix Arras fait plusieurs entreprinſes cōtre luy, & ses pays & subiects, dont il estoit moult desplaisant: & mesmement auoiet en diuers lieux escript, & proclamé de tresgrans iniures, & diffames contre la personne: pourquoy il auoit cause bonnemēt sauué son honneur, de nō plus souffrir, ne dissimuler contre iceux Anglois. Et pource leur faisoit requeste, & priere tresinstantment, qu'ils luy voulsissent ayder à reconquerre icelle ville de Calais: laquelle (cōme disoit ledit Maistre Goussenin) estoit moult preiudiciable à toute la Comté de Flandres: pource que les laines, ettaing, plomb, formaiges, & autres marchandises, que ceux de Flandres y acheptoient, on ne pouoit payer de quelque monnoye tāt fut de bon aloy à leur plaisir: & leur conuenoit bailler or, ou argent fondu & affiné, ce que point ne faisoient les autres pays, & ce relaterēt estre vray leldits Doyēs des mestiers. Apres lesquelles remonstrances faictes bien au long, grād partie deldits Escheuins, & Doyēs de ladicte ville de Gand, sans prédre delibération de Conseil, ne iour d'aduis pour parler aux autres mēbres de Flādes, se consentirent à la guerre: & ne pouoient estre ouys aucuns Seigneurs, & gens sages, & anciens, qui estoient de contraire opinion. Et qui plus est, quād les nouuelles en furēt espādues par les autres villes, & pays de Flādes, furēt tous voulentarieux à celle besongne: & tardoit moult à la plus grand partie, que on y procedoit si lentement: & estoient trop mallement desirās de monstrier, cōment ils estoient bien armēz, & pourueuz d'engins, & autres habillemens de guerre. Si procederēt en ce arrogamment & pōpeusement, & pour vray il leur sēbloit que ladicte ville de Calais n'auoit point de durée contre eux. Et depuis ce iour en auant commēcerent à eux pourueoir de toutes besongnes seruans à la guerre. Et pareillemēt feit ledit Duc de Bourgongne faire requeste aux autres membres, & Chastellenies de la Comté de Flandres, d'auoir ayde & secours: lesquels luy accorderēt liberallement. Et d'autre part iceluy Duc s'en alla en Hollande, & feit requeste à ceux du pays, que aussi ils luy feissent ayde de gens, & de nauires, pour aller audit lieu de Calais. Lesquels luy accorderent grand partie deldictes requestes, & apres s'en retourna, & feit par tous ses pays faire grādes preparations de guerre contre leldits Anglois, en intētion de reconquerre ladicte ville de Calais. Itē apres ce que les besongnes dessusdictes eurent esté lōguement demenées, comme dit est, entre les Anglois, & Bourgōgnons: & que chacun d'icelles parties se gardoit l'un de l'autre, & desia auoiet fait de chacune partie aucunes entreprinſes, lors le Duc de Bourgōgne enuoya de ses pays de Picardie le Seigneur de Ternāt, Messire Simō de Lalaing, & autres de ses Capitaines à tout six cens cōbattans à Pōthoife à l'ayde du Seigneur de l'Isle-Adam, pour luy ayder à garder la frontiere contre leldits Anglois: lesquels menoient forte guerre à icelle ville de Ponthoife, pourrant que

que le Seigneur de l'Isle-Adam l'auoit n'agueres prinse sur eux. Auec lesquels se allembloient tressouuent les François & cõtendoient tressfort à reconquerre la ville de Paris pour la partie d'eldits François. Durant lequel temps la femme du Roy Charles accoucha d'un fils, lequel le dessusdit Roy <sup>Naissance du</sup> fit leuer au nom du Duc de Bourgogne, & fut nommé Philippe: Si le tint <sup>fils au Roy</sup> sur les fons pour ledit Duc Charles de Bourbon, & auecques luy Charles d'Anjou frere de la Royne. Et apres qu'il fut baptizé enuoya le Roy ses lettres par vn pourfuiuant deuers ledit Duc, par lesquelles il luy signifioit, ce que dessus est declairé: en luy requerâr que ce qu'il en auoit fait, il le voulsist auoir pour aggreable: lequel Duc fut d'icelles nouuelles trefioyeux, & donna audit pourfuiuant de trefriches dons comme Prince. Et entre-temps ledit Duc faisoit par tous ses pays de grans requestes à ses subiects pour auoir ayde de gens, & de finance contre les Anglois.

*De l'an mille cccc.xxxvj.*

*Comment la ville de Paris fut reduicte en l'obeyssance du Roy Charles de France.*

**A**V cõmencemēt de cest an s'assemblerent le Côte de Richemont Connestable de France, le Bastard d'Orleans, les Seigneurs de la Roche, de l'Isle-Adam, de Ternant, & auec eux Messire Simon de Lalaing: & Saussē son frere, & plusieurs autres Capitaines François, & Bourgongnons accompagnez de cinq à six mille combattans ou enuiron: lesquels eux partans de Ponthoife vindrent deuers Paris, esperans d'y entrer par subtils moyens, que y auoit le Seigneur de l'Isle-Adā, & autres fauorisans la partie de Bourgongne. Si furent illec de quatre à cinq heures: & apres voyans qu'ils ne pouoient venir à leur intention, se logerent à Hauberuilliers, Montmartre, & autres lieux à l'enuiron: & le lendemain assaillirent la ville de S. Denys, où il y auoit de quatre à cinq cens Anglois, qui furent prins de force: & en y eut de morts enuiron deux cens, & les autres se retrahirent en l'Abbaye à l'entour du Velin: lesquels Anglois furent assiegez, mais ils se rendirent sauue leurs vies, reseruez aucuns du pays, qui demourerent à volenté. Et le lendemain qu'il estoit Ieudy, Messire Thomas de Beaumont, lequel nouuellement estoit venu à Paris, à tout six cens Anglois, qu'il auoit amenez de Normandie, alla dudir lieu de Paris à iceux vers ladiete ville de S. Denys pour sçauoir, & enquerre de l'estat des François, desquels il fut apperceu: & saillirent hors à grand puissance contre luy. Si furent assez tost mis à grand meschef, & tournez à descõfiture, & en demourra de morts en la place bien trois cens, & quatre vingts prisonniers: desquels fut l'un ledit Messire Thomas, & les autres se sauuerēt en fuyât à Paris, & furēt chassēz iusques aux portes de la ville. Et adõc les Parisiēs, qui estoiet moult fauorables au Duc de Bourgogne: c'est à sçauoir le quartier des Halles, aucūs de l'Vniuersité, Michault Laillier, & plusieurs autres notables Bourgeois de Paris, eux voyās la perte qu'auoiet faite les Anglois, & la puissance qu'auoiet les François & Bourgongnons aupres d'eux, se meirent ensemble par diuerfes cõpagnies, & conclurēt l'un auec l'autre de bouter les Anglois hors de leur ville, & y mettre les François, & Bourgon-



gnons dessusdits. Si le firent sçauoir au Seigneur de l'Isle-Adam, afin qu'il y menast les autres. Lequel nonça ces nouuelles au Connestable de France, & aux autres Seigneurs: lesquels tous ensemble se conclurent d'y aller, & se partirent de S. Denys en belle ordonnance le Vendredy tresmatin. Et entre-tiens Loys de Luxembourg Euesque de Theroüenne, les Euesques de Lisieux & de Meaux, le Seigneur de Villeby, & plusieurs autres tenans le party des Anglois, doubans ce qui leur aduint: c'est à sçauoir, que le commun ne se tournast contre eux; firent loger leurs gens en la rue. S. Anthoine aupres de la Bastille. Et firent ladicte Bastille biē garnir de viures, & de plusieurs habillemens de guerre, & avec ce se tindrent leurs gens armez, & sur leur garde pour eux y retraire, se besoing leur en estoit. Et les dessusdits François & Bourgongnons venus deuant ladicte ville de Paris vers la porte saint Iaques outre l'eau vers Montlehery, enuoyerent le Seigneur de l'Isle-Adam parlementer à ceux des murs: lequel leur môstra vne abolitiō generale de par le Roy Charles de France, seellée de son grand seel, en les admonnestant tresinstantmēt qu'ils se voulsissent reduire en l'obeyssance du dessusdit Roy Charles à l'instance, & faueur du Duc de Bourgogne, qui s'estoit recōcilié avec luy: duquel ils auoiēt si bien tenu le party, & encores demourroient sous son gouvernement: lesquels Parisiēs oyans les douces parolles, & offres, que leur faisoit ledit Seigneur de l'Isle-Adam, & autres de la partie, s'enclinerent, & conclurent assez brief ensuivant l'un avecques l'autre de mettre les dessusdits Seigneurs en leur ville.

A L O R S sans delay furent dressées eschelles contre la muraille: par lesquelles iceluy Seigneur de l'Isle-Adam monta, & entra en ladicte ville, & avec luy le Bastard d'Orleans, & grand foison de leurs gens. Avecques lesquels s'assemblerēt grād foison de Bourgongnōs, & grand foison du commun d'icelle cité: qui tantost commencerent à crier parmy ladicte ville: *la paix: vive le Roy, & le Duc de Bourgogne.* Et tātost apres firent ouurir les portes, par lesquelles entrerēt dedans ledit Connestable, & autres Seigneurs à tout leurs Gēs-d'armes, qui se retrahirēt vers la Bastille saint Anthoine, où estoient les Anglois: c'est à sçauoir, les dessusdits Euesques & Seigneurs, qui desia se retrayoient dedans ladicte Bastille: & cuidoiēt aucunemēt resister, mais ce fut peine perdue: car leurs aduersaires estoient trop puissans au regard d'eux: parquoy ils furent assez tost reboutez en icelle, & en y eut de morts, & prins en petit nombre. Et apres furēt faictes barrieres au deuant de la porte de la Bastille de cartiers de bois. Et se logerent gens-d'armes aux Tournelles & autres logis au plus pres, afin qu'iceux Anglois ne peussent saillir dehors. Et lors tous leurs biēs, qu'il auoiēt laissez, furēt prins & partis, & aussi plusieurs des principaux, qui auoiēt tenu leur party, furēt mis prisonniers, & leurs biēs cōfisquees: & avecques ce de par le Roy Charles y furent fais nouueaux officiers. En apres l'Euesque de Theroüēne, le Seigneur de Villeby, & leurs cōplices estās en ladicte Bastille, eurēt parlement avec les François: lequel parlement par le moyen du Seigneur de Ternāt, & de Messire Simon de Lalaing, vint à conclusion par tel si, qu'en rendant ladicte Bastille, ils s'en iroient sauzeurs corps & leurs biens. Si eurent sauzeur conduit

conduit du Connestable de France, sous lequel ils s'en allerent à Roüen par eaüe, & par terre, & à leur departement feirent lesdits Parisiens grand huée en criant, *à la queüe*. Et par ainsi demoura ladicte ville de Paris en l'obeyssance du Roy Charles, & issirent iceux Anglois par la porte des chäps, & allerent par autour monter sur l'eaüe derriere le Louure. Si perdit ledit Euesque de Theroüenne sa Chappelle, qui estoit moult riche, & gräd partie de ses ioyaux, & autres bonnes bagues, qui demourerent audit Connestable. Toutesfois il fut aucunement fauorilé dudit Seigneur de Ternant, & de Messire Simon de Lalaing: & luy fut secrettement redue aucune partie de ses biens, qui estoient aual la ville, à l'entrée de laquelle fut desployée la banniere du Duc de Bourgongne, & son estandart, pour à vouletier lesdits Parisiens à eux tourner de ce party. Et si y furent faits Cheualiers nouveaux de par le Cónestable dessus nommé des marches de Picardie, Saussie de Lalaing, & Robert de Neufuille avecques aucuns autres de la partie des François. Apres laquelle entrée demourerent dedans icelle ville grand espace de temps ledit Connestable, & avec luy ledit Seigneur de Ternant, qui lors fut fait Preuost de Paris. Et le dessusdit Messire Saussie de Lalaing, & les autres comme le Bastard d'Orleans, & les autres Picards retournerent es lieux, dont ils estoient venus.

*Comment artus Comte de Richemont Connestable de France feit guerre au Damoiseau de Commercy.*



N'est an le Comte de Richemont Connestable de France à tout grand compaignie de Gens-d'armes, vint au pays de Champagne, & es marches d'environ pour guerroyer le Damoiseau de Commercy, & les autres qui estoient desobeyssans au Roy Charles de France, & moult trauailloient ses pays. Et à sa premiere venue print Laonnois à quatre lieües pres de Reims, & de là alla deuât Braine appartenant au Seigneur de Cömercy: mais pource qu'elle estoit trop forte, & bië garnie, & qu'ils ne vouloient point obeyr, il passa outre, & s'en alla à saint Menchoult, que tenoit Henry de la Tour, lequel il en debouta par certains traictez faits entre les parties: auquel lieu vint deuers le Cónestable le Damoiseau Euerard de la Marche, qui avec luy feit appoinctement pour auoir ses gens, & mettre le siege deuant Chauensy: si bailla ledit Cónestable plusieurs de ses Capitaines avec leurs gens audit Damoiseau Euerard, qui allerent assieger ladicte ville de Chauensy environ huiët iours apres Pasques, & là feirent vne grande, & forte Bastille, où se logerent environ quatre cës cobattans avec grand nōbre de cōmunes de bonnes villes, & du plat pays, qui alloient & venoiët. Entre lesquels y estoit le Lieutenāt du Cónestable, qu'on nōmoit Ieā de Malatrait, & Messire Jean Geoffroy de Conurāt, & le Preuost des Mareschaux Tristā l'Hermite. Et si y estoit Pierre d'Orgy, Yuō du Puy, l'Arragō, Estienne, le gräd Pierre, & plusieurs autres notables hommes, qui là furent bien quatre mois ou plus, faisant moult forte guerre aux assiegez: lesquels aussi se deffendirent tresprudement. Durant lequel temps vne partie des assiegeans se tindrent aux champs, sur inten-

*Prinse de  
Laonnois par le  
Cónestable.*

Surprise  
d'aucuns Fran-  
çois par Com-  
mercy.

† bruslez

tion de faire dommage en autre maniere au dessusdit Damoiseau de Commercy, lequel se tenoit tousiours sur sa garde, & bien garny de Gens-d'armes. Et sceut par ses espies, que ses aduersaires estoient logez au pays de Champagne en vne ville nommée Rommaigne, & auant qu'ils l'en aperceussent aucunemēt, les assaillit enuiron hui&t heures au matin, & ains qu'ils s'en donoassent garde les rua ius, & destroussa du tout. Si y furēt morts enuiron soixante hōmes: entre lesquels le furent Alain Geron Baillif de Sēlis, Geoffroy de Morillon, Pierre d'Orgy, Alain de la Roche, Oliuier de la Iouste, le Bastard de ville Blāche, & plusieurs autres Gentils-hōmes: & si en furent prins prisonniers biē six vingts, dōt en estoit vn Blanchelaine: apres laquelle destrouffe ledit Damoiseau de Cōmercy se retrahit. Et apres quād les nouuelles en furēt portées au siege de Chauēsy, ils en furent fort esmerueillez: neantmoins ledit Euerard de la Marche se r'allia de rechef avec le Côte de Vernēbourg, qui en personne & deux de ses fils avecques luy, & de quatre à cinq cens cōbattans alla audit siege, & y mena Messire Hugues Tauxte, Messire Herault de Gourgines Gouverneurs Dainuiller, les enfans de Broussier, & plusieurs autres grans Seigneurs, qui au siege se tindrēt iusques à la nuit de sainct Iean Baptiste, que les assiegez liurerent vne moult forte escarmouche, & bouterent le feu aux logis des assiegeans: parquoy les meirent en desroy, & en occirent de deux à trois cens: entre lesquels y furēt morts Estiēne Dieſt, & l'Arragon: & à l'autre des escarmouches y fut mort l'vn des fils du Comte de Vernēbourg: & pareillement le feu fut bouté par fusées dedans la grand Bastille. Parquoy lesdits assiegeans à grand perte, & dommage se deslogerent du tout apres que leurs logis furent du tout ars & † bruslez, comme dessus est dit. Et estoient dedans Chauēsy durant le siege deuantdit de par ledit Seigneur de Commercy, Angillebert de Dolle, & Girard de Mareſcōup à tout enuiron deux cens combattārs. Siauoit cetēps pendant le dessusdit Conneſtable de France mis en l'obeyſſance du Roy Charles Nantueil en la montaigne de Reims, Hā en Champagne, Bourg, & aucunes autres forteresses de sa venue.

*Comment l'Euesque du Liege, & ses Liegeois destrousserent Bouſſeuure,  
& plusieurs autres forteresses, qui leur faisoient guerre.*

**A**L'ISSV E du mois d'Auril se meit sus à moult grād puissance l'Euesque de Liege, pour aller cōbattre, & mettre en son obeyſſance plusieurs forteresses sur la Marche d'Ardaine: lesquelles estoient garnies d'aucuns ſacquemēs, qui tressouuēt alloiēt cōme au pays de Liege, & y faisoient moult de dōmage: desquels estoient les principaux cōducteurs, & qui les soustenoiēt Iean de Beurain, Philippot de Sergius, le Seigneur d'Orchemōt, & aucuns autres, qui se retrayoiēt communemēt au chastel de Bouſſenoch au hault chastellet, à Villers deuant Mouſſon, à Aubigny, à Orchemōt, à Beurain, & en plusieurs autres forteresses à l'environ: & se renōmoient tressouuēt les aucuns du Roy, & les autres du Duc de Bourgongne, & la plus grand partie de Messire Iean de Luxembourg Comte de Leigny. Et les dessusdits: c'est à ſçauoir Iean de Beurain, & Philippot



Philippot de Sanguin faisoient guerre en leur nom pour aucuns interests, qu'ils disoient au seruiue desdits Liegeois. Si assembla ledit Euesque de deux à trois mille cheuaux par l'ayde des Nobles de ses pays, & bien douze, ou seize mille hommes de ses communes tresbien habillez, & embastonnez chacun selon son estat, avecques de trois à quatre mille que chariots, que charrettes chargées d'engins, artilleries, viures, & autres habillemens de guerre: lesquels partans de la cité de Liege les conduisit à Dignant, & de là les mena passer la riuere de Meuze, & puis parmy les bois, qui duroient bien cinq lieues, allerent à Rigniues, où ils sejournerent par l'espace de deux iours, pource que ledit Charroy cheminoit à grand peine, & pesamment pour les chemins, qui estoient effondrez. Auquel lieu de Rigniues à son partement deuifa son ost, & feit mettre en quatre batailles. C'est à sçauoir deux batailles à pied, & deux à cheual: & alla ledit Euesque tout au log desdictes batailles les admonnestant de chacun bien faire son deuoir. Si feit partir vne partie de ses gens à cheual, qui allerent loger deuant ledit chastel de Boufflenoch: & il les suiuit à tout ceux de pied, & les feit assieger tout entour, & affuster les bombardes, & dresser les engins contre la porte & muraille du dessufdit fort: dedans lequel furent enuiron vingt saquemens, qui moult furent esbahis de veoir si grand puissance deuant leurs yeux. Et adoncques les dessufdits Liegeois meirent la main à l'œuvre, & viderent grand partie de l'caüe des foïsez par tranchiz, qu'ils feirent. Et les autres apporterent vne grand montioye de fagots, pour icelles fosses remplir: puis commencerent à assaillir terriblement, & par grand vigueur, & tant feirent qu'ils prindrent le boulleuert de ladiete forteresse d'assault. Et les defendans se retrahirent en vne grosse tour qui estoit là, & se defendirent vne grand espace de temps: mais ce rien ne valut: car ils furent tãtost oppressez de feu & de traiet, tant qu'ils se rendirent à la voulenté dudit Euesque: lequel les feit tous pendre par les hastereaux aux arbres estës pres ladiete forteresse par vn Prebstre, qui estoit avecques eux comme leur Capitaine: lequel Prebstre apres qu'il eut perdu ses cõpagnõs fut lié à vn arbre & bruslé, & ladiete forteresse fut demolie & rasée. Et se partit de là iceluy Euesque, & mena ses gens vers le hault chastellet, desquels il y auoit grand partie de ses gens, qui vouloient aller deuant Hyreçon, & autres forteresses de Messire Iean de Luxembourg: pourtant qu'ils disoient qu'il soustenoit en sesdictes forteresses leurs ennemis, qui leur faisoient guerre. Mais ce propre iour vint deuers ledit Euesque sur les chāps le Bastard de Coucy, qui leur dit & rapporta, que ledit Messire Iean de Luxembourg l'auoit là enuoyé pour luy certifier, qu'il ne vouloit à luy, ne à ses pays fors bon voisinage, reuerant qu'il ne leur souffrist faire quelque dõmage: & si aucun tort auoit esté fait à luy, & à ses pays par gēs, qui se füsēt renómez de luy: luy ouy en ses defences, s'en vouloit rapporter au dict des amis d'un costé & d'autre. Et d'autre part vindrēt lettres de par le Duc de Bourgogne au dessufdit Euesque, par lesquelles luy requeroit, qu'il ne fait nul dõmage audit Messire Iean de Luxembourg, ne aussi au Seigneur d'Orchimot, & par ainsi fut cẽ propos rõpu, & mis en delay: & s'en allerēt l'Euesque dessus nommé, & vne partie de ses gens.

Boufflenoch  
pris par les  
Liegeois, &  
la cranté y  
exécutee.

loger à Aubigny, où il trouua, que ceux de la garnison s'en estoient fuiz de paour, qu'ils auoient eüe: & pourtāt fait ardoir la forteresse, & puis s'en alla au hault Chastellet, où il y auoit vne partie de ses gens qui estoient dedans, & l'auoient abandonné ceux qui le tenoient, & fut abbatu comme les autres. Et lors auoit l'Euesque intention d'aller à Villiers: & quād ce fut venu à la cognoissance d'iceluy, & de ceux de Mousson, & d'Luoy, doubtans le dommage, qu'ils pouoient auoir au pays pour le grand nōbre desdits Liegeois, eux mesmes abbatirent ledit fort de Villiers. Et quand ce fut venu à la cognoissance dudit Euesque, il print son chemin pour aller au Beaurain: laquelle forteresse Iean de Beaurain, qui en estoit Seigneur auoit fait fort reparer, & y edifier quatre tours: dont l'une estoit nommée Hainault, la seconde Namur, la tierce Brabant, & la quatre Reters: qui estoient les quatre pays, où il auoit prins la fināce dont il les auoit fait fonder: toutesfois quād il sceut la venue des dessusdits Liegeois, il ne les osa attendre. Si s'en alla avecques ses gens & y feit bouter le feu dedans: mais pourtant ne demoura mie, que ledit Euesque de Liege ne feist abatre de fons en cōble & du tout demolir. Et de là sans plus auant besongner ramena ses Liegeois en leur pays, & s'en retourna en sa cité de Liege.

*Beaurain demoly par l'Euesque.*

*Reddition des Gamaches.*

EN ce temps se rendit au Seigneur d'Aussi, & à Messire Florimōt de Brimeu Seneschal de Pōthieu la ville de Gamaches en Vimeu, qui moult lōg temps auoit tenu le party des Anglois par certains moyens, qu'ils auoient dedans: en laquelle ville furent mis par ledit Seneschal Gens-d'armes de la partie du Duc de Bourgogne. Et pareillement furent lesdits Anglois deboutez d'Aumarle, & fut mise en la main d'un Gentil-homme nōmé Dauid de Reume, qui tenoit le party du Roy Charles. Durant lequel temps le Comte de Richemont Connestable de France feit assieger le Creil, que tenoient les Anglois, & fut fait vne Bastille au bout du pōt d'icelle ville vers Beauuoisis, où ils furent longue espace: mais en fin ils se departirent assez honteusement, dont ils eurent grand dueil au cuer: & perdirent de leurs gens, & aussi de leurs habillemens de guerre bien largement.

*Comment les villes, & forteresses d'Orchimont furent destruites, & demollies par le Damoisel Euerard de la Marche.*

**T**EM durant ce tēps Bernard de Bourset, qui tenoit la forteresse d'Orchimont sur la marche d'Ardenne, enuoya enuiron cinquante saqueuiens, qu'il auoit pour courre sur le pays de Liege, ainsi que plusieurs fois par auant auoient fait: lesquels furent aperceuz du dessusdit pays de Liege, & mis à chasse par l'ayde, & entreprinse du Preuost de Rebonge. Et de fait leur fut rompu le passage, par où ils s'en cuidoient retourner: & s'en fuirent par empres Dinan, & se bouterent en Bouuines pour eux cuider sauuer: mais ils y furent detenez prisonniers: & depuis nonobstant que lesdits officiers du pays de Liege feissent plusieurs requestes à ceux de Bouuines, qu'ils feissent iustice dessusdits coureurs, si les deliurerent ils: car icelles deux Seigneuries ne s'aymoient point bien l'un l'autre. Et entre-temps qu'iceux furent ainsi empeschez, Euerard de la

de la Marche, qui estoit allié avecques l'Euesque de Liege, & avecques iceux dessusdits coureurs auoient plusieurs dommages & desplaisances, assembla hastiement ce qu'il peut auoir de gens, & se meirent avecques luy iceux de Dinan, & ceux du païs, a tout lesquels il s'en alla deuant Orchimont, & gaigna la ville d'assault. Et lors le dessusdit Bernard, qui adóc auoit tres peu de gens de guerre avec luy, se retrahit en la forteresse, où il fut approché des Liegeois tresfierement: rât que par viue force au bout de quatre iours il fut contraint par telle maniere qu'il se rendit, & feit traité avecques le dessusdit Euerard de la Marche. Apres lequel traité icelle ville d'Orchimont, & le chastel ensemble furent demoliz, & razez iusques à terre: dôt tout le peuple de toute la marche, & des païs à l'enüiron furent tresjoyeux: pourtant que de treslôg tréps parauât s'estoiēt tenus dedās icelles aucunes gés de tresmauuaise railon, & qui moult auoient greué, & oppressé leurs païs voisins.

*Comment les Anglois de Calais coururent vers Boulougne, & Grauelines, & desconfirent les Flamans. Et de là Hire qui gaigna Gisors, & tantost le perdit.*

**D**Nce temps apres que les besongnes dessusdictes furent ainsi approchées de guerre, comme dit est cy dessus, entre les Anglois, & Bourgongnons, & que chacune des parties estoit sur sa garde; iceux Anglois vindrent courre deuant Boulougne, & cuidèrent prendre la Basse Boulougne: mais elle leur fut fort deffendue. Si ardirent partie du nauire qui estoit au haure, & apres se retrahirent à tout ce qu'ils peurent auoir en leur forteresse sans perte: & assez brief ensuiuant se meirēt ensemble de cinq à six cens combattans, & allerent fourrager les païs vers les Grauelines: mais les Flamens de la marche à l'enüiron du païs s'assemblerent, & coururent sus aux dessusdits Anglois outre la volenté des Gentils-hommes qui les conduisoient, c'est à sçauoir Georges de Vbes, & Cherry Hazebrouch. Si furent tost vaincus & mis à desfroy: & en y eut de trois a quatre cēs morts, & bien six vingts prisonniers: lesquels par lesdits Anglois avecques grand proyes furent menez dedans la ville de Calais, & és autres forteresses de leur obeïssance, & les autres se sauuerent par les hayes & buissons, où ils peurent pour le mieux. Auquel temps aussi la Hire, qui se tenoit à Beauuais & à Gerberoy, pour certains moyes qu'il auoit en la ville de Gisors entra dedans à puisance, & gaigna ladicte ville: mais aucuns de la garnison estans leans se retrahirent en la forteresse, & enuoyerent querir secours de leurs gens à Rouën, & ailleurs de leur obeïssance. Lequel secours dedans le tiers iour fut enuoyé si fort, qu'ils reconquirēt la ville, & s'en partirent la Hire, & les siens plustost que le pas, referué de vingt à trente, qui demourerent en icelle ville que morts, que prins avecques grand quantité des habitans, desquels par iceux Anglois fut faicte grand destruetiō, pourtant qu'ils estoient demourez avecques leurs ennemis.

*Comment les Gantois, & ceux du pays de Flandres feirent grand appareil de guerre, pour aller deuant la ville de Calais.*





VRANT le temps dessusdit, les Ganthois pour sçauoir leur puissance, manderēt par tout leurs Chastellenies, & es païs à eux subiects, que tous ceux, qui estoient leurs bourgeois de quelque estat, qu'ils fussent (reserué ceux qui estoient à leur Prince) veinssent dedans trois iours eux monstrier deuant les Escheuins de Gand, & faire escrire leurs nōs, & leurs furnōs sur peine de perdre la frāchise de leur bourgeoisie. Et avec ce qu'ils se pourueussent d'armes & de habillemēs necessaires à guerre. Aussi feirēt publier, que ceux qui estoient cōdānez pour leurs malefices par lesdits Escheuins, ou autres arbitres à faire pelerinages, fussēt tenez pour excusēz iusques au retour d'iceluy voyage, & quatorze iours apres: & que ceux, qui auoient guerre, ou dissention l'un à l'autre, demourroient en la sauuegarde de la loy ledit voyage durāt, & qui l'enfraindroit il seroit puny selon la coustume de ladicte ville. Itē en outre fut deffendu, que nul du païs de quelque estat qu'il fut, ne menast ou feist mener hors d'iceluy païs aucunes armes, ou habillemēs de guerre, sur peine d'estre bāny de dix ans. Apres lequel mādēmēt dessusdit feirēt en icelle ville de Gād, & en leur Chastellenie moult grād appareil de guerre: & sçauoient toutes les villes fermées & les villages, cōbien ils deuoient deliurer de gens pour accōplir le nombre de dixsept mille hommes, que ceux de ladicte ville de Gād auoient promis à deliurer à leur Prince en ceste presente année, & pareillemēt sçauoient bien combien chacun mesnage deuoit payer de taille des assiettes, qui se faisoient pour la despēce d'icelle guerre. Et apres manderēt par toute leur obeissance, qu'on leur feist fināce pour leurs deniers de chars, & de charrettes le tiers plus qu'on n'en auoit liuré jadis pour le voyage de Ham sur Somme: & furent leurs mādēmēs publiez par tout leurs Chastellenies par les officiers des lieux. Et pourtāt que bonne expeditiō ne fut mie de ce faicte du tout à leur plaisir, ils enuoyerēt de rechef autre nouuel mandemēt ausdits officiers, par lequel ils leur signifioient si de trois iours ensuiuans n'auoient enuoyé monstrier en ladicte ville de Gād deuant leurs commis, leurs chars, & charrettes dessusdits en nombre qu'ils les demandoient, & requeroient, ils enuoyeroient le Doyē des Blancs Chapperons, & ses gēs esdictes villes, pour prēdre iceux chars, & les charrettes sur les plus apparās sans riens espargner aux despēs de ceux, qui auront esté refusans de les bailler. Lequel second mādement veu pour la doubte des dessusdits Blancs Chapperons, les deuatdits païsans feirent si bonne diligence, que ceux de Gand furent biē cōtens d'eux. Si ordōnerent, & cōclurent afin que chacun d'eux fussent embaistōnez, que chacū se pourueust de cours maillets de plomb, ou de fer à poinctes & de lāces, & que deux maillets vauldroient vne lance, & qu'autrement ne seroient point passez à mōstre, & si en seroient punis ceux, qui en seroient defaillans. Et d'autre part ceux de Bruges, & les autres membres feirēt chacun selō leur estat, & puissance tresgrās appareils & ordōnances, pour aller en icelle armēe. Et fut bien par l'espace de deux mois ou enuiron, que la plus grand partie de tous ceux, qui estoient ordonnez pour aller en iceluy voyage, ne faisoient aucunement leurs mestiers ne leur labeur: ainçois la plus grand partie du temps s'occupèrent d'aller despandre le leur par grandes compaignies es

tauernes,

*Les Ganthois  
promettent à  
leur Duc dix-  
sept mille hom-  
mes.*

tauernes, & cabarets: & souuent s'esmouuoient de grans debats, & rumeurs les vns contre les autres: par le moyen desquels en y auoit souuent de morts & de naurez: & entre-temps le Duc de Bourgogne preparoit ses besongnes à toute diligence pour fournir iceluy voyage de Calais. Durant lequel temps en y auoit vn nommé Hannequin Lyon natif de Dunequelque, lequel pour ses desmerites auoit esté banny de la ville de Gand, & s'estoit ré- *Hannequin Lyon grand Pyrate.* du fugitif du pais. Si deuint escumeur de mer, & par son engin, & diligence multiplia tellement en cheuance, qu'il auoit à la fois huiët ou dix nefes bien armées, & aduitaillées toutes à son commandement, & faisoit guerre mortelle à toutes gens de quelque estat qu'ils fussent. Si estoit moult criär, & cremu sur la mer des marches de Flandres, & de Hollande: & se disoit amy de Dieu, & ennemy de tout le monde: mais à la fin il en eut pour son salaire tel ou pareil, qu'ont souuent gens de tel estat qu'il estoit: car quand il fut au plus hault de la roüe de fortune, elle le meit tout au plus bas, & fut noyé en mer par tempeste, & orage de temps.

*Comment Messire Jean de Croy Baillif de Hainault à tout plusieurs autres Capitaines assaillit les Anglois, dont il fut vaincu.*

**N**ee mesme temps Messire Jean de Croï Baillif de la Comté de Hainault, assembla des marches de Picardie, & de Boulenois iusques au nombre de quinze cens combattans, ou enuiron: desquels estoient les principaux le Seigneur de Vvaurin, Messire Baudo de Noyelle, Messire Loïs de Thieubronne, Robert de Saueufes, Richard de Thieubrône, le Seigneur Deulez, le Bastard de Roucy, & moult d'autres experts, & notables hommes de guerre en intention de les mener courre deuant Calais, & autres forteresses tenans le party des Anglois. Et se feist ceste assemblée en vn village nommé le Vvast à deux lieües pres de sainct Omer: au loing duquel lieu cheuaucherët de nuiët vers le pays de leurs aduersaires: lesquels aduersaires, & ennemis en icelle propre nuiët estoient ifus de leurs garnisons bien deux mille, ou enuiron, pour aller fourrager le pays de Boulenois, & es marches de là enuiron. Et ne sçauoient point icelles deux compagnies la venue l'un de l'autre, & ne venoient point tout vn chemin pour eux entrecoutrier. Mais le dessusdit Messire Jean de Croy, & ceux de sa partie approchäs les marches des dessusdits Anglois, enuoya aucuns experts hommes d'armes cognoissans le pays deuant pour enquerre, & sçauoir des nouuelles: lesquels trouuerent le train des Anglois leurs aduersaires, & ennemis vers le pont de Milay enuiron le point du iour, & cogneurent & apperceurent bien, qu'ils estoient moult grand nombre. Si le firent sçauoir à leurs Capitaines, & qu'ils tiroient vers la Fosse de Boulenois. Lesquels s'assemblerent l'un avecques l'autre pour auoir aduis que sur ce leur estoit à faire. Si conclurent de les poursuiuir & assaillir en tât qu'ils fourrageroient les villages, se ainsi on les pouoit surtrouuer: & sinon, ils les combattroïët en quelque estat, qu'ils feussent r'atins. Et fut lors ordonné que Messire Jean de Croy dessus nommé accompagné d'aucuns homes d'armes experts, meneroit la plus grand partie des archiers deuät, & tous les

† surpren-  
dre.

autres de la compagnie suiuroient d'assez pres sous l'estandart de Messire Loïs de Thieubronne. Si furent de rechef mis coureurs deuant, qui cheuaucherent tresgrand espace de chemin, tant qu'ils veirent les feux, qu'auoient boutez en icelles villes & citez les dessusdits Anglois. Lesquels estoient desia aduertiz, que leurs aduersaires, & ennemis estoient sur les champs par aucuns hommes du pais, qu'ils auoient prins. Si rassemblerent leurs gens ensemble sur vne petite montaigne entre Graueline, & Champagne. Si pouoit estre environ dix heures du iour: mais la plus grand cōpaignie des Anglois estoient plus bas, & ne les pouoit on bonnement veoir. Et adonques ceux de la partie de Bourgongne voyans leurs aduersaires, & ennemis deuant leurs yeux, furent moult fort desirans d'assembler à eux, pource en y eut fort grand nombre de ceux de deuant, qui allerent frapper dedas: & en y eut grandement de tuez, à leur nombre de soixante ou quatre vingts: & grand partie des autres se meirent à la fuite, mais les assaillās n'estoient point ensemble, & cheuauchoit à loing train: puis voyans au dessous de ladicte montaigne vne si grosse compaignie de leurs aduersaires & ennemis, qui se rallioient l'un avecques l'autre, qu'ils doubterent d'entrer entre eux, & attendirent leurs autres compaignons enhardiant l'un contre l'autre. Et entre-temps lesdits Anglois reprindrent cuer, voyans qu'iceux les assailloient doutablement: si vindrent par bonne ordonnance eux courre sus, & ferir en iceux vigoureusement. Et lors les dessusdits de la partie de Bourgongne sans faire grand resistance, se meirent en desfroy, retournerent hastiement en fuyant vers les forteresses de leur obeissance. Et les dessusdits Anglois, qui auoient esté comme demy vaincuz de premiere venue, coururent apres à ¶ refne laschée, & les chaserent iusques aux bailles d'Ardre, & dedas les barrieres. Si en prindrent & occirent bien cent ou plus: desquels en fut l'un Robert de Bournouille surnommé le Roux: & des prisonniers furent Iean d'Estreues, Bournouille, Galiot du Champ, Maide, Houlefort, Barnamont, & plusieurs autres notables hommes. Et mesmement iceux Anglois chaserent si auant, qu'ils tuerent & occirent enuiron cinq ou six Bourgognos au plus pres des fossez de ladicte ville d'Ardre, desquels en y auoit vn de grand parage. En laquelle ville se retrahirent le Seigneur de Vvarin, Messire Baudo de Noyelle, Messire Loys de Thieubronne, Robert de Saueuses, qui auoit esté fait Cheualier nouuel à ceste besongne, & aucuns autres, & mesmement le dessusdit Messire Iean de Croy, qui auoit esté blessé de traict à l'assemblée, & y fut son cheual mort: & retourna avecques luy le Seigneur d'Eule en l'Abbaye de l'Isle moult troublé, & ennuyé de ceste male aduenture: & les autres s'en rerournerent en plusieurs autres villes, & forteresses du pais. En outre apres que les Anglois eurent ainsi reboutez leurs aduersaires & ennemis, ils se rassemblerent, & se bouterent en Calais, & autres lieux de leur obeissance à tout leurs prisonniers: au deuant desquels vint hors d'icelle ville de Calais le Comte de Mortaigne, qui leur feit moult ioyeuse reception, & blasma moult fort ceux qui s'en estoient foüis, & les auoient laissez en ce dangier.

† bride ab-  
batue.

*Comment*



*Comment les Flamens allerent assieger la ville de Calais, &  
comment ils en partirent.*



L'ENTREE du mois de Iuing le Duc Philippe de Bourgogne, qui par auant auoit fait toutes les preparacions rât de gens cômme d'habillemens de guerre pour aller deuers Calais, s'en alla à tout simple estat en la ville de Gand, afin de faire partir les Gantois, & autres d'iceluy païs de Flandres: lesquels en la presence dudit Duc de Bourgogne, feirent leurs monstres le samedy apres le iour du Sacrement dedâs icelle ville de Gand au marché des Vendredis: & estoient là venus pour aller avecques eux ceux de leur Chastellenie: c'est à sçauoir des villes de Grâdmont, d'Alloz, de Terremonde, & de Mene (avecques ceux des cinq membres de la Comté d'Alloz, qui contiennent soixante, & douze villes champêtres, & Seigneuries) de Boulers, Sotengien, Tournay, Gaures, & de Rides, avecques ceux de Regnais, & des Regalles de Flandres, situez entre Grandmont, & Tournay. Auquel marché desludit ils furent en estat depuis huiët heures de matin, iusques apres nonne qu'ils islirent de leur ville allans le chemin vers Calais: & les conuoya iceluy Duc de Bourgogne iusques aux champs, où il print congé d'eux, & s'en alla pour mettre à chemin ceux de la ville de Bruges. Si faisoit ce iour moult grand chault & ferueur de soleil, dequoy il en mourut d'icelle ville de Gand deux Capitaines, dont l'un estoit nommé Iean des Degrez, & fut Doyen des Nauieurs: & l'autre Gautier de Vvase-Reman Capitaine de Vvesmonstre, avecques aucuns autres de petit estat. Si estoient Capitaines generaulx d'icelle armée des Flamens: c'est à sçauoir lesdits Gantois, le Seigneur de Communes: de Bruges, le Seigneur de Fienhuse: de Courtray, Messire Girard de Chastelles: de ceux du Franc, le Seigneur de Merqueüe: & de ceux d'Ippre Iean de Communes. Et se logea l'ost pour celle premiere nuit à Deuise, & à Petangien, qui sont assis à lieüe & demie pres de la susdicte ville de Gand ou enuiron. Et le lendemain seiournerent là pour attendre leurs habillemens. Et apres le lundy ensuiuant se partirēt de ce lieu, & s'en allerēt par plusieurs iournées loger dehors de la ville d'Armétieres sur les praeries: & le meirent avecques en chemin ceux de Courtray, & d'Audenarde, qui sont de leur Chastellenie: & les conduisoit tousiours comme chief, & Capitaine le Seigneur d'Antoing, à cause de ce qu'il estoit Vicôte heritablemēt de la terre de Flandres. Auquel lieu d'Armentieres furent prins vingt, & vn homme & liez aux arbres deuant la tente de Gand, pource qu'ils auoient desrobbé aucuns du païs. Et de là s'en allerent lesdits Gantois parmy le païs de Laleu à Hazebrouch, où ils abbatirēt le moulin Chery de Hazebrouch: lequel commē ils disoient, auoit mal conduit les Flamens deuant Grauelines, qui n'agueres auoient esté desconfits par les Anglois: mais il s'en excusoit, en disant que ils ne l'auoient point voulu croire, n'vser de son conseil. Et de là s'en allerent deuers Drincam: auquel lieu vint deuers eux ledit Duc de Bourgogne leur Prince, & Sefigneur, & le Comte de Richemont Connestable de France, qui estoit venu en ces parties deuers ledit Duc de Bourgogne: & allerēt visiter les Gâ-

tois de lieu à autre, & prindrent la collation de vin en la tente de Gand, & de là passerent parmy Bourbourg, & allerent loger empres Grauelines, & abbatirent le moulin Georges de Vvez, pour le pareil cas, qu'ils auoient fait celuy dudit Chery de Hazebrouch. Auquel lieu vindrent ceux de Bruges, d'Ippre & du Franc, & d'autres lieux de celuy païs de Flandres: & s'assemblerent tous aupres l'un de l'autre, & meirent leurs tentes par belle ordonnance selon les villes, & estats dont ils estoient: si estoit vne moult grand beauté à les veoir: car a les veoir de loing se sembloïent bônes grans villes. Et quand est aux chariots, & aux charrettes, il y en auoit par milliers, qui portoiēt lesdictes têtes, & plusieurs autres habillemēs de guerre: & sur chacun chariot auoit vn coq pour chāter les heures de la nuit & du iour: & si auoit grand nombre de ribauldekins portans canons, couleurines, arbalestres, & plusieurs autres gros engins: & si estoient iceux Flamens ou la plus grand partie armez de plain harnois, selon la guise du païs. Et à leur departement de là se meirent tous ensemble en armes, & feirent monstres en la presence dudit Duc de Bourgongne, & du dessusdit Connestable de France, qui les regarda moult voulentiers. Et ce mesme iour se ferit en l'ost de Bruges vn loup, pour lequel il y eut tresgrand effroy & fut crié à l'arme par tout. Parquoy tous les osts se meirent aux champs, & pouoient bien estre trēte mille ou au dessus de testes armées, & adonques passerent la riuier de Grauelines, & se logerēt deuers Tournehem. Si feit en iceluy iour vn terrible tēps de pluye & de vens: pourquoy ils ne peurent tendre leurs tentes, & les conuint gesir sur les prez. Et la furent prins trois Picards, que les Gantois feirēt pendre, pource qu'ils auoient desrobbe les marchans de viures en l'hostel. Durant lequel temps le Comte d'Estampes, & tous les Gens-d'armes du dessusdit Duc de Bourgongne, qui estoient ordōnez pour ce mesme voyage, se tirerent vers les parties où estoient les dessusdits Flamens: si allerent par vn vendredy tous les osts de Flandres, & ausli les Gēs-d'armes loger aupres du dessusdit Chastel d'Oye, que tenoient les Anglois: lequel chastel, & forteressē d'Oye fut rendu & deliuré en assez brief terme, & se meirent en la voulenté du dessusdit Duc de Bourgōgne, & de ceux de la ville de Gād: laquelle voulenté fut telle qu'on en pendit deuant ledit chastel le mesme iour vingt & neuf, & depuis en furent penduz encores vingt & cinq: & si en y eut trois ou quatre qui furent † repitez à la requeste dudit Duc Philippe de Bourgongne, apres laquelle reddition iceluy chastel fut ars & brulé, & du tout demoly. Et quand est au regard des Picards & Bourgongnons là estans, nonobstant qu'ils soient assez aspres au pillage: neantmoins ils n'y pouoient auoir lieu pour riens conquerre n'auoir, car Hannequin, Vvinequin, Pietre, Liéuin, & autres ne l'eussent iamais souffert, ne laissé passer. Et qui pis est, quand ils s'entrebouttoient avec eux, & prenoient aucune chose sur leurs aduerfaires & ennemis, il aduenoit souuent, qu'avec ce leur estoit osté: & s'ils en parloient aucunement, ils auoient souuēt des durs horions. Si les conuenoit taire, & souffrir pour la grād puissance, qu'auoiēt les dessusdits Flamens, mais ce n'estoit point patiēment: & sembloit à iceux des communes de Flandres, que toutes besongnes on ne pourroit venir à bon

*Gens de Bruges effroyez pour vn loup.*

† saueuz.

bon chief, se par eux n'estoit, & mesmement estoient si presumptueux là plus grand partie, qu'ils auoient grād doubte, que ceux de la ville de Calais abandonnaissent leur ville, & qu'ils s'en fouissent en Angleterre: & disoient aucuns de leurs gens aux Picards, auxquels ils deuisoient souuentefois. Nous scauons bien puis que les Anglois scauront que Messeigneurs de Gand sont armez, & à puissance pour venir contre eux, qu'ils ne les attendront mie: & à esté trefgrāde negligence, que le nauire, qui doit venir par mer, n'à esté assis auāt qu'on les approchast, afin qu'ils ne s'en peussēt fouir. Toutesfois ils ne deuoient point de ce estre en soucy: car les dessusdits Anglois auoient bonne volenté d'eux deffendre contre eux: & pour verité le Roy Henry d'Angleterre, ceux de son Conseil, & tous les trois estats d'iceluy Royaume d'Angleterre, eussent auant laissé perdre toute la conqueste, qu'ils auoient faicte au Royaume de France depuis trente ans par auant, que ladiète ville de Calais, comme on fut depuis veritablement acertené, & informé: & aussi ils en monstrerent assez bien les manieres, & le semblant brief apres ensuiuant. En apres ledit chastel d'Oye ainsi demolly (comme dit est) tout l'ost, & les Gens-d'armes se deslogerent, & allerent loger entre le chastel de Marcq, & icelle dicte ville de Calais. Auquel iour le dessusdit Duc Philippe de Bourgongne avecques ses Gens-d'armes, s'en allerent courre deuant la ville de Calais, & islirent & faillirent les Anglois hors cōtre eux de pied, & de cheual, & y eut fort grande escarmouche, mais en fin lesdits Anglois furent reboutez, & gaignerent sur eux les Picards & Flamens, vaches, cheuaux, brebis, moutons, & plusieurs autres choses de la ville. Si se tint ledit Duc de Bourgongne avec ses gens grand espace de temps deuant ladiète ville, tant que les osts fussent logez, & puis retourna ledit Duc en son logis vers le chastel de Marcq: deuant laquelle forterefse allerent les Picards desusdits liurer vne moult grande escarmouche. Et fut depuis le bouleuert conquis, dont ceux de dedans se cōmencerent moult fort a esbahir de ce: & bouterent & meirent la bāniere de Mōseigneur S. George dehors vers la desusdicte ville de Calais, & si cōmencerēt à faire sonner leurs campanes & cloches, & feirent leans moult grans, & horribles cris. Et pource doubtrās qu'ils ne s'en fouissent par nuit, on meit grād guet tout à l'enuiron: & le lendemain furent assis plusieurs gros engins cōtre la muraille, desquels ils furent fort rompus. Si furent vn iour assailliz des Picards, & Flamens: mais ils se deffendirent moult vaillamment de pierres en ieçant à val & detrait, rāt qu'ils bleuserent, & naurerēt plusieurs de ceux de dehors, & les feirent retraire. Puis requierent ceux de dedans d'auoir trefues pour parlementer, lesquelles leur furent accordées. Et lors s'offrirent d'eux mettre en la volenté du Duc de Bourgongne, moyennāt qu'ils ne fussēt point penduz: mais on feroit son plaisir en autre maniere, à quoy ils furēt receuz: & fut deffé du sur peine de la hart, que nul n'entraist au chastel sil n'y estoit commis. Et adoncques furent ceux de dedans amenez par les quatre membres de Flandres en la tente de Gand: & fut ordonné qu'ils feroient chāges pour rauoir aucuns Flamens, qui estoient prisonniers dedās ladiète ville de Calais: Si furent amenez hors de ladiète forterefse cent & quatre Anglois:

*presumption  
et vanité des  
Flamans.*

*Escarmouche  
deuant Calais.*



*Escheuins bannis  
de Flandres.*

lesquels furent menez en prison en la ville de Gand par le Baillif dudit lieu. Et lors grand partie du commun allerent dedans ledit chastel, & prindrent ce qu'ils peurent trouuer. Mais aucuns de ceux de la bourgeoisie de Gād se meirent à l'entrée d'iceluy chastel, & tollurent, & osterent aux dessusdits, quand ils en issirent tout ce qu'ils auoiēt prins, & le meirēt tout en vn mōr, & disoient que ce faisoient ils par l'ordonnance des Escheuins de la ville de Gand: mais quand la nuit fut venue, ils le chargerent tout sur les chars & charrettes, & le menerent où bon leur sembla. Si en furent de ce accusez deuers les dessusdits Escheuins, dont ils furent bannis cinquāte ans hors du païs, & la Comté de Flandres. Pour lequel bannissēmēt s'esmeut grād murmure entre eux, & furent en grand peril d'auoir l'vn contre l'autre grand dissention. Et le lendemain ensuiuant furent decapitez sept hommes, qui auoient esté prins avecques les dessusdits Anglois, dont les six estoient Flamens, & le septiesme Hollandois: & apres ce fut la forteresse demollie, & du tout abbatue. Si se partirent de là: & s'en allerent loger les Flamens au propre lieu, où on dit que Iaquet d'Arteuelles auoit iadis mis ses tentes, quand Calais fut conquis de par le Roy Henry d'Angleterre apres la grād bataille de Cressy: & le Duc Philippe de Bourgongne à tout sa Cheualerie & ses Gens-d'armes, se logerent assez pres en tirant vers Calais. Et y eut ce iour trefgrand assault contre ceux de dedans, & en y eut de morts, & de naurez de chacune partie, entre lesquels la Hire fut nauré à la iambe d'vn traiçt, lequel estoit venu veoir ledit Duc de Bourgogne. Si furēt assis plusieurs engins pour iecter dedans icelle ville de Calais: & pareillement ceux de dedās en assusterent plusieurs contre ceux de l'ost, dont leurs aduersaires furent moult fort trauaillez, & conuint qu'ils se trahissent plus arriere. Si se logea ledit Duc de Bourgongne plus pres des Dunes cōtre les mōtaignes de Sablon: & ainsi qu'iceluy Duc cheuauchoit à petite compagnie pour aduiser la ville, vint vne grosse pierre de canon au plus pres de luy: laquelle occist vne trompette & trois cheuaux, dont celuy du Seigneur de Saueuses estoit l'vn. En outre lesdits Anglois faillioiēt tressouuēt dehors de pied, & de cheual: & en y eut moult de fois de tres dures escarmouches entre les deux parties: lesquelles ne se pourroient raconter chacunes à par-elles, ne nommer ceux, qui y besongnerent le pis ou le mieux: mais entre les autres i'ay oui relater à aucūns notables, & dignes de foy, que les Seigneurs de Habourdin, de Cresquy & de Vvaurin furent bien veuz, & louēz en aucunes d'icelles escarmouches, & moult d'autres notables, & vaillans hommes des païs de Picardie. Toutesfois les dessusdits Anglois emportoient aucunes fois la renommée pour la journée: & d'autre part les Picards les rebouttoient trop souuent iusques dedans leurs barrieres assez confusiblement. Et quant est aux Flamens, ils estoient assez peu cremeuz d'iceux Anglois, & leur sembloit, que s'ils n'eussent eu que trois Flamens contre l'vn d'eux, qu'ils en fussent venuz bien à chief. Si estoient avecques le Duc Philippe de Bourgongne en ceste exercite son nepueu de Cleues, le Comte d'Estampes, le Seigneur d'Antoing, qui gouuernoit lors les Flamens, le Seigneur de Croÿ, les Seigneurs de Crequy, de Fosseux, de Vvaurin, de Saueuses, de Habourdin,

*Danger du  
Duc de Bourgongne.*

din, de Humieres, d'Inchy, de Brimeu, de Launoy, de Huchin, & les freres  
 de Hallines, & de Fremellen, avecques plusieurs autres Seigneurs Gentils-  
 hommes tant de son hostel, & famille, comme de ses païs de Bourgongne,  
 de Flandres, de Brabant, de Hainault, d'Arthois & des autres lieux : toutes-  
 fois le dessusdit Duc de Bourgongne n'auoit point assemblé la moitié de la  
 puissance, quant au regard de ses Gens-d'armes des païs de Picardie. Et en  
 auoit esté renuoyez grand partie des monstres: dont moult de gens, qui  
 bien aymoient son honneur, estoient moult fort esmerueillez, & leur sem-  
 bloit, qu'à tous besoings il se fut mieux aydé d'eux, que du double de ses co-  
 munes. En outre Messire Iean de Croÿ, qui conduisoit la plus grand partie  
 des gens de guerre de Boulenois, avecques aucuns autres, qu'il auoit ame-  
 nez, fut enuoyé loger à l'autre costé plus pres de Calais en tirât deuers le pôt  
 d'Amillan: deuant lequel logis y eut grand parlement entre ses gés & ceux  
 de la ville. Mais assez brief en suiuant fut remâdé par ledit Duc de Bourgo-  
 gne, & enuoyé deuant Guisnes, où il se logea luy, & ses gens assez pres des  
 portes & murailles: deuant lesquelles furent dresséz, & assis plusieurs gros  
 engins qui fort les adommagerent. Avecques luy estoient le Galois de Rā-  
 cy Cheualier, Robert de Saucuses, & plusieurs autres notables hōmes, qui  
 en grand diligence approcherent de leurs aduersaires & ennemis: & les  
 meirent en moult grand doubte, & necessité d'estre prins de force, & tant  
 qu'ils abādōnerent leur ville, & se retrahirent dedās le chastel, où ils furent  
 de rechief tresfort approchez, assailliz, & cōbattus desdits assiegeans. Et par  
 auant leur venue audit lieu de Guisnes, s'estoit rendu audit Messire Iean de  
 Croÿ la forteresse de Vauclingen: & luy auoiēt deliurée les Anglois, moy-  
 ennant qu'ils s'en iroïēt sauf leurs vies, & aucune petite partie de leurs biēs.  
 Et pareillement rendirent lesdits Anglois le chastel de Sangathe à Messire  
 Robert de Saucuses: lequel y alla deuant entre-temps qu'il estoit au siege de  
 Guisnes, lequel chastel il garnit de ses gens. Durant lequel temps le dessus-  
 dit Duc de Bourgongne estant logé deuāt la forte ville de Calais (comme  
 dit est) auoit grand merueille de son nauire, qui deuoit venir par mer, &  
 demourroit tant: & d'autre part les Flamens en estoient tresmal contens, &  
 murmuroient tresfort à l'encontre du Conseil d'iceluy Duc de Bourgong-  
 ne, & de ceux qui auoient la charge de les conduire & mener, c'est à sça-  
 uoir Messire Iean de Hornes Seneschal de Brabant, & le Commandeur de  
 la Morée: mais iceluy Duc les rappaisoit & contentoit par doulces parolles,  
 disant qu'ils viendroient bien brief, comme ils luy auoient fait sçauoir par  
 leurs lettres, & n'auoient point eu vent propice iusques à present: parquoy  
 ils eussent peu venir plus tost. Si venoient chacū iour des nauires d'Angle-  
 terre dedās Calais à la plainē veüe de leurs aduersaires; vne fois plus, l'autre  
 fois moins, qui leur amenoient & apportoiēt des viures, nouuelles gés, ha-  
 billemens de guerre, & autres choses necessaires. Aussi n'estoit il pas si pres  
 approchez de leurs ennemis, que chacū iour ne meüssēt grād partie de leur  
 bestail dehors leur ville en pasture, qui faisoit moult grand mal à veoir à  
 ceux de dehors, & en y auoit souuent de grandes escarmouche, à cause, & à  
 l'occasiō d'iceluy bestail, pour cuider en gaigner. Et mesmemēt vn certain

*Escarmouches  
pour le be-  
stail.*

*Le Duc de  
Cloeestre pro-  
met de com-  
battre les Fla-  
mens.*

iour les seigneurs & bourgeois de Gand, qui plusieurs fois en auoient veu, & veoient souuent ramener par les Picards, s'apperceurent en eux mesmes qu'ils estoient grans, & forts, & bien armez, & qu'il pouoient aussi bien cōquerre, & auoir leur part dudit bestail. Si se meirent à chemin bien deux cens, & allerent le plus couuertement qu'ils peurent és marests aupres d'icelle ville pour prendre & amener la proye: mais ils furent tantoit apperceuz des Anglois: qui ne furent mie patiens quand ils veirent les desludies venir si pres d'eux, pour leur oster ce dont ils deuoiēt viure, & les recogneurent bien à leurs habillemens. Si se ferirent en eux vigoureuſemēt & en occirent bien vingt & deux, & en prirent trente trois qu'ils emmenerent prisonniers: & les autres retournerent à grand cours en leur logis: disant qu'ils y auoient grand perte & faisant grand effroy, & leur sembloit qu'ils estoient bien elchappez. Et y auoit souuent en l'oſt d'iceux Flamens de grans alarmes: car pour peu de chose ils s'esmouuoient tous, & se mettoient en armes, dont ledit Duc de Bourgongne leur Seigneur estoit desplaisant: mais il n'en pouoit auoir autre chose, & conuenoit que toutes belongnes se conduisissent en la plus grād partie à leur plaisir. Auquel temps vint deuers ledit Duc vn herault d'Angleterre nommé Kemibruch: lequel le salua moult reueremment: & luy dit, que Humfroy Duc de Cloestre son Seigneur, & Maistre luy faisoit ſçauoir par luy, qu'au plaisir de Dieu le combatteroit avec toute la puissance bien brief, ſ'il le vouloit attendre, & ſ'il se partoioit de ce lieu, il le querroit en aucuns de ses païs, mais il ne luy faisoit point ſçauoir le iour, pourtant que la mer & le vent ne sont point ſtables, & ne ſçauoit ſ'il pourroit paſſer à son plaisir. A quoy fut respondu par ledit Duc de Bourgongne, qu'il ne ſeroit point beſoing, qu'il le quist en nul de ses païs, & qu'il le trouueroit là, se Dieu ne luy enuoyoit aucune fortune: apres lesquelles parolles ledit herault fut grandement feſtoyé: & luy fut donné aucuns dons, à tout lesquels il ſ'en retourna en la ville de Calais: & le lendemain ledit Duc de Bourgongne ſ'en alla en la tente de Gād, où il feit aſſembler tous Capitaines, & nobles Cheualiers des Flamens; & là feit remōſtrer par Maistre Gilles de la Vouſtine ſon Conſeillier en la Chābre de ladite ville de Gād, comment le Duc de Cloestre luy auoit mādē par vn ſien herault, qu'il le cōbatteroit, & les respōces, qu'il luy auoit données. Parquoy il requeroit tresinſtamment, comme à ſes hūbles amis, qu'ils vouliſſent demourer avec luy, & luy ayder à garder ſon honneur. Laquelle requēſte ils luy accorderent, & promirent parfournir liberallement: & pareillement firent les Brugelins, & autres membres de Flandres. Adonc fut aduſé par ledit Duc de Bourgongne, & ceux de ſon Conſeil, qu'on feroit vne Baſtille ſur vne montaigne, qui estoit aſſez pres de la ville de Calais: par laquelle on verroit le gouuernement de leurs ennemis. Laquelle Baſtille fut commencēe de cheſnes & autres bois: & y furent aſſis aucuns canons pour iecter dedans la ville, & y furent mis, & ordonnez hommes de bonne garde pour faire le guet: de laquelle Baſtille leſdits Anglois eurent desplaiſance, doubtrant que par icelle leurs ſaillies ne feusſent rompues, & empeſchées, dont pour obuier preſtement, vindrent en grand nombre, & l'aſſaillirent moult



moult asprement: mais elle leur fut bien gardée, & puissamment deffendue des Flamens, qui la gardoient par le moyé, & cōseil d'aucuns nobles homes de guerre, qui s'estoient retraits: desquels estoit l'un le bon de Sauens. Et pourtant qu'en faisant ledit assaut ceux de l'ost de ce aduertiz, allerent au secours en grand nombre: se retrahirent les Anglois en leur ville sans riens gaigner, & en y eut plusieurs de naurez: Et le lendemain y'eut grād paletis, & plusieurs iournées ensuiuas: dont à l'une desquelles fut prins vn foit saige nommē le Seigneur de Plateaux: lequel, nonobstant sa folie, estoit assez roide & vigoureux homme d'armes. En apres le iedy ensuiuant qui fut le xxv. iour de luillet on cominēça à veoir venir le nauires de deuers Orient, lequel on auoit tant desiré, & de long temps attendu. Si monta le Duc de Bourgogne à cheual acompaigné d'aucuns Seigneurs, & autres gens de guerre, & alla sur la riuē de la mer. Et lors l'aduança vne barge le plus pres qu'elle peut: de laquelle saillit hors vn homme, qui en montant vint deuers ledit Duc, & luy compra que c'estoit son nauires que venoit pour lesquelles nouuelles en feit grand ioye par tout l'ost, & coururent plusieurs sur les dunes de la mer pour le veoir: mais les Capitaines en feirent retraire ce qu'ils peurent. Et le soir ensuiuant à la venue de la mer, vindrent aucuns dudit nauires qui estoient à ce commis, & effondrerēt au haure de Calais quatre nefes, qui estoient plaines de pierres bien maisonnées, & ancrées de plomb: afin de rompre, demollir, & desoler le pāsage, que ceux d'Angleterre n'y peussent plus venir n'aller à tout leur nauires: & alors ceux de dedās se cōtinuellement de leurs engins vers le port, pour adōmager les vaisseaux, & en effōdrerēt vn. Et encores le lēdemain par les desusdits furēt effōdrez deux vaisseaux en iceluy Haure, qui estoient maisonnez comme les autres. Mais à brief dire tous les desusdits vaisseaux, qui y furent mis par ledit Duc de Bourgogne furēt tellement assis, que quand la mer fut retraicte, ils demourerent en la plus grād partie sur le sablo à petite profōdeur d'eau. Et pourtant les Anglois de ladiēte ville tant femmes comme hommes y coururent à grand effort, si les despiecerent, & ardirent à grand exploict par telle maniere, qu'il en demoura assez petit: & feirent charier, & en mener grād partie du bois en ladiēte ville. Nonobstant qu'on tiroit asprement de canons apres eux, dont le desusdit Duc, & les siens eurent grand merueille, & ceux qui les auoient amenez: c'est à sçauoir Messire Iean de Hornes, le Commandeur de la Morée, & plusieurs autres Seigneurs de Hollande se departirent le lēdemain si loing, qu'on perdit la veüe d'eux, & se retrahirēt vers la merche, dont ils estoient venus: car bonnement ne pouoient demourer sur les marches d'entre Calais, & Angleterre, pource que souuent la mer y est tresperrilleuse, & plus qu'en autres lieux, comme dient les marinieres. Et avec ce ils estoient assez aduertiz, que l'armée d'Angleterre estoit preste pour passer: contre laquelle ils n'auoient point puissance de resister: pour lequel departement des desusdits, les Flamens furent fort troublez. Si commencerēt de là en auant à murmurer l'un cōtre l'autre en disant, qu'ils estoient trahis par les Gouverneurs de leur Prince, & qu'on leur auoit promis à leur departement de Flādres, que la ville de Calais seroit aussi tost assiegée par mer que

Nefs Bourguignonnes brulées.

par terre. Si auoient leurs Gouverneurs, & Capitaines assez à faire à les rap-  
 paier & entretenir. Et entre-temps le Duc de Bourgogne qui par tous  
 les pais auoit mandez ses nobles gens de guerre, pour en estre accompa-  
 gner à la descendue des Anglois, laquelle il attendoit chacun iour, il feit ad-  
 uiser par aucuns de ses Cheualiers feables, & en ce cognoissans vn champ,  
 & place la plus aduantageuse, que faire se pouoit, pour luy & les siens met-  
 tre en bataille contre ses aduersaires, quand ils viendroient : & afin d'auoir  
 aduis sur toutes les besongnes, & affaires, le xxvij. iour de Iuillet assembla  
 grand partie de ceux de son Conseil, avecques eux plusieurs de ses Capitai-  
 nes, & Gouverneurs des communes : ausquels il remonstra & feit remon-  
 strer l'intention, & vouldenté qu'il auoit contre ses aduersaires : de laquelle  
 les dessusdits estoient assez contens : mais le propos desdictes communau-  
 tez fut assez tost mué : par ce en partie, qu'en ce mesme iour ceux de la ville  
 de Calais faillirent hors de leur ville en moult grand nombre tant de pied  
 comme de cheual, & vindrent soubdainement : c'est à sçauoir ceux de pied  
 à la Bastille, dont dessus est faicte mention : & ceux de cheual allerēt courre  
 entre l'ost, & ladicte Bastille, pour empescher qu'icelle ne peut si hastiue-  
 ment auoir secours, ne ayde. En laquelle bastille estoient de trois à quatre  
 cens Flamens. Et adoncques fut crié à l'arme par tout l'ost, & y eut moult  
 grand effroy. Si faillirent gens de toutes parts en moult grand multitude,  
 & abondance, pour aller au secours des dessusdits : & mesmement ledit Duc  
 de Bourgogne y alla en sa propre personne tout de pied. Mais les dessus-  
 dits Anglois asfaillirent treshierement, & asprement iceux Flamens de la  
 Bastille : & pourtant qu'ils les trouuerent de meschante & pauvre deffence,  
 icelle Bastille ne leur dura gueres : mais fut briefuement cōquise, & gaignée  
 auant qu'on y peust venir. Si y furent tuez enuiron huit vings Flamens,  
 & vne grand partie des autres prins & menez prisonniers : desquels quand  
 ils furent auprès des portes de Calais, ils en meirent à mort la moitié large-  
 ment : pource que lesdits Anglois sceurent que les Flamens auoient mis à  
 mort vn de leurs Cheualiers, qui auoit esté prins par les Picards, qui  
 estoient de cheual à ceste escarmouche, pour laquelle prinse & occision, le  
 Duc eut moult grand desplaisance. Et d'autre part les Flamens qui festoient  
 mis en la Bastille, se retrahirēt moult troublez, & ennuieux pour leurs gés,  
 qu'ils veirent ainsi estre occis & tuez : & s'assemblerent en ce propre iour di-  
 uers trouppes disant l'vn à l'autre, qu'ils estoient trahis, & que riens ne leur  
 estoit entretenu de chose, qu'on leur eut promis : & aussi qu'ils perdoient cha-  
 cun iour leurs gens, & n'y mettoient les Nobles nulle prouision : & finable-  
 ment ils langagerent tant ensemble qu'en fin (nonobstant les remonstran-  
 ces qui leur furent faictes) ils conclurent d'eux desloger, & retourner en leur  
 pais. Et avecques ce en y auoit aucuns, qui estoient en grand vouldenté d'oc-  
 cire aucuns des Gouverneurs de leur dit Duc : lequel quand il fut aduertý,  
 qu'ils auoient pour parlées les choses dessusdictes, fut moult troublé & des-  
 plaissant, considerant la charge, & deshonneur qu'il pouoit auoir, s'il luy  
 conuenoit partir de là, attendu le mandement de Humfroy Duc de Cloce-  
 stre son aduersaire, qui luy auoit esté nōcé par le herault Anglois, & la res-  
 ponce

*La Bastille des  
 Flamens gai-  
 gnée.*

ponce que ledit Duc luy auoit baillée. Si alla en la tenté de Gand, où il feit assembler grād nombre des dessusdits, ausquels il requist le plus qu'il peut, qu'ils voulsissent demourer avecques luy, & attēdre la venue des Anglois: de laquelle ils estoient assez acertenez, qu'ils arriueroiēt dedans brieſs iours ensuiuans: disāns outre, que s'ils se partoieiēt sans attendre ses ennemis, & les combattre, ils feroient à luy, & à eux le plus grād deshōneur, qui oncques fut fait à Prince: ainsi alors & plusieurs autres fois furent par ledit Duc, & son Conseil faictes plusieurs remonstrāces raisonnables à icelles communes, mais finablement ce fut peine perdue: car ils estoient du tout affermez, & obstinez l'un avec l'autre d'eux partir. Et pource à tout celles remōstrāces faisoient comme la sourde oreille, sinō aucuns des principaux, qui respondoient courtoisement en eux excusant. Pour lesquels ceux qui estoient dessous eux au besoing eussent fait assez petit: & adonques le dessusdit Duc de Bourgongne voyāt le dangier, où il s'estoit bouté sous l'ombre & instance des dessusdictes communes: considérant aussi le blasme qu'il luy conuenoit recevoir à cause de son parlement, il ne fait point à demander s'il auoit au cuer grād desplaisance: car iusques à ce toutes ses entreprinſes luy estoient venues assez à son plaisir, & icelle qui estoit là plus grande de toutes les autres de son regne luy venoit au contraire. Toutesfois luy conuint souffrir la rudesse, & grand sottie de ses Flamēns: car il n'y pouoit pourueoir, jaſoit-ce que par plusieurs fois se meit en peine d'eux retenir aucuns peu de iour: neantmoins voyant qu'il perdoit son temps de les plus auant requerre, il se conclud avecques les Seigneurs de son Conseil de desloger avecques eux: & leur feit dire, que puis qu'ils ne vouloient plus demourer, ils l'attendissent iusques au lendemain: & qu'ils se partiſſent par bonne ordonnance à tout leurs habillemens, qu'ils chargeroiēt: & que leurs aduersaires ne leur portassent nul dommage, & il les reconduiroit à tout les gēs iusques outre l'eāue de Grauelines. A quoy les aucuns respondirēt, qu'ainsi le feroient ils: & la plus grand partie disoient, que ils estoient assez puissans pour eux en retourner sans auoir conduicte. Et en y auoit grand partie, qui à toutes fins vouloient aller au logis du Duc de Bourgongne tuer le Seigneur de Croy, Messire Baudo de Noyelle, Ieā de Brimeu pour lors Baillif d'Amiens, & aucuns autres de son Conseil, disāns, que par leurs exhortatiōs auoit ce voyage esté entrepris: lequel n'estoit point bien possible de l'acheuer, comme ils disoient, veu le gouuernement, & les manieres qu'on y tenoit. Lesquels trois Seigneurs dessus nommez ſachans la mutation d'iceux Flamens ainsi estre faicte contre eux, se departirent de l'ost à priuée mesgnie, & se retrahirent au logis de Messire Ieā de Croy deuāt Guisnes. Et iceux Flamens entre le Samedy, & le Dimenche commencerent à d'estendre par leur ost tētes, & pauillons, & charger leur bagues pour eux en aller: & estoient les Gantois les principaux faizans ceste mutation. A l'exemple desquels tous les gens de guerre, & marchans là estans, troussèrent tout ce qu'ils pouoient auoir de leursdictes bagues: mais pour le soubdain parlement y demoura des vins, viures, & autres biens treslargement: & conuint effondrer plusieurs queūes de vins, & autres bruuages à la perte, & dom-

*Inconſtāce des communes.*

*Sottise & presumption des Flamens*



maige, desdits marchans. Et aussi furent laissez plusieurs gros engins, & autres habilemens de guerre, qui estoient audit Duc de Bourgongne: pource qu'on ne pouoit trouuer de chars, ne de cheuaux pour les emmener: & pareillement y demoura grand quâtité des biens & habillemens, que y auoient amenez les Flamens. Si se commencerent à desloger en faisant tresgrand bruit, crians tous en vne voix en tresgrand multitude, *gaubbe gaubbe nous sommes tous trahis*. Qui vault autant à dire, allôns, allôns en nos pays. Auquel departement bouterent les feux en leurs logis: & commencerent à tirer vers Grauelines sans tenir ordonnance. Et lors ledit Duc de Bourgongne, qui auoit au cuer tresgrand tristesse à tout ses nobles hommes, & gens de guerre, se meit en bataille par bonne ordonnance vers ladiète ville iusques à tant qu'iceux Flamens fussent eslongnez pour les garder, afin que les Anglois de Calais ne saillissent dehors pour ferir sur eux. Et apres par bonne ordonnance mettât ses meilleurs Gens-d'armes derriere par maniere d'arrieregarde; suiuit son ost, qui estoient desia vers le chafel de Marë. Si se meirent lesdits Flamens illec vn petit en ordonnance, & s'en allerent loger empres ladiète ville de Grauelines, au mesme lieu où ils auoient logé au passer: routesfois les Brugelins estoient tresmal contens de leur honteux departement. Et pourtant qu'à ce iour n'auoient point leurs cheuaux pour ramener leurs gros engins, qu'ils auoient là amenez, en chargeant aucuns sur leurs chars, & à force, & puïssance de gens les ramenerent iusques audit lieu de Grauelines au mesme lieu, où ils auoient logé au passer. Auquel iour ledit Duc de Bourgongne manda à Messire Jean de Croy, qui estoit deuant ladiète ville de Guînes, qui se deslogeast à tout ses Gens-d'armes, & s'en vint deuers luy sans delay. Lequel oyant le mandement de son Seigneur, & sçachant que l'ost estoit deslogé, feit apprester ses gens, & se tira en bonne ordonnance enuers son dit Seigneur le Duc: mais aucuns gros engins demourerent là, par ce qu'on ne les pouoit charger sur les chars avec grand quantité d'autres biens: pour lequel departement ceux dudit chafel de Guînes eurent moult grand ioye & liesse: car ils estoient fort cōtraints, & en grand necessité, comme pour eux rendre: & dedans briefs iours ensuyuans saillirent dehors, en faisant tresgrand huée apres leurs ennemis. Et pareillement quand ceux de Calais veirent, & sceurent le departement de l'ost, ils en furent moult ioyeux: si issirent hors en grand nombre pour recueillir les biens, qui estoient demourez, desquels y auoit treslargement. Et lors enuoyerēt plusieurs messages en Angleterre nonçer ceste aduenture: & ledit Duc de Bourgongne qui estoit logé à Grauelines tant desplaisant & ennuyeux (comme dit est) print cōseil avec les Seigneurs, & nobles hommes, qui là s'estoient retraits avec luy sur ses affaires, en luy cōplaignant de la honte, que luy faisoient ses communes de Flandres: lesquels aucuns luy remonstrerent amiablement, qu'il print en gré & patiemment ceste aduenture, & que c'estoit des fortunes du monde: & puis luy dirent & cōseillerent, qu'il se pourueut au surplus par la meilleure forme, & maniere que faire se pourroit: c'est à sçauoir qu'il fournist ses villes, & fortrefses sur les frontieres de Gens-d'armes, de viures, & habillemens de guerre pour

tab. 5. 3. 15001

Honteux departement du siege de Calais.

pour resister contre ses aduersaires, qu'on attendoit chacun iour, lesquels comme on pouoit supposer, s'efforçoient de greuer luy, & les siens par diuerses manieres, attendu les entreprinſes qui auoient esté faiçtes cõtre eux, & luy de ſa perſonne ſe retrahit plus auant en l'une de ſes villes, & manda par tous les pays gens de guerre pour ayder, & ſecourir ceux, qui en auroiẽt beſoing. Apres laquelle concluſion iceluy Duc requiſt à pluſieurs Seigneurs, & nobles hommes laeſtant moult inſtamment, qu'ils vouliſſent demourer en icelle ville de Grauelines: laquelle pouoit eſtre moult preiudiciable à tout le pays, ſi elle n'eſtoit bien gardée: & leur promettãt ſur ſon honneur, que ſils auoiẽt aucun beſoing, & ils ſeuſſent aſſiegez, il les ſecourroit ſans point de faute quelque peril, ou dommage qu'il y deũt auoir: lesquels luy accorderent, & demourerent là le Seigneur de Creſquy, le Seigneur de Saueuſes, Sire Symon de Lalain, Sauſſe ſon frere, Philebert de Valdray, & pluſieurs autres notables vaillãs, & experts hommes de guerre. Et d'autre part furent enuoyez à Ardre Meſſire Loys de Thieubronne, & Guichart ſon frere, & aucuns autres de deuers la marche de Boulenois: & és autres lieux furẽt mis Gẽs-d'armes ſelon les eſtats des villes, & fortereſſes pour la garde d'icelles. Si eſtoĩẽt là preſens pluſieurs Seigneurs de ſon Cõſeil, par le moyẽ deſquels icelle entreprinſe auoit eſté miſe ſus, qui de ceſte male aduenture eſtoient deſplaiſans. Si ne le pouoient auoir autre, & leur conuenoit ſouffrir, & ouyr les parolles du monde. En outre apres ce que ledit Duc eut (comme dit eſt) tenu ſon Conſeil avec ſes gens, & conclud les choſes deſſuſdictes, il ſeit requerre aux Flamens, qu'ils demouraeſſent encores avec luy vn peu de iours pour attendre la venue de leurs ennemis. Laquelle requette ne voulurent accorder, pour les perils dont ils ſe doubtoĩẽt: & allerẽt deuers luy pluſieurs des Capitaines le Mardy dernier iour de Iuillet, requerrir audit Duc, qu'il leur donnãt congé de retourner en leurs propres lieux. Lequel voyant qu'il ne les pouoit retenir en nulle maniere du monde leur accorda, & leur donna congé d'eux en aller: car il apperceuoit bien, qu'ils n'y feroient ja beau faiçt, puis qu'ils n'auoient à ce courage. Si ſe partirẽt & ſ'en allerẽt par pluſieurs iournées iuſques en leurs villes: mais ceux de Gand ne vouloient point rentrer dedãſ leur ville, ſils n'auoiẽt chacun vne robbe aux deſpens de leurdictẽ ville, ainſi qu'anciennement eſtoit accouſtumé de leur bailler, quand ils reuenoient d'aucune armée: laquelle choſe on leur refuſa, pource qu'il ſembloit aux Gouverneurs d'icelle ville de Gand, qu'ils ſ'eſtoient trefmal portez: & quand ils eurent reſponcẽ, ils rentrerent dedans tout murmurat, & mal contés des deſſuſdits Seigneurs, & Gouverneurs. Si auoient eſté au departir de deuãt Calais, & au deſloger, miſes en feu, & deſolées les fortereſſes de Balinghem, & de Sangathe. En apres le Duc de Bourgongne partant de Grauelines, ſ'en alla à l'Ille, & ſeit publier par tous ſes pays, que routes gens de guerre, qui eſtoient accouſtumez d'eux armer, ſeuſſent preſts pour aller deuers luy, pour aller où il les enuoyeroit, pour reſister à l'encõtre de l'armée des Anglois ſes aduersaires: laquelle, cõme dit eſt, on ſçauoit aſſez qu'elle eſtoit preſte pour venir deſcendre au Haure de Calais: & meſmement apres ce que ledit Duc de Bour-

gongne, & son ost furent delogez de deuant Calais, arriua ledit Duc de Clocestre avecques son armée d'Anglois.

*Comment Messire Florimont de Brimeu Seneschal de Ponthieu, cōquist la ville du Crotoy.*

**D**V R A N T le temps, que le Duc de Bourgongne estoit au voyage de Calais, Messire Florimont de Brimeu Seneschal de Ponthieu, Richard de Richaumes Capitaine de Rue, Robert du Quesnoy Capitaine de S. Vallery, & autres des frontieres vers Crotoy, fasssemblerent vn certain iour à tout le nombre de quatre cens combattans ou enuiron: & allerent de nuit eux mettre en embusche sur les greues vers la ville, & forteresse du Crotoy, & enuoyerēt le dessusdit Robert du Quesnoy à tout trente cōbattās, ou enuiron au matin, passer par vn bastel deuant ladicte ville, & forteresse pour faire saillir les Anglois de leans apres eux ce qu'ils feirent: & quand ils apperceurent que lesdits Anglois les pouoient bien veoir, ils feirent semblant que ledit bastel fut feru en terre, & qu'ils ne peussēt passer de là ne eux de là partir: & mesmemēt dix ou douze de leurs gens sortirent en l'eäue, qui faisoient semblāt de vouloir bouter iceluy bastel par force du lieu, où il estoit assis. Si faisoient moult fort les embesongnez: & lors Henry, Iean, Richard, & Thomas voyans de leurs murailles l'esbatemēt d'iceux galans, & la maniere qu'ils tenoient, desirās de les aller ayder & secourir: mais non pas au plaisir d'iceux trauaillās, mais pour vouloir conquerre proye; faillirent hors sans delay: & coururēt vers iceluy bastel pour le prendre: mais ils furent tantost forcloz par ceux de ladicte embusche. Lesquels les assaillirent fieremēt, & en occirēt sur la place † mieux de soixante quatre, & si en y eut de prins de trente à quarante: & par ainsi demoura icelle ville, & forteresse du Crotoy fort desgarnie de gens, & en y eut plusieurs naurez de la partie dudit Seneschal. Lequel Seneschal, & ceux qui estoient avec luy, sçachans par lesdits prisonniers, que dedans la ville, & forteresse dudit Crotoy auoit demouré peu de gens de deffence, s'asssemblerent de rechef plusieurs hommes de guerre sur la marche à l'enuiron, & les mena loger deuant ladicte ville: & au bout de quatre ou cinq iours ensuiuans, les fait assaillir, laquelle fut prinse d'assault à petit dōmage de ses gens, & ceux qui estoient dedans la ville, se retrahirent dedās le chasteel, deuant lequel se logerent les dessusdits: & feirēt dresser aucuns engins contrē iceluy, qui petit ou neant le dōmagerent, car il estoit excellentemēt fort. Et apres qu'iceluy Seneschal eut là esté certaine espace de tēps, voyant qu'il estoit mal possible d'icelle forteresse conquerre, se deslogea, & fait abbatre, & demolir la fortification de ladicte ville. Si se retrahit avec les siens es lieux, dont ils estoient venus, & emporterent les biens, qu'ils auoient conquis en ladicte ville. En apres iceux Anglois du Crotoy auoient deux basteaux nommez Gabannes: par le moyen desquels ils trauailloient souuēt ceux d'Abbeuille, & par especial les pescheurs: si enuoyerent les dessusdits d'Abbeuille de nuit aucuns de leurs gēs à tout vn bastel assez pres du Crotoy, & en y eut aucuns, qui en nageant, allerent attacher agrappes de fer par dedans l'eäue aux basteaux dessusdits: ausquelles agrappes y auoit de bien

† plus

Bateaux des  
Anglois  
amenez à  
Abbeuille.



bien longues cordelles , par lesquelles cordelles iceux nauires furent tirez dehors , & amenez audit lieu d'Abbeuille , dont les Anglois furent malement troublez.

*Comment Humfroy Duc de Clocestre arrina à Calais à tout grand nōbre de Gens-d'armes, & entra en Flandres, & en Artois, & en autres pays du Duc de Bourgongne, où il feit moult de dommages.*

**A** PRES que le Duc de Bourgongne, & les Flamēs se furent deslogez de deuant Calais, si comme dit est ailleurs , arriua dedās briebs iours apres ensuiuans le Duc de Clocestre au haure de la dessusdictē ville de Calais à tout dix mille combattans Anglois ou enuiron : & venoient en intention de combattre ledit Duc de Bourgongne, & toute sa puissance , s'ils l'eussent trouué : & pourtant qu'il estoit party, se meir à chemin pour aller vers Grauelines : & de là se tira en Flādres, & passa par plusieurs gros villages cōme Poperniche, Bailleul , & plusieurs autres : lesquels il desola par feu, & plusieurs faulsbourgs de villes, dont par tout ne trouuoit gueres de deffence : mais tout le monde s'en fuyoit deuant luy, & nuls Flamens , ou peu ne l'osoient attendre, & enuoya grand proye de bestail, & d'autres biens : si y feirent de moult grās dommages, sans perdre de leurs gens, ou bien peu : mais ils endurerent grād faim par faute de pain. Si passerent le Neuf-chastel, & ardirent Rimesture, & Valon-chappelle : & puis entrèrent en Artois, & allerent à Arques, & Blandesques, là où ils feirent des escarmouches : mais ils bouterent les feux par tous les lieux, où ils peurent aduenir. Et passerent par empres la iustice de S. Omer, & par tout en ses villages à l'enuiron ils feirent moult de dōmages, & descendirēt autour de Tournehin, Esprelecques, & Bredenarde, là où ils feirēt escarmouches des Capitaines des chasteaux à l'enuirō. Et Cavvart, & autres compagnons de l'Angle y furent blecez, qui par force en rebouterēt hors de leurs villages, & d'autres de leurs chasteaux : dont ils furent en icelles marches, & autour d'Ardre plus reboutez : & y eut plus de gēs blecez, que par tout Flādres, où ils auoient esté. Et se retrahirent vers Guisnes, & Calais, pource que plusieurs de leurs gēs prindrēt maladies par necessité de pain : dont ils n'auoient point à leur plaisir : dont aucunes bonnes femmes, qui leur en donnoient sauuerent leurs maisons : & aussi gaignerēt en d'aucuns lieux de bon bestail en grand nombre qu'ils amenoient de Flādres, dōt les conduiseurs n'en pouoient point bien venir à chief de les cōduire, pource qu'en aucuns lieux netrouuoient point d'eāue pour les abruuer, dont elles s'espartoiēt : & ceux qui pēsoient à les retourner, estoient surprins souuentesfois de leurs aduersaires, quand ils s'eslongnoient trop de l'auātgarde, & de la bataille. Et en ce temps Messire Thomas Kiriell, & le Seigneur de Faulquemberge assemblèrent au Neuf-chastel d'Incourt enuiron mille combattans , lesquels ils menerent passer la riuere de Somme à la Blanche-tache, & allerent loger à Forest-Monstier : & de là alla à Broye sur la riuere d'Authie, où ils furent quatre iours : & prindrent le chastel d'assault, qui n'estoit point gramment fort, ne de grand valeur, & appartenoit au Vidame d'Amiens. Si y furent

morts vne partie des deffendeurs, & cinq ou six des assaillás : pour la prinse duquel le pays fut en grand effroy, doubtant que les Anglois ne se voulsissent là loger : car pour ce temps y auoit bien petite prouision quant à la garde du pays, mais les Anglois auoient trouué en icelle ville, & en plusieurs autres, qu'ils auoient courues, & prins, des bienstreslargement, & grád foison de prisonniers, à tout lesquels ils s'en retournerét audit passage de là Blanche-tache, par où ils estoient venuz : & de là en leurs garnisons sans faire perte de leurs gens, qui face à escrire, & feirét pour iceluy voyage de grans dommages ou pays de leurs ennemis, & aduersaires.

*Comment les Flamens se remeirent en armes depuis qu'ils furent retournez de Calais en leurs villes.*

**A** PRES que les communes de Fládrés furent rétrées dedans leurs villes, comme dit est dessus, leur vindrent dedans briefts iours ensuiuans nouuelles, qu'une grand foison de nauires d'Angleterre estoïët arriuées deuers Septentrion sur la marche de Fládrés entour Bielinghe, ayans intention d'entrer où pays : & pource de rechef les bonnes villes remanderent toutes leurs gens du plat pays, & se remeirent en armes à toute puïssance, & allerent hastiuement sans grand charroy deuers Breuelier, & se logerent sur la mer à l'encontre dudit nauiere d'Angleterre, qui estoit là enuiron. Et estoit ce nauiere là pour occuper & donner empeschement à ceux du pays, afin qu'ils ne se retrahissent deuers l'ost du Duc de Clocestre, qui estoit en la marche de Poperinche, & Bailleul : lequel nauiere l'auoit là mené, & n'y estoit pour lors dedás que les mariniers, & aucun peu de gens pour le garder : pourquoy ils n'auoient mie volenté de prendre port pour entrer oudit pays. Si se departirét en assez briefts iours ensuiuans, & retournerent à Calais. Apres laquelle retraicte, & departement lesdits Flamens se retrahirent chacune compagnie en leurs places. Mais les Gantois qui bien sçauoient, qu'on leur bailloit là plus grád charge du departement de Calais, qu'à tous les autres, dont ils estoient tres malcôtens, ne vouloient mettre ius leurs armes. Si contendoient à faire de grans nouuelletez, & estoient en moult grand discord l'un contre l'autre : parquoy il couint que leur Prince y allast : lequel là venu luy feirét bailler plusieurs articles de remonstrances : desquelles en y auoit aucunes, qui vouloient sçauoir, pourquoy le siege n'auoit esté mis par mer deuant Calais, comme par terre, si comme il auoit esté cõclud : & aussi pour qu'elle raison le nauiere d'Angleterre n'auoit esté ars, comme on auoit ordonné. A quoy on leur feit responce de par le Duc de Bourgongne, qu'au siege par mer il leur estoit impossible, cõme bien sçauoient les mariniers à ce cognoissans, que nauiere y sceust arrester par fortune de mer, sans peril d'estre bouté forciblement par deuers la terre en diuers lieux en la subiectiõ de ses ennemis : & avecques ce les Hollandois, qui luy auoiët promis vne ayde, & accordée pour fournir ledit nauiere, luy auoiët failly de promesse. Et au regard du nauiere d'Angleterre, qui n'auoit point esté brulé, les gens & vaisseaux, qui auoiët à ce esté ordõnez à l'Escluse, pource faire n'auoient nullemét eu vêt propice

Gantois en  
armes.

propice pour y aller , mais leur auoit tousiours esté contraire. Et quant à plusieurs autres points , qu'ils requeroient : c'est à sçauoir d'auoir trois Capitaines pour gouuerner la ville de Gand, pour faire procession par le pays à main armée, de garnir les forteresses des gens natis du pays de Flandres, d'appaier le discord d'entre ceux de Bruges , & de l'Escluse, & de plusieurs autres besongnes requises par eux: leur fut par iceluy Duc faicte si bõne, & raisonnable responce , qu'ils furent assez contens de luy , & se retrahirent ceux qui estoient armez ou marché des Vendredis en grand multitude en leurs maisons : & laisserent leurs armes ; jaçoit ce qu'ils eussent esté fort esmeuz de premiere venue. Et auoient aux archiers de leur Prince fait <sup>*Insolence du peuple.*</sup> mortre ius leurs bastons , qu'ils portoient apres luy , disans qu'ils estoient fors assez pour le garder. En apres furent banniz de Gand Messire Rollant de Haultekaerque, Messire Colard de Communes, Messire Gilles de la Voustine, Enguerran Auvviel, & Iean Daudain, pour ce qu'ils ne s'estoient remõstrez cõme Bourgeois ainsi cõme les autres, quãd il auoit esté publié. & escriuirēt lesdits Gãtois à ceux de leur Chastellenie, que qui pourroit prendre l'un des dessusdits banniz, & le mettre en leurs mains, il auoit pour son salaire trois cens liures tournois, avecques raisonnables despens : & depuis furent faictes plusieurs ordonnances pour la garde, & deffence du pays. Si furēt cõmis plusieurs Capitaines: desquels le Seigneur d'Estrêhuse fut establi Capitaine, le Seigneur de Cõmunes à Gãd, Messire Girard de Tournay à Audenarde, Messire Girard de Gistelles à Courtray : & pareillement furēt commis par toutes les autres villes aucuns Nobles, & gens de guerre selon l'estat d'icelles , tant † selon les frontieres vers Calais comme sur la mer & † sur, ailleurs. En outre fut publié que nul ne se partit du pays pour cause de la guerre, & sur grande amende: & que chacun se pourueult, & garnist d'armes selon son estat, & puissance : & aussi que toutes bonnes villes, & forteresses fussent reparées, & fournies de viures, & habillemens de guerre : & avecques ce que tous fosses, & barrieres fussēt visitées, & reedifiées es lieux, & es places accoustumez, & tout aux despens du pays, & ceux dessous qui les reedifications se deuoient faire. En apres pour mieux faire que laisser, <sup>*Le Duc aduoue le depart des Flamens de deuant Calais.*</sup> conuint que ledit Duc dessusdit diēt de sa propre bouche aux Gãtois, qu'il estoit bien content d'eux pour la departie de deuant Calais , & qu'ils s'en estoient retournez par sa licence, & ordonnance: car c'estoit tout leur desir & affection, que d'en estre excuséz, pource qu'ils sçauoiēt, & cognoissoiēt bien, qu'ils s'en estoient partiz trop honteusement. Et quand toutes ces besongnes dessusdictes furēt ainsi remises en reigle, comme dit est, ledit Duc s'en retourna à l'Isle : & lors vindrēt deuers luy le Seigneur de Chargny, & aucuns autres & vaillans hommes , qui amenerent des parties de Bourgogne enuiron quatre cens combattans, qui furent mis en garnison sur les frontieres de Boulenois. Et puis apres brief ensuiuant vindrēt, & arriuerēt les Seigneurs d'Ansy , & de Vvarëbon à tout encores quatre cens combattans Sauoisiés : lesquels adommagerent moult les pays d'Arthois, Cambresis vers Tournay : & puis apres les mena le Seigneur de Vvarembon en garnison à Ponthoife, là où ils furent grande espace de temps. Si estoiet



lors par toutes les parties du Royaume de Frâce, les Eglises, & le poure peuple oppressé, & trauaillé, à l'occasion de la guerre, & n'auoient comme nuls deffendeurs. Et nonobstant la paix d'Arras faicte, les François & Bourguignons vers les pays, & marches de Beauuoisis, Vermédois, Santhois, Laonnois, Châpaigne, & Rethelois faisoient moult souuét de grâdes entreprinſes les vns sur les autres, & prenoient querelles nō raisonnables l'un cōtre l'autre. Pourquoy il aduenoit moult de fois, que les pays dessusdits tāt d'un costé, cōme d'autre, estoient couruz & pilléz, & auoient autāt, ou plus à souffrir, cōme parauāt là dessusdicte paix d'Arras. Si n'y pouoient les pources laboureurs mettre autre prouision, sinon de crier miserablēmēt à Dieu leur createur vengeance : & qui pis estoit, quand ils obtenoient aucun sauſconduit d'aucuns Capitaines peu en estoit entreteñu, mesmement tout d'un party. Et entre-temps que ces besongnes se faisoient Messire Ieā de Hornes Seneschal de Brabant, qui auoit eu la charge avecques le Cōmandeur de la Morée de conduire le nauire par mer, & aller deuant Calais, quand le Duc de Bourgōgne y estoit, fut rēcōtré par aucuns Flamēz sur les Dunes de la mer, ainsi qu'il alloit à les affaires à petite compagnie: lesquels le meirēt à mort, dont ledit Duc de Bourgōgne eut au cuer tresgrād desplaisance. Et d'autre par apres que ledit Duc eut rappaisé les Gātois, comme dit est cy dessus: & qu'il eut entendu que toutes les communes de la Cōté fussent biē vnies: si s'esmeurent les Brugelins en tresgrād nōbre pour aller assieger l'Escluse, & se tindrent en armes sur le marché par moult long temps. Et entre-tēps meirent à mort l'Escontecte de la ville, qui estoit vn des officiers du Prince nommé Vauſtre d'Estembourg : & fut pource qu'il ne vouloit point aller en armes sur le marché avecques le cōmun, où ils furent bien six sepmaines, & estoient les Capitaines Pietre-de Bourgrane, & Cristofle Mynere. Et y eut vn nommé Georges Vauldeberques, qui feit leuer la Duchesse, & son fils de son chariot, pour querir ceux de dedans: laquelle Duchesse pour lors y estoit, & l'arrestèrent. Et puis apres quand elle se departit, luy osterēt de son chariot la femme de Messire Iean de Hornes, dont icelle Duchesse fut moult troublée: mais elle n'en peut auoir autre chose. Si estoient avecques elle Messire Guillaume, & Messire Simon de Lalaing: toutesfois par certains moyens, qui depuis se feirent entre leur Prince & eux, se retrahirēt en leurs hostels, & leur pardonna pour celle fois leurs offences, & malefices, pource qu'il auoit plusieurs grans affaires vers eux.

*Seneschal de  
Brabant me-  
par les fla-  
mens.*

*Brugelins es-  
meuz, & leur  
insolence.*

*Comment la Hire print la ville, & fortresse de Soissons, & autres matieres.*

**E**N ce mesme temps fut prinſe d'emblée là ville, & fortresse de Soissons: de laquelle estoit Capitaine Guy de Roye pour Messire Iean de Luxembourg, qui point n'auoit fait de serment au Roy Charles de France à la paix d'Arras, ainsi comme auoient fait les autres Seigneurs, & Capitaines tenans le party du Duc de Bourgogne, cōme dit est cy dessus. Et pourtant que les François le tenoient pour leur ennemy, jaçoit ce qu'il eust obtenu du Roy mādēmēt durāt iusques à certain iour, pour auoir aduis de faire iceluy serment: lequel Roy deffendit à ses gens

gens, que dedâs iceluy iour on ne leur feit point de guerre, moyénant auffi que luy, & les siens n'en feroient à luy ne aux siens. Neantmoins quand il vint à la cognoissance dudit de Luxebourg, qu'on auoit prins sur luy icelle ville, & forteresse de Soissons, qui en la plus grâd partie appartenoit heritablement à sa belle fille Iéane de Bar Comtesse de saint Pol, il le print tresmal en gré, & pourcūt, & garnit aucunes de ses forteresses de gés de guerre pour resister à telles, & pareilles entreprinſes. Et d'autre part le deſſusdit Guy de Roie, qui tenoit le chastel de Maicāpre entre Chargny & Noyô, y meit grâd garnison, & cōmença à mener forte guerre à la Hire, & aux pays de Soissonnois, Laônois, & autres villes tenans le party du Roy Charles: & pareillement feit le Roy Charles par la Hire, & les alliez aux bien vueillâs du deſſus nommé Meſſire Iean de Luxembourg, & par ainſi tous les pays autour d'eux furent moult trauailliez, & oppressez tant d'un costé, cōme d'autre. Apres que le Duc d'Ortheut conquis la ville de Refcan, comme dit est, & que Iean d'Estouteuille l'eut rendue, fut depuis reprinſe des François sur lesdits Anglois, & en ce meſme temps le Duc d'Ortheut cōquist par continuation de ſiege ſainct Germain sur Cailly. Si furent penduz les François leans estans iusques au nombre de douze ou enuiron. Et pareillement reconquist Fontaines, le Bourg, Blainuille, Preaux, l'Islebone, Tācaruille, & autres plusieurs forres places, & villes: dont la plus grand partie furēt desolées, & ruées ius par lesdits Anglois: durant lequel temps iceux Anglois continuoient à degaſter les viures autour de Harſleur, sur intention de l'assiéger au plus tost, qu'ils pourroient par aucune bonne maniere.

*Comment la Duchesse de Bethfort ſeur au Comte de ſainct Pol ſe remaria de ſa franche voulenté: & comment le Roy Charles de Cecille traicta avec le Duc de Bourgongne à cauſe de ſa deliurance: & comment les Anglois reprindrent la ville de Ponthoiſe.*

**E**N l'an deſſusdit la Duchesse de Bethfort ſeur au Comte de S. Pol, ſe remaria de ſa franche voulenté à un Cheualier d'Angleterre nommé Meſſire Richard d'Ondeuille, lequel estoit ieune homme moult bel, & bien formé de ſa perſonne: mais au regard de lignage, il n'estoit point pareil à ſon premier mary le Regent, n'à elle. Si en fut Loys de Luxembourg Archeueſque de Rouën, & autres ſes prochains amis aucunement mal contens: mais ils n'en peurent oncques auoir autre choſe. Et apres enuiron le mois de Nouembre Iaqueline de Bauiere, qui estoit eſpouſe franche de Borſelle: apres que par long temps elle eut jeu en ſon liēt de maladie langoureuſe, alla de vie à trespas, ſi ſucceda le Duc de Bourgongne en toutes ſes Seigneuries. En ce meſme tēps vers la ſainct Andrieu vindrent deuers ledit Duc de Bourgongne à l'Isle en Flāndres, où il tenoit ſon eſtat le Roy de Cecille Duc d'Anjou, le Duc de Bourbon, le Conneſtable de France, le grand Chācellier de France, & plusieurs autres grans Seigneurs, & notables Princes: lesquels il receut, & feſtoya treshōnorablemēt, & apres furent les traictéz ouuers d'entre le Roy Charles de Cecille deſſus nommé, & le Duc de Bourgongne touchant la deliurance de ſa priſon dont

en autre lieu est faite mention : car encores n'estoit sa foy acquitée pour la prinse : mais estoient aucuns de ses enfans demourez hostagiers pour luy au pays de Bourgongne, lesquels traictéz vindrent en fin à conclusion: moyennant que presentement le dessusdit Duc de Bourgongne eut la possession de la terre, & chasteil appartenant à celuy Roy, laquelle estoit moult bonne & profitable : & avecques ce promet à payer certaine somme de deniers: pour la seureté de laquelle il bailla en holtage en ses Duchez de Bar, & de Lorraine quatre bonnes villes & forteresses : c'est à sçauoir Neuf-chastel en Lorraine, & Clermont en Argonne, & Princhy & Louy, que ledit Roy deuoit bailler, quand requis en seroit. Esquelles villes, & forteresses le dessusdit Duc de Bourgogne meit garnison, & Capitaines de par luy. Et par ainsi le Roy dessusdit fut acquitté de sa foy, & r'eut ses enfans: car à present ne furent baillez en la main dudit Duc, que les deux enfans premiers, & eut seureté par promesse d'auoir les deux autres se faute de payement y auoit : & à ce faire pour les bailler s'obligerent avec ledit Roy Messire Collard de Saussy, & Jean de Châbly. Et apres toutes ces besongnes accomplies (côme dit est) ledit Conneftable de France traicta avec Messire Jean de Luxebourg, qui estoit audit lieu de l'Isle, que la guerre d'entre luy, & la Hire pour la prinse de Soyssons cesseroit sur forme d'appoinctement: & si fut audit Messire Jean de Luxebourg ralongé son iour de faire sermēt au Roy de France iusques au iour S. Ieā Baptiste ensuyuant, ou de luy declairer parcial, par tel si qu'il promet non faire guerre durant le terme dessusdit : ce pendant Guillaume de Flauy, qui par le Conneftable de France, auoit esté debouté de la ville de Compiengne, trouua maniere de r'entrer dedans à tout grād foison de gēs de guerre. Si le reprint sur ceux, que ledit Cōneftable de France y auoit cōmis, & ce fait la tint long temps depuis, & du consentement du Roy Charles, nonobstant qu'iceluy Conneftable feit depuis de grans diligēces de la r'auoir. Item en ce mesme temps reprindrent les Anglois la ville de Ponthoyse d'emblee à vn point du iour: dedans laquelle estoient en garnison les Seigneurs de l'Isle-Adā, & de Varembon, avecques eux enuiro quatre cēs combattans : lesquels en la plus grand partie se sauuerēt par fuite en delaisant leurs biens. Pour laquelle prinse l'Isle de France, & le pays à l'environ furent de recheffort troublez, car iceux Anglois y meirent vne tres grāde, & forte garnison de leurs gens: lesquels coururent tressouuent iusques aux portes de Paris.

*Comment le Roy d'Escoffe fut meurdry par nuit en sa chambre par le Comte d'Athelles son oncle, & autres matieres.*



V mois dessusdit aduint vne tresgrande, & merueilleuse cruauté ou Royaume d'Escoffe: car le Roy d'iceluy pays, lequel estoit à S. Jean seāt sur la riuiere de Thay au milieu de son Royaume, & là seiournoit, & tenoit son estat en vne Abbaye de Iacobins au dehors d'icelle ville, fut là espié par aucuns de ses hayneurs : & estoit le chef, & Capitaine vn sien oncle nommé le Comte d'Athelles : si vint le second Mercredy de Karesme, qu'il estoit ieusne des quatre temps,

accom-



accompagné de trente hommes, ou enuiron iusques à la chambre du Roy,  
 qui de riens ne se doubtoit vne heure apres minuiet. Si rompirent & des- *Cruauté du*  
 pecerent l'huis de ladicte chambre, & entrerent dedans: & là meirent ledit *Comte d'A-*  
 Roy à mort cruellement, en luy faisant plusieurs playes iusques au nombre *thelles.*  
 de trete ou au dessus, dont il y en auoit aucunes adressées droit à son cuer.  
 Durant laquelle cruauté la Roïne sa femme seur au Comte de Sommerfet,  
 d'Angleterre, pour le cuidier rescourre, & le preseruer de cest inconueniet,  
 fut naurée en deux lieux moult villainemēt par aucuns d'iceux facteurs: &  
 ce fait se partirent de là hastiuement pour eux mettre à garāt, & à sauuer.  
 Et lors par le cry de la dessusdicte Roïne, comme par autres de ses gens, fut  
 icelle besongne tātost diuulgée & prononcée, tāt en l'hostel cōme en la  
 dicte ville. Si s'assemblerent en tresgrād nōbre ceux de sondit hostel, & de  
 la ville: & vindrent en la chābre du Roy, où ils trouuerēt ledit Roy meur-  
 dry trespiteusement, cōme dit est dessus, & la Roïne naurée: dont ils eūrēe  
 au cuer tresgrand tristesse, & en feirent moult grans douleurs, & lamen-  
 tations: & le lendemain fut mis en terre tressolemnellement aux Char-  
 treux. Et tantost apres ensuiuant furent mandez les Nobles, & grans Sei-  
 gneurs du Royaume d'Escoffe: lesquels conclurēt tous ensemble avecques  
 ladicte Roïne, qu'iceux homicides fussent poursuiuis en tresgrād diligēce: *Meurtres du*  
 laquelle conclusion fut mise à execution, & en fin furent tous prins, & mis *Comte*  
 à mort par diuers & merueilleux tourmēs: c'est à sçauoir ledit Comte d'A-  
 thelles oncle du Roy d'Escoffe, qui estoit le principal, eut le ventre ouuert,  
 & luy osta on les boyaux hors: & puis furent ars en vn feu en sa presence, &  
 puis fut escartellé: & furēt mis les quartiers au dehors des quatre plus puis-  
 santes villes d'iceluy Royaume d'Escoffe: vn nommé Robert Steciuuart,  
 qui estoit vn des principaux facteurs, fut pendu à vn gibet, & apres escar-  
 tellé: Robert de Gresine fut mis sur vne charrette, où il y auoit vn gibet  
 fait au dessus tout propice, auquel on auoit attaché l'vne de ses mains: c'est  
 à sçauoir celle, dont il auoit feru ledit Roy d'Escoffe, & en cest estat fut me-  
 né par la ville en plusieurs ruēs: & enuiron luy auoit trois executeurs de Ius-  
 tice, qui luy lanceoient les fers tous chaulx parmy les cuisses, & autres par-  
 ties de son corps, & apres fut escartellé: & les autres chacun endroit soy fu-  
 rent tourmentez treshorriblement: & fut ceste iustice toute accomplie en  
 dedans les quarante iours apres la mort du dessusdit Roy d'Escoffe. Et la  
 cause pourquoy ledit Côte feit ceste cruauté à sondit nepueu le Roy d'Es-  
 coffe, fut pource apres qu'iceluy Roy fut retourné d'Angleterre, où il auoit  
 esté long temps prisonnier, comme il est declairé en mon premier liure:  
 & il fut retourné en son Royaume d'Escoffe, il feit de tresgrandes iustices  
 de plusieurs grans Seigneurs tant de son sang, comme d'autres, qui auoient  
 eu le gouuernement de son Royaume durant sadicte prison: & n'auoient  
 point fait leur deuoir selon son vouloir de le deliurer de la dessusdicte pri-  
 son. Entre lesquels en auoit fait executer d'aucuns, qui estoient moult pro-  
 chains audit Comte d'Athelles: & pourtant jaçoit ce que deuāt le iour du-  
 dit homicide, il fut vn des plus prochains, & plus feables dudit Roy: neāt-  
 moins luy auoit de long temps gardée ceste mauuaisē pensée & volenté,

laquelle en fin il meit à execution, comme vous auez ouy cy dessus. Lequel Roy d'Escoffe auoit vn sien fils aagé de douze ans ou environ, lequel par l'autorité, & du consentement des trois estats du pays fut prestement esleu, & esleué à Roy d'Escoffe: & fut mis à gouuernement d'un moult notable Cheualier nommé Messire Guillaume Cristó, lequel le gouuernoit dès le viuant du Roy son pere: & auoit iceluy Roy nouuel la moitié du visage droit à ligne vermeil, & l'autre blanc. Et puis apres certain temps ensuiuant la dicte Royne embla audit Cheualier le Roy son fils au chasteil de Haudebourg, & le meit en autre gouuernement: c'est à sçauoir de grás Seigneurs du pays: lesquels depuis feirēt mourir le Côte de Donglas, & vn sien frere appelé Dauid de Cöbrebant, pource qu'on disoit, qu'il auoit fait cöspiration contre le ieune Roy pour le deposer de sa Seigneurie. Si auoit iceluy ieune Roy six seurs, döt l'aînée estoit mariée au Daulphin fils au Roy de France: & depuis en eut vne le Duc de Bretaigne, & la tierce fut mariée au fils du Duc de Sauoye: la quarte au fils du Seigneur de Verre en Hollade. Et apres la Royne d'Escoffe mere aux enfans dessusdits se maria à vn ieune Cheualier nommé Iaques Stouart, & en eut plusieurs enfans.

*Côte de Donglas executé.*

*Estrange & deue punition du Côte d'Arhelles.*

OR est ainsi, que de puis cest article escript, ie sceuz par approbation que ledit Comte d'Arhelles principal faeteur de la mort du Roy d'Escoffe, fut deuestu tout nud en pur ses brayes en la ville de Edimbourg, & fut tiré par plusieurs fois à vne polie encontremont tout hault, & puis on le laissoit cheoir embas à deux pieds de terre: & apres fut mis sur vn pillier, & couronné d'une couronne de fer ardent, en signifiant qu'il estoit le Roy des trahistres. Et le lendemain fut mis sur vne claye tout nud, & trainé de rue en rue, & apres fut mis sur vne table, & luy ouurit on le ventre, & puis furent tous ses boyaux, & entrailles tirez hors, & iettez en vn feu, & ars en la presence durant sa vie, & depuis fut son cueur ietté au feu, & apres fut decapité & escartelé: & les quartiers mis aux quatre meilleures, & bones villes d'iceluy Royaume d'Escoffe, comme dit est cy dessus. Et auecques ce que lesdits faeteurs moururent par diuers martyres & tormens, furēt aussi executez plusieurs de leurs plus prochains amis, qui point n'en estoient coupables: & n'est point memoire qu'onques on veit faire aux Chrestiens plus aspre iustice. Item en ce propre temps le Duc de Bourgogne tint plusieurs estroits conseils, auecques les trois estats de son pays pour auoir aduis pour resister contre la descendue, & puissance des Anglois ses ennemis, lesquels il attendoit chacun iour. Et fut sur ce conclud de mettre garnisons par toutes les frontieres, tant sur là mer comme ailleurs. Et aussi fut ordonné à toutes les Nobles de ses pays, & autres qui sauoient accoustumé armer, qu'ils fussent prests toutes les fois, qu'on les manderait pour aller auecques les Capitaines, qui estoient commis pour la garde, & deffence des pays: c'est à sçauoir en chef Jean de Bourgogne Comte d'Estampes. Et d'autre part durant le temps dessusdit, plusieurs citoyens de la ville de Lyón sur le Rosne, se rebellerent contre les officiers du Roy de France, pour & à cause de ce qu'ils estoient trop trauaillez de gabelles & subsides, qu'on leuoit sur eux: mais pour ceste cause en furent plusieurs executez, & les autres emprisonnez.

*Esmeute des Lyonnois.*



emprisonnez par lesdits officiers Royaux. Et pareillement aucuns Parisiens furent accusez de vouloir reliurer la ville de Paris aux Anglois: entre lesquels en furent decapitez Maistre Jaques Ioussel, & Maistre Mille des Faulx Advocats en Parlement, & avecques eux vn poursuivant, desquels les biens furent confisquez au Roy. En l'an desusdit se meirent les Gantois en armes, & en tresgrand nombre, & occirent vn nommé Gillebert Paetent souverain Doyen des mestiers, & luy imposèrent, qu'il auoit empesché, qu'on n'assailist pas la ville de Calais, quand on fut deuant, & que les engins ietterent peu durant le siege, & disoient que trahison y auoit couru. Si requeroient entre les autres choses, qu'on ordonnast, & publiast, que dorenavant on ne brassast plus nulles seruoises, & qu'on ne fait nuls autres mestiers à trois lieües pres de Gand: mais pource que les Escheuins, & autres officiers de la ville se meirent à tout la banniere de France amiablement avecques eux sur le marché des vendredis, & leur dire courtoisemēt, qu'ils en auroient aduis & conseil, & feroient tant qu'ils y pouruoyeroient en telle maniere, qu'ils s'en deuroient bien tenir pour contens, par raison ils furent tantost r'appaizez: & tantost se departirent d'illec & meirēt ius leurs armeures paisiblement. Et apres plusieurs conseils tenuz par les Escheuins, & les Doyes des mestiers d'icelle ville sur le fait de ladicte requeste, icelle fut declairée estre inutile, & desraisonnable: & finalement fut conclud & determiné, qu'on laisseroit le pais en l'estat, où il auoit esté moult longuement, sans faire aucune irraisonnable nouuelleté.

*Comment la Hire, Pothon & plusieurs autres Capitaines du Roy de France cuiderent auoir la cité de Roüen. Et comment ils furent assailliz & desconfits des Anglois, lesquels les surprindrent en leurs logis.*

**N** cest an fasssemblerent plusieurs des Capitaines du Roy Charles sur les frontieres de Normandie: c'est à sçauoir la Hire, Potho de sainte Treille, le Seigneur de Fontaines, Lauagan, Philippe de la Tour, & aucuns autres, qui tous ensemble pouoient estre de huiēt cens à mille combattans: & se tirerent tous vers la cité de Roüen, sur intention d'entrer dedans icelle par le moyen d'aucuns des habitas, qui secrettement leur auoient promis d'eux faire ouuerture: mais ceste entreprinse fut rompue, par ce que nouuellement les Anglois y estoient venus en grand nombre. Et pource que les desusdits Capitaines François à tout leurs gens, qui desia estoient assez pres dudit lieu de Roüen, sçachans qu'ils ne pouoient acheuer ce pourquoy ils estoient partis, pour eux rafreschir se logerent en vn gros village nommé Ris à quatre lieües dudit Roüen. Et ainsi qu'ils estoient là, les Seigneurs d'Escalles, de Thalebot, Messire Thomas Kiriel, & aucuns autres Capitaines Anglois à tout mille combattans, ou enuiron, qui desia estoient aduertis de leur venue, les poursuivirent roidement. Et de fait auant qu'ils s'en donnassent garde sinon assez peu, vindrent ferir par diuers lieux es logis desdits François: lesquels furent si tres surprins, qu'ils ne se peurent oncques deffendre, ne mettre ensemble, & furent en assez brief terme du tout tournez à desconfiture & mis à desroy. Toutesfois la Hire



monta sur vn cheual, qui appartenoit à l'un de ses hommes d'armes, & cuida rassembler ses gens: mais ce fut peine perdue. Si se mit à chemin, & fut chassé & poursuivy assez longue espace de temps, & fut moult grandement nauré, & blessé en plusieurs lieux: neantmoins il eschappa par la bonne ayde d'aucuns de ses gens: si y furent prins par ledit Seigneur de Fontaines, Allain Geron, Loïs de Basse, Allardin de Mensay, Jean de Lon, & plusieurs autres nobles hommes, & le surplus se sauuerent, & la plus grand partie dedans les bois: & perdirent la plus grande partie de leurs cheuaux, & autres bagues: & quand est au regard des morts, n'en y eut que huit, ou dix.

*De l'an mille cccc. xxxvij.*

*Comment ceux de Bruges s'esmeurent contre leur Prince, & ses officiers, & y eut grand d. bat, & grand occision.*

**A**V commencement de cest an se resmeurent ceux de Bruges contre les officiers du Prince, & occirent assez soubdainement Maurice de Versenaire: & estoient bourgeois, Maistres, & Escheuins luy & Jaques son frere, lequel aussi ils occirēt, pource qu'ils estoient allez à Arras deuers le Duc de Bourgongne leur Prince. Et furent allez querre par le Conuerseur des maisons, où ils s'estoient allez mustier, quand ils sceurent, qu'on les queroit pour eux occire: desquels les plus notables furent tous en grand doubte: & ainsi le Duc de Bourgongne quand ce fut venu à sa cognoissance, en fut tresmal content, & pour plusieurs fois feit grand delibération avecques ceux de son Cōseil, pour sçauoir comment on les pourroit punir. Si fut aduisé, qu'on enuoyeroit secrettement aucunes personnes feables dedans ladicte ville parler à ceux, qu'on pensoit estre de la partie dudit Duc, pour sçauoir comment on pourroit punir, & corriger ceux, qui faisoient les lamentations dessusdictes: & ce fait grand partie des plus notables escriuirent secrettement deuers ledit Duc de Bourgongne, en eux excusans des rigueurs dessusdictes: & luy feirent sçauoir, que volentiers ayderoient à punir les dessusdits meutemacres. Et adonc sur intention de faire icelle publier, le dessusdit Duc de Bourgongne, qui auoit voulu éré d'aller en Hollande pour aucunes besongnes & affaires, comme on disoit, & passer par Bruges, & veoir comment, & en quelle maniere on pourroit le mieux besongner sur ceste matiere; si feit assembler grand nombre de Gens-d'armes de ses Picards de Picardie sous plusieurs Capitaines, au nombre de quatorze cens combattans, ou enuiron. Et apres partant de l'Isle a tout iceux, & plusieurs notables Seigneurs, s'en alla au giste en la ville de Roulers, & le lendemain enuoya ses fourriers deuant en la ville de Bruges: avec lesquels allerent plusieurs des Gens-d'armes dessusdits, pour prédre les logis, comme il est de coustume. Si entrèrent dedans, & se logerent dedans chacun en droit soy, où ils pouoient le mieux. Et ledit Duc les suiuit tōst apres à tout ses gens, & auoit d'heure en heure nouuelles de ceux de la ville. Et pour vray la plus grand partie des plus puissans eussent esté biē ioyeux, si ceux qui auoient fait les offences (dont dessus est faite mention) eussent esté punis, car c'estoient gens de petit estat, qui ne desiroient autre chose,

que

que de fort en troubler les besongnes pour eux augmenter, & auoir majesté sur les plus riches: & pource quand ils sceurent la venue dudit Duc de Bourgogne, furent en grand doubte, & pensoient que ceste assemblée se faisoit pour eux, ce qui estoit verité. Et pourtant se commencerent à assembler par compagnies, & en diuers lieux, & en y eut aucuns, qui donnerent à entendre que ledit Duc, & les Picards venoient là pour les destruire, & pour piller la ville. Et adoncques les autres entendās, & oyans ces parolles, furent plus que deuant en grand effroy, & s'armerent communemēt, & en tresgrād multitude. Et de fait à tout beaux Ribauldekins de guerre se meirēt sur le marché, & enuoyerēt grād partie de leurs gēs à la porte vers Roulers, par où leur Prince deuoit entrer. Et estoit le mercredy des festes de la Pentecouste: & quand ledit Duc fut venu, qu'il cuida entrer dedās, il trouua les barrieres fermées & les Brugelins armez, & embastonnnez: lesquels ne furent point content de luy laisser entrer sinon à petite compaignie & à simple estat, ce que point ne leur vouloit accorder: ains luy firent respōce, que point n'y entreroit si toutes les gens n'estoient avecques luy. Durāt lequel temps y eut plusieurs parlemens par maniere de moyens entre icelles parties: & estoient lors avecques ledit Duc Messire Roland de Hutequerre, & Messire Colard de Commynes, que les dessusdits Brugelins auoient tresmal en grace: & aussi estoient avecques ledit Duc plusieurs autres Seigneurs, & notables hommes de guerre, & de grand auctorité, c'est à sçauoir le Comte d'Estampes, le Seigneur de l'Isle-Adam, le Seigneur de Teruane, le Seigneur de Humieres, le Seigneur de Haubourdin, le Seigneur de Saueuses, le Seigneur de Creuequeur, Jaques Kiriell, le Seigneur de † Liternelle, Pierre de Roubaix, & plusieurs autres, qui auoient grand merueille de veoir les manieres, que tenoient iceux Brugelins contre leur Prince. Et y eut d'aucuns, qui furent d'opinion qu'on print vne partie de ceux, qui estoient venus pour traicter, & parler au dehors d'icelles barrieres, & qu'on couppast les hastereaux à ceux, qui feroient trouuez coupables des commotions deuantdictes: mais ce propos fut delaisé pour doubte, qu'ils ne feissent le pareil à ceux qui estoient dedans entrez pour prēdre leurs logis: neantmoins apres que lesdictes parties eurent parlementé assez lōguemēt, les vns avec les autres de deux à trois heurēs, fut conclud que ledit Duc y entreroit. Deuāt laquelle entrée il garnit la porte, & y meit de ses gens, c'est à sçauoir Charles de Rochefort, Messire Ieā Bastard de Dampierre, Meliades Breton accompagné d'aucuns Gentils-hōmes, & partie de ses archiers.

A I N S I entra dedans ledit Duc en moult belle ordonnance accompagné de plusieurs Seigneurs, & autres gens de guerre, & se commença à mettre bien auant en la ville pour aller descendre à son hostel. Et quād ce vint, qu'il y eut dedans de quatre à cinq cens de ses gens, ceux de la ville, qui, cōme dit est, estoient à la porte en tresgrand nombre armez, & embastōnez, refermerent icelle barriere, & puis la porte, & enfermerēt les autres dehors. Laquelle chose fut noncée audit Duc, qui en fut tresdeplaisant, & fait dire à d'aucuns desdits Gouverneurs, que puis qu'on ne luy vouloit laisser ses gens entrer avecques luy, qu'on le remit dehors, à quoy ils s'excuserent au-

*Brugelins fermement la porte à leur Prince.*

† Liternelle, le doute est s'il fault Leidquerque, parce qu'il se trouue ainsi ailleurs en paigaille compaignie.

Mort de l'Isle  
Adam.

cunement. Et entre-temps le Duc feit mettre en ordonnance vne partie de ses gens ou vieil marché: durant lequel temps s'esmeut debat entre les parties, & commencerent à tirer, & à combattre l'un cōtre l'autre en plusieurs lieux. Et adonc fut conseillé iceluy Duc, qu'il se retrahist vers icelle porte pour la reconquerre, afin qu'il peult auoir ses gens avecques luy, & retourner dehors, si besoing luy en estoit. Laquelle chose il feit, & enuoya par vne rue vne partie de ses gens sur les fossez, pour enuoyer ceux, qui estoient deuant ladicte porte au trauers, & luy en sa personne alla par la grand rue. Si escrierent leurs ennemis tous à vne voix, & les enuahirent en moult grand bruit: mais sans delay ses brugelins si se departirent, & laisserent celle porte, si furent aucunement poursuis, & les aucuns mis à mort. Et adoncques le Seigneur de l'Isle Adam, qui s'estoit mis à pied avecques aucuns archiers, qui point ne faisoient bien leur deuoir à son plaisir, se bouta si auant pour rebouter les dessusdits, pensant que les autres le suiuiussent de pres, qui riens n'en faisoient, si non assez doubtablement, qu'il fut incontinent enuahy de plusieurs Brugelins: lequel auant qu'il peult auoir aucun secours fut mis à mort, & luy arracherent l'ordre de la Toison qu'il portoit. Pour la mort duquel ledit Duc, & generallyment tous ceux, qui estoient avecques luy, auoient au cuer trefgrand tristesse: mais ils n'en peurent auoir autre chose. Et n'y auoit celuy, qui ne fut en trefgrande doubte de sa vie, pource qu'ils sentoient icelles communes estre en trefgrand multitude de tous en armes, prests pour les enuahir de toutes parts, & n'estoient qu'un petit de gens au regard d'iceux: neantmoins ledit Duc de sa personne fut tousiours assez reconforté, & auoit grand regret, qu'il ne pouoit auoir ses gens, qui estoient dehors pour combattre lesdits Brugelins, lesquels il veoit ainsi esmeuz: & d'autre part ses gens de dedans estoient en grand doubte, & ceux qui estoient dehors auoient trefgrand desplaissance: car ils scauoient par leurs gens, qui estoient sur ladicte porte le meschef, & tribulation où estoit leur Prince, & leurs compagnons. Et avecques ce veirent iusques à huit, ou dix d'iceux leurs compagnons, lesquels furent achassez sur les fossez par les Brugelins, qui eux cūder sauuer saillirent es fossez, & furent noyez.

Si dura ceste mortelle tempeste moult cruelle dedans icelle ville de Bruges, par l'espace d'heure, & demie ou enuiron: & apres pource que ledit Duc fut aduerty, qu'ils s'apprestoient tous aual la ville à grand puissance pour là venir à eux combattre à tout grand nombre de ribauldekins, artilleries, & autres habillemens de guerre, à quoy nullement n'eust sceu resister: luy fut conseillé de rechef, qu'il se meit en tous perils, & en peine de reconquerre la porte deuant dicte, où ses ennemis estoient assemblez. Et lors vint vers eux pour les combattre à tout ce que pour lors pouoit auoir de gens, mais ils se departirent hastiuement, comme ils auoient fait. Si furent pris les marteaux, qui estoient dedans la maison d'un mareschal assez pres de ladicte porte: si leur bailla iceluy mareschal, & en furent tantost rompus les verroux d'icelle porte, & les serrures. Et quand elle fut ouuerte avecques les barrieres, lors issirent ses gens de grand vouldenté: mais ledit Duc qui estoit monté sur un moult bon coursier durant toutes ces tribulations dessusdictes,



fufdictes, & auoit moult fort esté approché de les ennemis, demoura sur le  
 derriere en guise de bon pasteur, & se meit à chemin pour retourner en la Le Duc chassé  
de Bruges.  
 ville de Roullers, d'ot il s'estoit party ce propre iour trefennuyeux de cueur,  
 de ce qu'il veoit les besongnes ainli tourner sur luy: & par especial de la  
 mort du Seigneur de l'Isle Adam dessus nommé, & de ses autres gens. Si e-  
 stoient la plus grand partie de ses autres Gens-d'armes là estans si effroyez,  
 qu'à grand peine leur pouoit on faire tenir ordonnance au retour dessusdit.  
 Et n'estoient point entrez en icelle ville avec ledit Duc Messire Roland de  
 Haultekerque, ne Messire Colard de Communes: si furent morts en icelle  
 iournée des gens du Duc iusques à cent ou plus, qui tous furent enterrez  
 en vne fosse au cymetiere de l'hospital, reserué le Seigneur de l'Isle Adam,  
 qui fut enterré à par luy: & depuis à grand solennité fut remis en l'Eglise de  
 S. Donnaſt de Bruges. Et si en demoura deux cens prisonniers des gés du-  
 dit Prince: desquels le vendredy ensuiuant en y eut trente & deux decapi-  
 rez, & le surplus eurent leurs vies sauues par les prieres des bonnes gens d'E-  
 glise, & des marchans d'estrange país, qui en feirent treshumble requeste.  
 Et au bout de huiſt iours ensuiuans, deliurerent à tour leurs bagues tous les  
 familiers dudit Duc de Bourgongne: mais ils feirent escarteller le dessusdit  
 Mareſchal, dont dessus est faicte mention, qui auoit liuré les marteaux  
 pour ouurir la porte, & se nommoit Jacob Van Ardoyen. Et quât aux Bru-  
 gelins combattans au Prince, n'en y eut de morts que douze ou enuiron. Et  
 entre lesdits Picards, qui furent morts y eut peu de gens de renom, sinon le  
 deuant Seigneur de l'Isle Adam, & vn huisſier de ſalle du Duc de Bourgô-  
 gne nommé Herman. Et quant est au gouuernement d'iceux Brugelins, ils  
 estoient nuit & iour en armes en trefgrand nombre, tant sur les marches  
 qu'ailleurs. Et brief apres ensuiuant allerent abbatre la maison d'un bour-  
 geois nommé Gerard Reubs. Et quant au regard du Duc de Bourgongne,  
 il s'en alla à Roullers: & de là en la ville de l'Isle, où il tint plusieurs conſeils,  
 pour ſçauoir par quelle maniere il pourroit mettre en obeïſſance iceux Bru-  
 gelins. Et fut aduifé pour les mieux contraindre, qu'on feroit crier par tou-  
 tes les villes, & país entour d'eux, que nuls ne leur portassét viures sur quâ-  
 ques on doit estre ennemis du Prince. Et ainſi en fut fait d'ot ils furent fort  
 esmerueillez, & en grand doubte: mais pourtant ne laïſſerent ils point de  
 continuer en ce qu'ils auoient commencé.

*Comment le Bourg de la Hrie courut, & ſe fit moult de maulx és marches  
 de Peronne, Roie, & Montdidier.*

**E**N ce meſme temps le Bourg de la Hire, qui se tenoit au chasteſt  
 de Clermont en Beauuoisis, à tout enuiron de ſoixante à quatre  
 vingts combattans, dont il trauailloit mallement le país enuïrô,  
 & par especial les Chastellenies de Peronne, Roie, & Montdi-  
 dier appartenans au Duc de Bourgongne, & y couroit trefſouuent, & en  
 ramenot à leurs garniſons de grans proyes, tant prisonniers, beſtail com-  
 me autres biens: nonobſtant la paix d'Arras faicte entre le Roy de France,  
 le Duc de Bourgongne, côme dit est dessus; entre les autres vint vn certain

*Aubert de  
Folle-ville  
desconfis  
inc.*

iour courre deuant la ville de Roye. Si print, & leua le bestail, & aucuns biës qu'il peut attaindre, à tout lesquels s'en retourna pour s'en aller deuers le dessusdit lieu de Clermont. Si auoit avec luy gës de plusieurs garnisons, tant de Mortemer appartenans à Guillaume de Flauy, comme d'autres fortresse: de laquelle ville de Roye estoit Capitaine de par ledit Duc vn tresvaillât hōme d'armes, & noble hōme nommé Aubert de Folleuille: lequel sçachant l'entreprinse dessusdicte, assembla incontinent tout ce qu'il peut auoir de gens de guerre: & sans delay pour suiuit les dessusdits sur intention de rescourre la proye, qu'ils emmenioient: si les ataignit vers vn village nommé Boulongne la Grasse, & leur courut sus de grand voulenté: mais par auant sa venue auoient mis de leurs gens en embusche, qui tantost saillirent sur ledit Aubert, & les siens. Et finalement pource qu'ils estoient en tresgrand nombre au regard de luy, il fut tantost tourné à desconfiture, & de fait luy coupperent prestement la gorge: & avecques luy furēt morts plusieurs tant gentils-hommes comme autres: c'est à sçauoir son nepueu Souldan de la Bretōnerie, Hue de Bazincourt, le Bastard d'Esuë, Collard de Picellen, Jaques de la Bruyere, Jean Bazin, Symon le Maire, & aucuns autres: & les autres se sauuerent par les bons cheuaux qu'ils auoient. Pour laquelle destrousse, & aussi pour plusieurs autres, & assez pareilles entreprinles, le Duc de Bourgongne en estoit tresmal content: & afin d'y resister furent mises esdictes villes de Roye, Peronne, & Montdidier plusieurs gens de guerre par le Comte d'Estampes.

*Comment plusieurs Capitaines François au commandement du Roy Charles de France, allerent reconquester plusieurs villes, & fortresses, que les Anglois tenoient: & comment ledit Roy propre en sa personne alla deuant la ville de Monstreau Faut-Tonne, laquelle il reconquist.*



N ces iours Charles Roy de France cōuocqua de plusieurs parties de son Royaume tresgrand nombre de nobles hommes, & des gens de guerre à venir deuers luy à Gien sur Loyre, en intention de recouurer aucunes villes, & fortresses, que tenoient les Anglois ses aduerfaires vers Mōtargis, & sur les marches de Gastinois. Lesquels audit lieu de Gien deuers le Roy, avec lequel estoient le Connestable de France, Messire Jaques d'Anjou, le Comte de Perdiac, le Comte de Vendosme, le Bastard d'Orleans, & autres plusieurs. Si fut conclud par le Conseil Royal, que ledit Connestable, & le Comte de Perdiac iroiēt à tous leurs Gens-d'armes mettre le siege deuant chasteau Landon, que lors tenoient lesdits Anglois, & comme il fut deliberé, en fut fait: & en brief vindrent deuant, & l'enuironnerent de toutes parts, dont les Anglois furent moult esbahis: car ils estoient bien auant au païs, & auoient petite esperance d'auoir secours, & si n'estoient mie fort pourueuz de viures: neantmoins ils monstrerent semblant d'auoir bonne esperance d'eux tenir, & desfondre: & jaçoit-ce que par ledit Connestable furent sonmez d'eux rendre sauf leurs vies, ils feirent responce, qu'à ce n'estoient point conseillez de ce faire, & dirent qu'il cousteroit cherement auant que ce feissent. Toutesfoies au

*Prinse de  
Chasteau Lā-  
don par le  
Roy.*

troisieme

troisiesme iour furent si fierement, & asprement assaillis par lesdits François, qu'ils furent prins de force: si y eut la plus grand partie d'eux pendus, & par especial ceux, qui furent natifs du Royaume de France, & les autres furent deliurez en payant finance. Et après les Seigneurs dessusdits partans dudit lieu de chasteau Landon, allerent mettre le siege deuant Nemours, lequel se tint enuiron douze iours: au bout duquel temps ceux de dedans se rendirent sauf leurs vies, & leurs biens, & s'en allerent à Monstreau. Et entre-temps Messire † Gascon de Logus Baillif de Bourges en Berry, & autres † lisez Ga-  
Capitaines allerent assieger la ville, & chasteau de Terny, que tenoient les † lton.  
dessusdits Anglois: lesquels dedans briebs iours ensuiuans se rendirēt, moyennant qu'ils s'en iroient sauement à tout leurs biens. Et quand ils se partirent de là à tout leur saufconduit, le dessusdit Messire † Gascon, qui estoit † Gaston.  
monté sur vn bon coursier les conuoya vn petit: mais en le ferant de l'esperon & tournant iceluy coursier cheut dangereusement, & se tua ledit Cheualier tout mort. Au lieu duquel Pothō de sainte Treille fut de par le Roy  
constitué Baillif de Bourges.

*Pothon de S.  
Treille fait  
Baillif de  
Bourges.*

TANTOST apres le Roy à tout sa compagnie vint à Gien, à Sens en Bourgogne, & de là à Bray sur Seine, duquel lieu il enuoya deuant Monstreau faut-Yonne, le Seigneur de Gaucourt, Messire Denys de Saily, Pothon de S. Treille, & Bouillat, le Bastard de Beau-manoir, & aucuns autres Capitaines à tout enuiron seize cens combattās, lesquels se logerēt sur vne montaigne vers le chastel sur la Brie. Et deuant iceluy chastel feirent faire vne grosse Bastille, & puissante, où ils se logerent, & fortifierent en grand diligence. Et de l'autre costé vers Gastinois vindrent ledit Connestable, le Comte de Perdiac, le Bastard d'Orleans, Messire Jaques de Chabannes, & leurs gens dont dessus est faicte mention, lesquels se logerent assez pres de la ville. En apres vindrent le Seigneur de Valoignes, Messire Anselin de la Tour, Baillif de Vitry, Regnault Guillaume Baillif de Montargis, lesquels se logerēt dedās l'Isle entre les deux riuieres: & par ainsi ladicte ville, & le chastel de Mōstreau faut-Yōne furēt enuironnez de tous costez par les gens du Roy de Frāce, lesquels feirēt asseoir en plusieurs lieux plusieurs gros engins, dōt la muraille fut en assez brief terme tresfort endōmagée. Dedās laquelle ville, & chasteau estoit de par le Roy d'Angleterre Capitaine general vn nommé Thomas Gerard, & avecques luy Mōdo de Mōferrāt, Mondo de Laufay, & plusieurs autres cōpaignōs de guerre iusques au nombre de trois ou quatre cēs cōbattās, lesquels feirēt tresgrād resistēce cōtre leurs aduersaires, & ennemis selō qu'il leur estoit possible: & auoiēt grād esperance d'auoir secours par les Capitaines, qui gouuernoiet de par le Roy d'Angleterre au païs de Normandie, car ainsi leur auoit esté promis: en apres vint le Roy de France dessusdit tresgrandement accompagné de Bray sur Seine audit lieu de Monstreau, & se logea dedans la forte Bastille dessusdicte. Si auoit bien avecques luy de six à sept mille combattans, gens de bōne estoife, & tresbien habillez: & depuis la venue feit faire de moult grans diligences tant d'approcher ladicte ville, comme de faire iecter ses gros engins, & luy mesmes de sa personne y print moult grand trauail. Et en fin au bout



de six semaines, ou enuiron apres iceluy siege mis, fut finalement par le Roy, & les gens ladicte ville prinse d'assault à petite perte des assaillans: & au regard des assiegez en furent morts de ving à trente ou enuiron, & autāt de prins, desquels la plus grand partie furent penduz. Si entra iceluy Roy assez tost apres dedans: & pour vray il deffendit, qu'on ne meffist riens aux bonnes gens de la ville tant aux hommes, comme aux femmes, qui s'estoient retraits en l'Eglise quand à leurs personnes: mais quand au regard de leurs biens tout fut prins, & pillé cōme ville cōquise: auquel assaut furent faits plusieurs Cheualiers: c'est à sçauoir le ieune Comte de Tancarville fils de Messire Jaques de Harécourt, Robert de Bethune Seigneur de Morcul en brief, & aucuns autres. En outre le Roy & grand partie de ses Princes se logerent dedans ladicte ville. Et enuiron quinze iours ensuiuans, ceux dudit chasteil se rendirent au Roy, par tel si, qu'ils s'en iroient sauf leurs vies, & leurs biens. Apres laquelle reddition fut constitué Capitaine le Bastard d'Orleans, qui le regarnit de ses gens. Et toutes ses besongnes escheuées le dessusdit Roy Charles avecques luy son fils, & autres grans & nobles Princes, s'en alla à Meleun, & les Gens-d'armes par compagnies se tirerent en diuers lieux: mais la plus grand partie allerent vers Paris.

*Comment ceux de Bruges issirent par plusieurs fois hors de leur ville, & allerent fourrager le plat pays.*



R conuient retourner à parler de ceux de Bruges, lesquels continuerent tousiours en leur mauuaise, & folle opinion à l'encontre de leur Prince: & allerent tressouuent par grandes compagnies hors de leur ville fourrager le plat pays, & abbattre les maisons de ceux, qu'ils hayoient, & tenoient pour leurs ennemis: & entre les autres prindrent le chasteil de Coquelaire, que tenoit le Bastard de Bailloul, & y feirent de grans desrois. Et d'autre part quand ils estoient retournez dedans leur ville, ils faisoient souuēt de cruelles iustices sur ceux, qu'ils sçauoient non estre du tour de leur alliance: & entre les autres feirent decoller de Doyen des Feures, & luy meirēt sus qu'il vouloit liurer la ville aux Gantois. Et quand aux puissans, & plus notables de la ville, grand partie s'en estoient partis, & allerent en diuers lieux pour doubte des dessusdits, & apres se meirent sus de trois à quatre mille à tout charroy, engins & habillemēs de guerre, & allerēt assieger la ville de l'Escluse, qu'ils auoient en moult grand haine: dedans laquelle estoit de par le dit Duc de Bourgogne Messire Symon de Lalain avecques certain nombre de combattans. Si y furent par l'espace de vingt & trois iours: durāt lequel temps liurerēt plusieurs assaulx à aucunes des portes, & barrieres d'icelle ville de l'Escluse: & y furent entre les parties faictes plusieurs escarmouches, ausquelles en y eut grand nōbre de morts, & de naurez, & par especial desdits Bugelins. Et entre-tēps le dessusdit Duc de Bourgogne feit grand assemblée de Nobles, & gēs de guerre du païs de Picardie, & autres lieux de ses Seigneuries autour de S. Omer, sur intention d'y aller pour eux combattre: mais durāt le temps dessusdit tāt par le moyen

*Doyen des  
Feures decollé  
à Bruges.*

moyen des Gantois, qui s'en entremeirēt, cōme pour la doubte de l'assemblée, que faisoit ledit Duc, les dessusdits Brugelins se retrahirēt en leur ville.

*Comment les Anglois reconquirent la ville de Fescamp en Normandie.*

**T**EM en ces iours les Anglois meirent le siege deuant la ville de Fescamp en Normandie, & y furent enuiron trois mois: en la fin desquels ceux de dedans se rendirent, moyennant que de là se départiroient saul leurs corps, & leurs biens: mais tost en assez briefs iours ensuiuans fut reconquis par les François. Si y auoit pour lors tresgrād guerre par toute la Normandie, & se faisoient tressouuent de diuerses rencontres entre les parties: & entre les autres en y eut vne dont il faut faire mention: c'est à sçauoir que la Hire, Pothon de sainte Treille, le Seigneur de Fontaines, l'Auagan, & autres Capitaines se meirent ensemble vn certain iour, & allerent enuiron à tout six cens cōbattans courre deuers Roüé, sur intention de faire aucune bonne besongne sur iceux Anglois de Normandie leurs aduersaires: mais ils faillirent, de ce qu'ils auoient entrepris, & pourtant se prindrēt à retourner vers Beauuais. Et pource qu'eux & leurs cheuaux estoient fort trauaillez, se logerent à vn village nommé Ris pour eux repaistre, & rafraeschir: auquel logis vint assez tost apres Messire Thomas Kiriell, & aucuns autres Capitaines Anglois: lesquels vigoureusement leur coururent sus, deuant qu'ils peussent estre assemblez, & en fin les desconfirent en peu de dommage de leurs gens. Et y fut prins ledit Seigneur de Fontaines, Alardin de Moussay, & plusieurs autres: & la Hire par le bon cheual, qu'il auoit, se sauua à grād peine, & fut nauré en plusieurs, & diuers lieux: & pareillement se sauua Pothon de sainte Treille, & aucuns autres avecques eux: & par especial perdirent la plus grād partie de leurs cheuaux, & harnois. Apres laquelle destrouffe les Anglois s'en retournerent à Roüé tressioyeux de leur bonne fortune: mais ce nonobstant ils perdirent tantost ladicte ville de Fescamp, comme cy deuant est declairé.

*Destrouffe  
d'aucuns François.*

*Comment le Seigneur d'Offemont print la Hire prisonnier, où il iouit  
à la paulme en la cité de Beauuais.*

**D**VRANT les besongnes dessusdictes le Seigneur d'Offemont, qui point encores n'auoit oublié la mauuaise cōpagnie, que la Hire luy auoit fait: lequel l'auoit prins, & rançonné à Clermōt en Beauuoisis, comme en autre lieu est plus à plain declairé, assemblea enuiron six vingts combattans: desquels estoit le Seigneur de Moï son beau frere, le Bastard de Chauny, & plusieurs autres Capitaines: lesquels il mena par moyen dudit Seigneur de Moï dedans la cité de Beauuais, dont la Hire estoit Capitaine, & à ceste heure iouit à la paulme en la court d'une hostellerie, où estoit l'enseigne S. Martin. Ledit Seigneur d'Offemont à tout ses gēs y alla tout droit, car bien le sçauoit par ses espies estre à iceluy lieu: mais la Hire, qui en fut aduertý aucunement, s'en alla Mustier sous vne mangeoire de cheuaux, où en fin fut trouué, & prins par les gens dudit Seigneur d'Offemont, avecques luy vn nommé Perret de Salle-noire. Si fu-

rent prestement mōtez à cheual derriere deux hommes, & leur fut dit, que  
 fils faisoient semblant de crier, ne d'esmouuoir quelque noise pour les res-  
 courre, on les mettroit incontinent à mort: & lors sans arrester furent ame-  
 nez à trauers de la ville hors de la porte: mais aucuns de ses gens, & de la cō-  
 munauté s'assemblerent, & poursuuiurent pour eux cuider deliurer, & y eut  
 fait aucunes escarmouches de traict entre icelles parties. Neātmoins ils fu-  
 rent emmenez iusques au chaste! de Moï, & de là à Meulan, où ils furent  
 aucune espace de temps: & depuis furent amenez au chaste! d'Ancre, qui  
 estoit au dessu!dit Seigneur d'Offemont, & là furent certaine espace detēps  
 prisonniers. Pour laquelle assemblée, & entreprinse le Roy de France, &  
 plusieurs de ses Capitaines n'estoeint mie bien contens, pourtāt qu'on l'e-  
 stoit ainsi allē querir ēs païs du Roy: mais la plus grand partie de ses nobles  
 hommes, & Seigneurs dessusdits, disoient auoir fait à iceluy Seigneur ce  
 seruice à cause de lignaige, & appartenance. Et depuis le Roy en rescruint  
 bien destroictement au Duc de Bourgōgne en faueur de la Hire, afin qu'il  
 meit moyen à sa deliurance, & aussi qu'on ne luy feit aucune griefuetē de  
 sa personne. Et en fin y fut tant besongné, que ledit Duc de Bourgogne  
 en partie par contraincte, trouua moyēs, qu'iceluy & sa partie se soubsmē-  
 rent de leur discord sur luy, & son Conseil chacun d'eux ouï en ses raisons:  
 & se tindrēt plusieurs iournées en icelle ville de Dōüay present ledit Duc:  
 lequel Duc en conclusion, tant pour complaire au Roy, qui moult acertes  
 luy en auoit escript (comme dit est) comme pourtāt qu'il fut trouuē, que la  
 prinse n'estoit belle, ne bonne, ne honnestē, mais du tout defraisonnable,  
 les meit d'accord, & eut ledit Seigneur d'Offemont aucunes recompēsa-  
 tions pour ses interests, non mie à comparer à la finance, qu'il auoit payēe,  
 & si luy rendit le chaste! de Clermont, & ledit Perret payā mille escus pour  
 sa rançon, & par ainsi furent icelles parties rappaiēes, & accordēes de tou-  
 tes les questions, qu'ils auoient eu ensemble. Et quels iours furent accordēz  
 la Hire avecques Messire Iean de Luxembourg, lequel le hayoit mortelle-  
 ment, rāt pour la prinse de Soissons, comme pour autres griefs, & domma-  
 ges, qu'il luy auoit fait en ses Seigneuries: & demourerent bons amis l'un a-  
 uec l'autre, comme ils monstrent les semblans: & tantost apres ladiēte  
 Hire retourna deuers le Roy de France, auquel il se loüā grandement de  
 l'honneur, & de l'amour que le dessusdit Duc de Bourgōgne luy auoit fait  
 en faueur de luy, dont le Roy fut trescontent, & luy feit tresbonne chere: &  
 luy assigna incontinent la plus grand partie de ses fraits, & interest, qu'il a-  
 uoit eu ēs besongnes dessusdictes. Et pource que ses gens furent aduertis,  
 qu'il les cōuenoit departir du Chaste! de Clermōt, allerēt reparer vne vieille  
 forteresse nommée Thoys appartenant au Seigneur de Creuecueur. Si s'y  
 bouterent en garnison, & commencerent de rechief à moult fort trauail-  
 ler le païs deuers Amieſ, & Picquegny, & par especial les terres, & Seigneu-  
 ries, qui auoient aydē à aller querir la Hire leur Capitaine, dont dessus est  
 faite mention. Si estoit l'un des chiefs de ceux, qui ledit chaste! auoient re-  
 parē, & faisant toutes les besongnes dessusdictes, vn qui s'appelloit Philip-  
 pe de la Tour.

La Hire, &  
 Salle noire de  
 liure.



*Comment Charles Roy de France feit sa premiere entrée en la ville de Paris depuis qu'il le fut reduit en son obeyssance, & des preparacions qu'on y feit.*

**E** mardy douziesme iour de Nouembre de cest an, le Roy Charles de France se logea en sa ville de S. Denys. Si estoient en sa cōpaignie son fils le Daulphin de Viennois, le Cōnestable de France, Messire Charles d'Anjou, les Comtes de Perdiac, & de Vendosme, & le ieune Comte de Tancarville, Messire Christofle de Harcourt, le Bastard d'Orleans, & autres en tresgrand nombre Nobles, & grans Seigneurs Cheualiers, & Escuyers: & si y estoit la Hire en tresbel, & noble appareil. Et de là s'en alla ledit Roy en la cité de Paris, où il n'auoit esté depuis le temps qu'il en auoit esté debouté, quand elle fut prinse du Seigneur de l'Isle Adam, qui fut en l'an mille quatre cens dixhuiet. Et vindrent au deuant de luy iusques à la Chappelle le Preuost des Marchans, Elcheuins, & Bourgeois en tresgrād nombre, accompagnez des arbalestriers, & archiers de la ville tous vestus de robbes pareilles de pers, & de vermeil. Et quand ils furent venuz deuant le Roy, ledit Preuost des Marchans luy presenta les clefs de la ville de Paris: & le Roy les bailla en garde au Conneftable de France. Si meirēt iceux Preuosts, & Elcheuins vn ciel bleu couuert de fleurs de lis d'or, & le porterent tousiours apres par dessus le chief du Roy. Apres vint le Preuost de Paris accompagné de ses sergens de pied, qui auoient chacun vn chapperon party de vert, & de vermeil. Et ensuiuans iceux sergens vindrēt les Notaires, Procureurs, Aduocats & Commissaires du Chastellet. En apres vindrent les personnages des sept pechez mortels, & des sept vertus montez à cheual, & estoient tous habillez selō leurs proprietiez: lesquels personnages suiuiōient les Seigneurs de Parlement, & des Requestes. Apres suiuiōient les Presidens, & y auoit tresgrād multitude de peuple: & ainsi alla le Roy trefauctentiquement, & trefnoblement accompagné entrer par la porte sainct Denys en la ville, & cité de Paris. Sur laquelle porte estoit vn escu de France, que trois Anglois tenoient esleué, & au dessus dudit escu estoient † Anglois chantans, & au dessous y auoit escript.

*ordre tenu à  
l'entrée du  
Roy Charles.*

† Anglois,  
il fault Ang-  
ges.

*Tres excellent Roy, & Seigneur,  
Le manans de vostre cité  
Vous recoyuent en tout honneur,  
Et en tresgrande humilité.*


**I**TEM au Pöcellet auoit vne fontaine, en laquelle y auoit vn pot, où estoit vne fleur de lys, qui iectoït bon ypcras, vin, & caüe: & dedans ladicte fontaine estoient deux Daulphins, & au dessous auoit vne terrasse voultée de fleurs de lys, & dessus ladicte terrasse estoit vn personnage de sainct Iehan Baptiste, qui monstroït *Agnus Dei*, & y auoit Angès chantās moult melodieusement. Item deuant la Trinité estoit la passion: c'est à sçauoir comment nostre Seigneur fut prins, battu, mis en croix, & Iudas qui s'estoit perdu: & ne parloït riens ceux qui se faisoient, mais le monstrerent par ieu de mystere, & furent les manieres bonnes & biens ioües, & viuement compassionnées, & moult piteuses. Item à la seconde porte estoient S. Thomas, S. Denys, & S. Maurice, S. Loïs de France, & S. Geneuiefue au meillieu. Itē

au Sepulchre estoit, comment nostre Seigneur ressuscita, & comment il s'apparut à Marie Magdaleine. Item à S. Katherine en la Rue sainct Denys estoit le S. Esprit qui descendoit sur les Apostres. Item deuant le Chastellet estoit l'Annonciation, faicte par l'Ange aux pastoureux chantans, *Gloria in excelsis Deo*. Et au desloubz de la porte estoit le liect de Iustice, la loy diuine, la loy de nature, & la loy humaine. Et à l'autre costé contre la boucherie estoient le iugement, paradis, & enfer: & au meillieu estoit sainct Michel l'Ange, qui pesoit les ames. Item au pied du grand pont derriere ledit Chastellet estoit le baptifement de nostre Seigneur, & y estoit sainte Marguerite contrefaicté issant d'un dragon.

ITEM s'en vint le Roy au portail de nostre Dame de Paris, où il descendit, & veit deuant luy l'Vniuersité, qui proposa en brie, & audit portail estoient les Prelats: c'est à sçauoir les Archeuesques de Thoulouze, & de Sens, & les Euesques de Paris, de Clermont, & de sainct Mangon lez Montpelier, les Abbez, & Ministres de sainct Denys, de sainct Mor, de S. Germain lez Paris, & aussi pareillemēt de sainct Magloire & de sainte Geneuiefue. Et là feitle Roy le serment à l'Euesque de Paris, & puis entra en l'Eglise de nostre Dame: en laquelle estoient trois arches comme à Amiens la nuit de l'an, bien plaines de chādelles, & de cire. Et de là s'en alla le Roy apres qu'il eut faicte son oraison au palais, où il coucha pour celle nuit. Et à sō entrée estoient enuiron huit cens archiers bien habillez, & en moult belle ordonnance: lesquels le Comte d'Angoulesme conduisoit. Et estoient le Roy & le Daulphin armez de plain harnois, reserué leurs chief: & sur le harnois du Roy estoit vne tourmole couuerte d'orfauerie: & sur son cheual estoit vn pers veloux tout tissus de grand fleurs de lys d'or moult riche, & battoit iusques à terre: & auoit vn chanffrain d'acier, sur lequel auoit vn tresbel plumail. Et deuant luy alloit tout au plus pres de sa personne Porthó de sainte Treille, lequel portoit le heaume du Roy sur vn bastó appuyé cōtre la cuisse: lequel heaume estoit couronné d'une moult riche courōne: & sur le meillieu de ladicte couronne auoit vne double fleur de lys. Et menoit son cheual tout à pied vn Gentilhomme nommé Jean d'Olon, & tousiours portoit on le ciel dessusdit par dessus luy. Et apres luy suiuiōt les pages, qui estoient tresrichemēt, & noblemēt habillez, & ouurez d'orfauerie, & leurs cheuaux pareillement. Et vn petit deuant ledit Porthon alloient le Connestable, les Comtes de Vendosme, & de Tancarville, & plusieurs autres grās, & notables Seigneurs moult noblement mōtez, & habillez. Et vn petit ensuiuāt le Roy cheuauchoit, & ledit Daulphin tout couuert d'orfauerie, luy & son coursier moult noblement, & semblablement ses pages, & leurs coursiers: & estoit accompagné de Messire Charles d'Anjou son oncle, & des Côtes de Perdiac, & de la Marche. Et tout derriere suiuiot le Bastard d'Orleans armé de plain harnois tout couuert d'orfauerie luy, & son cheual: & auoit vne moult riche escharpe d'or, qui alloit par derriere iusques sur le dos de son cheual: & menoit la bataille du Roy, où il y pouoit auoir enuiron mille lances fleur de Gens-d'armes, & habillez eux, & leurs cheuaux. Et quā aux autres Cheualiers, & Escuyers, & Gentils-hōmes, en y auoit en grād nombre

bre, qui estoient eux, & leurs cheuaux tous chargez d'orfauerie. Desquels entre les autres apres les Princes Messire Jaques de Chabannes, & le Seigneur de Restelant en eurent le bruit pour cetyluy iour d'auoir esté eux, & leurs gens, & leurs cheuaux le plus richement parez, & aornez. Et quant est au peuple d'icelle ville de Paris, il en y auoit si grande multitude, qu'à grãd peine pouoir on aller parmy les rues: lesquels en diuers lieux crioier à haute voix tant cōme ils pouoient crier Noël, pour la ioyeuse venue de leur Roy, & naturel Seigneur, & de son fils le Daulphin. Si en y auoir plusieurs, qui ploroient de la roye, & de la pitié qu'ils auoier, de ce qu'ils le reueoier dedãs leur ville. Et apres toutes ces choses faictes, & accōplies, & le Roy venu au Palais en la maniere, cōme dit est, se logea là: & avecques luy le Daulphin son fils: & tous les autres Seigneurs tant Cheualiers, & Escuyers, cōme gēs de guerre, s'en allerent loger, parmy la ville en plusieurs & diuers lieux. Et fut crié de par le Roy à son de trompe sur la hart, que homme nul de quelque estat qu'il fut, ne mesfeit riens aux Parisiens ne en corps ne en biens. Et le lendemain le Roy monstra au peuple à la saincte Chappelle la vraye Croix nostre Seigneur, le fer de lance dōt nostre Seigneur Iesus Christ fut feru au costé en la croix. Et tātost apres monterent à cheual, & alla le Roy loger à l'hostel neuf pres de la Bastille, & le Daulphin se logea aux Tournelles. Si demourerent certaine espace de temps audit lieu de Paris: & furēt faictes plusieurs nouvelles ordonnances sur le regime du Royaume, & par especial dedans icelle ville de Paris furent adonc faits aucuns nouueaux officiers, tant en la Court de Parlement, cōme ailleurs. En outre apres ce que le Roy eut fait son entrée à Paris, comme dit est, les Comtes de la Marche, & de Perdiac enfans de Bernard Comte d'Armignac iadis Cōestable de France, mis à mort par la communauté de Paris, tresgrandement accōpaignez de plusieurs Seigneurs tant d'Eglise, comme seculiers, feirent deterrer leur feu pere, & mettre en vn sercueil de plomb, & apres le feirēt porter en l'Eglise sainct Martin des Champs, où luy fut fait vn seruice tresolnel. Auquel furent route la plus grand partie des Colleges de Paris: & le lendemain fut mis sur vn chariot couuert de noir, & conuoyé à grand solennité hors de la ville, & apres mené à grand compaignie de gens de ses deux fils dessusdits, en la Comté d'Armignac.

*Comment les Brugelins se commencerent à moderer, & enuoyerent leurs Ambassadeurs deuers le Duc de Bourgongne pour auoir paix.*

 Ne temps les Brugelins, qui se sentoient grandemēt auoir offensé vers le Duc de Bourgongne leur Seigneur, & aussi considerans que les autres bōnes villes de Flandres ne les vouloient aucunemēt conforter, ne ayder par quelque maniere que ce fut, se cōmencerēt à esmayer, & auoir doubte, qu'à long aller ne peussent resister, ne eux deffendre cōtre le dessusdit Duc de Bourgongne: car avecques ce ils sçauoient assez, qu'ils n'estoit point bien en la grace des Gantois, & leur venoient chacun iour des nouuelles, que le deuantdit Duc de Bourgogne venoit à tresgrãd puissance de Gens-d'armes pōur les subiguer: & iceux Gantois seroier en son



ayde pour à eux faire guerre. Et pour à toutes ces choses dessusdites obuier, trouuerent aucune maniere d'enuoyer leurs Ambassadeurs deuers iceluy Duc, qui se tenoit à Arras: & fut la besogne assez loquement demenee entre icelles parties, & entre-temps iceux Brugelins se commencerent à abstenir de faire leurs courses, & rudesses en iceluy pays, comme par auant auoient fait.

*Comment le Seigneur d'Offy, & Messire Florimont de Brimeu Seneschal de Ponthieu, & d'Abbeuille allerent assieger le Crotoy.*



V temps dessusdit, qui fut enuiron le mois d'Octobre audit an, le Seigneur d'Auxy Capitaine general des frótieres de Póthieu, & d'Abbeuille, avecques luy Messire Florimont de Brimeu Seneschal dudit Póthieu, & vn Cheualier de Rhodes preux, & hardy aux armes, qui estoit nommé Messire Iean de Foy, assemblerent certain nombre de combattans: lesquelz conducteurs conduisirét, & menerét deuant le chastel du Crotoy, que pour lors tenoient les Anglois, esperas iceluy reconquerre, & mettre en l'obeyssance du Duc de Bourgogne dedás brief terme ensuiuant, par ce qu'un paysant, qui n'agueres auoit esté audit chastel, & come il disoit, auoit espouldré tous les bleds de leás, leur dona à entendre qu'il estoit impossible qu'ils peussent viure, ne eux entretenir plus hault d'un mois. Sur lequel rapport, qui point n'estoit veritable, come depuis fut apparent, s'en allerent loger avec leurs gens deuant ledit chastel en la vieille fermeté de la ville: & manderét ayde de gés à plusieurs Seigneurs, qui leurs enuoyerét aucuns homes de guerre. Et avec ce furét fort aydez, & soustenuz de viures, & d'argét par ceux d'Abbeuille, qui auoient moult grand desir, qu'iceluy Crotoy fut subiugué, pour ce qu'il leur faisoit souuent de grans dommages. Si enuoyerent les Cheualiers dessusdits noncer ces nouuelles au Duc de Bourgogne, en luy requerát son ayde: lequel leur enuoya aucuns de son hostel pour scauoir que de ce pouoit estre. Lesquelz luy feirét respóce & rapport, que son pouoit garder, qu'ils ne feussét regarnies de viures par la mer, il estoit possible de les affamer, & de les contraindre de eux rédre par famine. Et sur ce fut escrit par le dessusdit Duc de Bourgogne à ceux de Dieppe, de S. Vallery, & de la marine à l'enuiró, qu'ils s'apprestassent à tout ce qu'ils pourroient finer de nauires, pour garder le dessusdit passage de la mer. Si se tira ledit Duc au chastel de Hesdin, & mada à venir deuers luy Messire Iean de Croy Baillif de Hainault: auquel il auoit autresfois donné la Capitainerie d'iceluy chastel du Crotoy, s'il pouoit estre cónquis, & luy ordóna d'aller en iceluy logis deuant dit à tout certain nóbtre de combats, & de gés de guerre, pour en estre le principal chief, & Gouverneur, & depuis y alla ledit Duc en sa personne à priuée mesgnie, pour veoir, & scauoir plus au vray l'estat d'iceluy logis, & n'y seiourna mie grand temps. Et afin que les gés y feussét plus seurement pour la doubte du secours, qui pourroit venir d'Angleterre par mer, & par terre à ceux dudit Crotoy; il ordonna à faire & ordóner vne grand Bastille, pour eux loger plus seurement: & fut faite moult forte, & bien enuironnée de grand fossez: & en estoit l'edifieur, & deuiseur aux ouuriers vn Cheualier nommé Messire Baudo de Noyelle. Apres l'accou-

l'accomplissement de laquelle Bastille, furent faits plusieurs logis, & avecques ce fut pourueüe de toute artillerie, & de toutes besongnes necessaires à guerre: durant lequel temps furent faictes plusieurs escarmouches entre les parties: entre lesquelles fut prins le Lieutenant du Capitaine de la forteresse dessusdicte par le Seigneur d'Auxi. Desquelles preparatiõs ainsi faictes par la partie dudit Duc de Bourgogne, fut aduertý le Roy Henry d'Angleterre, & son Conseil, dont ils ne furent point bien ioyeux, pource qu'il leur sembloit, qu'icelle forteresse leur estoit moult cõuenable, pour auoir entrée es pays, & marches de Picardie. Si fut conclud entre luy, & les Seigneurs de son Conseil, qu'on y pouruoyeroit de remede. Et pour iceluy mettre à execution, fut escrit de par le dessusdit Roy Henry d'Angleterre à ceux de son Conseil, qui se tenoient à Roüen, qu'incontinẽt & sans delay ils assemblasent le plus de gẽs de guerre, qu'ils pourroient finer sur les marches de Normandie, pour le secours dessusdit: laquelle chose ils feirent diligemmẽt publier en leur obeysance. Si se meirẽt ensemble iusques au nombre de quatre mille combattans, ou enuiron tant de cheual, comme de pied: desquels furent les conducteurs le Seigneur de Thallebot, le Seigneur de Fauquemberge, Messire Thomas Kiriel, & aucuns autres, qui adresserent à venir vers le chastel d'Incourt par plusieurs iournées, & de là par aucuns peu de iours vindrent loger à l'Abbaye de S. Vallery tous ensemble, pourtans avec eux leurs viures, & pouruoyances. Et entre temps que ceste assemblée se faisoit, le Duc de Bourgogne, qui estoit assez acertené de leur venue, auoit par auant assemblé de toutes les marches de Picardie, & deses autres pays, la plus grand partie de tous les Nobles hommes avec luy, & autres gens de guerre, & tant qu'ils pouoient dedans estre de huiẽt cens à mille cõbattãs, lesquels estoient partis de Hesdin, & venus à Abbeuille le iour deuant, que les dessusdits Anglois veinssent à la dessusdicte Abbaye de S. Vallery. Si estoient en la cõpagnie d'iceluy Duc le Comte d'Estampes, son nepueu de Cleues, le Côte de sainct Pol, & plusieurs autres Nobles, & grãs Seigneurs. Si estoit venu audit lieu de Hesdin vers luy, & à son mãdement Messire Ieã de Luxebourg Comte de Ligny: mais ils s'excusa deuers ledit Duc de luy armer: disant qu'il auoit encores à renuoyer le serment, qu'il auoit fait aux Anglois, & que bonnement ne se pouoit armer contreceux: de laquelle excusation (si comme ie fuz informé) ledit Duc de Bourgogne ne fut point bien content, & luy remonstra comment il auoit fermẽt à luy, & estoit son homme lige portãt son ordre: & auoit tousiours tenu son party: pourquoy bonnement à son honneur ne se pouoit, ou deuoit excuser de luy seruir, attendu qu'il alloit pour rebouter les ennemis, qui luy venoient courre sus en son pays: neantmoins ledit de Luxebourg s'en retourna par le congé dudit Duc, & obtint de luy mãdement de ladicte excusation. Et après que le dessusdit Duc fut venu audit lieu de Abbeuille, & qu'il eut certaine nouuelle de la venue de ses ennemis, il feit de rechief hastiuemẽt pourueoir ladicte ville de viures, artilleries, habillẽmens, & gẽs de guerre, & tant qu'ils pouoient dedans estre de huiẽt cens à mille combattans gẽs experts, & renommez en armes. Et quand il leur fut demandé par ledit Duc de Bour-

*L'Anglois se  
resolu de des-  
fendre le Cre-  
toy.*

*Luxembourg  
s'excuse de  
n'aller contre  
l'Anglois.*

gongne, s'il leur sembloit qu'ils peussent bien tenir ceste Bastille contre leurs aduersaires, ils feirent responce que ouy, & qu'il n'en fut en nulle doubte. Toutesfois ledit Duc auoit conclud, qu'il ne combatteroit point iceux Anglois à iour nommé ne assigné: mais feroit garder les passages de la riuere contre eux, & les feroit affamer, & herrer en leur logis: ou il les feroit prendre en aucuns autres destroits aduantageusement s'il pouoit: lequel propos ne fut point bien mis à execution. Et les dessusdits Anglois tantost qu'ils furent logez en l'Abbaye deuantdicte, passerēt là riuere à gué deux ou trois cens au dessus de ceux dudit Crotoy, & allerent courre au pays par deuant la Bastille iusques empres Rue: & prindrent aucuns hommes d'armes avec leurs cheuaux, & autres bagues: à tout lesquels sans aucun empeschement retournerent tres matin, & se meirent à chemin tous ensemble, & vindrent en bonne ordonnance passer la riuere, & pouoiēt estre enuiron deux mille de pied, qui entroiēt en l'eäue iusques aux reins. Si s'allerēt mettre en bataille aux plains champs sur le hault au dessus de la ville, en la veüe de ceux de ladicte Bastille: lesquels cuidoiēt qu'ils les deussent venir assaillir. Si se preparerent diligemment pour eux deffendre: & adóc dedās icelle Bastille furēt faits plusieurs nouueaux Cheualiers: c'est à sçauoir Iaqués de Craon Seigneur de Dómart en Ponthieu, Aymód de Moucy Seigneur de Masly, Eustache d'Inchy, le grád Bastard de Renty, Anthoine d'Ardeantin Seigneur de Bouchanes, Harpin de Richames, Gilles de Fay, & aucuns autres. Les Anglois, qui en riens n'auoient esté empeschez audit passage, s'en allerēt loger tous ensemble au monastere de Forest-Mónstier à deux lieües de là. Et le second iour se meirent aux champs, & s'en allerent loger à vn gros village sur l'eäue d'Authie nommé la Broye: lequel estoitourny de viures tresabondamment, & y furent quatre ou cinq iours, & alloient tressouuent battre, vanner, & recueillir des viures cent, ou six vingts au coup en aucuns villages à demie lieüe de leurs logis. Et mesmemēt en ce tēps, qu'ils furent en iceluy logis, allerent quatre, ou cinq ardoir vn gros village nommé Angien auprès de Hefdin, jaçoit ce que le Duc eut réuoyé pour la garde de Hefdin, & du pays grand nombre de Gens d'armes, qui à brief cōprendre leur feirent vne mole guerre: car ils ne les adommagerent sinon assez petit. Et apres que les Anglois eurent esté audit lieu de la Broye quatre ou cinq iours, ils l'embrazerēt en feu, & en flābe, & s'en allerent loger à Auxi, où ils furent par l'espace de trois iours, & coururent par petites compagnies en plusieurs & diuers lieux, pour fourrager le pays, & ne furent de leurs ennemis aucunement empeschez, dont il soit besoing faire mention. Et quāt est au gouuernement dudit Duc de Bourgongne, il se tenoit tousiours à Abbeuille: & festoient departis de luy grand partie de ses gens par son congé, pour aller garder les bonnes villes, & forteresses du pays. Si enuoya vn certain iour le Seigneur de Croy, & Iean de Brimeu Baillif d'Amiés, pour visiter la Bastille dessusdicte, & sçauoir se ceux de dedans estoient encores en ferme propos d'eux là tenir, lesquels venus illec apperceurent assez bien à leur façon, qu'il en y auoit vne grád partie, qui bien eussent voulu estre dehors à leur hōneur. Si auoit esté conclud tant du dessusdit Duc, comme de ceux

Angie bruslé  
par les An-  
glois.



ceux de son Conseil que pour pis escheuer, on rechargeroit toutes les artilleries, & puis se retrahiroiēt les Gens-d'armes à Rue apres ce qu'ils auoiēt bouté le feu dedans icelle Bastille: mais ils n'attēdirent point à eux retraire si honnorablement, qu'il auoit esté ordonné. Car sans ce qu'ils feussent aduertis de cause raisonnable, ne aussi pareillement, qu'ils veissent venir leurs ennemis sur eux, grand partie d'iceux s'esmeurent loubdainement par maniere de commotion, & faillirent à qui mieux hors d'icelle Bastille en grād desroy sans tenir aucune ordonnance: delaisant dedās icelle toute leur artillerie, & grād partie de leurs harnois, & plusieurs autres bagues. Si cōmencerent à cheminer ensemble pour aller deuers Rue en la maniere, comme dit est dessus: mais aucuns des principaux chiefs d'iceux se nēirēt en peine de les retenir, & ramener en icelle, ce que faire ne peurent, & aussi le feu auoit esté bouté es logis secrettemēt, parquoy ladicte Bastille fut assez tost esprinse. Si faillirent auant aucuns Anglois de la forteresse, qui crierent & huerent fort apres eux, comme on fait apres merdaille. Et brief ensuiuāt les Capitaines qui estoient (comme on peult supposer) la plus grād partie des plus vaillans gens, & plus experts hommes de guerre de la compagnie du Duc de Bourgogne, se departirent ainsi honteusement cōme vous auez ouy: & retournerent à Rue, & de là en plusieurs autres lieux de leursdicte obeyssance. desquels estoient les principaux Messire Ieā de Croy Baillif de Hainault, Messire Florimont de Brimeu, Messire Iaques de Brimeu, & Messire Baudo de Noyelle, tous quatre portās la Toison, & l'ordre du Duc de Bourgogne. Et avecques eux estoient Vvalerā de Moreul, le Seigneur d'Aussy, le Galois de Renty Cheualiers, le Seigneur de Fremessen, Robert de Saueuses, Messire Iaques de Craon, Iean d'Arly, & tous les nouveaux Cheualiers dessusdits avecques grand nombre de Cheualiers, & Escuyers de Picardie, qui grandement furent blasmez pour celle departie. Si s'excuserent les grans en donnant la charge aux petits archiers, disant qu'ils ne les auoient peu retenir. Et en ce propre iour les Anglois qui, comme dit est, estoient logez sceurent le departement des dessusdits, dont ils se resiouyrēt grandement. Si conclurent tous ensemble de r'appasser la riuierē pour retourner vers leur pays, & es lieux, & places, dont ils estoient venus: & à leur departement bouterent les feux en la ville d'Aussy, qui estoit vn moult bel, & grand village, & reprindrent leur chemin deuers le Crotoy, & allerent loger au Nonnion, & le lendemain r'appasserent la riuierē de Somme par le lieu, où ils estoient venus, & s'en allerent loger à l'Abbaye de sainct Vvalery, comme ils auoient fait deuant: & de là se retrahirent à Roüen, & es autres lieux de leur obeyssance: & emmenerēt plusieurs hommes prisonniers cheuaux, & autres bestes, qu'ils auoient prins, & rapiné au pays. Et avec ce auoient fait grāns dommages des feux, qu'ils auoient boutez en sept ou en huit villes: & si n'auoient eu nul empeschement de leurs aduersaires, sinō de trente ou quarante fourragiers, qu'ils auoient penduz. Et apres toutes ces besongnes, se retrahit ledit Duc de Bourgogne à Hesdin, & dōna cōgē à tous les Gens-d'armes reserué ceux qui demourerent sur les frontieres.

*Hôteuse lenée  
de siège.*

*Comment plusieurs Capitaines François à tout grand nombre de gens de guerre, qu'on appella Escorcheurs, vindrent au pays de Hainault.*



PRES ce que le Roy Charles de Frâce eust, cōme dit est ailleurs, seiourné par aucun temps dedans la cité de Paris, il s'en departit & retourna à Tours en Touraine : & lors apres sondit departement plusieurs de ses Capitaines se departirent des frontieres de Normandie, pourtant qu'ils n'auoient viures fors à grand peine pour eux y entretenir: c'est à sçauoir Anthoine de Chabannes, Blanchefort, Gautier de Bron, Floquet, Pierre, Regnault-Chapelle, Mathelin d'Escouet, & aucuns autres. Si se meirent à chemin tous ensemble, & estoient enuiron deux mille cheuaux: & parmy le pays de Vimcu s'en allerent passer la riuere de Somme à la Blanche-tache, & se logerent au pays de Ponthieu: & de celieu là s'en allerent deuers Dourlens, & logerent à Oruille, & és villages d'entour appartenās au Côte de saint Pol: & puis apres se tirerēt vers Bray, & repasserent l'eauie à Cappy, & s'en allerēt loger à Lihons en Séthois, & tousiours faisoient de tresgrans maux par tout le pays, où ils passoient, & ne se tenoient point contens de prendre viures, mais rançonnerent tous ceux, qu'ils poubient ataindre tant de payfans, comme de bestial, & autres biēs: & mesmement assaillirent le châtell dudit lieu de Lihons: mais il leur fut bien deffendu par Valeran de Moreul, & ses gens, qui estoient dedans. Et apres ce qu'ils eurent là esté par plusieurs iournées, & y fait de tresgrans, & suūptueux dommages, se tirerēt au pays de Cambresis aupres des terres de Messire Iean de Luxembourg Comte de Ligny, qui encores n'auoit point fait serment au Roy Charles: neantmoins ils ne luy meffirent riens sur les terres, pource qu'il estoit tousiours bien pourueu de gens de guerre: mais luy baillerent leurs sceelles, & luy à eux de riens entreprendre l'un sur l'autre. Si fērent iceux François plusieurs maux audit pays de Cābresis, & apres s'en allerent loger à Solames vers le pays de Hainault. Et adōcques Messire Iean de Croy Baillif de Hainault assembla les Nobles du pays de Hainault, & manda aussi aucunes des bonnes villes pour deffendre ledit pays contre les dessusdits, lesquels on nommoit en commun langage les Escorcheurs. Et la cause pourquoy ils auoient ce nom, si estoit, pourtant que toutes gēs, qui estoient récontrez d'eux tant de leur party, comme d'autre, estoient deuectuz de leurs habillemēs tout au net iulques à la chemise: & pource quād iceux retournoient ainsi nuds, & deuectuz en leurs lieux, on leur disoit qu'ils auoient esté entre les mains des Escorcheurs, en les gabant de leur male aduenture. Si dura ledit nom par aucune espace de temps: & par ainsi ne fut plus nouuelle des Armignacs, ne de leur nom, qui longuement auoit duré. Toutesfois quand iceux Capitaines furent logez à Solames, comme dit est dessus, & és villages à l'enuiron, il en y eut vne partie, qui vn iour certain se tirerēt au pays de Hainault outre le Quesnoy, pour trouuer aucun gaignage. Si rencontrerent d'aduenture le Baillif de Lefchines nommé Collard de Sennieres à tout de trois à quatre hommes, qu'il auoit assemblez en son village: à tout lesquels il venoit au Quesnoy le Comte au mandement de la

*Escorcheurs  
pourquoy  
ainsi nommez.*

la Comtesse de Hainault douairiere, & du dessusdit Baillif de Hainault, qui là faisoit son amast de Gens-d'armes, & estoit tres marin. Et incontinent qu'iceux François les apperceurent, il leur coururent sus vigoureusement, & de hardy courage. Si furēt icelles communes toutes esmerueillées, & n'obstant que les aucuns se meissent tresuaillamment en deffence: neantmoins ils furent en brief mis à grand meschef, & tournez à desconfiture, & là plus grand partie prins, & mis à mort trespiteusement. Et mesmement ledit Collard y demoura mort sur la placé, & avecques luy enuiron huiēt vingts de ses gens, & les autres ils emmenerent prisonniers, & les rançonnerent comme leurs ennemis, sinon aucuns en trespetit nōbre, qui eschapperent par bien fouyr. Pour laquelle destrouffe les nobles hōmes des bonnes villes d'iceluy pays de Hainault furēt durement troublez. Si enuoya ledit Baillif de Hainault vers le Duc de Bourgongne luy nōcer ceste mauuaise besongne, en luy requerāt, qu'il luy voullist enuoyer ayde de gēs de guerre: lequel Duc luy en enuoya largement. Si feit de rechef iceluy Baillif vne tresgrande assemblée audit lieu du Quesnoy, tant de gens de guerre cōme de ceux de Vallēciennes, & autres bōnes villes pour cobattre les dessusdits: mais entre temps ils se departirent dudit pays, & se retirerēt vers la terre de Guyse, & de là au pays de Champaigne en faisant tousiours de grās domages. Mais auant leur departement dudit pays de Hainault, rendirēt aucuns des prisonniers dessusdits sans payer aucune finance à la requeste dudit de Bourgongne, qui leur en escriuit. Et pour ceste cause y enuoya vn Gentil-homme de son hostel nommé Meliades, lequel estoit Breton, & bien aymé d'iceux Capitaines de France.

*Comment grandes pestilences, & famines furent en cest an.*



**T** E M en cest an mille quatre cens trente sept furent les bleds, & autres grains si chers par toutes les parties du Royaume de France, & en autres & diuers lieux, & pays de Chrestié, que ce qu'on auoit aucunesfois donné pour quatre soulds monnoye de France, on le vendoit quarante, ou au dessus. A laquelle cherté fit si grand famine vniuerselle, que grand multitude de pources gens moururent par indigēce, & estoit moult douloureuse, & piteuse chose à les veoir es bonnes villes mourir de faim, gesir sur les fumiers par grandes compagnies. Si y eut aucunes villes, qui les debouterēt de leur Seigneurie, & si en y eut aussi des autres, qui les receurent, & administrerent assez longuement selon leur puissance en accōplissant les œures de misericorde: entre lesquelles de celles, qui les receurent & administrerent, en fut l'vne la cité de Cambray. Si dura ceste pestilence iusques en l'an trenteneuf: & furent faits à ceste cause plusieurs edits par les Seigneurs tant Princes, comme autres: & aussi par ceux des bonnes villes, en deffendant, que nuls bleds, & autres grains ne fussent portez hors sur grosses peines. Et mesmement en la ville de Gand fut crié, qu'on s'abstint de brasser ceruoises, ne autres pareils bruuages, & que toutes autres pources gens feissent tuer leurs chiens, & que nul ne gouernast chienne, s'elle n'estoit chastrée. Telles & pareilles ordonnances furent



faictes en moult de pays , afin de pourueoir à la commune de pouteté du menu peuple, & des mandians.

*Comment les Gantois feirent nouuelle mutation, & se remeirent en armes, dont les Feures furent les principaux.*

*Cause de  
l'estimation des  
Gantois.*

**E**N ce temps dessusdit les Gantois se meirent en armes de nouuel en tresgrand nombre par le moyen des Feures d'icelle ville. Et fut la cause de ceste assemblée : pource qu'ils disoient , que ceux de la garnison de l'Escuse auoient pillé sur ceux du plat pays , dont les plaintes en estoient venues en ladicte ville de Gād, si requeroient iceux Feures, qu'on punist iceux pillars. Item & qu'on allast en armes sur ceux de Bruges , & auoir s'ils voudroient se departir de ceux du Franc , & les laisser estre vn des quatre membres. Item & que pareillement on allast sur ceux de l'Escuse, pour oster lesdits pilliers fischez en l'caüe de la Lieue, afin que la marchandise peust venir , & entrer au pays. Item qu'on iroit par toute la Comté de Flandres visiter & aduiser ceux, qui estoient leurs amis ou non : & qui leur voudroient ayder à faire, & entretenir paix au pays, & que les gens y peussent auoir à ouurer & gagner par les villes. Et si en ce les Escheuins, & habitans de Gand ne vouloient faire assistance, qu'entre eux Feures le feroient d'eux mesmes, moyennant l'aide de ceux de leur alliance. Et autrement ne se vouloient departir de leurs armes : si estoit Feure le Doyen des mestiers pour le tēps de lors, lequel estoit appelé Pierre Héubloc: lesquelles choses les Escheuins remonstrenterent aux bourgeois & aux Doyens des Tisserrans, & des autres mestieres de Gād en la place à ce ordonnée en l'hostel de la ville, afin que sur ce ils eussent aduis chacun avec ceux de son mestier: & ce qu'ils trouueroient en conseil, ils l'apportassent le lendemain à la loy : & adonc chacun mestier fut sur ce en congregatiō es lieux accoustumez en tel cas. Si reuindirent les dessusdits Doyens faire leurs rapports à la loy le neufiesme iour d'Octobre : & apres plusieurs interrogations concorderent aux Feures leursdictes requestes, pource qu'il leur conuenoit ainsi faire par l'importunité d'eux, & de leurs alliez : dont toutesfois grand murmure fut des plus notables, pource qu'en ce temps ceux de la ville de Bruges traictioient de paix en la ville de l'Isle aux deputez du Duc de Bourgongne leur Seigneur, là où ceux de Gand mesmes auoient enuoyez certains Ambassadeurs. Si doubtoient plusieurs, que les menues gens ne voulsissent appliquer à eux les biens des riches. Tantost les Feures à tout leur banniere allerent sur le marché au blé: & tantost & incontinent vindrent avec eux les Parmentiers, les vendeurs de vieilles robbes, & bien tost apres tous les autres mestiers. Apres y vindrent les vingt, & sept bannieres de Tisserrans, & puis le Baillif avec la loy, & la banniere de Flandres, & de la ville, & avec eux la Bourgeoisie, & tant qu'il y eut en nombre quatre vingts deux bannieres. Tantost apres se departirent ceux de la loy, & apres eux toutes les autres bannieres par la maniere accoustumée, & l'ordonnance coustumiere. Si s'en allerent au marché des Védredis deuant l'hostel des remonstres, où ils demourerent tout icelle nuit iusques au lendemain, que les

les dessusdits Feures, & les autres de leur opinion vouloient aller aux chāps. Mais la bourgeoisie, & la plus saine partie des Tifferrans desiroient de laisser icelle armée, pource qu'ils n'auoient point volenté de guerroyer: mais estoient d'opinion contraire. Si estoient en chance d'eux discorder & entrebattre. Lors les Feures se retrahirēt de l'autre costé du marché, & se separerent des autres disant, que ceux venissent qui suiuir les voudroient. Dont plusieurs se mēirēt avec eux de leur costé: & apres tous les autres se departirent par bonne ordonnāce, & allerēt à Merēquerque, qui est le chemin de Bruges loger en tentes, & en pauillons. Si estoient en ce temps plusieurs esmeuz, & rioteux, tant pour la perte de la monnoye nouuelle de l'an trente trois, & de l'abaislement des vieilles monnoyes, cōme pource qu'ils auoient moult frayé en tailles au voyage de Calais, & aussi ils n'auoient point de laines d'Angleterre. Parquoy plusieurs ne sçauoient à quoy employer leur temps pour gagner leur poure vie: & en especial ceux d'Ippe, qui estoient accoustumez de drapper de ces laines d'Angleterre, & plusieurs autres. Et d'autre part le fromēt, & tous autres blez estoient moult chers: & si n'y vloit on, ne ne trouuoit marchandises en Flandres pour la cause de la guerre de ceux de Bruges. Parquoy les biens cessoient à venir audit pays de Flandres: car ceux de l'Escluse auoient fiché pilliers au fleuve de la Lieue, si que les marchandises ne pouoient entrer au pays: & les riches gardoient le mieux qu'ils pouoient, ce qu'ils auoient de cheuance, pource qu'ils vcoient que ces gens de labeur se vouloient maintenir d'eux armer, & apprendre à viure de rappine: & que aucuns ne se pouoient remettre à leurs labeurs, & les riches ne vouloient riens mettre dehors, pource qu'ils se doubtoient de guerre auoir tous les iours tant d'un costé, que d'autre. Apres ce les dessusdits Gantois manderent ceux des villes, & villages de leur Chastellenie, qu'ils venissent incontinent deuers eux en armes en tel nombre qu'ils estoient, quand ils furent au voyage de Calais. Lequel mādement les Escheuins monstrerent au cōmun, & habitans pour eux sur ce cōseiller ensemble, & pource qu'ils ne le faisoient mie voulētiers, allerēt aucuns deuers les Escheuins de Gād pour auoir delay, & qu'ils peussent passer à moins de nōbre: mais adōc leur commanderent les Escheuins de Gand qu'ils obeyssent. Cetēps pendant lesdits Gantois esleurent vn Capitaine aagé d'environ trente ans nōmé Rasle Rouuen Bourgeois de Gand: auquel ordonnerent douze Cōseilliers, qui oncques n'auoient esté en la Loy de ladiēte ville. Et de ces douze en y eut quatre de la Bourgeoige, quatre des Tifferrans, & quatre des mestiers: lequel Capitaine ainsi esleu ne vouloit point entreprēdre ledit office. Itē le neufiesme iour d'Octobre auoit esté publié en l'hostel des Escheuins, que tous les Bourgeois forains veinsent en ladiēte ville de Gand sur peine de corps, & de biens dedans trois iours, tellement habillez en armes, cōme ils voudroient garder leurs corps, dont en cedit terme plusieurs y comparurent, & aucuns autres s'enuoyerent excuser, disant que ils auoient loyalle t̄essoin parquoy ils ne pouoient venir, & firent traitēte que ils payeroient aucune pecune pour estre excusēz. Et pource qu'on ne donnast charge n'abefongner à ceux, qui y estoient venuz, quand ils eurent seiourné trois

*Nouveau Capitaine esleu à Gand.*

† exōme.

iours ou enuiron en la ville, ils s'en partirent allans en leurs besongnes. Parquoy le xxvij. iour dudit mois d'Octobre furent mandez sur peine de perdre leur Bourgeoisie, & de payer issüe: cedit iour furent prins hui&t hommes souldoyers de l'Escluse, lesquels soubz vmbre de guerroyer ceux de Bruges desfroboient le pays. Et les prindrent ceux de sain&t Laurés au Bloc, car il auoit esté crié, & publié que chacun print, & menast deuers la iustice tous desfrobeurs, qu'on pourroit trouuer, si on les prenoit vifs, & si on ne les pouoit prendre, qu'on les tuast, & meit à mort. Lesquels les desarmerent, & retindrent icelles armeures avec leurs vestemens, si les emmenerent en leurs pourpoints à Merêquerque en l'ost de Gád, où le lédemain par leiuement des Escheuins eurent les hastereaux coupepez: & à la priere du souverain Doyen furent leurs corps dónnez aux Augustins, qui les enseuelirét. Depuis furent quatre hommes boutez hors de l'ost de Gand pour cause de pillage par eux fait par ceux des villages. Ledit Rasse, qui fut esleu Capitaine, alla deuers le Duc de Bourgogne à Arras, pour quérir sa cômmissiõ, si son plaisir estoit qu'il fut Capitaine: & laissa trois Lieutenans à Gand de trois membres de la ville: Vn de la Bourgeoisie nommé Iean d'Estable, des mestiers vn nommé Iean Cacielle, & vn des Tisserrans nommé Iean de Sterque. Le Lundy quatriesme iour du mois de Nouëbre reuint Rasse desdits Gátois: & cõme il en eut fait le serment en la ville de l'Isle deuât les Seigneurs du Conseil, semblablement iura en l'ost deuant le Baillif, & Escheuins de Gand d'estre bon, & loyal au Prince à garder ses droits, & Seigneuries, & les priuileges de la ville: mettre paix en droit & iustice, & tenir le peuple en paix, & vnion, & pareillement iurerent les douze Cõseilliers. Le cinquiesme iour dudit mois de Novembre Rasse le Capitaine à tout deux personnes de chacune bânieres avecques ceux de la Loy, vint de Merêquerque à Gád à la requeste de ceux, qui auoiét pource prins armes. Si print plusieurs personnes, qui auoiét esté des principaux Gouverneurs de ladite ville de Gand, c'est à sçauoir Loys de Holle, qui auoit esté premier Escheuin, Lieuin le lagre, qui plusieurs fois auoit esté Escheuin, & Tresorier, Gilles le Clerc Aduocat, Ieã l'Appoticaire, qui auoit esté Tresorier, & Escheuin de Gád, qui auoit esté Escheuin, & Iaques la Iaschere, qui auoit esté souverain Doye des mestiers. Et furét ensẽble prisonniers en la maisõ du Prince, & encores en eussent ils prins des autres: mais ils s'estoiét absentez. Et les appelloit on mangeurs de foye. Si feit ledit Capitaine publier, que tous ceux, qui auoiét esté en Loy en la ville de Gád depuis dix ans, qu'ils venissent en l'ost: lors estoit grãdement acreu l'ost de Gád lez Merêquerque: car ceux de leur Chastellenie estoient venuz estofement, excepté ceux du Courtray: & sembloit vne grande bonne ville de leurs tentes, & pauillons qu'on y veoit. Si prindrent leurs armes de rechef le sixiesme iour de Novembre: & vouloiét aller à Gand querir les prisonniers de la ville, pour iceux estre en leur compaignie: mais le Capitaine les refraignist, & dit qu'il auoit esté ordonné, qu'on les laisseroit en prison iusques à ce que l'ost seroit retourné en la ville, & que lors on feroit droit, & Loy selõ ce qu'on trouueroit par vne generalle

Gouverneurs  
de Gand pri-  
sonniers.



neralle inquisition par toute la Comté de Flandres. Si eüst volentiers veu iceluy Capitaine, que ledit ost se fut appetissé: disant qu'il mettroit bien la paix endroit & en iustice à tout la quarte partie d'iceluy ost: mais ceux de l'ost ne se vouloient nullement departir l'un de l'autre, ains vouloient demourer ensemble en fraternelle amour, & vouloient aller loger entre les villes de Bruges, & de l'Escluse, & se partiroient du Fran<sup>ce</sup> selon la sentence du Prince. Et si se soubmettoient de leurs meffaits, & ouurages en l'ordonnance du Prince, & des autres trois membres d'iceluy pays de Flâdres, sauüé leurs vies, & leurs priuileges: & si ceux de Bruges le vouloiēt ainsi faire, ou qu'ils suppliaissent au Prince, qu'il luy pleust sur ce eux auoir en grace: & en outte determiner du debat d'entre ces deux villes de Bruges, & de l'Escluse, afin que les marchans peussent paisiblement frequenter le pays. Que si ceux de Bruges le refusoient, on feroit tant qu'on les mettroit en obeïssance en la voulenté du Prince. Or auoient ceux de Bruges enuoyé de chacun mestier de leurs deputéz: lesquels traicterent tant à Merenquerque en l'ost, qu'apres plusieurs parolles furent d'accord. Si estoient iceux deputez en nombre de quarante deux personnes: lesquels apres ledit accord ensemble, presenterent & accorderent à bailler lettres selö vne minute faicte par eux le xij. iour de Nouembre, dont la teneur s'ensuit.

**N O V S.** Bourg-maistres, Escheuins, Conseil, Cheuetins de la Bourgeoisie, Doyens, *Lettres des*  
*Brugelins à*  
*l'ost des Gan-*  
*tois.*  
 rez des Maistres, & toute Communauté de la ville de Bruges: faisons scauoir à tous ceux qui ces presentes lettres verront, que nous à l'honneur de nostre tresredoubté Seigneur, & Prince le Duc de Bourgogne Comte de Flandres &c. A la priere des trois membres de la bonne ville de Gand, & de toutes les Franches villes de la Chastellenie de Gand auons consenty & consentons par ces presentes par nous, & nos successeurs, à tenir ferme & estable tel dit, & sentence donnée, & ordonné de nostre dit Seigneur, & son Conseil en sadiète bonne ville de Gand le xi. iour de Feurier, l'an mille cccc. xxxvj. de ceax d'icele Franc comme le quart membre du pays, comme par auant eut esté sans fraude, & selon le contenu d'icelle sentence. En tesmoing de verité auons ces lettres seellées du seel des promesses de ladiète ville. Lequel accord ainsi par les deputez de Bruges r'apporté en la ville apres grand Conseil, ceux de la Loy feirent demande aux habitants de Bruges assemblez deuant l'hostel des Escheuins, fils vouloiēt accorder cedit traité: lesquels là estans iusques au nombre de vingt mille ou plus, apres vn pou de silence respondirent cöme tous ouy. Lors l'auāça vn nommé Coppin de Mesinacre pieça banny de Gand pour ses demerites qui dit, Tout va mal: comment estes vous si couars, que vous craignez les Gantois? certes vous estes dignes d'auoir à souffrir à cause de vostre folie & incöstance. Et apres ce le Doyé des Feures, vn cousturier & plusieurs autres cömencerent fort à murmurer, & à contrarier ledit accord: & especiallement cötredisoïent moult d'en faire lettres: & tant feirent que tout ledit accord, & traité fut ancäty par le tumulte d'iceux. Parquoy depuis par le iugement de la Loy de Bruges, eurent les hastereaux coupez ledit Coppin, le Doyen des Feures, le cousturier, & vn autre: & en furent bannis de leurs complices iusques à dixsept d'iceux. Toutesfois icelle vnité & paix entre ceux de Bruges, & ceux de Gand, fut toute despecée quoy que lesdits

deputez, & ceux de Bruges en eussent baillé xvij. hostages à ceux de Gand :  
lesquels ceux de Gand deliurerent depuis , & les renuoyerēt sous vmbre,  
qu'iceux deputez leur disoient , qu'ils auoient fait leur deuoir & leur pouoir  
à faire enteriner ledit traité & accord : auecques lequel traité auoit aussi  
esté ordonné & accordé : que ceux du Franc pourroient prendre la franchise  
de Bourgeoisie à Gand, ou à Bruges, ou mieus plairoit à chacun. Et sur ce  
deuoient lesdits Gantois, & ceux d'Iphre enuoyer deuers le Duc de Bour-  
gogne leurs Ambassadeurs, prier qu'il luy pleust oster les souldoyers estrā-  
giers de l'Escluse, & les pilliers de la riuere de la Lieue, afin que les marchā-  
dises peussēt venir au pays, ou sinō qu'eux mesmes le peussent oster. Apres  
ce s'en alla l'ost de Gand loger à Ardambourg : & pource que ceux de Bru-  
ges apres contredisans cedit accord, ne vouloient partir du Franc : fut pu-  
blié à Gand, & en la Chastellenie le mandement du Prince fait en l'esté  
dernier passé, qu'on ne menast ne souffrist menér aucuns viures à Bruges.  
Item que leurs biens & debtes fussent prins & deliurez en iustice. Et apres  
fut publié, que se ceux de Bruges vouloient faire aucunes courses, ou em-  
uahyes sur ceux de la Chastellenie, qu'on sonnast les cloches aux Eglises, &  
les bassins pour soy assembler, & resister à l'encontre d'eux. Apres ce eut le  
hastereau couppé Clarus Boye natif d'Axelle : & aussi furent decollez Guil-  
laume le Boquelaire Patinier natif du pays de Vvast, & vn hōme de Cour-  
tray, pource qu'ils auoient esté à Courtray pour l'instigation des Feures, &  
cousturiers de Gand, & auoient dit illec, que ceux de Gād desiroiēt moult,  
que ceux de Bruges veinssent aux champs en armes auecques eux, pour le  
bien du commun pays de Flandres, & l'vnion d'iceluy, & pour corriger  
ceux de l'Escluse. Le xvj. iour de Nouembre ceux de l'ost eurent Conseil;  
qu'ils enuoyeroient certains deputez à Gand, & es villes de la Chastellenie,  
pour sçauoir qu'on feroit, & en quelle maniere on procederoit. En outre  
que s'ils estoient de l'opinion, qu'on allast sur ceux de Bruges, qu'on leur en-  
uoyast encores autant de gens qu'ils estoient. Mais ceux de Gand, eurent  
autre aduis, pource que les viures estoient chiers, & que l'hyuer estoit prest,  
auecques ce aussi qu'il leur ennuioyt bailler l'argent des souldées, parquoy  
on retourna, & delaisa on l'armée : car aussi la greigneur partie estoient  
adōcques cōtraires cōtre icelle, & queroient occasion de le despeschier. Et  
adonques l'ost des Gantois se departit de Ardābourg retournās iusques à  
Hecqueloc : & illec vn de la Chastellenie portāt vne partie d'une souche de  
bois, & closture d'un chāp pour faire feu, & eschauffer viādes : pource qu'au-  
cuns de Gād luy vouloiēt oster par force, se deffendit, & cria à la Chastelle-  
nie : & les Gātois crierēt Gād, si que tous s'esmeurēt : à ceste cause les Gantois  
d'une part, & la Chastellenie d'autre part ; & y eust eu grand bataille, se  
n'eust esté vn nōmé Pierre Simon Escheuin de Gād, qui par belles parolles  
departit l'Escarmie par grand vaillance. Et y fut villainement blecé des  
coups, qu'il receut de se bouter entre eux : mais il ne pouoit estre fort nauré  
pour ses bonnes auentures : & en y eut plusieurs naurez, dont les aucuns en  
moururent depuis : & par especial les Gantois, dont il en mourut en la pla-  
ce vn naueur de Gand vigoureux hōme, & depuis furent bannis de Gand  
deux

deux hommes, qui auoient feru sur le premier Escheuin dessusdit. Et la vigille saint Andrieu retournerent chacun en son lieu lefdits Gantois, qui s'estoient mis en armes à petite deliberation, & repairerent en leur ville à poid de consolation: & ceux de leur Chastellenie, qui y estoient allez bien enuis, retournerent bien volentiers chacun en son hostel. Peu de temps après ensuiuant fut depolé de sa capitainerie ledit Rasse Ouuren, & les dessusdits six prisonniers furent deliurez, pource qu'ils promeirent de ester à droit, & à Loy de ce qu'on leur imposeroit, ou demanderoit dedans trois iours, après qu'ils en seroient semons. En Decembre le mois ensuiuant furent publiées lettres du Prince par villes, & Chastellenies de Gand, contenant qu'on n'obeyst plus au Capitaine Rasse Ouuren, car ledit Prince l'auoit demis. La vigille de Noël fut ordonné par ceux de Gand en plaine consolation, que Messire Roland de Hutequerque, Messire Colard de Communes, Jean de la Damme, Gilles de la Voustine, Girard de Maldigen, Jean de Papegen, Pierre Gougebur, Pierre Bris, Iosse de Beys, Martin de Sinimes & Jean de Crique, lesquels auoient esté bannis de Gand, qu'ils pourroient reuenir en ladicte ville de Gand, & au pais de Flandres. En outre vn nommé Coppin Coppon, qui à passé cinq ans s'estoit absenté de ladicte ville, & auoit desrobbe plusieurs personnes en la Comte de Flandres, tant que plusieurs allans par le chemin se doubtoient moult fort de luy, si fut pour lors retourné à Gand cuidant que tout ce fut oublié: mais il fut prins & codamné, parquoy il eut le halsterel couppé avec deux autres, qui auoient desrobé deux hommes empres la ville de Tendre-monde.

Rasse depolé  
de la Capitainerie.

*Comment le traité se feit entre le Duc de Bourgogne, & ceux de la ville de Bruges.*

**H**TEM entre-temps que toutes les besongnes dessusdictes se faisoient, les deuantdits Brugelins, qui bien veoient (comme dit est ailleurs cy deuant) que à demourer longuement en l'indignatio de leur Prince, estoit totalement la destruction d'eux, & de leur ville, si commencerent fort à continuer de querir les moyens à auoir traité avec luy: lequel traité en fin ils trouuerent, & se soubsmirent du tout à leur Prince dessusdit avec ceux de son Conseil, par certaines conditions declarées entre icelles parties: duquel traité, aumoins aucuns des principaux points prononcez à Arras le quatriesme iour de Mars, present le dessusdit Duc, & son Conseil, & tresgrand nombre d'autres gens, la teneur s'ensuit.

PREMIER fut ordonné, qu'à la premiere fois, que le Duc iroit à Bruges, viendroient au deuant de luy vingt personnes avecques ceux de la Loy, sans chapperons, nuds pieds, & deschaussez vne lieue hors ladicte ville. Et eux venuz en sa presence se mettroient à genoux, en luy requerant pardon, & luy prier qu'il luy pleust venir en icelle ville. Item que la porte de la bouuerie seroit conuertie en vne chappelle, où on celebreroit chascun iour les sept heures canoniaux. Item que doresnauant à tousiours quand mondit Seigneur, & ses successeurs Comtes, & Comtesses de Flandres viendroient à Bruges, iceux de Bruges viendroient hors de ladicte ville portant les clefs de toutes les portes en perpetuelle memoire d'obeyssance. Item que chacun an le iour de leurs mesdits, ils seront en l'Eglise de S. Donnat chanter vne messe solempnelle à Diacre, & à sousdiacre, où ils seront estre

Article du  
traitié de  
Bruges.



vingt, & quatre personnes chacun tenant une torche ardant, tant que la messe durera d'une lueur de cire chacune torche. Et à chacun quatre gros. Item qu'au bout de la Lièvre on fera une belle croix. Item que les biens des bastards ne seront plus affranchiz à la mort: mais seront confisquez au Prince. Item que ceux de Bruges quitteront, & rachèteront à mondit Seigneur les rentes viageres, en quoy ces demaines sont tenax obligez. Item que ceux de Bruges n'auront plus de cognoissance sur ceux de l'Escluse: & est à sçavoir, que ceux de Bruges ne seront leur chef lieu, & ne les suivront plus ceux de l'Escluse en l'ost ne autrement: & n'auront à faire avec eux, fors seulement en ce que touche la marchandise. Item que aux mestiers, qu'on fait à l'Escluse, dont longuement a esté question entre les deux villes, iceux de Bruges n'en auront plus nulle cognoissance. Item que ceux de Bruges ne pourront faire nulle armée sur la forfaiture de corps & de biens. Item quicqu'eseroit cesser les mestiers, & quand armes & dissension se naistroient, en courroit moult griefues peines contenues en la principale sentence. Item sont reservées à mondit Seigneur aucunes personnes à estre en sa volente de ceux de Bruges, & de ceux qui y sont deuenz bourgeois durant la dissention. Item donneront & payeront ceux de Bruges à mondit Seigneur deux cens mille Ridders d'or. Item ceux de la Loy, & autres denomez de Bruges iront dedans huit iours hors de la ville à l'encontre d'aucuns deputez, qui y seront enuoyez de par ledit Duc, & les receueront en grand obediencie. Item que nul ne sera plus bourgeois forain d'icelle ville, s'il n'y demeure par trois fois quarante iours. Item fut ordonné, que le fils du Seigneur de l'Isle Adam auroit pour la mort de son pere dix mille escus, avec aucunes amendes honorables: & pareillement amenderoient la mort du Feure, à sa femme & à ses amis: lequel Feure auoit esté escartellé, pource qu'il auoit baillé les marteaux pour ouurir la porte. Avec lesquelles amendises en y auoit de plusieurs autres mises par escript au principal traicté. Desquelles pour cause de briefuer ie me tais d'en faire recitation ne mention: à laquelle sentence prononcer & ouyr, estoient presens à genoux deuant leur Prince en son hostel dedans Arras plusieurs notables personnes, & iusques au nombre de vingt, & quatre à ce commis, & deputez de par la ville de Bruges: lesquels furent moult troublez, pour la lecture & longueur d'icelle sentence, & tât qu'en fin le Duc ce voyant par pitié ordonna, qu'on les fait seoir pour estre plus à leur aise. Et toutes ces besongnes parfaites & accomplies, & que les dessusdits deputez furent retournez en la ville de Bruges, assemblerent le peuple en tresgrand nombre & multitude, & monstrerent la coppie de la sentence: laquelle pour le grand desir, qu'ils auoient pour retourner à la grace du Prince leur naturel Seigneur, fut à la plus grand partie assez agreable. Et à aucuns autres gens de petit estat, qui auoient eu gouuernement durant les tribulations, ne fut point plaissant, & eussent volentiers de rechef par leurs parolles seditieuses esmeu le peuple contre les puissans, ce que faire ne pouoient: car ils doubtoient grandement apres icelle paix, estre punis de leurs outrages, & demerites, & comme ils doubtoient leur aduint. Et dedans brief temps ensuiuant furent prins iusques au nombre de douze ou enuiron des principaux, qui auoient soubstenu, & entretenu toutes les rigueurs dont dessus est faite mention, lesquels eurent les hastereaux coupepez, & si en y eut plusieurs bannis, qui se rendirent fugitifs. Et fut faite ceste iustice à la venue du Damoyseau de Cleues nepueu du Duc de Bourgogne,

Se dit de ceux punis à Bruges.

gne, qui de par luy avec aucuns de son Conseil fut commis d'aller recevoir lesdictes amendises, selon le contenu du traité fait, & passé à Arras. Et par avant auoient esté enuoyez deuers ledit Duc en la ville d'Arras soixante trois hommes: lesquels auoient esté prins en la ville de Bruges, quand ledit Duc en fut debouté, & à leur departemēt de Bruges leur fut deliuré à chacun vne robbe de vert aux despens de la dessusdictē ville.

*Comment la guerre se refist entre la Duché de Bar, & la Comté de Vaudemont.*

**E**N l'an dessusdit se r'esmeut la guerre d'entre la Duché de Bar, & la Comté de Vaudemont, pource principalement que Messire Jean de Hossouille Seneschal heritable de la Duché de Lorraine voulut prendre la ville de Vaudemont, sur aucune querelle, qu'il se disoit y auoir: & depuis qu'il eut failly de son entreprinse, feit guerre ouuerte en boutant les feux en plusieurs lieux par ladiēte Comté: laquelle besongne venue à la cognoissance du Comte de Vaudemont, qui estoit † agenoüillé, monta à cheual hastiement, & avec luy Forte-Espice à tout enuiron cent combattans: & poursuiuit ses ennemis tellement, qu'il les attingnit à l'issue de son pais. Si les assaillit tresuaillement & vigoureusement: & en conclusion les meit en desfroy, jaçoit ce qu'ils feussent bien trois cens. Si en furēt morts enuiron quarante, & autant de prisonniers, & les autres se sauuerēt en fuyant: & fut leur estandart gaigné sur eux porté en l'Eglise de Vezelise. Et tantost apres fut la guerre plainement ouuerte entre icelles parties: & allerent les gens dudit Comte courre sur leurs ennemis, lesquels furent rencontrer de Messire Girard du Chastellier, & ruez ius, & menez prisonniers à Mirécourt, qui est vne bonne ville appartenant au Duc de Lorraine. Et depuis le dessusdit Comte de Vaudemont print ladiēte ville de Mirencourt par l'ayde de Floquet, & de Forte-Espice, si en recouist de ses gens: & en laissa ledit Floquet Capitaine, lequel brief ensuiuant la rendit aux Lorrains, & se retourna contre ledit Comte à la requeste de la Hire. En outre Blāchefort, Anthoine de Chabannes, Chappelle, Gautier le Breton, Mathelin, & aucuns autres Capitaines à tout leurs gens menoient guerre aux Lorrains, & aux Barrois pour ledit Comte de Vaudemont: lequel leur auoit baillé en garde Vezelise, & aucunes autres de ses places. Mais apres qu'ils eurent tout degasté le pais, ils s'en retournerent, & trouuerent maniere d'auoir mandement contenant, qu'ils se partissent de là, & seruissent lesdits Lorrains, & Barrois contre iceluy Comte: lequel mandement ils monstrerent à Messire Hector de Flauy, qui estoit Gouverneur de la dessusdictē Comté de Vaudemont. Et tantost apres les Capitaines dessusdits deliurerent la dessusdictē ville de Vezelise à iceux Lorrains, lesquels la desolerent: & tantost apres, quand ils eurent gasté grand partie des pais, tāt d'un costé comme d'autre; se departirent iceux François, qu'on nommoit, Escorcheurs en commun langage, & se tirerent vers les Allemaignes. Auquel departement ils eurent tresgrand finances desdictes Duchez de Bar & de Lorraine, & avec ce emmenerent hostages avec eux pour estre payez du surplus: desquels hostages en estoit l'un le fils de Messire Girard du Chastellier: durāt lequel tēps le Roy de Ce-

*Cause de la guerre aux Duchés de Bar & Vaudemont.*

† agenoüillé, ie doute s'il fault à Genouillé.

cile enuoya son fils le Marquis du-Pont aagé de neufans, pour entretenir le païs, & gouuernoient pour luy l'Euesque de Thoul, & ledit Messire Girard. Et vn petit par auant vn nommé Vatelín Tieulier menoit guerreau Comté de Vaudemont, & auoit sa retraicte en vn moult fort chasteil, qui estoit à son beau pere: c'est à sçauoir le Seigneur de Hartuel, lequel le soustenoit: & auoit fait plusieurs dommages par feu, & par espée en ladicte Comté de Vaudemont. Pour lesquels contre-venger, ledit Comte de Vaudemont accompagné de son nepueu le Comte de Blamont, le Seigneur de Commercis & Forte-Espice, avecques le nombre de quatre cens combattans ou enuiron, alla deuant ladicte forteresse: & la print par force d'assault & ledit Cheualier dedans: mais incontinent lesdits Lorrains vindrent à grand puissance, pour bailler secours & ayde à iceluy Cheualier: lesquels voyans que la place estoit prinse, & leurs aduersaires dedans, se retrahirent, firent de rechef moult grand assemblée de gens pour mettre le siege deuant Monstier sur Saux. Et pource que Messire Hector de Flauay auoit fait ardoir la ville, où ils se cuidoient bouter, & loger l'en retournerent en leurs marches. Ainsi & par ceste maniere se destruisoient icelles deux parties.

*De l'an mille cccc. xxxviij.*

*Comment la famine, la guerre, & la pestillence fut grande, & merueilleuse en plusieurs pays.*



V commencement de cest an en cōtinuant de mal en pis, la famine vniuerselle dont en autre lieu est faicte mention, commença de rechef estre si tresgrande, & si destroicte, que c'estoit piteuse chose a veoir les pources gens mourir en grand multitude par le moyen d'icelle famine. Et avec ce fut tresgrande mortalité en diuerses parties du Royaume de France, & par especial en la Comté de Flādrès, & plus en la ville de Bruges, que ailleurs, & pareillement dedans la cité de Paris: & d'autre part la guerre estoit tresaspre, & dure merueilleusemēt en plusieurs diuers lieux, & païs. Pour lesquels trois inconueniens plusieurs nobles hommes, & generallemēt tout le peuple dudit Royaume, & des païs à l'enuirō furent en moult grande, & douloureuse perplexité, & moult amatis. Et entre-temps les François, qu'on nommoit en cōmun langage les Escorcheurs se tenoient en grand nombre sur les marches de Bourgōgne, où ils faisoient de tresgrans, & innumerables dommages: tant de prendre forteresses, prisonniers, comme de tuer, & raurir hommes, & femmes tant nobles comme autres, en toute & pareille maniere, comme eussent peu faire les ennemis, & aduersaires du païs: lesquelles entreprinſes venues à la cognoissance du Duc Philippe de Bourgogne, en eut au cuer grand desplaisance: tant pour l'amour du temps de la famine, comme pour les mortalitez, qui estoient en plusieurs lieux de ses pays.

*Cruauté des  
Escorcheurs.*

*Comment le Seigneur de Thalebot, Messire Thomas Kiriels, & aucuns autres Capitaines Anglois conquirent Longueuille, & plusieurs autres forteresses sur les François.*

ITEM



**I**TEM en cest an le Seigneur de Thalebot, Messire Thomas Kirieli, & aucuns autres Capitaines Anglois, se meirent sur les chāps enuiron le mois de May, avec eux le nombre de huiet cens combattans ou enuiron, & allerent loger deuant le chastel de Longueuille, que tenoient les gens de la Hire: duquel chastel, & de la Seigneurie iceluy la Hire se disoit Seigneur par le don du Roy Charles, ainsi & par la maniere, que l'auoit eu jadis ce tresuaillant, & excellent combattant Bertran de Glesquin Breton Connestable de France: lesquels assiegez voyans leurs aduersaires en assez brief terme, rendirent la forteresse aux Anglois, par tel si qu'ils s'en departiroient sauf leurs corps, & leurs biens. Si s'en retournerent à Beauuais: lesquels Anglois apres qu'ils eurent mis bonne, & suffisante garnison, s'en allerent deuant Charles-Mesnil, qui estoit vn moult bēl chastel seant au plus pres de Dieppe, appartenant au Seigneur de Torfi, lequel fut rendu: & pareillement conquirēt Guellemecourt, & aucunes autres places, que tenoient les François ou pays de Caux. Et la cause pourquoy ils furent si tost mis en obeissance, si fut pource qu'ils estoient malpourueuz de viures, & d'artilleries.

*Comment le traicté du mariage fut fait entre l'aisné fils du Roy de Nauarre, & la damoiselle de Cleues niepce au Duc de Bourgongne.*

**A**V temps dessusdit vindrent deuers le Duc de Bourgongne en la ville de Douay enuiron vingt, & quatre hommes de cheual Ambassadeurs, enuoyez de par le Roy de Nauarre pour traicter le mariage de la Damoysele de Cleues niepce dudit Duc de Bourgongne, avecques le fils heritier du Roy de Nauarre. Entre lesquels estoit le Pricur de† Raincheaux, & vn certain Cheualier, & aucuns autres Gentils-hommes, & le Roy d'armes dudit Royaume de Nauarre: lesquels traictez furent conduits, & demenez assez longuement, mais en la fin vint la besongne à cōclusion, & fut octroyée par ledit Duc & depuis fut ladiete Dame enuoyée treshonorablement accompagnée en la cōduicte de son frere aisné audit Roy de Nauarre.

*Comment les villes, & chastiaux de Montargis, & Cheursue furent mis en l'obeyssance du Roy Charles de France.*

**D**V RANT le temps dessusdit furent remises en l'obeyssance du Roy Charles de France les villes, & forteresses de† Montargis, & Cheureuses, que tenoient les Anglois. Et d'autre part les garnisons de Meaux en Brye, de Creil, Ponthoise, & Gisors trauailloiet moult fort le païs d'iceluy Roy Charles, & par especial es païs de Senchois, Vermandois, Amiennois, Beauuoisis, & autres Seigneuries: & pareillemēt les garnisons, qui estoient assises contre les Anglois, faisoient moult grand domages aux païs dessus nommez: dont le poure peuple en plusieurs manieres estoit moult trauaillé, & lassé. Et quand au regard de Messire Iean de Luxembourg, il se tenoit comme neutre: & pour iceluy temps auoit peu de hantise avecques nulles de ses parties. Si faisoit tres fort fournir, & gar-

† Raincheaux pour Rouceuans.

† Montargis, ce mot de Cheureuses me fait penser qu'on doit lire Marcousses en lieu de Montargis.

Luxembourg se dit neutre, mais plus enclin aux Anglois.

nir ses villes, & chasteaux de viures, & d'artilleries sur esperance de luy defendre contre ceux, qui nuire, ou greuer le voudroïent. Et jaçoit-ce que par plusieurs fois il eut esté requis, & admonné de faire fermer au Roy Charles de France, neantmoins oncques ne s'y voulut consentir: & estoit tout resconforté d'attendre les aduentures, qui aduenir luy pourroient: car il auoit les sceillez du Roy d'Angleterre, du Duc d'Iorth, & de plusieurs autres Seigneurs Anglois: par lesquels ils luy promettoïent sur leur foy, & hōneur, que s'il aduenoit, que les François approchassent en aucune maniere pour luy faire guerre, ils le viendroient secourir à si grand puissance, qu'ils le deliureroient de tous ses ennemis quelque autre besongne, qu'ils eussent à faire: & sur ce ledit de Luxembourg se fioit tresgrandement.

*Comment il y auoit grand discord entre le Pape Eugene, & le Concile de Basle, & autres matieres.*

**E**N cest an furent enuoyez deuers le Roy de France le Duc de Bourgongne, & autres nobles Princes du sang Royal les Ambassadeurs de nostre S. Pere le Pape Eugene, & pareillement ceux du Concile de Basle, lesquels estoient en grand discord l'un contre l'autre: car en proposant deuant les dessusdits Princes ils diffamoient assez vituperablement chacun son aduerse partie: & dura ceste dissention assez longuement. Toutesfois pour ce temps le Roy estoit plus enclin à la partie du Concile, qu'à la partie d'iceluy Pape, & le Duc de Bourgongne se tenoit plainemēt pour le Pape Eugene: & pareillement faisoit le Roy d'Angleterre: esquels iours le Duc de Bourgongne enuoya deuers nostredit S. Pere le Pape vne solennelle Ambassade; c'est à sçauoir Maistre Quentin Mayart Preuost de saint Omer, le Prieur de Lihons en Santhois, Messire Symon de Lalaing, Guillaume le Jeune frere du Cardinal de Theroüanne, & plusieurs autres notables personnes: lesquels du dessusdit S. Pere furent receuz tres agreablement: & obtindrent en la plus grand partie tout ce pourquoy ils estoient venus. Esquels iours le Seigneur de Creuecueur, qui estoit moult saige, & prudent fut enuoyé de par le Duc de Bourgongne deuers le Roy de France pour plusieurs besongnes. Et entre les autres pour traicter le mariage de la seconde fille du Roy, & du Comte de Charrolois seul fils dudit Duc de Bourgongne. Auquel seigneur fut faicte tresioyeuse reception tant de par le Roy, comme de par la Roïne: & pourtant que la fille pourquoy il alloit, estoit nouuellement trespassee, luy fut remandé par ledit Duc qu'il demandast la maisnée, ce qu'il feit, & luy fut accordée & promise, & se nommoit Dame Katherine. Et apres deuant ledit retour du Seigneur de Creuecueur, fut accordé enuers le Roy le discord des Euesques de Tournay: c'est à sçauoir de Maistre Iean de Harcourt, & Maistre Iean Cheurot: lequel Cheurot demoura à Tournay, & ledit de Harcourt demoura Archeuesque de Narbonne. Et toutes ces besongnes, & aucunes autres acplies par les manieres dessusdictes, sen retourna ledit Seigneur de Creuecueur deuers son Seigneur le Duc de Bourgongne, qui le receut moult ioieusement, & moult honnorablement. Item en ce mesme temps vn Gentil-homme Cheualier, qui

*Mariage de la  
fille du Roy  
au fils du Duc  
de Bourgon-  
gne.*

qui estoit del'hostel du Duc de Bourgogne, prenant son chemin pour retourner en Sauoye, dont il estoit natif par la licence dudit Duc en son chemin alla en la ville de Guyse veoir messire Jean de Luxembourg, duquel il estoit tres bien en grace, & le festoya moult grandemēt en son hostel: mais apres qu'il fut departy de là, & qu'il eut prins son chemin pour aller en son pays, comme dit est, il fut rencontré d'aucuns saquemans, lesquels se disoient estre audit de Luxembourg, entre lesquels y estoit vn nommé Garmonser. Si le prindrent & le menèrent à Meaux en Brie deuers les Anglois & depuis fut mené à Roüen, où il fut detenu prisonnier par certaine espace de temps: & en fin il mourut de maladie, qui le print comme aucuns dirent par desplaisance & par courroux. A cause de la prinse duquel le Duc de Bourgogne fut tresmal content, & en rescriuit aucunement audit de Luxembourg avec autres besongnes: de laquelle prinse ledit de Luxembourg s'excula grandement, car il est à supposer que d'icelle prinse n'estoit en riens coupable: car depuis fait executer aucuns d'iceux, qui l'auoient prins & detenu, & aussi fait moult grand diligence de faire deliurer ledit Cheualier nommé Messire Philebert de la main desdits Anglois, par le moyen du Cardinal de Roüen son frere.

*Comment le Comte d'Eu, qui estoit prisonnier en Angleterre retourna en France, & des armes qu'il feit.*

**E**N l'an dessusdit retourna de la prison du Roy d'Angleterre le Comte d'Eu, où il auoit esté detenu depuis l'an mille quatre cēs & quinze. Si retourna en France, & auoit esté prins en la bataille de Hazincourt, & fut deliuré par le Comte de Sombresset, que le Duc de Bourbon frere audit Comte d'Eu tenoit prisonnier: & l'auoit acheté, ou au moins la Duchesse de Bourbo sa mere de ceux, qui iadis l'auoient prins à la bataille de Blangny, où le Duc de Clarence mourut comme en autre lieu est plus à plain declairé: pour le retour duquel ledit Comte d'Eu, plusieurs Princes de France, & autres nobles hommes furent bien ioyeux, & par especial le Roy Charles, & le Duc de Bourbon son frere. Et tantost apres sa venue fut par ledit Roy de France constitué Capitaine de Normandie depuis la riuere de Seine iusques à Abbeuille, & à la riuere de Somme. Si assembla certain nombre de Gens-d'armes, & alla prendre la possession de la ville de Harfleur. Si fut receu d'aucuns, qui en auoient le gouuernement par le Seigneur de Ricux Marechal de France, mais aucuns autres ne luy voulurent point obeir, ains se retrahirent en vne porte, & en aucunes tours & là se tindrent par certaine espace de temps, dont ledit Comte d'Eu fut tresmal content. Si les feit assaillir tres roidement, & asprement, & tellemēt qu'une partie d'iceux se rendirent à luy, & les autres qui estoient es tours du Haure, enuoyerent à Roüen deuers les Anglois pour auoir ayde, & secours: mais depuis s'accorderent secrettement deuers ledit Comte d'Eu: & tellement s'appointerent ensemble, que quād iceux Anglois vindrēt aux tours dessusdictes, pour bailler ayde & secours à ceux qui les auoient mandez, ils furent vehementement trompez: car il en y eut de prins, & retenus enuiron trente, & les autres qui s'apperceurent d'iceluy malengin, s'en re-

*Comte d'Eu  
fut Capitaine  
de Norman-  
die.*



tirerent ou païs d'Auslois enuers Francquefort. Si prindrent & rançonnerent plusieurs meschantes forteresses, & forts monstiers, mais entre-temps qu'ils gastoient ledit païs d'Allemagne, & qu'ils y faisoient tant de maulx, les Allemans s'assemblerent en tresgrand nombre pour les rebouter. Si feirent retraire les viures, & les païsans dedans les forteresses, & es bonnes villes, & apres leur commencerent à faire forte guerre, & les prenoient à leur aduantage, quand ils alloient fourrager à petite compagnie. Si en occirent & meirent à mort cruelle plusieurs par ceste maniere: & ne se vouloient point assembler en bataille contre eux à iour nommé, jaçoit-ce que plusieurs fois par eux en fussent requis: lesquels voyans la perte de leurs gens, & ainsi croistre la force des Allemans, se tirerēt hors du païs apres ce qu'ils y eurent fait de grans cruautéz, & dommages, & s'en allerent en Bourgogne, où ils feirent tout pareillement: & de là se tirerēt vers le Niuernois, & apres tousiours continuant en degastant païs, & en faisant maulx innumerables, s'en allerent au païs d'Auuergne. Si multiplioient chacun iour la compagnie des mauuais: car tous meschans gens se boutoient avec eux, qui n'auoient point de conscience, & tant qu'ils se trouuerent bien telle fois en nombre de dix mille. Si ne deportoient personne de quelque estat qu'il fut seigneur ou autre, mesmement les propres villes & païs du Roy, & de ses Princes degastoient comme les autres, & n'y sçauoit on comment y pouruoir ne remedier, pource qu'ils estoient en si tresgrand nombre. Et par tout pays où ils alloiēt (sicomme autresfois vous ay dit) on les nommoit les Escorcheurs. Et apres ceste pestillence eurent les gens du pays moult à souffrir es places, & es lieux où ils alloient.

*Comment le Comte d'Estampes reprint la forteresse du Raoullet sur les gens du Seigneur de Moy, & autres matieres.*



TE M & aussi deuant ceste dure pestillence, les gens du Seigneur de Moy en Beauuoisis auoient prins la forteresse du Raoullet à deux lieues pres de Montdidier sur les gens de Guy de Roye, qui l'auoiēt en garde, & faisoient guerre à la ville de Mordidier, & ou pays à l'enuiron. Et pource qu'icelle ville, & le pays estoient en la garde du Comte d'Estampes, & en son gouuernemēt, il enuoya deuant ladicte forteresse certain nombre de gens de guerre sous la conduicte d'aucuns de ses Capitaines: c'est à sçauoir Valeran de Moreul, & Guy de Roye & aucuns autres, lesquels les assaillirent, & meirent à tel meschief, qu'ils se rendirent en la volenté dudit Comte d'Estampes: desquels il feit pendre de vingt à trente, & ladicte forteresse fut remise en la main du dessuidit Guy de Roye. Pour laquelle execution ledit Seigneur de Moy qui estoit Capitaine de Cleremont, feit dedans brief temps ensuiuant plus forte guerre, que par auant à la ville de Montdidier: pourquoy il conuint mettre en plusieurs lieux gens d'armes en garnison, tant en villes comme en forteresses contre ledit Seigneur de Moy. Et par ainsi toutes les marches à l'eürō d'un costé, & d'autre furent exilées & gastées, & eurent plus à souffrir, que deuant & durant plaine guerre. Et d'autre part les Anglois prindrēt en ces propres iours les forteresses de S. Germain en l'aye, & de Gerberoy nō mie de force, mais

*Saint Germain en Laye prins des Anglois.*

chose est-  
ce & remar-  
quable.

† lisez An-  
uers, car  
cette faulte  
d'Amiens  
pour An-  
uers se  
trouue en  
deux ou  
trois autres  
endroits,  
aussi que le  
voisinage  
des autres  
villes, dont  
il parle fait  
iuger qu'il  
fault quel-  
que autre  
mot.

d'emblée: si y meirent tresgrans garnisons dont les Parisiens eurent moult à souffrir. En ce mesme temps aduint vne tresgrande cruelle & merueilleuse chose en vn village pres d'Abbeuille: car vne femme y fut prinse & accusée d'auoir meurdry plusieurs petits enfans, lesquels elle auoit desmembrez, & salez secrettement en sa maison. Si fut celle grande cruauté accusée par le moyen d'aucuns Brigans, qui par nuict vindrent en sa maison, & en trouuerent des pieces: & pour ceste cause fut prinse: & apres qu'elle eut cogneu sa malice, fut arse, & executée par la iustice dudit lieu d'Abbeuille en Ponthieu. Ou temps dessusdit ceux de Bruxelles eurent grand discord, & dissensions contre ceux de Louuains, Malines, & autres bonnes villes de Brabant, pource qu'ils contraignirent par tout le territoire † d'Amiens porter les bleds en leur ville au grand preiudice des bourgeois d'icelles bones villes, ausquels les bleds estoient. Et pour ceste cause s'ensmeut tresgrand guerre, & dissension entre ceux de Malines & eux, car lesdits de Malines tendirēt leurs chaines sur la riuere: parquoy riens ne pouoit aller à Bruxelles, & assez tost apres coururent en armes l'un cōtre l'autre, & en y eut plusieurs mis à mort entre icelles parties. Neantmoins depuis le Duc de Bourgongne, & son Conseil y meirent moyen, & les appaiserent de leur dissension.

*Comment vne assemblée se feit entre Calais, & Grauelines du Cardinal d'Angleterre, & de la Duchesse de Bourgongne, pour trouuer maniere d'auoir paix finale entre les parties de France, & d'Angleterre.*

**E**N VIRON le mois de la nuier de cest an s'assemblerēt entre Calais, & Grauelines en vn lieu deuisé par les parties, où furent tēdues aucunes tentes pour tenir conuention: c'est à sçauoir le Cardinal de Vincestre d'une part, & la Duchesse de Bourgongne d'autre part, chacun d'eux grandement accompagnez de nobles personnes tant Ecclesiastiques que seculiers: avec lesquels y estoient de par le Roy de France comme Ambassadeurs vn sien Maistre d'hostel, nommé Messire Regnault Girard Cheualier Seigneur de Bazoches, & Maistre Robert Mallie n Conseiller, & Maistre des Comptes: afin d'auoir tous ensemble aduis, conseil, & deliberation sur la paix finale entre les deux Royaumes: & aussi par la deliurance & rançon de Charles Duc d'Orleans. Si furent plusieurs ouuertures mises auant, & par plusieurs iournées: & en la fin ne peurent autrement conclure sinon de prendre iour par l'aduis, & conclusio des deux Roys, & de leurs Conseils, chacun pourtant que toucher luy pouoit à l'an ensuiuant pour tenir nouuelle conuention: lequel iour, & lieu on deuoit faire sçauoir à la dessusdicte Duchesse de Bourgongne, pour en aduertir, & faire sçauoir à chacune desdictes parties: laquelle iournée nouvellement reprise, deuoit estre amenē en personne ledit Duc d'Orleans: c'est à sçauoir à Chierbourg ou à Calais, auquel des deux il seroit aduisē en dedans ledit iour: & apres que les besongnes dessusdictes furent ainsi conclues entre icelles parties, se departirent de là, & retournerent es lieux dont ils estoient venus. Itē en cest an le Duc de Bourgongne assembla enuiron seize cens combattāz, lesquels furent menez, & conduits vers Calais, pour garder cōtre les Anglois tresgrand

tresgrand nombre de pionniers, de charpentiers & autres manouuiers, qui y furent menez & conduits pour rompre, & demolir vne dicque de mer, afin de noyer & destruire ceux de la ville de Calais, & le pais enuiron. Et auoit on donne à entendre audit Duc de Bourgongne, qu'il estoit trespossible de le faire, & que par ces moyens icelle ville ieroit du tout mise à destruction: mais quand ce vint que les pionniers dessusdits eurent ouuré certaine espace de temps, on apperceut assez bien que ce n'estoit point vne chose, qui se peüst bonnement acheuer. Si fut l'entreprinse delaissee, & feit on rompre le pont de Millay, & aucunes autres petites dicques, qui peu firent de dommages ausdits Anglois.

*Comment le Roy de France contrainit Rodigue de Villandras, lequ-l gascit & trauailloit son pays, d'aller guerroyer sur les Anglois.*

**E**N cest an vint à la cognoissance de Charles Roy de France, cõment ses pais en diuers lieux estoient degastez, & oppressez par aucuns Capitaines tenans son party: lesquels auoient grand nombre de Gens-d'armes sur les champs: entre lesquels estoit vn des principaux Rodigue de Villandras, lequela uoit en sa compagnie mieux de six cens cheuaux. Si luy furent enuoyez de par le Roy certains messages, lesquels luy dirent & commanderent de par luy, qu'il vuidast ses pais, ou allast en frontiere contre les Anglois, à quoy il ne voulut obeïr. Et pource que le Roy, qui estoit à Bourges en Berry, assembla gës & alla en personne pour le ruer ius, mais ledit Rodigue en fut aduertý. Si se tira vers Thoulouze, & alla au pais de Guyenne: auquel lieu avec aucuns du pais, il assembla de rechief tresgrand nombre de Gens-d'armes. Si commença à faire tresforte guerre aux Anglois, & tant en ce continua, qu'il leur feit tresgrand domage, & print plusieurs villes & forteresses, où il meit de ses gens. Si entra en l'isle de Medoch iusques à Soulach: lequelpais ils destruirët, & y trouuerët des biens treslargement, & en tresgrãd abondance: & pareillemēt cõquirët le pais de Banquefort. Et outre allerent deuant vn fort nomé Chastel-Neuf, lequels prindrent d'assault, & estoit au † Capitaine de Beusd. Et tantoſt apres vint le seigneur d'Albreth à tout tresgrãd puisſace de Gës-d'armes, & les mena deuers Bordeaux, où ils prindrët l'Eglise de S. Seuerin, qui est à vn trait d'arbalestre pres de la cité. Si se logerent illec tresgrand nombre de gens de guerre: & depuis par nuit en meirent és vignes aupres de la ville vne tresgrosse embusche de leurs gens: lesquelles vignes estoient hautes comme treilles, & le lendemain firent semblant d'eux desloger. Et adonc ceux de Bordeaux commencerët à faillir dehors sur eux, & en issit biẽ deux mille largement. Contre lesquels se meirët ceux de ladicte embusche, & y eut entre eux vne tresgrãd besongne & merueilleuse escarmouche: car ils se cõbattirent felonneusement par moult grãd espace de tẽps, & se tindrent tres vaillamment l'vn cõtre l'autre. Si en demoura de morts sur la place biẽ enuiron huit cens, dont la plus grand partie furent Anglois: lesquels Anglois il conuint retraire dedans la ville de Bordeaux, pour la force & grand puisſance des François. Et adonc furët mises grosses & puisſantes garnisons de Gens-d'armes autour de ladicte ville de Bordeaux en plusieurs lieux, les-

† Capitaine de Beusd, peut estre qu'il falloit Capitail de Beusd.

Anglois defaits deuant Bordeaux.



quels contraignirent, & destruisirent moult le pais, qui estoit moult grâd & plantureux, & auoit esté long temps sans estre si fort approché de gens de guerre, qu'il fut pour lors. Pour lesquelles entreprinſes, vaillances & diligences que feit iceluy Rodrigue de Villandras au pais de Bordeaux, le Roy de France luy pardonna toutes les offences, & malfaits qu'il auoit faits contre luy. Toutesfois dedans vn an apres ensuiuant leſdits Anglois reconquirent la plus grand partie de ce, qu'iceux François auoient gaigné sur eux.

De l'an mille cccc. xxxix.

*Comment le Pape Eugene enuoya ses lettres en plusieurs lieux de la Chrestienté, & la teneur d'icelles.*



V commencement de cest an furent enuoyées vnes bulles par nostre sain & Pere le Pape Eugene, contre ceux tenans le Concile de Basle, dont la teneur s'ensuit.

EUGENE Euesque serf des serfs de Dieu. Tous exemples tant du nouuel, comme du vieil testament, nous admonnestent les crimes & deffauts, especiallement griefs, qui sont & attendent à l'esclandre, & diuision de la chose publique, & du peuple à nous commis & baillé: que nous ne les laissons passer sous silence, ne que nullement ne les laissons impunir. Et si les fautes, par lesquelles Dieu est grandement offensé, nous dispenserons à pourſuiuir & venger, certainement nous pronouquerions la diuine sapience à se courroucer: car il est plusieurs deffauts, esquelles grandement pechent ceux, qui relaschent, & different de vengeance, quand ils les doiuent punir: iuste chose est & à raison consonante selon la raison des Saints Peres, que ceux qui contemnent les diuins mandemens, & desobeïssans aux paternelles ordonnances selon saintes institutions; soient corrigez de plus cruelles vengeance, afin que les autres ayent honte de mettre les crimes, & toute concorde fraternelle se resiouisse, & que tous prennent exemple de cremeur & de honnesteté: car s'il estoit ainsi, que ja ne soit, que la vigueur, & sollicitude de l'Eglise fut par nous delaissee negligemment, la discipline de l'Eglise periroit par nostre paresse: ce seroit chose moult nuisant aux am: s des bons, & loyaux Chrestiens: dôt fault retrencher la mauuaise chair de la bonne, & la brebis rongneuse du trouppel à ce que toute la maison, & les bestes ne perissent, ne soient corrompus n'infectez: car comme dit le glorieux Docteur S. Hierosme, Arien fut à Alexandrie vne estincelle de feu, mais pource qu'elle ne fut pas assez tost estaincte & oppressée, la flambe s'y depopula, & alluma tout le monde: & pour ceste cause à l'Euesque de Rome furent de nostre Sauueur données les clefs de lier & deslier, afin que ceux qui se desuoient, & vont insensiblement hors du chemin de verité & de iustice, soient astraints, & contraincts des liens de correction & obligation. Disons dōc de l'auctorité Apostolique, ceux qui curent & qui mettēt, & menēt les autres en erreur, par les cesures de l'Eglise estre baillez à Sathā à ce que leurs esprits soient sauuez: & à ce que tāt eux comme les autres desaprennēt de blasphemier, & comme dit le benoist Pape Sixte: Nous ayons memoire de presider sous le nom d'icelle Eglise, de laquelle la confession est de nostre tresdoux sauueur Iesus glorifier: de laquelle la foy ne nourrist iamais breſie: mais toutes les destruisit. Et pource nous entendons à nous non estre autrement licite, que de mettre toute nostre force, & puissance à ce, à quoy le fait de l'vniuerselle Eglise soit arresté. Verité est, que es iours prochains nous presidens à la congregation du Concile general de ceste sainte sacrée Eglise, nostre bien aymé fils Maistre Hutin de la Plante

Docteur

Docteur en Loix, & nostre bien aymé fils Maistre Jean de Plato Docteur en Loix Promoteur d'iceluy sacré Concile, & Maistre Venture du Chastel ordonné Procureur de la chambre Apostolique, & Licentié es Loix, nous ont exposé une lamentable querelle sous ces parolles en disant: Tressainct & reuerend Pere en ce sacré & œcumenique Concile general legitimelement assemble, jaçoit ce qu'une soit la sainte Catholique, & Apostolique Eglise Romaine, que le benoist saint Esprit en la personne de nostre Seigneur au li-<sup>vnité de l'E-</sup>gise.  
 ure des Cantiques le demonstre: en disant: Ma coulombe est une parfaite, une est aussi sa mere, qui la porte enfante. Et le vassail d'election monseigneur saint Pol demonstre l'vnité d'icelle Eglise, & le sacrement de ceste vnité en disant, un corps & un esprit, une esperance de nostre vocation, un Seigneur, & une foy en baptesme, un Dieu. Et (comme dit le benoist Cyprien) elle est un chief, une naissance, & une mere plantureuse de toute secondité, & ne peut adulterer l'espouse incorrompue de Iesus Christ nette & pure, elle cognoist une maison, elle garde par chasteté, netteté, & sainteté une seule couche. Et en un autre lieu iceluy mesme Cyprien dit, il n'a point l'Ecclesiastique ordonnace, qui ne tiens l'vnité de l'Eglise. Et comme Pelage Pape afferme des parolles du benoist saint Augustin tres noble Docteur d'icelle Eglise, pour ce qu'il ne peut estre, qu'il ne soit Eglise, & faut qu'icelle le soit: laquelle est un siege Apostolique radiallement constitué par la succession des Euesques. Neantmoins des le commencement d'icelle Eglise, la libidinosité, & outrage effrené d aucuns homes à tousiours attedu de descirer, & de destrécher l'vnité d'icelle, à l'encontre desquels la diuine vengeance premierement, & apres l'auctorité des saints Peres se sont esleuez. Quicôques doncques par hardiesse, sacrilege, & diabolique perswasion, presumerà d'entamer ceste sainteté, & sans nulle macule vnir d:l'Eglise, cesteuy sacré Canon le demonstre, & enseigne ennemy del'Eglise: & ne peut auoir Dieu à pere, s'il ne tiens l'vnité de l'Eglise vniuerselle: & ne peut celuy, ne nul en riens conuenir, qui ne conuiens avecques le corps de l'Eglise, & l'vniuerselle fraternité. car cômme Iesus Christ soit mort pour l'Eglise, & l'Eglise soit le corps Iesus Christ, il n'est point de doubte, que qui diuise l'Eglise, qu'il est conuaincu de diuiser, & deschirer le corps de Iesus Christ. Et à ceste cause par la vouldenté de Dieu en ses schismatiques Dathan & Abiron, qui contre l'honneur de Dieu faisoient schisme & diuision, telle vengeance vint, que la terre s'ouurit, & les engloutit tous vifs: & les autres, qui leur adheroient, furent consummez par feu, qui descendit du ciel. En apres combien soit inseparable le sacrement de l'vnité de l'Eglise, & combien s'acquierent grand perdition par l'indignatiõ de Dieu: ceux font schisme en l'Eglise, & qui delaissent le vray espoux de l'Eglise, & un autre faulx Euesque se constituent: on le veoit es liures des Roys, où l'escriture diuine declare: que quand de la ligne de Iuda, & de Benjamin les dix autres lignes se furent separées, & qu'ils eurent laist leur droit Roy, & en eurent constitué un autre, nostre Seigneur fut indigné contre toute la semence d'Israël, & les donna en derision & diuision: & aussi qu'il d'icella de sa face. Et dit ceste escriture, nostre Seigneur auoir esté indigné, & iceux auoir donné en perdition, qui s'estoient separez & dissipez d'vnité, & se auoient autre Roy constitué. Et à tousiours esté si grande de Dieu l'indignation contre ceux qui ont fait schisme & diuision, qu'aussi quand l'homme de Dieu fut enuoyé à Hieroboam, qui luy reprochoit & blasmoit ses pechez, & luy predisoit la vengeance, que Dieu en vouloit prendre: Dieu luy auoit deffendu qu'il ne mangeast de pain, ne beust euee avecques iceluy Hieroboam, laquelle chose il trespassa contre le commandement du Dieu: & tãtost apres par la diuine sentence il fut tellement persecuté, qu'ainsi qu'il venoit dudit Hieroboam, il luy vint un

P. minor diuine  
ne contre les  
schismatiques

Lyon tresimpiteusement qui l'occist. De quelles choses comme S. Hierome asserme, nul ne doit auoir doubte, que le crime de schisme ne soit, & ayt esté de Dieu griefu: mi puny. Comme d'ocques ja piea en un saint sacré Concile general de Constance, ce pernicieux schisme à trauaillé, & donné affliction à l'Eglise de Dieu, & à la Religion Chrestienne (à tresgrand perdition d'ames, & non mie tant seulement d'hommes, mais aussi de citez, & prouinces) par persecution cruelle & longue: & depuis par l'ineffable misericorde de Dieu tout puissant, & aussi par les grans labours, angoisses & despens des Roys, & des Princes, tant Ecclesiastiques, comme seculiers: & aussi de moult d'Vniuersitez, & d'autres loyaux Chrestiens, eut esté appaisé: & croyoit on l'Eglise par faitement (comme chacun le desiroit) en ioye de parfaicte paix, tant par l'election de bien aymée memoire le Pape Martin, comme aussi apres son trépas par l'indubitable & unique, & canonicque assumptio de vous à la haultesse de l'Apostolat: mais maintenant voicy de nous sommes contraincts de dire, comme Hieremie le Prophete. Nous auons attendu paix, mais voicy tribulation: & de rechief avecques Isaye. Nous auons attendu lumiere, & voicy tenebres: car plusieurs enfans de perdition & iniquité, peu en nombre, & legiers d'autorité à Basle, apres la translation du Concile (lequel auoit là eu vigueur par une espace par vostre autorité: laquelle translation a esté faicte par iustes, euidentes, contraignans, & necessaires causes, canoniquement pour la tressainte, & à tout le peuple Chrestien tresdesirée vniõ des Grecs, & de toute l'Eglise Orientalle) de toutes leurs forces, de toutes leurs douleurs, cautelles se sont efforcez de l'empescher. Car quand les deuantdits appelez estãdards, qui estoient demourez à Basle, eurent failly aux Grecs de leur promesse, & qu'ils apperceurent par les Orateurs des Grecs, & de l'Eglise Orientalle, que tres noble Prince Messire Iean Paleologue Empereur des Romains, & aussi Ioseph de bone memoire Patriarche de Constantinoble, avecques plusieurs autres Prelats, & autres hommes de l'Eglise Orientalle, deuoient venir au lieu cõu pour celebrer le Concile œcumenique: & que vostre sainteté estoit là venue avecques plusieurs Prelats, Orateurs, & autres innombrables à tresgrand despẽs & fraiz: pour desfourber la venue du dessusdit Empereur, ont esté discerner un mointoire detestable cõtre vostre sainteté, & cõtre mes tresseuerẽs Seigneurs Mes-seigneurs les Cardinaux de l'Eglise de Romme. Et quand ils apperceurent les deuantdits Empereur, & Patriarches de l'Eglise Orientalle venir, ils allerẽt de saint proposer contre vostre sainteté vne sacrilege sentence de suspension, & administration de Papalite, nonobstans lesquels enforcements iniques & sacrileges, par vostre diligence, cure, & sollicitude, avecques le conseil, & par moult de labours, & de diuerses disputations; en fin la diuine misericorde à concedé, que le schisme des deuantdits Grecs & Orientalle Eglise (lequel à la grande destruction du peuple de Chrestieté, auoit duré pres de cinq cens ans) si fut osté du meillieu de l'Eglise: & que la tresdesirée vniõ de l'Orientalle Eglise & Occidentalle, laquelle on croyoit à grand peine pouoir faire, par tressouueraine con corde s'en suisuiuit. Et eux, qui de veoir tant de saintes œuures & sacré Concile, se deuoient treshautement esmerueilleiller, & par souveraines louenges, & exaltations (comme toute la Religion Chrestienne auoit faict) deuoient venerer, & rendre grace au treshautain de tant merueilleux dons, sont faits plus cruels & plus obstinez, en voulant à la trespauuaise cruauté ministrer enflamment, à la destruction de la chose publique & ruine Chrestienne, & sont faits persecuteurs de leur propre honneur par presumption prestifere, s'estans efforcez tant qu'ils ont peu, de trancher l'vniõ de la sainte Romaine, & vniuerselle Eglise, & inconsutile, crée de nostre Seigneur, &

diuertir



divertir d'icelle piteuse & sainte mere Eglise, par leurs maufades morceaux & serpenti-  
 neux ce tresleloyal Sathā Amadeus iadis Duc de Sauoye, lequel ja pieçà à ces choses pre-  
 meditées en son courage, & a esté acertené de plusieurs faulces pronosticatiōs, & forceries  
 par plusieurs execrables, & maudits hommes & femmes: lesquels ont delaiissé leur Sau-  
 ueur derriere, & se sont conuertis apres Sathan, seduits par illusion de Diabls: lesquels  
 en commun langage sont nommés, Sorcieres, Frangules, Straganes, ou Vaudoyes, des-  
 quels on dit en auoir grand foison en son pays. Et par telles gens ja passé aucuns ans a esté  
 seduit tellement, qu'a fin qu'il peust estre eslé pour chief monstrueux, & difforme en l'E-  
 glise de Dieu, il print habit d'hermite aux <sup>†</sup> Auichoix d'un tresfaulx hypocrite: afin que  
 sous la peau de brebis ou aignel il couurit sa cruauté lupine: à ce qu'il la fin en <sup>†</sup> proce-  
 dēts, luy qui estoit confident à ceux de Basle, en fraude par dōs, par promesses & par me-  
 naces vne grand partie de ceux de Basle: laquelle estoit subiecte à son commandement ou  
 Tyrannie (idole de Belzebuth d'iceux nouueaux Diabls ses Princes) ils le constituassent  
 à l'encontre de vostre Sainteté, laquelle est tresvray Vicaire de Dieu, & successeur de  
 saint Pierre indubitablement, & prophanaissent & pollussent l'Eglise de Dieu. Et à in-  
 duit se tresiniste reueux Amadeus homme d'execrable, & ignominieuse conuioise, & le-  
 quel tousiours s'anathematise ceste d'uisiō, laquelle selon l'Apostole, est seruitude des Dia-  
 bles autrement appellē blasphemieuse synagoge d'hommes perdus, & de toute Chrestie-  
 tē la honteuse & confusable sentine puante: à laquelle a depute pour electeurs Auichoix,  
 & proclamateurs certains hommes, ou Diabls sous figures, & especes d'hommes musses,  
 qui en la fin en Idoles (comme iadis la statue de Nabuchodonosor) au temple, & en l'E-  
 glise de Dieu s'esleuassent. Et aussi luy mesme esleue par ses furieux vices, descendant à  
 l'exemple de Lucifer, qui dist: ie mettray mon siege en Aquilon, & seray semblable au  
 tres hautain pour de la deuandière election, mais plus vraye prophana-tiō faicte de luy (la-  
 quelle luy propre à grans fraiz & anxieté de courage auoit pourchassée par tresgrande &  
 detestable auidite & desir) il embrassa, & n'a point eu d'horreur de vestir les vestemens  
 Papaulx & les signes, de soy tenir porter, & exercer pour le souuerain, & Romain Euef-  
 que, & de plusieurs comme tel se faire honorer & reuerer. Et outre plus il n'a point eu  
 de honte ne cremeur d'enuoyer en plusieurs, & diuerses parties du monde ses lettres plō-  
 bées & bullées, en la forme des Euesques Romains, esquelles il se nomme, & appelle  
 Fælix: comme il soit ainsi, que de tous les hommes du monde il soit le plus mal-heureux, &  
 par lesquelles il s'efforce de mettre, & espandre les diuers venins de ses pestilences. O  
 tressaint Pere, & tressaint sacre Conseil, que quiers-ie premierement cy ou que demā-  
 de-ie, ou par quelle force de voix, ou par quelle grauité de pesantueur de parolles, par  
 quelle douleur de courage, par quel gemissement de courage, ou par quelle abondance de  
 larmes puis-ie plorer tant horrible forsaicteure? Quelle occasion sera ce, qui pourra de-  
 plorer, exprimer par nulle effluencieuse largesse, ou abondance de larmes dignement ce  
 terrible, & enorme peché & crimes? Certainement ceste chose ne se peult veritablement ex-  
 primer ne raconter, pour l'indicible grandeur de sa crudelité: car la grādeur de si grāde  
 offence si vaine la force de la langue. Mais, tressaint & tresreuerend Pere, comme ie co-  
 gnois maintenant est le temps de remede plus que de querelle, & de plainte: car voicy  
 nostre mere sainte Eglise, laquelle en la personne de la sainteté, qui en son vray, &  
 seur espoux par bonne, & vraye paix se resioysoit par cy deuant, maintenant est con-  
 trainte de crier en grans souspirs, & <sup>†</sup> s'angloutissemens, & de fermer toutes les fon-  
 taines des larmes à toy, qui es son vray espoux, à vous mes tresreuerends Peres, qui estes <sup>†</sup> sanglots.

Pays de Sa-  
 uoye plain de  
 Sorciers.

<sup>†</sup> Auichoix,  
 ce sōt peut  
 estre aduis,  
 & conseils.  
 Toute ceste  
 bulle, est  
 plaine  
 de faulces  
 pour n'a-  
 uoir eu le  
 Latin ne au-  
 tre exēplai-  
 res, sur quoy  
 l'on la peult  
 corriger.  
<sup>†</sup> progrez  
 Ayne Duc  
 de Sauoye &  
 hermite taxé  
 d'hypocrisie.

maintenant en partie de sollicitude, & à ce sacré, & œcumenic que euoqué, en disant: ayez mercy de moy singulierement vous, qui estes mes amis: car mes entrailles sont toutes remplies d'amertume, & les Lyô's destruisent la vigne de Dieu Sabaoth, & la robbe de Iesu Christ inconsuile & entiere, qui est l'Eglise, les tresmauuais si deschirent. Maintenant donc se lieue Dieu, & tous ses ennemis soient dissipez & destruits. Et toy tres saint Pere, comme il soit ainsi, que toutes les choses dessusdictes soient manifestes, publiques, & sinistres, que par nulle couuerture elles ne se peuuent celer, deffendre, n'excuser: en la vertu du tresbasant avecques ce sacré Concile lieue toy, & esmeuz, & iuge la cause de ton espouse, & aye la memoire de l'opprobre de tes enfans. O trespuissant, ceins ton espee, & la mets sur la cuisse, entens, prospere, & regne: & dits avec le Psalmiste: se persecutray mes ennemis, & ne m'en retourneray iusques à ce que ie les conforme, & desrompe, à ce que plus ne s'eslieuent, ne cheent, ne tresbuchent sous mes pieds: ne il n'appartient pas si de raisonnable offence, ne si abominable passer sous dissimulation, afin que par aduerture, presumption de malice impunie ne treuve vn successeur: mais par le contraire la transgression, & deffaute punie, soit aux autres exemplaires d'eux retraire d'offencer. Et à l'exemple de Moysé, amy & seruiteur de Dieu, doit estre dicté par vraye samblance à tout le peuple Chrestien: departez trestous des tabernacles, & villes d's mauuais. Et aussi à l'exemple du benoist saint ton predecesseur, lequel selon le Conseil general de l'Eglise, à Ephese, osta & renuoya Dioscorus, & ses fauteurs, & ensuiuans en la Calcedoine il condamna. Aussi à l'exemple des souuerains Euesques tes predecesseurs, lesquels ont tousiours exterminé & expulsez de l'Eglise de Dieu, de la communite d's loyaux Chrestiens, & du sacré corps de Dieu, & affligez & punis d'autres condignes & iustes peines, si lon que iustice le requiert, tous ceux qui se sont esleuez contre l'Eglise de Dieu par heresies, diuisions, & schismes: venge donc ceste nouuelle rage, qui en l'iniure de toy, & de l'Eglise de Rome ton espouse, & aussi en l'esclandre de tout de peuple Chretien vengne, deslie à l'ayde, & approbation de ce saint sacré, & œcumenic que Concile, excommunie, oste, & separe perpetuellement des portes de l'Eglise, par l'auctorité de Dieu tout puissant, de saint Pierre, & de saint Pol, & de la Trinité, tous les mauuais deuantdits môstres, & diffformes atteurs de telle offence, avec leur heresiarque pere de heresie letrepepestilentioux Amadée, & nouuel Antechrist en l'Eglise de Dieu: avec aussi tous les seruiteurs adberans, & ensuiuans, & singulierement de ces peruers Electeurs, ou plus vrayement prophanateurs. Soient donc deiettez luy, & tous les deuantdits, comme Antechrist, destructeur, & inuadeur de toute la Chrestienté, ne iamais à luy ne aux deuantdits sur ceste matiere, ne soit donné nulle audience. Soient eux, & leurs successeurs priuez de tous degrez, & dignitez Ecclesiastiques, & mondaines, sans nulle reuocation, & que tous soient de perpetuelle anathematisation, & excommunication condamnés. Et qu'au iugement ils soient avecques les mauuais, & qu'ils sentent la fureur des bons saints Apostoles S. Pierre, & S. Pol, de lesquels ils presumant l'Eglise confondre. Soit leur habitation faicte deserte, & ne soient nuls, qui habitent en leurs tabernacles: leurs enfans soient orphelins, & leurs femmes vufues. Tout le monde se combattre contre eux, & tous les elemens leur soient contraires: & qu'en telle maniere ils soient deiettez, exterminés, & abhominés de tous, à ce qu'eux pourrissans en perpetuelle necessité, & misere, iussus la mort leur soit soulas, & vie leur soit tourment. Et les merites de tous les saints sicut confondent, & que sur eux demonstrent publique vengeance. Et avecques Chori, Dathan, & Abiron, qui furent tous vifs engloutis de la terre, ils recoiuent leur portio. Et

fina-

finalement s'ils ne se retournent, & de cuer se conuertissent, & facent dignes fruiſts de penitence, & ſatisſacent à ta ſaincteté, & l'vniuerſelle Eglife pour la cruauté de tant de crimes, & d'offences, avecques les mauuais és tenebres infernalles ſoient muſſez en perpetuel tourment, & là condamnez par le digne iugement de Dieu. Et nous, & tous bons Chreſtiens, qui auôs en abhominacion les heretiques Princes d'heresie, & leur treſabhominable idole, Antechriſt, & blaſphemes execrables reprouuons: & toy Vicaire, & Lieutenant de Jeſus Chriſt, & tresdigne eſpoux de l'Eglife (comme nous confeſſons, & par deuote reuerence, & obediencie reuerons) la grace de Dieu tout puiſſant garde, & deſſende par l'interceſſion des benoiſts Apoſtoles ſainct Pierre, & ſainct Pol, & en la fin par ſa pitié inenarrable aux eternelles ioyes nous meine. Amen. Nous donc & par la relation des gens dignes de foy, ayans apperceu ſi treſgrand impieté auoir eſté commiſe: auons eſlé, & ſommes aſſiſtionnez de grand douleur, & triſteſſes, comme il appartenoit, tant pour le ſi grand eſclandre maintenant venu, comme pour la mort, & perdition des ames de ceux, qui commettoient, & ont perpetré telles choſes. Et par eſpecial de celuy Amadee Antipape, le quel nous auons embrasſé és entrailles de charité, duquel nous auôs eu touſiours cure d'exaucer ſes prieres, & requesles tant que nous auons peu avec Dieu. Et comme ja pieçà à l'encontre de ceſte abhominacion nous ayôs eu deſir en noſtre courage d'y pourueoir de ſalutaires remedes, ſilô le droit de noſtre office de paſſeur, & maintenât ſi publiquement en la face de l'Eglife ſoyons requis de reſiſter, obuier cõtre le cruel crime, pour la deſſence de l'Eglife le plus inſtamment, & baſtument que nous pourrons, de peur que ceſte choſe tant enorme, & execrable ſoit vn ſurgeon, & naiſſance moyennât l'ayde de Dieu, de qui en la beſongne radicalement extirper avec nous enſemble ce ſainct ſacré Conſeil preſent, nous auons intention d'y mettre remede ſans quelque dilation ſelon les ſainctes ordonnances, & canoniques de l'Eglife. Voyans donc, & entendans la requête du Procureur, & du Promoteur de ce ſacré Concile, & de noſtre Chambre Apoſtolique eſtre iuſte, & conſonante en droit diuin & humain: nonobſtant que les deuant dictes deſſaultes ſoient ſi publiques, & ſi notoires, qu'elles ne ſe peuſſent par nulle maniere couvrir ne celer: & qu'il ne ſeroit nulle neceſſité de faire autre information: toutesſois pour plus grande certiſication, & cautelle des choſes premiſes par l'approbation de ce ſacré Concile: nous auons commis à pluſieurs hommes vailans, & Nobles d'un chacun eſtat du Concile diligemment examiner, & ce qu'ils trouueroient par information iuſtement, & ſans faueur ils rapportaſſent à nous, & à iceluy ſacré Concile. Et par les commiſſaires eue treſdiligente inquiſition, en tant qu'il appartient de ce ſchiſme, & diuiſion, & à nous, & audit Concile aſſemblez en congregation Synodale, les choſes qu'ils auroient trouuées par l'examen de gens dignes de foy, ont loyalement rapportées, & combien que par ces tant publiques, maniſeſtes, & notoires deſſaultes nous euſſions peu ſans quelque dilation les deſſusdits ſcandalifeurs, & ſlagicieux hommes anathematifer, & condamner ſelon les ſainctes ordonnances: neantmoins nous à ce ſacré Synode en enſuiuant la clemence de Dieu tout puiſſant, qui ne veult point la mort du pecheur: mais veult, qu'il ſe cõuertiffe, & viue: auons decreté & ordonné de faire toute la douleur que nous pourrôs, afin que par le propoſer de la voye de douleur, ils ſe retournaſſent, & reculent des deuãdites outrages, & excez: afin qu'eux retournans à la congregation de l'Eglife, comme le ſils prodigue benignement nous le receuons, & par paternelle charité nous l'embrasſons. Iceluy dõc Amadee, & Antipape, ſes adberens, & les receuans, ou par quelque maniere ſauoriſans, par les entrailles de la miſericorde de noſtre Dieu: & par l'eſfuſion, & aſperſion du precieus



sang de nostre Seigneur Iesus Christ: auquel, & par lequel la redemption de l'humain lignage, & l'edification de l'Eglise est faicte, de tout nostre cueur nous enhortons, prions, & obsecrons que l'unité d'icelle Eglise (pour laquelle iceluy Sauueur tant instamment pria son pere) doresnauant ils delaisent, & desistent à violer, & que la fraternele dilection, amour, & paix (laquelle tant de fois & si curieusement quand il deust aller de ce monde à son pere par mort, il recommanda à ses disciples: & sans laquelle n'oraisons, ieunes, n'aumosnes ne sont acceptées à Dieu) ils ne detrenchent & dischirent, ains se repëntent, & apri honte: & que des deuantdits excès tant scandaleux, & tant pernicioz, le plus tost qu'ils pourront, ils se desistent, & ils se trouueront veritablement enuers nous, & enuers le cré Concile (si affectueusement ils y veuillent comparoir, comme ils doiuent, & sont) receuz par paternelle charité. Et afin que si d'auenture l'amour de iustice, & de verité les retrayroit de peché, la rigueur de discipline, & les peines contraignent les deuantdits Amadée Antipape, Electeurs, & prophanateurs croyans, adherans, & receuans, & par quelque maniere approuuans: par approbation de ce Conseil nous les requérons, & admonestons sur la reuerence, & obeysance, qu'ils doiuent à sainte Eglise, & sur la peine d'anathematization, crimes d'heresie, & schisme, & de quelcōques autres peines, & leur mandons en commandant tresdestroictement, que dedans cinquante iours depuis ensuuiuant immediatement apres ceste admonition, & sentence, iceluy Amadée Antipape, pour le Pape de Romme doresnauant, il desiste, & delaisse à soy tenir, & nommer, & que par autres tant qu'il le pourra, il ne le laisse nommer: & que doresnauant il ne presume à s'opposer les signes, & autres choses appartenans au Pape de Romme, en quelque maniere que ce soit. Et les deuantdits Electeurs, & prophanateurs, adherans, & receuans fauteurs desormais au crime de ce schisme ne fassent assistance, ne croyent, ne adherent, ou fauorisent en quelque maniere, que ce soit, par eux ou par autres, directement ou indirectement ne par quelque maniere, question, ou couleur: mais tant iceluy Amadée Antipape, comme les deuantdits Electeurs, crediturs, adherans, recepteurs, & fauteurs nous ayent, recognoissent, & reuerent comme Euesque de Romme Vicaire de Dieu, & de saint Pierre, & de saint Paul legitime successeur: & qu'à nous, comme Pere, & Pasteur de leurs ames ils entendent, & parent, & estudient dedans le terme prefix nous, & ce Conseil certifier, & acciter de choses deuantdictes. Et autrement si iceluy Amadée, Electeurs, croyans, adherans, recepteurs, & fauteurs deuantdits font le contraire, que ja ne soit, & que toutes les choses & singulieres deuantdictes ils n'accomplissent par effect dedans le terme assigné, main tenant, & pour adonc nous voulons, qu'ils encourent toutes les peines deuantdictes. Et maintenant nous voulons, que les deuantdits, s'ils font le contraire, precisement le quinze iour prochain ensuiuant apres ledit terme, mais qu'il ne soit feste, & si il est feste le prochain iour ensuiuant sans feste, comparent personnellement deuant nous, & le dit Concile, ou nous serons, pour veoir, & ouyr eux, & chacun d'eux, les peines & citons par telle maniere, pour les declairer audit iour dignes d'estre punis comme heretiques, & coupables de crime de leze Majesté, & auoir encouru, & desseruy les peines, & peines deuantdictes. Et outre ordonner selon que iustice requerra, & sera utile & profitable, en certifiant iceux ensemble, & chacun à part quel qu'il soit, comparent ou non, ou qu'il se demonstre auoir comparu, nous procederons à la declaration des peines moyennant, & selon iustice. Nonobstant que leur contumace, ou presence, ou absence requise, procederons en outre à leur aggrauement, & reaggrauement selon la rigueur de iustice le requerra, & leurs merites l'auront desseruy. Et afin que nostre

tion, & citatiō faicte en ceste maniere, soit, demeure, & vienne à la cognoissance de ceux, qui sont citez, & à qu'il appartient, nous ferons attacher les chartres, & lettres de ceste citation contenans aux portes de l'Eglise de nostre Dame la nouuelle de Florence: lesquelles lettres, & chartres ainsi comme par leur son & publique monstrance, annoncerōt publiquement, & demonstreront comme messages, à celle fin que les admonnestez n'ignorent, & ne puissent monstrer, ne pretendre nulle ignorance, ne excusation: comme il ne peut estre vray semblable, que telle chose leur peust demourer incogneüe ou celte, laquelle sera cypatement declairée. Nous voulons aussi, & ordonnons par l'auctorité Apostolique, que nostredicte monition mise ausdictes portes, vaille, & obtienne plaine vertu, & sermeté de contraindre lesdits admonnestez: notwithstanding quelconque constitution au contraire, comme se ladicte monition auoit esté à chacun des admonnestez personnellement, & presentialement insinuée & intimée. A celle fin toutesfoiz, que les admonnestez, & citez à ladicte excusatiō n'alleguent iceluy Concile, & court Romaine commune à chacun, & le pays & le lieu estre moins seur pour eux, & que pour ces causes, & autres deussent estre en peril tant en allant comme en venant, & seiournant, nous les assurons par la teneur de ces presentes tous, & singuliers Patriarches, Archeuesques, Euesques, & autres Prelats, & Clercs d'Eglises, & de monasteres, & personnes Ecclesiastiques: & aussi Ducs, Comtes, Princes, & Cheualiers, & Escuyers, & autres officiers de quelque estat, ou condition qu'ils soient, avecques leurs Lieutenans: & apres toutes Communantez, comme villes, chasteaux, & autres lieux nous requerōs par ces presentes & exhortōs: & à iceux Patriarches, Archeuesques, Euesques, & autres Prelats esroicte-mēt nous mandons, qu'à tous les deuādz admonnestez, ou chacun d'eux en venant à ce Conseil, ou à ceste dicte Court Romaine, en demourāt & seiournant en icelle pour l'occasiō deuantdicte, & en retournant à leurs personnes biens, & autres choses, ne facēt ne souffrent faire tant qu'ils le puissent amender, nul ennuy, & offence à nuls hommes. Et ne soit iceste comment qu'il soit, ceste page de nostre citation, monition, voulenē, requeste, exhortation, proces, & commandement enfreindre, ou par presumptueuse hardiesse aller à l'encontre. Et si est aucun, qui presume attempter, l'indignation de Dieu tout puissant, & des benoists Apostres saint Pierre, & saint Pol se cognoisse auoir encorū. Donnē à Florence en nostre publique session Synodale sollempnellement en l'Eglise la neufue: en laquelle ville de present nous sommes residens, l'an de l'incarnation dominicale mille cccc. xxxix. le dixiesme iour d'Auril & de nostre pontificat le dixiesme.

*Comment Messire Jean de Luxembourg enuoya ses lettres aux Cheualiers de la Toison, à cause de ce qu'il se sentoit en l'indignation du Duc de Bourgogne.*

**D** V R A N T les besongnes dessusdictes, furent portées plusieurs nouvelles deuers le Duc de Bourgogne curraires, & prejudicia-bles à Messire Iea de Luxembourg Comte de Ligny, & pour lesquelles ledit Duc ne fut point trop bien contēt de luy. Et pource principalement, qu'il soustenoit en ses villes, & forteresses plusieurs gens de guerre, qui faisoient moult de rigueurs, & de rudesses cōtre les gens, & pays d'iceluy Duc. Si en fut ledit de Luxembourg aucunement aduertty: & pource afin de luy excuser, escriuit certaines lettres aux Cheualiers de l'ordre de la Toyson d'or de l'hostel du dessusdit Duc, desquelles lettres mot apres autre la teneur ensuit.

Ec

TRESCHIEFS freres, & compagnons depuis peu de temps en ça aucuns mes b's amis m'ont aduertiz, que mon tresredoubté Seigneur le Duc de Bourgogne estoit indigné pour aucuns rapports, lesquels luy ont esté faits, à l'encontre de moy. Pour laquelle raison i'ay enuoyé deuers luy Jean Taillemonde, & Huet mon Clerc, par lesquels luy ay escript luy suppliant humblement, que de sa grace il ne luy plaise soy en felonner contre moy, ne me tenir en son indignation sans moy ouyr en mes excusations raisonnables : lequel m'a par les dessus nommez escript vnes lettres de credence, & à iceux en sa presence fait faire responce de bouche, en declairant les points, dont il estoit informé, & malcontent de moy : lesquels pource qu'ils leur sembloient de grand poix, les ont requis d'auoir par escript : mais ils n'en ont peu finer, dont ie suis bien esmerueillé. Toutes fois ils les m'ont declairez au mieux qu'ils ont peu, & sur iceux ie rescripts à mondit Seigneur pour mes excusations. Et combien que i'esperoye les aucuns de vous auoir esté presens à leur declairer lesdits points, neantmoins afin de les vous raffreschir, & vous informer de mes responses, sur ce ie vous escripts pareillement : & premierement pour respondre au point de ladiçte credence, que i'ay plus au cuer, & qui plus touche mon honneur : par lequel leur a esté declairé, que mondit Seigneur a sceu de la part des Anglois, que certain temps apres le traité d'Arras ils escriuirent à Monseigneur de Roüen mon frere, que s'il plaisoit à mondit Seigneur tenir paisible eux, leurs Seigneurs, pays, amis, & allies, ils seroient enuers mondit Seigneur, & les siens les semblables, & que mondit Seigneur & frere m'en aduertist pour en toucher à mondit Seigneur à trouuer moyen pour à ce paruenir, dont cōb. en qu'il m'en aye escript, ie l'ay celé : parquoy s'en sont ensuis de grans maux, & inconueniens, qui ne fussent pas se ie n'en fusse acquitté. Pour moy excuser de ce, sauue la reuerence de mondit Seigneur le Duc, lesdits maux & inconueniens, ne sont point aduenus par moy, n'a m'a deffaulte, ou negligence, ne la guerre commencée, ne conseilée. Et scay de vray se mondit Seigneur eust esté memoratif des deuoirs, & diligences, que i'ay sur ce faictes, on ne m'en eust point donné charge : car veritablement le lendemain, que i'euz les lettres, que mondit Seigneur & frere m'enuoya touchant ceste matiere, qui sur est escriptes à Roüen le xxix. iour de l'auuiel l'an mille quatre cens trente & cinq, & lesquelles il receut le huietieme iour de Feurier ensuiuant, i'enuoyay pour ceste cause à mondit Seigneur en la ville de Bruxelles au uns de mes gens, qui y arriuerent le dix. sine iour de Feurier ensuiuant à tout mes lettres de credence : par lesquelles il leur chargeay là declarer le contenu des lettres de mondit Seigneur & frere, ainsi que par eux le rapport en fut fait. Surquoy leur fut faicte responce de par mondit Seigneur par la bouche de l'Euesque de Tournay, que pour certaines causes, qu'il leur declaira lors, que mondit Seigneur n'auoit encores lors deliberé d'entendre au contenu desdites lettres de mondit Seigneur & frere, qu'ils luy auoient esté exposés en substance. Et me donnay grand merueille de ce quel dit Euesque a dignité, & honneur en l'Eglise, mesmement qu'il est reputé de si tresgrand prudence, & l'un des chiefs du Conseil de mondit Seigneur, qui de par luy fait la responce à mesdites g'es, ne l'en aduertist pour s'en acquitter enuers luy, & aussi pour ma descharge : car si ainsi l'eut fait, ie scay certainement, qu'on ne m'en eust point imposé ladiçte charge. Toutes fois si ce ne soufisoit pour ladiçte descharge, ie seray bien apparoir par lettres signées de la main de mondit Seigneur, que ie l'en ay fait aduertir deuement selon que mondit Seigneur, & frere me l'auoit escript : & que par les lettres de mondit Seigneur, & aussi pour les causes cy declairées, il m'escriuit, qu'il n'estoit point deliberé d'y entendre. Et par ce pouez entendre, se ie me suis acquitté, & se telle charge m'en doit estre

donnée :



donnée: & de cy en ament ay intention, au plaisir de Dieu le createur, de m'en excuser par tout où il appartiendra, tellement que chacun pourra cognoistre, que la faute n'est point venue de moy. A l'autre point pour lequel m'est imposé, que i'ay enuoyé de mes gens deuers les Anglois à Calais depuis la cōuenance, & assemblée d'Arras sans le sceu de mondit Seigneur, & de ma tresredoubtée Dame madame la Duchesse, & de ceux du Cōseil: il est verité, que lors que ie sceus, que madicte Dame la Duchesse estoit à Grauelines, i'y enuoyay pour aucuns affaires cuidant, que mondit Seigneur le Cardinal y fust, comme on disoit, qu'il y estoit: & baillay charge de parler à luy de certaine matiere, dont autres fois ay parlé à mondit Seigneur, & pour laquelle il m'a accordé enuoyer en Angleterre. Non point que ie voulsisse estre fait recelement, & estre incogneu à nulle personne quelsconques: mais en appert, & generallyment au veu, & sceu de tout le monde: & mesmement deuant madicte Dame, & le Conseil se le cas aduenoit. Et pource que mon tresnouuerain Seigneur le Cardinal dessus nommé n'y estoit point, & ne deuoit venir grand temps apres, comme on disoit: celui que i'y auoyé enuoyé voyant que plusieurs alloient audit lieu de Calais, s'embardit d'y aller pour aucuns de ses affaires: mais il print congé de ce faire au Lieutenant du Capitaine de Grauelines, qui ce luy accorda, & pource s'auança d'y aller comme les autres, non cuidant riens mesprendre, comme il m'a dit. Et vous certifie, que ie n'ay chargé, signifié, ne fait dire ausdits Anglois chose, qui puisse preiudicier le Royaume, mondit Seigneur, ne ses pays, ne retarder les choses encōmees de par delà: & me semble, qu'en ce on ne doit imaginer sur moy quelque suspectiō de mal. Car se ie vouloye pretendre à telles fins, dont Dieu me vueille garder, pouez assez cōsiderer que ie l'eusse peu, ou pourroye faire par autre maniere, ou par gens incogneuz, marchans, ou autres gens, qui iournellement y repairent: mais ja à Dieu ne plaise, que i'aye courrage, ne voulenté de ce faire, car oncques enuers mōdit Seigneur ne feis, ne vueil, n'ay intētiō de faire chose, que Cheualier d'honneur ne puisse, & doine faire. Touchant les lettres de garde, qu'on dit que i'ay baillées, & qu'auoyé esté acert: né estre à l'assemblée des trois estats pieça faicte en la ville d'Arras: à laquelle auoit esté remonstré, que mondit Seigneur estoit puissant & plus, la mercy Dieu, que oncques ses predecesseurs Cōtes d'Artois n'auoient esté: parquoy il sembloit que audit pays ne deuoit auoir autre que luy: Et pource que autres choses auoient esté conclutes, que plus nulles desdictes gardes ne serioient baillées sinon à mondit Seigneur, ie n'ay point de souuenance, que i'aye esté à quelque assemblée avecques iceux trois estats en ladicte ville d'Arras, où il y ait ainsi esté conclud sur le fait desdictes gardes: mais i'ay bien memoire, qu'à l'Isle en la maison du Seigneur de Rōbaix, où pour lors mondit Seigneur tenoit son hostel en la presence de plusieurs de son Conseil, fut conclud que nul ne bailleroit plus lesdictes gardes, & en suz d'opinion, comme les autres, & dis que ie n'en bailleroye, nulles se les autres ne les bailloient, & à ceste cause me departis, mais aucuns temps apres plusieurs recōmencerent à en bailler: & grand espace depuis, quand ie vois ce, s'en baillay pareillement: mais ie n'entendoye point que mondit Seigneur en deust estre mal content, ne qu'on me voulsist tenir en plus grād seruitude, que les autres. Mesmemēt que pour aucunes desdictes gardes par moy baillées, mōdit Seigneur m'en escriuit plusieurs lettres closes signées de sa main: si à fait madicte Dame la Duchesse moy mandant, que ie les voulsisse bailler, & par ce me semble, que mondit Seigneur n'en doit point estre mal content. Au regard de Risfart de Neuuille, qu'on dit auoir esté tué à cause desdictes gardes, & le Seigneur des Bosquets, qui en sa maison fut chassé pour le villenney: combié que pour aucuns desplaisirs, qui par

eux m'ont esté faits, ie n'ay pas esté bien content d'eux: neantmoins mondit Seigneur bien informé de la verité, i'ay esperance que les rapports, qui luy ont esté faits, ne seroient pas trouuez veritables: mais tout à l'opposite ils seroient trouuez menteurs & faulxaires. Quant à la desobeyssance qu'on veult dire, que font mes officiers, & commis au Baillif d'Amys, aux officiers du Roy, & à ceux de mondit Seigneur le dessusdit Duc de Bourgogne, qu'ils ne veulent souffrir y exploier, & dient, & veulent soustenir par leurs raisons, que ie n'ay nul serment fors tant seulement au Roy d'Angleterre: ie n'en ouys oncques faire mention iusques à present, & sans scauoir les tors particuliers, pour quoy n'à qu'elles gens ce ayt esté, ne scauroye bonnement que respondre. Et me semble que le Baillif d'Amys, que ie tenoye pour mon especial amy, m'en deust auoir aduertiy: car s'il l'eust fait, ie luy eusse rendu peine d'y auoir pourueu à mon pouoir, tellement que i'esperoye que mondit Seigneur en eust esté bien content. Du Preuost de Peronne, qu'on dit auoir aguesté, & chassé en la ville de Cambray pour le villenner, battre & tuer, i'en ay fait parler à mesdits archiers, lesquels dient, que eux estans allez esbatre au vingtiesme lieu de Cambray, il leur fut dit, que ledit Preuost s'estoit vanté, que s'il pouoit estre maistre d'eux, il les prendroit, & seroit pendre par les hatereaux: pour quoy soudainement s'esmeuerent, & chaudement le pour suiuirent pour scauoir, s'il leur vouloit mal, & assez tost apres sceurent, qu'il n'auoit point ainsi parlé d'eux, & pour ce se departirent. Et quant aux menaces qu'on dit par eux auoir esté faictes à l'Abbé dudict saint Aubert de Cambray, ils s'en excusent. Quant au Receueur de Peronne, qui se plaint, disant qu'il ne peut exercer son office, ne les peageurs de Bapammes à Peronne, pour les empeschemens que y mettent mes officiers, mondit Seigneur s'informera, & m'en fera escrire plus au long: Et quand il plaira à mondit Seigneur m'en faire aduertir, si ay esperance d'y faire telle, & si bonne respõce, que par raison il n'en deura point estre mal conté. Et au regard de Maistre Ador Caparel, qui a informé mondit Seigneur, que ie l'ay fait aguester pour le villenner: ie vous certifie, qu'il ne sera point ainsi trouué pour verité, & requiers que sur ce soit faicte bonne, & vraye information. Et s'il appert deuement, que ie l'aye fait aguester moy ouy, ie suis content d'en recevoir telle punition, que de raison il appartient: mais s'il est trouué le contraire, ie vous prie, que vous vueillez tenir la main vers mondit Seigneur à ce que ledit Caparel, & autres qui ont fait tels faulx, mauuais, & mensongiers rapports, soient punis tellement, que tous autres y en prennent exemple, & que apperçoient, que mondit Seigneur, ne nuls de ceux de son Conseil, ne veuillent souffrir de tels rapports estre faits cõtre moy, ne autres ses seruiteurs. Et pour ce, treschiers freres, & cõpaignons, que ie vous sens de grand prudence, & discretion aymans loyauté, honneur, & grand Noblese, & que vous ne voudrez vn de voz freres estre chargé sans cause, & en ce moy confiât, & pour plainement vous informer, & aduertir desdictes charges, & de mesdictes excusatiõs: ie vous escrips par la maniere dessus declarée, vous priant fraternellement, & tant à certes comme ie puis, que vous vueillez tenir la main enuers mondit Seigneur à ce que de sa grace il luy plaise oster de moy son indignation, & estre conté de mes excusations, & respõces cy dessus cõtenuës: & aussi qu'il ne luy plaise de croire rapports, qui luy ont esté, ou pourroient estre faits à l'encontre de personne, sans le moy signifier par y respõdre, & estre ouy en mes excusations raisonnables, afin que vsus scauez, que de raison à vn chacun faire se doit. Et veritablement se par vous ne suis en cestre matiere assisté, & qu'on vueille proceder enuers moy en telle maniere, & sinistres rapports sans estre ouy, comme dessus est dit, ie ne m'en scauroye enuers qui me retraire, & n'auroye plus d'es-



d'esperance d'estre entretenu ed termes de raison: pour quoy i'auroye cause de m'en douloir comme ces choses pouez assez considerer, lesquelles ledit Thallemonde, & Huet, ou l'un d'eux vous en pourroient dire plus à plain. Treschiers freres & compaignons, se chose vous plaise, que faire ie puisse signifiez le moy, & ie le feray de tresbon cueur, comme s'fait nostre Seigneur, qui vous ayt en sa benoiste grace. Escript en mon hostel de Bohain le iour de la Chandleur.


Ainsi elcript Messire Iean de Luxembourg aux Cheualiers de l'ordre de la toison: desquels grand partie auoient grand affection d'eux employer deuers ledit Duc de Bourgongne, à ce que Messire Ieā de Luxembourg demourast tousiours en sa grace: & luy remonstroient tressouuent plusieurs causes raisonnables, parquoy il estoit tenu de souffrir de luy: mais de iour en iour s'ourdoyent nouuelles besongnes entre eux, & faisoit on diuers rapports au dessusdit Duc de Bourgongne de luy. Et encores de rechef aduint en ce mesmes temps, qu'en la Preuosté de Peronne on meit sus vne grand ayde de certaine somme de pecune à leuer, & recueillir sur iceluy. Et entre les autres furent taxez pour le payer aucuns villages des Seigneuries, de Hā & Neelle, lequel pour ce temps possedoit ledit Messire Iean de Luxembourg: lequel ne fut point bien content, que lesdictes aydes se leuassent sur nuls de ses subiects: mais de fait fait, & entreiecta vne appellatiō cōtre les officiers dudit Duc de Bourgongne, qui l'auoyent assise, & la vouloit cueillir. Lequel Duc non cōtent de ce enuoya aucuns de ses archiers avecques les sergens, qui auoient charge de faire ladicte execution de l'ayde dessusdicte. Et quand ils furent venus en icelles Signeuries, ils commencerent à prendre, & leuer des biens desdits subiects assez rigoureusement. Et tant que iceux subiects s'en allerent plaindre en ladicte ville de Ham à Iacotin de Bethune, qui là estoit en garnison. Si feit tantost ses gens monter à cheual en tresgrand nombre pour aller veoir, que ce vouloit estre, & luy mesmes en personne y monta pour aller apres. Si s'en allerent où estoient les archiers, & officiers dudit Duc de Bourgongne dessus nommez: lesquels de premiere venue sans enquerir à qui ils estoient, furent tresbien battus. Et y feut vn sergent de Montdidier fort nauré en plusieurs lieux: mais quand ledit Iacotin, qui venoit apperceut, que c'estoient les archiers du Duc de Bourgongne, il feit cesser les gens, & s'excusa aucunement à eux, en disant qu'il entendoit que ce feussent les Escorcheurs, c'est à sçauoir les gens du Roy Charles. Neantmoins ils furent tresdurement villannez, & retournerent brief ensuiuant deuers leur Seigneur, & maistre ledit Duc de Bourgogne auquel ils feirent grand plainte de la besongne dessusdicte, dōt ledit Duc fut tresmalcontent, & moult fort indigné contre ledit Messire Iean de Luxembourg & ses gens; tant qu'il luy en vouloit faire faire amende, quoy qu'il en fut, ne deust aduenir. Si escriuit brief ensuiuant audit de Luxembourg, qu'il luy enuoyast ledit Iacotin de Bethune, & ses autres gens, qui auoient fait ceste offence: ce que ledit de Luxembourg luy refusa en luy excusant, comme dit est cy dessus, disant qu'ils ne cuidoyent point adresser sur les gens: & par ainsi multiplia la hayne entre eux. Et d'autre part assez brief ensuiuant iceluy Iacotin rua ius des postes, qu'il auoit

*officiers du  
Duc de Bour-  
gongne battus  
par les gens  
de Luxem-  
bourg.*



en la garde, aucunes gens qui estoient aux Comtes de Neuers, & d'Estâpes: & de fait y fut occis vn Gentil-homme nommé Iean de la Perriere, qui estoit Capitaine des autres, & encores aucuns autres, dôt les Seigneurs dessusdits furent malement troublez, & le prendrent tresmal en gré. Toutesfoies ledit de Luxembourg estoit fort doubté, pourtant qu'il auoit de moult puissantes places: c'est à Içauoir Coufely; Beaulieu, Han sur Somme, Neelle, la Ferté, saint Goubain, Marle, Arsy, Môtagu Guyse, Herifon, Bouchain, Beureuoir, Honnecourt, Orsy, & autres forteresses, qui estoient garnies de gens puissamment, & si n'estoit point encores deslié des Anglois, comme dit est ailleurs: mais l'y fioit moult grandement, pourquoy tous ceux, qui auoient grand vouldenté d'entreprendre contre luy, auoient doubte, qu'au cas qu'on luy courust sus, & feroit on guerre de quelque costé que ce feust, qu'il ne boutast lesdits Anglois en ses forteresses, & en ses villes, qui eult esté la destruction de plusieurs villes & pays. Et pour icelle doubte principalement se dissimuloient tous ceux, qui l'auoient en hayne: lequel tēps durāt il entretenoit en ses places plusieurs gēs de guerre en intētiō de résister, & luy deffendre cōtre ceux, qui nuire ou greuer le vouldroient, tant François, Bourgognons cōme autres: desquelles gēs de guerre plusieurs pays estoient fort trauaillez, & par especial le pays de Câbrelis. Et mesmemēt soubz vmbre de ses gēs, venoient tressouuer les Anglois de Creil, & autres garnisons, qui prenoient plusieurs hōmes prisonniers, & autres bagues pilloient, & emmenoiēt és autres forteresses de leur party, & de leur obeysāce: & aussi plusieurs gēs dudit Messire Ieā de Luxembourg auoient grand hantise, & communication avec lesdits Anglois. Auquel temps y auoit vn nommé Perrier Quatre-yeux, qui estoit de deuers Beauuais en Cambresis: lequel estoit guidé d'iceux, & les auoit amenez plusieurs fois en iceluy pays, où ils auoient prins & rançonné aucuns riches hōmes, mais il aduint que pour cōtinuer en son mauuais propos, il estoit venu en vne cense assez pres d'Oisy nommée Gourgouche, auquel lieu le sceut ledit de Luxembourg, qui estoit en la forteresse d'Oisy; & incontinent y enuoya ses archiers, qui sans delay les meirent à mort, & furent enterrez en vne fosse: pour laquelle besongne & execution, il acquist grand louenge de tous ceux du pays.

*Comment le Comte de Richemont Connestable de France print la Ville de Meaux en Brie sur les Anglois.*

 N apres durant toutes ces tribulations Artus de Bretaigne Côte de Richemont Connestable de France, assemblea iusques au nombre de quatre mille combattans de gens de guerre: avec lequel estoit la Hire, Floquet, le Seigneur de Torfy, Messire Gilles de S. Symon, & plusieurs autres Capitaines François, tant de geas de Champaigne François, comme autres, à tout lesquels il se tira à l'entrée du mois de Iuillet deuant la ville de Meaux en Brie, que pour lors tenoient les Anglois. Et tout de premiere venue se logea à Champ-Commun, qui est vn bien gros village: & brief apres ensuiuant feit assieger vne Bastille deuant icelle ville de Meaux deuant la portē de saint Remy: & apres  
feit

feit loger ses gens en l'Abbaye de sainct Pharon, aux Cordelliers, & en autres diuers lieux de ladicte ville. Et tantost apres fut mise vne Bastille en l'Isle vers la tour de Constances, & si en fut faicte vne encores par Messire Denys de Chaily à la porte de Cormillon vers la Brie: & depuis en furent faictes cinq en deux isles vers la court de Supletes contre le marché, qui toutes furent fournies de gens de guerre. En outre furēt dressez plusieurs gros engins contre les portes, & murailles de la dessusdicte ville, qui tresfort la domagerent. Et tant en ce fait continuerent, qu'en la fin de trois sepmaines, le dessusdit Conneſtable de France, & ses Capitaines conclurent l'un avec l'autre de faire assaillir icelle ville par leurs Gens-d'armes, qui en estoiet en moult grand volenté: duquel assault elle fut prinſe, & conquise à peu de perte de leurs gens. Et fut prins dedans icelle le Bastard de Thian, lequel tantost apres eut le haterel couppé, & avecques luy vn Gentil-homme nommé Carbonnel de Haule, avec aucuns autres, & si furent morts des dessusdits assiegez tant en deffendant leurs gardes, comme eux retrayant au marché enuiron le nombre de soixante hommes, & de quarante à cinquante prisonniers parmy les deux dessusdits. Apres laquelle prinſe le dessusdit Conneſtable, & la plus grand partie de sesdictes gens, se logea dedans ladicte ville: toutesfois demourerent gramment de gens en aucunes desdictes Bastilles. Si estoient dedans le marché de Meaux pour chief de la part des Anglois Messire Guillaume Chambellan, Messire Jean Rippelay, & aucuns autres enuiron cinq cens combattans. Et par auant deuant la venue d'iceluy siege, auoient enuoyé certains messages de leurs gens à Rouën, pour signifier la venue desdits François leurs aduersaires, en requerant aux comis du Roy Henry d'Angleterre, qu'ils fussent secouruz au plus brief, que bonnement faire le pourroit. Pour lequel secours bailler, le Comte de Cambreslech, qui lors auoit la charge de par iceluy Roy d'Angleterre de la garde, & gouuernement de la Duché de Normandie, & avec luy Messire Ica de Talebot, le Seigneur de Fauquemberge, Messire Richard d'Andeuille, & aucuns autres Capitaines Anglois accompaignez de quatre mille combattans ou enuiron, se meirent à chemin sur intention de leuer ledit siege, & cheuaucherent tant qu'ils vindrent dedans la ville de Meaux: dedans laquelle le dessusdit Conneſtable ſachant icelle venue, auoit fait retirer ses gens, & ses habillemens de guerre, qui tresbien leur vint à point: car pour vray s'ils eussent esté trouuez aux champs, il y eust eu grand meschief d'un costé & d'autre. Et vous dy que les Anglois ne desiroient autre chose, que de trouuer lesdits François pour les combattre, & de ce feirent plusieurs requestes par leurs officiers d'armes audit Conneſtable, qui ne leur vouloit accorder. Et entre-temps furent faictes aucunes escarmouches entre les parties: à l'une desquelles lesdits Anglois gaagnerent sur les François bien vingt bateaux de viures, & d'autres biens, & d'autre part fut abandonnée vne Bastille que tenoit le Seigneur de Moy. En apres assaillirēt iceux Anglois & prindrent de fait vne autre Bastille, qui estoit en l'Isle aupres du marché: dedans laquelle furent morts de cent à six vingts hommes du party des François, & les autres furent prisonniers. Durant lequel temps les dessusdits Anglois

*Bastard de  
Thian decapité.*

voyans, que les François n'auoient point vouldé de les combattre, & aussi qu'il leur estoit impossible de les greuer dedans leur fort, se dispoferé de retourner en Normandie, apres qu'ils eurent rafreschy leurs gens, qui estoient audit marché de Meaux. Si se departirent de Meaux, & par la mesme marche, dont ils estoient venus, s'en retournerent audit pays de Normandie. Apres lequel departement ledit Connestable, & ses gens s'efforcéré de rechef moult fort de guerroyer, & combattre ceux du dessusdit marché par diuers engins: & tant en ce continuerent, que enuiron trois sepmaines apres ensuiuant ledit Sire Guillaume fait traicté avec ledit Connestable pour luy & pour ses gens: par telle condition qu'ils s'en iroient sauues leurs vies & leurs biens: lequel traicté conclud & finy, leur fut donné bon, & seur faufconduit, & s'en r'allerent à Roüen: où ledit Capitaine fut fort reproché de ceux, qui auoient le gouuernement: & de fait fut mis prisonnier au chastel de Roüen, pourtant qu'il auoit si tost rendu iceluy marché de Meaux, qui estoit bien garny de viures, & aussi d'habillemés de guerre, & si estoit aussi vne des fortes places du Royaume de France. Neantmoins depuis il trouua maniere de luy excuser vers les Seigneurs de son party, par lesquels il fut mis à plaine deliurance. Ou temps dessusdit fut decapité, & escartellé vn Gentil-homme nommé Iean de la Fange, qui estoit au Connestable de France, pource qu'il fut trouué coulpatible d'auoir pourparlé avecques les Anglois sur aucunes besongnes, qui estoient preiudiciables au Roy de France, à sa Seigneurie. Si fut pour lors aussi escartelle avecques ledit Iean de la Fange vn sergent du Chastellet de Paris.

*Marché de  
Meaux rendu  
par compo-  
sition.*

*Comment messire Jean de Luxembourg enuoya lettres d'excusations deuers le grand Conseil du Duc de Bourgogne, & la teneur d'icelles.*

**L** Napres Messire Iean de Luxembourg Comte de Ligny, & de Guise, lequel de iour en iour sçauoit par les rapports, qui faits luy estoient, comment le Duc de Bourgogne estoit mal content de luy, & ce principalement pour l'offence, qui auoit esté faite encontre ses archiers par Iacotin de Bethune, & ses gens, comme en autre lieu cy dessus est plus à plain declairé; afin que surce se peust excuser, & aussi ledit Iacotin, escriuit lettres à ceux du grand Conseil dudit Duc de Bourgogne, duquel la teneur s'ensuit.

TRES REVERENDS Peres en Dieu treschiers, & tresamez cousins, & tresprecieux amis: ie croy qu'il soit assez venu à vostre cognoissance certain debat, & subdainement & par meschef aduenu, entre aucuns archiers de mon tresredoubté Seigneur le Duc de Bourgogne, & les gens de Iacotin de Bethune en ma ville de Ham: par lequel mon tresredoubté Seigneur a conceu indignation contre moy, dont i'ay esté & suis tant desplaisant, que plus ne puis. Et pour vous donner à cognoistre le cas, & les deuoirs, où me suis mis enuers mondit Seigneur le Duc: en vous faisant assaouir, que se i'auoye fait aucune chose vers luy, pourquoy il ait cause de ce faire: pour ma descharge ie vous en escrips ledit cas, qui est tel. C'est à sçauoir, que parauant ledit debat les officiers de mondit tresredoubté Seigneur imposèrent sur les champs vne taille, sans à ce euacquer les trois estats d'iceluy, au moins au nombre competent: laquelle taille ils vouloient esleuer sur



mes terres. Dont aucuns officiers appellerent, & demoura la chose en ce point. Et pendāt ce aucuns, qu'on nommoit Escorcheurs, ceux de Valois, & autres Gens d'armes se demonstroient moy vouloir faire guerre, pourquoy me conuint mettre gens en mes places, & fortresses. Entre lesquels ie adournay en ladite ville de Ham ledit Iacotin & cetera. Certain temps apres vindrent aucuns compagnons de cheual en plusieurs de mes villaiges d'environ ladite ville de Ham, courans par les champs, & prenans cheuaux, vaches, & autres biens; parquoy vindrent audit lieu de Ham plusieurs femmes, criant qu'on emmenoit ainsi leurs biens. Lors ledit Jacotin, cuidant certainement, que ce fussent les dits Escorcheurs, enuoya ses gens sur eux, & y eut aucune voye de fait d'un costé & d'autre: mais tout incontinent que ledit Iacotin, qui suiuoit les autres gens, sceut que les dessusdits compagnons se disoient archiers de mondit trefredoubté Seigneur, il feit cesser ses gens: & estoit tant desplaisant dudit cas, qu'il plus ne pouoit. Car il n'enst iamais cūde de prime face, qu'ils eussent esté à mon trefredoubté Seigneur, attendu ledit appel, & aussi les grans derisions qu'ils faisoient enuiron la ville de Ham, & mesmement que ils auoient dit parauant, qu'ils n'auoient point de charge de exploiter sur mes terres: pourquoy appert ledit debat estre aduenū par meschief soubdainement. Ce nonobstāt mon trefredoubté Seigneur m'a à ceste cause fait sommer de luy deliurer le dessusdit Iacotin de Bethune, & ses gēs. Pour laquelle cause, i'ay de iceluy cas fait faire informatiō par gēs de iustice present tabellion Royal: & fait remonstrer à mon trefredoubté Seigneur, l'effect d'icelle: par laquelle appert ledit Jacotin, & ses gens non estre coupables en la maniere, que mondit trefredoubté Seigneur, Monseigneur le Duc en estoit informé, mais que ledit cas estoit aduenū par la coulpe desdits archiers, & exploits par eux faits cōtre les termes de iustice. En luy priāt que ce cōsidéré, luy plaise estre cōtē de moy, & que la chose fut traitée par voye de iustice: & qu'il luy en pleust faire information par ses gens, tels qu'il luy plairroit, pour en estre fait, ainsi que de par raison appartendroit: en offrant que s'il estoit trouué, que luy eussent aucune chose m'ffait, moy ouy en mes excusations, de luy amender, & de luy en requerrir pardon. Et encores pour plus moy humilier, & afin d'oster de luy toutes imaginations qu'il pourroit auoir conceues à l'encontre de moy, de ce que oncques ne luy meffiz, par franchise ie luy ay voulu crier mercy: desquelles offres il n'a voulu estre content, mais a fait saisir, & mettre en ses mains les terres que moy & ma femme auons en ce pays de Brabant, & Flandres: laquelle chose m'a esté, & est bien dure: considéré que en riens ie n'y suis coupable dudit cas: & que ie me suis offert en toute iustice, & raison, selon ce que dit est, & pose qu'on me voulsist dire estre coupable, ce qui ne sera point trouué, il n'y a lieu de confiscation, ne cause raisonnable d'empescher le mien: mesmement selon les droitz, loix, & coustumes desdits pays: toutes lesquelles choses, pour plus auant me mettre en mes deuoirs, i'ay bien au long declairé au Seigneur de Santhois: qui de sa courtoisie est venu deuers moy, & que i'ay prié trefinistamment, qu'icelle voulsist remonstrer à mon trefredoubté Seigneur & luy supplier, que de sa bone grace, il luy pleust moy ouurir la voye de iustice, & i'estoye prests moy ouy en mes excusatiōs d'estre en droit par deuant mondit Seigneur le Duc de Bourgogne, mes Seigneurs de son ordre, & autres personnes de son Conseil, ou par deuant les trois estats de sesdits pays de Brabant, & de Flandres, ou par deuant les Iuges, & loix dont sont mouuans mesdits tenemens. Suppliant en outre, qu'il pleust à mon trefredoubté Seigneur à ce moy recevoir, & faire leuer la main de mesdits terres. En quoy n'est point que ie vueille fuir mondit Seigneur, ne sa iustice, ne querir à Iuges nuls autres Princes, que luy, & ses gens, comme dessus est

Submissions  
de Luxembourg  
au Duc de  
Bourgogne.

dit. Et semble que selon Dieu, noblesse, & bonne iustice on ne me deuroit refuser : car ie ne croy point, que ie me puisse plus mettre, & faire mon deuoir, que de requier estre traité par iustice par mondit Seigneur, qui est Prince tant renommé, par Messeigneurs de son ordre, qui sont ses parens, ses freres, & ses amis, & gens d'estile, & bonne preud hommie : par son Conseil, & par les trois estats, & luges desdits pays subiects à luy, où il y a tant de notables, & saiges personages. Et en outre de presentier, d'amèder, de crier mercy à mondit Seigneur Monseigneur le Duc : mesmement de ce qu'onques ne luy mectrez, ainsi comme dessus est dit, & declairé. Neantmoins i'ay sceu depuis par aucuns, qui pour ceste cause sont venus deuers moy, que mondit tresredoubté Seigneur ne vult point estre content, se ie ne luy liure ledit Iacotin de Bethune : laquelle chose m'est, & seroit impossible de faire, car il n'est point en ma puissance : & si n'est pas vray, ce semble, que nul qui se sentit en l'indignation d'un tel Prince, si hault, & si puissant comme mon tres redoubté Seigneur, se vouldist laisser apprehender, pour estre liuré à martyre. Et pour ce, treschiers & especiaux amis, que les choses dessusdictes seront trouuées veritables, ie les desire donner à cognoistre pour ma descharge à vous, qui estes notables, cognoissans que c'est de raison : & les vous signifie, vous priant tant humblement que ie puis, que icelles vueillez remonstrier à mondit tresredoubté Seigneur, & tenir la main à ce qu'il luy plaise estre content de moy, & faire liuer la main de mesdictes terres : & au surplus ouurir la voye de iustice en moy y employant par toutes voyes, & manieres que pourrez, ayans consideration comment des le temps de ma ieunesse i'ay loyaument seruy feu Monseigneur le Duc Iean, à qui Dieu pardoiert, & mondit tresredoubté Seigneur qui est à present, comme chacun sçait : & à mon loyal pouoir ay aydé à garder leurs pays. Et se ainsi estoit qu'à tort on detint mesdictes terres sans moy vouldoir demonstrier iustice : laquelle on ne doit refuser à nul qui la requiert, pourtant qu'il vueille estre à droict, ie vous prie que ayez memoire, & souuenance des offres, & deuoirs en quoy ie me suis mis : lesquels sont cy dessus plus amplement declairez. Reuerends Peres en Dieu, treschiers, & tresaymez cousins, & tresespeciaux amis : se chose voulez, que ie puisse faire, signifiez le moy, & ie le feray de tresbon cueur, comme sçait le benoist fils de Dieu, qui vous ayt en sa sainte garde. Escrip্ত en mon chasteil de Vendoul le treiziesme iour d'Auril. La superscription estoit : A mes treschiers, & tresamez cousins, & especiaux amis, les gens du grand Conseil de mon tresredoubté Seigneur, Monseigneur le Duc de Bourgongne.

QUAND les dessusdits Seigneurs eurent receuës, & veuës les lettres, ils se mirent ensemble pour auoir aduis, qu'il en estoit bon de faire sur ceste matiere, & par especial ceux de l'ordre de la Toison d'or, duquel orare ledit Messire Iean de Luxembourg estoit : firent plusieurs diligences pour trouuer maniere, qu'il fut reconcilié avecques ledit Duc : car moult doubtoient, que s'il aduenoit qu'il conuint, qu'on procedast par voye de fait à l'encontre de luy, qu'il en aduiendroit grans inconueniens aux pays d'iceluy Duc : pource principalement, comment en autre lieu est declairé, qu'ils le sentoient estre homme de haute entreprinse de sa personne, bien pourueu de puissantes villes, & fortresses pour faire forte guerre, se besoing luy en estoit. Si estoit avecques ce encores allié aux Anglois, qui luy auoient promis de bailler assistance, & secours, & u assis luy liurer gens toutes, & quantes fois que besoing en auroit. Auoient regard aussi aux grans seruices, qu'il auoit faits

faits au dessusdit Duc de Bourgogne, & à ses pays par plusieurs fois, & de moult long temps. Et d'autre part veoient, que les François de iour en iour entreprenoient en diuers lieux sur les terres, & pays du deuantdit Duc: & selon leur aduis entretenoient tres mal les poincts, & les articles du traité d'Arras dernièrement fait. Pourquoy tout considéré il leur sembla par plusieurs raisons, qu'il valloit mieux que ledit de Luxembourg fut receu en faisant les satisfactions, qu'il offroit à faire qu'autrement. Et pourtant apres que ladicte matiere eut entre eux esté par plusieurs fois debattu, conclurēt tous ensemble d'eux essayer enuers ledit Duc de Bourgogne leur Seigneur pour sçauoir, s'ils y pourroient mettre aucuns bons moyens. Et de fait, luy en toucherent bien au long, en luy remontrant toutes les besongnes dessusdictes par diuerses fois: & entre les autres y continua tressouuent Messire Hue de Launay Seigneur de Sauthois, qui auoit la chose moult fort à cuer, & aussi auoiet aucuns des autres. Neâtmoins de prime face trouuerent ledit Duc en assez froide maniere, & respōce: car entre autres choses estoit tresfort indigné pour l'offence, qui auoit esté faicte, & commise contre les archiers, plus que de toutes les autres. Et aussi les Comtes de Neuers & d'Estampes, qui auoient euz leurs gens morts: & destroussiez par ledit Iacotin de Bethune, comme dessus est dit; plus auoient la besongne à cuer, & leur en desplaisoit moult grandement, & non point sans cause. Toutesfois les dessusdits Seigneurs par longue continuation en ce pourparlerēt tāt pour les besongnes dessusdictes, qu'il se commença à cōdescendre d'ouyr iceux, & les ofres qu'ils faisoient pour le dessusdit Messire Iean de Luxembourg: & finablement tant feirent les dessusdits, & tant furent pourmenées lesdictes besongnes, & tant approchées, qu'on print iournée pour estre les deux parties ensemble en la cité de Cambray. Duquel lieu y furent de par ledit Duc l'Euēque de Tournay, maistre Nicole Raoulin Seigneur d'Aurhun son Chancelier, Messire Hue de Launay, le Seigneur de Saueuses, & plusieurs autres notables personages. Et pareillement fut Messire Iean de Luxembourg accompagné aussi de plusieurs notables personages tāt Cheualiers, & Escuyers comme gens de Conseil, & mesmement y estoit le dessusdit Iacotin de Bethune: & eux venus ensemble, certains iours ensuiuans furent les matieres ouuertes, & mises auant sur tout les troubles, qu'on disoit auoir esté faits contre le Duc de Bourgogne, & ceux de ses pays, par iceluy Messire Iean de Luxembourg, & ceux de sa partie. Ausquelles ouuertes ledit Messire Iean de Luxembourg feit respondre sur tout en luy excusant de la plus grand partie, offrant du surplus, tant par luy comme par ses gens, faire si auant qu'il appartiendroir. Et apres que tout eust esté pourparlé bien, & au long en la maniere dicte, on meit par escrit les traictez tels qu'il sembloit, qu'ils feussent raisonnables pour vne partie, & pour l'autre pour venir à paix. Si furent monstrez audit Messire Iean de Luxembourg, qui aucunement y feit corriger aucuns poincts, lesquels n'estoient point à son plaisir: & depuis furent rapportez deuers le Châcellier, & autres du Conseil, qui de rechief y feirent aucunes corrections: & pourtant quand autresfois on les apporta audit de Luxembourg, quād il les eut



*Accord de  
Luxembourg  
avec le Duc.*

veuës & ouïes ils ne luy furēt agreables. Si se troubla assez soubdainemēt, & les descira par despit, & dit tout hault, que l'Euesque de Tournay, & le Chancellier ne l'auroient point à leur plaisir: & brief ensuiuāt par le moyen des Seigneurs, & gens du Conseil tant d'un costé, comme d'autre, tout se rappaila. Et en fin de conclusion furent assez bien d'accord, en retenant tāt seulement sur ce l'aduïs, & bon plaisir dudit Duc, auquel ils le deuoient apporter par escript. Et entre autres choses ledit Iacotin de Bethune se deuoit aller rédre aux prisons dudit Duc pour estre en sa mercy: mais les Seigneurs luy promeirent, c'est à sçauoir ceux de la partie dudit Duc estans audit lieu de Cambray, qu'ils s'emploiroient de tout leur bon pouoir enuers luy, afin qu'il le receut en sa bōne grace, & misericorde. Et ainsi toutes ces belōgnes traitées, fournies, & accomplies par la maniere dessusdictē, feirent les dessusdits Seigneurs du Cōseil tous ensemble trefioyeuse chiere l'un avec l'autre en l'hostel dudit Messire Iean de Luxembourg. Pour lequel traité & pacifiement, plusieurs païs & contrées, & avec les habitans d'iceux tant Nobles, comme gens d'Eglise, & autres en eurent trefgrand liesse, quand ils sceurent iceux traitēz estre acheuez. Et brief ensuiuant se departirent les deux parties de la dessusdictē cité de Cambray, & retournerent les gens du Duc de Bourgogne deuers luy, & monstrerent ce qu'ils auoient besongné, dont il fut assez bien content: & certain temps apres ledit Iacotin de Bethune alla deuers luy en sa ville de Hesdin, & se rendit en sa mercy en luy requerant, que s'il auoit aucune indignation à l'encontre de luy, il luy pleust le recevoir en sa grace, lequel Duc l'enuoya prisonnier. Et peu de temps apres par les treshumbles requestes, & prieres d'aucuns Seigneurs notables, & de grand auctorité, & ceux de son Conseil, il le feit deliurer sur aucunes conditions, qui lors prestement luy furent declairées.

*Comment le Roy Charles de France enuoya Dame Katherine sa fille deuers le Duc de Bourgogne pour l'accomplissement de la promesse du mariage d'icelle Dame, & du Comte de Charrolois fils audit Duc.*

**E**N cest an enuiron le mois de Iuing, le Roy Charles de France feit departir Dame Katherine sa fille hors de son hostel, icelle smoult haultement, & honnorablement accompagnée des Archeuesques de Reims, & de Narbonne, des Comtes de Vendosme, de Tonnerre & de Dunois, du ieune fils du Duc de Bourbon nommé le Seigneur de Beaujeu, du Seigneur de Dampierre, & autres plusieurs grans, & notables Seigneurs, Cheualiers, & Escuyers accompagnez de trois cens cheuaucheurs ou enuiron, pour la mener, & conduire deuers le Duc de Bourgogne: auquel, comme dit est ailleurs par cy deuant, il auoit accordé pour son fils le Comte de Charrolois auoir en mariage. Avec laquelle Dame estoient pour le conduire la Dame de Rochefort, & plusieurs autres nobles Dames, & Damoiselles en trefnoble, & bel estat. Et tant cheminerent par plusieurs iournées, qu'ils vindrent en la cité de Cambray, où ils seiournerent par l'espace de trois iours: & y furent grandement receuz, & festoyez de ceux de ladicte ville, tant de gens d'Eglise, comme des Gouverneurs,

neurs, & habitans d'icelle. Auquel lieu de Cambray par le dessusdict Duc de Bourgogne pour receuoir ladicte Dame furent enuoyez les Comtes de Neuers, & d'Estampes, le Chancelier de Bourgogne, & autres en moult grand nombre de gens, & notables Seigneurs, Cheualiers, & Escuyers avec lesquels estoient la Comtesse de Namur, la Dame de Creuecueur, la Dame de Haubourdin, & plusieurs autres femmes d'estat. Si feirent ces Seigneurs en icelle ville de Cambray de moult grans honneurs & chieres ioyeuses, avec grans receptions l'un avec l'autre: & portoit-on la dessusdict Dame aagée de dix ans ou enuiron sur vne litiere moult richement parée, & appointée. Et à toutes bonnes villes où elle passoit, tant es bonnes villes du Royaume, comme dudit Duc de Bourgogne, on luy faisoit tresgrand honneur, & reuerence: & à l'entrée d'icelles bonnes villes descendoient communément dix ou douze Gentils-hommes à l'entrée de la porte, qui tenoient la main à ladicte litiere tant qu'elle fut descendue à son hostel. Et partant de Cambray allerēt par aucuns iours en la ville de S. Omer, où ledit Duc de Bourgogne estoit, & tenoit son estat: lequel grandement accompagné de Cheualiers, & Escuyers issit hors d'icelle ville, & vint aux champs & luy venu au deuant de ladicte Dame Katherine de France la conioiut, & festoya moult reueremment, & luy feit moult grād honneur, & ioyeuse reception, & tous ceux qui estoient avec luy: & les mena dedans ladicte ville de S. Omer, où le mariage fut parconfirmé. Si y furent faites grādes, & merueilleuses festes, & esbatemens par plusieurs iournées tant en ioustes, cōme autrement, tout aux despens dudit Duc de Bourgogne. Et estoit lors l'entrepreneur d'icelles ioustes pour la partie d'iceluy Duc, le Seigneur de Crequy contre les autres defendans. Si demourerent les dessusdicts Seigneurs assez longuement au dessusdit lieu de S. Omer, pour estre à vn Parlement, qui se deuoit faire d'entre les deux Roys de France, & d'Angleterre entre Grauelines & Calais, duquel assez tost ie feray mention.

*Comment le Bastard de Bourbon print la ville de la Mothe en Lorraine.*

**E**n cest an le Bastard de Bourbon se partit de largeaux à tout quatre cens combattans ou enuiron: lesquels il conduisit, & mena par plusieurs iournées, iusques à la Mothe en Lorraine, laquelle il print assez soubdainemēt d'ēblée, & tous les biens, qui estoient dedans: c'est à sçauoir les biens portatifs furent par ses gens prins, & rauiz: & fut dedans icelle enuiron vn mois, durant lequel temps il courut, & pillā le pays en plusieurs & diuers lieux. Et mesmement courut sur la ville de sainct Nicolas de Varengeuille, qui de treslong temps par auant n'auoit esté adommagée, ne courue par nulles gens de guerre, quels qu'il feussent. Et adonc les Seigneurs & Gouverneurs dudit pays de Lorraine voyais la destruction totale d'iceluy par le moyen d'icelle garnison, traicterēt avec iceluy Bastard de Bourbon, par condition qu'il auroit certaine grand somme d'argent, & il leur rendroit icelle ville de la Mothe. Lesquels traictez concluds & du tout confermez, ledit Bastard s'en departit d'illec à tout ses gens pour retourner, dont il estoit venu: mais ainsi qu'il passoit

assez pres de Langres fut poursuiuy, & atteint par Messire Jean de Vergy, Anthoine de Gelet, Philippot de Sainginis, & aucuns autres: lesquels le ruerent ius & le destrousserent. Et si en demoura morts sur la place bien six vingtes ou mieulx, & les autres en la plus grand partie furent prisonniers. Et par ainsi ceux qui furent desrobbez, furent d'iceux paillarts aucunement vengez: mais pourtant ne r'auoient point leurs biés, & au regard dudit Bastard il n'y fut mort ne print.

*Comment plusieurs notables Ambassadeurs s'assemblerent entre Grauelines, & Calais sur le fait du Parlement, qui se deuoit tenir, & faire entre les Roys de France, & d'Angleterre.*

**E** T E M en ce temps furent assemblez plusieurs notables Ambassadeurs entre Grauelines, & Calais au lieu, où l'an precedēt auoit esté ordonnez tant de par les Roys de France, & d'Angleterre, comme par le Duc de Bourgogne. Entre lesquels y estoient de par le Roy de France l'Archeuesque de Reims grand Cheualier, l'Archeuesque de Narbonne, & l'Euesque de Chaallons, les Comtes de Vádolme, & de Dunois, le Seigneur de Dampierre, Messire Regnault Girard Capitaine de la Rochelle, Maistre Robert Mailliere, & Andry le Bœuf. Et de la partie dudit Duc de Bourgogne, la Duchesse sa femme, l'Euesque de Tournay, Maistre Nicolas Raoulin Chancelier dudit Duc, le Seigneur de Creuecueur, le Seigneur de Santhois, Maistre Pierre Bourdin Messire Philippe de Nâterre, & plusieurs autres. Et du costé du Roy d'Angleterre le Cardinal de Vincestre, l'Euesque d'Iorth, l'Euesque de Noruich, l'Euesque de sainct Dauid, l'Euesque de Lisieux, le Doyen de Salsbery, le Duc de Northfort, le Comte de Scafort, & son frere, le Seigneur de Bresure, le Comte d'Onthonfort, Messire Thomas Kiriel, & plusieurs autres notables hommes: lesquels tous ensemble eurent cōseil par plusieurs iournées, pour sauoir s'ils pourroient aucune chose besongner sur la paix generale d'entre les deux Royaumes, & aussi pour la deliurance du Duc d'Orleans: mais finalement ne peurent venir à aucune conclusion qui fut de valeur, car les Anglois pour nulle riens ne vouloient condescendre à faire nul traité avecques le Roy de France, sinon que la Duché de Normandie avec leurs autres conquestes leur demourassent franchement, sans les tenir dudit Roy de France. Si fut reprins autre iournée au prochain an ensuiuant, & se departirent d'illec sans autre chose besongner. Et quant est aux Anglois ils y estoient venuz en grand pompe & bombant, & moult richement habillez: & par le dessusdit Cardinal de Vincestre y auoit fait venir de moult riches tentes, & pauillons bien parez, & aornez de tout ce qui y faisoit, tant de vaisselle d'or, & d'argent comme d'autres besongnes necessaires & d'utiles. Et feit à ladicte Duchesse sa belle niepce moult ioyeuse chiere, & reception, & la festoya treshonorablement. Et apres s'en retournerent chacun d'eux es lieux, & places dont ils estoient venus, sans pouoir autre chose besongner.



*Comment les Anglois vindrent au pays de Santhois, où ils prindrent le chastel de Folleuille, & y firent moult d'autres maux, & cruauitez.*

**L** T E M en cest an enuiron l'entrée de Karefme le Comte de Sombresset, avec luy le Seigneur de Thallebot, & aucuns autres Capitaines, assemblerent iusques au nombre de deux mille combattans, ou enuiron tant de pied, comme de cheual sur les marches de Normandie vers Roüen: à tout lesquels, & à tout charroy portans leurs habillemens de guerre, viures, & autres besongnes nécessaires, pour venir au pais de Santhois passa l'eau de Somme parmy la ville de Monterueil, & s'en alla loger deuant la forteresse de Folleuille, qui pour lors estoit au gouuernement du bon de Saueuses à cause de la Dame doüagiere, qu'il auoit espousée. Et pour ce que ceux, qui estoient dedans ledit chastel, saillirent dehors, & occirent l'un des gens dudit Comte de Sombresset, lequel il aymoit moult bien, si iura grand serment, que de là ne se partiroit iusques à ce qu'il auroit conquis iceluy chastel, & ceux de dedans à sa volenté. Si feit prestement apprestier vne petite bombarde, qu'il auoit amenée avecques luy, laquelle estoit excellentement bonne, & roide avec autres engins: lesquels engins, bombardes, & canons à l'une des fois occirent le Capitaine de leans, quand elles furent iectées: & depuis continuerent tant que tout le surplus desdits assiegez furent contens d'eux rendre, en delaisant ladicte forteresse, & tous leurs biens avec ce payant vne grand somme d'argent, en rachetant leurs vies enuers les dessusdits Anglois. Si feit ledit Côte reparer ledit chastel, & y laissa garnisons de ses gens, qui depuis firent moult de maux, & de dommages à tous les pais à l'enuiron. Et le lendemain de ladicte reddition, se departirent d'iceluy lieu ledit Comte, & ses gens, & suivirent ledit Seigneur de Thallebot, qui desia s'estoit boutté bien auant audit pais de Santhois: & tous ensemble s'en allerent loger à Lyhós en Santhois, où ils trouuerent des biens largement & abondamment, & aussi par tout le pais: car on ne se doubtoit de leur venue, parquoy ceux dudit lieu n'auoient point retraicts leurs biens. Auquel lieu de Lyhós auoit vne petite forteresse, & la grande Eglise, où le peuple & les habitans d'icelle ville s'estoient retraicts hastiuement, quand ils sceurent que c'estoient Anglois. Si feit ledit Comte signifier à ceux, qui estoient en ladicte Eglise, qu'ils se rendissent à sa volenté, ou il les feroit assaillir, ce que point ne voulurent faire. Et pour ce le lendemain feit faire ledit assault trescruel, & merueilleux: lequel fut tant continué, que pourtant que les Anglois ne les pouoient autrement auoir, bouterent le feu dedans: & fut l'Eglise toute arse, & demolie avec tous les biens d'icelle, & ceux qui s'estoient retraicts si y furent morts, & bruslez trespiteusement bien trois cens personages ou plus, tant hommes, femmes, comme enfans: & peu en eschappa de ceux, qui estoient en ladicte Eglise. Pour lesquelles cruauitez de la forteresse dessusdicte voyans la male-aduener de leurs pauvres voisins & amis, se composerent audit Comte de Sombresset, ou à ses commis pour racheter leurs vies, & parties de leurs biens, avec le feu par les maisons d'icelle ville, & en donnerent vn grand somme d'argent.

Pour laquelle bailler, & payer, baillerent plusieurs hostages tant hommes, comme femmes, qui depuis furent long temps prisonniers à Roüen, & ailleurs pour la finance dessusdicte. Desquels hostages en fut l'un un Gentilhomme nommé Noïseux de Sailly, lequel mourut en ladite prison. Et iceux Anglois qui estoient audit lieu de Lyhons firent plusieurs courses sur les pais à l'environ, desquels ramenerent des biens largement à leurs logis, & si prindrent la forteresse de Herbonnières, & le Seigneur dedas: lequel pour racheptrer luy, & ses subiects, & ladicte forteresse de non estre desolée, comme les autres auoient esté, s'accorda, & compola à mille salus d'or. Et entretemps que toutes ces besongnes se faisoient, le Comte d'Estampes qui estoit lors venu à Peronne, manda tous les Seigneurs de Picardie, de Hainault & des marches de l'environ, qu'ils venissent hastiuement deuers luy à tout le plus de ges guerre, qu'ils pourroient finer, lesquels vindrent en grand nombre, c'est à sçauoir le Seigneur de Croi, le Seigneur de Humieres, le Seigneur de Saueuses & ses freres, Valerian de Moreul, Jean de Brimeu lors Baillif d'Amiens, Messire Jean de Croi Baillif de Hainault, le Seigneur de Hautbourdin, le Seigneur de Barbenfon, Messire Simon de Lalain, & plusieurs autres des pais dessusdits en grand nombre: lesquels venus audit lieu de Peronne, & es villes au plus pres pouuoient bien estre en nombre de trois mille combattans de tresbonne estoffe. Si tindrent iceux Seigneurs conseil sur ce qu'il estoit de faire, & vouloient les aucuns, qu'on combattit les Anglois, & autres en y auoit de contraire opinion: & disoient plusieurs raisons pourquoy on ne les deuoit combattre: & en fin conclurent d'eux mettre aux champs de nuit, & d'eux mettre en embusche aupres de Santhois: il y auoit aucuns Capitaines ordonnez pour enuahir leurs logis, & bouter le feu en aucunes maisons pour veoir leur gouuernement & conduite, & sur ce faire selon ce qu'on verroit estre plus expedient. Apres laquelle conclusion fut ordonné, que toutes gens feussent prests pour monter à cheual incontinent apres minuit, & ainsi fut fait comme ils le deuilerent. Et issit ledit Comte d'Estampes & tous les autres hors de Peronne, pour faire ladicte entreprinse: mais quand ils eurent cheminé une demie lieue, ou enuiron hors de ladicte ville de Peronne, il feit si tresnoir qu'à moult grand peine pouuoient tenir chemin: & adonc se commencerent à pourmener iusques à ce qu'il feit un peu plus cler iour, que toutes gens se retournoient en leur ville: & par ainsi fut ladicte entreprinse rompue: & en ce mesme iour vers l'heure de midy vindrent certaines nouuelles au dessusdit Comte d'Estampes, & aux autres Seigneurs, qu'iceux Anglois s'estoient deslogés de ladicte ville de Lyhons, & s'en retournoient le chemin, dont ils estoient venus, ou assez pres pour retourner en Normandie, ce qui estoit veritable: car apres qu'ils eurent esté en ladicte ville de Lyhons bien l'espace de dix iours ou enuiron, & fait de biens grans dommages ou pays, comme dit dessus: ils se partirent de là, & s'en allerent en Normandie sans ce qu'ils eussent aucuns empeschemens ne destourbier, qui face à escrire: & emmenerent plusieurs prisonniers & grand foison de biens avec les hostages dessusdits: & au rappasser audit lieu de Folleuille le renforceret, & y laisseret forte garnison

de

de leurs gens. Et en tant qu'ils furent en iceluy país, & audit logis de Lyhós les gens de Messire Iean de Luxembourg alloient, & venoient de iour en iour paisiblement avec iceux Anglois, & auoient grand communication ensemble: dont ledit Comte d'Estampes, & plusieurs autres grás Seigneurs qui estoient avec luy, n'estoient point bien contens, mais pour lors on ne les pouoit auoir autre. Apres lequel departement, & deslogement desdits Anglois, qui ainsi s'en retournoient, toutes les gens de guerre, qui estoient venus au mandement du dessusdit Comte d'Estampes, se commencerent à retraire és lieux, dont ils estoient venus.

*De l'an mille cccc. & xl.*

*Comment le Daulphin, le Duc de Bourbon, & plusieurs autres Seigneurs se departirent du Roy Charles de France.*



V commencement de cest an Charles Roy de France feit grand assemblée de nobles hommes, & autres gens de guerre, pour aller ou pays de Bourbonnois destruire, & subiuguer Môseigneur le Duc de Bourbon & ses país: lequel à sa grand desplaisance auoit seduict, & emmené son fils le Daulphin, qui par auât estoit logé à Loches en Touraine au chastel. Et estoit pour ce temps au gouuernement du Comte de la Marche, qui estoit à ceste heure en la ville, & point ne se doutoit que ledit Daulphin se voulsist partir sans parler à luy. Neantmoins le Bastard de Bourbon, Anthoine de Chabannes, & autres Capitaines à tout foison de Gens-d'armes vindrent deuers luy audit chastel de Loches, & de son consentement le menerent ou pays de Bourbonnois en la ville de Moulins. Ouquel lieu s'en allerent avec ledit Duc de Bourbon, le Duc d'Alençon & le Comte de Vendosme, les Seigneurs de la Trimoille, de Chaumôt & de Prie avecques plusieurs autres nobles hommes, & grans Seigneurs: si estoit leur intentiō, que le dessusdit Daulphin auroit seul le gouuernemēt, & pouoir du Royaume de Frâce, & que le Roy Charles son pere seroit mis comme en tutelle, & gouuerné par eux. Et afin d'auoir ayde, & faueur pour accomplir leur intention, manderent en diuers lieux les Barons, grans Seigneurs, & Gentils-hommes de plusieurs país: ausquels ils declairerent leur intention, en requerant qu'ils voulsissent faire serment audit Daulphin, & le seruir cōtre tous ceux, qui greuer, ou nuire luy vouldroiet. Entre lesquels y vindrent les Seigneurs d'Auuergne: lesquels ceste requeste ouïe feirent responce par la bouche du Seigneur de Dampierre, que tres volentiers le seruiroient en tous ses affaires reserué contre le Roy son pere: disoient outre que ou cas que le Roy viendroit à puissance ou país, & il les requist d'auoir leur ayde, & aussi d'entrer en leurs villes & forteresses, ils ne luy oseroient, ne voudroient nullement refuser, & qu'iceux requerās point à ce ne s'attendissent autrement. Laquel le responce ne fut pas biē agreable audit Daulphin, ne aux autres Seigneurs, & se commencerent tresfort à doubter que de leurdictē entreprinse ne leur vint grand mal. Et avec ce estoient, desia aduertis, qu'iceluy Roy venoit contre eux à moult grand puissance, comme dessus est dit, laquelle chose estoit veritable: car le Roy entra oudit

*Anglois communiquans avec les gens de Luxembourg.*

*Le Daulphin se depart d'avec le Roy son pere.*



païs de Bourbonnois, & commença à faire tresforte guerre aux villes, & forteresses du deuantdit Duc de Bourbon, & de ceux tenans son party: si en meit plusieurs en son obeïssance. Et entre-temps ledit Daulphin, & ceux de son Conseil enuoyerent deuers le Duc de Bourgongne, pour sçauoir s'il voudroit en ses païs recevoir luy, & les siens, & luy bailler ayde en toutes affaires: lequel Duc apres qu'il eut eu deliberation de Conseil, sur ce fait response, que tous ses pays avec ses biens estoient bien au commandement du Daulphin, quand il luy plairoit y venir: mais pour nulle riens ne luy dōneroit faueur ne ayde, pour faire guerre au Roy son pere: mais estoit prest pour toutes les manieres, qu'il pourroit, de luy ayder à rentrer, & estre en sa grace. Disoit outre, qu'il luy conseileroit qu'ainsi le fait, & que trop grand deshonneur, & dommage en pourroit aduenir ou Royaume, si ceste guerre se continuoït. Et pour y obuier, & trouuer maniere & moyens, enuoya le Duc de Bourgongne ses Ambassadeurs deuers iceluy Roy, qui s'entremerent entreicelles parties. Si fut fait le traité par condition, qu'iceluy Daulphin le dessusdit Duc de Bourbon, & autres qui auoient offensé, iroïent par deuers le Roy en grād humilité requierir pardō desdictes offenses: toutesfoïz auant que ceste chose peut estre acheuée, grand partie des païs du Duc de Bourbon, & de ses fauorisans furent tresfort destruits par les gens de guerre dudit Roy de France, qui sur eux estoient venus en tresgrand nombre. En apres le dixneufiesme iour de Iuillet le Roy estant à Cusset, vindrēt deuers luy le Daulphin, & le Duc de Bourbon accompagnez desdits Seigneurs de la Trimoïlle, & de Chaumont, & de Prie: mais quand ils furent à demie lieüe pres dudit lieu de Cusset, vn messagier vint deuers eux: lequel dit ausdits trois Seigneurs, que le Roy ne les asseuroit point, & qu'il ne vouloit point qu'ils venissent deuers luy. Et lors quand ledit Daulphin ouït & entendit ce, il dit au Duc de Bourbon. Beau compere, vous n'auiez talēt de dire comment la chose estoit faicte, & que le Roy n'eust point pardonné à ceux de mō hostel. Et adonques iura vn grand sermēt, qu'il s'en retourneroit, & n'iroit point deuers le Roy son pere: & lors ledit Duc de Bourbon luy dit: Monseigneur tout ce fera bien, n'en soyez en quelque doubte, vous ne pouez retourner: car l'auantgarde du Roy est en vostre chemin. Toutesfoïz se n'eust esté le Comte d'Eu, & aucuns autres Seigneurs, qui estoient venus au deuant de luy: lesquels luy remonstrerent, qu'il feroit grand mal de retourner, s'il s'en fut r'allé. Si s'en r'allerent lesdits trois Seigneurs audit lieu de Moulins, & lesdits Daulphin, & Duc de Bourbon entrerent en la ville de Cusset, & allerent descendre à l'hostel du Roy. Et eux venus en la chambre où il estoit, s'agenouïllerent par trois fois deuant qu'ils venissent à luy: & à la tierce fois luy prierent en grand humilité, qu'il luy pleust à eux pardonner son indignation. A quoy le Roy respondit en adressant ses parolles à son fils, disant: Loïs vous soyez le biē venu, vous auez moult longuement demouré: allez vous en reposer en vostre hostel pour au iourd huy, & demain nous parlerons à vous. En apres parla au dessusdit Duc de Bourbon assez longuement, sagement, & prudemment, & luy dist: Beau cousin il nous desplaist de la faute que maintenant, & autresfoïz auez faicte contre nostre

*Sage conseil  
du Duc de  
Bourgongne  
au Daulphin.*

*Parolles du  
Roy au Daulphin,  
luy re-  
querant pardō  
au Duc  
de Bourbon.*

nostre Majesté par cinq fois : & luy declaira les propres lieux , où ce auoit esté, disât. Se ne tut point pour l'honneur, & amour d'aucuns, lesquels nous ne voulons point nommer, nous vous eussions môstré le desplaisir, que vous nous auez fait : Si vous gardez dorefnauant de plus y rencheoir. Apres lesquelles parolles, & plusieurs autres les dessusdits Dauphin, & Duc de Bourbon se departirent de là, & s'en allerēt à leurs hostels iusques au lendemain apres la messe du Roy, qu'ils retournerēt vers luy & de rechief presens tous ceux de son Conseil requierent treshumblement : qu'il luy pleust leur pardonner leur maltalent : & aux dessusdits trois Seigneurs, de la Trimoille, & de Chaumont, & de Prie. Et le Roy respondit qu'il n'en feroit riens, mais il estoit assez bien contēt, qu'ils s'en retournassent chacun en leurs maisons, & domiciles. Et adoncques dit le Daulphin au Roy : Mōseigneur dōt faut-il que ie m'en reuoise, car ainsi leur ay promis : & lors le Roy non contēt de ceste parolle respōdit à ce, & luy dit : Loys les portes sont ouuertes, & si elles ne vous sont assez grandes, ie vous en feray abbatre seize, ou vingt toises du mur pour passer, ou mieux vous semblera. Vous estes mon fils, & ne vous pouez obliger à quelque personne sans mon congé, & consentement : mais s'il vous plaist en aller, si vous en allez, car au plaisir de Dieu nous trouuerons aucuns de nostre sang, qui nous ayderont mieux à maintenir, & entretenir nostre honneur, & Seigneurie, qu'encores n'auiez fait iusques à cy. Apres lesquelles parolles le Roy le laissa, & alla parler audit Duc de Bourbon, qui prestement luy feit serment de le seruir, & obeyr à tousioursmais. Et d'autre part osta, & destitua tous les officiers, & gouuerneurs dudit Daulphin, reserué son confesseur, & son cuisiner. Et au regard du traité dudit Duc de Bourbon, il promeit de rēdre, & restituer dedans la main du Roy en brieis iours apres ensuiuas Corbeil, le Bois de Vincennes, Sanxerre, & le chastel de Loches, lesquelles places il tenoit en sa main. Et ne voulut point le Roy nullement consentir, que ses Genš d'armes se departissent du pays de Bourbonnois, & d'Auuergne, iusques à ce qu'il fut assure d'auoir, & posséder en sa main toutes les places dessusdictes. Et pareillemēt pardōna le Roy audit Duc d'Alençon, ou Côte de Vendosme, & plusieurs autres grāz Seigneurs, & nobles Princes, qui auoiēt accōpagné le Daulphin es besongnes dessusdictes. Et quand tout ce fut fait, & accompli en la maniere dessusdictē, & que le Daulphin fut content de demourer avecques le Roy son pere, on cria la paix dont la teneur s'ensuit.

ON vous fait à sçauoir de par le Roy, que Monseigneur le Daulphin, & Mōseigneur le Duc de Bourbon sont venus deuers luy en tresgrand humilité, & obeysance : & les a le Roy. ceux tresamiablement en sa bonne grace, & tout pardonné. Et par ce veut & ordonne, que toutes guerres, & voyes de fait cessent : & que on ne prēne nuls prisonniers, laboureurs, & autres gens quelconques, ne bestail, ne autres biens, & que nuls ne facēt nulles extorsions l'un contre l'autre, soit en prenant places ou autrement : & que toutes gens puissent aller, & venir s'urement faisant leurs besongnes, sans ce qu'on leur mefface aucunement : & aussi que nulles places ne soient abbatues, ne demolies es pays de mondit Seigneur de Bourbon ne ailleurs. Donné à Cusset le vingt quatriesme iour de Iuliet l'an mi. le quatre cens & quarante. Et estoit escrit dessous : De par le Roy & son grand

*Conseil, ainsi signé d'Iugon.* En outre dedans assez briebs iours apres ensuiuanis le Roy bailla à fondit fils le Daulphin le Gouuernement du Daulphiné. S. feit assez tost apres departir les Gens-d'armes des pays du Duc de Bourbó, & leur donna congé de tirer vers Orleans, & deuers Paris.

*Comment les François coururent en la terre de Neelle appartenant à Messire Iean de Luxembourg.*

**E**N iceluy mesme temps enuiron le mois de Iuillet, Messire Iean de Luxembourg Comte de Ligney, estant à Neelle en Vermandois, vindrét les garnisons de Crespy en Valois, de Ver, & d'autres lieux passer l'eäüe de la riuire d'Oyse au pont saincte Maxence iusques au nombre de cent combattans, ou enuiron, soubz la conduicte d'un nommé Gilbert de la Roche son compaignon d'armes. Si se tirerent en ladicte terre de Neelle appartenant audit Comte de Ligney, & en icelle prindrent, & leuerent trefgrand nombre de paysans, cheuaux, bestial & autres biés: à tout lesquels quand ils eurent fait leursdictes courses, ils s'en retournerent pour eux en aller és lieux, dont ils estoient venus. Si vindrent à la cognoissance dudit Comte ces nouuelles, dont il fut moult indigné contre eux, pource que plusieurs fois luy auoient fait de telles enuahies. Si feit incontinent assembler de ses villes, & forteresses iusques au nombre de cent combattans ou enuiron, lesquels il enuoya sans delay apres les dessusdits. Et estoient les principaux Messire Dauid de Poix Gouverneur de Guyse, Guyot de Bethune, Anthoine de la Baniere Gouverneur de Ham, Anthoine de Belloy, & aucuns autres Gentils-hommes: lesquels cheuaucherent vigoureuement apres iceux, & tant qu'ils les r'acensuiurent, & rataignirent au dessoubz de Compiengne contre Royaulieu, où desia auoient fait passer leurs proyes, & partie de leurs cheuaux outre la riuire par un bastel, qu'ils auoient trouué, & desia en y auoit bien vingt entrez dedans le bastel pour passer outre, quand ils apperceurent venir leurs aduersaires contre eux, qui enuahirent & assaillirent baudement, & vigoureuement ceux, qu'ils trouuerent audit passage. Et adóc ceux dudit bastel voyans leurs compaignons assaillir (comme dit est) cuiderent retourner pour les ayder & secourir, mais ce fut pour neant: car tantost qu'ils approcherent pres de la terre, les autres eux voyés estre ainsi surprins & enuahis, saillirent audit bastel & en y entra tant & si largement, qu'ils l'effondrerent, & noyerent plusieurs de leurs biens. Et les autres sans delay furent tournez à desconfiture, & vne partie mis à mort: entre lesquels y furent morts ledit Gilbert de la Roche, & iceluy Rafilié, se sauua à grand peine avec huiet ou dix de ses gens tant seullement. Apres laquelle besongne ceux qui les auoient ruez ius, passerent l'eäüe, & r'allerent querre les proyes dessusdictes. Et apres par autre chemin passerent l'eäüe, & retournerent franchement audit lieu de Neelle deuers le dessusdit de Luxembourg leur Seigneur, qui fut tresioyeux de leur bonne fortune: & si auoient amené aussi cinq prisonniers, desquels il feit pendre la plus grand partie.

*Comment*



*Comment le Comte de Sombresset à tout grand puissance d'Anglois,  
assiégea la ville de Harfleur.*

**T**EM enuiron l'issue d'Auril de cest an, se meirent sus en la ville de Rouën, & au pays à l'entour iusques à six mille combattans Anglois. Auec lesquels sous la conduicte, & gouuernemēt des Comtes de Sombresset, Doursec, & de Fauquēberge estoient les Seigneurs de Thallebot, Messire François, Arragonnois, Matago, Iacquemīn Vacquier, Thomas Heniton, le Baillif de Roüé, & aucuns autres Capitaines, qui tous ensemble allèrent mettre le siege tout à l'entour de Harfleur tant par terre, comme par mer. Dedans laquelle ville estoit Capitaine pour le Roy de Frâce Iean d'Estouteuille, & auecques luy Robert son frere, & autres iusques au nombre de quatre cens combattans ou enuiron, auec ceux de la ville & de la marine, qui grandement, & vaillamment se meirēt à deffence contre leurs aduersaires, & fortifierent nuit, & iour en grand diligence les gardes de ladicte ville, & feirent aucunes faillies cōtre les assiegeans: ausquelles ils prindrent, & occirēt aucuns de leurs ennemis. Lesquels assiegeans d'autre partie se fortifierent en leur dit siege de grās fossez tout autour de leur ost, & laisserent en aucuns lieux conuenables issues, & entrées: & auecques ce feirēt sur lesdits fossez fortes hayes: afin que de leurs ennemis ne peussent estre par nul costé enuahī, & prins. Et outre assieirent contre la porte, & muraille d'icelle ville plusieurs bombardes, & autres habillemens de guerre, desquels ils trauaillerēt moult les assiegez. Si continuerēt par treslongue espace en ceste œuure, & tant que ceux de dedans furent moult oppressez, & trauaillez, & par especial auoient moult grand disette, & necessité de viures, & autres choses. Si enuoyerent plusieurs messages deuers le Roy Charles, luy requerant, qu'il leur voulsist enuoyer secours ce qu'il promet de faire: mais pour les grans affaires, & occupatiōs, qu'il auoit, ne le peut enuoyer si brief qu'ils auoient requis. Neantmoins au bout de quatre mois: ou enuiron que ledit siege eut duré, & que la Cōtesse de Sombresset, & autres Dames, & Damoiselles du Royaume d'Angleterre y furent venues: lesquelles y demourerent iusques en la fin dudit siege, fut baillé la charge pour faire ledit secours aux assiegez, au Comte d'Eu, & auecques luy le Comte de Dunois Bastard d'Orléans, le Bastard de Bourbon, le Seigneur de Gaucourt, la Hyre, Messire Gilles de sainct Symon, le Seigneur de Pennesach, Pierre de Broussac, & aucuns autres chiefs de guerre, & Capitaines, qui auoient auecques eux quatre mille combattans ou enuiron. Et dedans ladicte ville de Harfleur auecques ledit Iean d'Estouteuille Cheualier, & Capitaine auoit enuiron quatre cens combattans: dont les chiefs estoient Messire Ieā de Bressay, Messire Iagues de Hincourt, Hector de Fol, Guillot de Las, & Iean Gentil. Si estoient iceux secourans routes Gens-d'armes à l'eslite: lesquels passans les marches de Paris se tirerent assez soubdainement iusques à Amiens, & Corbie, où ils passerent la riuere de Somme: & de là parmy Ponthieu allèrent à Abbeuille, où ils feirent leur assemblée, & tindrent conseil pour prēdre cōclusion pour poursuuiuir leur

*Gaucourt  
prins des An-  
glois.*

entreprinse. Si se meirent avec eux, des marches de Picardie à tout leurs gens les Seigneurs d'Auxi, & de Humieres, Jean d'Ailly Seigneur d'Araignes, Guillaume le Jeune Seigneur de Coufay, & plusieurs autres Gentilshommes. Et apres que tous ensemble eurent deliberé ce qu'ils auoient à faire, ils firent charger pour mener avec eux trente chariots d'artillerie, ou enuiron, & des viures, & autres engins, & habillemens de guerre. Et puis, eux partans d'Abbeuille en tresbelle, & bonne ordonnance allerent à Eu, & faisoient l'auantgarde le Bastard de Bourbó, & la Hyre: de laquelle ville d'Eu allerent loger en vn village nommé le Bourg de Dun, la plus grande partie: & ledit Comte se logea à sainct Aubin en Caux. Mais en ce mesme iour sur les vespres le Seigneur de Gaucourt, qui estoit demouré derriere, fut prins d'enuiron dixhuiet Anglois, qui suiuióient leur trace: lesquels l'emmenèrent prisonnier au Neuf-chastel de Hincourt: & depuis fut deliuré en payant grand somme d'argent. Auquel lieu de S. Aubin ledit Comte d'Eu ouyt nouuelles, qu'un nommé Maistre Jean de la Mothe auoit esté prins des Anglois, par lequel il enuoyoit noncer à ceux de Harfleur le secours qui leur venoit: & là mesmement renuoyérét les Anglois par un de leurs poursuivans nouuelles & lettres, qu'ils viendroient combattre les François deuant ce qu'ils venissent à eux, ce que point ne firent. Pourquoi les François se tirerét tous ensemble à Fauculle en Caulx à deux lieues pres de leurs aduersaires. Et le lendemain se departirét dès le point du iour, & allerét à Monstier-Villier, qui estoit de leur obeysance: & là eurent certaines nouuelles, que lesdits Anglois ne s'estoiét point partis de leur siege. Et en ce iour ledit Comte d'Eu les alla aduiser à tout cent combattans gés d'élite montez sur fleur de chevaux, & y eut entre icelles parties tresgrandes escarmouches. Et luy retourné print conclusion avecques ceux de sa compagnie: c'est à sauoir les plus experts & cognoissans de ce qu'il estoit de faire: toutesfois tous generallement estoient tresdeplaisans de la prinse dudit Seigneur de Gaucourt, pource qu'il estoit moult saige & bien vsité en telles ou pareilles besongnes. Auquel Conseil fut ordonné, que ledit Comte d'Eu mótéroient sur mer avecques certain nombre, & quantité de combattans au chief de Caulx: & le Bastard d'Orleans à tout vne autre partie de Gens-d'armes d'un autre costé, & les Picards d'autre, qui iroient de pied, & porteroient des ponts à mettre par dessus les fosséz, qu'auoient faits les dessusdits Anglois autour de leur logis: & d'un commun accord assauldroiét leursdits aduersaires par diuers lieux: & la Hire, & autres Capitaines, & leurs gens demoureroient à cheual pour donner secours & ayde à ceux, qui en auroiét besoing, & aussi necessité. Apres lesquelles ordonnances en telle maniere faictes, le lendemain se preparerent pour faire chacun d'eux ce qui auoit esté ordonné & commandé. Et fut commencé ledit assaut par ceux, qui estoient de pied, & du costé vers le logis de Thallebot: lequel assaut fut tresdur & aspre, & dura par l'espace de demie heure ou plus: mais lesdits assaillans jaçoit ce qu'ils se portassent tresvaillamment: toutesfois pour la tresgrande resistance d'iceux Anglois leurs aduersaires, & aussi pource que leurs ponts estoient trop courts ne pouuoient venir à chief de leur dicte entreprinse: & d'autre part

iceux

*Assault sur  
les Anglois.*

iceux Anglois estoient hault, & aduantageusémēt assis: pourquoy leurs archiers, dont ils auoient moult grand nombre, tirerent moult merueilleusement, & par grand vigueur sur iceux assaillans, & tant qu'ils en naurerent & blesserent trefgrand nombre: entre lesquels y furent morts deux vaillārs Cheualiers, qui là estoient, c'est à sçauoir Messire Iean de Chailly Seigneur de Chambois, & Messire Harpin de Richannes Capitaine de Rue avecques aucuns autres. Auquel assault furent faits nouueaux Cheualiers des François Iean d'Arly, & Guillaume le Jeune, & autres. Durant lequel tēps faillirent hors de leurs logis enuiron cinq cens Anglois pour courir sur iceux François de pied: mais ils furent tantost reboutez par ceux de cheual, & en y eut de quarante à cinquāte de morts. Et pareilleméēt ceux de la ville faillirent sur le guet, qui estoit contre eux, & en prindrent, & occirent enuiron trente. Et de l'autre costé sur la mer se bouterent auānt ledit Comte d'Eu, & ceux de sa compagnie, qui estoient commis avec luy pour assaillir ledit siege de la marine, mais ce fut peine perdue: car iceux Anglois s'estoient garnis, & fortifiez par telle maniere, qu'on ne leur pouoit mal faire. Et pourtant apres qu'ils eurent perduz aucuns de leurs vaisseaux, qui estoient demourez par le grauier, ils se retrahirent à Môstieruillier: & aussi feirent ceux de pied, voyant que riens ne pouoient besongner, qui leur fut prouffitāble. Auquel lieu de Monstieruillier ils furent bien huiēt iours entiers en trefgrand poureté de viures pour eux, & pour leurs cheuaux, attendans s'ils ne pourroient riens faire de secours ausdits assiegez: durant lequel temps il y eut aucunes escarmouches entre eux. Et aussi le dessusdit Comte d'Eu feit sçauoir audit Comte de Sombresset, que s'il vouloit cōbatter puissance contre autre il les fourniroit, ou cent contre autre cent, ou de sa personne contre luy: mais riens ne luy fut accordé. Et la cause si fut, que ledit Comte de Sombresset, & ceux de sa partie sçauoient, que ceux de la ville estoient si fort astraincts, que bonnement ne pouoient longuemēt durer, qu'ils ne les eussent à leur plaisir. Et auoient regard au grand trauail & aux miseres, qu'ils auoient eu moult longuemēt, & que cheremēt auoit cousté à leur Roy, qu'ils ne vouloient point mettre à l'aduātūre sur la requeste de leurs aduersaires. Et finalement les François dessusdits considerās la grād poureté, où ils estoient, & que lesdits Anglois estoient en plus grand nombre, qu'ils n'estoient, parquoy bonnement ne pouoient secourir ne subuenir à leurs gens, si conclurent tous ensemble d'un commun accord, & opinion, qu'ils s'en retourneroient dont ils estoient venus sans plus là arriester: car force leur estoit pour les necessitez des viures, dont ils ne pouoient finier, ne recouurer: mais auant leur departement feirent requerrē vn saufconduit ausdits Anglois pour le Seigneur de Ramoures, lequel saufconduit si luy fut accordé. Puis apres s'en alla ledit de Rambures deuers eux traicter pour la reddition de la ville, & entre-temps tous les François, & Picards s'en retournerent par aucuns briefs iours ensuiuans à Abbeuille. Si trouuerent en leur chemin certains messāges de par le Duc de Bourgongne: lesquels leur signifierent de par luy, qu'ils ne s'errassent point en son pays pour les grās dormāges, qu'ils y auoient faits au passer: disant que s'ils y entroient, il les

*Les Anglois  
refusent le  
combat.*



Harfleur vā-  
duc.

feroit rebouter dehors à puissance de gens. Si promeirent de non y entrer: neantmoins les aucuns faillirent de leur promesse, si entrèrent au pays de Ponthieu en tirant vers Amyens, faisant de moult grans dommages: mais les Comtes d'Estampes, & de sainct Pol, qui festoient mis sus avec trefgrād nombre de Gens-d'armes, allerent au deuant d'iceux pour les rebouter, & combattre. Si y furent faictes aucunes entreprinſes d'un costé & d'autre: & en fin par certains moyens promeirent d'eux en r'aller, & se tirerēt au pays de Santhois, & de là vers les terres de Messire Ieā de Luxebourg, qui moult fort le menassoient de luy faire grand guerre, & dommage: mais il festoit tresbien pourueu de gens de guerre, pour resister contre eux: parquoy ils furent tous ioyeux de passer paisiblement aupres de ses Seigneuries, car avec ce ledit Comte de sainct Pol les poursuiuoit trefroidement, & à grād puissance de Gens-d'armes, pour estre en l'ayde, & secours de son oncle, si beſoing luy en eust esté. Si se tirerent es champaignes, faisant tousiours de grās villenies, & dommages au poure peuple, par tout où ils pouoient auoir sur eux puissance. Et au regard du Seigneur de Rambures il traicta avec ledit Comte de Sombresset, & avec les autres capitaines Anglois per tel ſi, que la ville de Harfleur leur fut rendue: & se departoient ceux de dedās chacun un baston au poing: & pareillement leur fut rendu Monstieruillier, qui par necessité de viures ne se pouoit plustenir.

*Comment un trefgrand Seigneur du pays de Bretagne nommé le  
Seigneur de Raix fut accusé d'heresie.*

**L**N l'an dessusdit aduint en la Duché de Bretagne vne grād diuerſe, & merueilleuse aduenture. Car le Seigneur de Raix, qui pour lors estoit grand Mareſchal de France, & estoit moult noble homme, & trefgrand terrien, & yſſu de trefgrand, & trefnoble generation, fut accusé & conuaincu d'heresie, laquelle il auoit par long temps maintenuz: c'est à ſçauoir par la sedition, & exhortement principalement du diable d'enfer, & auſſi d'aucuns ſes complices & ſeruiteurs, comme il confessa auoir fait mourir pluſieurs enfans ſoubs aage, & femmes enceintes sur intention de paruenir à aucunes haulteſſes, & cheuances, & auſſi honneurs deſordonnez: deſquels enfans, & autres creatures apres ce qu'il les auoit fait mourir, violement faisoit prendre aucune partie de leur ſang: duquel on eſcriuoit liures, où il y auoit coniurations diaboliques, & autres termes contre noſtre foy Catholique: pour lequel cas dessusdit apres qu'il eut esté prins, & diligemment examiné, & auſſi qu'il eut cogneu tout ſon fait, d'en auoir fait mourir par ceſte mauuaſe maniere iuſques au nombre de huiet vingts ou plus; il fut en ſa preſence par ſaiges & notables Iuges condamné à estre pendu, & eſtranglé, tāt qu'il fut mort: & apres ſon corps ars en un feu. Si y estoient preſens avec ledit Duc grand nombre de grans Seigneurs, & autres notables hommes tant ſeculiers, comme Clercs. Si fut faicte ceſte condemnation, & auſſi l'execution en la ville de Nantes en Bretagne: toutesſois apres ladicte execution premiere accomplie, & qu'il fut mis au feu, & en partie brûlé, il y eut aucunes Dames, & Damoiſelles

selles de son lignaige, qui requierent au dessusdit Duc de Bretagne de auoir le corps pour le mettre en terresaincte : lequel Duc leur accorda & y fut mis. Et jaçoit ce qu'il eust eu ceste faulse, & inhumaine volenté: neâtmoins si eut il a la fin tresbelle, & deuote cognoissance & repentance, en requerât moult humblement à son createur mercy & misericorde de ses grans pechez & offences : pour la mort duquel Seigneur de Raix grand partie des Nobles dudit pays de Bretagne, & especiallemēt ceux de son lignaige en eurent au cuer tresgrand douleur & tristesse : & aussi auant que ceste aduenture luy aduint, il estoit moult renommé d'estre tresuaillant Cheualier en armes.

*Comment Pierre Regnault frere Bastard de la Hire alla  
fourrager es pays d'entour Abbeuille.*

**A** PRES en ce mesme temps Pierre Regnault frere Bastard de la Hire, qui lors se tenoit au chastel de Milly assez pres de Beauuais, lequel parauāt il auoit reparé; se partit vn certain iour de là a tout huiēt vingts combattans, ou enuiron tant de cheual comme de pied, & vint pour fourrager, & courre le pays d'entour à Abbeuille. Si print le chastel d'Yancourt, & le Seigneur dedās: lequel chastel il pillatout nettement, c'est à sçauoir de tous les biens, qui estoient portatifs. Si furent tantost les nouuelles espandues iusques en la ville d'Abbeuille, où lors estoient les Seigneurs d'Auxi, Guillaume de Thiemberōne, Philippe de Vaucourt, Guy Gourle, & plusieurs autres Gentils-hōmes: lesquels tātost apres qu'ils eurent ouy les nouuelles, s'armerent, & meirent sus tant de cheual comme de pied, & saillirēt dehors de leur ville bien trois cens ou plus, sur intētion de rebouter les dessusdits, & rescourre les biens, qu'ils auoient prins audit chattel: laquelle assemblée vint à la cognoissance du dessusdit Pierre Regnault, & de ses gēs: lesquels enuoyerēt deuers le dessusdit Seigneur d'Auxi, & ceux de sa partie pour eux excuser aucunement, disant qu'ils ne vouloier que viures: mais pourtāt ne furēt mie iceux cōtens. Si s'esmeurent encontre icelles parties tresgrās discords, tellement que ledit Pierre Regnault voyāt que la plus grand partie d'iceux, qui estoient sailliz hors d'Abbeuille cōtre luy, n'estoient que communes, se ferit avec ses gens tout au trauers, & sans y trouuer grand deffence, les tourna assez briefuēment à grand meschef, & en fin à desconfiture. Si furent morts en la place bien vingt ou trente, & si en y eut bien neuf noyez, qui se cuiderent sauuer, & passer la riuere de Sōme, entre lesquels fut l'vn d'iceux ledit Guy de Gourle: & avec ce en y eut de prisonniers bien soixante ou enuiron. Desquels furent les principaux Messire Ieā de Fay Cheualier de Rhodes, & le dessusdit Cheualier de Vaucourt, & Guillaume de Thiéberonne. Apres laquelle destrouffe ledit Pierre Regnault, & ses gens s'en retournerent franchement à tout leurs prisonniers, & autres proyes, & biens prins audit chastel de Milly: lesquels prisonniers dessusdits ledit Pierre Regnault rançonna, & meit à finance, comme fils eussent esté Anglois. Et feit en outre pour cest an plusieurs assemblées assez semblables en diuers lieux, & pays de l'obeyssance du Duc de

*Plaintes du  
Duc de Bour-  
gogne au  
Roy.*

Bourgongne: pour lesquelles iceluy Duc n'estoit point bien contēt dudit Pierre Regnault, ne des autres. Et pour ceste cause enuoya deuers le Roy Charles luy noncer, & faire sçauoir comment de iour en iour ceux, qui tenoient son party, roboient & pilloient son pays, prenoient ses gens, & subiects & mettoient à grosse finance & rāsons: faisoient en outre plusieurs autres grans maux, & excez, qui moult luy estoient desplaisans, & durs à porter, attendu la paix, qu'ils auoient l'un avec l'autre. Desquelles entreprinſes le Roy s'excusa par moult de fois en disant, qu'il luy en desplaisoit moult grādement, & qu'il y pouruoyeroit en tout ce qu'il luy seroit possible: & mesmement estoit content au cas, que ledit Duc de Bourgongne pourroit attaindre par luy, ou par ses gens ceux, qui en ses pays faisoient telles assemblées, besongnes, & entreprinſes, qu'on les ruast ius, ou destrouſſast: neantmoins au grād preiudice desdits pays, & grans dōmages du poure peuple, lesdictes courſes & pilleries se continuerent par long temps. Auquel temps d'autre part, les gens de la Hire, qui se tenoient au chāstel de la Bonne empres Laon, commencerēt à courir en plusieurs pays: c'est à sçauoir au pays de Hainault, Cambresis, & autres lieux és terres du Seigneur de ſainct Pol: lequel non content de ce & pour y resister, meit grosse garnison en la ville de Marle: laquelle garnison alla vn iour ſemblablement courre vers Reims: & pour auoir le paſſage de l'eäue, prindrent le fort du Bac-à-Bery, qui n'estoit point de trop grand ualeur, lequel tenoient les gens de la Hire. Si laisserent dedans enuiron trente combattans pour le garder, & y demoura vn Capitaine d'iceux: mais dedans briefs iours ensuiuans vindrent deuant les gēs de la Hire deſſuſdit, & avec eux aucuns des garnisons de Valois, qui n'agueres par auant auoient esté rué ius des gens Meſſire Iean de Luxembourg au plus pres de la ville de Compiengne, comme en autre lieu est à plain declairé: & pouoient estre en tout enuiron le nōbre de trois cēs combattans: lesquels incontinent & de grand uolenté aſſaillirent le fort deſſuſdit, deſquels aſſez toſt ensuiuant fut prins, & generallement tous ceux de dedans mis à l'eſpée, & ruez en la riuere. Apres laquelle besongne iceux François de rechef laisserent de leurs gens dedans iceluy fort en garnison. Et enuiron ſeize iours apres se meirent ensemble les gens d'iceluy Cōte de ſainct Pol, & de son oncle Meſſire Ieā de Luxembourg Comte de Ligney, pour aller r'aſſaillir illec la garnison dudit Bac-à-Bery: mais ceux de dedans ſçachans celle aſſemblée ſ'en departirent, & abandonnerēt celle place deuant la venue d'iceux. Si fut icelle place du tout demolie & abbatue: & ainſi, & par ceste maniere estoient les pays vers Reims, Laſnois, & plusieurs autres marches és pays à l'enuiron fort trauaillees, & oppreſſez par les deſſuſdictes courſes, & aſſemblées d'icelles deux parties: & se faisoit tout ce comme lors en estoit commune renommée, & voix à l'occafion, de ce que Meſſire Iean de Luxembourg ne uoloit point faire ſermēt au Roy Charles, & entretenoit tousiours garnisons de gens de guerre en ſes places pour l'entretenement d'icelles.

Bac-à-Bery  
demoly par  
Luxembourg.

*Comme les Ambassadeurs de France, d'Angleterre, & de Bourgongne  
vindrent à Calais pour traicter la paix finale.*

En



**E**N ces iours furēt enuoyez de par le Roy Charles plusieurs notables Ambassadeurs à sainct Omer, pour traicter la paix avec les Anglois, qui lors deuoient venir en icelle ville, comme promis l'auoient l'an precedent. Desquels estoiet les principaux les Archeuesques de Reims & de Narbone, le Côte de Dunois Bastard d'Orleās: lesquels là venuz furēt notablemēt receuz, & festoyez par le Duc de Bourgongne, & brief ensuiuant ouyrent les nouuelles, comme le Duc d'Orleās estoit arriué à Calais, & que lesdits Anglois le y auoient amené. Si enuoyèrent deuers eux pour sçauoir en quel lieu ils se voudroient assembler, pour tenir leur conuention. Lesquels Anglois leur feirēt sçauoir, qu'ils ne se partiroiēt point de Calais à tout le Duc d'Orleās: mais estoient prests de l'embesongner, s'il y vouloit venir. Apres laquelle responce ouye y allerent par saufconduit ledit Archeuesque de Reims, le Comte de Dunois, & aucuns autres avec les Ambassadeurs dudit Duc de Bourgongne: c'est à sçauoir le Seigneur de Creuecueur, & aucuns autres: lesquels là venuz ledit Comte de Dunois fut mené deuers ledit Duc d'Orleans son frere, qui grandemēt fut ioyeux de le veoir, & le receut trefcourtoisement & honnorablement, en luy remerciant de la bonne diligēce, qu'il auoit faiçte d'entretenir ses pays durant sa prison. Apres laquelle reception icelles parties conuindrent ensemble par plusieurs fois, & de rechef furent faiçtes aucunes ouuertures sur la deliurance dudit Duc d'Orleans, & aussi sur les traiçtez autresfois commencez entre les deux Royaumes: toutesfois encorēs ne pouoient estre d'accord: mais reprindrent aūtre iournée pour r'assembler: en dedans laquelle chacun deuoit r'apporter à sa partie les moyens, qu'ils auoient commencez: & ce fait s'en retournerent les dessusdits audit lieu de sainct Omer, & ledit Duc d'Orleans fut tantost apres ramené en Angleterre.

*Comment les Barrois, & Lorrains coururent en la Comté de Vaudemont, où ils feirent moult de maux, & de grans desfrois.*

**P**RES durant le temps dessusdit se meirent sus à grand puissance les Barrois & les Lorrains: avec lesquels estoient aucuns François, qui trestous ensemble se tirerent en la Comté de Vaudemont, & icelle par feu, & par espée meirent à grand destructiō, violerent plusieurs Eglises, & y feirent maux inestimables. Pour lesquels contreuenger le Comte de Vaudemont, poutce qu'il n'auoit point assez puissance pour resister contre eux, enuoya hastiuelement deuers le Duc de Bourgongne, & aussi à son beau fils le Seigneur de Croy eux requerir instamment, qu'ils luy voulussent enuoyer secours, & ayde de gens de guerre. Laquelle requeste luy fut accordée: & y furent enuoyez en chef Messire Iean de Croy, & avec luy Messire Simon de Lalaing, les Seigneurs de Launay, & de Maingoual nepueux dudit Seigneur de Croy, Messire Iean Bastard de Reuly, Messire Anthoine de Vvissoch, & aucuns autres Nobles de mille combattans, où enuiron bien empoints: & feirent leur assemblée autour d'Aubenton: & de là se tirerent vers la Duché de Bar: car desia les dessusdits Barrois s'estoient

retraits hors de ladiète Comté de Vaudemont, & tant cheuancherent, que tous ensemble vindrēt deuant ladiète ville de Bar-le-Duc, où estoit le Marquis du Pôr fils au Roy de Cecille, Duc de Bar, & autres plusieurs Seigneurs du pays. Si se meirent en ordonnance de bataille deuant la ville de Bar: & enuoyerent sommer ledit Marquis, sil vouloit venir dehors à tout sa puissance, ou prendre iour de les combatre, ils estoient tous prests de les recevoir, & fournir. A laquelle requeste leur fut faicte responce par le Conseil du dessusdit Duc de Bar, que point ne les combatteroit à leur requeste, n'à leur plaisir: mais auoit intention de le faire en temps & en lieu, quand bon luy sembleroit: laquelle responce ouye lescits Bourgongnons se departirēt de là, & allerent tous ensemble loger à vn gros village nommé Longueuille. Et de là vint contre eux ledit Comte de Vaudemont à tout ce qu'il auoit peu assembler de gens de guerre: & le lendemain se tirerent plus auāt en la marche, & commencerent à bouter feux au trauers de la Duché de Bar: & de là se tirerent en la Duché de Lorraine en destruyfant tout ce qu'ils pouoient ataindre, & trouuer hors des forteresses: & qui plus est, prindrēt par force plusieurs Eglises, esquelles ils feirent moult de violences: & pour vray le Côte de Vaudemōt estoit si enclin, & obstiné de tout destruire, que non obstant que les dessusdits Seigneurs, qui estoient avec luy, n'estoient point bien contēs de faire si tres-cruel desroy & indicibles derisions: neantmoins ne le pouoient garder, ne pareillement les gens: & apres qu'ils eurent continué en icelles besongnes par l'espace de xxvj. iours, ou enuiron sans trouuer aucunes gens de guerre, qui s'apparussent cōtre eux pour eux combatre, s'en retournerent par autre chemin, qu'ils n'estoient allez: toutesfois en faisant iceluy voyage, ils souffrirent, & eurent eux, & leurs gēs de moult grās peines, & trauaux, & moult grand deffault de viures. Ainsi & par ceste maniere se faisoit la guerre entre icelles parties: c'est à sçauoir iceux deux Seigneurs, & leurs Seigneuries au preiudice, dompage, & grand destruction du pource, & menu peuple.

*Comment le Duc d'Orleans fut deliuré de la prison d'Angleterre par le moyen du Duc de Bourgongne, & espousa la Damoyelle de Cleues niepce au Duc de Bourgongne.*

**V**O s auez cy dessus biē entendu, & ouy racompter, cōment par plusieurs fois en diuerses Ambassades tant de par le Roy, cōme du Duc de Bourgongne auoient esté enuoyées par deuers les gēs du Roy d'Angleterre, sur intētion de traicter paix entre les deux Royaumes, & aussi pour la deliurance de Charles Duc d'Orleans, lesquelles Ambassades y auoient assez peu besongné: car lescits Anglois ne bailloient responce, n'esperance de venir à aucun traicté, se n'estoit que ce fut au grand preiudice, & dōmage du Roy de France, & de sa Seigneurie: & ne vouloient les dessusdits Anglois venir, ne condescendre à nul appoinctement, si toutes les cōquestes, qu'ils auoient faictes en France, & en especial les Duchez de Guyenne, & de Normādie ne leur demouroiēt fraîchement, sans les tenir du Roy de France en quelque souueraineté, ou ressort, & à ce festoient du tout fermez. Laquelle chose iceluy Roy de France, ne  
ceux

ceux de son Conseil n'eussent iamais accordée. Et au regard du Duc d'Orleans, lesdits Anglois n'estoient point trop desirans de le deliurer, pource que chacun an auoient tresgrosse somme de pecune pour bien largement payer ses despens. Et cela fut vne des choses en partie, pourquoy ils le tindrent si longuement prisonnier selon la relation, qu'en faisoient aucuns Anglois, qui bien sçauoient des secrets du Roy d'Angleterre. Et pour vray si le Roy de Frâce, & ceux qui auoient le gouuernemēt des besongnes touchant les Seigneuries du dessusdit Duc, eussent long temps par auant conclud de ne luy point enuoyer lesdictes finances, il est à supposer, que sa deliurance eust plus tost esté trouuée, qu'elle ne fut. Neantmoins ie croy, que tout ce qui s'en faisoit estoit en bonne intention, & pour entretenir honneur. Lesquels traiçtez durās, & depuis ledit Duc de Bourgogne, qui auoit assez grand desir, & vouldenté à ayder à deliurer ledit Duc d'Orleans, tant pour la prochaineté de sang, dont ils attenoient l'un à l'autre, comme aussi afin que s'il reuenoit en France, qu'ils peussent demourer bons, & loyaux amis l'un avecques l'autre, & que toutes guerres, & rigueurs, qui auoient esté au temps passé, à cause & par le moyen de leurs peres deffuncts, fussent mises en oubly, & du tout adnullées sans iamais riens en releuer, fait par plusieurs & diuerses fois parler, & ouurir ceste matiere par aucuns de ses gens audit Duc d'Orleans, & à ceux qui auoient puissance de luy ayder à auoir ladiçte deliurance enuers le Roy d'Angleterre, & ceux qui le gouuernoient pour sentir comment, ne par quelle maniere ceste besongne pourroit prendre fin. Et en outre fait parler audit Duc d'Orleās, pour sçauoir s'il vouldroit prendre en mariage vne sienne niepce fille de sa seur Duchesse de Cleues, laquelle estoit en son hostel. Et avecques ce au cas qu'on pourroit traiçter de sa deliurance, s'il seroit content du tout luy allier, & accorder avec ledit Duc de Bourgogne, sans iamais faire aucune poursuite contre luy, ne les siens par quelque maniere que ce fut, pour les querelles du temps passé dessusdit, sauf en tout le Roy de Frâce, & sō fils le Daulphin: lequel Duc d'Orleans considerant la grand seruitude, où il auoit esté long temps, & le grād dangier, qu'il auoit eu, & pouoit encores auoir, s'enclina à y entēdre. Et de fait promet en parolle de Prince, que si ainsi estoit, que ledit Duc de Bourgogne le peust, & vouldist ayder à deliurer d'icelle seruitude, il seroit content de prendre ladiçte niepce à espouse: & avec ce du surplus tāt faire à luy sur toutes les requestes, que de raison il deueroit estre content. Apres lesquelles promesses on commença de rechef à traiçter diligemment avec ledit Roy d'Angleterre, & ceux de son Conseil. Si fut tant en ce temps continué entre les deux parties, que finablement furent d'accord: moyennant & par tel si, que le Duc de Bourgogne bailla son seel au Roy d'Angleterre pour la somme, qui entre eux fut dictē, & deuisée.

APRES ces traiçtez faits, & accordez par la maniere cy dessus declairée, le dessusdit Duc d'Orleans fut du tout mis à plaine deliurance: & apres qu'il eut promis solempnellement de luy employer en tout ce qui luy seroit possible à la paix finale d'entre les deux Roys, & leurs Royaumes, & avec ce quand il eut prins congé au Roy d'Angleterre, & aux autres



*Parolles du  
Duc d'Orléans  
au Duc de  
Bourgogne.*

Seigneurs, se partit de Londres en Angleterre, & par aucuns peu de iours vint en la ville de Calais garny de bon saufcôduit, & delà fut amené à Grauelines: & estoïent avec luy pour le cōduire le Seigneur de Cornoaille, Messire Robert de Roix, & autres Gentils-hommes d'Angleterre. Auquel lieu de Grauelines alla deuers luy la Duchesse de Bourgogne, accompagnée de plusieurs grans Seigneurs, & autres Gentils-hommes. Si s'entreferirent grād ioye, & monstrerent semblant d'auoir toute liesse, quand ils s'entreueirent ensemble: c'est à sçauoir ledit Duc d'Orleans pour la deliurance, & ladiète Duchesse pour sa venue. Et peu de iours ensuiuās y alla ledit Duc de Bourgogne pour le veoir, & y fut fait comme deuant tresgrand plaisir, & ioye à tous ceux, qui là estoient pour icelle assemblée, & pour la grand amour, qu'ils veoient ces deux Princes auoir l'un avecques l'autre. Et est à sçauoir qu'ils s'entreacollerent, & embrasserent par plusieurs fois, & pour la grand ioye, qu'ils auoient de veoir l'un l'autre, ils furēt moult lōgue espace, qu'ils ne disoient riēs l'un à l'autre. Et premierement parla le Duc d'Orléans & dit: par ma foy beau frere, & beau cousin, ie vous doys aymer par dessus tous les autres Princes de ce Royaume, & ma belle cousine vostre femme: car si vous, & elle ne fussiez, ie feusse demeuré à tousiours au dangier de mes aduersaires, & n'ay trouué meilleur amy, que vous. A quoy ledit Duc de Bourgogne respondit, que moult luy pesoit, que plus tost n'y auoit peu pourueoir: & que long tēps par auant auoit eu grād desir de foy employer pour sa redempcion. Telles & semblables parolles furent dictes par moult de fois entre iceux deux Princes. Pour lesquelles plusieurs nobles hommes, & autres gens d'autorité, qui là estoient des deux parties, estoient bien ioyeux, & par especial pour la reuenue dudit Duc d'Orleans: lequel par si lōg temps auoit esté prisonnier es mains de ses aduersaires les Anglois: c'est à sçauoir depuis le Vendredy prochain deuant la Toussaincts de l'an de grace mille quatre cēs & quinze, iusques au mois de Nouembre mille quatre cens quarante. Si estoient là presens les Ambassadeurs du Roy de France, desquels estoient les principaux l'Archeuesque de Reims grand Chancelier de France, & l'Archeuesque de Narbonne, le Comte de Dunois Bastard d'Orléans & aucuns autres: ausquels chacun à son tour ledit Duc d'Orleans feit ioyeuse reception, & par especial à son frere. Et de là s'en vindrēt à saint Omer par eaüe, & se logerent en l'Abbaye de saint Bertin, où les appareils auoient esté faits moult solempnels pour recevoir ledit Duc d'Orleans, & avec luy y vindrent les Anglois. Si fut là receu moult honnorablement dudit Duc de Bourgogne, & des Seigneurs de son hostel: & luy furent faits de par la ville grās presens, & chacū iour venoïent gens des marche de France, comme des pays de Picardie pour le voir, & entre les autres plus ceux de ses pays, que d'autres lieux, & estoient moult ioyeux de son retour. Et apres aucuns iours ensuiuans fut iceluy Duc d'Orléans requis de la partie du Duc de Bourgogne, qui luy pleust iurer la paix d'Arras, & prendre en mariage la Damoiselle de Cleues niepce audit Duc de Bourgogne, ainsi cōme il auoit esté traicté: lequel Duc d'Orléans feit respōce, que tout ce qu'il auoit dit & accordé, luy estāt prisonnier, il vouloit entretenir. Et adonc ces  
beson-

besongnes: ainsi conclutes se meirent les Ducs, & leurs gens dedas le cuer de l'Eglise dudit sainct Bertin: auquel lieu fut apporté ledit traicté par escript en Latin, & en François: & là fut leu haut & entendiblement, premier en Latin, & puis en François par maistre Jacques Transon Archediacre de Bruxelles en Brabant, present les deux Ducs dessusdicts, les Archeuesques, & Euesques là assistens avec grand nombre de Cheualiers, & Escuyers gés d'Eglise, Bourgeois, & autres officiers des deux parties. En là fin duquel le Duc d'Orleans promeit, & iura sur le liure, & representation de nostre Createur, que tenoit en ses mains ledit Archediacre de Reims, de bien entretenir iceluy traicté en tous ses points, generallyment sauf que l'article, qui parloit de la mort du Duc leâ de Bourgogne, & dit, qu'il n'estoit point tenu de luy excuser d'icelle mort: & que par son ame il n'en auoit esté consentant, & si n'en auoit riens sçeu: mais en auoit esté tresdeplaisant, quand icelle fut venue à la cognoissance: voyant & considerant, que par le moyen de ladicte mort, le Royaume de France estoit en plus grand dangier que deuant. Et ce fait fut appellé le Comte de Dunois Bastard d'Orleans, pour faire le serment dessusdict: lequel delaya vn petit: mais incontinent par le commandement dudit Duc d'Orleans, son frere il le feit. Et ce fait, & accôply le Duc dessusdit promeit à espouser la dessusdicte Damoiselle de Cleues, & de faict fiancerent l'un l'autre en la main de l'Archeuesque de Narbonne. Si commencerent leans de toutes parts a mener grand ioye, & faire moult grans festes, & esbaremens: & fut enuoyé par les gens dudit Duc en plusieurs, & diuers lieux de ses pays, pour auoir prouisions à fournir les festes d'icelles nopces, & avec ce aussi la feste de sainct Andrieu, qu'il n'auoit de piece tenue. Et soustenoit ledit Duc de Bourgogne tous les despens dudit Duc d'Orleans, & de ses gens. Et en apres le Samedy deuant la sainct Andrieu, espousa le dessusdit Duc d'Orleans ladicte Damoiselle de Cleues: & le lendemain qui estoit dimanche, fut faicte la feste tieshonorable, & estoit grand noblesse à veoir les Seigneurs, & les Dames mener à l'Eglise. Et menoit ledit Duc de Bourgogne sa niepce en la tenant par le senestre bras. Et au droit coste estoit sur le derriere messire Jean Bastard de sainct Pol, le Seigneur de Haultebourdin, qui portoit la manche de ladicte Duchesse d'Orleans, & vne Dame portoit la robe par derriere, qui moult estoit riche: & apres vn petit plus derriere suiuiot le Duc d'Orleans, qui menoit la Duchesse de Bourgogne accompagnée des plus grans Seigneurs: comme des Comtes d'Eu, de Neuers, d'Estampes, de sainct Pol, de Dunois: & si y auoit tresgrand nombre de grans seigneurs, Cheualiers, & Escuyers, Dames, & Damoyelles, qui tous suiuiot ledit Archeuesque de Narbonne, lequel chanta Messe pour iceluy iour. Et avec luy estoient tresgrad quantité de gens d'Eglise, qui feirent la procession autour du cuer: & quand aux Roys d'armes, heraulx & pourluyans, trompettes, menestriers, & autres iouans de diuers instrumens de Musique, il y en auoit largement. Et estoient lesdits officiers d'armes vestuz de leurs cortés d'armes, où estoient les blasons des Seigneurs, à qui ils estoient: entre lesquels y estoit le Roy d'armes de la Iartiere d'Angleterre. A tous lesquels honneurs estoient aussi ledit

*Magnificence  
aux nopces du  
Duc d'Orleans*

Seigneur de Cornoüille, messire Robert de Roix avec eux plusieurs de leurs gens, auxquels on faisoit, & fait on durant ces besongnes tresgrans honneurs, & ioyeuse reception: & par especial ledit Duc de Bourgongne à iceluy Seigneur de Cornouaille, & alloient à leur plaisir par toute la ville sans ce qu'on leur baillast empeschement. Et la Messe finée on alla disner: & fut la Duchesse d'Orleans assise en la grand salle ou milieu de la table, & au droit lez estoit ledit Archeuesque, qui auoit celebré la Messe, & de l'autre costé au lez fenestre estoit la Duchesse de Bourgongne, si estoient aussi les Comtesses d'Estampes, & de Namur. Et aux autres tables estoient assises les autres Dames, & Damoyelles chacune selon son degré, & noblesse. Et quand aux deux Ducs les deux Seigneurs Anglois, & les Comtes dessus nommez, & autre grande Cheualerie disnerent l'un avec l'autre, comme en brigade, & furent tant les vns, comme les autres, seruius tresabondamment de plusieurs riches, & diuers mets. Apres lequel disner ils allerēt veoir les ioustes, qui se faisoient sur le marché, & là estoient les Dames aux fenestres en tresgrand nombre: desquelles ioustes pour iceluy iour emporta le bruit le Seigneur de Vaurin. Et derechef furent faictes autres ioustes apres soupper en la grand salle de sainct Bertin tout hault, sur petits cheuaux de six heaulnes seulement, & y eust moult grand foison de lances rompues, & les faisoit moult bel veoir. Et le lendemain qui fut le Lundy, fut faicte moult belle, & ioyeuse feste, tant en ioustes, comme en autres esbatemens: desquelles ioustes le Comte de sainct Pol emporta le pris des Dames. Esquels iours furent donnez moult grans dons à tous les officiers d'armes par les Princes dessusdits, pour lesquels ils crierent à haulte voix, & par plusieurs fois largesse, en denommant ceux, qui ces biens leur auoient faicts. Et le Mardy ensuiuant, qui fut la nuit de sainct Andrieu, le Duc de Bourgongne commença sa feste de la Toison d'or: & alla ouyr vespres au cuer de l'Eglise de sainct Bertin, accōpagné de ses freres de l'ordre vestus, & habitez de leurs manteaux, chapperons, & habillemens autresfois accoustumez de porter. Auquel cuer estoient mis, & attachez par dessus lesdits Cheualiers contre leur siege vn tableau, auquel estoient painctes les armes, & en y auoit vne grand partie, qui point n'estoient presens. Et en failloit cinq qui estoient morts depuis le temps, qu'on auoit octroyé ladicte feste: & le lendemain, qui fut le iour sainct Andrieu vindrent en l'Eglise en moult noble appareil, où fut fait le seruice tressolemnellement: & faisoit moult bel veoir les riches paremens tant de l'autel, comme du cuer. Et pour vray les François & Anglois là estans, estoient tous esmerueillez de veoir le grand estat, & les richesses dudit Duc de Bourgongne. Apres lequel seruice ledit Duc s'assit à table en la grand salle, au milieu desdits Cheualiers de l'ordre: lesquels se seioient tous d'un lez, & par belle ordonnance en la maniere autresfois accoustumée, & furent seruis tresrichement: & en allant & retournāt alloiēt deux à deux, & les plus anciens derriere: c'est à sçauoir en Cheualerie. Le leudy entrerent en leur chapitre, où ils furent treslonguement pour eslire les Cheualiers, qui tiendroient les lieux, & les colliers de ceux, qui estoient trespasssez. Auquel chapitre se consentirent tout d'un commun accord d'en  
presenter



presenter vn au Duc d'Orleans. Et pour sçauoir si ce seroit son plaisir de le recevoir, on enuoya deuers luy l'Euesque de Tournay, maistre Nicolas, & Roullin Chancelier de Bourgongne: lesquels luy declairerent la voulenté du Duc de Bourgongne, & des Cheualiers de l'ordre. A quoy il feit respõce, que voulentiers les receueroit pour l'honneur de son beau frere, & cousin & le Duc de Bourgongne dessusdit, & briefuement apres vint en la grand salle: auquel lieu vindrent le dessusdit Duc de Bourgongne, & tous les Cheualiers dudit ordre, qui estoient leans venans de leur chapitre, & les officiers d'armes deuant eux. Et portoit le Roy d'armes de la toison vn mantel, & chapperon de ladicte ordre sur son bras, & eux approchans ledit Duc d'Orleans messire Hue de Launay, qui de ce estoit chargé, porta la parole, & en adressant à luy dit: Mon tres excellent, trespuissant & tresredoubté seigneur monseigneur le Duc d'Orleans, veez cy en vostre presence mon tresredoubté Seigneur monseigneur le Duc de Bourgongne, & messeigneurs ses freres de l'ordre de la Toison d'or, qui ont aduisé & conclud tous ensemble en leur chapitre, que pour la treshaute renommée, vaillance, & preud'homme, qui est en vostre tresnoble personne, ils vous presentent vn collier de ladicte ordre: en vous priant tres-humblement, qu'il vous plaise à receuoir & porter, afin que la tresfraternelle amour, qui est entre vous, & mon tresredoubté Seigneur, se puisse mieux entretenir & perseuerer, lequel Duc respondit, qu'il le feroit voulentiers. Et adonques ledit Duc de Bourgongne auoit vn desdits colliers tout prest, luy presenta, & le meit au col dudit Duc d'Orleans au nom du pere, & du fils, & du saint Esprit, & puis le baïsa. Et là presentement le Duc d'Orleans requist aussi au Duc de Bourgongne, qui luy pleust porter son ordre, ce qui luy accorda. Et tantost ledit Duc d'Orleans tira de sa manche vn des colliers de son ordre & le meit autour du col dudit Duc de Bourgongne. Et apres ledit Duc d'Orleans fut là assubé d'vn mâtrel, & chapperon de l'ordre: & puis fut mené au chapitre pour faire les sermens accoustumez en ce cas, & pour ayder à eslire quatre Cheualiers, qui faillioient encor, lesquels ne furent point denommiez si hastiuement, & ne sçeut nul adonques fors eux mesmes, à qui ils seroient donnez. Pour lesquelles ordres dessusdictes ainsi baillées, & receues par iceux deux Princes, la plus grand partie des nobles, & d'autres gés d'auctorité là estans, furent tres-ioyeux de les veoir en si tresgrand amour, & concordel'vn avecques l'autre. Et certain temps apres ensuiuant, retournerent en leur dit chapitre tous ensemble, & là se cõcorderent del'enuoyer & presenter au Duc de Bretagne, & d'Alençon à chacun d'eux vn des colliers dessusdit: pour lequel message faire y fut commis ledit Roy de la Toison, & porta lettres desdits Duc d'Orleans, & de Bourgongne, & des Cheualiers de l'ordre. Si feit son messaige bien & à point, & tant qu'iceux Seigneurs receurent bien agreablement les deux colliers dessusdits: & luy donnerent pour sa peine aucuns riches dons, desquels il fut content. En outre les besongnes dessusdictes accomplies, & que la feste de saint Andrieu fut passée, le Seigneur de Cornouaille se partit de S. Omer, & par Calais s'en retourna en Angleterre à tout ses gens, excepté la compaignie dudit messire Robert de Roix, qui demoura avec le Duc d'Orleans sur intention d'aller

*Les Ducs d'Orleans & Bourgongne portés l'ordre l'un de l'autre.*

*Duc de Bretagne & d'Alençon faits Cheualiers de la toison.*

auec luy deuers le Roy de France, où il estoit enuoyé en Ambassade de par le Roy d'Angleterre : durant lequel temps aucuns notables hommes de la ville de Bruges vindrent au lieu de S. Omer, pource qu'ils desiroient moult que le Duc de Bourgogne leur Seigneur, duquel ils n'estoient point encores bien en grace, retournaist en leur ville : car nonobstant qu'ils fussent reconciliez auec luy, si auoit il dict, que iamais n'y entreroit, si plus grand Seigneur que luy ne luy menoit. Si requierent lesdicts Brugelins tres-humblement audiect Duc d'Orleans, que de sa grace il luy pleust faire ceste requeste au Duc de Bourgogne, & qu'il luy pleust le y mener : laquelle requeste il feit, & luy fut par ledit Duc accordée. Si se preparerent, & tous ensemble se partirent de sainct Omer : & par aucuns iours s'en allerent à Bruges ainssi qu'il auoit esté ordonné où ils furent receuz tresioyeusement : & feirent ceux de Bruges de grans appareils pour honorer, & receuoir iceux deux Ducs, & les Duchesses leurs femmes, auec toutes leurs gens plus sans comparaison qu'ils n'auoient fait & passé long temps par auant : desquels appareils, & preparations aucunes choses seront cy declairées en brief.

Ordre des Brugelins à l'en-  
trée de leur  
Duc.

PREMIEREMENT quand les Brugelins sceurent, que lesdicts deux Ducs approchoient leur ville, tous ceux de la Loy auecques tous les officiers, & seruiteurs issirent dehors : & pareillement les Doyens, & Cónestables en nombre competant, selon ce qui leur auoit esté ordonné : & pouuoient bien estre sur tout quatorze cens, qui allerent au dehors de ladicte ville de Bruges, & hors les mettes d'icelle, & iusques à vn hostel nommé les trois Roys, & là se meirent en vne grand place attendant la venue de leur Seigneur : lesquels le voyant venir, & approcher d'eux au costé du Duc d'Orleans, se meirent trestous en ordonnance à nuds pieds sans chapperôs & tous desceints : & en eux approchans se meirent tous à genoux les mains ioinctes : & present toute la Seigneurie, qui y estoit en tref-grand nombre & les Duchesses d'Orleans, & de Bourgogne, luy supplierent treshumblement, qu'il leur voulist pardonner leurs offences du temps passé, selon la teneur de la paix. Lequel Duc delaya vn petit : mais incontínét par la priere dudit Duc d'Orleans, leur octroya à leur requeste : & ce fait ceux de ladite loy baillerent audit Duc de Bourgogne toutes les clefs des portes de la ville. Et adonc tous les dessusdits Brugelins se leuerent, & s'en allerent chauffer, & habiller. Et puis partans de là, vindrent tantost toutes les processions des Eglises de ladicte ville, tant des quatre ordres des mandia's, que des Religieux, des Religieuses, & Beguines, & les parroisses à tout leurs reliques, & meilleures chappes. Si estoient en tref-grand nombre, & commencerent tous à chanter, *Te Deum laudamus* à haute voix & clere, quand ils ouyrent que leur naturel seigneur estoit content d'eux, si le conuoyerent là plus grand partie iusques à son hostel. Et quand au regard des marchas de toutes nations, qui lors se tenoient en ladicte ville de Bruges, ils s'en allerent chacun d'eux en droit soy en moult belle ordonnance, & tref-richement habillez de diuers habillemens tous à cheual au deuant dudit Duc de Bourgogne : d'autre part estoient fais en plusieurs lieux, par où ledit Duc deuoit passer, grans eschauffaux : sur lesquels y auoit personnages, qui iouoient de moult

moult de manieres de ieux. Aussi estoient les rues à vn costé, & à l'autre tendues de riches draps. Et quant aux trompettes d'argent, clerôs, & autres instrumens de musique, il y en auoit par si grand nombre, que tout en retentissoit par ladicte ville. Si y auoit en outre en plusieurs, & diuers lieux manieres d'instrumens tant en semblance de personages qu'autres, qui iettoient vin, & autres breuages, & en prenoient tous ceux, qui en vouloient & aduenir y pouuoient. Finablement il n'est point de memoire, que lesdits Brugelins feissent oncques pour nuls de leurs Seigneurs predecesseurs dudit Duc, tant de ioyeusetez, ne de riches paremens, qu'ils feirent ceste fois, comme dessus est dit. Et quand il fut descendu à son hostel, ceux de la Loy allerent deuers luy pour le bien viengnier. Et apres ce qu'il les eut receuz assez ioyeusement, il leur feit par le souuerain de Flandres rendre les clefs des portes, qu'ils luy auoient presentées, & baillées au dehors de ladicte ville, disant qu'il auoit bonne fiance en eux, dont ils furent moult ioyeux, & là commencerent tous à crier Noël, & aussi l'auoient desia crié en plusieurs lieux par la ville à sa venue. Et quand ce vint à la nuit par toute la dessusdicte ville, furent fais moult de beaux feux sur haulx eschaffaux, & tant que tout resplendissoit. Et quand ce vint le lendemain, furent faites vnes ioustes sur le marché, auxquelles iousterent plusieurs nobles hommes, & bourgeois. Si emporta le pris de ceux de dehors le Seigneur de Vvaurin, & ceux de dedans la Damoiseau de Cleues: lequel fut seruy de lances par son oncle le Duc de Bourgongne. Apres lesquelles ioustes, & que le souper fut fait: on commença à dancer en grand triumphe, & y furent mandées les Damoiselles de ladicte ville de Bruges. Et le Mardy ensuiuant furent faites encores vne ioustes sur ledit marché, & souperent tous lesdits Seigneurs, Dames, & Damoiselles en la maison des Escheuins, où ils furent seruiz tresabondamment aux despens de ladicte ville. Et le Samedy vindrét de Charolois le Comte dudit lieu, & fils dudit Duc de Bourgongne, & la Comtesse sa femme fille du Roy de France: à l'encontre desquels allerent le Duc d'Orleans, & plusieurs nobles hommes, & ceux de la Loy de ladicte ville accompagnez de grand nombre de notables bourgeois: & furent cōuoyez iusques à la Court d'iceluy Duc: & le dimenche en perseuerant furent faites ioustes, dances, & plusieurs autres esbatemens, qui trop long seroient à raconter chacun par luy: mais pour vray les Brugelins, feirent és iours dessusdits toutes les ioyeusetez, qu'ils pouuoient imaginer, tant pour l'amour de leurdit Seigneur, & Prince comme pour complaire audict Duc d'Orleans, & à ceux qui estoient avec luy: & aussi luy feirent aucuns presés, desquels il se tint assez content. Et le Lundy ensuiuant se departit d'icelle ville de Bruges sa femme la Duchesse, & sa compagnie: auquel departement y eut maintes larmes plorées des Dames, & Damoiselles de l'hostel dudit Duc de Bourgongne, au prendre congé à iceluy Duc: & par especial pour la cause du departement d'iceluy Duc d'Orleans, & s'en allerent à Gand: iusques auquel lieu les cōuoya le deuãdit Duc de Bourgongne, où ils furēt semblablement receuz honnorablemēt: duquel lieu de Gand peu de iours ensuiuant se departit le dessusdict Duc d'Orleans, la Duchesse sa femme



avec luy, & les conuoya le Duc de Bourgongne iusques au dehors de la ville, si prindrent congé l'un à l'autre, & s'entre offrirent de faire dorenavant ce que possible leur seroit l'un pour l'autre, & de là s'en alla par aucuns iours en la cité de Tournay, où on luy fit tres-honorable, & solemnelle reception. En outre depuis qu'iceluy Duc fut retourné des pays d'Angleterre à Grauelines, & de là venu à S. Omer, & és autres lieux dessus nommez iusques au partement de luy, & dudit Duc de Bourgongne, vindrent deuers luy des marches de France tant de Seigneurs, comme d'ailleurs plusieurs gens pour le veoir, & bié viengner, & luy offrir leur seruice, desquels il en retint partie. Et d'autre part des pays mesmes du dessusdict Duc de Bourgongne, en y eut tresgrand nombre, qui par diuers moyens feirent tant qu'ils furent retenuz à luy, & de son hostel, tant Gentils-hommes, comme Damoysselles, & autres de diuers Estats. Aussi luy furent presentez par plusieurs Cheualiers, & Escuyers bien huiet ou dix de leurs enfans pour estre ses pages. Et avec ce luy furent baillez enuiron vingt, & quatre compagnons des marches de Boulenois bien empoincts, montez & habillez pour estre ses archiers, & gardes de son corps, lesquels furent tous retenus de son hostel. Et tant se multiplierent les seruiteurs dessusdits, que quand il vint audit lieu de Tournay, il auoit enuiron bien trois cens cheuaux de sa retenue. Et quand à son ordre elle fut par luy octroyée à porter à grand nombre de Cheualiers, & Escuyers, & autres de moyens estats, qui luy en faisoient requerir pour l'auoir: ils en faisoient peu ou neant de refus, & fut pour cetemps assez commun és pays de Picardie. Si estoient moult de gens desirans de le seruir, & estre à luy, sur intention & esperance, qu'ils auoient principalement queluy venu enuers le Roy, il auroit vn tresgrand gouvernement au Royaume de France: pourquoy par ses moyes ils pourroient estre moult auancez en diuerses manieres, & luy mesmes l'entendoit ainsi. Toutesfois y auoit aucuns sages, qui doubtoient le contraire, & qu'il n'en aduint ainsi qu'il feist. Et bien disoient en leur secret, que plustost eussent conseillé audit Duc d'aller deuers le Roy plus hastiement, & à plus priuée mesgnie, qu'il ne feist. Et d'autre part leur sembloit, que ceux qui gouvernoient le Roy, & auoient gouverné long temps parauant durât le temps de ses aduersitez, ne souffriroient point tât qu'ils peussent, qu'autre qu'eux eust le gouvernement: jaçoit que celuy Duc luy fut plus prochain, que tous les autres, & qu'il eut moult fort à souffrir pour la Couronne de France. Néanmoins il a esté veu de treslóng temps, qu'entre si grans Seigneuries, à tousiours eu de grâs enuies & dissensions, & que les grans Seigneurs ont souuent baillé l'un à l'autre des trauers. Et apres ledit Duc d'Orleans partant de Tournay, alla à Vallenciennes, & de Vallenciennes au Quesnoy le Comte veoir sa belle cousine la Comtesse Marguerite doüaigiere de Hainault, qui le festoya tresioyeusement. Et apres qu'elle luy eut donné aucuns dōs, s'en vint en la cité de Cambray, où on luy fit plusieurs presens: & entre les autres luy donnerent ceux de la ville cinq cens escus d'or de France: duquel lieu de Cambray il auoit intention d'aller à S. Quentin, mais aucuns de ses gens luy donnerent à entendre, qu'il y auoit grand peril pour luy, & sa compaignie

Belle sentence  
remarquable  
C'est trop prati-  
quée.

paigñie d'aller ce chemin, pource qu'il failloit passer par aucuns destroicts pres des forteresses messire Jean de Luxembourg, qui encor n'auoit point fait le serment de la paix d'Arras. Et pour ceste cause & affin d'aller plus seurement, manda aucuns Gentils-hommes de la marche de Cambresis, & leurs gens pourayder à conuoyer leurs bagues. Du quel messire Jean de Luxembourg, si ledit Duc d'Orleans eut sceu les affaires, il n'en deust point estre en doubte pour deux raisons. La premiere si est, qu'il estoit du tout reconseillié avecques ledi& Duc de Bourgongne: & mesmement auoit esté à Bruges au temps, que ledi& Duc d'Orleans y estoit, & auoit eu avecques luy aslez grande communication, & plusieurs parlemens sur aucuns de leurs affaires, tant de la Seigneurie de Coucy, comme d'autres besongnes, qui leur touchoient: & avecques ce ledit messire Jean de Luxembourg estoit par bonne amour party de luy de la ville de Bruges, & luy auoit offert de le seruir, & luy faire plaisir en tout ce qui luy seroit possible: parquoy estoit à supposer que iamais n'eust consenty luy porter aucun dommage ou contrariété. La seconde raison, si estoit, qu'en tant qu'iceluy Duc d'Orleans estoit à Cambrai, le dessusdict messire Jean de Luxembourg gisoit en son hostel de Guise moult aggraué de maladie, de laquelle il alla de vie à trespas, & furent apportées les nouuelles de sa mort au dessusdict Duc d'Orleans en la ville de Cambrai. Pour lesquelles il demoura deux iours plus qu'il n'auoit intention, & feit requeste aux Gouverneurs de ladite ville de Câbray, qu'ils le voulsissent eslire à gardien de leur dicte ville ou lieu dudi& de Luxembourg, qui par auant l'estoit, & il seferoit confermer de par le Roy de France, côm& il estoit accoustumé. De laquelle requeste ils s'excuserét au mieux qu'ils peurent, disans qu'ils ne l'oseroient faire sans le consentem& de leur Euesque. En apres ledit Duc s'en alla de Cambrai à S. Quentin, & de là à Noyon, à Compiengne, à Senlis & puis à Paris, où il seiourna aucuns iours: & par tout où il passoit, & seiournoit, on luy faisoit aussi grand honneur, & reuerence, comme on eut fait à la personne du Roy de France, où à son fils le Daulphin: & auoient les gens moult grand confidence, & esperance que par son retour & desprisonnement, viendroit grand consolation au Royaume de France: & par especial la plus grand partie du peuple y estoiet moult fort affectez, & desiroient long temps par auant à le voir en sa franchise, comme lors le veoient. Si estoit l'intention dudit Duc d'aller deuers le Roy au plus tost que faire se pourroit: mais il ouyt nouuelles, pour lesquelles il se delaya grande espace de temps, c'est à sçauoir bien vn an ou plus. Et la cause si fut, pour ce que le Roy fut aduerty de toutes les manieres, qu'iceluy Duc auoit tenues, depuis qu'il estoit retourné du pays d'Angleterre, & des alliances & sermens, qu'il auoit fait avec le dessusdit Duc de Bourgongne, & aussi de son ordre, qu'il auoit prinse: & mesmement que desia estoit accompaigné, & auoit de son hostel grand nombre de g&es des pays dudit Duc de Bourgongne, qui auoient autresfois mené guerre au Roy de France, & à ses pays. Et luy fut dit en outre, que ses alliances se faisoient contre luy, & ceux qui le gouuernoient, & qu'avecques iceux deux Ducs estoient aliez plusieurs grans seigneurs, comme les Ducs de Bretai-

*Mort de Luxembourg.*

*Le Roy ne vint  
recevoir le  
Duc d'Orléans  
avec son train*

gne, d'Alençon & autres: lesquels auoient ja proposé de luy bailler nouuel gouuernement, & que doreſnauât ſon Royaume ſeroit gouuerné par eux, & autres tels, qu'ils y voudroient commettre: & auroit tant ſeulement honneſtement ſon eſtat, ſans pouuoir faire aucune choſe, qu'il ne fut par le cōſentement, & congé d'iceux Seigneurs. Lequel Roy qui touſiours eſtoit aſſez enclin de croire conſeil, pour ce que durant ſon regne on luy auoit fait, & machiné par pluſieurs fois de grans trauerſes, & aſſez ſemblables, creut legierement tout ce qu'on luy dit des beſongnes deſſuſdictes eſtre veritables: & par eſpecial quand il ſceut, que leſdits deux Ducs de Bretagne, & d'Alençon auoient receu l'ordre dudit Duc de Bourgogne, il en fut en plus grand doubte, que par auât. Et avec ce de iour en iour ceux, qui eſtoient avecques luy, luy diſoient & rapportoient, que ainſi eſtoit qu'on le diſoit: pour leſquelles nouuelles il eſtoit trefmal content. Et pource nonobſtant qu'il eut ordonné dudit Duc d'Orléans venir deuers luy, en diſant à ſes gēs qu'ils luy auoient apporté les nouuelles de ſon retour, que moult le deſiroit à veoir: neantmoins pour les choſes deſſuſdictes ne fut point content qu'il y allaſt, ſ'il n'eſtoit à priuée meſgnie ſans y mener aucuns des deſſuſdicts de ſon ſeruite: c'eſt à ſçauoir ceux du deſſuſdit pays du Duc de Bourgogne. Et pourtant ledit Duc d'Orléans ſçachant les choſes eſtre en l'eſtat deſſuſdit, ſe tira de Paris à Orléans, & puis à Blois, & ſur ſes autres ſeigneuries où il fut encores plus qu'ailleurs trefnotablement receu de tous ſes vaffaux, & ſubiects: & luy furent faiçts pluſieurs, & notables dons, & riches preſens en ſeldictes Seigneuries.

Or conuient retourner à parler vn peu de meſſire Jean de Luxembourg Comte de Ligny: lequel (comme dit eſt) par auant trefpaſſa dedans le chaſtel de Guyſe. Si fut ſon corps emporté ſur vn chariot accompaigné de ſes gens tref-honorablement en l'Egliſe noſtre Dame de Cambray, où il fut mis ſur deux eſtaux dedans le cueur. Et la premiere nuit on dict vigilles, & commandaſſes, & fut veillé iuſques au lendemain, qu'on dit la Meſſe des morts moult ſolemnellement, & y auoit trefgrand nombre de torches allumées au tour dudit corps, que tenoient ſes gens: & icelle Meſſe finée fut mis en terre au dehors dudit Cueur, aſſez pres d'un de ſes predeceſſeurs nommé meſſire Vvalerā de Luxembourg ſeigneur de Ligny, & de Beurevoir: & comme en autre lieu eſt plus à plain declairé. Ledit meſſire Jean de Luxembourg alla de vie à trefpas ſans auoir faiçt deuers le Roy de France, ne autres ſes deputez le ſerment de la paix d'Arras, jaçoit ce qu'à ce faire euſt eſté pluſieurs fois incité. Et depuis, l'an trente cinq qu'icelle paix auoit eſté confirmée, iuſques enuiron la nuit des Roys mille quatre cēs & quarante, qu'il trefpaſſa (comme dict eſt) auoit entrenu ſes villes, forterefſes, & & pays ſans ce que nuelles des trois parties, c'eſt à ſçauoir de France, d'Angleterre, & de Bourgogne y euſſent faiçt aucunes entreprinſes, ſinon aſſez peu. Car quand auſdicts Anglois, ils eſtoient tous deſirans de luy complaire, & faire plaiſir, pour ce qu'il n'eſtoit point encores deſlié d'eux, & n'auoit rendu ſon ſerment: & auoient moult grand fiance d'auoir ſon ayde & aſſiſtence, ſi beſoing leur en euſt eſté, & pareillement il ſe tenoit tout ſeur



feur d'auoir ayde contre tous ceux, qui l'eussent voulu nuire, ou greuer. Et au regard des Bourgongnons peu en y auoit, qui ne feussent enclins de luy faire plaisir en tous les affaires. Et nonobstant que le Duc de Bourgongne fut par vn temps aucunement indigné contre luy, par les rapports qu'on luy faisoit souuent: neantmoins la besongne ne sortit point à effect si auant que pour venir à l'œuure de fait: ains estoit du tout retourné en la bône grace, & bien vueillance dudit Duc Philippe de Bourgongne. Et d'autre part *Louanges de Luxembourg.* les dessusdicts François, & par especial les Capitaines, qui menoient & entretenoient les gens de guerre, le doubtoient fort, pour ce qu'ils le sentoient moult vaillant de sa personne, & que tousiours il estoit pourueu de gens de guerre pour resister contre eux, s'ils luy faisoient aucun dommage: & sçauoient bien que s'il les trouuoit sur aucunes de ses Seigneuries à son aduantage, il les feroit destruire sans en auoir aucune misericorde. Et pour ces raisons quand ils approchoient desdictes seigneuries, ils estoient tous ioyeux de bailler leurs seeliez, promettans de non luy faire aucun dommage, ne quelque grief, ou desplaisir à luy, ne aux siens, & ainsi le feirent plusieurs fois, & aussi il estoit content de les laisser paisibles sur icelles conditions. Toutesfois peu de temps deuant sa mort le Roy Charles de France auoit conclud avecques son Conseil, de non luy plus bailler aucuns iours de respit: & avec ce estoit du tout delibéré de venir à grand puissance contre luy, pour le subiuguier, & mettre son obeysance, ou aumoins le cōtraindre de luy faire le serment d'Arras dessusdict. Mais Dieu le Createur de toutes choses y pourueut, auant qu'on peut sçauoir à qu'elle fin icelles besongnes pourroient venir. Ainsi & par ceste maniere fina sa vie le dessusdict messire Jean de Luxembourg, qui de sa mesme personne auoit esté trescheualeureux, & moult doubté en tous lieux, où on auoit de luy cognoissance, & pouuoit bien auoir enuiron cinquante ans d'aage. Et assez brief temps apres son trespas, vn nommé Leurin de Moucy à qui il auoit baillé le chastel de Coucy en garde le rendit es mains du dessusdict Duc d'Orleans, *Coucy rendu au Duc d'Orleans avec ses autres places.* moyennant certaine grand somme d'argēt qu'il en receut, & ne fut point content de mettre es mains du Comte de saint Pol nepueu, & successeur dudit messire Jean de Luxembourg. Et aussi ceux de Neelle & de Beaulieu en Vermandois debouterent Lionnel de Vvandonne, qui estoit leur gouverneur, & tous les autres, qui estoient en icelles places de par le dessusdict messire Jean de Luxembourg, & meirent dedans les gens de Monseigneur de Mongaignier. Et toutes les autres villes, citez, chasteaux & forteresses furent mises & deliurées en l'obeysance dudit Comte de saint Pol, par ceux, qui les tenoient, & en auoient eu le gouuernement.

*Comment le Roy de France alla à Troyes en Champaigne: & comment plusieurs villes & forteresses se meirent en son obeysance, & autres matieres.*

**D**VRANT le temps dessusdict, Charles Roy de France feit moult grand assemblée de gens de guerre de plusieurs de ses pays, & avecques ce remanda les Capitaines des compagnies, dont dessus est faicte mention, qu'ils veinssent deuers luy à tout leurs gens. Et quand tout fut assemblé deuers la riuere de Loire, il se partit de Bourges en Berry son fils le Daulphin en sa compagnie, le Conneftable de France messire Charles d'Anjou, & autres grans Seigneurs en tresgrand nombre, à tout lesquels il se tira à Troyes en Champaigne, & là seiourna enuiron trois sepmaines: & estoient les gens logez par les villes, sur le plat pays, dõt cestuy pays estoit moult fort trauaille: & si y en auoit grand partie es parties d'Auxerre, & de Tonnerre, & sur les marches de Bourgongne. Auquel temps plusieurs villes, & forteresses se meirent en son obeysance, lesquelles par auant luy auoient faict forte guerre à ses pays, & aussi appaisa la guerre des Barrois, & Lorrains, & du Comte de Vaudemont, & si se pacifia avec luy, le Damoiseau de Commercis, & plusieurs autres Seigneurs des marches de Bourgongne, qui parauant estoient en son indignation. Et ces besongnes faictes & accomplies, s'en vint ledict Roy en la ville de Bar sur-Aube, auquel lieu vint deuers luy le Bastard de Bourbon, qui auoit soubz luy à son commandement vne tresgrosse compagnie de Gens d'armes, qu'il auoit long temps entretenu sur les champs: mais quand il fut venu audict lieu de Bar, il fut accusé d'aucuns crimes deuers le Roy. Et apres que sur iceux eut esté diligemment examiné, & son procès faict, fut condamné à estre rué & ietté dedans vn sac à la riuieré tant qu'il fut noyé, & tant que mort fut accomplie: & ainsi fut faict, & depuis qu'il fut mort fut tiré dehors de ladicte riuere, & mis en terre saincte. Si fut lors assez commun, qu'on luy auoit ce faict, pour ce que durant la guerre d'entre le Roy, & son fils le Daulphin, y estoit à grand puiffances avecques sondict frere le dessusdict Duc de Bourbon: & auoit esté cause principalement de desloger iceluy Daulphin du Roy son pere. Et d'autre part au retour du voyage de Harfleur, où il auoit esté avecques le Comte d'Eu (comme dict est ailleurs) il s'estoit tiré à saint Omer deuers le Duc de Bourgongne: auquel il auoit promis de le seruir, si aucuns affaires luy suruenoient, en la faueur du dessusdict Duc de Bourbon beau frere au Duc de Bourgongne dessusdict. Pour laquelle execution ainsi faicte sur iceluy Bastard de Bourbon aucuns des autres Capitaines, qui par long temps auoient tenu les champs soubz vmbre des armées du Roy, furent en tresgrand doubte, & cremeur, que pareillement ils ne feussent punis, de leurs anciennes mauuaises œures.

*Bastard de  
Bourbon noyé.*

*Comment*

*Comme les Anglois, qui se tenoient au hastel de Folleuille, faisoient moult de maux en Amicnnois, & es pays d'environ: & desconfirent aucuns Seigneurs Picards, & leurs gens, qui les assaillirent.*

**T**EM en iceluy temps les Anglois, qui se tenoient au chastel de Folleuille, firent moult de maux au pays d'Amiénois, de Corbie, & de Santhois: & aussi à la ville de Montdidier, & es autres lieux à l'environ: & estoient environ cent cōpaignons de guerre, qui firent moult de grans maux: & tellement contraindrēt iceux pays que la plus grand partie des villes estoient toutes appaētizées à eux, & rançonnées à certaine somme d'argent, & de fromens pour chacun mois, dōt le pauvre peuple estoit moult fort oppressé, & trauaillé. Et mesmement alerent vn iour courre la ville de Dours sur la riuere de Somme. Si estoit dedans la forteressē d'icelle ville le Seigneur d'icelle, lequel pource qu'il n'estoit point assez puissant pour resister à l'encontre desdicts Anglois, monta hastiuement à cheual, & s'en alla en la ville de Amiens pour auoir ayde & secours. Si trouua le Seigneur de Saueuses Capitaine de ladicte ville d'Amiens, & plusieurs autres Gentils-hommes, & autres gens de guerre: lesquels avec aucuns du commun se meirent à voye tant de cheual comme de pied, & poursuivirent iceux Anglois, lesquels ils trouuerent assez pres du dit lieu de Folleuille, où ils se retrahirent en moult belle ordonnance, menans avec eux grand foison de bagages, qu'ils auoient conquis. Si fut ordonné, que le Seigneur de Saueuses conduiroit ceux de pied, & le Seigneur de Dours dessus nommé, le Seigneur de Contay, le Seigneur de Tilloye, Guichart de Siennes, & aucuns autres Gentils-hommes meneroient ceux de cheual: lesquels approcherent, & escrierent iceux Anglois pour les combattre tous ensemble de cheual & de pied, laquelle ordonnance ne fut point bien tenue: car les dessusdicts de cheual, qui estoient moult desirans d'assembler avecques leurs aduersaires, firent dedans sans attendre iceux de pied, dont il leur mesaduint tresgrandement: car les dessusdicts Anglois qui veirent leurs aduersaires eux approcher, & qui estoient en plus grand nombre, les deux parts se meirent en bonne ordonnance, leurs cheuaux derriere eux, afin qu'on ne les peut enuahir par derriere: & se deffendoient tres-vaillamment, & tant que grand partie de leurs aduersaires, & ennemis y furent morts: entre lesquels le furent le Seigneur de Dours, Guichart de Siennes, Iean de Beaulieu, & aucuns autres nobles Gentilshommes. Et des prisonniers fut le principal messire Martel d'Antoch Seigneur de Tilloye, & les autres passerent outre par force de bons cheuaux, qu'ils auoient: desquels les aucuns furent moult fort naurez & blesez, & les autres eurent leurs cheuaux effondrez. Et ledict Seigneur de Saueuses voyant la besongne estre ainsi mal tournée, entretint au mieux qu'il peut ceux de pied: lesquels li auoit en son gouuernement: & avecques ceux de cheual, qui estoient eschappez de la besongne dessusdicte, les reconduit audit lieu d'Amiens, moult triste, & desplaisant de cest male aduenture: & depuis par traicté fait avec iceux Anglois: furent les morts



apportez tous des nuez pour enterrer chacun en leurs lieux. Si furent aucuns des amis, & prochains de ceux, qui y auoient esté morts, qui en voulurent donner aucune charge audit Seigneur de Saueuses, disans qu'il ne s'estoit point aduancé, comme il deust, pour ayder & secourir les gens, quand be-  
soin leur'en estoit. A quoy selon son pouuoirs'en exculoit, disans que  
bónement ne se pouuoit plus fort hastier. Pour ce qu'il auoit en son gou-  
uernement (comme dit est cy dessus) les gens de pied : lesquels luy auoient  
esté baillez à conduire par le consentement de tous les nobles là estans  
presens.

*Comment les gens du Comte de S. Pol destroussèrent aucuns des seruiteurs du Roy de  
France, qui ramenoient les habillemens de guerre tant de la cité de Tournay, com-  
me d'ailleurs: & l'amende que ledit Comte de S. Pol en feit.*



TE M entre-temps que le Roy de France estoit à tout son armée  
au pays de Champagne, comme vous auez ouy dessus, il auoit  
ordonné aucuns de les plus feaux seruiteurs pour aller en sa ville  
de Tournay, & és marches de Flandres pour achepter certain  
nombre d'artillerie, & autres habillemens de guerre, pour mener en sa vil-  
le de Paris, afin de luy ayder, quand il en auroit besoin. Lesquels, c'est à  
sçauoir ceux, qui y estoient commis, en firent tresbonne diligence, & tant  
que des besongnes dessusdictes chargerent plusieurs chars, & chariots, &  
les conduirent seurement parmy les pays du Duc de Bourgogne depuis  
la cité de Tournay sans trouuer aucun qui leur baillast, où feit empesche-  
ment, iusques à tant qu'ils vindrent en vne ville nommée † Ripemont, où  
ils furent rencontrez des gens du Comte de S. Pol, qui estoient en garni-  
son en icelle ville. Entre lesquels estoiet Iean Seigneur de Thorâte, Guyot  
de Bethune, Hoste de Neufuille, & plusieurs autres, tant hommes d'armes  
côme archiers: lesquels destroussèrent du tout lesdictes gēs, & seruiteurs du  
Roy, & prindrēt, & emmenerēt lesdicts harnois, & artilleries, à tout les cha-  
riots, & autres habillemens, & les bouterent en ladicte ville de Ripemont:  
auquel lieu ils en butinerent, & dissipèrent grand partie: toutesfois ce ne  
fut point du sceu, & consentement, ne ordonnance dudit Comte de saint  
Pol: ains en fut trespourroucé & desplaisant: laquelle destrouffe venue à la  
cognoissance du Roy, en fut tresindigné & mal content: & iura qu'il seroit  
amendé, & qu'il seroit guerre à iceluy Comte de saint Pol, s'il n'en faisoit  
du tout restitution & deliurance, & s'il ne luy faisoit hommage, & feauté  
des terres, & Seigneuries, qu'il tenoit de luy en son Royaume. Et lors luy  
estant en la ville de Bar-sur-Aube (comme dit est dessus) venoient de iour  
en iour gens de guerre deuers luy pour le seruir: & quand il eut illec seiour-  
né vne espace, il s'en vint par Chaalons & Reims en la cité de Laon: & par  
tout où il venoit estoit reccu par les bonnes villes à luy obeyssantes tresho-  
norablement, ainsy & par la maniere, qu'il est accoustumé de faire à son  
Roy, & souuerain Seigneur. Duquel lieu de Laon, & de la marche à l'enui-  
ron se departirent grand partie de ses Capitaines à tout leurs Gens d'armes:  
c'est à sçauoir la Hire, Anthoine de Chabannes, Ioachin Rohault, & aucuns  
autres

† Ripemont,  
c'est Riblé-  
mont en Pi-  
cardie, com-  
me on peut  
iuger par le  
pays dont il  
fait metié.

autres pour venir, & approcher les villes, & forteresses que tenoient les gēs dudit Comte de sainct Pol, & pour eux faire guerre: lequel Côte de S. Pol, qui estoit assez aduertty d'icelle venue, les auoit fait garnir de ses gens du mieux qu'il auoit peu: & se tenoit de sa personne à Guyse en Tierace, pour ayder, & subuenir à ceux, qui en auoient besoing & necessité. Mais il aduint que ceux de ladicte garnison, & les dessus nommez, qui se tenoient à Rippe-mont de par ledit Comte de S. Pol, comme dit est, quand ils ouyrēt & sceurent, que le Roy & sa puissance les approchoit de si pres, eurent si grand doubte, & si grand paour, qu'auant que les François veinssent, se departirēt soubdainement: & en grand desfroy sans attendre l'un l'autre, & abandonnerent la ville & chasteau dudit Ripemont, en les laissant ou gouuernement du commun peuple. Lesquels demourerent moult desolez pour la departie des dessusdits, & se retrahirent vers leur Maistre, & Seigneur ledit Comte de S. Pol, audit lieu de Guyse, & en autres villes & forteresses appartenans audit Comte, qui d'eux fut tresmal content: & par especial de ceux, qui en auoient eu le gouuernement, & ausquels il en auoit baillé la charge. Et ce mesme iour ou le lendemain vindrent deuant ladicte ville de Rippe-mont les François, ausquels au nō du Roy Charles fut baillé plaine obcys-sance, & les meit on dedans ladicte ville: dedans laquelle ils trouuerent des biens tressagement, & en partie en prindrent à leur plaisir: & entre les autres y entra comme chief ledit Ioachin Rohault. Et brief iours ensuiuans la plus grand partie de l'armée du Roy se tirerent deuant la ville de Marle, & l'environnerent, & l'assiégerent à grand puissance. Dedans laquelle ville estoit de par le Comte de sainct Pol vn Gentil-homme assez expert, & diligent en fait de guerre, nommé Georges de Croix, qui auoit avecques luy enuiron soixante combattans avecques ceux de la ville. Si fut suffisamment sommé de par le Roy de rendre la ville: mais il feit responces toutes les fois qu'il eu fut requis, que sans le sceu, & consentement de son Seigneur, & Maistre le Comte de S. Pol, point ne la rendroit. Pour lequel refus, les dessusdits assiegeans manderent en grand diligence les gros engins, & artilleries du Roy: & de fait les feirent asseoir, & assuster en tresgrand nombre deuant les portes, & murailles de la dessusdicte ville. Si commencèrent à iecter & adommager ladicte muraille en aucuns lieux: & estoit leur intention, & vouldent de l'assaillir brief ensuiuant: mais entre-temps que les besongnes dessusdictes se faisoient, ledit Comte de S. Pol considerant, qu'au long aller ce luy estoit chose impossible, de tenir sesdictes places contre le Roy, & sa puissance: attendu que desia estoit assez aduertty, que point n'auroit secours dudit Duc de Bourgogne, se commença aucunement à dissimuler: car avec ce les principaux, qui estoient avec luy, luy conseillerent, qu'il trouuast les moyens d'auoir traité, & de demourer paisible luy, & ses Seigneuries. Lesquels moyens tant par la Comtesse sa mere douagiere, qui par auant auoit esté deuers le Roy, & encores estoit à Laon comme par autres ses bons amis, se commencerent à traiter, & ouurir: & finalement ledit Comte de sainct Pol alla à Laō deuers le Roy, duquel & du Dauphin il fut receu assez courtoisement, & aussi des autres Seigneurs, qui là estoient.

Rippe-mont  
pris par les  
gens du Roy.

Et certains brieſ iours enſuiuant impetra, & obtint enuers ledit Roy, que ceux qui eſtoient deuant ladiſte ville de Marle & ſes gens, qui eſtoient dedans ne feiſſent point de guerre l'un à l'autre, iuſques à certain iour: pendāt lequel temps on traiſteroit du ſurplus. Leſquels traiſtez finablement apres que ſur ce le Roy, & ſon grand Conſeil eut tenu pluſieurs iournées, & que le deſſuſdit Côte de S. Pol eut eſté ouy ſur ce qu'il vouloit dire & requerre, fut ordonné, qu'iceluy Comte de S. Pol demourroit en la bonne grace du Roy, moyennant qu'il luy feroit hommaige, & ſerment de fidelité des terres & Seigneuries, qu'il tenoit en ſon Royaume, tant de par luy comme de par la Comteſſe de Marle, & de Soiſſons ſa femme: ainſi & par la maniere que luy auoient fait, & faiſoient iournellement ſes autres vaſſaulx: & avec ce qu'il feroit mettre ſadiſte ville de Marle en l'obeyſſance du Roy & ſes commis, & en vuyder ceux, qui dedans eſtoient: & outre plus luy bailleroit certaines lettres ſignées, & ſcellées de ſon ſeél, cōtenans certains points de claires en icelle, dont la coppie ſera cy apres miſe & eſcrite. Apres leſquels traiſtez faits, & accordez par icelles parties, on enuoya tātōſt de par le Roy audir lieu de Marle certains commis pour prendre l'obeyſſance de la ville comme dit eſt. Leſquels commis porterent vn ſauſconduit du Roy au deſſuſdit Georges de Croix, pour luy & pour ſes gens, à tout lequel il ſe partit, & alla à la Ferté ſur Oyſe par l'ordonnance dudit Comte de S. Pol. Et toſt apres entrerent iceux commis dedans la deſſuſdicte ville de Marle, & feirēt ce qui leur eſtoit commandé, & ordonné de par le Roy, en prenant ladiſte obeyſſance ſelon le deſſuſdit traiſté: mais brief enſuiuant ladiſte ville fut remiſe, & rendue par le conſentement du Roy, & par ſon oētroi en la main dudit Comte, comme deuant auoit eſté. Et adonc ſe deſlogerent de là toutes gens de guerre, & ſe tirerent plus auant és marches de Vermandois, de Hainault & de Cambreſis: & par tout où ils alloient faiſoient de grans oppreſſions au pauvre peuple. Le Comte de S. Pol depuis qu'il eut ſondit traiſté, commença à eſtre treſbien en la grace du Roy, & de tous les autres grāſ Seigneurs, & par eſpecial du Dauphin: & luy promeit de le ſeruir doreſnauant en toutes ſes beſongnes, & affaires contre les Anglois, ſ'il luy plaiſoit le mander, & fut en ladiſte ville de Laon bonne eſpace de temps, & auant ſon departement bailla ſes lettres, dont deſſus eſt faiſte mention contenās la forme & maniere, qui cy apres ſ'enſuit.

Promeſſes du  
Comte de S.  
Pol au Roy.

LOYS de Luxembourg Comte de S. Pol, & de Ligney, de Conuerſan, de Braine, & de Guiſe, Seigneur d'Angien, & de Beaurenoir, & Chaſtellain de l'Iſle. A tous ceux, que ces preſentes lettres verront, & orront ſalut: ſçauoir faiſons que i'ay promis, & par ces preſentes promets par ſoy, & ſerment de mon corps, & ſous l'obligation de tous mes biens faire, & faire faire plaine, & entiere obeyſſance au Roy noſtre Sire, & à ſes officiers tāt en iuſtice, comme aux ſaits, & conſeruations des droits Royaux de ſes finances, aydes, greniers, ſtailles, haulx paſſaiges, & autres touchans ſon domaine, & autrement de faire ceſſer gardes, & appaſtis miſes ſus, en ce qui eſt de ma puiſſance depuis vingt ans en ça. Et avec ce promets reſtituer au Roy, & par tant où il appartiendra ce qu'il reſte, & reſtituer deſ artillerie du Roy, & marchandiſes prinſes par ceux de Rippemōt, & ce qui reſte de cheuaux, & chariots du Roy prins par ceux de Marle. Et avec ce ay promis & promets



metts de respondre en la Court de Parlement à tout ce que le Roy, ou son Procureur voudra maintenir, requerre ou demander touchant la succession de feu Monseigneur le Côte de Ligney mon oncle, à qui Dieu pardoint, tant au regard des heritages, comme des biens meubles, que tenoit, & possédoit mondit feu oncle au iour de son trespass, pourtant que toucher m'en peut, & pour les Comtez de Ligney, & de Guyse, comme pour autres terres, & Seigneuries venues à mondit feu oncle: & de tenir, obeyr & accomplir en tant qu'à moy est, tout ce que par ladiète Court me sera sur ce dit, iugé, & prononcé. Pourquoy i'ay prins & accepté iour, & me suis tenu, & tiens pour adiourné en ladiète Court de Parlement, pour respondre au Procureur du Roy au quinzième iour de Iuillet prochain venant, pour y proceder, ainsi qu'il appartiendra. Et generallyment promets faire enuers le Roy, mon souverain Seigneur, tout ce que bon, & loyal subiect doit, & est tenu de faire enuers son Roy naturel, & souverain Seigneur. Ne ne souffriray, ne tiendray en nuelles de mes places gens pour faire guerre, mal, ne dommage sur le pays, & subiects du Roy. Et avec ce promets rendre, & deliurer toutes les terres d'autrui, que i'ay en ma main à cause de la guerre, & au regard de Montagu faire mon plain pouoir d'icelle redre. Toutes lesquelles choses ie promets de tenir de point en point, ainsi que dessus est dit sans enfreindre. En tesmoing de ce i'ay signé ces presentes de ma main, & scellées du scel de mes armes le xx. iour d'Avril l'an mille quatre cens xlvj.

*Comment la Duchesse de Bourgogne vint à Laon deuers le Roy, pour faire aucunes requestes, & autres matieres.*

**A**V mois dessusdit la Duchesse de Bourgogne femme au Duc Philippe, & fille au Roy de Portugal, alla deuers le Roy Charles en la cité de Laon treshonorablement accompagnée de Cheualiers, & Escuyers, comme de gens de Conseil, & aussi de Dames, & de Damoiselles, & pource qu'elle n'estoit point bié haitée, se faisoit porter sur vne lictiere. Si vint au deuant d'elle bien vne lieüe le Connestable, qui auoit espousé la sœur dudit Duc de Bourgogne, comme dit est ailleurs: le quel Connestable la mena, & conduièt iusques en ladiète ville, & aussi deuers le Roy, qui la receut assez courtoisement, & aussi fait son fils le Daulphin, & autres plusieurs Nobles, & grâs Seigneurs. Apres laquelle reception elle se retrahit en l'Abbaye de S. Martin, où elle fut logée: & depuis fut par plusieurs fois deuers le Roy, pour luy faire aucunes requestes, dont elle estoit chargée de par ledit Duc de Bourgogne son Seigneur & mary, tant sur la paix generale d'entre les Royaumes de Frâce, & d'Angleterre, comme pour le fait du Duc d'Orleans. Et avec ce pour la forteresse de Montagu appartenant au Seigneur de Commercy, que tenoit encôres Villemet de Hainault, & autres des gens de feu Messire Iean de Luxembourg, & se vantoient ceux, qui la tenoient, de la non rendre à ceux, qui desia les auoient requis de par le Roy, sans le congé, & licence du Duc de Bourgogne. Pour lequel refus y estoient allez grand compaignie des gens du Roy, sur intention d'y mettre le siege. Si fut aucunement atargé de luy mettre, sur esperance qu'on trouueroit aucun bon traicté deuant le partement d'icelle Duchesse: laquelle feit en outre plusieurs requestes au Roy: mais peu luy furent accordées: neantmoins elle feit ses Pasques audit lieu de Laon, & y tint trefnoble,

*La Comtesse  
de Ligney fait  
hommage au  
Roy.*

& bel estat. Si fut assez visitée des grans Seigneurs, & plusieurs autres notables gens de l'hostel d'iceluy Roy: & pareillement alla deuers le Roy à Laõ Ieanne de Bethune, Comtesse de Ligney, & Vicomtesse de Meaulx: lequel Roy fut content de sa venue, & la receut tresaggreablemēt, & ioyeušemēt: & releua icelle Comtesse du Roy toutes les Seigneuries qu'elle tenoit de luy. Et avecques ce feit certain traicté avec ses commis pour, & en tant que toucher luy peut des biens meubles, que fonda feu mary luy auoit laissez: lesquels on disoit estre confisque, pource qu'il estoit allé de vie à trespas estant aduersaire du Roy, & en paya certaine somme d'argent. Et par ainsi au regard de ce demoura paisible, & en obtint lettres royaux, & icelle se iournāt alors en ladicte ville de Laõ, fut instāment requise de prēdre à mary le Comte d'Eu, mais elle s'en excusa aucunement. Et brief iours apres ensuiuans quand elle eut fait, & accomply ce qu'elle peut, elle s'en retourna ou chasteau de Beurevoir, & de là à Cambray: durant lequel tēps venoiet de iour en iour plusieurs gens deuers le Roy pour luy faire hommage, & le seruir: lesquels il retenoit, & leur promettoit à eux faire du bien largement, car il auoit voulenté de faire l'Esté ensuiuant vne tresgrosse armée à l'encōtre des Anglois ses anciens aduersaires. Item en cest an fut accusé deuers le Duc d'Orleans vn sien Escuyer de l'Escuyerie nōmé Dunot, de l'auoir voulu empoisonner à la requeste, & instance (comme on disoit) d'aucuns grās Seigneurs de l'hostel du Roy de France: si fut pour ceste cause tresduremēt gehainé, questionné & examiné, & apres noyé par nuit en l'eau de Loyre: mais du surplus fut peu de nouuelle que la besongne vint à clarté contre ceux, qui estoient suspicionnez. Durant aussi le temps dessusdit, se s'aduācerent enuiron huit vingts saquemens de l'hostel du Roy Charles, & allerent ou pays de Hainault en vne ville nommée Haussy: en laquelle auoit bel chasteau, & se logerent là, & s'y tindrent deux ou trois iours. Si composerent plusieurs villes, & villages tant de Hainault comme de Cambresis à grand finance: durant lequel temps Messire Iean de Croy Baillif de Hainault, assembla aucune puissance de Gens-d'armes au Quēnoy le Comte, & s'en vint pour les destrousser: mais vne partie se retrahirent audit chasteau, lesquels furent tantost assailliz: auquel assaut fut mort vn moult notable Gentil-homme assez ancien nommé Lordenois d'Osternē. Et depuis fut fait traicté dudit Baillif avec iceux par tel si, qu'ils se departiroiet en delaisant ce qu'ils auoient prins: & avec ce luy donnerēt vne somme d'argēt, afin qu'il les laissast partir. Et en y auoit eu plusieurs morts, & destroussiez, qui auoient esté trouuez en ladicte ville de Haussy. Si se partirent tous ensemble pour eux tirer vers la ville de Laon: mais ils furent rencontrez des gens du Comte de S. Pol vers le pont au Nouuion, & du tout destroussiez: & la plus grand partie y demourerent morts en la place.

*De l'an mille cccc. xli.*

*Comment la Duchesse de Bourgogne se partit du Roy Charles estant à Laon, & retourna au Quēnoy, où alors estoit ledit Duc de Bourgogne son mary.*

**A**V cōmencement de cest an Charles Roy de France estant à Laõ, où il auoit solennisé le iour de la resurreccion nōstre Seigneur en l'hostel Episcopal de l'Euesque d'icelle cité de Laõ, tint plusieurs grans conseils sur les requestes, que luy auoit faictes la Duchesse de Bourgogne, & ceux de son Conseil: en la fin desquels conseils finalement comme i'ay declairé, luy en furent pou accordés, dōt elle ne fut point bien contente, & apperceut assez cleremēt, & aussi feirēt ceux, qui y estoiet avecques elle, que les Gouverneurs d'iceluy Roy n'auoient mie agreable le Duc de Bourgogne, ne ses besongnes. Et pourtant elle voyant, que sa demeure illecques ne luy estoit mie grandement profitable, print congé au dessusdit Roy, & le remercia de l'honneur & bonne reception, qui luy auoit esté faicte: & apres luy dit. Monseigneur de toutes les requestes, que ie vous ay faictes, ne m'en auez nulles octroyées, ne accordées, jaçoit-ce selon mon aduis qu'elles feussent assez raisonnables. A quoy le Roy luy respondit assez courtoisemēt, en disant: Belle sœur, ce poise nous qu'autremēt ne se peut faire: car selon ce que nous trouuons en nōstre Conseil, à qui en auons parlé bien au long, icelles requestes nous seroient moult preiudiciales à accorder. Apres lesquelles parolles elle print congé (comme dit est) au Roy, & à son fils le Daulphin, puis se partit de là, & l'en vint au giste à S. Quentin avec elle toutes ses gens. Et là reconduit le Cōnestable, & aucuns autres grand espace: duquel lieu de sainct Quentin elle s'en vint le lendemain disner au chastel de Cambresis, & à ceste heure estoiet allee aucunes gens dudit Roy fourrager ou pays de Hainault, & és marches à l'environ, & emmenoiēt moult grosses proyes: c'est à sçauoir cheuaux, vaches, & autres biens, & bestail. Si y furent tost, & roidement plusieurs des gens de ladicte Duchesse: lesquels en occirent trois ou quatre en la place, & les autres se sauuerent par force de bien fuir, reserué deux qui furēt ratains, & prins, & menez au Quesnoy le Comte, où ils eurent les hastereaux coupez. Auquel lieu du Quesnoy alla au giste icelle Duchesse de Bourgogne, où estoit le Duc son mary, à qui elle racompta tout ce qu'elle auoit trouué enuers le Roy de France, & ceux qui le gouernoient: & pour vray la plus grād partie des Nobles, qui auoient esté avec elle en iceluy voyage, n'estoient point si François à leur retour, qu'ils estoient quand ils allerēt deuers le Roy, pour aucunes parolles, qu'ils auoient ouyes, & veües en iceux de ce party: pour lesquels rapports le dessusdit Duc de Bourgogne se pensa de luy mēmes, & s'en deuisa avecques aucuns de son plus priuē Conseil, que grād besoing luy estoit de luy ses paystenir seurs, & bien garnis de gens: considerās qu'à peu d'occasion on seroit tost enclin de luy faire grief ou dommage. Neantmoins si auoit il tousiours de vaillans, discrets, prudens, & saiges hommes, qui moult desiroient, & contendoient de les tenir en paix, & bonne vniō: & par especial de la partie du Roy si employèrent l'Archeuesque de Reims grand Chancelier de France. Et iaçoit-ce que la dessusdicte Duchesse de Bourgogne se fut departie de deuers le Roy, comme vous auez ouy cy deuant: si y auoit il de iour en iour aucuns hommes de bien allans, & venans de partie à autre, pour entretenir & cōcorder, ce qui seroit à faire entre eux.

*Parolles de la  
Duchesse de  
Bourgogne  
au Roy à son  
depart.*



*Comment la forteresse de Montagu appartenant au Damoiseau de Commercy, fut abbatue, & desolée par le commandement du Duc de Bourgogne.*

**E**N outre Messire Robert de Salebrusse Seigneur de Commercy poursuivoit tresfort le Roy, & ceux de son Conseil, pour r'auoir la forteresse de Montagu: lequel Seigneur de Commercy n'estoit point en la grace du Duc de Bourgogne, mais l'auoit en tresgrand indignation, & haine pour plusieurs iniures, qu'il auoit faictes en les pays, & aussi les gens, & subiects. Et pourtant ne voulut consentir pour nulle riens, qu'icelle forteresse luy fut rendue, ains vouloit qu'elle fut demolie, & abbatue: & pareillement le desiroient plusieurs bonnes villes, comme Reims, Laon, saint Quentin, & autres, pource que de treslong temps, gens s'estoient accoustumez d'eux y tenir: lesquels moult fort auoient traueillé & oppresse par leurs courses, & pillages ceux desdictes villes, & du plat pays à l'environ. Et finalement la conclusion fut telle, que ceux qui estoient dedans, baillerent seurté de le rendre au Roy à l'entrée du mois de Iuing prochain ensuiuant en tel estat, qu'il plairoit audit Duc de Bourgogne: c'est a sçauoir entiere, ou desolée, & de ce fut le Roy content. Pendant lequel iour ledit Duc de Bourgogne feit mettre ouriers en œuvre en grand nombre pour icelle forteresse abbatre & demolir, & ainsi en fut fait: mais durant le temps dessusdit iceluy Damoiseau de Commercy cuida trouuer aucuns moyens secretement de la r'auoir en sa main pour argét d'aucuns de ceux, qui l'auoient en garde, lesquels furent de ce accusez, & pour ceste cause prins: & en y eut quatre, qui eurent les hastereaux coupez, desquels en estoit l'un le Preuost de la ville dudit Montagu. Ainsy & par icelle iniure fut desolée icelle forteresse, laquelle estoit située, & assise hault sur vne montaigne en moult fort lieu, à l'occasion de laquelle le pays auoit eu à souffrir, comme dit est cy dessus.

*Comment le Roy de France alla mettre le siege deuant la ville de Creil, laquelle il conquist.*

**T**EM apres que le Roy de France eut seiourné par l'espace d'un mois, ou environ dedans la cité de Laon, il se partit de là, & par Soissons, & Noyon s'en alla à Compiengne, où il seiourna par aucuns iours en attendant son armée, qui se preparoit pour aller deuant la ville de Creil. Et nonobstant que Guillaume de Flauy Capitaine d'icelle ville de Compiengne eut son pardon, & remission du Roy pour la mort du Seigneur de Rieux Marechal de France, qui estoit mort en ses prisons: toutesfois n'alla il point deuers le Roy, mais par auant sa venue pour la doubte des amis dudit Marechal, s'en alla avecques ledit Seigneur d'Offemont, pour estre plus seur de sa personne. Et lors venoient gés de plusieurs parties du Royaume de France deuers le Roy, qui par auant auoient esté mandez: & peu de iours ensuiuans le Roy se partit de ladicte ville de Compiengne, & s'en alla à Senlis, où il seiourna un petit de temps: & puis se meit à chemin avec son exercite pour aller vers la ville de Creil, que

que tenoient les Anglois. Si se logea assez pres d'icelle ville au costé deuers Paris, & le Connestable, & autres Capitaines se logerent à l'autre costé deuant le pont: deuant laquelle ville de premiere venue furent faictes escarmouches, & tost apres furent assis les gros engins du Roy contre les portes & murailles, dont tresfort les adommagerent: & tant que les assiegez commécerent à auoir doubte d'estre prins d'assault: parquoy au bout de douze iours, ou enuiron apres ledit siege mis, requirét de traicter avecques iceluy Roy, ou ses commis: si leur fut octroyé. Et en la fin d'iceluy traicté furent contens de rendre ladicte ville, & le chastel, avec tous les biens par tel si, qu'ils pouoient tant seulement emporter leurs robbes, & ce qu'ils auoient d'argent. Et ce fait s'en allerent sous bon saufcôduit tout à pied par la porte du Pont, en tirant vers la ville de Beauuais: & y estoit en chef d'iceux Anglois Messire Guillaume Chamberlan. Apres lequel departement desdusdits Anglois le Roy entra dedans le Chastel, & les autres Seigneurs, & Capitaines se logerent en plusieurs lieux deuât la ville, à laquelle garnison il commeit Yuon du Puys.

*Comment le Roy de France alla assieger la ville, & fortecreff: de  
Ponthoise, laquelle en fin il conquesta d'assault.*

**A** PRES que le Roy de France eut seiourné aucun peu de iours en la ville de Creil, il tira vers la ville de Ponthoise à tout son armée, & y vint enuiron la my May: si se logea à l'Abbaye de Maubuisson, où il y a vne notable Eglise de Dames, & de moult beaux edifices, & avec luy se logerent tous ceux de son hostel avec aucuns autres, & le Connestable & les Marechaux de France: c'est à sçauoir les Seigneurs de Soloingnes, & de Lohiac, & plusieurs autres Capitaines se logerét en aucuns autres diuers lieux. Et brief ensuiuant furent assis, & assustez les grâs engins deuant vn boulleuert, qui estoit au bout du pont au costé de deuers ledit lieu de Maubuisson: lequel fut tantost si adommagé qu'il se rendit, & fut prins d'assault. Si y furent morts quatorze, ou seize des gens du Roy, & plusieurs blecez, & pareillement furent aucuns Anglois: lequel Boulleuert le Roy feit fortifier, & ordôna pour la garde d'iceluy Messire Denys de Chailly, & Michault Durât à tout leurs gés. Et d'autre part l'en feit faire vn pôrt par dessus la riuere d'Oise cõtre l'Abbaye de saint Martin, lequel fut clos de petite muraille, & fut fortifié tout à l'enuirõ tant de fossez, comme de petits boulleuers, ainsi qu'il est accoustumé de fortifier Bastilles. Et là se logea Messire Charles d'Anjou, le Seigneur de Cotuiy Admiral de France, avecques luy trois ou quatre mille combattans. Et si fut fait à l'entrée du pôrt au dehors de ladicte riuere d'Oyse vne assez forte Bastille, pour la garde d'iceluy Pont. Par les moyens desquelles fortifications pouoient passer seurement à leur aise, sans le dâger des Anglois leurs aduersaires, auquel costé qu'il leur plaisoit de ladicte riuere. Et entre-têps que les approches desdusdictes se faisoient, vindrent deuers le Roy grand nôbre de gens tant Seigneurs, & nobles hommes, comme ceux des bonnes villes, qui par auant auoient esté mädéz. Entre lesquels y vindrét de ceux de la cité de Tournay

iufques au nombre de fix vingts cōbattans , ou au dessus en trefbon conue-  
nant, gens d'eflite, & tresbien habillez, dont en la plus grand partie estoit  
arbalestriers. Et les conduisoient trois notables hommes d'icelle cité: dōt le  
premier estoit nommé Simon de sainct Genois , l'autre Robert le Bou-  
cher, & le tiers Jean de Courcelle: si furent receuz du Roy trefioyeufemēt.  
Et aussi y vindrent ceux de la cité de Paris en moult grand quantité , & en  
tresbel estat, & avec ce d'autres bonnes villes. Et si comme ils venoient, ils  
estoiēt receuz, & logez par les gens du Roy, cōme il appartenoit. En oultre  
Loys de Luxebourg Comte de sainct Pol & de Ligny , qui par auāt auoit  
fait son amas de Gens-d'armes en ses Seigneuries , y arriua enuiron huit  
iours apres la sainct Jean à tout six cens combattans , ou enuiron tresbiē en  
point , & faisoit moult chault. Si meit ses gens en bataille assez pres du lo-  
gis du Roy : lequel avecques aucuns de ses Princes , & Capitaines les alla  
veoir bien à loisir , & toutes ses gens, & fut moult ioyeux de sa venue. Sile  
festoya, & mercia moult grandement, de ce qu'il estoit venu seruir à si bel-  
le cōpagnie : avec lequel Comte de sainct Pol estoient le Seigneur de Ver-  
uins , Messire Collard de Mailly, Loys d'Angien, Messire Ferry de Mailly,  
Jean d'Angiers, Messire Dauiod de Poix, Jacotin de Bethune, & ses freres,  
Georges de Croix, & plusieurs autres Gentils-hommes : si furēt ce iour vne  
grād partie moult trauaillez de la chaleur dessusdite, & tāt qu'à cause d'icel-  
le mourut vn Gentil-hōme nommé Robert de Frisomē. Et quād le Roy les  
eut veuz (comme dit est) s'en allerent loger en vn village plus pres de là, &  
brief ensuiuant se logerent avec les autres audit siege. Et aussi vint le Com-  
te de Vaudemont, accompagné de cēt ou six vingts combattās: de laquelle  
venue le Roy fut trescontent & ioyeux. Et pour vray à ceste assemblée fu-  
rent moult de grans Seigneurs au seruice du dessusdit Roy de France: c'est  
à sçauoir son filz le Daulphin , le Côte de Richemont Connestable de Frā-  
ce, & les deux Mareschaux dessus nommez & l'Admiral , Messire Charles  
d'Anjou, les Côtes d'Eu, de la Marche, de sainct Pol, de Vaudemont d'Al-  
breth , de Tancarville, de loingny, le Vidame de Chartres, le Seigneur de  
Chastillō, le Seigneur de Moreul en Brie, le Seigneur de Bueil, la Hire, Po-  
tho de saincte Treille , le Seigneur de Hé, Messire Heincelin de la Tour, le  
Seigneur de Mouy, Claude d'Angest, Regnault de Longueual, le Seigneur  
de Moyécourt, le Seigneur de la Suze, Messire Theolde de Valperche, An-  
thoine de Chabānes, Charles de Flauy, Messire Gilles de S. Symon, Hue de  
Mailly, Oliuier de Cotiuy, le Seigneur de Pénésach, Blanchefort, Floquet,  
Broufach, Ioachin Rohault, Pierre Regnault, le Seigneur de Grauille, Mes-  
sire Ieā de Gapondes , Geoffroy la Hire, le Bastard de Harecourt, & moult  
d'autres nobles gens de grād auctorité: & tāt que selon l'estimatiō de ceux  
en ce cognoissans, le Roy pouoit biē auoir en tout de dix à douze mille cō-  
battās, & fleur de gēs de guerre , lesquels chacun en droit soy estoiet moult  
desirans de conquerre la ville de Ponthoife : durant lequel temps le Duc  
d'Yorth , le Seigneur de Thalebort , & aucuns autres chefs de la partie des  
Anglois, qui se tenoient à Roüen, commencerent à aduifer, & à imaginer  
comment ils pourroient mieux secourir leurs gens , qui estoient dedans  
icelle

*Nōbre des Sei-  
gneurs estans  
au siege de  
Ponthoife.*

† Il se trou-  
ue cy apres  
Valpergne,  
c'estoit vn  
Capitaine  
Italien, qui  
fut fait Se-  
neschal de  
Lyō par le  
Roy Char-  
les VII.



icelle ville de Ponthoife. Et en fin conclurent que pour la premiere fois le Seigneur de Thalebot la iroit rautailier, pour aduifer la maniere, & conduite des François. Si se mit sus ledit Thalebot à tout quatre mille cōbattans ou enuirō, tant de pied comme de cheual à tout chars, charrettes, & bestial, & alla par aucuns iours tāt, qu'il vint loger iusques à vne ville nōmée Cheurin, assez pres dudit lieu de Pōthoife, & là geut deux nuit̃s. Et entre-tēps bouta des viures dedans ladiēte ville sans auoir aucun empeschemēt: car le Roy, & ceux de son Conseil estoient deliberez de non cōbattre iceux Anglois, sinon qu'ils les trouuassent grandemēt à leur auantage. Après lequel rautaillement, Messire Iean de Thalebot s'en retourna à Mante, & se logerent ses gens en vn village au dehors de la ville: & de là s'en retournerent en Normandie. Et entre-temps les engins du Roy de France, qui estoient assis contre ladiēte ville de Ponthoife, tant en la grande Bastille de sainct Martin, comme ailleurs, iettoient cōtinuellement cōtre les tours, & murailles d'icelle: & les derompoient en plusieurs lieux: mais les dessus-dits assiegez les refaisoient de nuit̃, & de iour de queues, & de bois au mieux qu'ils pouoient, & avecques ce faisoient aucunes fois des faillies cōtre lesdits François: ausquelles tant d'une part, comme d'autre en y auoit tressouuent de morts, ou de naurez. Durant lequel temps le Roy, & ceux de sa partie encloyent icelle ville par siege tout à l'environ: mais bonnement ne pouoyent encores veoir, que ce se peust faire sans trop grand peril, par ce que lesdits sieges ne pouoyēt aller ou secours l'un à l'autre, se besoing en eust esté, & se sentoient, que les Anglois dessus-dits estoient bien puissans, & assez prests pour venir brief ensuiuāt eux combattre pour leuer le siege, & pour ces causes delayerent lesdits François de enuironner icelle ville. Et fut ordonné, qu'on feroit encore vne grande Bastille en la forest de Compiengne pour amener par eaüe, & icelle asseoir sur aucun des costez, où on verroit, qu'il seroit plus expedient. A laquelle pour la faire expedier fut cōmis Guillaume de Flauy, & certain temps apres ledit Messire Iean de Thalebot retourna pour la seconde fois, & rautaila de rechef ladiēte ville, & lesdits assiegez de foison de viures, & d'aucuns engins, & habillemens de guerre. Et à chacune fois y laissoit vne partie de ses gens, & r'amenoit avecques ceux qui estoient naurez, ou malades: & comme par auāt apres le dessus-dit rautaillement, s'en retourna sans auoir aucun empeschement ou destourbier. Toutesfois le Roy voyant les manieres que tenoiet seldits aduersaires, ayant consideration, que celuy siege pourroit estre lōg par le moyen des viures, qu'on amenoit en ladiēte ville de Ponthoife de iour en iour, en estoit moult melencolieux & desplaisant. Neātmoins il de sa personne faisoit tresgrand diligence tant de faire fortifier ses Bastilles, comme de les pourueoir de viures, & autres besongnes necessaires pour eux defendre, se ainsi aduenoit que on les assaillist.

*Thalebot rautaila de rechef ladiēte ville, & lesdits assiegez de foison de viures, & d'aucuns engins, & habillemens de guerre. Et à chacune fois y laissoit vne partie de ses gens, & r'amenoit avecques ceux qui estoient naurez, ou malades: & comme par auāt apres le dessus-dit rautaillement, s'en retourna sans auoir aucun empeschement ou destourbier.*

*Comment le Duc d'Orth souverain Gouverneur de Normandie pour le Roy d'Angleterre, vint vers la ville de Pontoise pour cuider leuer le siege du Roy de France.*



V temps dessusdit le Duc d'Yorth, qui estoit chef pour la guerre & Lieutenant general pour le Roy Henry d'Angleterre, quant es marches de France, & de Normandie : auoit assemblez de six à sept mille combattans, entre lesquels estoient les Seigneurs d'Escalles, & de Thalebot, Messire Richard Dondeuille, qui auoit espoulé la Duchesse de Bethfort seur à Loys de Luxembourg Comte de saint Pol, & aucuns autres Capitaines de Roüen, dont plus auant ne me suis informé des noms. Et auoient avecques eux tresgrand nōbre de chars, charrettes, & cheuaux chargez de viures, & artilleries, & si y auoit tresgrād nōbre de bestail. Si se meirēt en chemin en moult belle ordonnance entour la my-Iuillet, & de Roüen par aucunes iournées vindrēt deuers Ponthoise le Duc d'Yorth, & ses gens : & faisoit l'auantgarde à tout trois mille combattans Messire lez de Thalebot. Si se logea ledit Duc à Ceuery à demie lieüe pres de ladicte ville de Ponthoise : & l'auantgarde se logea en vne ville nommée Herouille : auquel logis y furēt par trois iours, & rautailerēt ladicte ville tresabondamment de plusieurs manieres de viures. Et adonques se firent sçauoir au Roy, qu'ils estoient venus pour le cōbattre, & toute la puissance, s'il se vouloit mettre aux chāps contre eux. Mais le Roy n'eust point conseil de ce faire, ains luy fut dit, & remonstré, comme autresfois par ceu x de son grand Conseil, qu'il seroit trop mal cōseillé d'aduāturer sa personne, & toute son armée contre gens de si petit estat, au regard de luy, disant oultre que autresfois luy auoit trop cher cousté en aucunes batailles, qui auoient esté faites contre eux par les gens durant son regne : & que mieux valloit de leur laisser faire leur enuahie pour ceste fois, & garder les passages de la riuere : car bonnement ne pourroient lefdits Anglois faire long seiour à si grand gent, pource qu'ils n'auoient viures sinon à grand danger, & fut ceste conclusion tenue. Si furent plusieurs Capitaines enuoyez par ordōnance avecques leurs gens au bout de la riuere d'Oize, depuis Ponthoise iusques à Beaumont, & encores oultre, & le Roy, & ceux des Bastilles demourerent en leurs logis. Et adonques les Anglois voyans, que point ne seroiēt combattus, prindrēt cōseil, & conclurēt l'un avecques l'autre de passer la riuere d'Oize s'ils pouoient, pour aller en l'Isle de Frâce, & mesme mēt au logis du Roy. Si se deslogerent dont ils estoïēt logez au quatriesme iour, & tous ensemble s'en allerent loger à Châuille-hault-Vengier. Et pource qu'ils estoïēt assez aduertiz & informez, qu'on gardoit les passages contre eux, veirēt biē qu'ils ne pouoiēt mieux faire ne acheuer leur entreprinse, que par nuit. Et auoiēt de petis bastiaux de cuir, & de bois, cordes, & autres habillemens tous propices à faire pons, qu'ils auoient chargez sur chariots. Si ordonnerent que la greigneur partie de leurs gens seroiēt semblant de vouloir passer par force d'assault au port de Beaumont, en y faisant vntresgrand cry & haulte noyse, afin que toutes gens de leurs aduerses parties laissassent leurs gardes pour y venir : & les autres à tout leurs habillemens iroient tout coyement espier sur la riuere, quand ils verroient, qu'il seroit heure de besongner. Laquelle chose ils trouuerent selon leur intention, c'est à sçauoir adrefserent contre l'Abbaye de Beaumont, où lors n'y auoit point de

*Ruse des Anglois pour passer Oïze.*

guet :

guet: car desia toutes gens de guerre estoient allez deuers ledit lieu de Beaumont, où le dessusdit bruit, & cry estoient encommencé, si cōme entre eux Anglois auoient proposé & diuisé, & faisoient grand semblant de vouloir illec passer la riuere ce qui estoit mal possible, pourtant qu'on leur voulsist desfendre. Et adoncques les dessusdits Anglois bouterent vn bastel en l'eau, & passerent bien doutablement oultre trois ou quatre pour la premiere fois: lesquels attacherēt vne forte corde d'un bort à l'autre à tout petits poinçons, qu'ils auoient lié par le meillieu: par le moyen de laquelle ils passerent tātost de quarante à cinquāte, lesquels se fortifierēt de pieux aguilés aux deux bouts, ainsi qu'ils ont accoustumé & estably de faire. Or considerez le grand peril, où les premiers passāns se mettoient, pour vray s'il y eust eu tant seulement dix cōbattans de la partie des François, ils eussent biē gardé ledit passage cōtre ledit Duc d'Yorth. Si est moult bel exemple pour ceux, qui ont telle besongne à cōduire d'y commettre gens qui soient leurs, & doubter à perdre leur hōneur, pource que par mauuaise diligēce aduiēt souuent de grandes mes-aduentures. Et tost apres aucuns des gens de Floquet, qui auoient la charge de ce costé en retournant deuers Beaumont, où ils estoient allez au cry dessusdit, apperceurēt lesdits Anglois qui passioient. Si y allerent tantost, & crierent à l'arme tout du long de ladicte riuere iusques audit lieu de Beaumont, où estoient grand partie des Capitaines, qui monterent tantost à cheual. Et allerent les aucuns audit passage sur intention de les rebouter, mais ce fut peine perdue: car ils estoient en tresgrand nombre pour y resister: jaçoit ce qu'il y eust escarmouche entre icelles deux parties. A laquelle escarmouche fut mort vn tresuillant homme, nommé Guillaume du Chastel neveu de Messire Taneguy: & avec luy furēt morts deux ou trois autres. Et auoient fait lesdits Anglois vn pont de cordes, par lequel ils passerent tout leur charroy, & autres bagues, & habillemens de guerre. Et lors les François voyans, qu'ils ne pouoient mettre remede, se tirerent hastiuement grand partie vers Ponthoise, & noncerent au Roy de France ces nouuelles: lequel en fut moult grādement desplaisant. Et apperceut bien aucunement, qu'il estoit en grand peril de recevoir grand honte, dommage & destourbier. Si feit sans delay porter grand nombre de son artillerie dedans la grand Bastille de sainct Martin, & se prepara diligemmēt de desloger de là, & toute son armée se besoing luy en eust esté. Et lors iceux Anglois quand ils furent passez tout à leur ayse, coucherent la premiere nuit au pont dudit passage, & feirēt ce iour aucuns nouueaux Cheualiers. Entre lesquels le furent faits les deux freres du Côte d'Estaffort, dont l'un se disoit Comte d'Eu, & le lendemain se deslogerent asez matin, & cheuaucherent en moult belle ordonnance en tirant vers Ponthoise, & se logerēt en deux villages. Et adoncques eut le Roy conseil de laiser son logis de Maubuisson: & s'en alla à Poissy, & avecques luy tous ceux de son ost reserué ceux de la Bastille sainct Martin. En laquelle demourerent de deux à trois mille combattans ou enuiron: desquels estoit souuerain Capitaine le Seigneur de Cotiuy Admiral de France. Et avecques luy la Hire, Iochin Rohault, Jean d'Estouteuille & Robinet son frere, Messire Robert de



Bethune Seigneur de Moreul en Brie, le Seigneur de Chastillô, le Seigneur de Moyencourt, Regnault de Longueual, le Seigneur de la Roche-Guyô, le Seigneur de Moy en Beauuoisis, & moult d'autres nobles, & grans Seigneurs, & vaillans hômes de guerre: & aussi y demourerent ceux de la cité de Tournay dôt dessus est faite mētion. Et y auoit on retraict des viures de l'ost en tresgrād abondance, & au partement d'iceluy Roy leur fut promis de les secourir, & ayder en tout ce qui leur seroit possible. Et quād au boubleuert du bout du pont, que tenoiēt lesdits Frāçois, ils le delaisserēt, & abandonnerent. Et en apres le dessusdit Duc d'Yorth se tira vers Maubuisson dont le Roy de Frāce s'estoit party, & y trouua encores des viures, & moult d'autres biens, que les marchans n'auoient peu emmener, & là se logea. Et Thallebot s'en alla loger vne lieüe plus auant en vne ville sur la riuere entre Ponthoise & Conflans, lesquels logis ils tindrent trois iours. Et alloient en la ville par leur pont que ceux de dedans auoient reedifié, avecques leur boubleuert tout à leur bon plaisir. Et pareillement ceux de dedans issioient, quand bô leur sembloit, sans auoir empeschemēt, ou destourbier de leursdits aduersaires. Si esperoient ceux de ladiēte Bastille estre assailliz chacun iour, & estoient en voutentē d'eux tresbien deffendre: de laquelle chose au regard d'assault, ils n'auoiēt garde: car iceux Anglois n'eussent iamais boutē leurs gens en ce danger, attendu les affaires, qui leur suruenoiēt, dont ils ne pouoient encores veoir la fin. Mais nonobstant ce leur disoiēt, qu'ils les assauldroient, & qu'ils se departissent à tout vne partie de leurs bagues, & qu'ils feroient en gens de grand sens: attendu & veu que le Roy les auoit abandonnez, & laissez en ce danger: mais ils n'en auoient vouluēt: ains respondirent qu'ils n'en feroient riens, & que point ne les doubtoient. Entre lesquelles parolles furent faictes aucunes escarmouches entre eux, & plus de traict, que par aucune maniere. Et au quatriesme iour ledit Duc d'Yorth se deslogea dudit lieu de Maubuisson, & alla au logis de Thallebot, qui auoit fait faire vn boubleuert de cordes, clayes, & autres besongnes, par lequel ils r'appasserēt l'eäue d'Oize, & pouoiēt bien auoir cinquāte chars que charrettes. Et ce propre iour Pothô de sainte Treille s'estoit party de Poissy à tout grand quantité de gens de guerre, pour mener viures à la deuandictē Bastille. Et allerent apres luy le Connestable de Frāce, le Comte de S. Pol, & aucuns autres Capitaines pour le secourir, s'il en eust eu besoing: mais ils furent aduertiz du rapassage desdits Anglois, parquoy ils enuoyèrent deuers ledit Pothô dire, qu'il se hastast de retourner. Et il leur remāda, qu'ils s'en allassent passer par Meulā, par où ils s'en retourneroiēt audit lieu de Poissy par l'autre costē de la riuere: laquelle chose ils feirēt, & apres que le Duc d'Yorth, & ses Anglois furent r'appassez, comme dit est, s'en allerēt mettre en bataille deuant Poissy, où estoient le Roy, & le Dauphin avec grand partie des Seigneurs, & des Capitaines. Et y eut vne moult grāde escarmouche: à laquelle furent prins deux des archiers du Connestable de France, & vn archier du Comte de S. Pol. Et de là s'en allerent loger en vne ville nommée Tourtie sur Seine, & le lendemain retournerent à Mantre: & le Roy s'en alla à Poissy & à Conflans à tout vne partie de ses gens. Et ledit

ledit Connestable, le Comte de sainct Pol, & plusieurs autres allerēt passer à sainct Clou & de là à Paris, où ils furent deux iours, & puis retournerent toutes gens de guerre en l'Isle de France, où leur furent deliurées villes pour eux loger chacun selon son estat. Et depuis le Roy à tout les Seigneurs qui estoient entour luy, allerent à sainct Denys en France, où ils furent iusques à la my-Aoust. Et de là retourna le Roy encores à Cōslas, où il fait faire vn pont pour passer vne Ile sur la riuere de Seine. Avec ce fait faire vn autre pont pour passer la dessusdicte riuere tout outre: au bout duquel il feit vn bouleuert, & grans fossez entour, dedans lequel se logerēt grand nombre de gens de guerre: durant lequel temps Thalebort vint piller la ville, & l'Abbaye de Poissy, & les biens des Dames, & puis s'en retourna à Mante. Et brieu ensuiuant fut la ville de Ponthoise r'aitaillée pour la quatriesme fois, & y demourerent les gens du Duc d'Yorth au lieu de ceux, qui y estoient de par ledit Thalebort, dont le Roy fut moult trauaillé, voyant qu'il estoit petit apparant que son entreprinse veinst à bonne fin. Et conclusion il péla en luy mesmes, ques'il se departoit de là sans auoir l'obedience d'icelle ville de Ponthoise, qui tant luy auoit cousté, & deuant laquelle il auoit ja esté si longue espace de temps, celuy seroit vn tresgrand deboutement & deshonneur de s'en partir sans la subiuguer, & crieroit le peuple contre luy & ses Gouverneurs, & par especial les Parisiens, qui tant auoient mis du leur. Et avec ce estoit du tout aduertie comment les Princes de son Royaume, & mesmement de son sang, n'estoient point bien contens de son gouvernement: & luy auoit esté dit, qu'ils se deuoient assembler ensemble, & que ce n'estoit point pour son bien, & par ainsi n'estoit point merueille s'il auoit bien à penser. Neantmoins il se disposa, & conclud avec les plus feables de son Conseil, de retourner, & loger audict lieu de Maubuisson, & de poursuivre sadicte entreprinse, & y reuint au bout de douze iours apres qu'il en fut party. Si feit reloger ses gens en plusieurs lieux, ainsi comme ils estoient parauant son partement. Et vn autre iour se leua vne moult grande escarmouche au Connestable entre Maubuisson & ladicte ville, à laquelle fut mort Claude de Hangeft, Seigneur d'ardillieres du trait d'un canon. Et d'autre part durant le temps dessusdict, furent faictes plusieurs cheuauchées, & escarmouches entre les François & les Anglois: lesquelles à racompter chacun à par luy seroient trop longues & ennuyeuses, dont à l'une fut bleccé Charles d'Anjou d'une fleche: & au regard des grosses besongnes & rencontres, s'en firent peu qui facent à escrire. En apres le Côte de sainct Pol qui auoit ses gens, lesquels estoient moult trauailliez, & auoient despendu largement du leur, & moult desiroient de retourner en leur pays, & luy prierent qu'il les vouldist ramener, & print congé du Roy, & de Monseigneur le Daulphin, & s'en retourna deuers son pays: lesquels luy donnerent de beaux dons en le remerciant des bons seruices, qu'il leur auoit faict. Si se partit de là, & puis emmena ses gens pour passer la riuere d'Oize au pont saincte Maxence. A l'entrée duquel Pont le Capitaine d'icelle issit hors pour parler au Comte de sainct Pol. Si s'esmeurent entr'eux parolles rigoureuses: & tant qu'iceluy Comte de sainct Pol cuida faire pré-

*Thalebort pille  
l'abbaye de  
Poisy.*

dre ledit Capitaine: mais il saillit viftement dedans son fort. Et incontinct feir tirer de canons & d'arballestres sur ledict Comte de S. Pol & ses gens: desquels coups de canō fut tué le cheual de messire Ferry de Mally, & vn autre homme d'armes eut le bras rompu. Pour lequel debat ledit Comte, & ses gens se retrahirent arriere de là, & s'en allerent passer à Compiengne, & de là se tira ledit Comte en son pays: & ceux dudit Pont allerent apres aucuns de ses gens, qui estoient passez & allerent vers Mórdidier, si les battirent & destrousserent. Et en ces mesmes iours se partit pareillement le Comte de Vaudemont à tout ses gens, & aussi feirent autres grās Seigneurs & laisserent le Roy en l'estat que vous auez ouy, dont il n'estoit gueres ioyeux, quelque semblant qu'il monstraist: mais il ne pouuoit adonc auoir autre, & luy conuenoit attendre toutes les aduentures, qui plaisoit à Dieu luy enuoyer. Si faisoit de iour en iour tresdiligemment continuer de faire ieter ses gros engins contre les tours, & murailles de la ville, & avec ce contre l'Eglise de nostre Dame, estant au dehoirs d'icelle ville: laquelle les Anglois tenoient, & auoient tenu tousiours passé long temps. Lesquels murs de ladite Eglise furēt mout demoliz & abatus, & tant que le seiziesme iour de Septembre ensuiuant le Roy eut conseil de faire assaillir icelle Eglise, & fut par vn Samedy. Si fut assez tost prinse d'assault, & ceux de dedans morts & prins: laquelle Eglise estoit mout haulte & assez pres de ladite ville. Parquoy on pouuoit de là veoir grand partie du gouuernement desdicts Anglois, & avec ce les en pouuoient mout trauailler de petits canons, & couleurines, & aussi d'arballestres, & autres habillemens de guerre. Par le moyē de laquelle prinse de ladicte Eglise, fut de rechef conclud le Mardy ensuyuant, qu'on liureroit plusieurs assaulx à icelle ville, pour veoir, & essayer se on la pourroit bien conquerre. Et comme il auoit esté conclud fut fait: car le Mardy dessusdict le Roy, & tous les autres Seigneurs, & Capitaines feirent armer & habiller leurs gens, & les enhorterent tous eux crians à haute voix saint Denis, ville gaignée. Si se trouuerent tantost dedās en tresgrād nombre, qui tresvaillamment enuahirent les deffendans, lesquels commencerent à tourner le dōz, & fuyr pour eux retraire par les Eglises, & autres fors lieux. Toutesfois y eut tantost, & plus prestement plus de cinq cēs Anglois mis à l'espée, & le surplus furent prisonniers, qui pouuoient estre selon iuste estimation le nombre de quatre cens ou enuiron. Et entre les autres de ceux, qui y furēt morts, le fut vn Cheualier Anglois nommé messire Nicolle Bourdet, & si fut prins le Capitaine de ladite ville. Et de la partie du Roy y furent morts tant à assaillir la ville & au prendre comme ceux qui moururent apres par bleceures, quarante ou enuiron. Si furent aussi faits plusieurs nouueaux Cheualiers, entre lesquels le furent Jean & Robinet d'Estouteuille freres, Regnault de Longueual, le Bon Reuly & plusieurs autres. Et quant au regard de celui, qui monta premier sur la tour du Fricce, il fut mout auctorisé de tous les Seigneurs pour sa grand vaillance. Si le ennoblit le Roy & ses successeurs, & avec ce luy donna aucuns riches dons pour soy entretenir luy & son estat. Si entra ledict Roy en ladicte ville avec ceux de son assaut. Et assez tost apres que ses gens l'eurent gaignée, feir deffendre

*Prinse de nostre Dame de Pontoise.*

*Assault à Pontoise dont elle fut prinse*



deffendre incontinent, qu'on ne fait nulle force aux habitans d'icelle ville, qui s'estoient retraits eldictes Eglises, sinon à ceux qui estoient armez. Et luy venu, la banier au plus pres de luy deuant la grand Eglise, yn Anglois faillit hors d'icelle, qui se rendit à luy. Si le receut à mercy depuis & le deliura sans payer aucune finance, & luy donna aucuns beaulx dons. Et tantost entra dedans icelle Eglise, & fait son oraison moult deuotement, & humblement deuant le grand autel, en regrant Dieu son createur de la belle & bonne fortune, qu'il luy auoit enuoyée. En apres tout le iour & la nuict ensuiuant iceux François cherchoient les Anglois, lesquels s'estoient muez en plusieurs lieux, & diuers, & ainsi qu'il les trouuoient les mettoient à l'espée, ou les prenoient prisonniers. Ainsi & par ceste maniere recquist Charles Roy de France septiesme de ce nom la dessusdite ville de Ponthoise par force d'assault à son tresgrand honneur, deuant laquelle ville il auoit eu plusieurs grans affaires, comme dessus est declairé. Et au regard des nobles tant Cheualiers, comme Escuyers, & autres gens de guerre, qui furent à iceluy assault, il en y eut tresgrand nombre, qui s'y portoiert preud'hommeement moult vaillamment: entre lesquels ne fut dit, que messire Charles de Bosqueaulx y auoit esté bien veü.

*Comment le Duc d'Orleans retourna de France deuers le Duc de Bourgongne.*

**E**N l'an dessusdict Charles Duc d'Orleans retourna du pays de France deuers le Duc de Bourgongne, qui se tenoit pour lors en la ville de Hesdin: lequel Duc de Bourgongne quand il sceut sa venue, alla au deuant de luy, & s'entreferirent grand chere, & tous ensemble s'en allerent audict lieu de Hesdin, où le dessusdict Duc d'Orleans fut par l'espace de huit iours, & y solemnisa la feste de Toussains. Pendant lequel temps tindrent l'un avec l'autre plusieurs grans, & estroits conseils sur leurs affaires, & besongnes: & conclurent d'eux assembler assez brief ensuiuant en ladicte ville de Nevers, avecques plusieurs autres grans Princes, & Seigneurs du Royaume de France. Lesquels iours passez ledit Duc d'Orleans se departit d'illec, & par saint Pol s'en alla en la ville d'Arras, où il fut moult hautement, & honnorablement receu, & festoyé de tous les estats de ladicte ville, & luy furent donnez aucuns beaulx & riches dōs; & puis partant de là, s'en alla à Paris, & de Paris à Blois. Apres lequel temps le Duc de Bourgongne fait assembler certain nombre de gens de guerre, lesquels il conduisit, & mena au pays de Bourgongne. Au deuant duquel Duc vindrent de deuers Troyes en Champaigne grand partie des Nobles dudit pays de Bourgongne pour le accompagner. Si r'enuoya les Picards, qu'il auoit là amenez, & leur fait deffendre moult destrōictement, qu'ils ne seiournassent ne messissent riens au pays, ne aux subiects du Roy de France. Si fut en ce voyage pour la seconde fois abatue la forteresse du seigneur de Commercy, c'est à sçauoir la forteresse de Montagu, laquelle ledit Seigneur auoit fait reedifier.

S'enfuit la coppie des instrumens enuoyée au Roy Charles de France par les Seigneurs, qui s'estoient assemblez à Neuers: & les responces faictes à icelles par ceux de son grand Conseil, & les requestes faictes par les dessusdicts.



REMIEREMENT reciterent quatre articles autres fois proposez par les Ambassadeurs du Roy, par luy enuoyez à Neuers deuers lesdits Seigneurs avec les responces seruans à vn chacun article.

ITEM remonstrerent au Roy la necessité de la paix generale du Royaume de France, & en ensuiuant ce que par luy auoit esté accordé: il deuoit (pour enier charge) faire entretenir la iournée de la paix au lieu accoustumé sans soy arrester à la difficulté du lieu, où on ne veoit point d'interest suffisant pour empêcher ladicte iournée de paix: & aussi que la iournée de Tartas, & celle de ladicte paix: se peussent bien estre entretenues.

Responce faicte par le Roy ausdits articles.



VANT est au premier point il ne s'y fault point arrester: car il n'a point esté recité de responces faictes à Neuers par les Seigneurs à monseigneur le Chancelier de France, à messire Loys de Beaumont, & aucuns autres enuoyez audit lieu de Neuers de par le Roy.

AVDIT second article touchât les remonstrances de la paix: le Roy a eu, & a tousiours bon vouldoir d'y entendre, & proceder par effect par tous moyens licites & raisonnables, comme il scait bien, & peut scauoir, que lesdits Seigneurs ainsi l'entendent. Et veuz les grans deuoirs qu'il a faits en ceste matiere, il s'en tient estre bien acquité enuers Dieu & le monde. Car comme il est notoire, quand le traicté fut faict d'entre le Roy, & Monseigneur le Duc de Bourgogne en la ville d'Arras, le Roy feit par l'aduis de monseigneur de Bourgogne, qui disiroit le bien & vnion desdits Royaumes, offres bien grandes, & plus qu'il ne deuoit aux Anglois, qui pour lors estoient enuoyez par le Roy d'Angleterre, pour traicter la paix desdits deux Royaumes: lesquelles offres furent par eux refusées. Et pource & autres choses sembla aux Cardinaux, & autres illec enuoyez pour ladicte matiere par nostre saint Pere le Pape, & le saint Concile de Balle: aussi aux paires & Seigneurs de mondit Seigneur de Bourgogne, qui auoit assemblez de tous ses pays en bien grand nombre, que veue la defraison, qui estoit en la partie d'Angleterre refusant telles offres, ledit Seigneur de Bourgogne, ne se deuoit plus tenir à eux par loyauté: mais tant que pour autres causes s'en pouuoit esconduire, & faire paix avec le Roy son naturel, & souverain seigneur.

ITEM & depuis, le Roy à la requeste de monseigneur le Duc d'Orleans, & le Duc de Bretagne, & du consentement de mondit seigneur de Bourgogne, sans lequel iamais à ladicte paix d'Arras n'a voulu entendre, ne proceder à nuls moyens de paix avec lesdits Anglois: jaçoit ce que de leur part aucunes ouuertures leur en ayent esté faites: mais pour tousiours soy mettre en son deuoir, enuoya deuers mondit seigneur de Bretagne ses Ambassadeurs solempnels à tout pouuoir suffisant, pour prendre lieu de conuencion, où les Ambassadeurs solempnels de la part du Roy de France, & d'Angleterre, peussent aller, & mondit seigneur le Duc d'Orleans, qui deuoit estre amené à Chierbourg y peust estre: laquelle chose pour lors ne print aucun effect.

ITEM

ITEM depuis la requeste de monseigneur d'Orleans, & de Madame la Duchesse de Bourgogne, le Roy consentit tenir iournée entre Grauelines, & Calais, pour le faict de ladicte paix à certain iour: auquel lieu, & temps il enuoya ses Ambassadeurs à pou- uoir suffisant: non obstant que ledit lieu de Grauelines, & Calais estoit bien loingtain, & en l'obeyssance de ses ennemis: mais ce luy feit accorder, & consentir la faueur de mondit Seigneur le Duc d'Orleans, qui pour celle cause deuoit estre amené au dessusdit lieu de Calais: car le Roy vouloit, & desiroit, qu'il fut present ou auprès du lieu, où ladicte cause seroit demenee, pour y auoir son aduis, ainsi que bien raison estoit veu la proximi- té de lignage, à quoy iceluy Duc d'Orleans + attient au Roy: & aussi pour paruenir + appartiet à aucuns moyens de sa deliurance. Et si ne feut pour les causes dessusdictes, le Roy n'eust point accepté le lieu de Grauelines dessusdit. A laquelle conuention fut faicte vne cedule par mondit seigneur d'Orleans, & madicte Dame la Duchesse de Bourgogne, contenāt plusieurs poincts touchant ladicte paix. Laquelle cedule fut enuoyée deuers le Roy Char- les, où il auoit lors ses trois estats pour la diuersité des opinions, aussi pour la faulte de mō- dict seigneur le Daulphin, auquel (comme chacun scet) touche plus, qu'à nul autre apres le Roy. Et aussi que point n'y estoient les seigneurs, & gens des pays de Languedoch, de Vienne, & d'autre pays, fut prinse vne autre iournée à Bourges en Berry au mois de Feurier ensuiuant. Auquel iour, & lieu le Roy auoit intention d'estre: mais non obstant certaines diuisions, qui lors suruindrent ne peurent venir à ladicte iournée.

ITEM & neantmoins en entretenant l'appoitement de la iournée prinse par mondit Seigneur d'Orleans, & madicte Dame la Duchesse de Bourgogne, enuoya à la iournée entreprinse au premier iour de May solennelle Ambassade avec pouoir suffisant, pour besongner au faict de ladicte paix. Et y furent, & demourerent lesdicts Ambassadeurs par l'espace de sept, ou de huiet mois sans riens besongner. Et tant seulement fut emprinse vne autre iournée au premier iour de May ensuiuant, l'an mille quatre cens quarante deux. Auquel iour de rechef le Roy enuoya de moult notables Ambassadeurs, ayans pou- uoir suffisant comme dessus, & n'y fut riens besongné pour la deffaite des Anglois, qui n'y auoient enuoyé qu'un simple Clerc, qui n'estoit point personne suffisante pour trai- ter de telle, & si haulte matiere.

ITEM & lors de rechef fut fort pour parlē par mondit seigneur le Chancelier avec madicte Dame la Duchesse de Bourgogne, d'entreprendre vne autre iournée au premier iour de ce present mois de May es marches de Beauuais, de Senlis ou de Chartres: laquelle iournē madicte Dame de Bourgogne feit sçauoir au Roy d'Angleterre. Et luy fut faict responce par vnes lettres, lesquelles elles enuoya au Roy de France: & en effect contenoit, qu'en autre lieu ne tiendroient, ne feroient tenir ladicte conuention, que audict lieu de Grauelines: auquel lieu le Roy n'a deliberé de tenir ladicte iournée. Et mesme- ment veu que par trois fois le Roy auoit enuoyé en l'obeyssance desdicts Anglois, ne de- uoient iceux Anglois reffuser lieu en l'obeyssance du Roy de France, ou ils pouuoient seurement, & conuenablement assembler. Et ce que le Roy consentit tant de fois assembler audict lieu de Grauelines, à estē en faueur de la deliurance de mondict seigneur le Duc d'Orleans.

ITEM & neantmoins le Roy pour tousiours de plus en plus monstrier, & donner à cognoistre son bon propos & voulentē, en continuant ce que par monseigneur le Chancel- lier auoit faict sçauoir à madicte Dame la Duchesse de Bourgogne, est content de tenir iournée avec lesdits aduersaires les Anglois, pour le bien de paix au xxv. iour du mois



d'Octobre prochain ensuiuant, es marches cy dessus declairées : c'est à sçauoir entre Ponthoife, & Mante, entre Chartres, & Urcueil, entre Sablé, & le Mans, iusques à la place moyenne deuisee, & prinse par les Ambassadeurs, commis d'une part & d'autre. Et ne peut le Roy plus tost prendre iournée, qu'il audist xxv. iour pour deux causes tresraisonnables. La premiere si est, qu'il vouloit estre retourné de la iournée de Tartas au tēps dessusdits, & estre pres du lieu, où ladicte conuention se tiendroît accōpagné de messeigneurs de son sang, qui estre y voudroient, ou de leurs gens: aussi de Prelats, Barons, & grans seigneurs, & autres notables hommes de son Royaume: mesmement ceux de la nation de Normandie, sans lesquels avec les autres dessusdits il n'a intention de proceder, ne besongner en ladite cause & matiere de paix, ainsi que raison est, veu qu'ils ont bien acquitté leur loyauté enuers le Roy son pere, & luy, & tant y ont souffert, qu'ils ont bien desseruy d'y estre appelez, & d'en auoir l'opinion d'eux, & leur Conseil, & aussi pour ce que chose leur touche plus qu'à nuls autres. L'autre cause si est pour les anciennes alliances, qui sont entre les nations d'Espaigne & de France, & de celles d'Escocce: lesquelles iusques à l'heure presente se sont bien entretenues: le Roy enuoyera iceluy temps pendant deuers lesdits Roys d'Espaigne, & d'Escocce, & les autres alliez, pour eux signifier la cause de ladicte conuention, afin d'auoir leur aduis, conseil, & consentement: car par les anciennes alliances, qu'ils ont ensemble, ils ne peuuent, ne doiuent faire paix finale, ou prendre longues trefues ausdicts Anglois, sans le consentement les uns des autres: car tousiours depuis lesdictes alliances faictes entre les dessusdits Roys de France, d'Espaigne, & d'Escocce & autres, elles ont esté bien gardee, & entretenues & de par le Roy, qui à l'heure presente les a confirmées, ne pour riens ne les voudroit enfreindre, n'aller au contraire: & bien à cause de ce faire: car il a trouué lesdictes alliances entr'eux bonnes, & seures, & les gens de leurs pays, & ont fait leurs subiects de grans seruices à la maison de France. Et pour ce que le Roy doit desirer, & desirer, que les deuoirs en quoy il s'est mis, & veult mettre lesquels, comme luy semble, deuoiuent estre tenus de toutes gens tres licites, & raisonnables (soient cogneuz par tout, maintenant & pour le temps aduenir, & que ce soit son acquit, & de charge enuers Dieu, & le monde, il a intention de signifier les deuoirs dessusdits, en quoy il s'est mis & l'offre, que de present il fait de tenir conuention avec lesdits aduersaires pour le bien de paix es lieux dessusdits: qui auant, ou plus sont à seureté de partie aduersse, comme du Roy, à nostre S. Pere le Pape, ausdits Roys d'Espaigne, & d'Escocce, & autres seigneurs ses alliez. En outre le Roy fera sçauoir à la partie d'Angleterre afin qu'ils y enuoyent: & requiert le Roy à monseigneur le Duc d'Orléans, à messeigneurs les Ducs de Bourgongne, & de Bretagne, & Madame la Duchesse de Bourgongne, qui en ceste matiere se sont employez, que deuers ladicte partie d'Angleterre ils veulent enuoyer aucuns de leurs gens pour exploier, induire, & mouuoir à renuoyer leurs Ambassades solempnels avec bon, & suffisant pouuoir au iour, & l'un des dessusdits pour illec besongner au bien de la matiere de paix. Auquel temps n'y aura point de faute, que le Roy n'y enuoye gens notables ayans pouuoir suffisant.

ITEM le Roy veut dès maintenant ouurir, & descouurir sa volenté à messeigneurs comme à ceux de qui il doit estre seur & certain, qu'ils veulent l'honneur de luy, & de sa Couronne, ainsi comme raison est: comme ceux, qui en sont descendus, & prochains touchans certaines parolles, qui furent dictes dont le Roy est informé, qui seruent beaucoup à la maniere de paix. Lesquelles sont qu'à la premiere assemblée, qui fut tenue entre Granelines, & Calais, present Madame la Duchesse de Bourgongne, & le Cardinal d'Angleterre

gle terre, fut prononcé par la bouche de l'Archeuesque d'Orth que vsque in vltimo statu, toute la natiō d'Angl terre ne souffriroit pas, ne cōsentiroit que leur Roy tint riens en hōmage, ressort, ne souueraineté de nul autre Roy, ou Prince que de luy m<sup>sm</sup>. s, qui estoit chose mal cōcordable pour paruenir à quelconque traité de paix, & n'est point chose, qu'il se puisse, & doie faire. Et pour ce le Roy est delibéré, & arrêté, que pour riens il ne baillera, ne delaissera aucune chose ausdits Anglois, que ce ne soit en son hōmage, souueraineté, & ressort cōme les autres vassaux de son Royaume, & ses subiets: car il ne veut pas, que ce que ses predecesseurs ont augmenté, & accru par vaillance, & bon gouuernement d'eux, & l'ayde de ses subietts, soit ainsi perdu: & ne pourroit croire le Roy, que pour riens nule de messeigneurs de son sang ne les vaillans, & notables hommes de ce Royaume, s'y peussent consentir, ne encores, se faire le vouloit, le souffrir, considéré la hautesse, & excellence de la Couronne de ladite maison de France.

ITEM qu'à fin que chacun cognoisse les douoirs, que le Roy a faits iusques à present pour entendre à auoir ladite paix, & que pour le temps aduenir, & charge ne luy en peust estre imputée, il sera pour estre en memoire enregistrer en sa chambre des comptes ceste presente responce.

ITEM au regard de ce qu'ils ont requis provision conuenable deuant l'allée du Roy à Tartas, aux nouuelles entreprinſes des Anglois au pays Chartrain & de Beauffe, le Roy donne remede: & y enuoie le Bastard d'Orléans, que lesdits Princes ont, & auront bienaggreable avec puissance de gens de guerre, pour resister ausdictes entreprinſes.

ITEM que pour ce que lesdits Seigneurs se doiuent prochainement assembler à Neuers, ont lesdits Ambassadeurs requis au Roy, qu'en entretenant tousiours ce que par ses Ambassadeurs auoir fait ſcauoir aux dessusdits Seigneurs, qu'il estoit content, que messigneur le Duc de Bretaigne s'assembla avec eux audit lieu de Neuers il plaist au Roy estre de rechef & mander, qu'il s'assemble audict lieu de Neuers avec lesdits seigneurs en luy enuoiant son sauſconduit, & seurté si besoing en est.

LE Roy ſeit ſcauoir par Monſeigneur le Chancellier, & messire Loys de Beaumont, qu'il estoit content de leur assemblée, esperant les veoir en sa ville de Bourges, ou quelque lieu qu'ils feussent venus, & leur eut fait bonne chiere & vœux d'entiers, comme ses plus prochains parens, & communiqué avecques eux sur les affaires de son Royaume. Et quant à la venue de monſeigneur de Bretaigne à Neuers, le Roy s'esmerueille de ce qu'ils n'en font mention, ne plaincte: car le Roy estoit en bonne intention, que s'il fut venu par terre, que son plaisir estoit, qu'il passast par Tours, pour l'accompagner audict lieu de Bourges à la venue desdits Seigneurs, se bonnement, & à l'aise de sa personne se pouoit faire. Autrement eust peu sembler audict Duc de Bretaigne, que le Roy se fut voulu estranger de luy: & n'antmoins le Roy enuoia le Sire de Gaucourt avec lettres patentes, lesquelles il a deuers luy, pour ſcauoir s'il vouloit aller par eue par Blois, & Orleans, pour luy compaigner, & luy faire ouerture, comme à sa propre personne. Et de rechef escrire au dessusdict Duc de Bretaigne de s'assembler à Neuers, ne semble point au Roy, que ce soit chose raisonnable, ou conuenable, que lesdits Seigneurs facent assemblée, pour traicter des ſaiets de ce Royaume en l'absence du Roy, ou sans son commandement, mais le Roy à son retour de Tartas a bien intention de les requerir de leur ayde, conseil, & secours: & mettre armée sus la plus grande qu'il pourra, pour entrer en Normandie, à ce qu'il ait meil-

leur traité de paix, ou qu'il puisse à l'aide de Dieu, & d'eux recourir sa Seigneurie.

ITEM au regard de iustice, ont requis au Roy, que tant en Parlement, qu'autres offices de iustice de ce Royaume, il luy plaise commettre personnes sages & experimenter au fait de iustice: & pourueoir aux offices & non point aux personnes.

LE Roy à son pouuoir a tousiours mis, esleu, & constitué en son Parlemēt, les meilleurs, & les plus sages, & plus idoines Clercs, qu'il a peu trouuer ne finer. Et encores y sont des plus sages, & des plus notables pour le present commis Clercs, Iuristes, & experimenter de ce Royaume. Et en faueur & requeste de monseigneur le Duc de Bourgongne, le Roy a mis douze tels, que mondict Seigneur de Bourgongne luy à voulu nommer, d'autres Seigneurs quand ils ont requis pour personnes qui le vailent es autres offices de la iustice du Royaume, le Roy y a mis gens notables, & suffisans pour excercer bien, & deuement lesdictes offices, tant par eux comme par leurs Lientenans: qui sont gēs de iustice, & Clercs, & notables hommes en tel caseux cognoissans, pour faire, & administrer iustice.

ITEM qu'il plaise au Roy faire abregier les proces, & administrer iustice aux parties, & tant aux subiets desdits seigneurs, comme aux subiets du Roy, sans moyen en faisant constitution, & par effect l'entretenant à ce, que sans auoir regard aux partialitez du temps passé bonne iustice y soit mise, & administrée.

LE Roy n'a iamais eu plante de doleance desdites choses, & desire de tout son pouuoir l'administration de iustice, & l'abreuiation des proces, sans auoir regard ausdictes partialitez: ains voudroit punir tous ceux, qui feroient le contraire. Et l'intention du Roy est escrire à sa Court de Parlement, & à ses autres officiers de iustice: que dorenuant ils abregerent encores plus, qu'ils n'ont accoustumé lesdits proces, & facent bon & brief droit ausdites parties, sans auoir regard ausdites partialitez.

ITEM ont remonstré au Roy l'horreur des roberies, outrages, & derisions, que sont plusieurs gens de guerre, qui se dient au Roy, tant sur les subiets desdicts seigneurs, que sur les siens: requérant sur ce prouision non par lettres, ou parolles, mais par effect: & aussi ont remonstré, qu'il seroit conuenable, que seulement aucuns Capitaines notables, qui bien & loyaument ont seruy le Roy, eussent la charge des Gens d'armes, & de guerre.

ITEM que les gens de guerre feussent payez, & souldoyez, & logez es frontieres, & sans punition on ne leur souffrist tenir les champs, ou viure sur le peuple. Et avec ce que le Roy retienne seulement pour luy seruir gens experimenter de la guerre, & non soy arrêter à la multitude: mais contraigne les gens de bas estat, oiseux, noisieux, & non sçachans de la guerre, d'eux retourner à leurs labours, & leurs mestiers.

LES DICTES pilleries ont tousiours despleu au Roy, & desplaise de tout son cuer, & s'est essayé plusieurs fois de vider toutes gens faisans pilleries. Et quant aux logis sur frontieres: luy estant dernièrement à Angiers l'auoit fait, & ordonné, & les auoit establis, & souldoyez: mais lors, & depuis on luy a leuez lesdits Gens d'armes, qui a esté cause de remettre les pilleries sur les pays. Et ont esté faictes plusieurs trauerses, parquoy on n'a point peu executer, ne donner prouision ausdictes pilleries, ainsi qu'il auoit proposé, & intention de faire. Et est le Roy du tout delibéré en suiuant le Conseil desdicts seigneurs d'y pourueoir si conuenablement, que lesdictes pilleries cessent & de casser toutes gens inutiles pour la guerre. Si requiert ausdits seigneurs, qu'ils ne vueillent accueillir aucuns, qui feroient contre ladicte ordonnance.

ITEM ont remonstré au Roy la pauureté du commun peuple, & excessiues tailles, aydes,



aydes, impositions, gabelles dont les d'ffusdits subiets sont insupportablement soulez, requerrans qu'il plaist au Roy d'y pourueoir conuenablement, & moderément.

LE Roy est tr deplaisant de la pauureté de son peuple en quoy il a tresgrād intereſts, & dommages, & a intention selon son pouoir de les releuer, & supporter le plus fort qu'il pourra; & pour eux oſter de la pillerie luy a cōuenu aller l'an passé es pays de Chāpaigne ou il a esté, & fait cesser ladite pillerie. Semblablement le fera es autres lieux de son Royaume, & ne cessera iusques à ce qu'il ait & fait mesmement, cōme dessus est dit, touchant les Gens d'armes, qui demourerent esdites frontieres, en leur faisant payement, & ordonnance de viures; enquoy il est delibéré d'entendre & vacquer, autrement cognoist la depopulation, & d'ſtruſtiō de tout son Royaume, & de ses subiets. Et au regard des tailles, aydes, & gabelles excessiues, dont les subiects desdits seigneurs sont insupportablement greuez & soulez; le Roy a plus supporté les subiets desdits seigneurs, que les siens propres, & sera trouué que quand en l'année sur lesdits subiets du Roy auront esté leuées deux tailles, sur les pays & subiets desdits seigneurs n'en aura esté leuée qu'une, que lesdits seigneurs mesmes ont prinſe, leuée, & empeschée, ou la plus grand partie. Pourquoy appert, que besoing a esté au Roy auoir autre ayde, que d's pays desdits seigneurs, pour conduire le fait de sa guerre, & de ses autres grans affaires.

ITEM ont remonstré au Roy, comment telles tailles, & impositions se doiuent mettre sus, & imposer, & appeller les seigneuries, & les estats du Royaume.

LES aydes ont esté mises sur les seigneurs, & de leur consentement. Et quant aux tailles le Roy, quand il a esté en lieu, les a appellez ou fait ſſauoir, combien que de son autorité Royal veu les grans affaires de son Royaume ſi vergens, comme chacun ſçet, & mesmement ses ennemis en occupant vne grand partie, & destruisant le surplus le peut mettre sus, ce qu'autre que luy ne peut faire sans son congé. Et n'est ja nul besoing d'assembler les trois estats pour mettre sus lesdites tailles, car ce n'est que charge, & despence au pauvre peuple, qui a à payer les fraits de ceux qui y viennent: & ont requis plusieurs notables seigneurs dudit pays, qu'on cessast de telle conuocation faire. Et pour ceste cause sont contents, qu'on enuoye la commission aux eſleuz selon le bon plaisir du Roy.

ITEM qu'aux grans affaires de ce Royaume, le Roy deueroit appeller les Princes de son sang plus que nuls autres: & qu'ainsi se doit faire raisonnablement veu leur grand intereſt, & ainsi est accoustumé de faire par les treschrestiens Roys de France ses progeniteurs.

ITEM ont requis au Roy, qu'il luy plaist entretenir lesdits seigneurs en leurs prerogatiues, & autoritez, lesquelles ils ont tant a cause des parties, & autres seigneuries, qu'ils ont au Royaume.

LE Roy n'a traité d'aucune matiere haute sans le ſceu desdits seigneurs, ou de la plus grād partie d'iceux: & encore son intetiō n'est point d'autrement faire, & son plaisir & sa volonté est de les entretenir en leurs prerogatiues, & autoritez, & n'a riēs fait au cōtraire. Ainsi luy ſacent les seigneurs, & ſacēt faire à leurs subiets en leurs terres & seigneuries, a nſi qu'ils sont tenus de faire. ITEM qu'il luy plaist eſlire en son grand Conseil gens notables cremans Dieu, & non extremes, ou passionnez es diuisions passées.

ITEM qu'il plaist au Roy eſlire lesdits Conseillers en nombre competent, & non plus commettre la somme, ou conduict des grans affaires de ce Royaume à deux ou trois, comme il a esté fait par cy deuant.

LE Roy de son pouoir a tousiours quis & eſleu en son Conseil des plus notables de son Royaume, ne le Roy n'a eu regard aux diuisions passées, il les a & tient pour oubliées, &

a tousiours le Roy en bon nombre de Conseillers: par lesquels il a conduit, & delibéré les matieres, ainsi que le cas, & le temps l'ont requis.

ITEM qu'il plaise au Roy prendre en bien ces remonstrances venues les quatre causes remonstrées au Roy, qui ont meu lesdits seigneurs de ce faire.

ITEM ont remonstré au Roy le fait de monseigneur le Duc d'Alençon, en luy requerant, qu'il luy pleust restituer la place de Nyort, ou luy faire promptement deliurer son argent ou paiement: & aussi le reestabliir à sa Lieutenance, & pension, & luy faire restituer la place de sainte Susanne, & un sien prisonnier, Anglois, ou luy administrer bonne, & briefue iustice.

QUAND le Roy a esté en son pays de Poictou pour y donner prouision, & faire cesser les pilleries, qui s'y faisoient, & mettre en sa main plusieurs places: par lesquelles se faisoient lesdictes pilleries, doubtant le Roy que durant le temps de son voyage de Tartas, & en son absence, que par les villes, & chasteaux de Nyort fut porté dommage au Roy, & à son pays de Poictou, ainsi qu'aucunes fois, & autres fois a esté, le Roy le reprint en sa main en intention de payer, & contenter ce enquoy il estoit tenu: jasoit-ce que toute la debte ne fut point de prest, & desia à saint bailler à mondii seigneur d'Alençon six mille escus: & le surplus à son payemēt fera faire, & bailler aux termes, & ainsi que le Roy l'a escrit à mondii Seigneur d'Alençon, & n'y aura point de faute, sans ce que le Roy ait regard aux rentes, & reuenues audit lieu de Nyort, que mondii Seigneur d'Alençon a leuées le temps qu'il l'a tenue. Touchant le reestablisement de sa Lieutenance & pension, quand mondii Seigneur d'Alençon se conduira, & gouvernera enuers le Roy, ainsi qu'il doit: le Roy traittera comme son parent & subiect: en ayant memoire de la prochaineté de lignage, & aux seruices, que luy & les siés ont fait au Roy, & au royaume, & tousiours l'a fait iusques à ce que la faute soit venue par luy. Touchant la place de sainte Susanne, le Roy ne l'a point baillée au Seigneur de Bueil, ne de par luy il ne la detient. Et toutes fois que mondii Seigneur d'Alençon requerra au Roy iustice, il luy administrera, & fera administrer tres-volentiers. Et ledit Seigneur de Bueil a bien dequoy respondre, s'il tient de tort à mondii Sicur le Duc d'Alençon. Semblablement du prisonnier qu'il demande, luy sera administrée raison & iustice.

ITEM ont parlé du fait de monseigneur de Bourbon, demandant que sa pension luy fut entretenue, laquelle n'est point excessiue.

LE ROY a tellement fait continuer, que rien ne luy en est deu: & sur quatorze mille, & quatre cens francs, que monte sadiète pension sur ceste presente année, le Roy auoit ordonné, luy estre baillé neuf mille Francs, que ses gens ne vouloient accepter à Bressure en Ianuier dernier passé, & s'esmeruilla le Roy comment à present il en fait mention.

ITEM ont parlé du fait de monseigneur de Vendosme, en suppliant au Roy, qui luy pleust luy faire auoir les pensions, & biens, qu'il a euz par cy deuant, dont il est bien mestier audit Seigneur & n'a point besoing qu'elles luy soient cassées: & aussi qu'il plaise au Roy, qu'il peust venir exercer son office de grand maistre d'hôtel, comme il auoit de coustume de faire.

LE ROY ne l'a point mis hors de son hôtel, luy mesmes s'en est mis hors: & quand mondii seigneur de Vendosme se gouvernera enuers le Roy, ainsi qu'il doit, le Roy fera ce qu'il appartiendra.

ITEM, & au regard de monseigneur de Neuers, considéré la prochaineté de lignage dont il attient au Roy, & que monseigneur son pere mourut en son seruice, & les serui-



ces, que monseigneur de Neuers peut faire au Roy, il luy plaise faire à faire oster & cesser les empeschemens à luy mis au garnier à sel d'Arcy sur Aube, & luy faire auoir les descharges en la maniere accoustumée pour le payement de sa pension dessusdictée.

LE Roy en contemplation de mondit seigneur de Neuers, & en faueur de luy (nonobstant les grans charges & affaires, que le Roy a à supporter pour le fait de sa guerre) est tresbien content, que mondict seigneur de Neuers ait sa dessusdictée pension: dont il prendra en payement sa composition des Rethelois, pour autant qu'elle vaut. Et au surplus le Roy luy bailla de ses tailles & aydes, en faisant & donnant obeysance au Roy ses lettres, mandemens, & officiers es terres de mondit seigneur de Neuers, autres que iusques à maintenant n'a esté faict: & n'est point le Roy content, que mondit seigneur de Neuers souffre par toute ladicte Comté de Rethelois, ses pays de Champagne, & autres pays voisins estre soulz, couruz, manger, ne destruits tant par ses gens, comme par autres, qui y passent, & se retrayent en ladicte Comté de Rethelois, & pour y pourueoir, tellement que le Roy ait cause d'en estre content. Et au regard dud't grenier d'Arcy sur Aube, le Roy veut qu'on enuoye en sa chambre des comptes, s'auoir si mondit seigneur de Neuers doit prendre, & auoir ledit garnier d'Arcy, & ce qui luy en sera certifié par ladicte chambre, le Roy y donnera prouision.

ITEM ont parlé du faict de monseigneur le Duc de Bourgogne, sans vouloir faire de present aucune poursuite ainsi, & par la maniere, qu'il l'a proposé. C'est à sçauoir pour donner à cognoistre au Roy, que le traicté de la paix entre le Roy, & luy n'est point encore accompli en plusieurs articles de la part du Roy: & aussi qu'il y a tresgrand nombre d'articles, où on attende directement, & encore fait on de iour en iour contre ledict traicté de paix au grand preiudice de mondict seigneur de Bourgogne.

LE Roy a tousiours désiré, & voulu auoir paix, amour, & bon accord avec mondict seigneur de Bourgogne, & pour l'auoir n'y a riens espargné, & iusques à present a tousiours entretenu ladicte paix, & accord: & a voulu de l'ainsi faire sans riens interrôpre. Et pour le mieux fermer, & entretenir, a le Roy bien voulu le mariage de sa fille aller avec son fils monseigneur de Charrolois. Et quant à ce qui reste à accomplir du traicté de la paix d'Arras fait entre le Roy, & mondit seigneur de Bourgogne: mondit seigneur a veu les grans affaires, que le Roy iusques à present a eu, & soufferts: pourquoy ne les a peu accomplir, ainsi qu'il eut voulu, mais il a intention, & bon vouloir de les accomplir au mieux, & le plus brief qu'il pourra, & tant, que mondit seigneur le Duc de Bourgogne en deura estre content. Et quant à ce qu'audit article est faicte mention, que en plusieurs points, & articles de ladicte paix, a esté attempté directement de la part du Roy, & fait on de iour en iour: le Roy ne sçet, ne croit, & ne voudroit, que riens de sa part eut esté attempté, ne faict au contraire: mais bien auroit le Roy sur ce de quoy soy douloir, dont il se passe de present.

ITEM apres que les Ambassadeurs, dont dessus est faicte mention, eurent esté, & vacqué par plusieurs iournées en l'hostel du Roy, où ils furent receuz assez honnorablement: & qu'ils eurent bien au long remonstré l'estat, & les articles, pourquoy ils estoient là enuoyez de par les seigneurs dessusdits, & ainsi que les responces sur iceux articles tant de bouche, comme par escrit, leur eurent esté baillez de par le Roy, prindrent congé, & s'en retournerent deuers les dessusdits seigneurs. Toutesfois le Roy n'estoit pas bien côté, ne ioyeux des assemblées, que les dessusdits seigneurs faisoient en



*Le Roy tient  
susceintes les  
assemblées qui  
se font en son  
absence.*

son absence: car de iour en iour y auoit des plus grans de tout son hostel, & de ceux de son priué Conseil: qui luy disoient & rapportoient, que lesdictes assemblées n'estoient point pour son bien, & qu'iceux Seigneurs s'esforçoient d'attraire de leur party les nobles hommes de son Royaume, avec les gens d'Eglise, & le commun peuple, pour faire tous ensemble nouvelles ordonnances, & bailler gouuernement en iceluy Royaume de par les trois estats, ce qui seroit, & pourroit estre à son grand preiudice: par ce que si ainssi estoit (comme ils disoient) il n'auoit nulle auctorité, sinon par les mains de ceux, qui auoient ledict gouuernement. A quoy le Roy dessusdict respondit, qu'il ne pourroit nullement croire, qu'iceux dessusdits seigneurs voulsissent ce faire contre luy, ne sa Majesté Royale: & par especial que le Duc de Bourgogne se voulsist entremettre, ne consentir d'aucune chose estre faicte à son preiudice, considéré la paix, & reunion, que n'agueres ils auoient faicte l'un contre l'autre. Et disoit outre, que s'il pouuoit estre certainement aduertý, qu'ils voulsissent traicter, ou faire aucune chose contre luy ne sadiete Majesté, il laisseroit toutes autres besongnes pour leur courre sus.

*De l'an mille cccc. & xliij.*

*Comment le Roy Charles de France feit grand assemblée des Gens d'armes, avec lesquels alla tenir la iournée de Tartas, à laquelle iournée les Anglois ne comparurent point.*



V commencement de cest an le Roy de France feit vn tresgrad mandement par toutes les parties, & par tous les pays, où il estoit obey, pour continuer son entreprinse, qu'il auoit encommencée, & assembler gens de guetre, sur intention d'al ler tenir la iournée de Tartas: de laquelle en autre lieu est faicte mention: car il auoit entrepris, & vouldenté d'y auoir la plus grosse armée, qu'onques il eut eu, pour nuls de ses autres affaires durant son regne. Et aussi la besongne luy touchoit mout grandement: car s'il eut delaisié icelle iournée sans y bailler secours, il estoit en peril, & en aduerture de perdre les pays de Guyenne, & de Gascogne, & tresgrad partie des Seigneurs à luy obeyssans, & avec ce les nobles d'iceux pays. Lesquelles gens de guerre avec plusieurs autres grans seigneurs se commencerent fort à mettre sus trespiligemment, & en tresgrande multitude: & s'assemblerent en plusieurs, & diuers pays de grosses compaignies, lesquelles par la deliberation de son Cōseil, il feit tirer deuers la cité de Thoulouze par diuers chemins. Et entre-temps la iournée, qu'il auoit prinse au premier iour de May, fut r'alongée à la requeste des Capitaines Anglois, qui auoient faicte ladiete composition de Tartas, iusques au iour de S. Iean Baptiste prochain ensuiuant: lequel temps durant, le Roy feit ses preparatiōs. Et en fin se partit en trefnoble, & puissāt appareil, pour aller audit lieu de Thoulouze, ou toute sa dessusdite assemblée se faisoit, comme dit est cy dessus. Et pour vray quand le Roy de France fut illec venu, & que les grans Seigneurs, & Capitaines, qu'il auoit mandez furent assemblez ensemble,

*Quatrevingts  
mille cheuaux  
au camp du  
Roy.*

ensemble, fut trouué qu'il pouoit bien auoir le nombre de quatre vingt mille cheuaux avec tresgrand nombre de chariots & charrettes, menâs artilleries, viures, & autres engins, & habillemens de guerre. Et quât aux Seigneurs, & Capitaines il en y auoit moult largement: entre lesquels y estoiet le Dauphin premier fils du Roy, le Comte de Richemont Cōestable de France, Messire Charles d'Anjou, le Comte d'Eu, le Comte de Foix, le Vicomte de Helmam fils du Comte d'Armignac, le Sire d'Allebret, le Comte de Comminges, les deux Mareschaux de France, qui avec le dessusdit Connestable faisoient l'auantgarde: c'est à sçauoir le Seigneur de Loheac, & de Valoignes, le Seigneur de Cortiuy, Admiral de Frâce, le Seigneur de Vilars, le Seigneur de Môgascô, le Seigneur de sainct Priath, le Seigneur de Châlétou, le Seigneur de S. Valier, le Seigneur de Videmôt, & plusieurs autres grâs Seigneurs, & Capitaines, & routiers de guerres, fleur de droictes Gēs d'armes, qui par treslong temps auoient suiuy la guerre, cōme la Hire, Pothon de sainte Treille, Anthoine de Chabānes, Oliuier de Cortiuy, le Seigneur de Blainuille, & son frere Messire Robert Blanchefort, Pennesach, Floquet, Ioachin Rohault, Pierre Rohault, Mathelin del'Escouain, Dimenche de Court, & moult d'autres nobles hommes de grand renom. Et lors le Roy venu audit lieu de Thoulouze, fut aduertiy par plusieurs Seigneurs du pays, & des marches de Gascongne, que les Anglois n'estoient point puillans assez pour comparoir à ladicte iournée cōtre luy. Et pource, apres qu'il eut eu conseil avec les plus saiges de sa compaignie, se disposa d'aller audit lieu de Tartas à tout vne partie de ses gēs, afin qu'il peust estre pourueu, & fourny de viures plus abondamment. Si se partit dudit lieu de Thoulouze à tout enuiron leizé mille cheuaux, desquels estoient la plus grand partie des Seigneurs, & Capitaines dessus nommez, & alla logger à deux lieües pres de Tartas, en vne petite ville nommée Mylien, qui estoit au Seigneur d'Allebret, laquelle tenoit le Comte de Foix: & ses gēs se logerent assez pres tout à l'enuirō d'icelle ville. Et le lēdemain, qui estoit le iour prins entre les deux parties, alla le Roy luy mettre en bataille deuât ladicte ville de Tartas, & y fut depuis le matin iusques entre dix, & vnze heures deuant nonne. A laquelle heure vindrent deuers luy, les dessusdits Seigneurs de Coignac, & Enguerrot de sainct Per, lesquels auoient icelle ville en garde, comme dessus est declairé: & emmenerent avec eux le Cadet Charles d'Allebret, qui estoit demouré en hostage. Si apportoiēt les clefs de la ville, lesquelles ils rendirent & meirent és mains du Roy. Et avec ce fait ledit Seigneur de Coignac serment au Roy: & le dessusdit Enguerrot s'en alla en la cité d'Acques. Et adonc le dessusdit Seigneur d'Allebret entra dedans la ville de Tartas, & le Roy s'en alla au giste à Coignac, qui est vne petite bonne ville assise assez pres enuiriō deux lieües dudit lieu de Tartas, & là seiourna le iour de la S. Iean & le lendemain.

*Comment le Roy de France apres la iournée de Tartas s'en alla logger deuant sainte Seuer chef du pays de Gascongne: & conquist ladicte ville, & chafstel, & autre plusieurs places audit pays.*

**E**N apres le Mercredy ensuiuant de la journée de Tartas (dont cy dessus est faicte mention) le Roy, & son armée s'en allerent deuant sainte Seuer, où tout le pays s'estoit retraict, & y auoit cinq fermetez, car c'estoit vne ville forte à merueilles. Desquelles fermetez les gens de Monseigneur le Daulphin prirent deux de premiere venue sans faire long procès, & se logerent dedās. Et peu de iour ensuiuans les gens du Roy prirent la tierce fermeté. Et depuis fut comandé de par le Roy, qu'on assaillist la quarte, à laquelle les Anglois firent grād resistance: mais petit durerent, & furent reboutez, & poursuiuiz tres vigoureusement iusques à la porte du Maistre chastel. Lequel sans commandement, ne ordonnance du Roy ne de ses Capitaines, fut assailly tresvaillamment par les François: & dura ledit dernier assaut enuiron quatre heures moult merueilleux: mais en fin les Anglois, qui estoient dedans, furent prins, & conquis par force, & mis à l'espee: & en y eut prestement sans remede mis à mort bien de huiet cens à mille Anglois. Et n'y moururent à iceluy assaut, qu'enuiron de vingt à trente des gens du Roy, entre lesquels en fut l'un le petit Blāchefort. Si fut prinse la ville par le costé, que faisoit assaillir le Connestable de France, & là fut prins du costé desdits Anglois Messire Thomas de Rampstō, & aucuns autres en petit nombre. Apres laquelle prinse, & que le Roy y eut seiourné enuiron l'espace de douze iours, il s'en alla mettre le siege deuant la cité d'Acques en Gascongne, où fut bien cinq sepmaines: & y auoit moult fort bouleuers deuant l'une des portes. Et apres que les gros engins du Roy eurent traict, & iecté par plusieurs iours, & demoly la muraille de ladicte ville, & le dessusdit bouleuert, on assaillit iceluy bouleuert, & dura ledit assaut bien l'espace de cinq grosses heures tresrueul, & merueilleux. Et en fin fut conuelté, & prins de force enuiron le iour faillant. Si y furent morts dix, ou douze Anglois, & des François en y eut plusieurs naurez. Apres laquelle prinse on feit retraire toutes gens de par le Roy, reserué ceux qui furent commis à garder ledit bouleuert. Et le lendemain ceux de ladicte ville d'Acques, doubtrant qu'on y feit nouuel assaut, & qu'on recommenceast de plus fort, se rendirēt tous à la voulēté du Roy, excepté le Seigneur de Montferrāt, qui estoit Capitaine pour le Roy d'Angleterre, & le dessusdit Enguerrot de saint Per: lesquels se rendirent faulx leurs corps seulement, & s'en allerēt le baston au poing. Et avec ce permit ledit Seigneur de Montferrant de rendre en la main du Roy deux forteresses, qu'il auoit empres la cité de Bordeaux: & pour la seurte de ce bailla son fils en hostage, lequel demoura prisonnier par long temps, par ce que ledit Seigneur de Montferrant ne voulut point rēdre les forteresses dessusdictes, ainsi que promis l'auoit. Et gouuernoient lors en iceluy pays le Captal de Busch, ledit Seigneur de Montferrant, & Messire Thomas de Rampstō Seneschal de Bordeaux. Durant lequel temps les Anglois reprindrēt la ville, & chastel, avecques tous les forts de sainte Seuer: mais brief ensuiuant le Roy de France y retourna à tout son armée. Si fut reconquise de force, & y eut moult grand nombre d'Anglois mis à mort. Auquel temps se rendit François, & feit serment au Roy en luy buillant obeysance en ses villes, &

*Reddition  
d'Acques.*

for-



fortereſſes le Seigneur de Rochetaillade. En apres alla le Roy deuers Mermande, laquelle ſe rendit à luy: & de là ſe tira deuers la Reolle, qui fut aſſiégée treſpuiffamment par leſdits François: & depuis fut prinſe icelle ville d'aſſault, mais le chaſtel ſetint enuiron l'eſpace de ſix ſepmaines: au bout duquel terme ſe rendirent ceux de dedans ſauf leurs vies. Et y commeit le Roy Oliuier de Cotuiy, pour en auoir le gouuernement avecques aucunes autres places, qui auoient eſté conquiſes durât ledit voyage: de laquelle ville de la Reolle eſtoit Capitaine pour le Roy d'Angleterre le Baron d'Acques, lequel depuis ſe rendit François. Et entre-temps que les conquêtes deſſuſdictes ſe faiſoient, y eut aucune deſtrouſſe par leſdits Anglois ſur les François, & par eſpecial les payſans du pays leur faiſoiēt forte guerre. Pourquoy tant pour la grande multitude de gens, qu'y auoit le Roy, cōme pour les rebouttemens, que leur faiſoient les deſſuſdits, furent par pluſieurs fois moult oppreſſez de famine. Et moururent la plus grād partie de leurs cheuaux, dont les routiers & autres, qui ont accouſtūmé de tenir les chāps lōg temps, furent moult troublez: & en y eut treſgrand nombre, qui ſe tirèrent plus auant és pays pour eux rafraiſchir: & meſmement allerēt iuſques aſſez pres du pays de Nauarre, en faiſant de treſgrās dommages au pauvre commun peuple. Et d'autre part pendant le temps deſſuſdit, les Anglois aſſemblerent vn certain iour, & par moyens qu'ils auoient, reprindrēt la cité d'Acques en Gaſcogne ſur les François: de laquelle eſtoit Capitaine Regnault Guillaume le Bourgōgnon, lequel fut prins prifonnier, & treſgrād partie de ſes gens mis à mort: duquel le Roy de France fut treſmal content, pource qu'il auoit perdu ſi en haſte, & par mauuais ſoing icelle cité, qui aſſez largement auoit couſté à conquerre. Apres leſquelles beſongnes, & que le Roy eut eſté au pays de Gaſcogne enuiron de ſept à huiſt mois: & ſeint en iceluy pluſieurs belles conquêtes (comme dit eſt cy deſſus) conſiderant le grand trauail, que de iour en iour auoient eu ſes gēs pour la deſſaute des viures, dont ils auoient à treſgrand dangier, ſi conclud, & delibera de tourner à Montauban, où il fut enuiron deux mois: & là ſeint ſes ordonnances pour la garde du pays, & par diuerſes iournées ſ'en retourna à Poiſtiers. Et pou de tēps apres la Hire, qui moult auoit eſté trauaillé en iceluy voyage: & qui deſia eſtoit homme aſſez aagé, alla de vie à treſpas au chaſtel de Montauban, pour la mort duquel le Roy fut treſdeplaiſant, quād ēc fut venu à ſa cognoiſſance, & ordonna que ſa femme poſſedaſt d'aucunes terres, & Seigneuries, qu'il auoit données audit la Hire durant ſa vie.

*Acques re-  
prinſe par les  
Anglois.*

*Mort de la  
Hire.*

*Comment Pierre Regnault fut par force debouté de la fortereſſe de Milly.*

**V** Ous auez ouy biē raconter au long, cōment Pierre Regnault eſtoit logé au chaſtel de Milly, eſtāt à deux lieues, ou enuiron pres de Beauuais: lequel lieu de Milly il auoit fait reparer, & fortifier, & auoit bien avec luy le nombre de deux cens combātans, tous fors ſacquemens, roides, & vigoureux: à tout leſquels il couroit ſouuent en diuers lieux, & tout ce qu'il pouoit attaindre, & attraper au dehors des chaſteaux, & fermetez ſur les pays du Roy, comme ailleurs, eſtoit prins,

rauy, & emmené en leur forteresse, & garnison. Et par especial auoit couru & couroit continuellement de iour en iour sur les villes, & pays de l'obeyssance, & Seigneurie du Duc de Bourgongne, du Comte d'Estampes, & de plusieurs autres grans Seigneurs de ce party: & mesmement tressouuent passoient l'eauë, & la riuier de la Somme en tirant vers la marche d'Arthois, où il y auoit de douze à seize lieues de leurdictè garnison: & pareillement faisoient és Chastellenies de Peronne, Montdidier & Roye, où ils prenoient de bons prisonniers: lesquels ils mettoient à grosses finances, ainsi & par la maniere, qui eussent peu faire leurs aduersaires du temps de la guerre, avec tous autres biens quelsconques, dont lesdits pays estoient moult oppressez & trauallez: si en furent par plusieurs fois faictes grandes plainctes de doléances aux Seigneurs dessusdits, dont ils estoient tresmal contens. Et pour ceste cause enuoya ledit Duc de Bourgogne deuers le Roy luy remonstrant la destruction d'iceux, ses pays en luy requerant d'y auoir prouisió. A quoy le Roy fait responce comme autresfois auoit fait pour pareil cas: C'estoit, qu'il luy en desplaist moult, & qu'il estoit trescontent, que ledit Duc de Bourgogne le fait ruer ius, & destroussier s'il le pouoit trouuer en ses pays, ou qu'il le fait assieger, & debouter par ses gens d'icelle forteresse de Milly: & il manderait, & ferait faire desfiance à tous les Capitaines des marches à l'environ, qu'ils ne luy baillassent ayde, secours ne faueur nulle contre les gens du Duc de Bourgogne, sur autant qu'ils doubtoient à encourir son indignation. De laquelle responce iceluy fut assez content, & se pourpésa, qu'il pouruoiroit au plus brieuf que bonnement faire se pourroit: si trouua maniere de faire traicté avec aucuns Capitaines Anglois sur la marche de Normandie, & qu'ils bailleroient seurté de non faire guerre à ses gens. Et quand le Duc de Bourgogne fut assez acertené des deux parties, qu'ils ne luy porteroient nul grief, ne dommage à ses gens à la cause dessusdicteluy qui pour lors estoit en son pays de Bourgogne, feit asauoir au Comte d'Estampes, qui auoit le gouuernemēt de ses pays de Picardie, qu'il assemblast le plus de gens de guerre, qu'il pourroit finer, & les menast deuant ledit chasteil de Milly: surquoy ledit Comte fait grand diligence: & meit ensemble en brieft terme bien le nombre de douze cens combattans, rāt Cheualiers, comme Escuyers, & autres gens de guerre des plus experts d'iceluy pays de Picardie, & de la marche à l'environ. Entre lesquels estoient Valeran de Moreul, Guy de Roye, leā † d'Ange, le Seigneur de Sauuefles, Symó de Lalain, Iean de Haplaincourt, Charles de Rochefort, Messire Colart de Milly, & moult d'autres grās Seigneurs, & Gētils-hómes. Et fut faict icelle assemblée en la ville d'Amiès: duquel lieu à tout charrois soit chargez de viures & habillemēs de guerre, s'en allerēt en moult belle ordonnance par aucuns iours iusques à Beauuais, où ils furēt receuz hōnorablement: & ses gēs se logerēt és villages enuiron: & de là ledit Comte se tira deuant le chasteil de Milly. Si fait loger ses gens au plus pres de la porte, qui derompirent fort les desfices de ladite forteresse: & par especial de la basse court, qu'ils auoient fort réparée de queües, & d'autre gros bois. Si cōmencerent ceux de dedās à desfendre tresvigoureuement tant de canons, que d'autres artilleries,

† leā d'Ange, peut estre faut il Iean d'Ange, parce qu'il en est fait mentiō souuent en pareille cōpaignie.

& engins de guerre: desquels ils occirent, & naurerent aucuns des gens du Comte d'Estampes. Entre lesquels y fut mort Messire Matthieu de Humieres: & auoient les gens du petit Comte laissé leurs cheuaux, ou la plus grãd partie en la ville de Beauuais: de laquelle & aussi de la cité d'Orléans venoient viures de iour en iour audit siege. Durant lequel siege apres que les engins dessusdits eurent fort adommagé les fortifications de la basse court dessusdicté, il fut liuré par les assiegeans vn tresdur & fort assaut, auquel tãt d'vn costé, comme d'autre furent faictes plusieurs vaillâces, & proësses: desquelles entre les autres le Seigneur de Saueuses avec ses gens emporta le bruit. Neantmoins ceux de dedans se deffendirent trespuissamment, & tant que lesdits assaillans voyant que bonnement ne pouoient conquerre sans auoir trop grand perte, & dommage de leurs gens, se retrahirent, & furēt morts des assaillans enuiron de huiet à dix, & des deffendeurs y eut aucuns naurez. Et apres iceux deffendans considerans, qu'ils ne se pouoient longuement tenir, & aussi qu'ils n'auoient point grand esperâce d'auoir aucun secours, feirent traité avec les commis dudit Comte d'Estampes, moyennãt & par tel si qu'ils se departiroient de là en emportant trestous leurs biens avec eux. Si rendirent ladicte forteresse, dedans laquelle on bouta le feu, & *Milly abbaye & brulée.* la fait on du tout demolir & desoler. Et ce fait ledit Comte, & ses gens s'en retournerent enuiron la sepmaine peneuse és lieux, dont ils estoient venus: & auoit iceluy Comte esté deuant ladicte place & tenu siege enuiron trois sepmaines ou plus audit lieu de Milly. Pour lequel voyage, & deboutemēt des dessusdits coureurs tous les pays, qui auoient accoustumé estre couruz & pilliez, furent tresioyeux quand ils furent acertenez, qu'on les auoit ainsi dellogez, & chassez hors de ladicte place.

• De l'an mille cccc.xliij.

*Comment le Roy de France feit grand assemblée de Gens-d'armes pour aller en Normandie & d'aucunes courses, & conquestes que ledit Comte de Sombreffet feit au pays d'Anjou, & ailleurs sur les François.*



V commencement de cest an le Roy de Frâce feit grand assemblée de Gens-d'armes sur intention d'entrer en Normádie l'Esté ensuiuant: & aussi pour bailler secours à ceux de Dieppe, qui estoient fort contrains, & trauaillez par le moyen de la tresforte Bastille, que tenoient les Anglois deuant icelle ville de Dieppe: le quel secours le Roy leur enuoya, c'est à sçauoir pour r'aitailler ladite ville. Et y fut mené grand foison de bestial & autres viures, à tout grand quantité de Gens-d'armes, qui les bouterent dedans à grãd force: & y eut entre les deux parties de tresgrosses escarmouches, ausquelles en y eut de morts, & de naurez tant d'vn costé, comme d'autre. Auquel temps le Comte de Sôbreffet assembla iusques au nombre de six mille combattans, ou enuiron: à tout lesquels il entra au pays d'Anjou, où il feit de tresgrãs dommages par feu & par espée. Apres se tira vers Bretagne, & print d'assault la Gerche appartenant au Duc d'Aléon: laquelle ville fut du tout pillée & robée. Et puis s'en alla à Ponzay, où il fut bien deux mois. Si couroient de iour en iour ses gēs par

*Dieppe ravitaillée.*



† De Traonnois, & de Chatragonnois, le quartier dôt il parle me fait pèser qu'il faut Tournaine, & Chartrain, car ces mots de Traonnois, & de Chatragonnis sont inconnus mesmes à ceux du pays que l'auteur y a nommé.

diuerses compaignies le dessusdit pays d'Anjou, † de Traonnois, & de Chatragônois, lesquels pays furent plusieurs fois destrouffez par les payfans. Et d'autre part le Marechal de Loheac eut la charge avec les gens du Duc d'Aléçon de par le Roy de Frâce, pour resister aux entreprinſes dessusdites. Si conclurent d'aller ferir de nuit sur les Anglois, & sur leurs logis, c'est à ſçauoir sur ledit Comte de Sombreſſet: mais il en fut à tant aduertý, & alla au deuant d'eux, & les vint rencontrer, qu'ils ne ſ'en donnoient de garde. Et pource furent iceux François mis en deſroy, & en y eut de vingt à trêre que morts, que prins, & les autres ſe ſauuerent au mieux, qu'ils peurēt par force de fuyr. Et de ceux qui furent prins, en furent le Seigneur d'Auſigny, Loys de Bucl, & pluſieurs autres Gentils-hommes. Apres lesquelles beſongnes, iceluy Comte de Sombreſſet ſe deſlogea de deuant Ponſay, & alla prendre le chaſteau de Beaumont le Vicomte, & puis apres qu'il eut aſſis les garniſons par tout les frontieres, il ſ'en retourna à Roüen.

*Comment aucuns Cheualiers, & Gentils-hommes de la Court du Duc de Bourgogne, entreprendrent vn fait d'armes par la maniere cy apres declairée.*

**A**TEM en ce mesme temps le Duc de Bourgogne estât en son dit pays de Bourgogne, y eut plusieurs Gentils hommes de son hostel, & de ses pays, qui pour son plaisir, & sa licence firent annoncer, & publier par plusieurs marches, & diuers lieux du pays de Bourgogne, que s'ils estoient aucuns notables hommes, qui voulsissent faire armes, & acquerir honneur & pris, ils seroient receuz par iceux, & parfournis en certaines armes, qu'ils auoient entreprinſes: desquels Gents-hommes leurs noms seront cy apres declairez, & aussi la maniere de chapitres, qui pour ceste cause furent enuoyez es pays dessusdits par Messire Pierre de Bauffremont Seigneur de Chargny, qui estoit chief de la dicte entreprinſe.

*Comment du mandement deffusdit les armes furent faictes, & les noms de ceux, qui deuoient faire lefdites armes.*

**L** honneur de nostre Seigneur, & de sa tresglorieuse mere, de ma Dame sainte Anne, & de Monseigneur saint George, le Pierre de Bauffremont Seigneur de Charny, de Monliet, & de Monfort, Cheualier, Conseillier & Chambellan de treshault, trespuissant, & excellent Prince mon tr fre-doubté, & souuerain Seigneur Monseigneur le Duc de Bourgongne: fais sçauoir à tous Princes, Barons, Cheualiers, & Escuyers sans reproche, c'est excepté ceux du Royaume de France, & des pays alliez, & subiects de mondt souuerain Seigneur, que pour aug-menter, & accroistre le tresnoble mestier, & exercice des armes, ma voulente & inten-tion est avec douze Cheualiers, Escuyers, & Gentils hommes de quatre costez, desquels les noms cy apres s'en suiuent. C'est à sçauoir Thibault Seigneur de Rougemôt & Mussy, Messire Guillaume de Brefremont Seigneur de Sees & de Sônegnon, Guillaume de Bre-ne Seigneur de Mombis & Gilly, Jean Seigneur de Valengon, Jean Seign'ur de Rap & de Tirecourt, Guillaume de Champ-Duiers Seigneur de Cheugny, Jean de Chiron Sei-gneur de Râcheineres, Anthoine de Vauldray Seigneur de l'Aille, Guillaume de Vauldray

dray Seigneur de Collaon, Iaques de Challant Seigneur d'Aineuille, Messire Amé Seigneur d'Espirey, & Jean de Chauigny garder, & deffendre vn pas, seant sur le grād chemin venant de Dijon à Exonne au bout de la chauce partant de ladicte ville, & vn gros arbre appellé l'arbre des hermites tout par la forme & maniere qui cy apres s'en suit.

P REMIER y a deux escuz, dont l'un est noir semé de l'armes d'or, & l'autre violet semé de larmes noires: lesquels escus pendront audit arbre des hermites, & seront de telle condition, que tous ceux qui seront toucher par le Roy d'armes Herault ou poursuivant l'escu noir aux l'armes d'or, seront tenus à faire armes à cheual avecques moy, ou avecques vn de mesdits Cheualiers, ou Escuyers, iusques au nombre de douze courses de lances à fer esmoulu.

I TEM en faisant lesdictes armes, se l'un est porté à terre de coup de lance, & droicte esclainte sur les harnois: celui qui sera ainsi porté à terre, donnera au compagnon, qui ainsi l'aura porté ius vn dyamant tel, qu'il luy plaira.

I TEM sera armé de tel harnois, que bon luy semblera double, ou fengle acoustumé à faire armes, & sans malengin: c'est à sçauoir que l'arrest n'ait nul aduantage fors ainsi qu'on le porte en la guerre.

I TEM que chacun portera ses garnisons de lances & de fers, excepté que la tondelle que gist sur les mains, ne sera que de quatre dois de large, & non plus.

I TEM les lances seront d'une mesme mesure depuis la poincte de fer iusques à l'arrest, desquelles lances bailleray la longueur.

I TEM pour faire, & accomplir lesdictes armes à cheual, fourniray lances à tous, & toutes prestes dedans les lices telles, & semblables de celles de mes dessusdits compagnons, & des miennes.

I TEM & se feront lesdictes armes à cheual à la toille, laquelle sera de six pieds de hauteur.

S'ensuiuent les articles sur le faict des armes de pied.

**N** apres iceux Princes, Barons, Cheualiers & Escuyers de la cōdition dessusdicte, qui auroient plus leur plaisir de faire armes de pied: seront tenus, cōme dessus de faire toucher l'escu violet aux armes noires, & de combattre de lances, ou d'espées duquel micux, leur plairoit iusques à quinze coups.

I TEM qu'en faisant lesdictes armes, se l'un met les mains, ou les genoux à terre, celui qui ainsi y aura touché, sera tenu de donner à l'autre vn ruby de telle valeur, que bon luy semblera.

I TEM que chacun soit armé de harnois acoustumé de combattre en lices.

I TEM & se l'un estoit deffourny de hache, ou d'espée, ie l'en fourniray assez, & de semblables à celles de mes compagnons, & des miennes: & en icelles haches ou espées, n'y aura chose, qui ne doine estre par raison, ou sans croces, ou outre malengin.

I TEM celui, qui aura son adresse de faire armes, & de combattre avec moy de pied, & l'un de nous deux porte à terre de tout le corps, il sera tenu de luy aller rēdre prisonnier, ou l'hostellant luy ordonnera.

I TEM celui qui ainsi sera prisonnier pour sa droicte rançon, & deliurance, sera tenu de donner à celui ou celle, que ledit hostellant voudra ordonner à eslire au dessus de cinq cens escus.

I TEM ceux desdits estrangers ne requierent moy, ne mesdits compagnons: car ils

trouueront à toutes les heures ordonnées, & limitées en ce present traicté qu'il les fournira.

ITEM ne pourront les dessusdits estrangers faire avec moy, ne mesdits compagnons, qu'une fois armes: c'est à sçauoir l'une à cheual, & l'autre de pied: & plus auant ne pourront requerre mes dessusdits compagnons ne moy durant le temps de ces presentes armes.

ITEM se feront les dessusdictes armes à cheual, & de pied par la maniere qui sensuit: c'est à sçauoir icelles de cheual le lundy, le mardy, & le mecredy: & celles de pied le ieu dy, le vendredy & le samedi.

ITEM & se commencera ledit pas le premier iour de Iuillet, qui sera l'an mille quatre cens quarante trois, & durera quarante iours entiers sans comprendre les festes, ne les Dimanches, ne les festes commandées en la ville de Romme.

ITEM aucuns desdits Princes, Barons, Cheualiers, ou Escuyers ne pourront, ne seroient tenus de passer par le pays, n'à vn quart de lieue pres, qu'ils ne facent, & accomplissent les armes dessusdictes, ou qu'ils ne laissent gages: c'est à sçauoir son espée, ou ses esperons, lequel qui mieulx luy plaira.

ITEM & pour faire, & accomplir lesdictes armes tant de pied, comme de cheual par la maniere, & ordonnance contenue cy dessus: i'ay humblement supplié & requis à môdit Seigneur souverain, que de sa grace me donnast congé, & licence d'icelles parfaire: lequel desirant l'accomplissement d'icelles, le m'a benignement octroyé: & pour ce faire me dōne, & a donné à Iuge treshault, & puissant Prince & mon tresredoubté Seigneur le Comte de Neuers, & de Reteil: & en son absence Monseigneur le Marechal Comte de Fribourg, & de Neuf-Chastel. Et afin qu'il vous appaire, que ces presens chapitres procedēt de mon intention & vouldenté, desirant iceux accomplir par la maniere dessusdictē, les ay fait sceller du seal de mes armes, & signées de ma main le huictiesme iour de Mars l'an mille quatre cens quarante, & deux.

ITEM ie prie Princes, Barons, Cheualiers, & Escuyers qu'ils n'ayent aucune imagination de mal-vueillance: car ie ne le fais, que pour accroistre le Noble mestier, & exercice des armes, & aussi pour auoir accointance, par armes aux biens renommez, & vaillāts Princes, & Nobles dessusdits, qui venir y voudront.

ITEM auront les dessusdits Nobles estrangers bon, seur, & loyal saufconduit de mondit souverain Seigneur, & en son absence de son Marechal.

Comment le Duc de Bourgogne envoya le Comte d'Estampes à tout grand puissance de Gens-d'armes en la Duché de Luxembourg.

**I**TEM en ceste mesme saiso la Duchesse de Luxembourg, qui autresfois auoit eu espousé le Duc Anthoine de Brabant, & Jean de Bauieres deffuncts, tous deux oncles, l'un de pere, & l'autre de mere du Duc Philippe de Bourgongne, feit grand complaincte à iceluy Duc de Bourgongne de ce que ses hommes, & subiects de ladicte Duché ne la vouloient obeyr, ne payer de ses rentes, & reuenues, & la plus grand partie d'iceluy pays: & par especial d'iceluy fort de Luxembourg, & de Thionuille, & autres lieux à l'environ; & l'auoient deboutée de ladictes villes en eux rendant du tout rebelles, & inobediens contre elle. Si luy requeroit, & prioit humblement, que pour Dieu, & pitié, & aussi pour l'hon-

plainte de la  
Duchesse de  
Luxembourg au  
Duc Philippe.



l'honneur de ses deux oncles, qu'elle auoit euz par mariage, & avecques lesquels elle l'estoit portée honorablement, il la voulsist secourir à ce grâd besoing, tant qu'elle peust estre remise en sa Seigneurie: ou autrement la conuendroit viure dorefnauant en moult grand meschef, & poureté. A quoy ledit Duc feit responce trescourtoise, disant que de bô cœur luy bailleroit secours, & ayde contre les dessusdits de Luxembourg par toutes les voyes, & moyens raisonnables, que bonnement faire pourroit, dont elle mercia grandement. Et pour sur ce auoir aduis, que bon luy en seroit à faire, feit assembler son Conseil pour veoir, & debatre la matiere, afin de sçauoir, qu'il en seroit bon de faire pour le mieux. Auquel Conseil fut delibéré, que ledit Duc de Bourgongne enuoyeroit ses messagers solempnels deuers ceux de Luxembourg eux requerre & sommer, qu'ils feissent deuers icelle Dame, & ses officiers toute l'obeyssance, qu'il appartenoit, & comme ils estoient tenuz de faire: & si ainsi ne le faisoient, iceluy Duc de Bourgongne l'ayderoit, & conforteroit de toute sa puissance pour la remettre en sa Seigneurie: ausquelles requestes & sommations ceux de Luxembourg ne voulurent entendre, n'obeyr nullement, jaçoit ce que plusieurs requestes leur en furent faictes: mais pour eux entretenir se pourueurent dedâs leurs villes de gens de guerre: c'est à sçauoir des gës du Duc Guillaume de Saxe, qui se disoit heritier de ladiète Duché de Luxembourg. Et enuoya vn sien parent nommé le Comte de Clicque à tout huiet cens cōbattans des marches d'Allemaigne: lesquels se bouterēt en garnison en la dessusdicte ville de Luxebourg, de Thionuille, & autres villes, & forteresses à l'environ qui estoient fauorables. Et eux là venuz cōmencerent à courre, & à faire grand guerre à aucunes villes, & forteresses, qui encores estoiet demourées en l'obeyssance de ladiète Dame, & par ainsi fut iceluy pays fort diuisé en grand tribulation. Et adôc le dessusdit Duc de Bourgongne sçachant, que les dessusdits perseueroient de iour en iour en leur mauuais prōpos, se cōclud, & delibera du tout à eux faire forte guerre: & pour ses causes escriuit ses lettres au Comte de Vernembourg, au Damoyseau de Saluce, à Henry de la Tour, & aux autres Nobles du pays, & Duché de Luxebourg, & de la Marche à l'enuirō: & dont la plus grand partie tenoit le party de la dessusdicte Duchesse, & qui se vouloient employer en l'ayde, faueur, & secours d'elle, qu'ils feissent guerre à tous ceux, qui luy estoient cōtraires & desobeyssans. Et leur manda oultre, que briefy enuoyeroit de ses gës, & puis iroit en personne pour cōquerre ladiète Duché, & debouteroit ceux, qui l'occupoiēt: à laquelle requeste dudit Duc de Bourgongne, ils furent trescontens d'entendre & obeyr. Et de fait depuis qu'ils eurent deffié les dessusdits, leur feirent guerre ouuerte, & coururent sur eux par plusieurs & diuerses fois. Entre-temps le Duc de Bourgongne enuoya ledit Comte d'Estampes en Picardie, & luy feit sçauoir, qu'il assemblast certain nombre de gens de guerre pour mener en Bourgongne deuers luy, ce qu'il feit.

QVÀND son armée fut preste il les feit tirer deuers sainct Quentin en Vermandois, & luy mēmes y alla en sa personne. Si estoient avecques luy Valleran de Moreul, Guy de Royé, le Seigneur de Humieres, le Sei-

gneur de Saueufes, Messire Symon de Lalaing, le Seigneur de Neufuille, Gauvain Quieret, Messire Anthoine de Vvisloch, Jean de Haplaincourt, & plusieurs autres notables Cheualiers & Escuyers : & pouoit auoir en tout le nombre de douze à treize cens cōbattans. Si se tira audit lieu de sainct Quentin deuers Laon, pour aller passer assez pres de la Comté de Rethers : mais quand il fut vers Môtagu, si comme il fut dit & rapporté, que Dimêche de Court, le Roucin, & aucuns autres Capitaines des gens du Roy estoient logez à Montagu, & audit lieu de Sifonne : lesquels n'agueres auoient esté au pays de Rethelois, où ils auoient fait de grans, & merueilleux dommages. Pour lesquels ledit Comte d'Estampes estoit tresmalcōtent d'eux : car avecques ce vn petit parauant, iceluy Dimenche de Court auoit esté destrouffé en Bourgongne, & auoit promis de nō luy plus loger sur les pays de Bourgongne ne sur ceux du party. Si leur mādā, & feit sçauoir qu'ils se retrahissent hors de son chemin, & qu'il se vouloit aller loger audit lieu de Montagu, ce que point ne vouloit faire : pourquoy entre icelles parties s'esmeurent aucunes rigueurs. Et fut ordonné, que ledit Comte d'Estampes, & son Conseil leur courroit sus, & ainsi en fut fait. Si furent la plus grand partie desdits François du tout destrouffez : & tous leurs biens tant cheuaux comme autres bagues prins, & rauiz par les Picards dessusdits : & en y eut bien pou de morts, & aussi de naurez : & depuis qu'ils eurent esté faits prisonniers, furent deliurez. Et avecques ce furent à aucuns rendues aucunes de leurs bagues, & par especial à iceluy de Court : si se tirerent arriere le plus brief, que faire le peurent. Pour lesquelles destrouffes le Roy, ne son fils ne furent point bien contens, de ce que ainsi on les auoit ruez ius en leurs pays : & aussi pourtant qu'ils alloient à vn mandement, que faisoit ledit Daulphin, pour aller au secours de ceux de Dieppe, duquel cy apres sera faicte plus ample mention : neantmoins la besongne demoura ainsi faicte pour lors, mais depuis en vindrent de tresgrans remors. En apres le Comte d'Estampes & ses gens setirerent iusques sur les marches de Bourgongne, & tindrent les gens les champs vers Langres, & Monfaugon : durant lequel temps ledit Comte d'Estampes & les Seigneurs, & la plus grand partie, qui estoient avec luy, allerent à Dijon vers le Duc de Bourgongne, où ils furent ioyeusement receuz & festoyez : & se tindrent là certaine espace de temps, entretemps que ledit Duc faisoit ses apprestes, pour aller à puissance en la Duché de Luxembourg.

*Comment le Duc de Bourgongne meit la Duché de Luxembourg en son obeyssance.*



R conuient parler dudit Duc de Bourgongne : lequel en ces tēps faisoit grandes preparacions, pour aller en la Duché de Luxembourg, & auoit plusieurs moyes, qui de iour alloient, & venoient deuers luy, pour sçauoir si on pourroit trouuer aucuns bōs moyes entre la Duchesse & ceux, qui estoient enuers elle desobeyssans, lesquels fin ne se peurent trouuer. Et pour ceste cause le dessusdit Duc se disposa du tout d'eux liurer forte guerre, & les mettre en l'obeyssance d'icelle Duchesse. Si enuoya premier audit pays Messire Symon de Lalaing, & de trois

à quatre cens combattans avec luy, qui se ioingnirent, & assembléeerēt avec le Comte de Vernembourg, & les autres Nobles du pays de la Marche, qui estoient alliez audit Duc de Bourgongne. Et se logerēt en Arlon, & en aucunes autres villes, qui tenoiēt le party de ladiēte Duchesse, comme dit est cy dessus. Et eux venuz en iceluy pays, cuiderent par moyēs auoir l'obeyssance de Thionuille, en quoy ils faillirent, pource que le Comte de Clicq, & ceux de son party les auoient attraits de leur costē, & y meirent des gens de guerre pour les ayder à entretenir : & depuis assez brief en suiuant vint iceluy Comte de Clicq à tout grand puissance, garny de charroy & habilemens de guerre loger assez pres de la ville d'Arlon, qu'il entendoit assieger : & y eut entre les parties grandes escarmouches, où furēt aucuns de ses gens morts & blecez : & depuis doubtant la grand puissance du Duc de Bourgongne, se retrahit à Luxēbourg. Durant lequel tēps les dessusdits feirent plusieurs courses l'un contre l'autre, & alloiēt les Picards aucunes fois courre iusques aux portes de Luxēbourg. Et entre-tēps le dessusdit Duc de Bourgongne se partit dudit lieu de Djō en tresbel arroy, grandemēt accompagné de Cheualiers, & Escuyers, & s'en vint à Yuoy, qui est de la Duchē de Luxēbourg, & là se logea & y fut receu des habitās moult ioyeusement. Auquel lieu d'Yuoy il conclud de faire assieger vn chastel nommé Villy, qui estoit garny de plusieurs saquemens, qui long temps par auant auoiēt fair, & faisoient de iour en iour de grans oppressions, & Tyrānies au pource peuple dudit pays, & estoit leur chef vn nommé laquemin de Beaumōt. Si eurent la charge de les assieger Guy de Roye, & le Seigneur de Sauueses, Hues de Hasiues, & aucuns autres chefs : lesquels y allerent à tout six cēs combattans ou enuiron, & y feirent dresser plusieurs gros engins, qui les adomagerent : & se disoient les dessusdits estre au Damoiseil de Cōmercy, qui auoit esté en la compagnie du Dauphin à prendre la Bastille de Dieppe, comme dessus est dit. Si fut aduertie d'iceluy siege, & pour le cuider leuer, assembla enuiron mille combattans : entre lesquels estoient le Roucin, Pierre Robert, & plusieurs autres routiers de guerre. Si se tirerent par plusieurs iournées en approchant ceux du siege dessusdit, & tant qu'à vn matin ferirent dedans leurs logis, & de premiere venue se boutērent dedans sans y trouuer resistance sinon assez petit : neantmoins ceux qui auoient la charge dudit siege oyans l'effroy, s'assemblerent leurs gens bien en haste en belle, & bonne ordonnance, & commencerent à marcher auāt contre leurs ennemis : lesquels assez tost ils rebouterent hors de leursdits logis aux champs, & là de tous costez se cōmencerent de tresgrandes escarmouches : auxquelles se porta tres vaillamment Messire Gauuain Quieret, Messire Hue de Longueual, & plusieurs autres, avec les chefs dessus nommez : lequel Messire Gauuain y estoit venu vn iour deuant, & les auoit aduertis de la venue dudit Damoiseil de Commercy.

FINABLEMENT iceluy Damoiseil, & ceux de sa compagnie voyans, qu'ils pouoient plus perdre, que gagner à illec demourer longuement, se partirent assez hastiement, & s'en retournerent audit lieu de Commercy : & y furent morts huiēt ou dix de ses gens, & plusieurs naurez : & de la partie des assiegeans fut mort vn Gentil-homme nommé Gaultier de Pauant,



& pou d'autres avec luy : lequel de Comercy s'en alla avec ledit laquemin de Beaumont , & islit du Chastel par derriere, entre-téps que ladiète escarmouche se faisoit en abandonnant les gens: lesquels se redirent en brief terme ensuiuant par tel si, qu'ils s'en iroient à tout leurs biés : & apres ledit Duc de Bourgongne feit loger ses gens vers Luxembourg, & alla le Comte d'Estampes à tout grand partie des Capitaines, & gens de guerre à Ez, qui est vne grande ville, laquelle autresfois auoit esté fermée, & fut illec grand espace de temps. Si couroient les gens bien souuent sur leurs aduersaires: desquels quand ils les rencontroient, en faisoient bien peu de compte. Et entre-temps que toutes les besongnes se faisoient, le Duc de Bourgogne, qui auoit avec luy (côme dit est dessus) plusieurs du pays assez subtils, eut plusieurs imaginations, & Conseils avec ses plus feables, & aucuns des dessusdits, pour sçauoir comment il viendroit à chief de ceste guerre. Si luy fut dir, qu'il pourroit bié faire essayer, sçauoir si on trouueroit point maniere d'escheller, & prendre de nuit ladiète ville de Luxembourg. Et quand ledit Duc ouyt ce il y entendit volentiers, & fut content que on y besongnast par tous les moyens, qui pourroient estre possibles: & pour faire l'essay, & aller aduifer le lieu, furent ordonnez deux Gentils-hommes: c'est à sçauoir l'un du pays de Bourgongne nommé Guillaume le Greuant, & le second Robert de Miramont natif de Picardie, & avec eux aucuns autres du pays, qui les conduisoient. Si se meirent à chemin, & allerent par plusieurs fois veoir, & espier comment ils pourroient faire: & aussi cōment ceux de dedās se gouernoient en fait de guet: & auoient avec eux aucuns excellens escheleurs: si trouuerēt & apperceurent qu'il y faisoit bon, & que ceux de dedās s'acquittoient assez petitement de faire le guet: & adōc en y eut qui par eschelles monterent amont, & aduiferent bien à leur ayse tout l'estat de ladiète ville. En apres se departirēt, & s'en retournerent le plus secretement, qu'ils peurent deuers le Duc de Bourgogne: auquel ils feirēt leur rapport de ce qu'ils auoient veu & trouué. Sur lequel rapport ledit Duc se conclud de faire essayer de mener ceste entreprinle à fin, si le feit sçauoir au Comte d'Estampes, & aux Capitaines qui estoient avecques luy: en eux signifiant, que c'estoit son plaisir, qu'ils feissent ladiète entreprinse, & qu'il iroit en personne avecques eux pour les secourir, & ayder se besoing leur en estoit: & estoit lors iceluy Duc à Aillon, & le dessusdit Comte d'Estampes à Ez, lequel Comte d'Estampes quand il eut ouy, & entendu l'intention dudit Duc, assembla grand partie des plus nobles de sa compagnie, & leur remonstra toutes les besongnes dessusdictes. Et avecques ce leur declaira l'intention dudit Duc, & leur requist que sur ce le voullissent conseiller. Et adonc fut la besongne aucunement debatue entre eux: & en y auoit aucuns, qui doubtoient aucunement à faire, & conseiller ladiète entreprinse, pour plusieurs raisons. Et en fin tout considéré se conclurent ensemble de le faire, puis que c'estoit le plaisir, & ordonnance du dessusdit Duc de Bourgogne leur chef, & souverain Seigneur. Et apres ceste conclusion fut aduise à qui on bailleroit la charge de faire le premier eschelement. Si y furent commis Messire Gauvain Quieret, le Seigneur de Bos-

Bosqueaux, Guillaume de Greuant, & Robert de Miramont dessus nommé, avecques les eschelleurs, & de soixante à quatre vingts compagnons. Si se meirent à chemin, & auoient bonnes guides du pays, qui les menoient: & depuis les suyuit, & r'attingnit le Seigneur de Saueuses, jaçoit-ce qu'il fut pour lors moult aggraué de maladie: pour la compagnie duquel ils furent bien ioyeux, & se tirerent le plus coyement qu'ils peurent iusques à demie lieue de Luxembourg, où ils se meirent à pied, & laisserent leurs cheuaux. Et puis s'en allerent tout outre iusques au lieu, qui estoit ordonné, & eux là venuz auoient commis ceux, qui deuoient premier monter, & aussi ceux qui les suiuroient de main en main par tres bonne maniere, & belle ordonnance. Et quand tout fut prest, on commença à dresser les eschelles, & à monter ainsi comme il auoit esté aduisé. Et fut requis au Seigneur de Saueuses, qu'il demourast au pied des eschelles pour faire tenir les ordonnances, & pour faire monter ceux, qui à ce estoient commis, lequel le feit & à point: car audiect lieu n'y auoit homme, qui bien ne se voulsist conduire par son conseil. Et quand messire Gauvain Quieret, & les autres furent dedans, & la plus grand partie, ils prindrent aucuns de ceux du lieu: ausquels ils feirent semblant de les mettre à mort, s'ils faisoient aucune noyse, & tost apres iceux allerent rompre vne poterne, & ouurir pour ledit Seigneur de Saueuses, & autres, qui les auoient suiuius iusques à deux cens ou enuiro, qui y entrerent & commencerēt à crier à haute voix, ville gaignée: duquel cry la ville fut estourdie, & tout en haste crierēt à l'arme en plusieurs lieux. Et entre-temps les dessusdits Bourgongnons se tirerent au marché: lequel ils gaignerent, nonobstant que ceux de dedans se fussent assemblez en petit nombre pour le garder. Si feirent peu de resistance, à laquelle fut nauré ledit messire Gauvain, & des dessusdicts deffendeurs, en mourut d'eux tant seulement, & les autres se meirent de toutes parts à fuyr vers le chastel, & aussi vers le bas de la ville. En apres ledit Comte d'Estampes, qui les dessusdicts suiuiot de pres à puissance, fut aduertie de celle prinse par plusieurs messages, qu'iceux enuoyerent deuers luy, si se hasta le plustost qu'il peust d'y venir. Et quand il fut dedans, il fut ordonné, qu'on enuoyeroit certain nombre de gens deuant le chastel, pour garder la faillie de ceux qui estoient dedas: mais desia ils auoient bouté le feu tout au trauers de la rue, qui estoit deuant ledit chastel: par lequel furent arses moult de belles maisons, & la plus grand partie des cheuaux des Gens d'armes, qui là estoient logez: lesquels en grand nombre s'estoient retraits ou chastel dessusdict. Et avec ce quand le peuple, dont il y auoit grand multitude, qui s'estoit retraict en la basse ville, veit & apperceut, que la ville estoit ainsi prinse, & qu'il n'y auoit point de rescousse, ils s'en islir hors, & s'en alla à Thionuille, & autres lieux moult desconforté en abandonnant tous ses biens. Et en ce mesme iour vint audiect lieu de Luxembourg ledict Duc de Bourgogne: apres laquelle venue se commencerent ses gens à loger par ordonnance par ladicte ville: dedans laquelle furent trouuées de grandes richesses, & des biens en grande abondance: lesquels tantost furent tous prins, rauiz & butinez par ceux, qui auoient conquis ladicte ville. Et auoit esté ordonné à faire icelle entrepri-

*Prinse de Luxembourg  
par escalade.*

se, que tous lesdits biens seroient partis, & butinez également, & que chacun selon son estat en auroit sa portion sans y faire aucune fraude. Laquelle ordonnance ne fut point entretenue: mais en furent fraudez la plus grand partie des compaignons, par especial ceux du moyen & moindre estat: & y en eut peu, qui y eurent profit, sinon aucuns des chefs de l'armée, & ceux qui auoient conduit la besongne. Et aussi autres, qui furent commis à butiner, & qui eurent le gouuernement d'iceux biens. Pour laquelle fraude en y eut plusieurs, qui se plainquirent l'un à l'autre, disant qu'on leur monstroît mauvais exemple d'eux vne autre fois aduéturer leurs corps, pour gagner ce, où ils n'auoient riens: néantmoins quelque plainte qu'ils en feissent, n'en peurent auoir autre chose, ains furent contraints assez rigoureusement tant par serment comme autrement, d'apporter ou deliurer ce, qu'ils auoient trouué en la main desdicts butineurs. A laquelle assemblée ou besongne estoit le Seigneur de Humieres, qui exerçoit l'office de Mareschal, auquel office il a esté commis de par le Seigneur de Beaumont, le Mareschal de Bourgogne. Aussi estoit avecques ledict Duc de Bourgogne des marches de Picardie, le Comte d'Estampes dessus nommé, le Seigneur de Croy Comte Porcean, Vvaleran de Moreul, messire Symon de Lalaing, Guy de Roye, messire Robert de Saueuses son frere: Hue de Hames, Hue de Longueual, le Seigneur de Bosqueaulx, messire Anthoine de Vvisoch, & moult d'autres nobles hommes. Et des marches de Bourgogne le Seigneur de Ternant, messire Pierre de Baufremont Seigneur de Chargny, le Seigneur de Brassly, Charles de Rochefort, Philebert de Vaudray, Iean de Vaudray, Philebert d'Aincourt, & aucuns autres Cheualiers, & Escuyers en grand nombre. Et quand est audié Comte de Clicq, il se retrahit avecques ses gens dedans le chastel: mais depuis se desroba de nuit secrettement, & s'en alla tout de pied à Thionuille: lequel chastel de Luxembourg se detint depuis ladicte prinse enuiron trois sepmaines: durant lequel temps de ceux de dedas fut occis, messire Iean Bastard de Dampierre d'un trait, dont il fut frappé par la teste, & ledit seigneur de Saueuse a vne faillie, qu'auoient faite aucuns dudit chastel, fut nauré tresgriefuement d'un vireton en la poitrine, dont il fut en peril de mort: mais par la diligence des Chirurgiens dudit Duc de Bourgogne, tourna depuis à guerison. En la fin desquelles trois sepmaines le dessusdit Comte de Clicq feit traité avec les commis du dessusdit Duc de Bourgogne, moyennant que ses gens qui estoient audit chastel de Luxembourg, s'en iroient sauus leurs vies, & si n'emporteroient riens de leurs biens. Et avec ce rendit la ville de Thionuille, & se retourna en son pays d'Allemaigne à grand perte, honte, & confusion de luy, & de ses gens. Et par ainsi iceluy Duc de Bourgogne eut pleine obeyssance de ladite Duché de Luxembourg en peu de temps, & à petite perte de ses gens. Auquel lieu alla la Duchesse sa femme, & avec elle la Duchesse de Luxembourg, laquelle auoit fait, ou feit traité avec ledict Duc par condition, qu'il iouyroit de ladicte Duché toute sa vie durant, & y auroit tout tel droit, qu'elle y auoit: & il luy en rendroit par chacun an la somme de dix mille francs monnoye de France. Auquel temps ledict Duc



Duc de Bourgongne, auoit faict publier luy estant en sa ville de Luxembourg, que nul de quelque estat qu'il fut, ne print debat, ne ne feit aucune extortion aux Seigneurs du pays, n'a leurs gens, qui estoient en sa compaignie des marches d'Allemagne, & de ladicte Duché. Laquelle publicatiō fut enfreinte par vn sien archier de corps nommé le petit Escoçois, qui print debat à messire Pierre Bernard, & de faict le ferit aucunement: pour lequel faict ledict Duc le feit pendre. Et nonobstant plusieurs prieres d'aucuns grans Seigneurs de son hostel, & aussi dudiect messire Bernard, qui luy pria pour au dessusdict sauuer sa vie, le feit pendre: ja fut que moult l'eust aymé parauant, & que bien fut content de son seruice: mais il le feit principalement afin de bailler exemple à tous autres, qu'ils ne fussent si osez de rompre & enfreindre ses edits, & ordonnances. Item en ce temps furēt mis plusieurs Ambassadeurs sus d'entre les deux Roys de France, & d'Angleterre: lesquels tressouuent alloient d'un pays en autre, pour trouuer moyens de paix entre les deux Royaumes, ou du moins r'alonger les trefues. Et pour lors le Roy de France se tenoit à Tours en Touraine, auquel lieu se tindrēt plusieurs grans conseils, & moult d'assemblées sur ceste matiere: ausquelles estoient mandez, & euoquez tressouuent les trois estats de son Royaume. Toutesfois nonobstant lesdictes assemblées se mouuoient continuellement les deux parties, & menoient grosses, & fortes guerres les vns aux autres.

*Punition ex-  
plaire des Ar-  
chers du Duc.*

*Comment aucuns des gens du Dauphin se tirerent vers le pays de Bourgongne: lesquels furent ruez ius par le Marechal de Bourgongne, & les siens.*



Avec commencement de cest an le Dauphin de Viennois premier fils du Roy, retourna deuers son pere, qui estoit à Tours en Touraine, & auoit ledit Dauphin esté moult grand espace de temps au pays de Languedoc, tant pour le fait du Comte d'Armignac, comme pour autres affaires. Auquel retour moult de gens de son armée se tirerent sur les marches de Bourgongne, où ils feirent de grans desroys, cōme autresfois auoient faict. Si s'en allerent loger à vn gros village nommé Espoise, auquel lieu leur vint courre sus le Seigneur de Beaumont Marechal de Bourgongne accompagné de plusieurs Nobles du pays, & y eut dure rencontre entr'eux: mais en fin par la diligence, & vaillance dudiect Marechal, & d'aucuns autres Seigneurs de sa compaignie, furēt iceux François tournéz à descoufure, & y eut grand nombre que morts, que prins. Et brief en suiuant en furent portées les nouuelles audiect Dauphin, & luy fut dict, comment ses gens auoient esté ruez ius ou pays de Bourgongne: lequel Dauphin rura lors vn grād serment qu'ils'en iroit lors ou pays pour les contreuenger. Et d'autre part le Duc de Bourgongne fut aduertie de ce que ledict Dauphin auoit dict & iuré. Si dict pareillement, qu'il iroit ayder à garder son pays. Et par ainsi eut aucun commencement de rigueur entre ces deux Princes: mais assez brief apres par le moyen d'aucuns notables, & sages personnes d'un costé & d'autre, furent les choses rappaisées, & ledict Dauphin refraignit son ire, & son courroux.

*Comment vnes trefues furent faictes, & données entre les Roys de France, & d'Angleterre, & tous leurs parens, amis, & alliez, & subiets.*



TEM durant le temps dessusdit se continuerét à Tours en Touraine les assemblées, & traictez d'entre les deux Royaumes de France, & d'Angleterre: auquel lieu estoient plusieurs Princes, & grans Seigneurs du Royaume de France en personne, & ceux qui point n'y estoient, auoient enuoyé grans, & notables Ambassadeurs, ayant pouuoir suffisant de par les Seigneurs, qui les auoient enuoyez. Entre lesquels y estoient de par le Duc de Bourgogne, messire Jean de Croy Bailly de Hainault, le Prieur de Vergy, maistre Oudart Capercel, & autres notables hommes: & aussi y estoient ceux des bonnes villes en tresgrand nombre. Et pareillement de la partie du Roy d'Angleterre y estoient à tout pouuoir suffisant messire Guillaume de la Poulle Comte de Suffort, maistre Adam Melaine garde du priuè seel du Roy d'Angleterre, & Doyen de Salfebery, messire Robert de Roz, & autres: lesquels tous ensemble par diuerses iournées s'assemblerent l'un avec l'autre, & furent faictes plusieurs ouuertes entre icelles parties pour venir, & conclurre à paix generale: mais finalement pour les grans difficultez, qui pour lors estoient entre les parties ne pouuoient venir, ne eux accorder à ladicte paix generale: mais sur esperance d'y paruenir, prindrent vnes trefues, & abstinance de guerre iusques à certain temps entre les dessusdictes parties: lesquelles s'entretindrét assez seurement, dont du contenu la teneur s'ensuit.

CHARLES Duc d'Orleans, & de Valois, Comte de Bloys, & de Beaumont, Seigneur de Coucy, & d'Osly: Loys de Bourbon Comte de Vandomme, & de Chartres souverain maistre d'hôtel de France, Pierre de Bresse Seigneur de la Varenne, & de Bressac Seneschal de Poitou, & d'Avignon, Berthran de Beauuau Seigneur de Precigny Cheualier Conseillier, & Chambellan de tres excellent Prince le Roy de France nostre tresredoubté, & souverain seigneur. A tous ceux qui ces presentes lettres verront, Salut. Comme nostre saint pere le Pape ait tressouuentes fois prié, requis, & exhorté par ses lettres, & messages, & mesmement dernièrement par reuerend pere en Dieu l'Euesque de Vise son Ambassadeur, & messager le Roy nostre tresredoubté, & souverain seigneur de descendre, & vouloir entendre par moyen de longue trefue, ou autrement à bonne paix, & union, & concorde avecques treshault, & trespouissant Prince son nepueu d'Angleterre: lequel pour ceste cause a depuis nagueres enuoyé, & transmis à tout certain pouuoir par deuers nostre tresredoubté, & souverain Seigneur ses solempnels Ambassadeurs, & messages: c'est à sçauoir Guillaume de la Poulle Comte de Suffort grand maistre d'hôtel d'iceluy treshault Prince, maistre Adam Melaine garde de son priuè seel, Docteur en loix, Doyen de Salfebery, messire Robert de Roz, messire Thomas Hors, Cheualier, Richard d'Andrene Secretaire dudit treshault Prince, & nepueu d'iceluy souverain seigneur: de laquelle chose le Roy nostre tresredoubté seigneur pour reuerence de Dieu, pour la pitié qu'il a tousiours eue, & a de grans dommages, & afflictions, que le pauvre peuple d'une partie, & d'autre a eu longuement, & a encores à souffrir, & porter à l'occasion de ladicte guerre, & pour euite l'effusion du sang humain, s'est liberallement descendu pour besongner en ceste matiere avecques lesdicts Ambassadeurs de sondict ne-

ueu: & sur tout communiquer, traicter, & appointer avecques eux, luy ait pleu nous commettre & deposer de sa part, & nous bailler ses lettres des pouuoir dont la teneur s'en suit.

CHARLES Duc d'Orleans, &c. Sçauoir faisons qu'apres ce que pour traicter de ladicte paix, & trefues, nous sommes assemblez par plusieurs iournees en ceste ville de Tours avec iceux Ambassadeurs d'Angleterre: nous à leur requeste, auons par vertu à nous donnée en esperance principale de paruenir par traitt de temps à bonne paix, & accord final, entre nostre trefredoubté, & souverain Seigneur, & sondit nepueu, & des Royaumes de France, & d'Angleterre: octroyé, consenty, promis, & accordé: & par ces presentes consentons, octroyons, accordons, & promettons, pour & ou nom de nostre trefredoubté & souverain seigneur avec les dessusdicts Comtes de Suffort, & autres Ambassadeurs d'Angleterre dessus nommez, & eux aussi avec nous par vertu de pouuoir à nous donné: duquel la teneur s'en suit.

HENRICVS. Et cat. trefues generales pour le Roy nostre souverain Seigneur, son Royaume tant par terre, par eue douce comme par mer ses vassaux & subiects. Et mesmement pour trespoussans Princes les Roys de Castille, des Romains, de Lihons, & Cecille Duc d'Anjou, de Bar, & de Lorraine, le Roy d'Escoce, monseigneur le Dauphin de Viennois aussi fils de France: Nous Duc d'Orleans dessus nommé, les Ducs de Bourgongne, de Bretagne, de Bourbon & d'Alençon, le Comte du Maine, & generallement pour tous les Seigneurs du sang du Roy nostredit souverain seigneur: & ses autres subiects, amis & alliez, & adherans, & par tous leurs Royaumes, Dauphiné, de Viennois, Duchez, Comtez, & par tous les autres pays, terres, & Seigneuries; qu'ils ont, & tiennent tant en ce Royaume, que dehors, & pour tous leurs vassaux & subiects: c'est à sçauoir au regard desdits amis, & alliez, & adherans non suspects, se comprins y veulent: lesquels alliez, aydans, & adherans, qu'ils y voudront comprendre, si comprins y veulent estre, à non suspects d'un costé né d'autre: seront tenus de promettre, & iurer à garder ladicte trefue, & de reparer ce que par eux, où les leurs seroit fait au contraire. A commencer lesdites trefues par tout le Royaume de France, tant par terre comme par eue douce, & es ports de mer. C'est à sçauoir en la Duché de Guyenne, & pays de Gascongne, & es ports de mer, & es Isles, qui y sont, le quinziesme iour de May prochainement venant à Soleil leuant, & en tous les autres pays, & contrées d'iceluy Royaume. Et au regard de la mer le premier iour de Iuillet apres ensuiuant ladicte heure de Soleil leuant, par tous les Royaumes d'Angleterre, & seigneuries d'Irlande, & de Galles: & par toutes les autres seigneuries, & Isles quelcôques dudit treshault & puissant Prince, & nepueu de nostredit seigneur, dudit iour de Iuillet prochainement venant à Soleil leuant. Et au regard de ladicte mer le premier iour de Iuillet prochainement venant à Soleil leuant. Et au regard desdits alliez d'un costé & d'autre, commenceront icelles trefues apres ce qu'on aura signifié la declaration de leur volenté d'une par: & d'autre. Et suffira pour la descharge, & acquit du Roy nostredit, & souverain seigneur, qu'il face signifier ladicte declaration, & volenté desdits alliez à celuy, qui aura la charge, & gouvernement pour ledit treshault, & puissant Prince son nepueu d'Angleterre de ça la mer es parties de Normandie, & de Guyenne. Et au regard d'iceluy trespoussant Prince & nepueu, il suffira qu'il face faire ladicte signification à la Court de Parlement à Paris. Et dureront lesdites trefues commençans comme dessus iusques au premier iour d'Auril prochainement venant à ladicte heure du Soleil leuant, l'an reuolu qu'on



comptera selon l'usage de ce Royaume, l'an mille quatre cens quarante & cinq auant Pasques.

**I T E M** durant les trefues dessusdictes cessera, & sera le Roy nostredict souverain Seigneur cesser toute guerre, & voye de fait, entre luy, & ses Royaumes, pays & subiects, & aussi allies, ainsi que dict est. Et ledit tresault, & puissant Prince, & nepueu de nostredict souverain Seigneur, n'aydera, ne souffrira aucuns de ses subiects du Roy nostredict Seigneur, ne autre quelconque personne à l'encontre de luy, n'a son preiudice & dommage. Et pareillement ne sera le Roy nostredict trefredoubté, & souverain seigneur, au regard dudit tresault, & puissant Prince son nepueu.

**I T E M** & pendant icelles trefues, ne pourra l'une desdictes parties, ne ses gens prendre au party, & obeyssance de l'autre aucunes citez, villes, places, fortereffes, ne autres lieux par force, par emblee, ne par eschellemens de iour, ne de nuit pour vendition, tradition, seduction, ne autrement ne quelque maniere, ne sous quelque couleur, ou moyen que ce soit: & cesseront, & sera nostre trefredoubté, & souverain seigneur cesser toutes prises de personnes quelconques, de quelque estat, ou condition qu'ils soient, & rançonnermes (excepté les rançons de ceux qui auoient esté prins par auant lesdictes trefues) pilleries, roberies, & boutemens de fen, & tout autre fait, & exploit de guerre. Et ne pourrons ne deurons les gens de l'une desdictes parties tenir compaignie de gens de guerre au party de l'autre, ne y porter aucun dommage.

**I T E M** s'il aduenoit, que les gens de l'une desdictes parties prissent aucune ville, cité, place, ou fortresse sur l'autre partie, qui auroit fait ladicte prise: audit cas sera tenu de rendre, & remettre ladicte place es mains, & obeyssance de l'autre, ainsi qu'elle auoit esté par auant icelle prise, & tout reparer & reblablir. Et au cas que sans force d'armes ceux, qui auroient ainsi fait, ne voudroient obeyr, ne rendre ladicte place: la partie, à qui ils auroient esté par auant ladicte prise, ou au temps d'icelle, sera tenue de les faire à ses despens: & aussi sera tenue l'autre partie en ce, si elle en est requise. Et suppose que ladicte reparation ne peust estre faite pendant lesdictes trefues: neantmoins la partie, à laquelle seroient, ou auroient esté par auant au temps d'icelle prise, ceux qui auroient fait ladicte prise, seront tenus de la rendre, & reparer tout entierement.

**I T E M** pendant lesdictes trefues, tous les subiects d'un costé & d'autre, pourront deormais aller, venir, demourer, & marchander de toutes marchandises (reserué habillemens de guerre) seurement, & paisiblement: & faire toutes les autres œures, & besognes liées les uns es pays des autres, sans estre empeschez, arrestez, ou molestez en quelque maniere que ce soit, pour marque, represaille, entreprinse, ne pour quelque debte, obligation, ne autres choses faites, ou aduenues par auant lesdictes trefues, en payant tous peages accoustumés es lieux, & pays par où ils passent: pourueu toutesfoi que les subiects, Nobles, ou gens de guerre de l'une desdictes parties, ne pourroient entrer es chasteaux, villes fermées, & autres forts lieux, en l'obeyssance l'un de l'autre, sans demander licence, ou congé aux seigneurs Capitaines desdicts lieux, ou de leurs Lieutenans, & qu'ils soient desarmez & en petit nombre. Et au regard des vrayz pelerins, ils pourrôt aller en compaignie grande, moyenne ou petite, ainsi que pelerins ont accoustumé de faire en tous lieux, où il y a pelerinages anciennement accoustumés. Et au regard d'eux & des personnes, comme marchans, & autre menu peuple, il suffira qu'ils demandent, & obtiennent congé, & licence d'entrer esdictes villes, chasteaux, & fortereffes aux portiers d'icelles.

**I T E M**

ITEM pource que plusieurs des subiects du Roy nostredit trefredoubté & souverain Seigneur, ont en l'obeissance de sondit nepueu d'Angleterre plusieurs terres, & seigneuries: desquelles ils ont par cy devant iouy en tout & en partie, par mains de fermiers ou autrement; ils en pourront iouyr durant lesdictes trefues, ainsi & par la forme, & maniere qu'ils faisoient par auant icelle.

ITEM & au regard des appaictiz, qu'ils ont accoustumé d'estre leuez d'un costé & d'autre, il en sera fait & ordonne par les Conseruateurs desdictes trefues, & par autres Commissaires, qui y seroient cōmis, et deputez de par le Roy nostre souverain Seigneur de sa part, & par lesdits Ambassadeurs, ou autres cōmis de par son deuantdit nepueu d'Angleterre.

ITEM & si il aduenoit, que aucuns attēptaz feussent faits à l'encontre desdictes trefues que Dieu ne vueille, elles ne seront pas pource corrompues, ne pour ce ne sera faicte guerre ne d'un costé, ne d'autre: mais demourront les dessusdictes trefues en leur force & vertu, tout ainsi, & par la forme, & maniere, que si aucune chose en auoit esté fait au contraire. Mais lesdicts attemptaz seront reparez par lesdicts malfaicteurs, & iceux punis par les Conseruateurs, & Commissaires, qui à ce seront commis, & ordonnez, & de par nostredit souverain Seigneur pour sa part, & de par ledit Prince son nepueu pour la sienne.

ITEM & si durant lesdictes trefues aucune question, ou debat s'esmonuoit par l'une des dessusdictes parties à l'encontre d'aucuns des autres subiects, ou alliez de l'autre: icelle partie ne pourra pour ce soubstenir ne soy allier avecques celuy, contre lequel ledit debat seroit ainsi esmeu, & encommencé. Toutes lesquelles choses dessusdictes, & chacune d'icelles: nous Duc d'Orleans, Comte de Vendosme, & autres dessus nommez commis, & deputez de par ledit trefredoubté, & souverain Seigneur le Roy de France: auons promis & iuré, promettons, & iurons pour ou nom, & en l'ame de nostredit souverain Seigneur le Roy, par ces presentes faire auoir agreable à mondit trefredoubté & souverain Seigneur: & par ces parentes telle qu'il appartiendra, & que le cas le requiert, la tenir & approuuer, & ratifier, consermer, & en bailler ses lettres en la ville de Roien à celuy, qui aura le gouuernement de sondit nepueu deça la mer, dedans le quinziemes iour de Iuillet prochain venant. Pourueu que ainsi le face de la part du dessusdit treshault, & puissant Prince le nepueu de nostredit souverain Seigneur, estant illec dedans ledit terme. En tesmoing de ce, nous, & chacun de nous en droit soy, auons signé de noz mains, & fait seeller de noz sceaux cesdites presentes lettres. Données audit lieu de Tours le vingtiesme iour de May l'an de grace mille quatre cens quarante quatre. Et en traictant toutes les besongnes dessusdictes, furent faictes plusieurs ouuertures. Aussi pour traicter le mariage du dessusdit Roy Henry d'Angleterre avecques la fille du Roy René de Cecille Duc d'Anjou, de Bar, & de Lorraine, lequel depuis fut parfait, & confirmé, comme cy apres sera declairé en mon tiers liure.

Cy finist le second volume d'Enguerran de Monstrelet, avecques les grandes Chroniques des Roys de France: des Papes regnans en leurs temps: & plusieurs autres nouvelles choses aduenues en Lombardie, és Itales, & autres diuers païs, és temps du regne desdits Roys. Le tout fait, & adiousté avecques la Chronique dudit de Monstrelet, achené d'imprimer à Paris, par Pierre Mestayer, l'an de grace mille cinq cens quatre vingts & neuf.

# LA TABLE DES CHOSES PLUS NOTABLES DV SECOND VOLUME.



<b>A</b> duement du Roy Charles vij. à la couronne de France.	1.4.
Adventure au Roy Charles vij. pour la ruine d'une maison en la ville de la Rochelle, dont mourut Jean de Bourbon Seigneur de Preaux.	1.6.
Adventure dangereuse au Duc de Bourgogne à Bruges.	142.6.
Alençon prisonnier entre les mains des Anglois sollicité par le Duc de Bedford de prendre leur party se refuse constamment.	25.6.
Alençon & ce qu'il feist contre le Chancelier de Bretagne.	79.6.
Amé Duc de Savoie se rend bermitte à Rapaille, & samamere de Viure, & de se vestir.	102.6.
Ambassade des Parisiens en Angleterre, pour avoir secours contre le Roy Charles.	2.4. & 47.4.
Amiens ville de Picardie affectionnée à la part de Bourgogne.	52.6.
Amiens cité mutinée contre les Bourguignons.	121.6.
Angloue fort Chasteau, & ce qui y aduint.	70.6.
Annullement faict par le privé Conseil du Roy d'Angleterre du champ de duel entrepris entre les Ducs de Bourgogne, & de Glocestre, par ce qu'il fut trouvé, qu'il n'y avoit point de juste cause de combat.	27.4.
Aniboine Prince fils du Duc Philippe meurt le premier an de sa naissance.	69.4.
Anvers cité en Erabans mutinée contre le Duc Philippe, & l'occasion de ce.	105.4.
Armée Française, & Angloise en bataille l'une devant l'autre au mont Esloy pres Senlis sans se mesler.	49.6.
Arras, & la grande assemblée des Potentats de Chrestientie pour composer les guerres de France.	108.4.
Assemblée notable de plusieurs Ducs, & grands Seigneurs à Amiens pour se liquer ensemble.	4.6.
Assemblée de Bourguignons, & François à Maison pour composer les troubles.	19.4.
Assemblée des Princes de France à Nevers, pour aviser aux affaires du Royaume de France, & aux differens qu'ils avoient contre le Roy.	191.4.
Assemblée entre Calais & Gravelines pour avoir paix finale entre les parties de France & d'Angleterre.	158.6.
Auffemont Gentilhomme pris prisonnier en trahison par la Haye.	100.6.
Aumartle Comte au service du Roy Charles vij.	2.6.
Auvergnac constant au service au Roy Charles vij. contre son fils.	171.4.

## B

<b>B</b> ac à Berry ruiné par les Bourguignons.	176.6.
Barbazan Capitaine Lorrain.	71.6.
Bastard de Bourbon accusé devant le Roy de plusieurs crimes, pour punition desquels il fut jeté dedans un sac en l'eau.	182.6.
Bataille présentée par les François au Duc Philippe de Bourgogne, & la response qu'il feist.	68.6.
Bataille présentée par les Bourguignons au Duc de Bour-	

bon.	98.6.
Bandencourt Capitaine de Fauconleur, sui le premier, qui adressa la Pucelle lehanne au Roy Charles vij.	42.6.
Beaurain ruiné par les Liegeois.	128.6.
Blanchefort Capitaine François.	87.6.
Blanchefort ravage le pays d'Artoys.	87.6.
Bosqueaux Gentilhomme Picard du parti Dauphinois pris dans le chasteau de Chossy par les Anglois, & depuis cartelé à Paris.	1.6.
Bouquen Comte Escoscu au service du Roy Charles vij.	2.6.
Bouciller Capitaine Anglois chef de l'armée Angloise au siege du Crotay.	9.4.
Bourguignons en guerre contre les Anglois.	123.4.
Bournouille Capitaine François, pour la part Angloise, nauré à mort à l'assault de Creil.	51.6.
Bonsach Marechal de France sault à surprendre le Chasteau de Roué sur les Anglois, & ce qui en aduint.	79.6.
Bonsach Marechal de France, leu le siege de Clermont en Beauvoisi.	67.4.
Brabant Duché par quel moyen il vint en la maison de Bourgogne.	62.4.
Brimen Marechal du Duc de Bourgogne.	52.6.
Brimen Capitaine Bourguignon pris par les François, & sa troupe desfaite.	58.6.
Bruges en sedition contre le Duc Philippe.	139.6.
Bruges en reuolte contre le Duc de Bourgogne.	143.4.
Brugou pacifié avec le Duc de Bourgogne.	148.4.
Brugou en traitié avec le Duc de Bourgogne.	153.4.
Brugou font amende honorable au Duc de Bourgogne.	179.6.
Bucel, & la Varenne desfont les Anglois assiegers Beau-mont le Viconse.	100.6.
Bulle du Pape Eugene contre Amé Duc de Savoie.	159.6.

## C

<b>C</b> alamité par la France de peste, famine, & guerre sont ensemble.	155.6.
Chambellan Capitaine Anglois prisonnier, pour avoir rendu par composition le Maréchal de Meaux.	166.4.
Chasteauvillain Gentilhomme Bour. depeché de ses terres.	59.4.
Chartres cité estoit de la faction Bourguignonne, & comme elle fut reprise par les François.	81.6.
Channy sur Oise, & la peureuxance des habitants du lieu, qui ruinerent le chasteau de leur ville pour demeurer en liberté.	81.4.
Champaigne reduite en l'obeissance de Charles vij.	47.6.
Champremy vaincu en duel par Rosebecque.	6.4.
Chabanes Chevalier François vaillant, & renommé.	54.4.
Cypre Royaume, & la guerre, qu'y feist le soldan.	12.4.
Cypre Royaume en Leuant, & des affaires dudit pays.	25.6.
Clasandus Capitaine Anglois renommé.	46.4.
Clocestre Duc Anglois sous couleur de l'allegerisme mariage de luy, & de la Duchesse Jacqueline occupe Hainault.	18.6.
Clocestre ressusé au Conseil du Roy d'Angleterre de secours & de gent, & d'argent pour la guerre de Hainault, & les rigoureux termes, qui luy furent tenuz.	25.6.
Clocestre	



# TABLE DV II. VOLUME D'ENG. DE MONST.

Cloistre Duc Anglois avecq armée Angloise court, & ransage Flandres, & Artois. 19. a.  
 Combat en camp cloz, de Poion de sainte Treille contre Lyonel de Flandonne deuant le Duc de Bourgogne. 5. b.  
 Combat en duel entre vn Espagnol, & vn Bourguignon. 109. a.

Commercy Damoiseau asiege pour neant la forteresse de Montagu en Champagne que les Bourguignons auoient occupé sur luy. 57. b.

Commercy ennemy du Comte de Ligny luy surprens sa Ville. 86. a.

Concile de Basle, & l'origine du schisme, qui en aduint. 73. a.

Commercy Damoiseau guerroyé par le Connestable de Franche par ce qu'il estoit desobeissant au Roy. 128. a.

Concile de Basle. 96. a.

Concile de Basle, & ce qui y fut determiné contre le Pape Eugene. 156. b.

† Connette Religieux Breton de l'ordre des Carmes, presbtre contre les baults atours, & lubillemens pompeux d'hommes & femmes. 39. b.

Conuict predicateur déclaré heretique, & condamné a estre ars a Rome. 87. a.

Conspiration des Cheualiers de Vermandois contre la part Bourguignonne, & Angloise. 13. a.

Corbie assailly pour neant de la part François. 71. b.

Courtes de François en Cambresis, & Artois. 91. b.

Courtes de François sur les Bourguignons. 109. a.

Courtes d'Anglois sur les Bourguignons; deffaitte de Flamans. 119. a.

Creuencieur, & Sauceses parti zans pour Bourgogne. 57. a.

Crotoy Seigneur du Crotoy Capitaine pour la part Bourguignonne. 3. b.

## D

Deffaitte du Marechal de Bourgogne nommé Thoulougon par la Busiere Capitaine François. 8. b.

Deffaitte de Bourguignons par les Holandois. 28. a.

Deffaitte d'Anglois, & de Holandois, venant au secours de la Duchesse Jacqueline, par le Duc Philippe de Bourgogne. 28. a.

Deffaitte de Bretons par les Anglois. 35. b.

Deffaitte de François pres Beaumais par les Anglois. 55. a.

Deffaitte de Bourguignons, voulant leuer le siege de Chappes pri Troyes. 59. a.

Deffaitte des communes de Reims par les Anglois, deuant Champigneux. 62. a.

Deffaitte de Bourguignons. 64. a.

Deffaitte d'Anglois, & Bourguignons par Paton de sainte Treille, par Garmigny. 67. b.

Deffaitte de Bourguignons voulant prendre le fort saint Vincent. 96. b.

Deffaitte de François, par le Comte de saint Pol. 94. b.

Deffaitte d'Anglois a Beaumont le Vicomte au Maine. 100. a.

Deffaitte de François par Certon Anglois. 103. a.

Deffaitte des François par les Bourguignons. 107. a.

Deffaitte de François par les Anglois, dont estoit chief Messire Thomas Kiriel. 124. a.

Deffaitte des Bourguignons par les Anglois pres d'Ardre. 138. a.

Deffaitte des François a Verneuil. 14. a.

Deffaitte de Bourguignons par le Bourg de la Hire. 144. a.

Deffaitte de pillars par Jean de Luxembourg. 172. b.

Deffaitte de Picars par les Anglois. 183. a.

Delurance du Roy de Cypre, moyennant deux cents mil escuz de rançon, payez au Souldan d'Egypte. 31. a.

Delurance du Duc de Lorraine, du Roy de Cecile, hors des mains du Duc de Bourgogne. 140. a.

Dieppe ranitaillé par les François. 189. a.

Dimanche de Court Capitaine François, & ses troupes deffaites par les Bourguignons durans la paix, dont le Roy Charles Vy fut fort marry. 200. b.

Diffention entre le Duc de Bedford, & le Duc de Bourgogne. 89. a.

Diuisions en la Court d'Angleterre entre le Cardinal de Winchester, & le Duc de Glocester, pour le gouuernement du ieune Roy. 27. b.

Duel en Court de Bourgogne, entre Maillotin de Bours, & Hector de Flany. 70. a.

## E

Empoisonneur puny, pour auoir voulu empoisonner le Duc Charles d'Orleans. 185. b.

Entree pompeuse du Roy Henry d'Angleterre en Paris, comme Roy de France. 77. a.

Entree du Roy Charles septiesme en Paris, la apres qu'elle fut reduite en son obeissance, l'appareil & magnificence de sa reception. 147. a.

Entreneue des Ducs de Bourbon, & Bourgogne. 55. b.

Bourgogne, & de Bourbon a Nevers, le pourparlé de paix qu'ils eurent pour la paix finale. 101. a.

Entreneue des Ducs Charles d'Orleans, & Philippe de Bourgogne, leur finale reconciliation. 177. b.

Escorcheurs bandes Francoises ainsi nommez, & ce qu'ils feirent. 150. b.

Escorcheurs en Bourgogne. 155. b.

Estampes Comte issu de la maison de Bourgogne, Lieutenant pour le Duc Philippe au pays de Picardie, & ce qu'il se fit sur les François. 98. a.

Euaision de la Duchesse Jacqueline de Bauiette hors la ville de Gand. 27. a.

Eugene Pape retenu par force en Rome par les Romains. 97. a.

Eu Comte de retour de la prison d'Angleterre. 157. a.

## F

Famine en l'an 1438. 158. b.

Fange Gentil, homme de la maison du Comte de Richemont, Connestable de France, descapité pour trahison avec luy vn sergent du Chastelet de Paris. 166. a.

Fasces Capitaine Anglois suit a la bataille de Patcy, & le reproche qu'il en eut. 46. b.

Fescamp en Normandie, & ce qui y aduint. 46. a.

Flany Capitaine François, Lieutenant pour le Roy Charles Vy, en Compiegne lors qu'elle estoit asiegee. 60. a.

Foixen Cheualier pour la part Angloise, Capitaine de Domart en Pontieu. 3. b.

Foulques Cheualier Anglois, & l'entreprinse qu'il fist. 54. a.

Fort-e-escice Capitaine François dedans Andou contre les Bourguignons. 93. a.

Franquet d'Aras Capitaine Bourguignon, & sa troupe de trois cents hommes deffait par la Pucelle Jeanne le supplice d'iceluy. 58. b.

# TABLE DV SECOND VOLUME

G

**G**antoy en trouble. 85.a.  
 Gantoy en armes, avec le Duc Philippe asiegant  
 Calais, leur equipage & preparatifs. 130.a.  
 Gantoy mutine. 118.b.  
 Gantoy mutine. 111.b.  
 Gaucourt Gouverneur du Dauphiné. 61.b.  
 Gilles de Tostelles accusé de trahison fut decapité. 92.a.  
 Gribannal Capitaine Bourguignon occis par les communes  
 estant prisonnier. 69.b.  
 Guise Comte cedet, & transportee par le Duc de Lorraine  
 au Comte de saint Pol. 88.b.

H

**H**arcourt Capitaine Normans, pour la part Dauphi-  
 noise. 1.b.  
 Harcourt deffend le Crotay contre les Anglois. 7.a.  
 Harcourt occis cuidant prendre le Seigneur de Pertene-  
 son beau-pere. 10.a.  
 Hainault, & la Comtesse dudit pais reduict en la puissance  
 du Duc de Bourgogne. 21.b.  
 Henry Roy d'Angleterre, fils de la fille de Charles Vj. en-  
 tre la ville de Rouen. 60.a.  
 Heresie en Boisme. 4.a.  
 Helly Capitaine Bourguignon à la deffaite de Garmigny. 68.a.  
 Heretiques Pragois deschassez. 96.a.  
 Hire, autrement dit Estienne de Vignolles, rend Vixtry en  
 Partoy, & autres lieux aux Bourguignons. 17.b.  
 Hire, autrement nommé Estienne de Vignolles prend d'em-  
 ble la ville de Louviers en Normandie. 56.a.  
 Hire pris par Offemont, & le moyé de sa delivrance. 146.a.  
 Hollande, Zellande & Frie escheu en la maison de  
 Bourgogne, & par quel moyen. 86.b.  
 Hostidonne Comte Anglois au secours du Duc de Bour-  
 gogne deuant Compiengne. 86.b.  
 Humieres, & le Bastard de saint Pol, prouocquet les An-  
 glois au combat, sur la querelle du Duc de Brabant, com-  
 te du Duc de Cloestre. 25.b.  
 Humieres, & le Bastard de saint Pol Capitaines Bourgui-  
 gnons deffaite, & pris par les François. 85.b.

I

**I**eanne la Pucelle comme elle vint en la court de France. 42.b.  
 Ieanne la Pucelle au secours d'Orleans. 45.b.  
 Ieanne la Pucelle prise deuant Compiengne par les Bour-  
 guignons. 58.a.  
 Ieanne la Pucelle condamnée à estre arse, & la seneur de  
 sa sentence. 73.a.  
 Iouffes, & iournois à Bruxelles. 40.b.  
 Iouffes en Contri de Bourgogne, à ser emolu, de cinq Fran-  
 çois contre cinq Bourguignons. 57.a.  
 Iouffes en Bourgogne leues par Pierre de Bauffremont  
 loix, & conditions d'icelles. 198.b.  
 Iori Duc Anglois chassé des fortresses d'autour de Rouen  
 par les François. 140.a.  
 Iouffes, & Mille de Faulx, Advocats en Parlement à Paris,  
 chargez avec autres d'avoir voulu trahir Paris aux  
 Anglois, & la punition qui en fut faite. 142.a.  
 Isle-Adam Capitaine renommé de la faction Bourguignon-

ne, delivré de prison en laquelle il estoit par commande-  
 ment du Roy Henry d'Angleterre, & restituée en ses  
 estats. 14.

Isle-Adam saisi Marechal de France par le Roy Henry  
 d'Angleterre. 79.a.

Isle-Adam occis à Bruges. 143.b.

Isle Cheualier Anglois renommé meurt au siege d'Orleans.  
 39.b.

K

**K**riel Anglois surprend Poibon de sainte Treille.  
 146.a.

L

**L**a Poulle Capitaine Anglois, les courtes qu'il fait en  
 Annon, & sa deconfiture. 4.b.

Letres de deffiance des Ducs de Bourgogne, & de Cloe-  
 stre l'un contre l'autre. 19.b. 30.a.

Letres du pape, sur le fait du mariage du Duc de Brabant,  
 & de la Comtesse de Hainault. 21.b.

Letres de la Comtesse de Hainault au Duc Cloestre. 24.a.

Letres de deffiance du Duc de Brabant au Roy Charles Vj.  
 48.b.

Letres du Roy Henry d'Angleterre, aux estats de Holandes  
 pour les muiner contre le Duc Philippe leur Seigneur.  
 124.b.

Letres de Messire Jean de Luxembourg aux Chevaliers de  
 la toison. 163.b.

Letres secondes de Messire Jean de Luxembourg, Comte  
 de Ligny aux gens du grand Conseil du Duc de Bourgon-  
 gne. 166.b.

Liegeois en guerre contre le Duc de Bourgogne. 41.a.

Liegeois en paix avec le Duc de Bourgogne. 89.a.

Liegeois en armes contre le Duc de Bourgogne. 60.b.

Lyon Cité muinée contre le Roy Charles Vj. 141.b.

Longneville chasteau en Caux, iadis donné à Bertrand Clé-  
 quin, & depuis à la Hire. 116.a.

Luignan maison illustre regnant en Chypre 84.a.

Luxembourg Ducbé conquis par le Duc de Bourgogne.  
 200.b.

M

**M**ans-hari d'Esne prié dans le chasteau de Vixtry par  
 la faction Orleannoise, dont il estoit. 1.b.

Marconisy, & Mont-lebercy fortresses pres Paris rendues  
 aux Anglois par la composition de Meulan. 3.b.

Mariage illegitime du Duc de Cloestre avec la Comtesse de  
 Haynaut. 4.a.

Mariage de Anne de Bourgogne sœur du Duc Philippe  
 avec le Duc de Brabant, oncle du Roy d'Angleterre. 5.a.

Mauroid de saint Leger, Capitaine Bourguignon prisonnier  
 par le commandement du Duc de Bourgogne. 6.b.

Mariage de Jean de la Trimouille, Seigneur de Thouars  
 avec la sœur du Seigneur d'Amboise. 18.b.

Mariage du Duc de Bourgogne, avec la veuve du Comte  
 de Nevers son oncle. 18.b.

Mariage du Comte de Clermont fils du Duc de Bourbon,  
 & de Agnes de Bourgogne, sœur du Duc Philippe. 27.b.

Mariage du Duc Philippe avec la fille du Roy de Portugal.  
 55.b.

Mariage du fils de Sauvay à la fille du Roy de Chypre. 95.b.

Mariage de Jeanne de Bar, Comtesse de Barle, & de Sois-  
 sons

# D'ENGVERRAN DE MONSTRELET.

sons avec le Comte de saint Pol. 107. a.  
 Mariage de la Veuve du Duc de Bedford, avec le Comte de  
 saint Pol, avec Richard de Oudenulle beau Chevalier  
 Anglois. 140. a.  
 Marche Damoyseau nommé Euerard. 128. a.  
 Mille des Faux Advoctat à Paris, voy l'ouffet. 142. a.  
 Mily en Beauvoisis ruiné par les Bourguignons. 127. a.  
 Mommorency, & Moi laissent la pari Angloise, & font  
 serment au Roy Charles Vj. 51. b.  
 Mort du Roy Charles Vj. aduene l'an 1422. 1. a.  
 Mort du Pape Pierre de la Lune. 11. b.  
 Montagu s'accorde avec Estienne de Vignolles dit la Hire. 12. b.  
 Monstreuil Bellay Capitaine François occis deus Harfleur. 132. b.  
 Mort du Duc de Brabant, mary de la Comtesse de Haynault. 33. a.  
 Mort du Comte de Salbercy au siege d'Orleans par une ca-  
 nonade. 35. b.  
 Mort du Comte de Namur, duquel le Duc Philippe recuul-  
 la la succession. 41. a.  
 Mort de Pierre de Luxembourg Comte de saint Pol. 93. b.  
 Mort du Duc Philippe de Brabant. 62. a.  
 Mort du Roy de Chypre nommé de Lusignan. 84. a.  
 Morier Preuost de Paris, lors que les Anglois le tenoient. 77. b.  
 Mort de Anne de Bourgogne femme du Duc de Bedford,  
 Oncle du Roy d'Angleterre, & seur du Duc Philippe  
 de Bourgogne. 87. b.  
 Mort de sainte Treille paisné. 84. b.  
 Mort de Jacqueline de Bauiere Comtesse de Haynault, &  
 de Hollande. 136. b.  
 Mort du Roy d'Escoce par la trahison du Comte d'Artois. 141. a.  
 Mort du Sieur de l'Isle Adam à Bruges. 143. b.  
 Mort de Jean de Luxembourg Comte de Ligny. 181. a.  
 Mort de la Hire Capitaine renommé à Montauban. 197. b.  
 Moysej Capitaine François rend Neelle, & la Fere en Tar-  
 deuaux aux Anglois. 11. b.  
 Monchaux en Normandie, chasteau appartenant au Comte  
 d'Eu repris sur les Anglois. 85. a.

## N

Naissance du Roy Loys xj. 10. b.  
 Naples Roy aume occupé par le Roy d'Aragon sur la  
 Roine Iséane, qui auoit espousé Jacques de Bourbo Comte  
 de la Marche. 4. a.  
 Narbonne Picomte au service du Roy Charles Vj. 2. b.  
 Noyes au Duc d'Orleans, & de la Damoysele de Clenes. 178. a.  
 Normans en sedition contre les Anglois. 146. a.  
 Normans mutinez contre les Anglois. 101. a.

## O

Obeques faites au Comte d'Armignac, iadiu Conne-  
 stable de France, tué à Paris pour la faictu de Bour-  
 gogne. 148. a.  
 Offmout prend prisonnier la Hire. 146. a.  
 Orchimont destruit, & rasé par le Damoyseau Euerard de  
 la Marche. 129. b.  
 Ordre de la Toson institué par le Duc Philippe, les noms des  
 premiers Cheualiers, qui en furent. 56. a.

Orenge Prince Bourguignon rompu avec dixhuit cens  
 Bourguignons, par le Sient de Gaucourt Gouverneur du  
 Dauphiné. 63. b.  
 Orleannois assiegez offrent se mettre entre les mains du  
 Duc de Bourgogne, & que les Anglois ne voulurent ac-  
 cepter. 43. a.  
 Orleans deliuré du siege par la Pucelle Ieanne. 43. b.  
 Orleans deliuré de la prison d'Angleterre espouse la niece  
 du Duc de Bourgogne fille du Duc de Clenes. 176. b.  
 Orleans en soupson enuerle Roy Charles, pour l'alliance  
 qu'il auoit faicte avec le Duc de Bourgogne. 181. b.  
 Orville pres Louvres en Paris, où les Anglois tindrent iour-  
 nee. 106. a.

## P

Prix entre le Duc de Lorraine, & le Comte de Faudemont. 98. a.  
 Paris assailly par l'armee du Roy Charles Vj. dont elle fut  
 repoussée. 51. b.  
 Paris reduite sous l'obeyssance du Roy Charles Vj. 127. a.  
 Parisiens affectez à la pari de Bourgogne, & Angloise. 53. b.  
 Partenay Baron en Poillon pour la pari Bourguigonne. 9. b.  
 Pencach Capitaine François, & le deuoir qu'il feist au fort  
 saint Vincent. 69. b.  
 Pieul Gêil-homme Cyprian pris par les Sarrazins, & fait  
 cruellement mourir pour sa persuerance en sa foy Chre-  
 stienne. 126. b.  
 Philippe Duc de Bourgogne s'exerce, & prepare au duel,  
 qu'il auoit affaire contre le Duc de Cloestre. 26. a.  
 Portugois contre les Maures. 38. b.  
 Poillon de sainte Treille, deconseil & pris par Jean de Lu-  
 xembourg Comte de Ligny. 12. a.  
 Poillon de sainte Treille desait, & pris par les Anglois. 70. a.  
 Poillon de sainte Treille obtient victoire à Garmigny sur  
 les Anglois & Bourguignons. 67. b.  
 Pratois heretiques en Boheme. 96. a.

Ensuynent les prises de Villes disposées par  
 ordre d'Alphabete.

Prise d'Arques sur les Anglois. 196. b.  
 Prise d'Arise, & Landonise en Picardie sur les François  
 par le Comte de saint Pol. 8. b.  
 Prise d'Aumarle sur les Anglois par Longueual. 51. a.  
 Prise d'Aumarle sur les Anglois. 129. b.  
 Prise d'Analon sur les François. 92. b.  
 Prise d'Auchel sur les Bourguignons par le Comte de Van-  
 dosme, où fut occis Deuene Cheualier Bourguignon par les  
 communes du pais. 69. a.  
 Prise de Beaumais et autres Villes voisines sur les Ang. 51. b.  
 Prise de Beaumont en Argonne, & Mouzon sur les Fran-  
 çois, par les Bourguignons. 37. b.  
 Prise de Bray Comte Robert, & autres fortresses par les  
 Anglois. 63. b.  
 Prise de Brethueil en Beauvoisis sur les Anglois. 99. a.  
 Prise de Braine le Comte en Hainault, sur le Duc Cloe-  
 stre. 22. b.  
 Prise de la Charité sur les François. 106. b.  
 Prise de Chartres sur les Anglois. 81. b.  
 Prise de Chasteau landon sur les Anglois. 144. b.



# TABLE DV SECOND VOLUME

Prise de Chappes sur les Bourguignons par le Duc de Lorraine.	52.a.
Prise de Chaumont en Charrolois sur les François, & le supplice de ceux qui y estoient.	94.b.
Prise de Choisy sur les François, par le Duc de Bourgogne.	58.a.
Prise de Compiengne sur les Anglois, & la reprise d'icelle par eux.	11.a.
Prise de Compiengne sur les Anglois.	51.a.
Prise de Creil sur Oise par le Roy Charles Vj. sur les Anglois.	182.b.
Prise de Cressy en Vallois sur les François.	92.b.
Prise du Croy sur les Bourguignons sur les Anglois.	137.b.
Prise du Croy en Picardie sur les François, les articles de la composition d'icelle.	94.
Prise de Dieppe sur les Anglois, & de toutes les villes & Chasteaux du pays de Caux.	112.b.
Prise de Dommart en Pontieu sur les Anglois.	3.b.
Prise de Dommart en Pontieu sur les Anglois.	80.b.
Prise de plusieurs chasteaux sur les Dauphinois au Comté de Guise.	2.b.
Prise d'Estrepagny sur les Anglois, & de Chateau-Gailard par Rouen, & autres places.	49.b.
Prise de Folleville en Saintois les comtes, & ravages de Anglois audit pais.	170.a.
Prise de Gaillon sur les François.	11.a.
Prise de Gamaches en Vimeu sur les Anglois.	129.b.
Prise de Gisors sur les Anglois, la seuldaine reprise par eux.	130.a.
Prise de Gournay sur Aronde par les Bourguignons sur les François.	57.b.
Prise de Guetrou sur les François, la penderie de cent, qui furent ironnés, adventure de l'un deux, qui assila à estre estranglé.	73.b.
Prise de Guise par composition, avec la reddition de plusieurs autres villes par la mesme composition.	16.a.
Prise de Ham sur Somme par les François.	98.b.
Prise de Haplincourt pres Peronne sur les Bourguignons, la reprise audit lieu.	24.a.
Prise de l'argenceaux pres Orleans sur les François, & autres villes pres Orleans.	41.a.
Prise de lury en Normandie sur les François.	14.a.
Prise de la Ferté Milon sur les Anglois, & la seuldaine reprise d'icelle avec grand meurtre des François.	2.a.
Prise de Meulan sur les Anglois par Mesire Jean de Gramille la reprise d'icelle par les Anglois.	2.a.
Prise de la Mothe en Lorraine, par le Bastard de Bourbon, les comtes qu'il fit en Lorraine, & sa route pres Langres.	169.a.
Prise de Longueville, & autres au pais de Caux sur les François par les Anglois.	156.a.
Prise de Louviers sur les Anglois.	56.a.
Prise du Marché de Meaulx sur les Anglois.	166.b.
Prise de Meulan pres Cambrai sur les Bourguignons par Jean Blondel de la part François, & comme elle fut reprise par apres.	34.a.
Prise du Mans sur les François.	26.b.
Prise de Meulan sur les Anglois, par Mesire Jean de Gramille.	2.a.
Prise de Meulan sur les Anglois.	110.a.
Prise de Melan sur les Anglois.	57.b.
Prise de Montreuil-Fault-Yonne sur les Anglois.	144.b.
Prise de Ham sur Somme par les François, sous la conduite de Patbon de sainte Treille.	10.b.

Prise de Meaulx par assaut sur les Anglois, le Marché demeurant en leur puissance qui fut bien tost reconstruit.	165.b.
Prise de Montagny en Champagne sur les François.	62.b.
Prise de Moyennes en Champagne sur les François.	32.a.
Prise de Mussy Euegane par les François.	92.a.
Prise de Naples par les Arragonnois.	8.b.
Prise de Nemours sur les Anglois.	145.a.
Prise de Noelles sur mer sur les François.	72.a.
Prise d'Oisy en Terce sur les François.	12.b.
Prise de Pontorson sur les Bretons par les Anglois.	36.b.
Prise de Pontoise sur les Anglois par le Roy Charles Vj.	190.b.
Prise de Provins en Brie sur les François.	96.a.
Prise de Rambures en Vimeu sur les Anglois.	70.a.
Prise de Rne sur les Anglois.	103.b.
Prise de saint Denis en France sur les Anglois.	105.b.
Prise de saint Denis en France sur les François.	119.a.
Prise de sainte James de Buneron par les Anglois sur les Bretons.	35.b.
Prise de saint Sene en Gascongne sur les Anglois.	156.a.
Prise de saint Valery sur les François.	12.b.
Prise de saint Valery sur les François.	94.a.
Prise de saint Valery sur les Anglois.	96.b.
Prise de saint Valery sur les François.	98.b.
Prise de Sodune, ville au Comte de Vertu sur les Anglois.	13.a.
Prie de Soissons sur Mesire Jean de Luxembourg par la Hire.	139.b.
Prise de Terny sur les Anglois.	145.a.
Prise de Torcy par les Anglois.	51.a.
Prise de Verneuil en Normandie sur les Anglois.	14.a.
Prise de Vrege par Jean de Luxembourg sur les François.	12.a.

## R

Raix l'un des Barons de Bretagne, & Maréchal de France convaincu de Magie, & brisé à Nantes par jugement du Parlement de Bretagne.	174.b.
Rambures rend la place d'Estrepagny aux Anglois.	51.b.
Reconciliation du Roy Charles Vj. avec ceux qui avoient sermé luy son filz.	170.b.
Regnauld Bastard de la Hire court le pais de Picardie & desist ceux d'Abbeville issuz contre luy.	175.a.
Regnauld Capitaine de Laron, chef de la forteresse de Milly en Beauvoisis.	192.a.
Retraite des Anglois de devant Orleans.	43.b.
Retraite des Lorrains de devant Paudemont.	78.b.
Retraite des Flamans de devant Calais.	139.a.
Renolt premiere du Dauphin Loys, contre le Roy Charles Vj. son pere les foteurs d'icelles ce qui en aduint.	171.a.
Richemont frere du Duc de Bretagne, fait Connestable de France.	11.a.
Richemont Connestable de France.	161.b.
Robetaillade Baron de Gascongne se rend au Roy Charles.	197.a.
Rodrigue de Villandray Capitaine pour la part François, gaste le pais de Bordelois.	159.a.
Route des Roys d'Arragon, & de Navarre devers Goyette par les gens du Duc de Milan.	10.b.
Route des François, & Escois à Crenant.	8.a.
Route de François à Verneuil.	14.a.
Route des François à Rouvray en Beausse, appelée la journée de Harent.	42.a.

# D'ENGVERRAN DE MONSTRELET.

Route des Cypriens, & de la prise de leur Roy, & de la Ville de Nicose par les Sarrazins. 26.b.  
Route notable des Lorrains, & François par le Comte de Faudemont, aidé des Bourguignons, & Anglois. 75.b.

S

Sacre, ou couronnement du Roy Charles Vii. à Poitiers. 1.b.  
Sacre du Roy Charles Vii. à Reims, & le retour de sa fortune. 48.a.  
Sacre du Roy Henry d'Angleterre, comme Roy de France, en l'Eglise nostre Dame de Paris. 77.a.  
Saisie des terres, que le Comte de Pontieu avoit en Hainault. 9.a.  
S. Pol Comte guerroyé par le Roy Charles Vii. & contraint de luy faire obéissance. 184.b.  
Sainte Croix Cardinal enuoyé par le Pape pour reconcilier le Duc avec le Roy. 83.a.  
Salisbury Comte Anglois descent en France avec nouvelle armée. 37.b.  
Saucuses, & le Bastard S. Pol Chevalier de la part Bourguignonne pris devant Paris. 54.b.  
Saucuses, & Creuqueux vaillans Capitaines Bourguignons. 57.a.  
Saucuses Capitaine Bourguignon, Capitaine de Montdidier. 94.a.  
Secours du Duc Philippe à ses subiects au Duché, & Comté de Bourgogne. 91.b.  
Secours de Bourguignons au Duc de Savoie contre le Duc de Milan. 35.a.  
Secours des François à leurs gens assiégés en Compiègne par les Bourguignons, & comme le siege fut levé. 65.a.  
Secours des François à leurs gens assiégés dans Lagny sur Marne. 64.a.  
Sedition du peuple de Tournay. 16.a.  
Sedition à Tournay. 26.b.  
Sedition des habitans de Tournay. 38.a.  
Sedition à Tournay pour raison des pretendans l'Evesché dudit lieu. 90.b.  
Sedition des Romains contre le Pape. 97.a.  
Sentence diffinitive du Pape sur le fait du mariage du Duc de Clofetre, & de la Comtesse de Hainault. 32.a.  
Serment solennel du Duc Philippe de Bourgogne de jamais ne ramentevoir la mort du Duc Jean son pere. 118.b.  
Siege du Crotoy par les Anglois. 7.a.  
Siege de Crenant sur les Bourguignons. 7.a.  
Siege de Beileem en Flandrois sur les Bourguignons, & comme il fut tué par les Anglois. 8.b.  
Siege de Guise en Tierrace appartenant au Duc de Bar sur les François. 12.b.  
Siege d'Orleans par les Anglois. 38.b.  
Siege de Compiègne par les Anglois, & Bourguignons. 62.b.  
Siege des Anglois devant Montargis. 32.b.  
Siege & assaut de Hermonford en Hollande par les Bourguignons sans effect. 34.b.  
Siege de Calais par le Duc Philippe avec les Flamans. 130.b.  
Siege du Crotoy sur les Anglois par les Bourguignons, fort

mal conduit.

148.b.

Siege de Harfleur par les Anglois le secours qu'y voulurent donner les François. 173.a.  
Siege memorable de Pontise par le Roy Charles Vii. 187.a.  
Sombresset, Anglois court Anjou, & Bretagne. 198.a.  
Subsides mises sur les cernoses à Tournay. 38.a.  
Suffort Comte Anglois, Capitaine general du Siege d'Orleans apres la mort de Salbery. 39.a.

T

Talebot en France avec nouvelles forces Angloises, & ce qu'il y fit. 97.b.  
Tartas Ville de Gascogne, où le Roy Charles Vii. tint iournee assiegee contre les Anglois, qui n'y comparurent. 195.b.  
Toujon d'or celebre par le Duc Philippe, presente au Duc d'Orleans, & par luy acceptee. 179.a.  
Tournay cité en sedition, & division. 4.a.  
Tournay en sedition. 10.b.  
Trabison pour surprendre le Chasteau sainte Ange decouverte, le trabisire puny. 87.b.  
Trabison decouverte contre le Duc Philippe, & les trabisires punis. 92.b.  
Traicté, et articles de la reditio de Meulx aux Anglois. 2.b.  
Traicté d'accord entre le Duc de Brabant, & le Duc de Bourgogne d'une part, & le Duc de Clofetre, & Jacqueline de Bauiere sa femme. 18.a.  
Tremblement de terre en Espagne, & en Languedoc. 35.a.  
Traicté final entre le Duc de Bourgogne, et la Comtesse de Hainault par lequel les terres, et Seigneuries d'elle devoient appartenir apres la mort au Duc, & son heritier. 37.b.  
Traicté de la paix d'Arras. 112.a.  
Traicté de paix entre France, & Angleterre. 169.b.  
Trefues entre les Bourguignons, & François. 53.a.  
Trefues pour six ans entre Bourgogne, & France, qui furent sans effect. 83.a.  
Trefues entre France, Angleterre, & Bourgogne, & les articles d'icelle. 203.b.  
Trimouille naure, & emprisonné par le Seigneur du Bueil, & autres ses haineux, en la maison du Roy au chasteau de Chinon en Touraine. 93.b.

V

Vaudemont pour la faction de Bourgogne. 74.b.  
Vaudemois Côte assailly par le Duc de Lorraine. 74.b.  
Vaudemont Ville assiegee par le Duc de Lorraine. 75.b.  
Vaudemont en guerre contre le Seigneur de Osfontille, & les Lorrains. 155.a.  
Vaudemont convert le pais de Barrois, & de Lorraine. 176.b.  
Vergy, & Chasteau-Villain Gens-bommes Bourguignons en guerre l'un contre l'autre. 88.b.  
Villore des François au Mont de saint Michel, contre les Anglois. 33.b.  
Villore des François à Montargis contre les Anglois. 32.b.  
Villore des François sur les Anglois à Gerberny. 104.a.  
Villore des François sur les Anglois à Patay en Beausse. 46.a.

